




GULIELMI PISONIS  
MEDICI AMSTELÆDAMENSIS

INDIÆ UTRIUSQUE  
RE NATURALI ET MEDICA

LIBRI QUATUORDECIM,  
Quorum contenta pagina sequens  
exhibit.



Clarissimo Doctissimoq[ue] Viro Francisco Schage M.D. apud Amstelodamensem  
Practico felicem et suauissimum et suauissimo, harmonienta desultoria  
in amicitia.



# A V T O R E S E T T I T V L I

Librorum, qui hoc Volumine  
exhibitentur.

G V L I E L M I P I S O N I S,  
Medici Amstelædamensis,

- I. De Aëribus, Aquis, & Locis.
- II. De Natura & cura Morborum, Occidentali Indiæ, imprimis Brasiliæ, familiarium.
- III. De Animalibus, aquatilibus, volatilibus, & terrestribus, edilibus.
- IV. De Arboribus, fructibus, & herbis medicis, atque alimentariis, nascentibus in Brasilia & regionibus vicinis.
- V. De Noxiis & venenatis, eorumque Antidotis. Quibus insertæ sunt Animalium quorundam vivæ sectiones; Tum & aliquot Metamorphoses Insectorum.
- VI. Mantissa aromatica &c. Posita post Bontii tractatus.

G E O R G II M A R G R A V II D e Liepstadt

- I. Tractatus Topographicus & Meteorologicus Brasiliæ, cum Observatione Eclipsis Solaris.
- II. Commentarius de Brasiliensium & Chilensium indole ac lingua &c.

I A C O B I B O N T I I,  
Bataviæ in majore Java novæ Medici ordinarii,

- I. De Conservanda valetudine.
- II. Methodus medendi.
- III. Observationes in cadaveribus.
- IV. Notæ in Garciam ab Orta.
- V. Historia Animalium. } Quibus sparsim inseruit G. Piso Annotatio-
- VI. Historia Plantarum. } nes & Additiones quà icones atque res necessarias.

S E N E C A : *Veniet tempus, quo ista, qua nunc latent, in lucem dies extrahet, et longioris ævi diligentia.*



SERENISSIMO ATQUE POTENTISSIMO  
PRINCIPI AC DOMINO  
D O M I N O  
F R I D E R I C O  
G U L I E L M O:

DEI GRATIA MARCHIONI BRANDEBVRGICO: S:  
ROM: IMP: ARCHICAMERARIO ET ELECTORI:  
MAGDEBVRGI: BORVSSIAE: CLIVIAE: IVLIAE:  
MONTIVM: STETIN: POMERANOR: CASSVBIOR:  
VANDALORVM: ET IN SILESIA CROSNÆ AC  
IAGERSDORFFII DVCI: BVRGRAVIO NORIBER-  
GENSI: PRINCIPI HALBERSTADIensi AC MIN-  
DENSI: COMITI MARCÆ ET RAVENSBERGI:  
DYNASTÆ IN RAVENSTEIN: &c.

SERENISSIME PRINCEPS, ELECTOR AVGVSTE:



Vgusta res est Historia Naturalis ,  
utpote eisdem , quibus hoc Vniver-  
sum , terminis comprehensa . Quo  
ipso constare arbitror , quantæ molis  
opus suis sibi humeris imponant , qui  
eam posteritati tradendam sumunt .  
Fecit olim , & tam felici successu ,  
quam stupendo ausu , Plinius major . Etiamne perfecit ?  
Certe non potuit : non fatiscente animi qua facile vel  
alterum valuisse Orbem complecti , magnitudine ; sed  
deficiente rerum materia . Defectus illius causa fuit , non  
una ; potiores tamen duæ . Altera , quod Indiæ , jam tum  
notæ , non satis tamen essent cognitæ , nedum perspe-  
ctæ . Vtpote adiri solitæ , non mari , non pace , sed ter-  
ra atque bello . Quorum nihil esse aut isto difficilius at-  
que mille discriminum plenius , docuere integri per so-

## E P I S T O L A

litudinum vastitates & omnium rerum egestatem dele-  
ti exercitus: aut illo inimicius scientiarum propagatio-  
ni, omnium temporum historiæ loquuntur; ut ne di-  
cam, experientia quotidiana. Altera, quod major ter-  
ræ pars, universa America scilicet, spissis ignorantia  
nebris involuta, velut in Chao deliteret. Quæ tempo-  
ribus avorum reperta, patrum detecta, nostro lustrata,  
præbuit uberrimum priscis adjiciendum copiæ rerum  
cornu. Quarum quia ipse non contemnendam partem  
fui & inspector & notator, sub auspiciis Illustrissimi Io.  
Mauritii, Nassavii Principis, & Brasiliæ, terra mari-  
que, Præfecti, Tuæque nunc Celsitudinis ad Impe-  
rii Comitia Legati, certe non debui hoc talentum,  
quod mihi Deus ad enarrandam gloriam suam concre-  
dedit, abscondere, & servum me facere inutilem. Quod  
à me amoliri crimen fatagens, cœpi ex observationi-  
bus illo tempore collectis concinnare Historiam, cum  
Naturalem, tum Medicam, eorum, quæ Occidenta-  
lis India suo in sinu fovet salubria humanæ saluti. Quæ  
nunc, cum Orientalis Indiæ desideratis Naturæ the-  
sauris simul in lucem prodire gestiens, Serenissimam  
Tuam Celsitudinem adeundam sibi putavit, quo sub tan-  
ti nominis non solum auspicis decus, si quod habet, tue-  
ri; sed & patrocinio ac favore tuta, facilius scatque effica-  
cius probare aliis possit. Id vero audendum sibi tanto fi-  
dentius existimat, quo minus, præsentis seculi calamita-  
te, & perstrepentibus undique bellorum procellis, securi  
ac tranquilli secessus conceduntur Musis his, quæ sani-  
tati imprimis prodesse, &, si fas est dicere, fatalia ac de-  
cretoria vivendi tempora, quasi novis rationibus propa-  
gare velle, ostendunt. Qua etiam de causa, & quod non  
interpretetur se eorum, quæ ad sensuum blandimenta ac  
voluptatum illecebras sunt excogitata, vel ad pompam  
& ostentationem.

## D E D I C A T O R I A.

& ostentationem vanam comparata , sed simplici stylo circa summi Creatoris opera versari profiteatur , indigna non debet videri , quæ Tuum Nomen gestet in frontispicio , & sub tam augustæ inscriptionis tutela vivere ac vigere in oculis hominum desideret . Fuit illa priscis seculis Regiæ dignitatis pars non infima , Cælique Terræque tractus & Marium spatia atque proprietates percontari , eorumque interpretibus bene velle ; & combinatis pacis bellique studiis firmiorem ac beatiorem imperii possessionem sibi asserere : idque non adeo multa literarum peritia , quam ex vero earum usu . Eruditi audiebant Tiberius , Nero , Domitianus , aliqui ; maximo interim humani generis exitio nati . Trajanus contra & Alexander , eorumque similes , etsi minus eruditi , lumen tamen vel imprimis mundo intulerunt . Eadem ratione recentiores inter multi Christiani Principes longe potentioribus prævaluerunt , & supra Mortalitatem seitantum non extulerunt , potentia semper animi cultum adjungendo , & ad suam suorumque salutem , in omnibus ceu Cynosuram intendendo . Quæ procul dubio causa est , quare omnium largitor Deus homines docuerit tot scientias & artes , ingenio item & sapientia atque prudentia instruxerit . Tu certe , P R I N C E P S C E L-  
S I S S I M E , qui copiis , & imperio tam late patenti , non vi & sanguine quæsitis , sed ab avis & atavis longa serie , veluti per manus , traditis , ac vigore animi corporisque carus simul & suspiciendus factus , magnum & illustre ejus exemplum præbes , dum premendo majorum vestigia , tantarum felicitatum cumulo , tanquam colophonem superaddere illam sapientiæ partem contendis , quæ in contemplatione operum Dei naturalium consistit . Quod in Celsitudine Tua studium procul dubio non parum promovit , recens ejusdem commatis documentum Illustris-

## EPISTOLA DEDICATORIA.


simi Io. Mauritii, qui publicæ omnino salutis interest, se existimavit, si imposterum Europæis non lateret, quam longe lateque per universum terrarum Orbem diffusa sit immensa rerum Natura. Quod ut effectum daret erectioris animi Princeps, investigationum difficultates sumptibus suis & auctoritate non solum sublevavit olim in India Occidentali; sed & omnes illos, qui agricultura, venatu, aucupio, piscatu vitam tolerarent, mihi parere jussit. Quid mirum, si tanti Herois studium atque favor me inflamarint, ut & volumen hoc ad umbilicum perducerem, & confectum atque meliori cura excultum, additis quamplurimis, hactenus aut incognitis, aut neglectis, neque tumido aut præcipiti conamine in umbra excogitatis, sed propria ut plurimum experientia atque usu comprobatis, ad Tuos pedes deponerem. Quod si suscipere dignaberis, perque otium inspicere, & vel umbra favoris Tui prosequi, certe nihil vel auctori optabilius vel operi honorabilius evenire poterit. Quod supereft, D E V M O P T. M A X. veneror, ut Celsitudinem Tuam impleat omni benedictione, prosperitate, felicitate.

SERENISSIMÆ & AVGVSTÆ  
CELSITVDINI TVÆ

Devotissimus cliens

GVLIELMVS PISO.

GVLIELMVS PISO  
LECTORI  
SALVTEM.



Vanto cum molimine , ac vitæ discrimine olim  
majores nostri extremos mundi cardines per immensa  
marium spatia adierint ac lustrarint ; quantaque  
etiam nunc regnandi rabies , & auri sacra fames pe-  
ctora mortalium accendat ad subigendas Orientis &  
Occidentis Indias , neminem latere opinor. Verum  
quanto contra neglectui permulta stupenda Dei & Naturæ opera , in-  
terque ea insolitæ marium siderumque imprimis reciprocationes & , quæ  
inde fluunt , virtutes inferiorum moderatrices , subjaceant , illi potissimum  
experiuntur , qui lucubrationes suas Physicas posteritati reponere , & tantæ  
novitatis arcana morbis medendis applicare gestiunt. Cum porro cuiuscun-  
que ingenui Historiographi suprema lex & cura sit , veritatis se antißitem  
præbere , & illa omnino evitare , quæ genuinam rei gestæ , & pari ratio-  
ne in ea , quam nos jam tractamus , materia , naturæ faciem obfuscare pos-  
sint : nihilominus id genus scriptorum ob tantam rerum caliginem in scopu-  
los facile impingunt ; unde quidem errores præter opinionem propagant , imo  
etiam sublestæ fidei suspicionem incurrint , imprimis si aliqua , vel citra ve-  
terum auctoritatem , vel supra consuetam naturæ vim & ordinem facta ex-  
ponantur. Quæ omnia tantum abest , ut me ob rei difficultatem & argu-  
menti novitatem à proposito absterre potuerint , ut materiæ illa ipsa novi-  
tas ac difficultas , propter utilitatem & dignitatem , animum addiderint.  
Præsertim cum non alienæ fidei vel famæ ( quæ tam facti & pravi tenax  
est , quam recti conscientia ) sed sensuum stabilitus suffragio , quæcumque ex  
amplissimo illo Naturæ Theatro vel ipse observavi , vel à veteranis indi-  
genis accepi , examini & praxi subjecerim. Indignum quippe non tantum ,  
sed & detestabile esse autumo , in re seria , & in qua tot hominum salus  
versatur , ea docere , quæ experimentis haut congruunt , vitamque ægro-  
torum

## P R A E F A T I O

torum ob inanis gloriole aucupium exponere periculo possunt. Ideoque, ut telam hanc felicius pertexerem, partem oneris derivaram in domesticos meos, præ cæteris in doctissimum & diligentissimum D. Georg. Markgravium, Matheios & Medicinæ candidatum, quem in Indias mecum adduxeram, ut, præter exercitia Astronomica & Geographica, pensiculare observaret externas potissimum figuras illarum rerum naturalium, quarum ego virtutes internas præsidiaque medica firmandæ vel restituendæ valetudini nata, sollicite experirer. Animalium denique, & avium ac piscium exta crebris sectionibus lustravi, tandemque aviis terrarum per agratis nulliusque antè pede tritis, imagines ad vivum à pictore, mecum per mediterraneas solitudines peregrinante, expressas adjunxi. Cum autem nihil frequentius soleat evenire rebus exoticis minus perspectis, quam ut temere, vel ad superstitionem usque extollantur, vel infra meritum deprimantur, & abjiciantur: omnino interesse putavi, quo ne confusa Musarum supellex apud civilioris notæ populos prostituatur, ut, id quod ante decennium in editione Historiæ Naturalis Brasiliæ (nimis præcipitanter, per meam à prælo absentiam in lucem protrusæ) promiseram, nunc tandem præstem; scilicet utilia ab inutilibus, vera à dubiis & superstitionis, salutaria à noxiis separem: tum, ut ea simul promam, quæ difficilioris argumenti, & altioris indaginis, in schedis hactenus meis, ob enarrata impedita, delituerant. Quod an pari facultate perfecerim, qua alacritate suscepimus, aliorum erit judicium. Quidquid sit, ego amoto omni scrupulo, tandem laborem hunc, licet alias satis occupatus, subivi, solidisque rationibus commotus, satius fore duxi, paucis quibusdam displicere, quam magnorum eruditorumque virorum desideriis non satisfacere. Etenim immuni à cacoëthe scripturientis ævi animo hæc, ad ulteriorem rerum cognitionem acquirendam, veternumque ingenii excutiendum, exhibentur. Præsertim autem, cum tot quotidie Europæi Indias peragrantes, atque per commercia perpetua peregrini cum indigenis infinita in usum humanum commutantes, frustra tamen beatitudinem ex earum divitiis quærinent, nisi bona ac vita utilia feligere, atque nocitura vel imprimis fugere & declinare didicerint. Tantum vero abest, ut vel ab Indis petita Aromata, vel ab externis accepta populis remedia, putem nostræ domi natis præferenda,

## A D L E C T O R E M.

ferenda, ut potius existimem, ubique gentium majorem habere cum humana natura consensum, & plus in eam posse, quæ propter solum cælumque commune illi sunt familiariora; & ea propter esse turpius in his, quam in illis cæcutire. Certe nulli, ut egregie Cornelius vere Celsus observavit, adeo se Natura præbuit novercam, cui non sufficientia & medicamenta & alimenta suppeditaverit. Quo & alludit illud Regum sapientissimi: Crevit, ut essent omnia ubique, & sanabiles fecit nationes terrarum. Verum perpetuus ille diversarum undique gentium concursus & mutua societas effecerunt, ut vix aliqua reperiatur terra suis contenta bonis, & quæ non, sub necessitatis praetextu, omni pæne luxu & intemperantia, hyberno velut flatu, sit occupata. Vnde tandem pertinax consuetudo obtinuit, ut exotica simulac patria pari zelo, tanquam ritæ & valetudini tuendæ unice necessaria, promiscue expetantur.

Quod cum ita sit, ego, quo multis simul prodeßsem, conterranei mei Iacobi Bontii, olim in Batavia Nova Medici primarii, schediasmata ha-  
Etenuſ ſepulta à blattis tineisque vindicavi, atque ſimul curas ejus priores & posteriores Operi huic affiaavi. Primo, ut defuncti tum cineribus ſua red-  
derentur, tum memoriæ debita perſolverentur præmia. Deinde, ut ipſius Iavæ & Brasiliæ (quæ utraque ſub ejusdem quaſi latitudinis gradu po-  
ſita eſt) dona ſalutifera juxta ſe poſita clarius eluſcerent, atque inde cuique innotefceret, in quibus vel diſcrepet vel conveniat Oriens ab Occidente. Nam, ſicut multæ Indiarum partes circa naturalia inter ſe con-  
gruunt, licet ratione ſitus toto cælo differant: ita & vicini earundem loci ſuprafidem aliquando diſcrepant, & peculiare quid præ ſe ferunt, quam-  
vis videantur prima fronte maxime inter ſe concordare. Quod ſi cui in-  
ſtituta comparatione videbitur Bontium præ nobis felicius aliqua, tum ani-  
malia, tum vegetabilia cum Europæis contuliffe; eum cogitare velim, illi,  
non mihi glaciem fuifſe fractam: illi Asſiaticam antiquitatem obſtetricatam,  
mihi nil niſi Novi Orbis iſſimam barbariem novercatam fuifſe. Vnde  
& neglectum ſtyli nitorem ipſa facile argumentiasperitas excufabit, cum  
Naturæ indagationis quam elaboratæ Orationis potior mihi cura fuerit.  
Quamobrem mercibus hiſ hederam appendere nihil neceſſe eſt, multo mi-  
nus in editione poſthumi Bontii fætus jejune ſuperbire, quum ſolummodo

parentis

## PRÆFATIO AD LECTOREM.

parentis lustrici vices subivi, ne quid illi temere accederet aut decederet.  
Quippe etiam si ob immaturam Auctoris mortem non omnibus partibus per-  
fecte conformatus prodeat, tamen ex eo facile patebit, quam  
— tenui rerum sub imagine multum  
Naturæ fatique subest, & grandis origo.

Annotationes autem & Appendices per me insertæ & Latinitate donatae,  
à fidissimis Indiæ Orientalis Præfectis suppeditatæ sunt, quas illi ab exer-  
citatissimis indigenarum Medicastris observarunt.

Si per qualemque hoc opus, combinatis viribus peractum, remotissimas  
Asiæ & Americæ cœli solique regiones à crassis illis ignorantiae nebulis  
paulatim vindicatas, & sic aditum ad meliora factum censueris, satis su-  
perque hoc labori nostro præmii arbitrabor. Etenim quamvis admiran-  
dam universæ Naturæ œconomiam, ejusque occultos consensus, pro maje-  
state Divini Artificis penetrare humana conditio non ferat: attamen, ex  
quo erudita industria in rimandis Macrocosmi & Microcosmi visceribus  
occupari cœpit, haut pœnitendos exinde fructus ad humanum genus quoti-  
die redundaturos, inficiari nolent, nisi quibus efficacia erroris & ignoran-  
tiæ imposuit, vel male feriata mens veritatis & scientiarum imperat con-  
temptum.

CONSTANTINVS HVGENIVS  
Eques, Dominus Zuylichemii &c.


I N

G V I L I E L M I P I S O N I S,

D. M.

Indiarum Historiam Naturalem.

L E C T O R I.



Mpiger extremos fuge, vel spectator, ad Indos  
Currere; res facta est futile iste labor.  
PISONI placuit quidquid sub cardine nasci  
Sciverat Eoo, viderat Occiduo,  
Sic Belgis praestare suis, quasi pareat uni  
Naturae prope nos & procul imperium.  
Ecce breves Tabulas majestas extera rerum,  
Vno sic Batavo præcipiente, subit;  
Vtraque ad Amstelias accersitur India ripas,  
Vtraque quas jussa est promere promit opes;  
Promit opes, quas fida bonas, infida nocentes  
Terra dat, has fugias, scilicet, has ut ames,  
Hic stupeas, ubi naæta novas animalia formas  
Gaudeat inventis Naso favere suis.  
Nec tamen hoc Tabulae, Lector, ne fallere, dicunt,  
Sola nec has vires muta papyrus habet:  
Quod spectas nihil est; has quæ facundia tanti  
De tota meruit posteritate Viri,  
Has Tabulas reverenter habe: præstantior omni est  
Icone qui docto manat ab ore lepor:  
Hoc duce deductus per tot miracula grandi  
Materiam, dices, grandior ista manus.

CONSTANTER.

THEODORI GRASWINKELII,  
E Q V I T I S &c.

*Ad Belgas super editionem Historiæ Naturalis  
& Medicæ allocutio.*

Estigatricis sublimia munera curæ,  
Depositum cæli nobile, B E L G A tenes:  
Quique vides diteis quas sufficit utraque gazas  
India, se cumulis addere rite tuis;  
Omnem in Naturam penetrantis acumina mentis  
Ingeniique simul judiciique stupes.  
Optima summa foves: nihil hic nisi præmia defunt:  
Hæc Themis, hæc Musæ, Numinæ casta, velint.  
Tollat prima Deus, succedat in altera, rerum  
Dia parens: primus proxima P i s o ferat.

# ALEXANDER MORVS

*Ecclesiastes & sacrarum litterarum Professor.*

I N

D. G V I L I E L M I P I S O N I S,

De Vtriusque Indiae Re Naturali & Medica,

L I B R O S.



*Vis novus hic Mystes Naturæ arcana parentis  
E latebris dìas in luminis eruit oras?  
Quæ certat cum Sole manus? quod pagina nomen  
Præscribet, si promit opes, quas condit Eoo,  
Condit & Hesperio flagrans sub cardine tellus?  
Quod nisi PISONIS, vel APOLLINIS? auctor Apollo  
Pæonii, Aoniique Chori, Medicæque repertor  
Artis, amœnarumque Pater. quem PISO Sacerdos  
Non simplex bis rite colit, Musisque Salutem  
Confociat felice jugo: mea gaudia PISO,  
Delitie Phœbi: non & Phlegethontis avari,  
Quem Ditem nimis esse vetat, vacuumque relinquit  
Quà datur, & magis atque magis deludit hiantem:  
Evocat ille animas mediis ex faucibus Orci  
Pallentes: fatisque moram, quis credere possit?  
Injiciens, reddit Superis, & luce redonat.  
Non habet ille parem doctæ dulcedine linguae  
Multiplicique sono. seu prisæ nobile gentis  
Eloquium, nostrumve petis: seu nomina prisco  
Et pariter nostro placeant incognita seculo.  
Doctor adeſt, aperitque libens quod maximus olim  
Nesciit Hippocrates; non ipse Epidaurius heros,  
Phœbigenæque duo: charos docuiffet alumnos  
Talia, sed PISONE prior nescivit Apollo:  
Si qua fides, ipsas fugiunt tot barbara Musas,  
Surdaque, nec vulgo tantum ignorata profano  
Mille sed utilium peregrina vocabula rerum,  
Pæne timenda sono, guttur læfura loquentis:  
Res tamen ipsa magis guttur læfura bibentis;  
Quam bene! si vitam fugientem in pectore sistat.  
Non ego, qui teneras cantu demulceat aures,  
Mellitos globulos, & sparsa papavere multo  
Verba, sed ægroto minus auxiliantia fundens,  
Viscera cum febris torret sitibunda, requiro:  
Hunc volo, qui pollens facundæ munere lingue,  
Intempestivus non utitur: utitur herbis,*

*Et morbos paribus tetros medicatibus arcet.  
Dulce sonat, si que potuit conferre salutem  
Vox mihi: Cannibalum quamvis sit nata sub oris,  
Magajatasve inter duros, & pinguia labra  
Tuppinaquum, facili versu quos dicere non est,  
Pattagonasque truces, & nudos membra Tapuyas.*

*Hos ubi per populos Victoria leta vehebat  
MAVRITIVM Heroem, bene tu comes additus ibas,  
Corporis Augusti servator, & axe sub illo  
Utilis haud raro monitor, custosque salutis.  
Ille sed indomito dum pulsat robore Solem  
Occiduum, & fusco nigrantes vespere frontes,  
Brasiliaque domos, & forti vulnera dextrâ  
Hostibus imponit Patriæ, tu vulnera queris  
Quo pacio sanare queas, viresque sub illo  
Plantarum, succosque notas, & semina cœl:  
Sic redivivo aderas Chiron redivivus Achilli.  
Pugnat MAVRITIVS, dat leges, oppida condit,  
Barbaricis fulgens spoliis, lauroisque recentes  
Invenit Orbe Novo: tu bellum indicere morbis  
Ausus, in his ipsis collecto milite campis  
Gramineo, & tanquam telis radicibus usus,  
Febriculosa fugas procul agmina: sæva malorum  
Pestiferum dat terga cohors: prænuntia lethi  
Victa jacet legio, debellatique dolores:  
Ipse Duxem vicit sequeris, pariterque triumphas,  
Nec minus æterna præcinctus tempora lauro.*

*Nam, quod pace tua liceat mihi dicere, sanguis  
NASSAVIVS, qui nunc ad Mœni fluminis oram  
Imperio queris Caput, & de Cæsare certas:  
Magna tui superant illis vestigia terris  
Et mansura diu: tamen ævum proferat ultra  
Cognatum PISONIS opus. fundataque moles  
Regifico luxu, & nigris sudata lacertis  
Hoc durante cadet: quæ tu fastigia cœlo  
Eduxti, & vario posuisti splendida ligno,  
Vndique marmoreis centum suffulta columnis,  
Multum Tamarica, multum admirante Paryba,  
Tandem aquata solo tempus feret: atraque saxis  
Mors veniet: non huic veniet, me judice, chartæ.*

*Donec erunt morbi: dum Solem promet ab ortu  
Memnonis alma parens, Thetyisque sub æquore condet,  
PISONIS mea Musa mei celebrabit honores,  
Virvet inocciduo PISONIS gloria Phæbo.  
Nec solum extremis, qua Sol oriturque caditque,  
Gentibus à toto divisis Orbe, sed Orbis  
Quæ patet, inlustrans mortalis commoda vita,*

*Non*

*Non Batavis tantum, patriæque salutifer oræ,  
Vive Liber, mundumque levans & secula morbis.  
Tuque adeo, quem non lucri malesana cupido  
Compulit, aut fulva pretiosum littus arena  
Ire per Auroræ thalamos, Solisque cubile:  
Qui nec pallentis penetralia cæca metalli  
Effodis, & quicquid prudens Natura recondit  
Sub pedibus, meliusque latet, producis in auras,  
Tot scelerum caussam: sed quod Nova Terra benigno  
Extulit effuditque sinu sub Sole propinquo  
Accersis, nostrosque bonus diffundis in usus:  
Non piper, aut cæsus lacrymans opobalsama cortex,  
Non Americana qui manat arundine succus,  
Hybleum superans nectar: tot pabula luxus,  
Et recte gladio plures occidere diete  
Scitamenta gulæ, merces tibi summa laboris:  
Humani sed amor generis, studiumque juvandi  
Egit in ignotas alio sub sidere Terras,  
Trans Indos, extraque vias & Solis & anni;  
Ac mirum in varias fingens animalia formas  
Naturæ ludentis opus: populisque salubres  
Arborei fætus: invisaque littore nostro  
Squamigeri gens uda gregis: nec dulcibus herbae  
Indolis insolite purgantes viscera succis.  
Magne opifer; sic læta fluant tibi tempora vita,  
Fortunate operum! certe dignissimus unus  
Qui fuit in Batavis Phæbi exornare Lyceum,  
Seu quæ Rhene fluis, seu qua Padus amne superbo  
Labitur Euganeis, seu quæ mons Pelion ardet:  
Si non Amstelæ prohiberent otia terræ  
Aurea, totque salus populorum, & gratia florens,  
Nec Procerum spernendus amor, sanctique penates.  
Has ego PISONIS laudes, laudesque medentum  
Ex animo cecini: noli dubitare legendo:  
Quisquis enim dubitat, verbo mihi vicitus abibit:  
Audiat hoc unum, quæso: dictavimus ægri.*

*Ex grabato meo Proprid.  
Kal. Jun. ÆRA VVLG.  
A. M D C L V I I I .*

# FRANCISCVS DE VICQ,

M. D.

Ad Collegam suum

G. P I S O N E M.



*Dmiranda , situm , mores , populosque locosque  
Brasiliæ tractus noscere quisquis avet :  
Te legito. Dicet : O terque quaterque beatos !  
Quirivissent Batavi si sua nosse Bona.  
Nunc quid nosse juvat ? Lusi dominantur in oris ,  
Quas chartis Piso tollis ad astra tuis.  
Attamen hæc olim forsitan scripsisse juvabit ;  
Vt stimulent Batavi Vindicis arma , manus.*

I N


*Historiam Naturalem & Medicam*

A

G V I L I E L M O P I S O N E

Conscriptam

E L E G I A.



Via mutandis dum mercibus æquora fervent,  
Quæ lucri cupidâ puppe Batavus arat;  
PISO meus (non ille sequi mortalia natus)  
A fragili tutas tempore captat opes.  
Fama viro nomenque placent, queis fata moretur:  
Per mare nec dubiam sternit in astra viam,  
Hoc vehit Occiduo spolium prædator ab Indo:  
Has illi exuvias victa paravit humus.  
Quamlibet immensum non frustratura laborem  
Præmia mercedis fert dator ipse suæ.  
Incitat hortatrix, validumque, capacia laudis  
Pectora quo stimulet, Gloria calcar habet.  
Otia Letheâ nil distant sorte, quiesque  
Turpibus assimilat nos tacitura feris.  
Carpere sæcla labor Superis parcentia solis  
Nominis æterni conciliator amat.  
Vixque farvet votis sudore carentibus æther,  
Ardua plus humili quem prece cœpta movent.  
Ignea mens natale solum sibi vindicat orbem,  
Et patrio spatiū pro lare Solis habet.  
Sic aditæ magno se jactant Hercule Gades,  
Et stabula Hesperii Geryonæ boves.  
Nec Bacchum sua cepit humus. vos cinnama testes,  
Thuraque, longinquo munus ab orbe datum.  
Quod fuit Atrida medicis Podalirius herbis,  
Sævaque consilio bella regente, potens;  
Luctantem exagitant dum longa decennia Troiam:  
Id tibi, Nassavi maxime, PISO fuit.  
PISO sagax, Natura tuos fugitiva recessus,  
Et tacitâ cæcos pandere nocte sinus;

Belligeri comes arma Ducis non viciā secutus,  
Præcipites Phœbi quā rota mergit equos.  
Dumque per optatæ discrimina lucis emendas  
Et rapit, & raptas quisque recondit opes;  
Duxque triumphator dum diruta Marte Batavo  
Mænia dat flammis, Nerea classe premit;  
PISO Machaoniae meditatur prælia luctæ:  
Faustaque cum Lachesi, cum Styge bella gerit.  
PISONEM famæ sitis intempesta fatigat:  
Cura viro somnos efficit illa breves.  
Hæc trahit, hæc studio vicitoria queritur omni,  
Palmaque, sed nullo facta cruento nocens.  
Iamque sub examen, quodcumque dat Indica Tethys,  
Mittitur, & tellus barbara quicquid alit.  
Vt neque sit regio pretiosis orba metallis;  
Gramine nec campi, fruge nec arva vacent:  
Arceat ut nimium densa nemus arbore Solem:  
Aquet arundineus cerea mella liquor:  
Præpete quam variâ tranetur Americus aër:  
Obsessam coluber sente quis adflet humum:  
Quadrupedum saltus ut inundet turba ferarum:  
Bellua piscoſas quæ populetur aquas:  
Plaga quibus succis, vel ab aspide fixa vel arcu,  
Cedat, & in certam febris itura necem.  
Denique conspicui si quid novus educat orbis,  
Pectora non pigeat quo studiosa capi.  
Morborum domitor, Naturæ Myſta latentis  
Intime, quæ titulis Musa fit apta tuis?  
Laudis avaricie qui mentem raptus honestæ,  
Nulla quod evertant ſacula, condit opus.  
Viscera qui rerum rimaris inhospita: per quem  
India jam nostræ non peregrina domi eſt.  
Sic te dos celebret non unica; ſive potentis  
Eloquii, medice ſive ſit uſus opus:  
Te lector volvatque frequens, placitumque revolvat;  
Rara nec annumeret bibliotheca ſibi.  
PISO, pater Venerum, cor amabile, PISO, Leporum;  
Seria ſive libet promere ſive jocos:  
Pectora ferdentis non fracta cupidine lucri  
Altius humana fer ſuper aſtra viā.

Quod

*Quod facis, assuetam jam plausibus erige mentem,  
Mnemosyne quo te laudis amica vocat.  
Ipse tibi praesta, senium lature, medenti,  
Plurimus acceptam quam tulit aeger opem.  
Longum iter extremos cum sis molitus ad Indos,  
Pagina conficit plus tibi docta viæ.  
Huic nil per terras, per terris latius æquor,  
Vastus, inaccessum, qua patet orbis, erit.  
Indue barbariem domitura nepotibus arma:  
Naviget exemplo postera turba tuo:  
Cedat amans latebras infacia: cedat, iniquo  
Pallada qui Livor rodere dente solet.  
E debellato conspectius hoste tropæum  
Nemo tulit. Dux hoc non neget ipse tuus.*

NICOLAVS HEINSIVS, DAN. F.

*Ad*  
**G V I L I E L M V M P I S O N E M ,**  
M. D.

Cum fore Opus hoc juris brevi publici ,  
ex itinere forte inaudivissem.

E L E G I A .



*Ando aliquid , Vir summe , meas pervenit ad aures ,*

*( Per placuitque meis auribus ille Sonus )*

*Te superaturis in secula tradere chartis ,*

*Occidui , Eoi cardinis Historiam .*

*Quid Naturæ ferat , quid & hinc Medicina , notasse*

*Dicere , Naturæ filius atque parens .*

*Filius ; illa dedit genium tibi nempe : parensque ;*

*Scilicet , in lucem quod venit illa , tuum est .*

*Viveret , o , Phryx ille , suis animalia linguis ,*

*Si qua fides , faciens cum ratione loqui !*

*Quadrupedes , bipedum misti , mi P I S O , catervis ,*

*Proferrent laudes voce repente tuas .*

*Quando creaturæ , Medicorum Maxime , mutæ*

*Deficiunt , homines & vocat iste labor ,*

*Primus inexhaustam celebraret Barbarus artem ,*

*Si Latii posset Barbarus ore loqui .*

*Primus anhelaret mundo narrare , medelas*

*Quot sibi , quam dextre fecerit ista manus .*

*Primus anhelabam tua dicere , meque volentem*

*Impulit in modulos sueta Thaleia novos .*

*( Cunctorum licet illa foret bene conscientia ; cuncta*

*Nam meminisse queunt , & memorare Deæ )*

*Iam male tentabam deductum dicere carmen ,*

*Tardior & solito pes erat atque manus .*

*Miranti , quo forte forem vel fulmine tactus ,*

*Carmine vel Magico mens mihi tacta foret ,*

*Adstitit , & torvum ridens mihi Cynthius aurem*

*Vellit , & admonuit , increpuitque Lyra .*

*Tune velis , inquit , tot oloribus anser adesse ,*

*Tune interstrepere hos , stridere tune velis ?*

*Debeat Hugenius te deterrere : nec unus ;*

*Instar cunctorum si licet ille tibi .*

*Ille , alii plures , quorum vestigia adoras ,*

*Hanc merito laudem praripuere tibi :*

*Qui tot nominibus , toties superatur ab istis ,*

*An decet hunc inter nomina tanta legi ?*

*Sic pater Aonidum : tonitru sic tactus amarae*

*Vocis , Io , dixi , parce , O Apollo , precor .*

*Si veniam , veniam si nescivisse meretur ,*

*Nesciit , & Bruno desit esse nocens .*

*Cum magnis nequittam dicere magna ; fatendum est .*

*Sit satis , in magnis quod voluisse sat est .*

*Si tamen affectu primo postrema probentur ,*

*Non deceat me post nomina tanta legi ?*

*Annuit , & placido ridens jam Cynthius ore :*

**L V M I N A T V P O S S I S H Æ C , S E D V T V M B R A , S E Q V I .**

HENRICVS BRVNO.

I N  
D. G V I L I E L M I P I S O N I S  
L I B R O S,

*De utriusque Indiæ Re Naturali & Medicâ.*



Is o peragrat i promit miracula mundi,  
Clrior & sero Vespere Phœbus adest.  
Non sat Nassovium servasse Heroa putavit.  
Profuit, excussis omnibus, una salus.  
Doctior indigenis, tenues, queis vescimur, auras,  
Et necis & vitæ fercula nosse dedit.

Dic: quando Indarum hæc congesta volumina Rerum  
Evolvisse manu, lumine, mente juvat,  
Et lustras gentes, geminus quas educat Orbis;  
Brutaque, quæ terras, aëra, aquasque colunt;  
Et quæ Vesta sinu parit, & penetralibus abdit;  
Quæque notanda ferunt lucida regna Poli;  
An te Natura diffusa potentia Matris  
Plus capit? an nunc tot grandia corde capi?  
Cuncta prior perspexit Adam, puri Arbiter ævi;  
Dein Salomon, cui non æmulus alter erit.  
Non erit: ut sacræ produnt oracula chartæ.  
Primus, qui pandit plurima, P I S O redit.

P R V D E N T E R.

Ε Ι Σ

# ΒΙΓΛΕΛΜΟΝ ΠΕΙΣΩΝΑ,

## ΓΑΤΡΟΝ ΟΥ ΤΥΧΟΝΤΑ.

ΩΣ τὰς ληγοίδης βίβλας ἡ θρησκευτική πόλων,  
πείσωνος πνυθῆ γε αἴψα μήτε παλαιμή,  
οἵ τε πολὺ διάμαστεν, καὶ μιν λάβε διάμετρον ιδόντες,  
Ηδὲ βαρυτενάχων τοῖον ἐλεξέν εἰπεν.  
Ωιόμην δύστομον ἐγών εἰς ἄκρον ἵκεσθε  
Γέμοσσαν γέσων, ίδμοσσαν βοτανῶν,  
καὶ πάσιν πάντεσιν ἐν αὐθρώπωι σιδηράδη  
Νέσσον πανέμδυα, νέσσον ἀλεξέμδυα,  
Ημετέρης βοτανῆσιν· αὖτε πεπυσμόντος αὐτῷ  
(Πλαστικὸν ὃν σοφίης ἔργοντος απειρεσίης,  
Οὓς πολέων ἀνδρῶν καὶ ἄστεα καὶ νόου ἐγνώ  
Καὶ πελάγη, γαῖη τηλόθεν εἰν αὐτῇ,)  
Νῦν αὖτὸν (πίσ κεν πόδε πεπόντες;) σιδάσκει  
Φοῖβον, αλεξικάκα δέχοντας ἀκεστήν,  
Φάρμακα πολλὰ μὴν ἐσθλὰ μεμιγμένα, πολλὰ δὲ λυγρά,  
Καὶ νεαράς νέσσες, καὶ νεαράς βοτανάς.  
Τένεχέν ἔως Ινδῶν Φανερᾶς σέλας ηλίου  
Γαῖαν τῶα μόνην πάντεοφον Εἰπερίων,  
Τείσις μοι κλέετο καὶ πικῆς μιν Θέμις ἐτίν  
Η ἴσων, ή καὶ λαμπτούμενον λαζέμδυ.  
Εἴτε γάρ Αἰτεροποτίτος ἐν οἰλροΐστι, νέης πε  
Ηδὲ καὶ δέχαις ιδεις ακεστήν.

Φιλίας ἔνεκα ηδον

ΜΑΤΘΑΓΟΣ ΣΛΑΔΟΣ, Αμετλοδαμαι.

G V-

GVLIELMI PISONIS,

*Medici Amstelodamensis,*

HISTORIÆ

Naturalis & Medicæ

INDIAE OCCIDENTALIS

*LIBRI QVINQVE.*



3

G V L I E L M I P I S O N I S

# H I S T O R I A E

## NATURALIS & MEDICÆ

L I B E R P R I M V S.

### *De Aëribus, Aquis, & Locis.*



Edicinam ignotos inter homines feliciter sive constituendi si-  
ve faciendi aptior fabricari norma non potest eâ, quam Hippo-  
crates, omnis in arte boni auctor optimus, tradidit initio l. de  
Aëre, Aquis & Locis. Quicunque artem Medicam, inquit, in-  
tegrè consequi volet, hæc faciat oportet. Primo quidem tem-  
porum anni rationem habeat, quid unumquodque illorum pos-  
sit. Nulla enim in re similia sunt; sed multum differunt, tum  
ipsa ad invicem, tum in propriis permutationibus. Deinde  
etiam Ventos calidos & frigidos, maxime quidem omnibus ho-  
minibus communes, mox autem eos, qui unicuique Regioni sunt peculiares. Aqua-  
rum item facultates examinare convenit; Que inadmodum enim gustu differunt, &  
pondere: sic quoque virtute, aliæ aliis longe præstant. Quare si quis ad urbem sibi  
incognitam perveniat, circumspicere oportet ejus situm, quomodo scilicet ad ven-  
tos, & Solis exortus jaceat. non enim idem potest, si ad Boream jaceat, & si ad Au-  
strum; neque si ad solis exortum, neque si ad occasum. Et hæc quidem diligenter  
oportet perscrutari; tum quomodo in aquis se habeat: utrum palustribus utatur &  
mollibus, an duris: sive ex sublimi, sive ex saxoso loco scaturientibus: falsis item crudif-  
ve. Terra etiam ipsa consideranda, nudane sit & aquis carens, an densa & aquosa: item  
an concava & æstuosa, an alta & frigida. Hominum insuper vietus ratio perquirenda,  
an bibaces sint an lurcones & otio dediti, an vero exercitiis corporis & laboribus aliis  
studeant, & edaces, & vini temperantes. Et ab his quidem singula conjectare oportet.  
Nam qui hæc omnia probe cognoverit, aut certe horum plurima, in quamcunque  
urbem licet ignotam, ingressus fuerit, neque morbos ei regioni peculiares & pro-  
prios, neque communium naturam, quæcunque tandem ea fuerit, ignorabit: & pro-  
pterea neque in eorundem curatione vel dubitabit vel errabit. Quorum utrumque illis  
evenire solet, qui non hæc ipsa sedulo edocetus fuerit.

Quum ergo constet, curari morbos non posse, sine prævia cognitione, cognosci  
vero neque sine notitia rerum, quibuscum vivere homines consuerunt: omnino  
necessæ habeo, Medicinam Indiis & imprimis Brasiliæ congruam ex propria expe-  
rientialia traditurus, ad exemplum Maximi Medicorum, de Natura Cæli Solique ea  
præmittere, quæ lectorem meum veluti manuducant in notitiam eorum, quæ cura-  
tionem morborum istis in oris occurrentium propius concernunt. Quod vel ideo ne-  
cessarium duxi, quia sideribus mire faventibus & regionibus fertilissimis omnino ac  
saluberrimis perperam solet attribui, quod erat vel incolarum vel advenarum intem-  
perantiæ aut imprudentiæ: eorumque imprimis inscitiae imputandum, qui in extre-  
mas & incognitas mundi plagas abeunt, & professione artis, salutis humanæ facile  
præsidis, operam præstent mortalibus, Hippocratis interim præcepti immemores non  
raro deficiunt in sanitate curanda, sive ea conservanda sit, sive erigenda.

Brasiliæ Continens, ut maxima & præstantissima totius novi Orbis pars magno suo  
merito censetur: ita, si penitus introspiciatur, non minus jucunda atque salubris de-  
prehenditur. Adeo etiam, ut Aëris, Aquarumque & Locorum cum temperie tum sa-  
lubritate possit cum quibuslibet Europæ vel Asiae regionibus certare. Situm quippe si  
spectes, figuramque, à secundo circiter ab Æquatore ad quartum supra trigesimum la-  
titudinis gradum excurrens longioris Trigoni speciem refert. Basin habet ad Ori-  
ensem: angulis Æquatorem & Septentrionem spectantibus. Ab illa Basi in Occidentem

recta porrigitur: ita ut Angulus extremus ignotis ad Meridiem regionibus absorbeatur. Quod in Orientem spectat latus, Hesperiis objacet Æthiopibus; interposito vastissimo mari. Vnde est, quod non minore valetudinis ac vitæ commodo, quam animi oblectamento habitetur. Etenim tota ejus frons blandum & benignum Subsolanum, ab auris matutinis natum, continenter recipit. Is mirum in modum homines cæteraque animalia demulcens, atque ab intolerabili Solis, vertici perpetuo imminentis, æstu vindicans magnum quid sanitati tuendæ confert. Flatus ille, siquidem accedit mare, summo mane: sin recedat, adultiori demum aurora exoritur, totoisque dies pervadit. Neque enim, ut multis Indorum in locis, circa vesperam languescit: quin intenditur adeo, viresque sumit eundo & comitante Sole, ut ultra medias noctis horas non raro vigeat, & aëris nocturna condensatio nequeat dilatationem ipsius & motum naturalem facile hebetare ac superare.

Alterum latus (quod à Peruano Regno celsissima montium juga & immensa distinxunt spatia) Zephyrus perflat, ventusque Mediterraneus sera nocte infestat. Qui licet ob admixtos infinitis è paludibus surgentes vapores, habeatur insaluber; adeo tamen à montibus mari vicinis coërcetur, & propulsatur à succedente marina aura, ut vix queat ad littora usque penetrare. Quodsi ob pluviosas quandoque malacias per diem integrum (quod rarum est valde) spirasse contigerit, remotiores à mari, & Occidenti objectos, vehementius; maris vero accolás, atque imprimis nautas, una vix leuca à littore remotos, clementius exercet.

Quemadmodum vero annuis temporibus integri semestris mutationes haud magnæ: ita diurnis & nocturnis evidentiores contingunt; eo quod dies & noctes non magis pares sint spatiis, quam differentes calore & frigore. Nam Sol altius ascendens, postquam terrarum & hominum poros aperuit, profundius & pari intervallo se occulit: unde condensatus aër extremam noctis partem magis rorifluam efficit. Hinc rigidum & penetrans frigus corpora ferit inde à tertia nocturna, maxime vero circa gallicinium, usque ad exortum Solis. Ideoque incautioribus advenis hanc terram recens ingressis perquam molestum atque noxiūm esse solet, & tantum non omnem spem præcidere vitam in hisce vel aliis Indianorum oris beatam transfigendi. Hujus rei non ignari indigenæ, fockum perennem juxta lectos pensiles alunt, ejus ut beneficio insecta non solum venenata, sed etiam nocturnum frigus, simul & terræ fuligines arcere à se queant.

Porro rectus ascensus & descensus Solis brevissima facit crepuscula, noctesque adeo diebus pares, ut ne quidem unius horæ discriminem agnoscant. Noctibus æstivis, frigus intensius: hybernis, quod mirere, mitius sæpe persentiscitur: aëre scilicet tranquillo, & nubibus undiquaque presso pluviasque minante. Ruricolæ post noctes solito frigidiores, dies serenos & fementi proficuos: Medici vero firmam, validamque corporis constitutionem pollicere consuerunt: contra, si tepidæ noctes præcesserint.

Pluvialis temporis initium fit mense Martio vel Aprili; finis est Augusto. Quo Sol redux ex Cancro materiam pluviae ex parte dissolvit in ventos, unde procellæ & turbinæ subinde nascuntur. Has mox vernum tempus excipit, blandissimeque componit. Diversitatem quidem umbrarum, nunc in Austrum, nunc in Septentrionem projectarum, experiuntur Brasiliæ cæterique Tropicorum Incolæ, (Amphiscii propterea dicti) nullam tamen, ut Doctiss. Scaliger, aliquique non infimæ fortis Philosophi, fuere arbitrati, circa anni tempestates mutationem; bis nempe accendentis, & bis recessentis Solis; sed tunc solummodo cum abit ab Æquatore ad Tropicum vel Cancri vel Capricorni, usque dum eo redierit & Æquinoctium absolverit. Prosper Alpinus duplarem æstatem quod uno anno dari testetur in Ægypto, id non tam à Solis quam admirando Nili accessu & recessu provenire existimandum est.

Tempora anni non nisi duo sunt, calidum & siccum æstas dicitur: alterum quod calidum & humidum, ac Veri Europæo simile, brumæ vicem supplet. Idque verissimum omnibus in Indiis intra utrumque Tropicum deprehenditur. Hiemis enim & æstatis initium atque finis licet ob particularia incidentia loci, tum & Æquatoris majorem vel minorem vicinitatem, non in idem tempus incident: plerumque tamen annus sex fere mensibus ad humidum & totidem ad siccum vergentibus absolvitur. Adeo ut vel hinc etiam veritas Strabonis dicti confirmetur, nullum scilicet annum in Indiis inveniri utroque tempore sine pluviis. Et quidem ea ratione, ut hic non, sicut in multis Africæ & Asiacæ, ejusdem nobiscum Latitudinis, oris,

maxima exinde intensio & remissio aestus, sed nulla vel saltet exigua percipiatur, (Sole licet Brasiliensium zenith mense Octobri & Februario transeunte, radiisque secundum angulos acutissimos reflexis feriente terram.) Quæ diversitas istarum regionum Incolis, ob crebras malacias noxiosque temores, interitum: harum contra ob dominatricem auram salutem promittit perpetuam. Vnde facile est colligere anni tempestates esse non tam immediate ex Sole & altris eorumque motu aestimandas; quam ventorum specie & diversitate, Regionisque qualitate ac situ peculiari. Eadem causa solemnis illis Torridæ Subsolanis vel Favoniis reddi potest. Quin in locis hisce Mediterjaneis paulo versus occidentem noctes non solum, sed & dies aliquando sunt frigidiores, quam in orientalibus littoralibus, usque adeo ut pruina aliquibus quandoque capillos riguisse constet. Etenim in Indiis cum multa sint admiranda, illud tamen vel imprimis videtur omnium physicorum ingenia superare, quod in eadem Cœli plaga, Solis accessu & recessu pari, iisdemque anni mensibus ab orientali parte quidem circa Oceanum aestas & siccitas sit; ab occidentali vero trans juga montium & paludes Brasiliæ, hiems, nebulæ & pluviae. Ut in tanta locorum vicinitate, quod ad rationem tempestatum attinet, iidem pene populi sibi mutuo antipodes videantur esse. Quam miram dissonamque naturæ varietatem, atque alia ejusmodi, si quis diligentius apud se reputet, profecto intelliget, Antiquos multa de Æquinoctiali circulo & Torrida zona falso opinatos esse. Cum, contra quam Aristoteles & Plinius aliique sunt arbitrati, non solum habitabile hoc Clima, sed & temperatum ac fertile utique reddant tum rores perpetui, tum pluviae & jucundi à pelago flatus, dum vapores mane surgentes & nebulas tempestive discutiunt, aestumque meridionalem temperant, ac Soles purissimos & nitidissimos reddunt. Hinc vero humorum, qui in nobis sunt, à putredine conservatio. Neque tamen præcipua salubritatis vel longævitatis ratio, ut quidam voluerunt, Æquatoris est vicinitas, ob æqualitatem quam imaginantur tempestatum. Nam multis sub linea Æquinoctiali locis habitatis nec Solum nec Cœlum ad salubritatem favet: sicut Insula D. Thomæ, Guinea aliaque provinciæ testantur, ubi corpora à torrente calore arescant & resolvuntur, minimeque longæva fiunt. Etenim attracti à Sole verticali & præsentissimo vapores ob perpetuas malacias non disperguntur, neque aquæ agitantur, sed stagnant. Tum si qui perflant venti, languidi sunt, & veluti longo itinere fessi, ventis subitis aut mediterraneis facile se submittunt. Vnde temores vaporosi, nebulæ & putredines enascuntur. Quod sub Æquatore navigantes non sine miseria experiuntur in penu & aqua imprimis, quæ putredine fœtoreque concepto bis terve solet corrumpi in vasis recens infusa, priusquam incorrupta & durabilis haberi queat. Brasiliæ vero vastissimus Oceanus tum pluviosis, tum ventis perpetuam ad exhilarandum littus materiam suppeditat, non tepidam, sicut extra Tropicos solet, sed egelidam & sicciam, eamque à Sole illustratam ab oriente in occidentem ad millaria aliquot spirat. Accedit, quod palustribus & male olentibus pluviosis ex continenti ortis, nunquam infestetur. Denique, ut multæ Orientalis Indiæ & Africæ partes, non cingitur vicinis Insulis, neu ventis agitatur turbidis & procellosis.

Cœlum saepe quidem nubibus, ex oriente in occidentem latis, obductum videoas, sed rarissimis & tenuissimis, inque sublimia aëris elevatis, præterquam diebus pluviosis. Sol oriens & occidens inconniventibus oculis adspici potest: tumq[ue] fere ordinario apparet ut colore, ita & magnitudine; adeo ut per quam commode Diameter ejus mensurari queat. Mira undique serenitas est, præfertim circa vesperam. quæ nullos unquam succedenti Lunæ tradit vapores vel nebulas: sed noctes reddit adeo claras ut uno eodemque die Luna vetus & nova confici, litteræque ad Lunam quadratam satis recte legi possint. Eadem Astronomo & ad cœlestia intento promittit multa circa Eclipses & Nubeculas Magellanicas, Veneremque post emersionem à Sole falcata, Mercurium scintillantem & corniculatum, accessus denique Lunæ ad stellas cum fixas tum Planetas, cæteraque Phainomena, partim antea Europæis non visa: sicut multoties fuit à nobis observatum ex specula eminentiori Astronomicis usibus per Illustrissimum D. I. Mauritium Nassaviæ Principem, exstructa, & à doméstico meo accurate descripta, ad quem curiosum lectorem remitto.

Æther pro diversitate aspectuum Planetarum, accendentibus caulis inferioribus, suas recipit intemperies. Crebris fulguribus Cœlum sub vesperam coruscat, tempesta-

te vel maxime serena, sed sicca. Tonitrua si quæ circa Æquinoctia suboriantur, rarissime in Pernambuco & sine fragore audiuntur, utut imbræ effundat: in Maranhœ ceu propiore Æquatori, vehementius & crebrius intonant. Multæ Irides, Halones, Dracones ignei volantes apparent. Grandines vix unquam conspiciuntur. Nec est, qui observaverit altissima montium cacumina nive tecta, aut brumalem ostentasse canitem.

Pluviarum guttæ admodum sunt magnæ, gravique decidunt impetu, quas molestus aliquando tepor præcedere vel sequi solet. Ros Europæo, cum pinguior, atque adeo fæcundior, sic ob nitri quo impregnatur copiam penetrantior multo ac tenuior, præcipue æstate, existit. Manifestum hoc in ferro imprimis, multo magis in materiis minus solidis. Quæ sub dio posita facile corroduntur & exeduntur. Intensior enim Solis radiorum fervor, poros corporum sublunarium aperit usque adeo de die ut nocturno rori subtilissimo facilem usque in profunda aditum faciat. Vnde per quotidianam vicissitudinem humiditatis & caloris illata putredine, vermium diversorum generum fit generatio. Quantum vero omnibus his noxiis estros, tantum gramine & pascuis proficuus, imo necessarius, ne æstate inopia pluviarum torreantur. Hoc solo enim arantia loca & humorem sitientia refocillantur. Nihil item rore magis alimentosum, quo solo tot bestiolæ & infinita insecta vivunt: quod & divinus Poëta dixit; *Quantum ros nocte reponit.* Estque adeo eximiæ efficaciæ ros matutinus, ut & pecora & homines æstuantes, ac spirituum profusione fractos mirifice roboret. Concentrando enim calorem nativum ingeminat, atque appetitum acuit, adhæc urinam provocat.

Eteisii ceu anniversariis ventis serenissimis hæ oræ diversis temporibus gaudent. Semestri enim hiberno sive pluvioso, ex nubilosa austrina plaga intenduntur & Vulturini velut naturam induunt. Hinc vehementius quam Aquilo, mensibus æstivis, dominantur, aërisque imperium obtinent. Adeo etiam ut ductus aquarum inde à mense Martio ad Octobrem illis obsequia præstent. Reliquo anni tempore ex Septentrione in Austrum maria coguntur. Circa Africæ latus occidentale, Brasiliæ oppositum, plane diverso modo se res habet. Quippe ab Aprili ad Iulium mensem, versus Septentrionem rapidus est fluxus; inde ad Octobrem tranquillum mare. Hinc ad Ianuarium versus Meridionalem plagam Oceanus truditur: mox circa medium Aprilis denuo nullum *Currens* maris (ut fluxum illum generalem Verulamius appellat) experiuntur nautæ. Atque hæ diversitates potissimum quidem intra Tropicos libero æquore navigantibus percipiuntur. Adeo ut hi venti generales, Tropæ dicti, minime segnes, partim regendo *Currens* maris, partim proprio flatu (non spontaneo aliquo raptu ab ortu in Occasum, ut Scaliger & ante eum veteres quidam imaginati sunt) id efficiant, ut hinc navales versus Africæ, vel Europæ oras, eadem redire, qua venerant via, nequeant.

Æquor Brasiliense ut plurimum tranquillum est. Cui temeritas Barbarorum se fidens, gemino ligno suberoso, *Iangáda* dicto, insidentes, securè piscaturam exercent aliquot leucis à littore remoti. Cærulea & subnigra ejus facies exterius est, interius viridis. Agitatum noctu ignescit, magnoque lumine refulget. Salsius quoque deprehenditur quam versus Polos, adeoque pellucidum, ut pisces ultra viginti orgyarum profunditatem aureo colore micantes, ex altis pupibus commode conspiciantur, meridiano tempore, Soleque splendente. Actum simul intueri licet, quam diversus & contrarius subinde sit motus in profundo mari, ab eo qui in superficie à tumultuariis fit ventis. Quodjactas bolides, aliasque artis nauticæ conjecturas non parum eludit.

Si mare circa Æquinoctium nimis languidum deprehendatur, admodum insidiosa habetur illa tranquillitas. præsertim, ubi atræ & sordidæ nubes congregataæ, ut fit, accedant, quæque universo repente impetu se effundant, unde momento immensæ ratæ evertuntur.

Licet autem juxta littora æstu satis vehementi salum intumescat, non tamen agros invadit, aut vicinas terras depresso inundat, sed ingenti fremitu rupem quandam sive maris teniam, *Reçiffo* Lusitanis dictam, pulsat maximoque impetu verberat. Illam summo naturæ miraculo & beneficio ibi positam fateri, quotquot videre, coguntur. Crepido enim cautium longo tractu excurrens, instar muri se violentiæ barbari & indignantis elementi objicit, fidisque ac tutas navibus stationes & portus præstat. Largissimam præterea ædibus materiam, qua Olindæ & Paraybæ templo ac monasteria superbiunt, suppeditat. Maximam Brasiliæ partem eadem nunc interrupto & flexuoso, nunc con-

tinuato

tinuato recto que ductu tuetur. Ejus latitudo (quæ planissima est, & quasi arte superficie tenuis polita) ad passus viginti, subinde triginta & ultra se extendit. Tantæ vero altitudinis est, ut vix maximo æstu inundetur.

Nova plena que Luna mare ad duodecim pedum altitudinem (quod in Paranambucensi littore fit circa quintam) attollitur, pariterque deprimitur. Verum non rite observata sex horarum vicissitudine, sed pro ratione decursus fluviorum & pelagi intemperie, vel citius vel tardius æstum vastissimus Oceanus absolvit. Ita tamen, ut mensibus æstivis accessus : hibernis vero recessus sint & longiores & vehementiores. Quid, quod fluxus lunares, paucis tantum à littore miliaribus ; *Currens* vero maris per universum æquor persentificantur navigantes.

Cæterum ad extricandas perpetuas nautarum controversias circa longitudinem hujus Continentis, scire interest, magis ad Occidentem à natura collocatam esse quam peritissimi quique Geographi & Hydrographi hactenus sunt opinati. Operæ pretium itaque duxi illud addere, quod ex sedula observatione Eclipsum Lunarium nobis constat. Initium siquidem deliquii, quod in vigesimum Decembris anni millesimi sexcentesimi trigesimi octavi incidit, inter Olindam Paranambuci, & Vranoburgum Daniæ, tribus horis & quatuor minutis differre deprehendimus. Vnde reducto calculo, facile erit colligere, quæ causa sit erroris ; cum plerique naucleri ultra quinquaginta minuta à nobis discrepent.

Vniversa Brasilia (cujus Incolæ Antœci sunt Hispanis & Æthiopibus ; Pericœci Iavensibus : Antipodes Aureæ Chersonesi populis) Coloniis & Præfecturis quatuordecim, totidemque circiter fluviis distinguitur. Horum beneficio territoria fertilitate & commoditate differunt. Præter quamplurimos amnes, fontibus inclytis & utcunque herbosis habitata Orientalis pars scatet ; iisque passim, mira divina bonitate irrigatur, potumque hominibus juxta ac pecoribus abunde subministrat. Armenita silvestria siti æstuantia eo configunt, seque ad luxum inebriantia aquis, præda fiunt venatoribus. Rapidi sunt plerique fluvii mensibus pluviis, & tunc de subito in altum ex crescunt ac ripas egrediuntur. Econtra vero is, qui Paranambucensis Præfecturæ terminator & D. Francisco sacer, totius Brasiliæ facile maximus est : mensibus quidem æstivis rapidissimus simul & altissimus existit, ruptisque obicibus valentius ruit in campos & mare. Mensibus autem pluviis, quod mirandum sane, aquas decrescere, modiceque tantum in pelagus sese exonerare videoas. Cujus inauditæ diversitatis causam, alii aliam perhibent. Sed sub accuratissimis Regionum lustratoribus & ipsis Philosophis etiam nunc lis hæret. Quamvis autem tanti fluminis fons aut origo nondum à quoquam fuerit lustrata, tamen evidens ratio videatur evincere ex intima parte hujus Continentis descendere, & quidem è Lacu illo mediterraneo à multis celebrato, qui omnes fluvios, ut & hunc nostrum, ab altissimis Peruviæ montibus versus ortum demissos, recipit & in Oceanum emittit. Nostrates hoc flumen celocibus aliisque ratibus *Canoras* dictis ad quadraginta milliaria ascendentibus adhuc satis latum & profundum, insulisque amœnum & scopulis horridum invenerunt. Indigenarum quoque & Lusitanorum fide constat circa quinquaginta milliaribus à mari, ipsum de altissimis rupibus seu cataractis, *Caceras* vocant, præceps ruere nec altius ab iis qui à mari veniunt ascendi posse. Supra cataractas fluminis alveum porro pergere versus *Corum* ad aliquot milliaria, usque ad ingentem illum Lacum, in quo multæ sint insulæ per quam fertiles & habitatæ. Inque hunc Lacum aureas arenas à rupibus auriferis versus Peruviam jacentibus detritas per infinitos torrentes deduci.

Cæteri plerique fluvii vel potius rivi, qui ad hanc Brasiliæ oram in Oceanum effluunt, ad minimarum etiam navium onera à mediterraneis deferenda sunt inepti, quod aquis destituantur. Illi enim paucis exceptis, licet tribus aut quatuor milliaribus non absint à fontibus suis, nihilominus in ostiis magnorum fluminum speciem præse ferunt. Quod fit propter maris accessus, fauces illorum illudentes. Exemplo sit *Rio formoso*, item *Rio grande*, & alii, omnes magnarum navium qua ostia capaces : qui tamen, ut versus mediterranea vix duabus leucis à littore absunt, ita pedibus genu tenus transeuntur. Cum nulli tamen alii in hac Americæ parte reperiantur, qui tantos imbres alveo suo excipient, sed constat ratio. Vastissima montium juga procul à littore demittunt vim illam pluviarum à tergo, & exonerant se versus Occidentem. Mox

versus Orientem ad rapidissima , ne dicam & totius mundi maxima: uno quidem bra-  
chio versus Septentrionem in Amazonum & Maranhan flumina: altero ad divi Fràn-  
cisci , atque illa quæ de la Plata & de Janeiro dicuntur, versus Austrum erumpunt. Hæc  
receptis in se quibusdam amnibus invalescunt & aliquando ad millaria triginta in  
Oceanum labuntur , tanto impetu , ut in ipso mari dulces à nautis hauriantur lati-  
ces , ac si è fonte aliquo salirent. Porro Lacus juxta littus reperiuntur , qui mari li-  
cet vicini & quasi contigui , aquis tamen sunt dulcissimis. Præterea putei , paucis  
ante annis, circa ipsum littus , & quo æstus maris pertingit, effossi, potabiles aquas  
& dulces ignoto vel dubio venarum commercio , impertiunt. Vnde percolatas omnif-  
que salsediniis expertes prorsus haurire datum:quæ licet fontanis inferiores sint , do-  
mesticis tamen officiis sufficiunt. In remotissimis vero desertis rivuli quidam è lacu-  
bus oriundi , hieme dulces , subsalsi æstate existunt ; quod stagnantes Solis assidui-  
tate adurantur.

Tellus hæc ex diverso naturæ lusu constat. Qua enim in planitem longe lateque  
sternitur , gleboso ponderosoque & præpingui ac irriguo est solo *Vergea* Lusitanis dicta:  
multorum fructuum ferax : cannas facchareas imprimis , tum & credita quæque semi-  
na multiplici reddit sœnore. Aprici campi minus æstate , sed mensibus potissimum  
pluviis (licet terra tunc habitantibus tristior videatur ) lætissime virescunt , prataque  
messem negantia pabulis vigent. Frumentum & secale nimis celeriter in germen evo-  
cantur à jugi perpetuoque solis fervore & indulgentia agri. Qui proinde multa versa-  
tione (nec autem interquie unquam indiget) fatigari debet , additaque potius are-  
na quam stercore , ferendis frugibus aptior redi. Secus enim germinatio nimis festi-  
nata aduritur vel exhaerit. Qui ab exoticis seminibus & his quæ diutius in terra fo-  
veri debent , proventum expectant , maturationem retardent oportet. Ne foliis lu-  
xurient plantæ , ac granis postea & seminibus cassæ reperiantur , atque ita spem vota-  
que agricolarum destituant . Committere terræ plantas & semina oportet mensibus  
Februario & Martio , quum nempe finem æstatis excipit tempestas humida. Fieri ve-  
ro utrumque debet prima vespera , non de die , nec adulta nocte. Quæcumque pro-  
fundius & quo radii solares non pertingunt, inhumant, in vitæ discrimin ea incurruunt,  
quod sub cute sua intense frigida terra , præcipua æstate , taleas & semina facile enecet.  
Cujus rei advenæ & novitii experimentum non sine magna jactura fecerunt. Semina  
sicut & fructus colligunt diverso plane tempore in locis acclivis & sitientibus quam de-  
clivioribus & uliginosis. Quid quod horum plurima toto anno & omni tempore plan-  
tentur & germinent : felicius licet vel infelicius , pro locorum & plantarum diver-  
sitate. Quod evidentissime appareat , præsertim circa proceras illas arbores , quas *Co-*  
*cos* & *Palmitas* nuncupant. Etenim hæ citra ullam anni temporis , senique arborum  
observationem transplantatæ virescunt jucunde , & fructibus eximiis abundant , in lit-  
tore sterili gaudentes foveri ; modo radices , quas infinitas & brevissimas habent , le-  
viter tantum terra cooperiantur. Harum enim cæterarumque Indicarum arborum ra-  
dices adeo à frigore subterraneo abhorrere deprehenduntur , ut nonnunquam Solis  
desiderio foras prorumpentes , terra se coendi vix patientur. Nonnullæ arbores & qui-  
dem nobiliores , sicut *Acaíu* , *Vbapitângâ* , *Cajá* , *Andá* , *Iacapucáia* , , *Mureçy* , *Ietaibá* , *Ara-*  
*ticú* , *Ibabirâba* , *Ficus* & *Myrtus* sylvestres *Iamacarú* & *Cambuy* dictæ: Planta quoque  
*Ananás* & alia semel dumtaxat in anno florent , tempore verno , quod circa Octobrem  
est : mox fructus proferunt , Sole ingrediente Capricornum , & durant ultra tres men-  
ses , posteaque quiescunt. Solus , quantum constat , fructus *Guitycoroi* semel biennio ; fru-  
ctus autem arboris *Ibiraé* quod est Guajaci Brasiliensis , vix quadriennio producitur.  
Pauciores arbores nativæ hactenus ad sativas relatæ : sylvestres tamen cum sint , fru-  
ctus elegantes , & gratissimi saporis proferunt , maxima quident ex parte frigidos , cum  
astringendi facultate . Quasi natura benigna hæc mortalibus immodice æstuanti-  
bus solatio dederit , prorucentibusque humoribus frenum imposuerit. Plurimæ arbores  
& frutices toto fere anni tempore flores & fructus feliciter protrudunt , simulque Ver,  
Æstas & Autumnus in iis conspiciuntur. Horum facile principes , *Murucujá* , *Mangába* ,  
*Pacóba* , *Banâna* , *Ianipápa* , *Araçá* , *Pindôva* , *Cocos* , *Mamão Pinhoins* , *Piementa*. Quibus  
annumerantur , *Vitis* , *Citrus* , *Malus Medica* , *Ficus* , *Cucumeres* , *Melopepones* ,  
*Citrulli Malogranata* bifera & trifera , aliaque plurima ex Lusitania & Angola olim ,  
& nuper è Belgio adducta legumina , radices & olera passim in hortis exculta , atque  
in

## HIST. NATURAL. & MEDIC. LIB. I.

In culinis domestica facta. Imo & Piper orientale, & alia infinita exotica, tam sa-  
ta Europæa, quam Aromata Asiatica benigne fert tellus. Sed regio quondam diploma-  
te ne vilescerent propter abundantiam, prohibita & prorsus eradicata. Qui racemos  
per totum annum desiderant, vineas diversas, diversis putant mensibus, maturasque  
postea uvas colligunt. Vnde non ignobile vinum, creticum æmulans, exprimitur.  
Quin & omnis generis fructus atque frumenta etiam nostratia singulari fertilitate ex-  
plerent colonorum spem, si quod universale remedium contra Formicarum illam  
Strumam inveniri posset. Nam locis angustis & quoque uliginosis vel ignis vel aquæ  
beneficio per impigrum agricolam facile arcentur. Sed cum nulla regio ab omni par-  
te beata, vix credo potentissimum hunc hostem superatum iri posse. Quod non tam  
à Soli quam Solis vi procedat, qui ubicunque sub zona torrida, etiam in Indiis Orien-  
talibus, atque in vicina Peruvia, infinitas Formicarum turmas generat. Partes autem  
Indiæ, ut quoque Brasiliæ, extra Tropicum sitæ, Formicas vix norunt; unde &  
fruges ibi uberrima. Vtinam natura plures feras formicavoras collocasset, quæ si-  
mul tot myriades abligurirent, sicut mira illa aspectu animalia quadrupedia *Tamen-*  
*doá* dicta, quæ Canis magnitudine, longis instructa unguibus, alte fodiendo formi-  
carum latebras detegunt, iisque illico exertam trium ferè dodrantium linguam im-  
mittunt exilem, opertamque Formicis repente contrahunt, deglutiuntque dece-  
ptas. Formicæ autem hæc (*Rey do Brasil* Lusitanis non immerito dictæ, quod perpe-  
tuam tyrannidem exerceant) aliquæ Europæarum plane similes, aliquæ triplo ma-  
jores & alatæ, omnivoræ sunt. Aggeres quoque & tumulos ingentes, in modum  
metarum fœni, è terra ab illis exstructos, videas. Huc inopi metuentes senectæ, non  
tecto vel calle angustis, ut Virgilius eleganter de suis Formicis cecinit, sed augustis  
convestant atque reponunt quidquid populant nigra hæc Formicarum agmina; ita  
ut in campis, in sylvis, aliquot leucarum spatio, perpetuæ semitæ, opere earum fer-  
veant. Quam vero noctu Luna plena operentur, interlunioque cessent, quam cele-  
bres undique earum conventus, quam diligens cum obviis collocutio atque percon-  
ctatio, quam denique futurorum quidam sensus, cum, imminentibus mensibus plu-  
viis, tumulos suos cavernosos altiores struant, & quod omnem fere intelligentiam  
superare videtur, granorum in penu reconditorum umbilicum, quo germen emitti  
solet, sollicite excidant, hic conspicere datur. Ita ut vel stupidissimus spectator Salo-  
monis proverbium in memoriam revocet, ubi ignavos ex earum œconomia incita-  
mentum laboris capere jubet. Plura de mirando regime dicenda forent, nisi jam  
dudum propositi limites transiisse.

Qua lacustris est hæc Regio, ob perpetuam uliginem funditus æque ac in superfi-  
cie viret. Tum diverso plane herbarum fruticumque palustrium genere, adeoque mi-  
ra naturæ solertia luxuriat, ut herbosam terram, non aquam dices, amphibiorum  
æque & piscium latibulis destinatam. Non omnia loca paludosa & lacustria insalubria  
esse, monumenta veterum quoque confirmant in Italia, ubi insignia quædam & fer-  
tilissima habitacula paludibus proxima, incredibili tamen salubritate fruebantur, pro-  
pterea quod commercium haberent cum mari, & motione perpetua non paterentur  
stagnantes putrescere. Circa ostia vero fluviorum, ubi paludem aqua marina singulis  
æstibus inundat, ab immensa Ostreorum & Cancrorum multitudine perreptatur, at-  
que tortuoso illo arborum genere, *Mangle* dicto, ita obsidetur, ut viatoribus & pisca-  
toribus prorsus sit inaccessa.

Qua montosa, raro sterilis vel otiosa apparet, sed in acclives & amoenos colles  
(exceptis vastissimis montium jugis in desertis mediterraneis) exsurgit. Contingit qui-  
dem arbores & gramina mensibus pluviis lète virentia, æstivis ob ardore solares  
emori, eaque incensa ingenti spatio subinde incendium producere; sed ipsi Incolæ iis  
incommodis prospicere norunt, dum loca illa excisarum & recenter combustarum  
cineribus fœcundant, ut frugibus Cerealibus Ameri anis aptiora fiant.

Qua arbustis sylvisque densissimis vestitur, multo olim labore Lusitanos ad pyxidem  
nauticam iter suum instituere coëgit. Quod nostratibus etiam nunc & mihi usui fuit,  
in muniendis viis per deserta, patentque nemora in longitudinem aliquando ultra du-  
centas & trecentas leucas. Qua ad arborum vastitatem, cymbæ uniligneæ ex iis fiunt  
centum & quinquaginta hominum capaces. Qua ad altitudinem, sagitta à fortissimo  
emissa quarundam summitatem haud facile superat. Arbores denique variae magni-  
tudi-

tudinis indiscriminatim hinc inde per campos & sylvas videre est, earumque ramos variis carduis, imo & integris diversæ speciei arbusculis frugiferis onustos & ornatos. Haud dubie, quia tot volucrum cohortes, cum excrementis simul alvi nucleos semi-naque fructuum ibi deponunt: quæ in fervido earum ventriculo præmacerata, facilius germinant. Ex hisce nemoribus fragrantissimæ quoque arbores balsamis & gummari gravidæ, non tantum medicinæ gratia, ut *Copaiba*, *Cabureiba*, *Icicariba*, sed lucri causa ob colores & tincturas varias, aliosque usus eximios ad Europæos appортantur. ut sunt *Ibirapitângâ* arbor illa Brasiliensis *κατ' ξένων* ita dicta, & rubra tinctura nulli non nota. *Tataiba* sive lignum flavum. *Arariba* cortice rubro. *Vrúcu*. *Iacaranda*. *Antinuba* sive *Cedrus alba*, & aliæ multæ quæ ædificiis navibusque struendis aptissimæ, quod aquis miras perviae sint & ferant ætatem. Ex quarundam corticibus nunc funes igniarii, in militantium usum, nunc in navium necessitates torquentur, & rudentibus materiam subministrant. Denique è collisis lignis *Caraguatá*, *Tataiba*, *Ambaiba*, aliisque ferulaceis plantis ibidem nascentibus, ignis luculentius, quam ex concusso silice, à Barbaris elicitor.

Si quæ loca sint aridiora, mirabiles illas Climaces, seu funes potius ἀφύλλες, generali nomine *Timbó* & *çipó* appellatos proferunt, quæ sua flexilitate & tenacitate apud fabros & vietores ligaminum, contusa apud piscaṭores, coriarios, & naupegas, rhois & stupæ vicem supplent. Inter has Climaces, non minus notatu digna illa quæ *Guembé* nomen à Brasilianis accepit. Texitur enim Cannabis & Sparti modo, cum alios in usus, tum præcipue in anchoralia: neque materia ulla ad nauticos funes & maris impetus aptior; namque ut salsuginem amat ea planta, funis quoque ex illa confecta mari-nis aquis immersa, identidem revirescit. Et anchoris alligata, fluitantes in salo naves egregie continent, non tam ab innata duritie, vel operis firmitate, quam viriditate ipsa, & lentitia quadam ad instar corii: ut se vel in altum elato navigio, modo in tenuitatem extendat, vel residente rursus in crassitudinem contrahat: quod secus in nostris evenit rudentibus, quæ nimirum ipsa vi ac pertinacia sæpe rumpuntur.

Nemorum pleræque arboreæ, cum ab Autumni & Veris vicissitudine nihil fere patiantur, frondibus tamen & foliis non eodem simul tempore vestiuntur & spoliantur. Præterea non unaquæque arbor foliis simul omnibus orbatur, sed parte una decidente altera tam diu manet, donec prior repullulet. Mirari quoque subit, primum naturæ hoc fœcundissimum theatrum contemplantem, herbas & plantas in Europa à natura molles, hic caulis ligneous luxuriare: Earum quoque non paucas ratione loci inter se plurimum discrepare; nam quæ vix fruticis magnitudinem æquarent in pratis, in densis nemoribus summæ videri proceritatis. Accedit, quod varii generis *Hederae* fabiferæ, Phaseolique pulcherrimi, suprema arborum cacumina scandentes, topiarii instar operis perpetuam umbram præbeant. Inter hæc virgultorum opaca, ipsis Faunis consecrata homines pariter ac feræ se abdunt vivuntque secure. Multi enim in illis sunt secreti tramites; qui sui gnaros haud parva in venando voluptate perfundunt. Quæ sylvarum fontiumque prærogativa multis Indiarum regionibus denegata est, maximeque occidentalis Africæ parti habitatæ, ac propterea Torridarum regionum nomen merito obtinent: ab immodo enim & ingenti æstu dehiscunt illæ, ut ad fluvios umbrososque saltus dissitissimos pecorum greges amandari necessum sit. In agro enim arenoso longe majores ab incolis perferuntur calores, quam si terreus esset eodem Solo, Cælo & Sole. Ita & montosa differunt à planis & nemorosa à nudis, ac perinde ut humilioribus aut altioribus montibus assurgunt, magisque aut minus sylvis vestita sunt, frigus aut calorem aéri majorem aut minorem conciliant.

Porro sicut Peruvia crebro ex æstuantibus cavernarum latebris: ita nunquam Continentis hujus tractus orientalis terræ motum fuit expertus. Metallis enim & igne subterraneo, spirituum & vaporum genitore passim destituitur. Excipe montes in Præfectura *çára* adeo argentiferos, ut thesauros hactenus pollicitos, nunc cum fœnore Batavis præstare cœperint, atque etiam nunc præstarent, modo Plautinum illud minus in nos quadraret.

*Tum denique homines nostra intelligimus bona,  
Cum qua in potestate habuimus, ea amissimus.*

Atque hæc de diversitate terræ nobis cognitæ.

Illa autem deserta & solitudines frequentibus jugis arduas, inque Occidentem porrædas

rectas Anthropophagi tenent. Europæi qui investigando loca incognita vastissimos istos & fragosos saltus penetrarunt, testantur, se non minus fertiles ibi, herbososque montes & convalles vario animalium genere occupatos vidisse, quam in littoralibus & habitatioribus locis. Quod ipsum postea verum comperi: hoc tamen discrimine, quod quo ad mediterranea loca penetres altius, eo plura quidem mineralia eaque ignobiliora se offerunt, sed fontium inopia atque ob auras devigescentes æstus diurnus major, & noctium frigus intensius: frequentiores denique lacus pisces hybernæ pluviæ, in æstivam penuriam, suppeditant. Mediterranea enim opem plurimam à cælo imbrido habent, non circa vegetabilia solum, sed & ferarum atque pis- ciuum miram obæsitatem, ut condimento proinde minori indigeant. Mel quoque sylvestre, fructus *Iacabucajo*, *Ietaiba*, Palmæ & sylvestres Ficus, defectum fructuum *Acajú* in desertis locis supplent. Quæ tesquis & rubis, cæterisque spinosis fruticibus passim adeo horrent, ut vi via facienda sit. Inter cætera, *Caragúatá*, aliique cardui, rorem & aquam pluviale copiose concavis foliis, calicis instar perpetuo continent, quæ deficientebus rivis & pluviis ingenti solatio hominibus æque ac animalibus existunt.

Duæ tantum indomitæ feræ (serpentibus exceptis) in tam vasta Regione extimescendæ reperiuntur, Tigres & Apri. Quarum illæ insidiosæ, velocitate valent: hi tardiores sunt cursu. Vtræque autem famelicæ existunt. Eadem pastæ, quod mirere, adeo fiunt ignavæ & meticuloſæ, ut ab ipsis Tapuyeris, & gregariis etiam canibus, in fugam confestim agantur & capiantur. Usque adeo satietas non homines tantum sed & feras enervat. Inter bellias marinas vero, plures invenias feroceſ & prodigioſas satis. licet enim summè admirabilis Dei potentia atque solertia in rebus cœlestibus, iisque quæ in aëre & terra fiunt, unicuique patescat; maxime tamen ea in mari prælucere videtur, in quo tam variæ & stupenda rerum formæ conspiciuntur, earumque vires & proprietates deteguntur, ut quærendi & contemplandi nullus unquam futurus sit finis, meritissimoque jure ea quæ dignoscitur pars, illius quæ ignoratur minima dici possit. Sunt autem Thynni, Delphini incredibili velocitate cæteros superantes. Serræ porro, & Lamiæ sive Tuberones inter rapaces primum locum obtinent. Hi formidabili riſtu pisces non tantum, sed & urinatores devorant, nimiæque voracitatis pœnas aliquando dant; quod pisces echinati, cornuti, tum quoque venenati, deglutiſti eos interimant. Sicut eleganter Oppianus olim cecinit:

*Occisa occidunt hostem, perimuntque necantem.*

Serræ vero perpetuum cum Cetis bellum gerentes, eorumque præcordia gladio radiis acutissimis horrido fodicantes, mare tingunt cruento.

— *His est audacia tanta.*

*Hi fortæ Ponti Regem formidine nulla  
A grege ſejunctum aspiciunt, ſolumque vagantem:  
Atque cætervatim veniunt ad maria bella.*

Cetorum vero mensibus præfertim pluviis magna appetit copia, quod fœtus ibi edant. Quos cum maris recessu contingit hærere in vadis, multum olei inde redundat. His quoque monſtris annumerantur Vaccæ marinæ & Nereides, Brasilianis *Iupipiápre*, Lufitanis *Peixemulber* dictæ. de quibus Virgilius,

*Frons hominem præfert, in pīcēm definit alvus.*

Notatu dignum, quod eximiæ tot arbores, frutices & herbæ, figura, foliis & fructibus à veteris orbis vegetabilibus, paucis exceptis, dissimiles appareant. Idem in avibus, animantibus & piscibus deprehenditur: ut & insectis alatis atque non alatis. Quasi ex diversitate Climatum, non tantum hominum, sed etiam sensitivorum & vegetabilium prodirent differentiæ, idque non adeo ex astrorum synergie, quam vi Solis & Soligenio peculiari. Quæ omnia ut ineffabili colorum pulchritudine, ſic & infinita multitudine hisce in oris generantur, partim nota nobis, partim incognita. Quorum aliqua, ſapore & dignitate Europæa ſuperant; aliqua longe inferiora existunt. Ex quibus utique appetit, quam mirus & varius lufus ſit in orbe terrarum. Meritoque beati Incolæ habentur ſi omnium horum Creatorem cognoscerent. Quum è contrà tam fausto ſub cælo, tam agrestia & distorta illis ſint ingenia.

Hæc breviter de Aëre, Aquis & Locis dicta ſufficient. Quorum utique temperies optima parum eſt ex ſe culpabilis. Neque enim Solis calore torretur hæc terra, neque ſqua-

squalore vel aquarum penuria resiccatur, neque frigore extinguitur, sed rore perpetuo imbrisque multis ac fontibus irrigatur. Vnde & feracissimum esse, & multa illic tempestive nasci oportet. Præterquam enim quod Balsamis nativis, oleis, mellibus non unius generis abundet, herbarumque ac radicum medicarum & ad tutandam valetudinem potentium ferax sit: quæstuosissimam insuper culturam facit, quantum ex aliquo retro annorum messibus colligi potuit. Animalium denique omne genus ac boum imprimis armenta in maximum numerum augeri & crebrius parere, certum est. Quæ loci salubritatis fama non paucos olim senes aliosque minus prospera utentes valetudine, ex Hispania, & Indiis aliisque dissitis locis excivit ad aërem & aquas has Cœlo datas, tamquam ad duo validissima vitæ & valitudinis præsidia. Per quam mature enim pubescunt Incolæ: senescunt tarde, idque sine canitie aut calvitio. Quo fit, quod longe ultra centesimum ætatis annum, viridi senecta, non Americani tantum, sed & ipsi Europæi fruantur, totumque adeo territorium Macrobiū dici mereatur. Non aliter ac si fervor juvenilis frigore senectutis repressus, temperatiorem illam in calidioribus hisce plagis efficeret. Advenarum enim proles crebris licet morbis infestentur, multique succumbant, imprimis nostrates infantes, non tamen id tam debet Cœli intemperiei, quam præpostero nutriendi modo imputari. Exemplo sunt vel maxime Brasilianorum liberi vivacissimi. Qui cum ventre duro sint & prominulo, solidisque toris, quamvis subducula tantum leviori induantur, nihilominus injurias Cœli secura contemnunt. Rident matres ineptam nostratum & vestiendis & educandis parvulis industriam, qua perspirationem impediti & catarrhos multos generari aiunt. Nulli inter illos, strabones, lusciosi, claudi, gibbove deformati inveniuntur: cum tamen infantes nunquam aut linteis involvantur, aut involuti fasciis Europæorum more ligentur. Frigida frequenter lavantur. Idem provectionibus usitatissimum est: cum ob innatam genti munditiem, tum ad firmandam & tuendam corporis sanitatem. Porro alacres sunt & succulenti omnes, vasisque amplis, brachiis cruribusque lacertosis & firmiter compactis, minus tamen pinguedine fastis. Qui nobiscum militant maris accolæ, non admodum sunt aut moribus agrestes, aut corpore proceri, suntque mares invicem maribus, mulieres mulieribus similes: eo quod paucioribus anni tempestatibus obnoxii, etiam rariora vitia in semine seminisque efformatione concipiunt. Plerumque enim ut hominum instituta & mores, ita quoque naturam pro varia Regionis constitutione mutari videmus. Præter longævitatis beneficium & alterum est quod rarissime adversa valetudine afficiantur. Primo quod fortibus nascantur, & incomparabili aëris ventorumque serenitati atque æqualitati exponantur: tum quod tantum non ignorent, quid curæ sint, quid animi affectus, quid corporeæ voluptates. Sub eodem tecto, eoque levi & ad inversæ modum carinæ palmis instrato, multæ simul familiæ degunt. Has casas peregrinaturi deserunt ad tempus, supellecstilem quam curtam habent & liberos humeris impigre portantibus fœminis. Eodem semper vietu & amictu, eoque simplici gaudent. Quippe solum gossypium ad vestitum illis sufficit, juxta illud Lucani scilicet:

*Terra suis contenta bonis, non indiga mercis &c.*

Nullus denique illis habendi amor, paupertatique se addicunt voluntariæ, ea quidem æquitate, ut cui plus est, lubens impertiat minus habentibus, pari dandi & poscendi invicem facilitate. Radices omnes alimentosas, quod dignitate *Mandioæ* cedant, imo ipsum panem ex oryza aut milio, Asiaticis tantopere expetitum, contemnunt. Omnibus fructibus poma silvestria, *Acajú* dicta, præferunt, quod egregie succosa sint, & ad vietum æque ac potum sufficient. Nam siceram ipsis suppeditat, in multos menses, fæcibus depositis, duraturam; & præstantissimas castaneas, penu recondi aptas. Alii etiam fructus, præsertim *Pacóba*, *Ananás*, *Mangába*, *Ianipába*, *Caraguatá* expressi simile vinum vel siceram suppeditant, nec minus inebriando idonea. Fiunt & alia ex radicibus *Mandioæ*, *Patáta*, Milio Turcico, Oryza, quæ masticata multa cum saliva exspuuntur. Sputum hoc vasis tardiu conditur, donec seruat, fæcesque ejiciat. Vina vero hæc citius aut tardius ad fermentandum insurgunt, prout dulciores, acidiores vel acerbiores sunt succi ex hisce plantis fructibusque expressi. An non à simili materiæ conditione dependeat quoque anticipationis & postpositionis ratio in febrium paroxysmis, viderint Medicorum scholæ.

Servitutis jugum nequaquam tolerant. Tripudiis inconditis & potationibus impendio

pendit sunt dediti. Cibum capiendi stata tempora ignorant. Rechte aut perperam factis, nihil post mortem præmii aut supplicii superesse existimant. Vane interim fabulati, eorum, quos sua mors extinxit, animas immortales fore. Otium amant, magnisque labores declinant, secure & in diem viventes. Cujus rationem cum Hippocrate eam esse arbitror, quod rerum ac temporum uno modo se habentium facies eadem ingeneret socordiam, varietas autem animum & corpus ad labores excitet. Quin etiam otio & quiete crescit ignavia; exercitatione vero, mentis & animi robur alitur. Ætatem ac vitæ decursum æstimant ex Heliaco Pleiadum exortu, qui fit mense Maio. Numerum autem annorum ætatis suæ ut retinere possint, singulis annis reponunt unam castaneam de *Acajú* semel duntaxat in anno circa Ianuarium provenientem. Fœminæ pudicæ non deformes ab octennio ultra sexagesimum annum supra fidem fœcundæ; imo septuagenariæ orbos infantes lactantes viæ sunt. Facili negotio & neamine obstetricante pariunt, rarissime abortientes. Pleraque puerperæ statim post partum surgunt, ad proximum flumen properant ablutum corpus, & impigre, cum ad cætera domestica officia redeunt, victum hinc inde conquirendum. Liberos defunctorum ultra biduum aut triduum non deplorant, matribus miserando ejulatu totam domum implentibus. Lachrymis, quas in potestate habent, profusis, cognatos reducesque excipiunt amicos, eorumque labores peregre exantlatos, multis suspiriis atque gemitibus deflent, circumdatis collo brachiis & capite ad pectus adpresso. Olim antequam Lusitanos agnoscerent numerosi & pene infiniti erant, ac pagi undiquaque adeo frequentes, ut Indiarum lustratores sagacissimi dubitarint an ulla orbis pars Brasilia populosior fuerit unquam. Nunc autem ad paucitatem redacti, nam Lusitanorum sævitia, alii pene ad internectionem deleti, alii in miseram servitutem abrepti, alii fuga sibi consulere & intra Continentem latere sunt coacti. Qui inter Lusitanos & Belgas degunt Neophyti, Christo quidem dant nomen, ejusque sacra sequuntur; sed frigidius. Quin adulti circa ea adeo sunt remissi, ut merito putas, ore duntaxat, non cor de Christum colere. Vix etiam placita nostra, nisi tenellæ ætati, nondum præoccupatis animis, remotisque parentibus, instillari possunt. Lingua inter se haud differunt. Et quamvis quondam ex feroci profapiâ fuerint orti, mutuo tamen cum Europæis commercio & consuetudine usque adeo sunt cicurati excultique, ut exuta barbarie, humanitate nonnulli cum nostris contendant. ut & hic illud Taciti usurpare liceat, Mitius circa Oceanum vivitur. Qui etiam nunc litterarum & characterum ignari, nihilominus antiquitatis memoriam, tam pace quam bello gesta accurate conservant. diligentissime namque junioribus tradunt quæ à majoribus acceperunt, imo senes dies noctesque integras in illis tradendis consumunt, juniores vero tradita facile accipiunt, & retenta fideliter aliis quoque inculcant.

Mediterranei contra, immanes, truculenti, sine lege, sine religione, ferino prorsus ritu in hunc usque diem, nulla stabili aut fixa sede morantur, quin vagantur huc illuc, prout victus ubertas aut penuria tenuerit aut abegerit illos. Soli vivere amant. Tuguria nec latibula ferunt, sed sub dio perpetuo vicitant. Ita ut paucæ quæ de ipsis dici aut scribi mereantur occurant. Piscibus & feris mira tam odoris quam cursus sagacitate insidiantur. Iacula validissimis lacertis atque stupenda arte, sine arcu torquere norunt. Mari non nisi nantes utuntur, qua in exercitatione tantum valent, ut truculentum illud maris monstrum Tuberonem sive Lamiam assequantur & capiant, sinistra ad natandum utentes, dextra acuminatum palum gestantes, quem obvio hosti contra ipsos expanso rictu horrendoque hiatu insurgenti insidiose in os immitunt; bellua interim marina manum apprehendere fatagens tali artificio decepta, sese profunde defigit, & capere cupiens, vel ab inertibus barbaris capit, qui dorso furentis insilientes (pugna sane admirabilis, & ancipitis eventus) jumenti instar illam circumagendo per undas, minores pisces in escam venantur. Præterea adeo strenui sunt urinatores, ut si piscis vel aliud quid in fundo quærendum sit, patentibus oculis vrientur totius horæ spatio. Quod Lectori non incredibile erit cum de Ægyptiis proditum sit, per totam diem in aquis posse delitescere, & ubi ad summitem aquæ enataverint, capite non prolato respirare. Viri pariter ac fœminæ fusis capillis, diversa licet tonsura, cæteris corporis partibus depilatis, vix ullo circa pudenda velamento, incedunt, aviumque discolorum plumis se exornant. Colore quodam fusco ex *Ianipápa* pomo expresso, corpus turpiter pingunt, ut terribiliores in bello videantur. Et ne facies ornamento de-

stituatur, lapillos vilissimos & longissimos, perforatis à prima infantia auriculis, labiisque inferiobus & maxillis infigunt. Quod licet visu foedum, illis tamen regium videtur. Ominibus & auguriis dediti, ariolis, sagis & impostoribus quæstui sunt. Alii Tonitru, alii Vrsam minorem, aliaque sidera pro numine habent. Tanta est inter illos confusio & diversitas linguarum, ut exinde solum atrocissima bella & crebra nascantur, inimicietasque inter se exercant perpetuas, supraque fas humanitatis & odii saevas:imo vel ipsos ludos aliquando in series clades convertant. Ad bella ituri, miro quidem silentio & ordine simplici procedunt. Ad manus ubi ventum est, horrendo fremitu & ululatu aërem feriunt, imbreisque sagittarum utrumque emittunt, tam lethali veneno infestas, ut vel levissime vulneratos crudelissime interimant. Fœminæ lactantes & prægnantes deinceps à virorum confortio abstinent. Vbi autem pepererint, secedunt in silvam, & infanti umbilicum concha præcidunt, & una cum secundinis coctum devorant. Maritus tempore puerperii uxoris loco decumbit primis à partu diebus, & pueræ in star bellariis & epulis fruitur, subindicans necessitatem lapsas vires restaurandi. Cum in morbum eorum quis inciderit, amici accedunt, quisque ingenium advocat, remedia quorum notitiam experientia sibi comparavit, profert. Mox spinis arborum *Carnaiba*, pisciumque dentibus, quibus sagittas asperant, in torosis brachiorum & femorum partibus alte cutem scarificant & incidunt, membraque à lassitudine potissimum vindicant. Idem fere præstant per validam suctionem, ore pando parti dolenti applicato. Vomitum vi concitant contortis silvestribus foliis, gulæ immisſis. His & similibus remediis frustra adhibitis, nihil ultra tentant, nec tamen ægrum relinquunt, sed unanimi consensu, tamquam de ejus salute desperantes, clavis ligneis illum ferociter interimunt: gratificantes tamen illi, & ille sibi, quod masculine interire ipsi contingat, omnibusque miseriis eripiatur. Hoc enim lætabundi in ipso mortis articulo, quasi de Euthanasia, gloriantur. Non minori cum applausu in parentis quam vieti hostis cadaver saeviunt, illud præ turpi amore, hoc præ immanni vindicta crudelissimarum ferarum ritu dilaniantes & intra se sepelientes. Vtriusque carnes (modo non à veneno extincti) ossa tenus dentibus abrasæ diræ ipsis epulæ existunt. Optimatum vero cadavera ab aliis optimatibus tosta comeduntur, præter ossa; quæ à proximis consanguineis servantur ad nuptialia convivia, & tunc in minutissimas particulas contusa, belliorum loco devorantur. Quibus nondum consumtis, capillos sibi, in signum luctus, evellunt. Vix possum, quin his addam, quibus præstigiis verbipotentes Sagæ (quas quoque Medicorum loco in pretio habent) & alii Sortilegi miris artibus populo imponant, miserisque persuadent, se ex eorum corporibus, animantia, lapides aliaque exfugere, quæ ipsis videntibus evomunt. Imo Reguli ipsi quoque sibi medendi facultatem arrogant, ad quos matres suos infantes ægros adducunt, qui ab illis fricati & Tabaco consputati, si interea moriantur, à matre & consanguineis comeduntur.

Nemo itaque mirabitur si majorem herbarum cognitionem habuerint Asiatici, quam Americani: cum hi animantibus non contenti, in rationalia quoque ruant. Illorum autem multi ex instituto Pythagoræ vel abjectissimo parcentes insecto vegetabilibus vitam sustineant.

Non abs re fore existimavi, si facta à proposito paulisperdigessione, aberraverim, barbariemque illam miseram, tum quæ huic genti paterna & innata sunt, paucis exposuerim: præterea ut constet, nullis creaturis adeo voluisse novocari naturam, quin abunde alimenta & medicamenta suppeditaverit, eaque exacte à venenis distinguere docuerit. Quod cum in animantibus & plantis quam plurimis solertissime, tum in radice *Mandiboca*, Americæ primo alimento, imprimis videre est. Denique ut demonstrem, longe hanc à nobis diversam vivendi rationem & temperamenta diversos aliquando morbos & medendi modos suppeditare.

Restat ut consideremus, quæ valetudini potissimum vel profint vel aversentur, & unde originem ducant morbi. Inquit enim Hippocrates, Corrivatio una, conspiratio una, consentientia omnia. Quorum si vel unum deficiat, tota hominis structura facile corruit. Enimvero cum sub Zona torrida, omnia astra verticalia vehementius agant, & quoad motum annum, excessu subinde siccitatis & humiditatis: quoad motum vero diurnum, perpetua vicissitudine caloris & frigoris: non potest non eosdem effectus microcosmus experiri. Ut enim planta novella, Soligenium, tamquam naturæ ejus minus conveniens, licet in melius transplantata, saepè non fert: ita multi Euro-  
pæi,

p̄xi, aut imbecillitate naturali, aut rite vivendi imperitia vel intemperantia, aëri & aquis hisce saluberrimis, primariisque vitæ fulcris, minus assūscere possunt. Vnde non raro illis de lassitudine spontanea primæ querelæ, quæ ex sententia Hippocratis, νόσος Φεγγών. Boreales, licet æque ac Meridionales corporibus sint compactis, mollitatem carnium tamen ex intemperie incurunt, nisi tempestive ea cacoehymia exturbetur, misfis compositis, solis simplicioribus tenuiorumque partium alimentis se tradant, ne cruditas & crassities humorum fomitem obstructioni, obstructio perspirationi & circulationi sanguinis impedimentum adserat. Adeoque si Hippocratis effatum, ζύμωσις μία, locum habeat, hic sane ejus, tam necessitas, quam perpetua veritas elucescit. Quippe immodico existente calore, si perspiratio undique est libera, nulla exinde persentiscitur molestia; sin minus, ponderosius fit corpus, ac brevi materia morbi futura colligitur. Circulatione enim naturæ perpetua impedita, & humoribus spiritibusque, sive ab interna sive externa causa, cohibitis, ingeminatur fervor, pejusque inde quemlibet se habere oportet. Quod sicut in omni vitæ officio verissimum, ita in somno manifesto deprehenditur. Idem cogita si lasso vel febricitanti intempestive medicamentum vel cibus exhibeat. Ab his itaque sequentibus vitæ institutum fiat.

Quisque excelsiore locum & contra occidentem opertum, atque in Orientem apertum eligat ad habitandum: talem inquam ubi Continentis crassum ventum ab ædibus arcere, tenuem vero & solisquam marinam auram perpetuo admittere commode possit. Adeo denique mediterraneis locis maritimis à veteribus quoque prælata fuisse constat, ut Vitruvius narret, translatum oppidi & quatuor tantum milliarium propius mari admotum, salubritate morbosum statum mutasse. Pectoris ac stomachi regionem probe teatam quisque domi ac foris habeat: quod nihil hisce corporis partibus magis inimicum, quam post aestum diurnum, frigus nocturnum. Quo fit, ut clausis cutis meatibus, sudores retro pulsæ, varios morbos progenerent. Quibus enim tempestive sudores fluunt, rarius valetudinem adversam incurunt, aut si quando in morbum incident, minore negotio restituuntur. E contra fit iis qui difficulter sudant. Partes veste, umbra aut quavis alia re teatæ exudant: eæ vero quas Sol ferit, insensibiliter perspirant. Per vim enim à Sole sudor elicetur, servatur à tegumento.

Aquæ thermales vel balneæ hactenus incognitæ sunt. Artificiales humidæ & siccæ, contra externa mala magno salutis commodo in usu existunt. Quæ nunc ex pura putta aqua, nunc compositæ ex odoriferis herbis (quas Brasilia producit eximias) conficiuntur. Cavendum tamen, præsertim noviciis & advenis, ab immoderato vel frigidarium vel calidarum usu. Quarum illæ torpores & obstructions, materiam intus cogenendo: hæ membrorum languores, carniumque effæminations faciunt ob spirituum exolutionem. Quamobrem ne humor alimentarius facile foras evocetur, temereque resolvatur, Incolæ cauent oleis balsamisque nativis. Quasi barbaries commune quid habeat cum erudita antiquitate, cui familiaris olim fuit, licet nunc exoleverit,unctionis usus.

Porro exercitia vehementiora sedulo vitanda sunt. Aura hæc licet blandissime terram exhilaret, Solisque ardores clementer mitiget, tamen motu defatigatis obest. A vento enim adiapneustia: ab immoderatori vero exercitio, summa humorum spirituumque accensio & acrimonia proficisciatur. Tempus ambulationis opportunum est matutinum, modo maris accessus auram intendat & maturet, exhalationesque nocturnæ prius cispellantur: tunc enim blande stringitur & concentratur calor naturalis. Maxime autem ambulare circa Solis occasum prima vespera conduit: quod vires corpori, robur & appetitum stomacho restituat, ob temperiem optimam aëris & auram intensiorem: Cum tamen aliis Europæ & Africæ regionibus calidioribus vespertinus flatus, Seren Lusitanis dictus, merito extimeri soleat. Labores & motus vehementiores tum animi tum corporis, maxime obesse: lucubrationibus quoque mentem citius turbari, memoriamque labefactari afferunt. Hoc certum est, difficilius vigilias & labores ob citam virium exhaustionem tolerari sub Zonis torridis, quam temperatis; torporeque advenas & desidiam primo quidem invisam, at postea placitam contrahere. Somnus diurnus brevis, quem in lectis pensilibus promiscua multitudo capit, commendatur. Insuetis tamen aliquando obest, ac propterea multum concedendum hac in re consuetudini. Corporis vigilantis decubitus merito præferendus somno, præsertim eo loci ad quem aura marina, non radii Solares possunt pertingere. Somnus nocturnus in

lecto molliori, & plumis avium referto, admodum improbat, quod viscera accendat. Qui Sanitati consultum vult, pedibus coxisve nudis ne jaceat, praesertim post medium noctem. Densato enim corporis habitu à nocturno vento venæ arteriæque per se meanti sanguini transitum, tum & perspirationi insensibili atque sudori exitum præcludunt: ac cum quidem, ob transpirationem cohibitam, postridie pejus & gravius habent. Ediverso illi qui mediocriter cooperati somnum capiunt, jucunde ac optime valent, levioresque se sentiunt, emissio praesertim sudore levi & roris instar tenui. Adeo ut facile sit in hisce Regionibus, concedere Sanctorio, Per transpirationem insensibilem plus evacuari, quam per omnes sensibiles junctas.

Qui Veneris æstui trenum injicere nesciunt, hujus cæli temperiem ferendo non sunt, ardorem juvenilem extinguunt, senectutem ante tempus maturant, perspirationemque remorantur. Vnde cruditates ad ambitum effunduntur, catarrhos in cerebro, in corde palpitationes moventes.

In diem Incolæ impatientius ferunt. Ante omnes biliosis vehementer obest. Qui si stomacho forte vacuo somnum capiunt, facile tum capiti, tum cordi mala accersunt. Proinde ægris juxta & sanis conducti modice & saepiuscule cibum & potum capere. qui quo minus compositi vel calidi, eo conducibiores ad sanitatem. Quisquis enim seram & beatam Senectam attingere desiderat, sive advena, sive indigena, caveat sibi à vini & carnium usu quotidiano. Quæ enim ex nutrientium & calefacientium sunt genere, siquidem vincantur, corpora quidem sanguine & calore replent: Sed si minus, frigidi & aquosi solent nasci humores. Calida omnia & amara atque acria mane imprimis vitanda. Poma vero Aurea, Limonia, Citria, *Mangába Murucujá*, melopepones, Citrulli, reliquaque refrigerantia, sive cruda sive condita utiliter comeduntur à jejunis, quibus inter delicias sacra habentur, quod cordi conferant, tum & mensibus præcipue æstivis adjucundissimam maturitatem perveniant. Vnde abiit in proverbium, Non intrat ædes medicus, in quarum vestibulo crebri Arantiorum cortices mane conspiciuntur. Sedulo cavendum ne fructus ulli colligantur, antequam radii solares ab exhalationibus nocturnis eos repurgaverint. Præstat illos, astringentibus exceptis, ante potius quam post pastum, & saccharo conditos quam crudos apponere. Fugaces enim cum eorum multi sint, facile corrumpuntur, imprimis iis, quibus imbecillis & intemperatus est ventriculus. Ego quidem Galenum imitatus, perpetuo suasor fui amicis, ut rarius horariis fructibus sese oblectarent: unde ipsis diu multumque bene fuit. In quotidiano usu potissimum sunt (nam reliqui ad Historiam Naturalem pertinent) *Ananas*, *Mangába Acajú*, *Araçá* major & minor, *Guajába*, diversæ species *Murucujá*, *Ibapitângâ*, *Masarandiba*, *Acajá*, *Araticú Guiticarói*, *Biringéla*, *Pinoguaçú*, *Cocos*, *Banâna*, *Pacôba*, ficus quoque silvestres. Hi omnes inter patrios habentur, eorumque maxima pars sponte provenit: nonnulli à Batavis & Lusitanis in hortis excoluntur tam feliciter, ut ipsi fructus vilescant. Inter subterranea sunt Radices *Patâta* & *Vmbú*, tum glandes Americani *Munduy* optimi saporis & nutrimenti, atque secundæ mensæ deliciæ. Non procul à littore in locis arenosis & salsa æquoris unda imbutis, adeo sponte luxuriat Portulacæ & Brassicæ marinæ sive Soldanellæ quoddam genus, ut pro acetariis quotidiani sufficiant.

Inter feras plurimæ existunt, quæ victui servire queunt. Apri majores & minores, umbilico in dorso prædicti, carnis optimis & saluberrimis censentur. Amphibii porci, *Capiverres* Lusitanis dicti, licet dignitate cæteris inferiores, integris militum & Barbarorum cohortibus alimento probi sunt. Idem de Erinaceis dictum volo. Antæ etiam lucifugæ, mira visu animalia, carnes bubulas referunt. Capreæ, tum Lepores & Cuniculi, Europæis haud cedunt. Tatuifæ denique diversæ speciei loricatae, & insignes illæ lacertæ, corrupte *Leguâna* dictæ, in delicatiiores epulas expositæ. Neque hæc tantum, sed & alia identidem silvestria & domestica, catervatim in saltibus oberrantia, nuper ab Europæis inventæ sunt pecorum armenta, imprimis boves, porci & arietes. quæ bisfera & trifera utcumque existunt. Inter hæc nefrendes teneritate carnis excellunt usque adeo, ut ægrorum diætam ingrediantur, & ovillæ longe præferantur. Experientia enim constat, multa quadrupedia, pisces ac aves in cœnosis & paludosis locis viventia, non idcirco adeo postponenda esse montanis & fluviatilibus, sicut plerumque fit in septentrionali Europa, quod in hisce regionibus calidioribus eximia aëris temperies & serenitas correctiori vicem quasi subire videatur circa naturam ejusmodi animalium.

Avibus

Avibus silvestribus, partim in nemoribus, partim in aquis viventibus, optimi gustus, haudquam destituuntur. Licet non sit hujus instituti eas prolixe enarrare, tamen præterire nolo, quæ palato & sanitati serviunt. Ut sunt quæ in montanis habitant, Phasiani, Perdices, Accipitres diversæ speciei, ac carne optima & tenerrima. His succidunt Psittaci, Coturnices, Turtures, Palumbi, Turdi, Fringillæ, Columbæ silvestres, quæ omnes tostæ mensis inferri solent. Ex amphibiis celebrantur Anseres & Anates diversæ speciei, quarum quædam Europæas dignitate & magnitudine superant, quædam vero iis cedunt.

Cæterum inter tot volatilium genera riparia & littoria ( eorum licet aliqua sint carne minus tenera ) Ardeæ stellares & non stellares, Rusticulæ atque Gallinæ palustres, & similia, minus sunt prætereunda. Adde & Struthiones primarios Ambræ griseæ prædones. Nobile illud Bituminis genus Ambra dictum, Spiritibus imprimis vitalibus restaurandis per omnes Indias celebre, ex ignotis Oceani faucibus copiose in Brasiliæ littora eructans, non nisi procelloso mari alluit. Vnde fit, ut vix cesante tempestate aves & quadrupedes nonnullæ in ipso littore certatim eam devorent, priusquam ipsi maris accolæ istuc perveniant. Quod equidem mirum, cum omnis ante insolationem molle tantum gluten sit Ambra, ingratoque adeo odore nares feriens ut ab inexpertis plane respuatur : animalia tamen dulcem ejus odorem, licet hominibus adhuc latenter, prius persentificant, ejusque sapore strenue se oblectent.

Enarrato carnium usu quotidiano, de piscibus nunc dicendum. Dubito nobilitate & frequentia piscium an ulla Regio beatior hac censi possit ; Mari, fluviis & lacubus piscesissimis, squamatos, asperos, laves, molles, cartilagineos, turbinatos, omne genus abunde suppeditantibus. Vnde advenæ æque ac primi Incolæ ægri ac fani perpetui sunt Ichtyophagi: quippe non solum exhausto omni peniu, pro primario sustentaculo, sed præ cæteris deliciis, sicut olim Romani, eos amplectuntur. Inter quos Cyprini, Alburni, Tincæ, Carpiones, Trutæ, Auratae, Lupi, imo ipsi Aselli, Europæorum figura & sapore æmuli, primum facile locum tenent. Tum Orbes, Soleæ, Scombri, Acus, Rajæ, diversæ speciei. Cancris quoque, Testudinibus, Gammaris, Squillis, Conchis, Ostreis, omnibusque testaceis & crustatis, præsertim paludes recessu maris exsiccatae, magnopere scatent. Congri denique, Scari, Anguillæ, & hujus generis alii, quibus supersedeo.

Qui in superficie maris degunt pisces, mensibus potissimum pluviis, quod imbris gaudeant, capiuntur: iis vero qui in recessu fluviorum & alto mari sunt, omni fere anni tempore, sed ut plurimum æstate piscaiores insidiantur; atque, tum melioris pabuli gratia, tum ardoris extimescendi causa, proxima scopolis domicilia inque iis salubriora pascua diligunt, ac proinde saxatiles & fundi pisces dicti. Præcipuorum nomina, icones, differentias & proprietates videre est in sequenti libro.

In sinubus vero & lacubus nec piscium copia nec varietate à maritimis superantur, quod, licet promiscue alii aliis celerius pariant, & crescant, in lacubus tamen his æque ac in fluviis citius, quam in ipso mari id fieri contingit. Iisque licet marinis & fluvialibus dicantur inferiores, dignitate haud multum tamen cedunt, quod non stagnantes vere sint aquæ, sed perspirent, indeque fluenta & rivi aliquando egrediantur.

Pisces denique vel Sole exsiccantur, vel sale (qui copiose in salinis hic colligitur) conduntur, inque penu conservantur. Quodsi crudioris cibi imprimis piscium concoctioni aquæ potum minus sufficere experiantur, pulverem ex sale & modico piperis Brasiliensis præparatum, *Inquitajá* dictum, intermiscent, condimentumque inde conficiunt ventriculo saluberrimum, atque in omni peregrinatione merito circumferendum. Ita ut verissimum tandem in hisce calidioribus terris compererim illud Galeni testimonium de Græciæ piscibus. Alimentum scilicet ex plerisque pelagiorum & fluvialium proveniens, sanguinem consistentia tenuiorem gignere, quam quod ex pedestribus animalibus producitur, adeo ut non copiose nutriat, & celerius discutiatur. Hæc de cibis sufficient.

Potus porro usitatus & longe saluberrimus (supra illum quem ex tot fructibus exprimi diximus) aqua est limpidissima, divinitus hisce regionibus concessa. Quæjunctudo refrigerio, Solis imprimis ardore fractos, refocillare ac summopere recreare solet. largius & crebrius pota, nullos in ventre vel hypochondriis flatus aut tormina excitat, neque ventriculum debilitat, sed melius quisque inde se habet: modo *εὐθάνατος*, & Regionis temperamento conformis fuerit. Atque hinc quidem illico sudores & ur-

nas provocat, adeoque appetitum stomacho acuit, ut voraces Incolas reddat. ob miram enim suam tenuitatem alimentum in partes liquidiores penetrans intimius dividit, impediens, ne vel pinguor alimenti succus aduratur, vel ejus cruditates ad renes aut membra externa protrudantur. Vnde fit, ut à calculi imprimis & articulorum morbis præservet, rariissimæque de duobus illis malis sint querelæ. Constat, plurimos potum præter aquam toto vitæ curriculo gustasse. Vnde facile est assentiri Veteribus, dicentibus, Μακροσιωτες esse gentes quæ aquam solam biberent. Cum enim aquæ hæc nive & metallis destitutæ è fontibus Orienti obversis scaturiant, longo itinere assiduae Solis ardore excoquuntur, gratissimæ & tenuissimæ evadunt, nihilque deponunt. Hibernis mensibus minus quandoque limpidæ ob crebras pluvias, nec æque frigidæ: Æstivis, ob auram intensior em, frigidissimæ sunt, nec tamen duræ, sicut in frigidioribus regionibus; sed molles, leves atque concoctu faciles. Aquæ ex imbris collectæ leves quidem sed calidæ sunt, & facile putreficunt, quod ex plurimis & diversis partibus consistunt; ravimque subinde inducunt nisi excoquantur. Sicut enim contingit hominibus nudis sub Sole sedentibus tenuissimum educi per poros, relictis veluti fæcibus: ita Sol verticalis facile quod levissimum sursum rapit ex lacubus ipsoque mari, relictæ quod salsum est propter crassitatem & gravitatem. Quæ ex tumulis & montibus profluunt, iis conducunt, qui ventre sunt duriore. si quæ vero aquæ faxa & ferrum recipiant, iis conducunt, qui humidiori & molliori sunt ventre, quod resiccent. Ab aquis subsalsis & palustribus in totum abstinendum, quod indomitæ & duræ ventres adstringant. Ac proinde ob imperitiam illi qui ventrem solvere existimant, falluntur, quia raro perfluent, & cum stabiles sunt, à Sole exuruntur, novoque accedente imbre, crassæ &olidæ evadunt, unde fit, ut bibentibus lienes magni & compacti fiant, ventresque duri & calidi. Veterani non minus solertes sunt in aquarum differentiis gustandis, quam Europæi in diversis vinorum qualitatibus discernendis, quos imprudentiæ insimulant, si nullo habito discrimine aquas bibant. Illi enim optimas nihilque subsidentes hauriunt, quas sublimioribus locis (subterraneis ob temorem neglectis) in urceis fistilibus noctesque diesque sub dio reservant, ubi invitis radiis verticalibus intensissime ipso momento refrigerentur, ad Aphoris Hippocr. Aqua quæ cito calefit & cito frigefit, levissima est. Æstuantibus tamen eam licet gratissimam, nisi offa condituræ ante degustata, bibere non convenit. Cum è contrario pubes nautica & milites, pessima omnino consuetudine, frigida largissime hausta Spiritum vini metu cruditatum superbibunt. Quasi ejusmodi vehiculo opus esset, eque duobus hisce contrariis, cordis aliorumque viscerum tonus nihil pateretur. Præterea Afrorum & Europæorum promiscua turba, olente illo & nimium familiari potu, qui Garapa vulgo appellatur, se implant, quem caupones, lucro inhiantes, ex nigro saccharo & aqua conficiunt, & vix defæcatum vili pretio divendunt, additis subinde foliis arboris Acajouera, quorum calore vapores excitantur, citiusque inebriare facit. Concedi tamen potest, si sumatur modice, si rite factum & vetus sit. Dilutum quoque aliud ex aqua fontana saccharo & limonibus confectum fani pariter ac ægri in deliciis habent. Sicut & illum liquorem quem Lucanus apud Indiæ populos in usu fuisse testatus est.

*Quique bibunt tenera dulces ab harundine succos.*

Cerevisiam vero Europæam, Vinum absinthites, vini quoque Spiritum quidam ceu salubriora his oris maximopere commendant, sed immerito. Vinum Creticum per omnes Indias quod per se sine arte subsistat, cæteris vinis Europæis est præferendum. Cujus usus modicus sit vesperi, mane nullus. Nec leviter peccant, qui Torridis plagis paulo plus justo illud bibunt. Quippe nunquam expertum est, potus frigidioris excessum, tantum nocuisse, quantum calidioris, quidquid nasutiores refragentur, quibus ob malam consuetudinem & intemperiem jam vini usu acquisitam secus videtur. Ventriculus enim eorum extenuatus ob inopiam caloris nativi, atque etiam ad ipsum aliunde influentis, cogit eos vino uti, atque in ejus usu perseverare. Quod quoque Galenus lib. v. de sanitate tuenda cap. xii. confirmat. Spiritum enim ex vino vel fructuum sickeræ destillatum calere non tantum, sed & siccare constat, tum potissimum quando putuita cruda ac fæculenta colluvies pabulum haud sufficiens objiciunt, in quo acerrima atque exurens vis fæset. Et tunc viscera accedit, appetitiam prosternit, & pedetentim nimia consuetudine exequias ante mortem maturat, ut millies, pro dolor,

dolor, observatum est in Indiis. Quin vinum ipsum, ejusque extractum, tamquam Medicina infirmis tum animi tum corporis, data sunt: hoc ad nimiam Spirituum diffusio- nem versus centrum in momento revocandum; illud, vel ad hilaritatem excitandam, vel ad lassitudinem tollendam, vel denique ad stomachum in senibus roborandum: sed quia pauci non infirmi, facta sunt tandem omnibus potus. Ex his itaque satis li- quere puto, veras longævitatis simul & incolumitatis causas; cum aër, olera, fructus, animalium carnes aquarum naturam sequutæ, per continuam generationem eo de- veniant ut hominum temperies fere sit qualis aquarum.

Hactenus de usu & abusu rerum, ut inde constet, hunc orbem habitanti, quibus & quo pacto tueri ac firmare valetudinem possit & debeat. Antequam autem de lapsa re- stituenda agamus, paucis attingendum duxi, quinam morbi quævis anni tempora ac constellations, præcipue Lunæ, æstusque aquarum respiciant: quique inter diversas gentes, vel discrepantes vel communes sint. Primum quidem, cum ob constantiam & æqualitatem tempestatum, hæc plaga saluberrimam temperiem ex calido & humi- do sit naðta, mutationes nec tam magnæ, nec tam crebræ, ut supra dictum est, fiunt: unde certa salutis & longævitatis indicia profiscuntur. Quia, ut ait Hippocrates, Mutationes temporum potissimum pariunt morbos; & in ipsis temporibus magnæ mu- tationes aut frigoris aut caloris, & alia pro ratione eodem modo. Semestre siquidem pluviosum, licet humiditas prædominetur, tamen à jugi Solis splendore moderamen accipit. Quod si ex debito & tempestive fiat, annum proximum saluberrimum, & à mul- tis morbis immunem prænunciat. Semestre æstivum, rore copioso imbrum rarita- tem compensat. Hisce temporibus æstivis, sicut morbi citius desinunt, ita acuti ut plu- rimum & boni judicii sunt. Secundum illum Aphor. x v. lib. i i i: Ex constitutionibus anni in universum siccitates assiduis imbribus sunt salubiores & minus mortiferæ. Hinc laterales morbi, febres ardentes, raro lethales. Per siccitates autem febres acu- tæ fiunt, & si quidem annus maxima ex parte talis extiterit, qualem effecerit constitu- tionem, tales ut plurimum quoque morbos expectare oportet. Licet enim Lepra & Scabies hic incognitæ; impetigines tamen contumaces, pruritus, dysenteriæ, hai- morrhoides, inflammations ani & oculorum, ex fervido Sanguine generari contin- git. Quibus malis medendis aquæ frigidæ vel tepidæ tam externus quam internus usus cæteris præfidiis facile palmam eripit. Ephemeras, ob accensionem spirituum, vel ex Sole verticali, experimur, quas multa frigidæ irroratione per totum corpus facta, Em- pirici in Athletis, instinctu naturali potius quam Hippocratis vel Galeni præceptis ducti, restituunt.

Hibernis mensibus si Auster perpetuus corpora exsolvat, humectet languidaque red- dat, qui generantur morbi, præcipue sunt febres putridæ, multa capitum ac ventris pi- tuita, (juxta Aphorism. x v i. lib. i i i: Assiduis imbribus morbi fere fiunt febres longæ, fluxiones alvi, putredines.) prolapsus cartilaginis ensiformis, albus alvi fluxus cœliaco affectui simillimus, hydrops, hernia. Omnium autem maxime, oppilatio hepatis & ventriculi imbecillitates: quæ Viscera simul cum anni tempestatibus mutationes accipere solent. Spasmus, torpor, stupor, cæterique nervorum affectus in Indiis apud advenas frequentes sunt, atque præ cæteris pescatores, fabri, pistores, tum mili- tes humi cubantes, illis infestantur. Porro sicut capitum vulnera & ulcera, vel spon- te vel solo gummi Elemni indigena facilime curantur; ita pedum ulcera tantæ sunt ma- lignitatis, ut vix curationem nisi æstate recipiant. Omnibus pariter fervidioribus pla- gis commune videtur, plurima mala tum externa tum interna, quæ infra hepatis regio- nem sunt, difficilioris esse curationis: contra vero, quæ supra; quod à perpetuo de- scensu humorum acrium sint libera. Morbi alii ad alia tempora bene vel male se ha- bident, & sine Medicamentis aliquando, auctore quoque Hippocrate, curantur. Pleris- que tamen his morbis ætas non vacat, juxta Aphorism. x ix. lib. i i i. Atque hi omnes enarrati affectus huic Regioni tamquam patrii sunt. Febres quotidianæ rarissime hic inveniuntur. Imo cum Galeno asserere audeo, me quoque nunquam Iuvenem ullum, aut Virum natura calidum quoquomodo aut biliosum, iis febribus correptum vidisse: sed pueros tantum voraciores & hyeme præsertim existente valde humida.

Quantum ad ætatem, infantia & juventus, ut dictum supra, morbis frequentiori- bus infestantur: Senes vero rarioribus. ad Aph. i i i. lib. i i i. Morbi alii ad alia bene vel male se habent: & quædam ætates ad anni tempora & loca, & victus genera. Et

, Aphorism. XXXVII. lib. II. Magnam partem senes juvenibus minus ægrotant. Catarri qui frigidis Regionibus senes, hic potissimum Juvenes & Infantes infestant; unde nervosum genus quoque inficitur.

Morbi diversis in nationibus variant. Nostratis, imprimis noviciis & mulieribus, sunt compositi plerumque & chronicci. Atque eorum longe plures morbis capiuntur frigidis quam calidis, quod à nocturno frigore minus sibi caveant, & à diurno æstu calorem innatum evocari patientur; tum quoque ex nimia nutrientis cibi & potus ingurgitatione, calor naturalis instar flammæ imbecillis, cui multum olei confertim infunditur, suffocetur: unde corpora non solum non calefiunt, sed & frigida vitia lignuntur. Quippe in tam pertinaces incurruunt vel viscerum obstructiones, vel alvi fluxus, ut passim languentes decoloresque ac viva cadavera incedere videas. Lusitanis minus compositi, sed acutiores solent obvenire morbi: Brasilianis rari, iisque acuti & simplices, ac proinde eorum curationes & prædictiones minus fallaces.

Quodsi æstas admodum sicca fuerit, biliosis & melancholicis ob nimiam adustionem male fit. Humidum siquidem, quod in ipsorum corpore adhuc reliquum est, calor depopulatur & desiccatur, partibus viscosis & crassioribus manentibus. Vnde Tertianæ exquisitæ & Quartanæ non minus quam in Europa graves. Sed majori cum acumine citiusque terminum attingentes. Pituitosis hæc omnia è contrario eveniunt. Hieme autem minus pluviosa, temporibusque ob defectum auræ marinæ suscitatis, corpora non constringuntur, sed cerebrum nervique humiditate ac uligine oppalentur, quæ æstatis mutatione subito accedente, circa Æquinoctium Autumnale valde noxia. Nam quia venter à redundant humore liberari nequit, aquam intercutem, profluviū album & difficultates intestinorum inde nasci oportet. Sic mulieres, licet foecundæ, non concipiunt tamen, crebroque abortiunt, aut si quando parturiant, difficulter fœtum entiuntur, eumque debilem brevique interiturum, aut certe valetudinarium. Quod quidem potissimum de advenis mulieribus dictum sit. Quantumvis tempus æstivum hiberno sit magis salubre, quoniam in Brasilia siccitas humiditati prævalet, naturarum tamen aliæ ad æstatem aliæ ad hiemem bene vel male se habent. Proinde mulieres & infantes, cum corpore sint magis pituitoso; æstate melius quam hieme valent. Contra gracilia & biliosa corpora, melius hieme, pejus æstate. Et hæc quidem de intemperatis, quæ moderato contrariorum usu conservantur, corruptiuntur à similibus. Contrarium vero in temperatis fieri consuevit.

Cæterum à morbis, qui à vaporibus ex terra aut lacubus ortis nascuntur, non est libera Brasilia. Cœlo enim existente turbido, & vento marino à terrestri victo, subito fiunt febres, catarri & raucedines. Incolæ testantur, occulta quadam vicissitudine singulis septenis annis humidos admodum & morbosos menses hibernos dari; & his sex alios salubriores ac sicciores succedere. Verumque comperi, non contempnenda esse ipsorum monita. Ab iis tamen qui Epidemici vere dicuntur, & à tetra qualitate hinc inde eructante, vel à maligno Syderum influxu, certis temporibus sœviunt, immunis semper fuit habita: Anno millesimo sexcentesimo quadragesimo tertio, æstate admodum sicca, Anthraces non lethales apparuerunt. Variolæ pestiferæ, quas testatur Prosper Alpinus in Ægypto bis in anno grassari inter pueros, hic incognitæ. Triginta annorum decursum semel duntaxat Africana mancipia huc Variolis laborantes devecta, reliquos, nullo modo contaminatos, ingenti Barbarorum strage, inquinarunt. Pari fere modo contagiosa Lues inter pecora domestica, hieme pluviosa, aliquos greges decpopulata est. Eo tamen malignitatis contagium ascendisse, ut pestis, (sicut in Peruvia non solum, sed & in multis Asiæ & Africæ partibus contingit) aut morbus pesti affinis, inde exortus fuerit, à nemine unquam compertum est. Magnos autem & frequentes illos dysentericos affectus nunquam in Epidemias transfusi, admiratione dignum puto. Quasi assiduitas Euri, ex Oceano spirantis, aërem serenet & verrat adeo, ut seminaria contagii impedian tur haud aliter à calido & sicco, quam sub Zonis temperatis à frigido & sicco extingui videntur. Vel quia deleteria miasmata, eximia Aëris puritate absorpta atque evicta, si non in totum pereant, saltem vigore destituta, vernaculis quidem, sed non grassantibus illis morbis parientes sufficiunt. Vnde apparet quanto Epidemici cæteris vulgaribus sunt vehementiores, tanto in aëre ad mutandum corporis habitum, & ad peius aut melius disponendum, inesse vim majorem quam in diæta & cæteris non naturalibus.

Plenilunio ac novilunio, imo & quadrantibus singulis, alterationes manifestas corpora recipiunt. Quo fit, ut Medici non nisi necessitate urgente, medicamenta propincent. tunc enim dolor exasperatur, & pejus habet æger. Idem cogita de Solis motu diurno, cum supra fidem circa meridiem, biliosi morbi, noctu vero pituitosi, ingravescant. Motus Lunæ diurnus non minus quam menstruus, mutationes evidentes suscitans, observatu dignissima operatur. Singulis enim sex horis, accedente mari, morbum ingravescere ac dolorem exacerbari: vicissim sex aliis, quibus mare recedit, cruciatus paulatim minui & mitigari, ipsi ægri testantur. Quod in acutioribus juxta ac minus acutis morbis, præcipue in iis qui è fluxionibus & plenitudine oriuntur, apparet. Adeo accrescentibus aquis, æstuque maris in plenilunium incidente configuntur cum infirmitate nonnulli; ut etiam vitam cum morte commutare videantur: quum tamen vix quemquam tunc interiisse observatum sit. Plerosque autem pelago decrecente extingui ægrotos, quia præter aliorum testimonia ipse toties experientia comprobatum habeo, confidentius confirmare ausim. Idem in partu fieri ab obstetricibus observatur. Ita ut validissimæ hæ influentiæ & occultæ Cœli mariumque qualitates, eosdem effectus nascenti & denascenti impertiri videantur, & hunc à vitæ angustiis, illum à carcere & vinculis uteri materni absolvant. Hæc eadem de animantibus brutis affirmant, quod à me tamen nondum expertum fateor. Aristoteles nullum animal maris æstu exspirare inquit. Nec est cur Plinio aliisque veterum hac in re pareamus, quasi ab Astris, vel Lunæ potissimum defectibus & auctibus id dependeret. Cum fidus illud molle, fœmineum, nocturnum, si in conchylia, frondes, similiaque sublunaria agat tanquam causa remota; minus verisimile tamen, in hominem eo usque vires suas exerere, sed eum potius ex propiore causa pati. Cum enim abundat vastissimus hic vicinus Oceanus, omnia non solum quæ proxima sunt, sed etiam longius diffusa, multo vegetiora & quodammodo repletiora fiunt, atque alterantur emacianturque illo recedente, præcipue quæ aliquo humore madent, ut cerebella, medullæ, sanguis, & similia. Sicut in corporibus nostris commercia sunt spiritualia, ita quoque in profundis vasti Oceani nares quasi mundi constitutæ per quas remissi anhelitus vel reducti modo efflent maria, modo revocent, unde ejus accolæ imprimis non parum afficiuntur. A plurimis haud vanæ fidei expertissimis viris accepi, senes Empiricos in praxi exercitatissimos, ad horæ spatiū mortem sibi prædixisse, & tunc demum pronuntiassæ, postquam jam aquæ recessissent; cumque illum defluxum evasissent, spem certam concepisse ad sequentem recessum se fore superstites. Quod ipsum ita contigit, temporeque dicto occubuerunt. Hæc, ut admiratione digna, ita Medico perquam necessaria, ut de alterius salute, suoque honore minus periclitetur. Hanc naturæ latentem vim anxie disputare, non est hujus propositi: sufficiat per effectus scivisse, quod perturbatio hæc criticum, aliquando symptomaticum quid præse ferat, pro dispositione naturæ aut materiæ morbificæ. Sicut enim nox, ad Aphorism. xiiii. lib. ii. crisi præcedens, ægris molesta esse solet, quæ vero subsequitur, levæ: ita oppressio hæc aquis decrescentibus desinens, quo gravior fuerit, eo melius & levius dispositum relinquit corpus, si modo requisita ad crisi adsint: sin minus, mors eo certius subsequitur. Observandum autem quod hæ perturbationes noctu fortiores, quam interdiu existant. Quasi hi motus, Lunæ plerumque motum sequerentur, quæ noctu magis quam interdiu vires suas exerit.

Crisium observationes frequentissime occurunt, modo morbi natura rite cognoscatur, principium cæteraque morbi tempora non negligantur. Et totum hoc quidem in subjectis ad Cœli Solique hujus temperiem constitutis, omniumque maxime in Indigenis, cooperies. Crises saepe perfectæ fiunt, & quidem tempore æstivo potissimum, quia magis constantia & æqualia tunc sunt tempora. Quapropter Hippocratis Aphorismum lib. ii. verissimum quotidie experiri datur. Constantibus temporibus, si tempestiva tempestive fiant, morbi stabiles & boni judicii accident: inconstantibus autem instabiles & mali judicii. saepe quidem per hæmorrhagias, saepissime vero per sudores; quos calidos & magna copia è corporibus fluentes, maxime salutares compiri, idque diebus imparibus, juxta Aphor. xxv. lib. i. sin minus, ut ex defecitu virium fit, & citius quam die septimo, malum. Nec minus crebro per fluxus ventris crises manifeſte apparent. In quantum Symptomatici fluxus alvi, mortales in his terris excruciant, in tantum natura critice aliquando per eandem se exonerare

rare amat. Tum, sicut longo alvi profluvio detento vomitus arte concitatus, prodest: ita sponte superveniens saepissime solvit morbum.

Porro, quemadmodum hodiernæ novi orbis navigationes confirmant, quod secundum diversa illa mundi Clima mores gentium & vietus diversi sunt; ita & morbi mortalesque discrepant: Utque veteres morbos extingui contingit, ita & novos ex insolita hac siderum reciprocatione & inclinatione, atque Terræ Australis temperie generari: quorum aliqui transeunt ad alias mundi regiones, aliqui permanent; aliqui vero grassari desierunt (sicut de Ægypto quoque testantur authores) ob mutatam vietus rationem. Imo, præter hæc quod Cælum, Anni tempora, Aquarum & Ciborum diversitas, Ratioque vivendi prorsus alia, facile temperamenta immutent, accedit variarum quoque nationum mixtura. Sic Europæi coëuntes cum Americanis foeminis *Mamelucos*, cum Æthiopissis *Mulatos*: denique Americani cum Africanis Nigritis *Cabocles* vocatos progenerant. Ex Æthiopissis cum Lusitanis aliquando gemellos alterum alba cute alterum nigra, crispis capillis, oculis cæsiis nasci vidimus. Quasi non solum vegetabilia & sensitiva translata degenerarent; sed & gentes alio traductæ & gentibus externis commixtæ nativum genium amitterent, haud secus ac fluyi salum ingressi propriam perdunt aquarum dulcedinem. Quod cum ita sit, quis dubitet, ex ejusmodi variis infestationibus & seimente, non diversas fructuum crases exsurgere, atque inde nunc implicatos, nunc novos generari morbos; qui exercitatissimos quandoque viros ita defatigant in praxi, ut circa morbi diagnosin & prognosin, quam maxime vacillaverint? Atque in tanta rei incertitudine non minus hi circa morbos Endemios, quam illi suam olim in Luce Venerea, Sudore Anglico, Scorbuto, Plica Polonica, Mentagra Ægyptiorum, aliisque id genus morbis dignoscendis & curandis, inscitiam ingenue sint confessi. Donec tandem remediis exquisitoribus inventis, morborumque temporibus accuratius observatis, quosdam expulerint. Nonnulli morbi ex parte novi videntur, quia periodum, tempus, eademque accidentia, non rite observant, curandi tamen ratione non semper differunt. Quæ omnia ut recte dignoscantur, solerti & sagaci iudicio, multaque experientia opus est. Ego, quantum temporis publicis curis subcidere potui, Observationibus hisce colligendis impendere volui. Spe certa fatus, post-venturos Iatrosophos suo ingenio atque industria, ea quæ adhuc desiderantur, aliquando suppleturos, aut si quæ minus recte dicta, candide restituturos.

FINIS LIBRI PRIMI.




GVLIELMI PISONIS

# HISTORIÆ NATVRALIS & MEDICÆ

*L I B E R S E C V N D V S.*

*De Natura & Cura Morborum in India Occidentali,  
Imprimis vero in Brasilia Familiarium.*

## I N T R O D V C T I O.



Ndia Occidentalis atque Orientalis cum sit Medicamentis omnium generum & ad omnem curandi necessitatem instruētior, quam Medicis Rationalibus: mirum esse nulli debet quod hactenus tam multa insignium virtutum recondita in sinu gerat, merita in lucem protrahi. Quamvis enim plurima in hac Barbarie occurrant cruda corruptaque & Hippocratica arte indigna: sunt tamen non pauca insuper utilissima atque antiquitatis æmula, quæque vel eruditissimos Medicos exercere queant. Multarum sane artium rudimenta ipsis ab animantibus (Quæ benigna mater natura noluit carere arte insita imprimis curandi morbos suos) ad nos redundare fatendum est. Quis dubitet ab his etiam mortalibus, licet remotissimis à Dogmatica medendi arte, non plurima saluberrima & secreta remedia atque antidota medendique modos veteribus incognitos ad nos posse derivari; quibus paulatim per manus traditis, & tandem quasi in succum & sanguinem à Rationalibus conversis, Doctorum Scholæ & Libri superbiant, modo acceptis è vulgo remediis ratio & rectus usus adhibeatur, in quo Summa artis posita est? Experientia authorumque testimoniis constat, omnes passim Indiarum Incolas Medicinam facere, & Morborum notitiam ex symptomatibus venari, ac causis neglectis, communi quadam animi notione eruere indicationes ex Morbis, iisque satisfacere contrarium remedium opponendo. Calidius enim & tenuius quod evasit, refrigerando & incrassando: quod factum est frigidius & crassius, calefaciendo, attenuandoque: quod abundat aut turget, evacuando conantur restituere in integrum. In quibus medendi conatibus, quantum vel sibi constent, vel deficiant, solertiores facile viderint, ex hac qualicunque Medicina Brasiliensi, à me per septennium observata, & ut potui succincte tradita.

Quantum vero septentrionalium Terrarum Incolæ Indiarum Aromatibus, aliisve medicamentis atque alimentis calefacentibus, ultra quam decet sunt dediti: tam è contrario Indi Ægyptiisque nimis sunt proclives in vehementiora refrigerantia, immēmores aut ignorantēs, si par fuerit utrobique error in excessu, hunc majorem vitænoxam minari. Nec dubium est, de Brasilia aliisque Indiarum locis recte dici, quod de Græcia olim Homerus: scilicet habere eam & suppeditare φάρμακα πλάτα μύρια, εὐθλά μεμυριδά, πλάτα ἡ λυγέσ. Interim seniores & exercitatores, eximii sunt Botanici, facilique negotio omnis generis medicamina ex undiquaque in silvis conquisitis conficiunt. Quæ tanta sagacitate interne & externe illos adhibere video, præcipue in morbis à veneno natis; ut quis illorum manibus tutius & securius se tradat, quam Medicastris nostris sciolis, qui secreta quædam in umbra nata atque educata crepant perpetuo, & ob hæc Rationales dici volunt. Quos quia Andabatarum more cum morbis congrēdi constat, quis dubitet experimenta per mortes agere, & se Themisones strenue præstare: de quo Juvenalis;

*Quot ægros Themison Autumno occiderat uno.*

Vt vel hinc videre sit, quam consone gentes, Idiotæ licet, ac nullis litteris excultæ, cum nobis

nobis Medicinam exerceant. Per manus vero tradita sibi præcepta medendi adeo mor-  
dicus retinent, ut vel mortem potius subituri sint, quam in ea re opiniones suas abji-  
ciant. Memini in castris membra militum globulis scolopetarum icta, & jamjam ab  
Europæis chirurgis tam Lusitanis quam Batavis amputanda, Barbaros recentibus gum-  
mi, succis & balsamis à ferro & igne liberasse, & feliciter restituisse. Oculatus iti-  
dem testis sum, in nosocomiis relicta ulcera & gangrænas, ab illis vel solo succo Ta-  
baci curata. Imo moribundos ex venenatorum fungorum aliorumque toxicorum esu  
solo potu infusi recentis radicis *laborandi* in instanti à letho vindicatos, me aliisque Ga-  
leni nepotibus, haud parum pudore suffusis, post tot Alexipharmacorum & Theriacalium  
Antidotalium irritos conatus. Ita ut postea ejusmodi collegas Barbaros subinde  
mihi adjungi passus sim, non adeo quidem Nostratium valetudinem ad tactum arte-  
riarum moderari, quam dictis modis consilii copiam præbere solitos.

Febres & morbi plerique in hoc Americæ tractu familiares, prognosi & curatione  
ab Europæorum sæpius; ab Indorum Orientalium rarius differunt; iisque partim ex  
veterum institutis partim ex more Regionis mederi contingit. Reluctante autem  
morbi pertinacia, Brasiliæ pater vel mater familias adit vicinos, ut, si quis tali  
morbo vel dolore infestatus fuerit, remedium illico promat, debitæque charitatis of-  
ficia vicissim præstet. Sicut olim in Græcia moris fuisset legimus.

Quotquot hanc artem profitentur, sive Indigenæ, sive advenæ, sive mixti generis  
*Molatae* & *Mamoluca*, religiosi sunt admodum in præscribenda ægrotantium diæta. Sæ-  
pius & statis horis, ob citam virium prostrationem, cibant. Defectum enim quam ex-  
cessum ægris plus semper in Indiis quam alibi nocuisse, multis experimentis ratum ha-  
bent. In quo tamen medium cordatores tenent. Errores in tenui viœtu, prævalente  
indicatione virtutis, deteriores in defectu; prævalente morbo, deteriores in excessu: in pari indicatione pares errores. Cum autem in febribus hisce multisque aliis mor-  
bis acutioribus (raro à falso pituita, crebro à bile ortis) liberior exhalatio fiat, & spiri-  
tus nimium attenuati, facile ad delirium exacuantur; viœtus paulo plenior & humi-  
dior non absque ratione conceditur, quod acrimoniam bilis retundat, exsiccationi  
hecticæ occurrat, & spiritui elabenti successorem faciat copiosorem. Huc accedit  
salutaris ille ante enarratus, lotionum, irrorationum, balnearum frigidarum & tepida-  
rum usus. Adeo denique eos transpirationis liberæ cura sollicitat, ut nihil æque ca-  
veant, quam ne quis convalescentium vel solis radiis, vel vento terrestri nocturno se ex-  
ponat. Ita, ut ex nostris Belgis quosdam paulo rigidioris vitæ impatiens ab ipsis pror-  
fus derelictos viderim. Quamobrem morbo licet profligato, exquisitissimam vivendi  
rationem diutius instituunt, ne languidis visceribus bilis repullulet, & febrilis miasma-  
tis incrementum fiat.

Cordialia refrigerantia & putredini resistentia, nunc in syrapi, nunc in conditi for-  
mam redacta, hæc maxime probantur quæ fiunt ex pomis *Murucujá* sive *Granadillas*,  
(ex celebri illo flore passionis natis) *Limoniis*, *Arantiis* eorumque floribus *Mangábas*,  
*Vbapitângâ*, Ficubus silvestribus fragrantibus *Iamacarú* dictis, pulpa *Citrulli*, Cucur-  
bitæ majoris & pomorum *Ianipápa*: tum è pirus & prunis punicis quæ *Araçá* & *Guaja-  
ba* vulgo dicuntur. Radices porro succulentæ arboris *Vmbú* (quæ dignitate & sapo-  
re *Citrullis* haud cedunt) recentes mirifice ardorem & sitim extinguunt: acceden-  
te largiori frigidæ potu, & decantata illa ptisana ex radice *Mandiboca* facta, quæ vires  
imprimis reficit.

Si purgandi sit necessitas, abstinent à medicamento fortiori, imo ultra Tamarindos Mechoacannæque recentis condituras, vel similia laxativa, vix ascendunt in  
morbis acutioribus. Qua in re solertiores dispensant, quasi memores Aphorism.  
xxii. lib. i. pro quo magnum est quod suppeditat Barbarorum praxis. Cæterum  
constitutio & temperamentum Regionis, viœtusque ratio simplicior & alia plura fa-  
cile dirimunt litem, utrum majus debeat haberi remedium, Venæsectio an Purga-  
tio: adde quod tum criticæ Hæmorrhagiæ, tum praxis quotidiana, circa morborum  
rationem & curationem, Phlebotomiæ prærogativam satis demonstrant: Catharsis  
vero, tarde potius, benigne & raro fiat, tantumque in Meridionalibus terris post-  
ponenda, quantum in septentrionalibus præponi solet, sive conservandæ valetudi-  
ni, seu morbo tollendo id fiat. Ad illud Platonis scilicet dictum: Morbos non magna  
pericula denuntiantes, minime esse irritandos medicamentis purgantibus. Quod ta-  
men

men strictius inter primos Incolas, quam Advenas septentrionales, vietu crassiori utentes, chronicisque morbis à cruditatibus ortis obnoxios observandum est.

Ad hæc, licet anni tempestates inter se differant parum, similesque sibi multum sint, ut alibi notatum est, sub solstitio tamen hiberno, Sole Cancrum ingrediente, tum quoque sub Cane & ante Canem, ob ventorum Meridionalium temores & humiditates prædominantes, non æque feliciter instituuntur purgationes. Idem cogita de solstitio æstivo, quod in Capricorno fit, ob nimias siccitates. Æstate per superiora, quod ob dominium bilis in ventriculo contentæ, plurimi sint faciles ad vomitum: hieme vero per inferiora corpus purgare convenit, ob redundantiam pituitæ, præsertim si materia peccans infra septum transversum hæreat, juxta Aphorism. i v. lib. i v. Cujus necessitas si tanta in Græcia, in Indiis facile major erit. Quippe πυρόχολοι τὰ κάτω qui dicuntur, lævitatibus intestinorum infestari solent, purgationesque per superiora haud facile ferunt. ad Aphorism. x i i. lib. i v.

Dubium hæret plerisque artem medendi profitentibus, quare sub zonis torridis, medicamenta purgantia, majore licet dosi exhibeantur, minus tamen operentur: Cum à præceptoribus edocti sint, tutius fortiora medicamenta, majorique quantitate in Terris septentrionalibus quam meridionalibus subministrari, ubi lapsus virium, & humorum accensio minus extimescenda. Quam diversitatis rationem, partim ex dispositione individui nasci crediderim, quod sub hoc cœlo calor vitalis ab extraneo ambiente attractus, minusque concentratus, debilius agat in id, quod à circumferentia trahere debet: partim ex effætis medicamentis exoticis, quorum plurima quia minus durabilia, nobiliores partes deponunt, ac terrestres retinent.

In modo etiam præparandi medicamenta differunt Americani ab Europæis. Præterquam enim quod virentes & recentes herbarum succos perpetuo ad manus habentes, Apothecis facile careant: Remedia quoque ex variis composita admodum aver-santur; Sed simpliciora in quovis medendi genere amplectuntur, à quibus nempe corpora non usque adeo irritantur. Quam erroneam quorundam Medicamentorum far-raginem Fernelius lib. v i i i. eleganti similitudine confirmat. Adde, quod nuda & genuina efficacia simplicium clarius elucescat. Hujus autem indagationi strenue incubuisse in hoc novo rerum incognitarum mundo, non infimæ utilitatis esse existimo. Præterea Lusitani æque ac Brasiliensi, nativi Medicamenti infusum raro igni, sed aëri & rori nocturno versus Orientem exponunt. Vnde frigidiuscula aura subtilissimusque ros vicem correctorii attenuatione sua præbet, dum medicamenti acrioris & calidioris vires moderatur. Certe cum considero gentem hanc simplicibus & cuvis obviis ac vilioribus herbis feliciter mederi affectibus contra naturam, tam externis quam internis: non dubito priscam Medicinam omnino talem fuisse, ac maximam partem compitorum istorum Medicamentorum à recentioribus inventam esse, suo potius quam ægrotantium commodo. Ut vix me contineam quin cum Plinio exclamem; Quo Deorum istam perfidiam monstrante, hæc constituta sunt, ut sæpe contrariis qualitatibus constantia medicamenta simul misceantur, nisi ut carnificinam (addo & au-rificinam) in humanum genus exerceamus. Quod & alio in loco mecum confirmat, qui vilia Medicamenta primo aspectu non contemnit. E contrario attonitus, ut ipse ait, quorundam persuasions, qui prodesse nil nisi pretiosa putant, & sicut victimum ex Artocreas tantum, ita ex superstitionis compositionibus medelam frustra querere satagent. Sed desino, ne à non emunctæ naris hominibus hæreticus vel paradoxus in Medicina audiam.

Medendi supinitas in febrium synochorum & ardantium principiis, ut ubivis terrarum, ita in Indiis imprimis nocet, ad Aphor. x x i x. lib. i i. Incipientibus morbis si quid movendum videtur, move; vigentibus autem quiescere oportet. Nec attendendum ad Avicennæ consilium, qui non nisi post concoctiones, venas secandas præcipit, principio & vigore morbi jam elapsis. Febres enim acutæ adeo invalescunt si in ipso statim initio magna remedia non adhibeantur, ut non raro lethum secum trahant. Quin sæpe post secundum diem nihil movendum, quod motum pridie non fuit. Imo in acutissimis turgente materia, sæpe post primum, ob exolutas vires, quiescendum est. Cujus rei veritas ut fuit per experientiam deprehensa à Græcis: sic indies magis magisque in Indiis elucet. Et sanguinis quidem missiones in Nostratibus ac plerisque adveniis noviciis religiosius cautiusque oportet instituere, eo quod Lusitanorum & præser-

tim Indorum solidā & compacta corpora amplis vasis ac rara pinguedine farcta, ferendis fatigationibus & vacuationibus sanguinis aptiora sint. A prima namque infantia ad ipsam usque senectam (quae utraque firma in Indigenis esse solet) cito, tuto & jucunde, amici amicis omni diei noctisve hora venas incident. In illo Rhasin, in hoc Avicennam imitantes, invitatis tot Galeni aliorumque veterum interdictis. Celsique illud dictum „lib. i i. c. x. respiciendum, Non quæ ætas sit, neque quid in corpore intus geratur, sed quæ vires sint. Ea tamen cautione, ut quanto Europæos ac Boreales superent secandi frequentia: tanto cedant illis in quantitate mittendi una vice: ut enim in ea sunt liberales satis, ita hi è contrario parci. Nec unquam Hippocratis exemplum affecitos memini, atque ad animi deliquium usque sanguinem detraxisse; quod requisita ad id uno in subjecto raro concurrant. In juvenili, vegeto ac plethorico corpore vix septem uncias excedunt: quater tamen imo quinquies uno die feliciter incisionem repetunt. In quo nec Agyptios plane imitantur, qui à sumpto cibo; nec Europæos nostros, qui jejunis utcunque Sanguinem educere amant. Sed ad concentrandas vires & lipothymias evitandas offam condituras cum modico frigidæ potu exhibent.

Raro hirudinibus, quæ sunt Europæis minores, utuntur: scarificationibus autem frequentissime, tum & cucurbitalis corneis rite applicatis, phlebotomiæ defectum supplant. Solus cornearum cucurbitularum apud Americanos usus existit, eaque sunt Taurorum parvæ perpolitæ quibus altera extremitas lata, altera angustissima parvo meatu constat, quas non igne vel aqua calenti, sed oris suctione cuti validissime affigunt, reiterantque pro lubitu. Suctum illum ad Medicinam spectare novit Homerus, qui de Machaone Menelaum vulneratum curante, Sanguinem, inquit, exfugens, lenia medicamenta adsparsit. Quam vero tutum & validum scarificatio sit remedium contra plurima mala externa & interna, præter Galenum & Celsum, Oribasius ex Herodoto refert. lib. v i i. c. x v i i. Et de se ipse testatur Oribasius, peste laboranti, duas circiter sanguinis libras, sibi cum successu per scarificationem fuisse eductas. Hoc idem Indigenæ faciunt volentes cute scarificata sanguinem demere: hincque copiosior, quam cucurbitulis, educi solet. Verum quod ad magnas scarificationes, ac citra cucurbitulas absolvendas, in his non convenit Brasiliensis & Europæis, neque in modo neque in quantitate. Raro enim cultello, & superficiarie, sed spinis arborum; vel dentibus piscis Lamiæ (sine quibus vix quemquam eorum peregrinari video) fiunt, altisque plagiis, non adeo in malleolis veterum more, cæterisque externis membris, sicut Ægyptii aliique solent: sed femoribus, suris, brachiis, omnibusque carnis corporis partibus. Hac ratione libras sanguinis educunt, non secus ac alii per venæsectionem. Plurimumque adeo differunt à cucurbitulis scarificatis. Ut vero doloribus scarificationis succurrant, antequam opus aggrediantur, non solum frictionibus, sed & manuum verberationibus crebris, stuporem quasi membris inferunt. Peracto opere, vulnera aqua calida irrorant, eaque Balsamis & succis linunt anodinis. Atque his solum remediis plurimos affectus restituunt, internaque partes nobiliores à noxis liberant.

Videamus tandem quæ circa Vomitoria, Sudorifera, & Opiata animadversione digna sunt.

Qui Incolarum & Regionis temperamentum calidum & humidum esse perspexerit, haud difficile dijudicabit, quando & quibus per superiora ventres exonerare sit necessæ. Æstate enim sicca bilem qualecumque, à crebro fructuum fugacium & horiorum esu in ventriculo collectam, haud tutum existimant per inferiora ducere, præsertim iis, qui πυρέχολοι τὰ ἄνω dicuntur. Cum alias dictum sit rem Medicam ferre hic absolvi 'meris vegetabilibus, (quarum copia facile inopiam mineralium compensat) vomitoria plurima in ususunt. Sed cæteris facile palmam præripiunt celebres illæ radices *Ipecacuanha*, in tractatu simplicium delineatæ. Ad has primum refugium capiunt omnes pariter Incolæ, utpote tutissimas ad exturbanum sive assumptum venenum, sive cacockymicam faburram circa præcordia hærentem. Præ cæteris autem revulsionis gratia exhibentur contra fluxus ventris, nimium in Indiis familiares. Pluribus encomiis hanc eximiam Panaceam extollerem; sed vereor ne Satyricus quispiam id de mea *Ipecacuanha*, quod tempore Catonis de Brassica nimium laudata dixit: *Brassica Día Catonis*. Cæteri fructus vel herbæ usuales per superiora potissimum operantes, sunt nuces Catharticæ, *Anda*, tum Ricinus Americanus major & minor. Quarum dotes & noxx in tractatu simplicium expositæ sunt. *Caapomónga*, *Iitó*, *Manacá*, alizque

aliæque ejusdem quidem farinæ, sed indomita exturbandi qualitate præditæ. De qua-  
rum ulteriori usu & abusu sedula posteritas cogitet.

Licet autem de sudoriferis exhibendis minus sollicita est Medicantium turba; atta-  
men cum oporteat ministros naturæ eam recte agentem imitari & eo ducere quo ver-  
git; non difficile erit in Regionibus ad Meridiem & æstuosum cœli aspectum tendenti-  
bus sudores promovere cum Euphorbia. Medici multis abhinc annis in praxi exer-  
citati ipsi adeo Theriacæ similiæque compositionis sudoriferis temperatius & minus  
compositum unum atque alterum longe præferendum arbitrantur, eoque tanquam ad  
sacrum febrisfugum cuivis obvium confugiunt. Quod fit ex aqua fontana, & sacchari  
momento, cum multo recenti limonum acerrimorum succo ad mellis fere consisten-  
tiam cocto, eamque satis calidam bis terve de die, præsertim initio exacerbationum,  
reiterant. Atque hoc modo sudores copiose educunt, ac turgentes fervidos humo-  
res aciditate simul frenant sedantque. Quod ego multoties, paucis generalibus præ-  
missis, felicissime imitatus sum, stupendosque effectus à tam Euporisto remedio, addi-  
to subinde sale prunellæ vel oleo tartari, contigit videre. Etiam si enim culpanda sit  
futilis illa credendi cacoëthes, quæ in Indiis mire afficere solet mortales, de febrisfu-  
gis superstitiosis, sympatheticis amuletis & similibus; tamen vel inviti cogimur fateri,  
quarundam rerum esse eam vim, ut paroxysmum febrilem sine noxa infringant & pu-  
tredini simul resistant. Quomodo creta vitium acescentis cerevisiæ emendet: quo-  
modo succus limonum vehementissimæ ebullitioni sacchari in capacissimo cacabo resi-  
stat: Spiritus item vitrioli cum sale tartari mixtus aciditatem perdat, & multa alia, qui-  
bus brevitatis causa supercedeo, haud facile erit pronunciare. Interim argutulos illos  
acerrimos abstrusarum rerum, si Dis placet, investigatores, qui occultas proprietates  
pro ignorantiaæ asylo perpetuo reputant, omnemque causam ad manifestas qualitates  
acceptam referunt, invito, ut me hæc & quædam supra enarrata naturæ arcana edo-  
ceant.

Cum vero perpetuæ vigiliæ & doloris vehementia, magnis illis remedii evacuanti-  
bus contraindicent, somnum nunc per interna soporifera & anodyna, nunc per externa  
quæ cogendis sint ruentibus humoribus, conciliant. Quod totius corporis, præcipue  
capitis, frigidæ irroratione, & unctione viscidæ cujusdam & frigidæ materiæ, è plan-  
ta *Vrucatū*, tum è ramis *Cardui littoralis* contusæ, instituunt Barbari, quibus usus opii  
nondum innotuit.

Quia autem narcotica non immerito tantopere extolluntur per omnes Indias, ubi  
morbi acutissimi cum spirituum & humorum orgasmo, præsertim ventris illi fluxus  
sanguinei malemorati, Catarrhi & Hæmorrhagiæ contumaces grassantur, operæ pre-  
mium erit circa eorum abusum breviter quædam monuisse, ne temere ad auram popu-  
larem captandam, ut sæpe fit, adulatoriis potius quam veri Medici officium præstent,  
& in gravissimos scopulos impingant. Non sine noxa datur iis, qui ex crassis humoribus  
& frigidis morbis laborant; tum quoque quibus vires sive à morbi vehementia, sive ab  
immoderata forte Venere nimis exhaustæ sunt. Neque tuto exhibitur, quibus in  
morbis à fluxione natis non aliquæ generales evacuationes præmissæ sunt, quod pectus  
opprimant, hostem includant, cum evidenti ægrotantis periculo. Verum si dolor  
atrox & vigiliæ ex spirituum & humorum tenuitate, æstu & mordacitate ferociente,  
natæ sint; eos non tantum sedant, sed & naturam armant contra inimicum, eumque  
obortis sudoribus, quod in Regionibus calidioribus haud raro fit, propellunt ad extima;  
spiritusque victor foras diffunditur, unde morbi simul & symptomata tolluntur.  
Certe enim quam amica est spiritibus ac humoribus coagulatis dissolutio, tam grata  
accæptaque dissolutis coagulatio, quæ subtile halitus densat, efferos ichores figit,  
mordaces succos mitigat.

Atque hæc de modo curandorum morborum acutiorum, & Febrium potissimum, in  
genere dicta velim. Destillationes & Oppilationes illas chronicas, ex quibus febres,  
fluxus ventris, aliisque morbi graviores non raro pullulant, advenæ intemperanter vi-  
ventes haud facile evadunt. Eo quod Cruditates, quæ vera semina sunt morborum,  
ob supra enarratas causas, non rite præcavent. Ex iis enim educiti vapores faciunt In-  
flationes: iidem in capite condensati Destillationes: in aliis membris & visceribus Ob-  
structiones: unde sequitur aut Putredo aut Inflammatio. Atque ab aliqua harum causa-  
rum, intemperies humorum, exindeque nascentes morbos, provenire dixerim.

## C A P V T I I.

*De Catarrhis.*

**Q**um instituti nostri ratio postulet, prosequi Cruditates, Obstructiones, cæteraque mala inde pullulantia; videndum quid notatu dignum circa Catarrhos.

Rariissimis destillationibus veterani incolæ, creberrimis advenæ juvenes & pueri molestantur: Eæque vel à frigore nocturno, astricto, & compresso capite: vel à caloribus diurnis rarefactis carnibus exoriuntur. Quæ plurimas sæpe noxas vel per se vel ratione partis in quam fluunt, secum trahunt. Æstivo æque tempore, ac pluvioso oriuntur, humoribus capitum in fauces, quandoque in asperam arteriam partesque dissitas decidentibus. Quemadmodum enim omnia oppleti capitum symptomata in primigenia febre (teste Hippocrate) statim enascuntur; ita non minus aliquando vis Solis ciere catarrhos animadvertisit, è cujus assiduitate maxima interdum mala oriri solent. Ut enim aquæ stillatitiae, subtracto aut extincto igne, profluere cessant; ita catarrhus ab intensissimo solis calore suscitatus, non prius aliquando subsistit quam æstus defuerit. Hyeme pluviosa, perpetui redundantes humores viscera laxiora pervadunt, unde tusses, tabes præcordiorum, maxime vero ventriculi opplationes, alvique albi fluxus, (qui cerebrales vulgo practicis dicti) cum phlegmate ex capite descendente, proficiscuntur: ad Aphor. x x x. lib. v i i. *Quibus per diarrhæas spumosa sunt alvi excrementa, iis à capite fit defluxio.* Quid quod ipsa nervorum paria, spinalemque medullam invadunt, quod humores oppido mobiles, partiumque facultates retentrices minus validæ in his terris deprehendantur. Maxime vero homines recens sanitati restitutos, recidive quasi, iteratoque corripiunt Catarrhi, tanto impetu, ut omnes pene nervos occupent, unde cæcitates in opticis, stupores & tarditates in sensoriis & motoriis excitantur. Atque hæc omnia graviora oriri existima, si ventus è continenti oriundus ante diluculum, apertis sudariis caput & pectus frigido malignoque vapore subito feriat, transpirationemque cohipeat.

Porro si quando contingat virilem vel senilem ætatem stillicidiis è capite, vagisque artuum doloribus (*Curimenti* vocant Lusitani) tentari, diuturni & curatu difficiles esse solent: qui tempore plenilunii, tum accedente æstu maris, præsertim post Solis occasum, exasperantur usque adeo, ut missa causa, solis sæpe symptomatibus occurrentum sit: quippe spatia inter articulos non solum alternatis vicibus, sed & viscera interna doloribus profundis afficiuntur. Ita ut Rheumatismum vere experiantur de quo Hip. l. de locis in hom. & Gal. de diff. feb. c. 7. agunt. Qui ob analogiam quam habet partim cum catarrho, partim cum arthritide, vulgo medicorum non raro imponit. Non quod plane negandum sit à cerebro subinde humores istos immediate descendere, cum pateat sæpe dolores in cervice incipere, & postmodum ad humores descendere, sed primam serotonum & acrum humorum generationem fieri in hepate fervidiori; unde debilius redditum, non satis conveniens nutritioni alimentum generat. quæ duo tam nobilis visceris incommoda, quam sint nimis frequentia in calidis regionibus, alias satis superque demonstratum est. Affectus porro hic utcunque comitem habet febrem lentam symptomaticam, & propter diuturnitatem potius quam vitæ discrimen extimescendam.

In principio curationis abstinentiam à quocunque validiori medicamento. Evacuationes enim sive per alvum, sive per sudores, nunquam nisi in morbi declinatione profuisse, expertum est. Quapropter post reiteratas venæsectiones, pro re nata, materia morbifica est præparanda, mitiganda; intemperies corrigenda, omnesque partes tam mandantes quam recipientes roborandæ. Interim ad obtundendam humorum acrimoniæ, & sedandam agitationem, julepi celebrantur ex Aqua cannæ saccareæ, Granatorum, *Ianipape* & *Ptisanæ* ex radice *Mandiboca* præparatæ cum tamarindis. *Quibus* succedant decocta ex *Iupicângâ* & *Salsaparilla* ad sudores proliriendos.

Hæc breviter inferenda judicavi, ne ea quæ de catarrho dicta sunt cum hoc affectu confundantur. In curatione enim catarrhi proprie dicti, si utroque remedio, scilicet purgationis & venæsectionis utendum sit, præcedat Venæsectio, ut moti humores divertantur, fluxusque è cerebro excidentes sistantur.

Catharticum unum atque alterum pituitam dicens ex nuce *Andá*, vel ex catapotiis quæ Mechoacanam, *Colocynthidem*, *Aloën* & *Guttam camboïdem* recipiunt, instituisse

tuisse sufficiet. His succedat Syrupus Tabaci ad magis incidentos viscidos humores, atque ad arcendos asthmaticos affectus. Quod ut tuto fiat, cautione opus est circa tam validum medicamentum. Scilicet ut gradatim dosis syrapi augeatur, atque præparatio ejus rite instituatur. Sicut in hujus libri calce docebitur. Quibus si forte ruens actis humor refragetur & gravius periculum minetur à stupefacentibus, quod eximii sint in simili necessitate profectus, non ulterius abstinentum; quia tabificam pruinamqua pulmones madens cerebrum subinde perpluit, intercipiunt. Quæ tamen cautius exhibenda, quandiu signa repletionis in capite & pectori apparent: nam tunc eorum loco sudorifera, frictiones & unctiones præferendæ: maxime vero, ubi destillationes visceræ & membra jam diu obsederint. Recipe summitates *Tupeçava*, radices *Aninga*, *Betis*, *Iaborandi*, *Aguaxima*, cortices arboris *çebipira*, folia *Iaparandiba*, *Caaróba*, *Camará*, *Pimente silvestre longo*. Ex quibus, accendentibus foliis Myrti, & radicibus *d'Araça*, balnea & fomenta concinnentur, partesque dolentes aliquoties laventur. Mox spiritus vini, infuso Pipere Brasiliensi, stupa aspergantur. Frictiones denique ex oleo Tabaci, Rici- ni, Chamomeli & Myrti Americani, in quo thus aliquandiu maceratum sit, instituantur. Præ cæteris probatur linimentum, quod ex pinguedine vermium tostorum *Iarumai*, & venenosa rana *Cotorá*, conficitur. Postea emplastrum ex præstantissimo Elemni gummi *Iciçaiba*, Anime, Pipere Brasiliensi & adipe capræ, partibus afflictis apponendum. Quod ab empiricis, & rationalibus, prospero eventu instituitur.

Fonticulorum denique necessitas, si ullibi, his terris magna est, modo temporius, ob majorem humorum mobilitatem, inferioribus & que ac superioribus membris applicentur, quod seriores humores à nobilioribus partibus derivant, & que existenti quam fient morbo opem ferunt. Adde masticatoria, quorum principem locum facile obtinet *Iaborandi* decantata illa radix, quæ mane modice manducata, grato acore pituitam attenuat & eductit. Sternutatoria quoque ex pulvere Tabaci felici cum successu usurpantur.

Cibus sit temperatus ad caliditatem & siccitatem inclinans, totalisque abstinentia à Venere & Baccho. Ad hæc ab illa perpetua vicissitudine noctis atque diei sibi caueant, ne modo calor, modo frigus, quid moveant; quod incautis advenis familiare est. Postremo potus sit defæcatus ex aqua fontana, quemque *Vbirareé* sive *Guajaci* cortices, sarsaparilla, sassafras, liquiritia nativa ingrediantur.

Cæterum cum cerebrum pituitæ esse fontem Medicorum princeps affirmet; eam partim gignit, partim calefactum, ut sapenumero hic fieri solet, è toto corpore trahit, ac rursus in pulmonem demittit, eumque exulcerat aliquando, unde Tabes enascitur. Cujus peculiarem curandi modum operæ pretium duxi paucis addidisse. Cum enim non minus beato cælo soloque hic Americæ tractus gaudeat, quam Italia vel Græcia, Galenum imitari lubuit. Qui ut tabidos ad Insulam Tabiam, ita ego ad saluberrimum montem mari vicinum, pulmone laborantes ablegare sum solitus, ædibus versus ortum apertis, Euroque expositis, occidentem vero spectantibus, obtectis. Quod quidem non mensibus pluviis sed æstivis fieri convenit, cum eximia illa aëris tenuitas & siccitas, pulmonis ulceribus amicissima, collapsis visceribus vitalibus robur restituat. Aërem enim pro respiratione attractum, non minus ventriculum & intestina ingredi, quam pulmones, eleganter probat Hofmannus in Institut.

Inter squillas, cancros piscesque cartilagineos, ii qui facilioris concoctionis sunt eliguntur; ut & aves montanæ, phasiani, columbæ & palumbæ, atque aliæ, exceptis carnivoris & altius ad æthera volitantibus, utpote calidissimis. Lac caprinum, præ cæteris vero pulmenta, emulsiones, boleti, placentæ è *Tipioca* exsiccantes & consolidantes, reliquis alimentis medicamentosis facile palmam præripiunt. His addantur aquæ florum Aurantiæ & *Ibabirabæ*. Loco conservæ Rosar. illa quæ ex fragrantibus prunis & piris Granatensis fit præstantissima, substitui solet. Navigatio quoque modica circa littus, cælo ac mari clementiori, animo & corpori proficia habetur.

Licet autem syrapi Tabaci supra enarrati præparatio diversis modis instituatur, diversaque aliquando recipiat compositiones pro varietate affectuum vel temperamento rum: Ego relictis cæteris sequentem præferre solebam quem ex succo Tabaci maris rec. expressi  $\frac{1}{2}$ j. Aquæ Cannæ saccariferæ rec.  $\frac{3}{4}$ j. Mell. silvest. (grato suo acore oxymel superantis)  $\frac{3}{4}$ j. Præparari jussi secundum regulas artis. addita tamen ea perpetua cautione ut succi Tabacini exquisitissima fiat primum digestio, qua vomitiva & purgativa atque alia qualiscunque violenta qualitas infringatur, sicut in aliis multis validis medicamentis fieri solet.

*De Oculorum malis.*

**M**erito quidem Hippocrates lib. de Aëre, aquis & locis, oculorum mala, tum imprimis lippitudines duras ac vehementes meridionalem plagam habitantibus familiares esse, tum quoque iis quibus carnes calidæ & siccæ sunt, testatum reliquit. Inter primas noviciorum in Indiis querelas haud postremum locum sibi vindicant oculorum vitia cum videndi facultate depravata vel sublata. Ex his quidam Sole occidente, quod minus lucis præbeatur, quam opus est, maxime tempore plenilunii: nonnulli crepusculo matutino videre desinunt. Prior affectus *νυκταλωπία*, posterior *ημεραλωπία* Græcis dictus. Quibus si pertinax capitis dolor accedit & non in tempore remediis succurratur, periculum est ne prorsus tandem cœcutiant, vocaturque *Gutta Serena* sive *ἀμαύρωσις*. Omni quidem anni tempore sed æstate potissimum sicca quæ aquarum exors sit, hic oculorum affectus advenas, vix indigenas, infestat, rariusque nunc quam olim dominatur. Quod nostrates quondam adventitii, Solis & Soli Indici ignari, multorum morborum origines nondum habuere perspectas, quas postea edicti evitarunt, eorumque principia declinare didicerunt. *Νυκταλωπία* hæc sponte sua curatur, aliis ad septimanias sex imo menses totidem protrahitur, nec raro recidiva est. Duplex est hoc malum. Externum, quando nubeculæ transparentes vel non transparentes superveniunt. Internum, cum nihil omnino exterius in oculo apparet. Posterior hoc priori frequentius infestat, & difficilius curatur. Vtrumque externam & internam causam fomitem habet. Pauperes & milites gregarii, corruptis satiatis sæpe alimentis, aquis præterea stagnantibus, vinoque ardentí rancido ac fœculento vescuntur. Addo quod intolerabilis ille Solis verticalis percussus, ad torridum littus (quod non raro plantas pedum viatoribus comburit) oculorum aciem vehementer obfuscet & debilitet, catarrhosque ad nervos usque opticos solvat. Sicut sæpiissime in castris Illustr. Principis Nassav. à me est observatum. Mox delassatis, porisque aperitis, & totas sæpe noctes sub dio, luna plena, stante mediterraneo vento, recubantibus, fluxiones figuntur.

Hæc incommoda oculorum atque caligines, incolarum ritu, hoc modo tolli vel emendari solent. Primo interdictis illis alimentis, quæ diu in penuariis recondita, mucorem atque situm contraxerunt, in eorum locum recentia, sicca, temperata substituuntur, quod labefactato ventriculo spiritus visorii crassis & vaporosis halitibus facile inficiantur. Præterea tam æstum diurnum, omneque objectum justo fortius; quam frigus nocturnum, quod caput replet, arcent. Ad hæc, cephalica purgantia aliquoties repetunt. mox venas temporum & post aures aperiunt. Dein rasis capillis, aspergines, cucuphas adhibent. Sternutatoria ex pulvere Arboris *Ibabiraba* & Tabaci momento, cæterisque similibus exsiccantibus apprime præparant. Masticatoriis item ex radice *Iaborandi* non leve solamen adferunt. Cucurbitularum cornearum & hirudinum quoque usus, imprimis in cervice, commendabilis est. Setones in nucha, vesicatoria, fonticulos denique eodem modo quo in Europa applicant. Tum in hoc externo & interno; tum in aliis oculorum affectibus, aquam, quæ ex fragrante illo flore arboris *Ibabiraba* & è canna Saccharifera recenti destillat, eximia virtute pollere, quotidie experimur. Ros simplex, vel dilutus cerussa cùm lacte mulieris; denique liquor ille præstantissimus ex spinis arboris *Samouna* expressus, oculisque infusus vel circumcirca illitus, visum acuunt & corroborant. Extero autem oculorum vitio cum nubecula ovum recens adhibent ad duritiem coctum, additis tribus Sacchari Candi & pulveris *Ibabiraba* partibus, & una vitrioli albi. Ex quo liquor exprimitur, qui cubitum ituri oculis adhibetur. Idem quoque præstat aqua *Manipuera* ex radice *Mandihoca*, quæ licet pota venenosâ habeatur, oculis tamen prodest, visumque emendat. Quod si malum ulterius renitatur, fumus contriti carbonis è cortice *Ibabiraba* & Tabaci in oculos ægroti insufflatur; mox masticato allio jejuno ore, linguæque impositis *Ibabiraba* cineribus, cilia ejus identidem lambuntur. Præter remedia modo dicta, Lusitani æque ac Barbari syncrasia quadam visum restitui testantur jecore piscis Lamiæ recenti, vel sale paulum condito, manducato. Quod ipsum I. Bontius de Indis Orientalibus memorat.

rat. Quo videtur quoque spectare illud Hippocrat. dictum lib. de Visu. *Vnum aut duo frusta prout maxima devorare potest de hepate bubulo cruda, in melle tincta exhibeto.* Mihi utriusque enarrati remedii felicem subinde effectum videre contigit. Hisce potissimum subsidiis accedente tenui diæta curatio absolvitur; modo æger à supra dictis causis externis & internis sedulo, diuque etiam restitutus sibi caveat, præsertim cum intus dominatur affectus, nervusque opticus dudum receperit fluxiones. Atque hæc quidem mala plenilunio imprimis ingravescunt. Vnde humores moti non parum augentur, quo tempore caput purgia evitare præstat.

## C A P V T I V.

*De Spasmo.*

**C**VM nihil fere moderatum sub hoc cœlo ea corpora sublunaria recipient quæ cæstus diurni & frigoris nocturni vicissitudinibus exposita sunt, fit, ut, sicut acutissimi & calidissimi, ita frigidi imprimis & Chronic morbi in Indiis magis sint familiares. Inter acutos quidem facile primus fatale hoc Spasmi genus, Græcis τεισμός, Belgis **de Vilem** / nuncupatum: quod frequens admodum est, dictoque citius hominem stantem sedentemve invadit, & rigidum tanquam statuam, nunc Tetani, nunc Opisthotoni instar, tenet. (Vide Hofman. Institut. lib. 3. cap. 86.) Ita ut per intervalla miserando spectaculo retrahatur & concidat. Vnde tandem fit, ut spasmo cynico interveniente, ablataque respirationis ac deglutiendi facultate, (ob convulsu credo diaphragma & œsophagum) terrifica nonnumquam symptomata concurrant, & murmur quoddam horridum, Epilepticorum ritu, exaudiatur. Nonnulli vero tardius, citraque tot dicta accidentia, coripiuntur, dentibus primum stridentibus, ore mox distorto, adeoque occluso, ut vi ac specillo ferreo effringi debeant. Tunc quidem non raro suffocationis periculum incurunt, excrementaque retinere nequeunt. Infestantur potissimum hoc affectu vel levissime vulnerati, Piscatores, Fabri, Pistores: tum quod interdiu madidi ac sudore æstuantes, ab ingruente nocturno frigore sibi non carent; tum quod crassiori & veteri alimento assueti obstrunctiones lienis graviores incurant, indeque quibusdam noviciis calamitosum Scorbuti symptoma se jungat. (Vide Sennert. de oris convuls. & Scorbuto.) Tempestive itaque remedium adhibeas oportet: sin minus, ante quartam & vicesimam à convulsione horam æger succumbit.

Primum, si nullum grave contraindicans obstet, confestim vena secanda est, mox acribus clysteribus, aliquoties reiteratis insistendum. Posthæc sudorifera ex Alexipharmacis exhibenda. Symptomata enim, & curatio, malignum quid adesse testantur. Quodsi protrahatur morbus, decocto Salsaparillæ, corticum Guajaci, *Iupicângâ*, Sassafras, *Iaborandî*, *Betis*, *Nhambi*, aliisque nativis ejus generis herbis, succurrendum est. Hæc subsequantur balnea humida & sicca, suffumigia è stercore caballino, cum gummi Anime, & similibus aromaticis. Postea sudoribus alte abstersis, frictiones validæ instituendæ sunt. Mox inunctio colli, spinæ dorsi, partiumque vicinarum succedat ex oleis & balsamis appropriatis, nativis & exoticis, imprimis vero oleo corticum Arantiorum cum succo Tabacirecentis. Æger probe cooperiatur, corpore perpetuo sudore diffluente. Sæpe & modice cibetur, ob lapsum virium, bibatque calidum. Neque raro, si prædicta observentur, eluctatur: præcipue vero si febris, vel alvi quoque profluvium superveniat, quod evacuet materiam convulsivam translatam è nervis ad venas. (Hippocrat. lib. i v. Aphorism. 57. *Spasmo aut Tetano vexato, febris si accesserit, morbum solvit.* Et Coac. 358. *Convulsiones autem drepente ortas febris solvit, ac alvi fluxus.*) Sin minus; medicusque ac ipse æger vel astantes officii immemores; vel levissimo errore, antequam materia peccans viæta fuerit, commisso, certo certius de vita erit actum. Quod aliquando accidisse memini ore arcte clauso, ac mortu convulsivo immaniter per paroxysmos, maximis cum doloribus & ejulatibus, insurgeante.

*De Stupore Membrorum.*

**I**nter Chronicos morbos in America familiares est ille qui nervos tentat, alrumque membrorum torporem inducit. Cujus naturam nemo, quod sciam, tradidit. Eum Lusitani appellant *Air*, quod ab aëris inclemencia & ex incompleta obstructione, intemperieque frigida nervosarum partium oriatur. Pituita enim lenta & glutinosa, loco spiritum, nunc ex capite promanans, nunc è spinali medulla in artus destillans, facile nervos occupat, ac tendines brachiorum vel pedum, vel utrorumque simul infestat: accedente refrigeratione non tantum nervorum, sed & venarum, arteriarum, carnis, membranarum, cutis. Id ex dissectione Æthiopis, ex hoc stupore dum vive-ret laborantis, animadverti, cujus nervi frigido & tenaci phlegmate obducti erant. Sensus non in totum tollitur, pulsu existente exiguo & debili, cum profundo & obtuso dolore, pondereque membrorum summo; ac cum titillatione subinde sensus oberrat. Stupentis sensus ac titillationis vera ratio ex Rod. à Veiga Comm. in Galen. de locis affectis petenda. A paralysi differt quod sensus hic perpetuo adsit, licet saepe molestus. A Spasmo quod convulsivis motibus utcunque destituatur, quia artus prolongantur, non contrahuntur, humore frigido & humido in juncturas se insinuant, ita ut ligamenta & nervi inde laxentur. A Beribery distinguitur, quod hoc malo divexitatis membra minus contremiscant. Aliquando præter medullosam nervorum substantiam, membranosam quoque cum paroxysmis ac vehementibus doloribus tentari comperi, præcipue circa vesperam ac aestus maris vicissitudinem. Usque adeo invalescit aliquando hoc malum, ut ob maximos atque continuos cruciatus, facultates omnes de tono dejiciat. Affectus potius ærumnosus ob diuturnitatem, quam lethalis per se; nisi forte recidivus ex alio morbo, ut saepe fit, spirituumque defectus subsequatur: cum mentis & vocis interceptione, ad sententiam Hippocratis lib. 1. de prædiction. *Vocis interrupiones cum exsolutione, stupore detinente, sunt periculosa, tum & illa quæ subito in utramque partem translabuntur.* Multis enim ex obstructione morbis supernascitur, iisque præ cæteris succedit, qui mali judicii sunt & translatione symptomatica formidabiles fiunt. Quibus si accedant gravitates & acuti capitidis dolores, convulsiones fieri solent, quod ab Hippocrate in Coac. confirmatum est. Citius evadunt ægri, si febris accesserit, quæ non talis sit, ut frustra ciendo tenuaces humores oppressionem faciat, sed acuta, quæ nervos & musculos iis liberare, intemperiemque frigidam exsiccando corrigeret valeat. Illis vero qui calori diurno aut frigori nocturno caput & lumbos derepen-te exponunt, solutione vel compressione pituita in nervos partesque vicinas labitur, ibique radices agit. Adeo ut paucos ante trium vel quatuor mensium decursum, quosdam ne anni quidem intervallo, restitutos viderim. Vix subito unquam, sed plerumque sensim & per gradus invadit magnus hic morbus, ac magnis generosisque remediis propulsari postulat, quibus defectus virium non raro contradicit.

Primo, aër non nisi à solis radiis repurgatus admittatur. Noctu aër suffumigiis tepefiat. Potus sit vinum dilutum actu calidum, vel decoctum ligni Sassafras nativi. Cibus optimi, siccii tamen esto nutrimenti. Aves montanæ, perdices, phasiani, palumbi, cæterique id genus alites, tosti ægro exhibeantur. Si elixatis plus delectetur, aromaticis condiantur. Allium quoque & cepas piperque Brasiliense, si febris non impedit, atque evacuationes jam institutæ fuerint, adjificantur, quæ ex jusculis & lacte caprino pota, robur addidisse ac multum profuisse memini. Semel atque iterum purgationes instituantur ex Mcchoacana, quæ recens & succulenta sit, additis correctoriis è Spica Nardi & Zinzibere, tum & stimulis ex Hermodactylis & Coloquintide, si extractum Mechoacanæ in pilulas redigatur.

Ad hæc balneis & suffumigiis siccis potius quam humidis, imprimis ex accensa herba *Ambiaembó*, vel stercore caballino, cum gummi Anime cæterisque similibus accensis ad decem plus minusve dies utatur. Mox post haustum decoctum Sarsaparillæ & Sassafras, altis frictionibus sudores abstergantur, collum, scapulæ, totaque dorsi spina ad focum fideliter inungantur: accedente adipe colubrorum, & infuso Piperis Brasiliensis ex spiritu vini. Consultum quoque validissimo per cucurbitas cornicas suetu spiritus

spiritus attrahere, tum imprimis per altas illas scarificationes partem affectam liberare. Tandem, si necessitas urgeat, ferro candenti cutem pertundente, membra languida roboranda, lentaque nervorum pituita digerenda est. Convalescente ægro, noctes diesque partes affectæ ita obtectæ sint ut nullum aërem admittant, sitque exercitium & membrorum perpetua agitatio. Mira equidem tum tuendæ sanitatis ergo, tum in plerisque morbis sanandis, frictione & unctione frequenti incolæ præstant; illam in frigidioribus & chronicis, hanc in acutioribus adhibentes. Quæ remedia lubenter advenæ imitantur, & ut par est ex legibus artis, hæc & plura medendi Empiricorum genera moderantur. Quæ passim docet Galen. lib. 2. De sanitate tuenda, & Celsius cap. 14.

## C A P V T V I.

*De Obstructionibus viscerum naturalium.*

**V**biique Terrarum conservatio humani corporis, inter alia in Sanguinis & spirituum motu perpetuo consistit, qui si impeditus vel inordinatus fuerit, pertinaciores plerumque & graviores vel obstructiones vel fluxiones concitare solet. Hinc oppilationes illæ hypochondriacæ ac perniciosi ventris fluxus, non immerito Indiarum pestes habentur, cum inter populares morbos, nulli tanta vehementia dominantur, aut plures Mortales è medio tollant. Qui quoniam ex variis causis, potissimum vero ex impedita transpiratione primam originem trahunt: de frequentioribus obstructionibus ex cruditatibus natis & visceribus naturalibus supervenientibus, antequam ad fluxus descendo, quædam necessario præmittenda existimavi. Hepar, Lien, Intestina, præ cæteris Pancreas & Mesenterium, à Ventriculo multa patiuntur mala: qui, licet per se tot morborum causa non sit, tamen ab intemperantia vivendi toties tentatus, vegeto suo calore tandem destituitur, crassisque ac crudis humeribus obsitus, officio rite fungi non potest. Neque ventres hieme in his terris calidiores sicut in aliis, testante Hippocrate: sed frigidiores potius sunt, multoque humore abundantes ob crebras pluvias aëremque calidum & humidum, ac proinde pauciori alimento indigent. Iuvenes & advenæ maximopere hoc malo affliguntur: (veteranos enim & senes obstructionibus rarius infestari videoas) tam ob faburram scorbuticam in itinere conceptam: quam ob cacochymiam ex immoderato cibi potusque fæculenti & compositi usu contractam. Enimvero promiscua multitudo, nunc ad vitam necessariis destituta, modo eisdem nimium abundans, facillime cruditates atque obstructiones incurrit. Potu præterea vilissimo (quem *Garapa* vocant) ex sacchari fæcibus & aqua confecto, tum & Spiritu urenti ex eodem potu concinnato, multi avidissime se implent, unde ebrii ac æstuantes, totique sudore diffuentes, humi procumbunt, ac malignis vaporibus ex terra ascendentibus corpus denudatum per integras noctes exponunt. Quo fit, ut venis arteriisque corporis occlusis, circulatio & transpiratio illico impediantur, moxque tonus ventriculi & robur hepatis enerventur. Vnde debilitas cum tanto labore & lassitudine spontanea atque nausea oritur, ut ferendis cibis & medicamentis impares sæpe existant. accedit quod clam gliscat malum, & paulatim sine ullo fere sensu doloris primum invadat. Hinc neglecto facile morbi principio, multa mala subsequi videoas, manente tamen priori calamitate. Chylus siquidem crassus, & crudus, venas lacteas transfire non potens, eas obstruit: Iecori, Intestinis, Pancreati, cæteroque corpori, non quam debet sed quam potest ministrat. Vnde functiones naturales non solum impediuntur, sed & ob diaphragmatis sympathiam ex pondere hepatis & lienis enatam, magna comitatur respirandi difficultas, & ex infarctu Pancreatis perpetuæ querelæ. Accedunt Sudores frigidi in partibus superioribus, summus virium languor, canina appetentia, durities atque murmur utriusque hypochondrii: denique longo ventilationis defectu, febris, sitis & inflammatio. Quid quod suffusio flavæ bilis ex scirrhohe hepate prognata, & hydrops sæpe se jungat. Idem de India Orientali (cum qua India Occidentalis plurimos morbos habet communes) testatur Dr. Bon-tius. Si quem à tot simul ærumnis vindicatum iri constet, hoc non adeo manu Medici, quam singulari Naturæ beneficio, idque sæpiissime per liberale biliosum alvi profluviu, critice fit. Hinc obstructiones fluxu tolluntur. Scilicet in gravioribus & longis morbis

morbis exhausta Medici scientia & fatigata arte, s<sup>e</sup>pe sic solet Natura velut *è machina adesse ægris*, & sanare desertos post longam & insanam curationem. Quorum exempla passim obvia, etiamsi non memoriae sint tradita. Forte quod nihil præse laudis habent.

Si quis autem Medicamentis locus supereft, antequam ad eorum adminiculum confugimus, optima & stricta prius diæta per multum temporis instituenda est, quæ potissimum sit ex cibo & potu recentibus partiumque tenuium ac digestu facillimis, accedente mane & vesperi motu corporis liberali, quem ob difficilem respirationem declinare solent. Venæ sectionem, si non præsens febris, saltem futura s<sup>e</sup>pe postulat. Etenim materia morbi quamvis ex se sit frigida, non raro vel calidis humoribus augetur, vel ipsa fervorem concipit postmodum, ut hepatis quoque inflammatio merito extimescenda sit. Blandioribus primo medicamentis incidentibus & aperientibus, ne vires dejiciantur, tormina cruditatesque ex alto provocentur, insistendum, ut sunt radices herbarum *Acaricoba*, *Iuripeba*, *Pagimiróba*, *Tapyrapecú*, *Aguapé*, & *Aguaxíma*, ut & Cortices Rad. Arborum limonum, liquiritiæ, *Araçá*, *Ibiraée*, & similiū, unde Apozemata reiterantur cum successu. Et quia in his implicatis morbis s<sup>e</sup>pe scorbutici quid intercurrit, herbæ & fructus minus fugaces sed acidiores assumendi, ut sunt *Brassica marina* & *Portulaca aceto conditæ*. Inter hæc primas tenent nucē quas *Cocos* appellant, quarum liquor recens medullaque, præterquam quod gula lenocinentur, saluti prosunt: ut & mala *Aurantia*, *Citria*, *Citrulli*, *Caraguatá*, *Guajába*, *Ananas*, *Murucujá*. Deinde conducit ut *Pharmacia cathartica Diætam* excipiat ex more Regionis, & materia præparata exturbetur per superiora vel inferiora. Id autem nullo remedio tutius vel convenientius fit, quam infusio duarum drachmarum radicis *Pecacuánha*, vel nucleo nucis *Andá*. Exinde ipsius mali quasi antidotum per triginta dies & ultra, si morbi pertinacia exposcat, exhibeat, quod fit ex pulvere corticis *Ibiraée*, scoriæ ferri, ana 3 ij, Milij Indici 3 j. Fabarum minorum, cucurbitæ amaræ, sem. & pulp. fol. sen. ana 3 j. Quæ trita in pulverem exhibeantur à 3 ij ad 3 lb mane & vesperi cum liquore convenienti. Huic mox exercitium corporis succedit, cursus scilicet aliquot passum, qui indies, accrescente liberaliori motu diaphramatis major instituitur. A quo redeuntes cibis facilis digestionis refocillentur, præser-tim pulte è farina *Tipoca* cum saccharo. Nemo miretur remedio tam populari, tam gravem morbum extirpari. Medicamenti enim hujus basis est *Chalybs* & *Cortex Ibiraée*, (quod est Guajacum Brasiliense:) quorum hic cum primo gradu calidus, tenuum partium, dulcis & aromatici saporis sit, valide aperit: ille lentos in viscerum oppilatione humores incidens, merito cæteris præfertur. Inter Topica (quæ magni hic usus esse solent) Emplastrum ex gummi Elemni, *Içicariba* & balsamo *Capaiba* vel *Cobureiba* cum melle silvestri applicatur ventriculi & hepatis regioni. His omnibus accurate observatis, pluri-mi convaluerunt, nisi forte aliquid pejus in hepate delitescat, quod accendentibus reliquiis & debilitate viscerum, recidivam faciat. Quapropter consultum est, sublato mali somite, morboque secundum præscriptum artis expugnato, decoctum *Salséparilla* Brasiliensis aliquandiu exhibere. Tametsi autem hæc medicamenta eorumque utendi methodus, neque ratione, neque experientia, destituta sint, & minime improbanda, ne cesset tamen ad rationis amissim ea exigere, & nonnihil inventis addere vel demere.

Cum vero hæ obstructiones ex iisdem causis enarratis pronatae, mulieres quoque Europæas gravidas æque ac non gravidas exerceant, quid mirum si generationi destinatus uterus per intemperiem magno illi naturæ operi ineptus cloaca fiat multorum exrementorum & cruditatum, unde variae calamitates maxime vero uteri profluvia alba succedunt: Quod dum pudore vel negligentia ægræ occultare student, fiunt pallidæ & tristes atque ingratæ viris. Temporis decursu conduplicatur & eo usque auge-tur malum, ut non minus de corroborantibus viscerumque tonum restituentibus, quam de evacuantibus remediis cogitandum sit. Quod quidem, partim balneis artificialibus factis ex fragrantibus herbis indigenis calescentibus & astringentibus, partim supra-dictis medicamentis deoppilantibus, accidente syrupo Tabaci & melle silvestri, vel simplici vel cum aromatibus mixto, absolvitur. Non neglectis interim quibusdam pituitosam cacochymiam evacuantibus, tum cum profluvia hæc modum, tempus & colorem variant, secundum Aphor. xxv i lib. v.

Infantes autem nostrates præter hæreditaria genitricum mala, facile ex præpostera educatione superius enarrata nova accumulant. Vnde aquoso humore inflantur, duris-que

que hypochondriis paulatim contabescunt antequam ad pueritiam attingunt. Si quæ medendi præsidia ex supradictis adhiberi contingat, raro profunt, exceptis quibusdam ventris externis frictionibus & unctionibus deobstruentibus; & præ cæteris, si, remota matre, Brasilienses & Æthiopissæ nutrices lacte suo vegeto eos ad biennium circa educant.

## C A P V T V I I.

*De Hydrope.*

**I**ntr morbos qui ex obstruktionibus pronasci solent, & in hac cum alterius mundi parte communes sunt, est ille qui Latinis Aqua Intercus dicitur, advenas pueros atque juvenes præcipue infestans. Illis enim potissimum ex imperita educatione & transpiratione impedita; his ex supradicta vivendi intemperantia, viscera sanguificatio-  
nis affliguntur, omnisque generis Hydrops vel primario inducitur, vel secundario aliis morbis, ut Cachexiæ, Ictero, Dysenteriis, Quartanis, febrisque acutioribus male expurgatis, ut Hipp. passim comprobatur l. de affect. succedit. Quemadmodum omnes hepatis affectus in Indiis facilius & crebrius quam in frigidioribus plagis generantur; ita non adeo infeliciter curationem recipiunt ii qui non ex alio morbo nati fuerint. Facilius tamen quam cæteri morbi recidivam patiuntur. Hinc cautio in prognosi & curatione exsurgit, secundum illud Hipp. effatum. *Hydrops qui Medicina revenit ac concedit, desperatus est: præcipue si ex alio morbo, quod sepe fit, profectus fuerit.* Quippe si atonia hepatis vel scirrhous, extinctio item caloris naturalis, omnes denique alienatæ vel impeditæ virtutis sanguificæ causæ inferantur, multum quidem solatii ea remedia ægrotanti tunc concilian, quibus abdomen & pedes detumescunt: sed cessante Medicina (à qua necessitas fractæque vires sepe medicum recedere cogunt) morbus à perennitate causæ morbificæ renascitur. In cadaverum dissectione, eorum imprimis, qui ex Anasarca aut Ascite interierant, quandoque hepar colore albicante rimisque faticens reperi, ne vestigio quidem sanguinis in jecinore apparente. Vnde facile liquet quæ spes à visceribus captanda sit. Contrarium vero non raro contingit, si malum hoc cadat in subjectum visceribus bene moratis, quando Ascites de subito nascitur ijs quibus ex aqua inordinate ingurgitata sanguificus calor læditur. Tunc enim & per cognitas & latentes vias insperatæ excretiones, medicamentorum virtute, tum per alvum utramque egeruntur. Quas vias si sponte sua natura inveniat, non exiguum solatium ægrotanti præstat; quod verba Hipp. in Coac. de Hydrope c. xix. sentent. v i i i. comprobant. *Iam vero ineunte Hydrope, si aquosa incidat diarrhoea cruditatis expers, morbum exolvit: secus enim ager, non morbus, tollitur.* Sivero medicamentorum adminiculo opus, consultius hoc per Perirrhœam quam Diarrœam instituitur, quoniam difficile est excretionem illam hydropici humoris suscepit, ex lege critica per intestina perficere. Tum alvus, arte liberaliter mota, merito in Indiis suspicionis plena habetur, quod in diuturnum imo lethiferum profluviū non raro degeneret. Perirrhœa tutius aquæ educuntur; tum ob majorem in visceribus pororum apertione; tum ob eximiorum medicamentorum indigenarum affluentiam, quæ aperiendo, siccando, astringendo mirabiliter sane curationem absolvunt. Quippe non raro contigit, ut sola radice diuretica *Caapéba* (in tractatu simplicium dicta) ex vino vel aqua, subinde ægro propinata, latex intercus fuerit educatus. Idem præstant Mirabilis Pervanæ, *Caapomonga*, *Iaborandi*, Sassafr. Sarçaparilla, Liquiritia, cortic. Limoniorum & prunorum Granatenium, radices *Juripeba*, *Aqua-xima*, *Guabipocaiba*, *Ivapecanga*. Quibus nativis, utpote recentibus & validissimis, plus confidentiæ, quam exoticis effætis & ad nauseam sepe reservatis, ponendum est. Alvus purgatur commode sequentibus remediis. Pilulis, quæ recipiunt Guttam Cambodi in aceto maceratam, cum Zalapæ & Mechœacanæ recentis vel fæcula, vel extracto. Quorum ulteriorem præparandi modum videre est in capite de fluxu albo. Syrupus itidem Tabaci, sive simplex, sive compositus, tenaces & viscidos humores tuto & potenter educit, si reiteratis vicibus cochleatim exhibeat. His succedant aromatica & diaphoretica, quæ transpiratione recuperata dissolvendi vim habeant tenuiores humores seruos, eosque per laxiores abdominis & viscerum poros expellant cum Euphoria. Balnea conducunt quæ parantur ex foliis piperis longi, Mali aureæ, Betel, Artemisiæ,

misiæ, salviæ silvestris, *Camará*, *Tupeçavá*, altheæ, *Albaháca*, *Iaborandiba*, aliisque quam plurimis. His adstringentia addi solent, ut sunt *gebipira*, radices *Araçá* fructus & folia Mytri Silvestris. Inunctiones ex prædictarum herbarum oleis. Accedit Spiritus ex corticibus Auriac. & Citri destillatus, valide corroborans sive extus sive intus exhibitus. Sed ut dicam quod res est, ad miraculum fere Paracenthesis, quæ maxime Asciti convenit, solet institui, idque ex lege Magni Præceptoris, ubi sexto Epidemion *Aquosos cito secari debere præcipit*. Quod per epicrasin ter quaterve uno die, mediantibus perpetuis corroborantibus, in ipso umbelico toties cum inopinato successu factum vidi. Sin minus ob virium jacturam licuerit, pedibus ex leucophlegmatia tumentibus, cutis supra & infra talos, in carnosis quoque membris, ex more Regionis inciditur. Plurimi ex ulcere in crure, modo sponte orto, modo igne comparato, curantur. Quidquid enim Paracenthesis (adeo apud Authores & hodiernos passim practicos decantata) vane utcunque promittit, in septentrionalibus præcipue Europæ regionibus, ubi hydropes calamitosæ ex diutina plerumque vivendi intemperantia & fervidiori potu clam gliscunt: id illa in Indiis ob enarratam causarum diversitatem felicissime sæpe præstat, ut ego cum multis aliis rei medicæ peritis testari possum; modo requisita, tam in subjecto ægri quam in moderamine medentis, concurrant, antequam ea tentetur, ne salutare remedium hoc, ut aliquando fit, prostituatur.

Cæterum Herniæ in ventrem inferiorem, præcipue vero in scrotum descendentes, non raro hydropum comites sunt. In expeditionibus per aspera & confragosa loca milites armati iter facientes hanc calamitatem incurront: mox fracti, toto corpore æstuantes, frigidissimam restinguendo calori affluentius hauriunt; somnumque sub aperto Iove capiunt. Hinc cruditates & flatus generantur, & peritonæum nonunquam rumpitur. Ratio vero curandi eadem quæ in Europa, fomentis scilicet, inunctionibus, ligaturis & similibus.

## C A P V T V I I I .

*De Prolapsu Cartilaginis Mucronatæ.*

**M**Orbus ille cuius Codronchius, Sennertus & alii videntur meminisse, *Spinela* Lusitanis appellatus, interque Endemios habitus, non infrequens in his terrarum oris grassatur. Fernelius quoque v i. Patholog. cap. 3. singultus orti ex compressione ventriculi à costæ extremo meminit. Hanc cartilaginem prolabi non posse, incurvari posse, putat Hofman.

Corporis totius languorem inducit, cum dolore Stomachi, aliquando vomitu, summa respirationis difficultate, quæ ex refrigeratione pectoris muscularum, tum imprimis mucronatæ cartilaginis compressione oritur. Hinc mox ex dejectione appetitus magna virium imbecillitas subsequitur, & atrophiam minatur. Chronicus est morbus & frigidus, non tamen per se lethalis, paulatim invadens, & cognitu in principio difficilis.

Empirici primarium, ut putant, ejus signum ex inspectione & contactu colligunt brachii ægroti, in quo si valvularum instar nodos comperiant, morbum hunc adesse pronuntiant. Differt ab oppilatione cacheætica, quod pectoris hoc vitio molestati, vultu tametsi dejecto & tristi, non tamen decoloro & livido sint, nec pondus aut duritiem utriusque hypochondrii sentiant: tum comedendi quoque concupiscentia pri- mæque concoctionis instrumentum langueat. Frequentius forte grassatur quod pauci sententiam Celsi lib. i. cap. 2. tam stricte observari debere existimant, quando ait; *Si quis interdiu se implevit, post cibum neque frigori neque æsti neque labori se debet committere.* Curatio autem discentibus, calefacientibus & corroborantibus, tam internis quam externis absolvit postulat. Interna sunt Pilulæ stomachicæ, Mel silvestre, Syrupus Tabaci: Vinum generosum & guttæ aliquot Balsami de *Copaiba* dissoluti: decocta Salsaparillæ, Sassafras, cum semine Anisi & Cinnamomo, pugilloque pulveris *Ibiraeæ* & *Nhambi*. Iuscula, quibus uititur æger, croco terrestris *Vrucú*, piper Brasiliensi sativo & silvestri, & si nihil impedit, cæpis atque allio condiantur.

Externa sunt, cucurbitulæ siccæ reiteratæ, mammarumque regioni appositæ. Mox

stomachi

stomachi & pectoris inunctiones ex oleo cortic. Tabaci, Aurant. Artemisiæ & Menta-  
stri. Scutum dein stomachale, ex herbis corroborantibus. Atque confortans tandem  
emplastrum ex prædictis gummi & balsamis toties enarratis succedat.

Non indigna est observatu topicorum & externorum omnium remediorum necessi-  
tas, quod eorum efficacia cutis & carnis poros patentes altius penetret, quam in frigi-  
dioribus regionibus; Cucurbitulas quoque corneas, quæ solo suetū ex alto trahant,  
omnes pariter incolæ felicissimo successu applicant. Ego tot prosperis effectibus motus,  
usuū harum imprimis Chirurgis nostris commendavi, iisque in colicis cruciatibus &  
ventris fluxibus sanguineis sistendis, atque principio atrophiae membrorum occur-  
rendo, insigni profectu sum usus.

## C A P V T I X.

*De Ventris Fluxibus.*

**V**iscera naturalia oppilata, ac toties ab humoribus qualitate & quantitate pec-  
cantibus lacerata, tandem exonerationem moliuntur. Et tunc quidem fluxus  
varii, pro diversitate partis affectæ & naturæ humoris vel bene vel male morati,  
sequuntur. Vnde vel critici, vel symptomatici judicantur. Sicut enim ex cruditate  
ventriculi, & chylificationis frustratione, symptoma Lienteriæ se prodit, & fluxum he-  
paticum læsa hepatis substantia & venarum mesaraicarum regurgitatio profert: Præter-  
ea sicut intestinorum eorumque venarum erosio, ulcus dysentericum; ita ani exesio in-  
flammationem & putredinem causatur, quæ *Bicho Lusitanis* dicitur. Adhæc orgasmus  
acerrimi humoris ex aëre & fructibus calidis & humidis prognatus, cholera, mul-  
tasque colicas passiones producit. Horum omnium proximæ & immediatæ causæ im-  
peditæ transpirationes vel obstrunctiones non sunt; sed illorum potissimum qui diarrhoeæ  
& fluxus alvi vocantur. Sin vero ab aliqua acrimonia & malignitate materiae morbificæ,  
vel atonia partium, incident tales, qui Dysenteriæ, Fluxus hepatici vel Choleræ appel-  
lantur, symptomatici & saepe lethales habentur. Diarrhoea simplex, vel ex arte, vel per  
se facile & cito curationem recipit; sin minus, in pejores fluxus degenerat, qui vel ex  
calida aut frigida materia oriuntur. Qui ex frigida, album alvi profluvium sine febre  
vocatur, (excipitur autem ille quem Galenus ab adipe, à calore igneo liquefacto, profi-  
cisci testatur) quando nimis crudus ac pituitosus humor perpetuo delabitur, & grum-  
que magno dolore paulatim languescere facit. Atque hic quidem fluxus omnem pro-  
miscue ætatem, hyberno potius quam æstivo tempore infestans, ad multos saepe men-  
ses, nonnunquam ad annos durat. Tametsi sine febre minusque lethalis sit quam cæ-  
teri, non inter eos censeri debet tamen, quem Hipp. in prædict. l. 2. f. 2. mitem & pa-  
rum durabilem esse tradit; quod hic diurnus & difficilis admodum deprehendatur;  
cum hujus mali causa sit cruditas pituitosa redundans ex frigore, quæ transpirationem  
& circulationem impedit, collecta, & à præcipuis corporis partibus ad intestina abeat.  
Curatio primo à clysteribus abstergentibus qui mel silvestre imprimis recipient, incipit:  
Interim corpus syrups aliquandiu similibus præparatur. Dehinc ad radicem *Ipecacuanha*,  
tanquam ad sacram anchoram, configendum, qua nullum præstantius aut tutius, cum  
in hoc, tum in plerisque aliis, cum, vel sine sanguine, fluxibus compescendis, natura ex-  
cogitavit remedium. Quippe præterquam quod tuto & efficaciter tenacissimos quo-  
que humores per ipsam alvum, saepissime autem per vomitum ejiciat, & à parte affecta  
derivet, vim quoque astrictivam post se relinquit. Non enim vomitus solum sponte su-  
perveniens, ut ait Hipp. Aph. 15. l. 6. sed & arte concitatus, sub eodem Aphorismo com-  
prehendi potest. Illud vero hoc modo perficitur. Drachmæ duæ radicis *Ipecacuanha* in  
3 iiij. liquoris appropriati coctæ, vel per noctem maceratae, cuius infusum cum vel sine  
oxymelis 3 j. exhibetur. Postridie semel atque iterum pro re nata, secunda imo tertia ejus  
decoctione repetenda; tam quod ægri debiliores eam facilius ferant; quam quod astricto-  
ria ejus vis tunc magis efficax appareat. Cæterum nuces *Munduy-guaçú* sive vomicæ (qui  
bus vulgus imperitum non tam utitur quam abutitur, cum vehementer per vomitum  
& secessum exturbent) si ex præscripto exhibeantur, haud exiguum commodum præ-  
stant. Rec. nucleos sex vel septem: ablata tam interiori quam exteriori tunica, conte-  
rantur amygdalarum instar pro emulsione, addito momento sacchari & fol. sen. 3 j. vel

5j & seminis anisi 3 &. in pulverem trita misceantur, fiatque pastillus in furno siccandus. Sic nuces *Andá*, quarum nuclei, etiam citra ullam præparationem, dignitate illis non cedunt. Syrupus itidem Tabaci oppido conducit, iis imprimis quibus humores tenaces absque multo calore peccant. Dein ol. de *Copaiba* guttæ aliquot saccharo dissolutæ, ori ex ovo sorbili, sive ano per clysterem immittuntur. Quod si remedia hæc enarrata, forte non in promptu sint, eorum locum Mechoacanna, vel pugillus seminis Ricini Americani in spiritu vini macerati, supplere solent; hoc siquidem humorem vitiosum a redundantem fortius, illud vero benignius educit. Non parum quoque hoc morbo exhaustos reficit decoctum ligni *Iacarandá*, & Sassafras indigena, quod evacuatæ materia morbifica tonum restituat visceribus languentibus; comitante diæta facilis digestionis & paulo astringentis. Emplastrum super ventriculo imponatur ex Gummi *Içicariúba*, balsamo de *Cabureiba* & *Copaiba*, vel ex pasta de *Tipioca*, vino de *Acaju*, pulpa item prunorum *Araça*, flore *Nhambu*, atque ovorum vitellis. Adhæc tosta potius quam liquida aut frixa alimenta elegantur, idque sæpe & parum. Vino indantur guttulæ aliquot olei cort. arant. præcipue tum, cum ventris cruciatus instar colici adsit, quem vesparum quoque Brasiliensium nidus ex vino potus, vel ventri impositus, clementer mitigat. Idem feliciter præstant herbæ castæ in aceto frixæ. Quando necessitas ad magis corroborantia & astringentia compellit, his & similibus remediis nativis, utendum. Summitates fructuum *Bacóba* aut *Banána* semitosta aut arefacta ex vino de *Acaju* & immaturo pomo *Ianipába*. Testæ testudinis fluviatilis tostæ rasuram, in hoc fluxus genere, Barbari propinat, quod valide astringant. Sicut & jecur capræ tostum, & castanea arboris Cedri Brasiliensis.

## C A P V T X.

*De Tenesmo.*

**C**Vm omnia quæ ad ventris fluxiones spectant, in examen revocasse necessum sit, operæ pretium duxi, ea quæ circa Tenesmum notatu digna cottidie observavi, paucis exhibere. Morbus nimium familiaris & merito formidabilis prægnantibus, quod fœtum simul cum fœta, misere extinguit. Irritus enim hic conatus ex quovis acri & ulcerifero humore ano adhærescente natus, nullam aliquando nisi spuma vel sanguinis aut puris excretionem comitem habet. Interdum vero ex pituita acida & bile mordaci dysenteriam præcedit. Quibus, si oculi nitantes, inquietudines, cruciatus, longæ vigiliae atque excubiæ nocturnæ accedant, tunc ægre finiri solet. Ex aliis subinde dysentericis fluxionibus nascitur hic morbus, quibus medetur ac finem imponit, curatuque tunc est facilior, quando tantum sunt reliquæ & sanies ulceris intestini recti; quæ fomentis & enematibus facile superantur. Quando ex superioribus ventris partibus, videlicet ventriculo, mesenterio & intestinis, materia cruda delabitur; præter incessiones & reliqua quæ anum respiciunt, causa fœvens reversione per vomitum tollenda, idque usitatissimo illo remedio, Radice *Ipepacuánha*. Hudem porro curandi ratio fere circa externa, quæ est in sanguinis profluvio, eaque anodynis suffimentis & fomentis astringentibus tepefactis ex foliis arboris *Aroeíra*, *Araçá*, *Acajá* & similibus, si protuberet aut hiet anus; si ulcus adsit, sacculis ex late, malvæ, & *Bafoure* summitatibus instituitur. His enim, tum intus tum foris continue admotis, multum promovet; quippe quod symptomata ipsumque adeo morbum tollunt. Allium quoque assatum, si causa plane frigida, cum successu admovetur. Somnus qua fieri potest, concilietur; primo pultibus ex *Carimá* & hordeo. Quibus si minus provocetur, lenocinia soporifera addenda sunt, interponendo clysteres abstergentes. A motu quoque & exercitio corporis abstinendum. quo spectat illud Celsi consilium haud quaquam negligendum: *Cum in omni fluore ventris, tum in hoc præcipue Tenesmo, necesse est, non quoties libet desidere, sed quoties oportet, ut hac ipsa mora in consuetudinem ferendi oneris intestina deducat.* Si tandem astringentibus remediis internis fluxibilitatem humorum colibere conduceat, præter succum stillatitium pomi *Ianipába* immaturi, rasura insuper ligni notissimi *Iacarandá*, ut & nuclei fructus *Gueticoroi* triti & junc ex convenienti liquore hausti, eximie prosunt.

## C A P V T X I.

*De Cholera.*

**P**erniciosus nec infrequens his quoque regionibus est fluxus ille qui Cholera dicitur. Morbus semper symptomaticus & vere acutus, ab aëre calido & humido, corpus perpetuo ambiente, immodicoque fructuum fugacium & horariorum esu proficiscens. Omnem ætatem omni anni tempore infestat. Æstate tamen ab æruginosa porracea atque æstuante bile, potu calido intempestive accedente, juventutem vehementius exercet, cum subita quadam spirituum effusione ac lipothymia ex tetris & fuliginosis vaporibus orta; adeo ut, si ante viginti quatuor horas non evadant, succumbant. Quod ex manifesta diagnosi constabit, si nimis pulsus debilior, aut impedita respiratio, exteriorum membrorum, tum sudorum frigiditas, summum interiorum circa cor incendium, convulsionesque interveniant. Hunc humorem efferum & quasi orgasmo ad superiora & inferiora delatum compescere, res profecto haud exiguæ difficultatis est. Primum ad ea remedia quæ cor, ventriculum ac intestina modice refrigerando & astringendo corroborant & furorem acerimæ bilis retundunt, configendum. Corpus enim evacuare (etiam invita Plethora & Cacochymia) quamvis benigne, periculo non caret; tum quod vires collapsæ atque exhaustæ, ulteriori irritazione reformidandæ sint. Ultra Tamarindos, quos hæc terra producit, quæque biliosos & accensos humores refrænant, nihil tentandum; sed syrups potius & conditis de *Murucujá, Ianipápa, Limoniis, Arantiis, Araçá, Guajába*; ut & Ficubus Indicis, *Vbapitanga, Mureçy*, imprimis *Tipioca* utendum, cæterisque medicamentis roborantibus, & refrigerantibus. Externis quoque sequentibus insistes. Fomenta & inunctiones sint ex astringentibus & refrigerantibus. Tum cataplasma ex Portulaca, Myrto, *Araçá*, oculis arboris *Imbaíba* confecta, quæ cum aceto præparata rite ægroti imposita, præcordia fovent, ventremque ac anum afflictum demulcent. Clysteres ejusdem generis (modo tantillum temporis supersit) requiruntur, cæteraque remedia in capite de Dysenteria & inflammatione ani prolixe enarrata. Verum, quemadmodum hæc sæpe auxilio sunt, non raro consulto ob temporis angustiam & morbi sævitium omittuntur, confessimque ad soporifera devenitur. Linimenta denique opiate, capiti & pectori admovere convenient. Adeo nihil tutum nisi somnum omni industria concilies. Cholera sicca eisdem remediis fere curatur, maxime si regioni hepatis corneaæ cucurbitulæ applicentur. De quibus merito hoc testor quod Galenus de suis cucurbitulis quas in Colico affectu instantamenti instar operari tradidit.

## C A P V T X I I.

*De Dysenteria.*

**S**equuntur Fluxus cum febre & sanguine, ut sunt Dysenteria, Fluxus hepaticus & Inflammatio ani. Affectus Dysentericus nimium his terris est familiaris. Oritur potissimum ex sudoribus vi frigoris nocturni ac venti mediterranei subito admissi retroactis; tum fructuum fugacium & fæculenti potus immoderato usu, accedente aëre calido & humido. Hæc excretio sanguinolenta licet pari vehementia per omnes Indias sæviat, numquam tamen in Brasilia morbi Epidemici instar grassatam, alioque per contagium migrasse, constat. Ita ut perpetuo nobis sporadica & popularis, nunquam vero epidemia existat: cum alias pertinacissima aliquando malignitas, si in alio quopiam, in hoc morbo imprimis appareat. Quibus excretio biliosa, adusta & spumosa, ut in juvenibus sæpe videre est, merito ab Hippocrate habetur calamitosa atque funesta; quippe quæ nullis remediis cedat, licet hæc tellus, contra malum tam familiare nobilissima minimeque vulgaria auxilia medica producat, & præstantiora industria ac solertia hominum indies suscitentur. Verum missis iis, quæ satis superque jam ante ab aliis de natura & curatione Dysenteriæ dicta sunt, ea tantum prosequar, quibus potissimum differant ab Europa. Affectui huic (præsertim si multa cacochymia adsit) tot simul solent supervenire symptomata, tamque horridi cruciatus, ut sæpiissime angustia rei &

temporis legitimam methodum remoren tur. Hac itaque necessitate exigente, venam tundere, haud consultum habent; (nisi ipso quidem principio, aut febre atque hepate affecto id maxime postulantibus) quoniam, etiamsi revellendi indicationi forte satis factum eatur; male moratæ tamen materiæ morbificæ & virium inopiæ male fit, quia raro occasio deperditum resarcendi adfit. Porro vel solo Rheo, vel laxativo quovis benignissimo mordacem humorem provocasse, partisque affectæ cruciatus ingeminasse, suspicione plenum habetur. Si quando tamen evacuationi locus, radicem vomitivam *Ipepa-cuanha*, exquisitissimum naturæ munus, cæteris remedii præferre conduit: quamvis ingenuæ fatear, plurimos medicastros incolas ad sudorifera & cordalia, quam ad eva- cuantia per alvum, benigniora licet, inclinare, etiam tunc cum major cacochymia quam ulcerationis signa appareant. Morbo durante præter consolidantes, abstergentes & refrigerantes clysteres, nutrimentis & anodynibus ex juscule gallinarum hordeaceo aut furfuraceo, lacte caprino chalybeato & similibus insistendum. Præ cæteris pul- mento ex *Tipioca* & emulsionibus inde factis, quod multis indicationibus satisfaciant, utendum per inferiora æque ac superiora: quippe mirifice consolidante & refrigerante qualitate partes afflictæ demulcent, fluxiones quoque ruentes compescunt atque coagulant, & orificia venarum claudunt. Quodsi necessitas ulterius insurgat, viribus cor- roboran dis & sistendis fluxibus invigilandum, scilicet opiatis: tum medicamentis quo- que & alimentis astringentibus consolidantibus, imprimis quæ lumborum, ventris & jecinoris refrigerio & robori sunt. Præterea singulis vicibus quibus alvus dejicitur, fomenta ex iisdem parata immittantur, unde putredines & calores, vel præsentes, vel futuri avertantur. De quibus latius dicetur in capite de Inflammatione ani. Potus quo æger utatur, ptisana sit, ex decocto de *Carimá*. Ovum quoque sorbile cum tribus qua- tuorve guttulis olei *Copaiba* conduit, quod leniendo simul partes lœfas consolidet, ac proinde totidem guttulæ cum albumine ovi ex bombaceano inditæ vel per Clyste- rem injectæ solamen adferunt. Assata elixatis præferantur. *Pacóba* & *Banána* semito- sta, sæpe pro alimento medicamento accipientur. Idem quoque fructus diffican- tur & in Sole siccantur, atque in massam, addendo aceti momento, coquuntur lo- co panis. His accedunt plurima alia remedia nativa, astringendi simul & refrigerandi qualitate pollutia, quæ primi incolæ partim ut arcana celant, secumque interire cu- piunt, partim innotuere & in tractatu de Simplicibus tradita sunt. Horum quidem pri- mum locum obtinent, Conservæ & Rob fructuum Myrti Granatorum, utriusque *Ara- çá*, *Guajába*, *Mureçí*, *Murucujá*, *Ianipápa*, *Acajú*.

## C A P V T X I I I.

*De Fluxu alvi Hepatico.*

**A**nno 1638, urbe *Salvador* in *Bahia* mensibus admodum pluviis obsessa, nulla clades æque exercitum nostrum attrivit, quam fluxus sanguineus, signis & cu- ratione nonnihil à Dysenteria diversus. qui, licet non minus quam illa pernicio- sus, symptomata tamen longe minora eum comitari solent. Sæpe enim ad finem usque, absque ullis torminibus, cruciatibus, exulcerationibus, cumque faciliter excernendi mo- do, existit. Dejectio autem hæc est, vel puri sanguinis, vel cum grumis, & loturæ car- nis similis; idque dupliciter fit: vel ab atonia hepatis, quæ licet curata, ad pristinam cruditatem reddit: vel à quantitate ex venis mesaraicis atque intestinis regurgitante, quæ plus timoris quam detrimenti inferat, & juventutem maxime infestet. Quippe tales excretiones aliquando febrium acutarum criticæ habentur, exque eutonia jecinoris, non intestinorum exulceratione causatæ sunt. Fit demum hic fluxus ex qualita- te simul, orificia venarum corrodente & referante. Atque tunc quidem Dysenteriam propter ulcus & dolores intestinorum mentitur. Ea quæ ex hepate profluxio fit, iis re- mediis oppugnanda, quæ confirmando jecinori suam operam tam intrinsecus quam ex- trinsecus dicarunt. Raro in principio solamen ullum à clysteribus consolidantibus aut anodynibus accedere videas. Venæsectio, tametsi in reliquis sanguinis profluviis vix ad- mittatur, in hoc tamen laudabilis habetur: nostratis vero utique mollioribus, inten- siorique calori non assuetis, cautius ac parcus instituenda est. Immo in cucurbitu- lis revellentibus, lumbis ac natibus impositis, aliquando subsistendum. Reliqua quæ tractu

tractu temporis exsurgunt circa curationem, quum Dysentericis affectibus communia sunt, iisdem remediis, in capite de Dysenteria monstratis, propulsantur. Ad eum autem fluxum qui ex atonia hepatis nascitur, compescendum, iriti, ut plurimum, curandi sunt conatus, ita ut præ virium lapsu ne quidem Rhabarb. Myrobal. aliaque similia adhibere consultum sit, ac proinde si acrimonia comitetur, ad blandientia & stupefacentia quoque configiendum est. Non neglectis seminibus quatuor frigidis recentibus, neque iis quæ urinam benigne provocant, ut sunt, decoctum *Iuripéba* maris, radicis *Araçá*, fructus Alkekengi, rad. liquirit. Solatrum, *Acaricóba* & *Pagimirioba*, atque similium quæ hepatis & venarum mesaraicarum ardores mitigant. Horum præ cæteris palmam obtinent emulsiones & pultes quæ *Carimá* dictæ ex *Tipioca* de *Mandioca*. Inter fructus in pretio habentur, illi omnes qui in curatione Dysenteriæ enarrati sunt. Aqua quoque stillatitia ex canna saccharea & flore *Ibabirába* cum albumine ovi pota, addito momento succi aurantiorum. Denique cataplasmata ex Portulaca & Solastro cum aceto temperata, dorso & ventri applicata, intemperiem hepatis solantur. fluxumque inordinatum compescunt.

## C A P V T X I V.

*De Ulcere & Inflammatione Ani.*

**V**æ à Barbaris meaque longa experientia circa rationem & curationem tam fūnesti & lamentabilis mali consecutus sum, in medium proferam. Hunc affectum Indigenæ *Teicoaraiba*, Lusitani *Doença do Richo* sive *Bicho del Culo* abusivæ vocant, vel quod dolor pruriens principio sentiatur, vel quod Vermiculi gangrænam inferant. Lis hæret inter Medicorum filios, novus ne an vetus sit morbus hic Endemius. Ego quidem eum potius crediderim in aliis Orbis plagiis tanquam hostem occultum insidiose sœvire; adeoque longe abesse novum appellandum fore, ut probabilius, antiquissimum esse, atque de illo intelligendum i. Reg. c. 5. v. 6. Aggravata est autem manus domini super Azotios, & demolitus est eos, & percussit in secretiori parte natum Azotum & fines ejus. Hujus quoque David videtur meminisse Psalmo 77. v. 66. dicens, & percussit inimicos suos in posteriora. Non est Endemium malum huic regioni, sed frequens indigenas æque ac adventitios infestans. Constat, in Angola & aliis servidis Indianorum partibus diutius cognitum, atque olim Brasiliæ incolas plane ab eo immunes fuisse. Nil autem aliud est, quam incendium & corruptio ani cum ulcer'e de-pascente, sine vel cum sanguinis fluxu dolorifico, tempore imprimis æstivo græstante. Hunc morbum, aut præcedunt fluxiones Dysentericæ cum intestinorum caloribus; aut per se, & citra ullum morbum prævium ingruit. Cum Dysenteriam præcedentem habet, & ob medicinam adhibitam Symptomata excretionesque cessant, minus fidendum est. Detenta siquidem materia acerrima, à calore nimio accensa, maximeque à squallente & sordida corporis colluvie intus alta, magnum putredinis gradum, cum tam atroci dolore & inflammatione acquirit, ut musculum sphincterem atque ora venarum hæmorrhoidalium statim exedat. Vnde fluxus cruentus exoritur, altiusque ad intestinorum tunicas ascendit, tam deformi aspectu, ut anus late diductus cloacæ instar livido & plumbeo colore appareat. Nonnunquam vitium hoc per se manifestatur, nimirum ex dolore, cum retentione excrementorum, quæ calore arrefacta atque indurata, non sine maxima difficultate & cruciatu egeruntur. Aliquando vero, ingenti licet conatu, nihil prorsus ejicitur (ut ipse in me quoque expertus sum) ano multum prominente. Hinc atroces sœpe dolores ex retentis fæcibus suscitantur, quos febres postea, lassitudines, vigiliae, concitatio stomachi, ac capitis imprimis dolores & ardores sequuntur. Quamobrem, antequam malum serpat (serpit autem citissime) internis laxantibus & refrigerantibus remediis resistatur. Clysteres ejusdem generis semel atque iterum admoveantur. Suppositoriis, inunctionibus, lavacris, balneis, suffumigiis, perpetuo insistendum. Venæsecções præcipue non negligantur. Quibus omnibus si morbus non brevi cedat, proculdubio in lethiferum degenerabit. Multo-ties præterea fieri consuevit, ut nullo morbo intestinali, vel quovis alio signo præcedenti, parti minus sensibili seminarium clam insinuetur, ipsumque ægrum & medicum

in principio lateat. Quod, quoniam gangrenam non raro inferat, incurabile habetur. Si autem prodat se malum, prævia utcunque hac diagnosi fieri solet; ut, spontanea lassitudine, capitis & membrorum doloribus, appetentiæ cibi languore, calida totius corporis intemperie, insomniis, pulsū arteriarum inæquali & celeri, absque manifesta podicis afflictione, nî forte aliquo pruritu aut inani exonerandi alvum desiderio. Quamobrem in omni intestinali præcipue affectu, de ani dispositione Medici percontari solent. Quo incolæ Empirici non contenti, visu & tactu explorant podicem, num aliquid præternaturale appareat; mox pulpæ limonum affictu partes illas tentant & dolores excitant. Differt autem ab hæmorrhoidibus hic affectus, sequentibus potissimum signis. Gravis capitidis dolor adest, ac hiantis late ani ostium fatiscit. Dein, ratione prognoseos, quod morbus hic nonnunquam mortem & quidem confestim adferat; hæmorrhoides autem non item, quæ eisdem, quibus in Europa medicamentis, imo solis hirudinibus Brasiliensibus curantur, & liquore pulpæ nucis *Cocos* putrefactæ fæpius admoto, mitigantur. Cæterum, qui contra hanc labem se tueri studet, aqua marina frigida vel tepida & limoniorum succo recentium, anum, quoties ventrem exonerat, probe abluat. *Iaborandi-miri* cum salis & piperis Brasiliensis momento cæteris remedii facile est præferendum. Quando vero sensibiles ani partes excoriatae tam acria remedia haud ferunt, temperantur cum vitello ovi & aqua cannæ sacchareæ, & imprimis cum summitatibus herbæ insigniter mundificantis *Iacuacanga* dictæ. Si lapsus virium contra indicet venæfectioni, cucurbitulæ infra dorsum affigantur. Exinde clysteres refrigerantes, consolidantes & adstringentes, qui anodyna imo stupefacentia opita recipiant, progrediendum. Postea veterum incolarum ritu, aqua saccharea, gummi *Tareroqui*, amyl. ex *Tipioca* de *Mandihoca*, soluta, digitis insertis posteriora proluantur. Post hæc, dilutum ex cerussa, aqua rosarum & flor. *Ibabirába*, saccharo rubro, ovi albumine & lacte cum momento opii concinnandum, in quo tæda madefacta, ano profunde immittatur, idque frequenter. Idem fere præstant herbæ quædam nativæ præ cæteris contra hunc morbum receptæ usque longo comprobatae; ut sunt, folia & flores utriusque *Pagimirióba* & *Tapiá* arboris longe præstantissimæ, addita *Aguaraguya*, toties inserta quoties desidendo tædæ vel suppositoria intromissa removentur. Quodsi pars afficta manuum attactum reformidet, suffimenta ex emollientibus & siccantibus substituenda sunt. Porro quantum ad vietus rationem, alimentis frigidis & roborantibus maxime uti convenit: irritantia autem cane pejus & angue declinanda. Si vermiculi simul à putredine orti infestent partem affectam, ii oppugnandi unguento quod pulverem amarum fructus *Angelyn* cum cinere Tabaci receperit.

## C A P V T X V.

*De Lumbricis.*

**Q**VAM nihil in hisce orbis partibus à putredine sit liberum, omnes quicunque sub zona torrida vivunt experiuntur. Vnde Insectorum, maxime vero Vermium tantus proventus, ut nihil propemodum intactum ab iis relinquatur. Eodem modo cum Microcosmo se res habet, quem non minus quam totum hoc universum, varii generis vermes identidem exagitant; tamque viscera intus puerorum juxta ac ad ultorum; quam forinsecus vulnera atque ulcera, à calido & humido ambiente, iniris modis infestant. Hi Chirurgorum opera, quæque vulnera & ulcera mundificant, profligantur; illorum vero curationem perficere, totque latentes hostes exturbare, leve non est propter ingentem conceptæ putredinis propagationem. Hinc febres graves, ne dicam & malignæ generantur, aliaque symptomata subsequuntur. Quippe non solum anno & intestinis familiares, sed sæpissime quoque ventriculo, folliculo fellis, utero, quin & ipsi Cordi vermiculos innasci, Anatome mihi notum fecit. Qui cardialgias, deliquia animi, palpitationes cordis, stridores dentium, & horrores nocturnos inferunt. Vnde fit, ut cachectici, multoque halitus fatore, viva veluti cadavera, vix mortem effugiant, nisi forte ipso initio remedia adhibeantur. Theriaca & Mithridatum celebrata licet remedia, ob febrium incendia, aliasque rationes toties repetitas, haud admittendas censem. Ego quidem ut fatear quod res est, missis longe petitis compositis, in pueris atque adultis

adultis cum Tabaci Syrupo felicius voti compos factus sum , atque ob insignem munitificandi & abstergendi qualitatem tum in hoc morbo tum in aliis frigidis affectibus, atque à veneno natis , merito eum prætuli. Barbarorum æque ac nostrorum usitatorum remedia sunt fructus acidissimi *Caraguata* dicti , eorumque liquor destillatus , idque exigua quantitate cochleari exhibitus, addito tantillo Tamarindorum & mellis silvestris. Semina , olea & syrapi Citrorum & Arantiorum propinati, vermis contrariantur. Licet autem à quibusdam animantibus instinctu naturali, ut & ab Indigenis robustioribus, contra hæc & alia mala expertantur nuces arboris *Angelin*; tamen ob indomitam vim, justa dosis ac præparatio requiritur. Nimium siquidem est, quod diuidium scrupuli excedit, sicut postea suo loco latius demonstrabitur. summe enim amara est , atque umbilico tutius imponitur rasura , quæ etiam anno indita contra ascariades eximiæ est utilitatis , quas summa sua amaritudine brevi interficit.

## C A P V T X V I.

*De Lue Indica.*

**L**ues quædam ex coitu non tantum per contagium , vel parentum hæreditario malo in liberos , sed ex leviori attachu atque per se contrahitur , orta potissimum ex alimento fœrido & salso , poturancido & corrupto. Inter Afros non solum atque Americanos , sed Lusitanos & Belgas quoque sœvit , tumoribusque scirrhosis & virulentis ulceribus , totum corpus infestat. Quæ quidem lues huic regioni est Endemia, & *Bubas* ab Hispanis, atque *Mia* à Brasilianis appellatur. Et sicuti citius sanatur à solis remediis indigenis ; ita citius contaminat , quam illa quæ lues gallica vulgo vocatur & ad Incolas huc defertur. De qua dicere non est propositi mei , sed de præsenti . quæ licet in quibusdam conveniat cum illa ; accidentibus & curatione tamen maxima ex parte differt. Empirici initio data opera eam negligunt , humorisque tenacitatem, in quo mali fomes maxime inhæret, aliquot septimanarum intervallum requirere ad præparationem, credunt. Vitam interim intemperatam vivere interdicunt , aquæ calidæ lavacra instituunt , frigus nocturnum , ne perspiratio cohibeatur, maximopere arcent, carnes recentes , imprimis ferinas , tostas , præcipiunt. Vinum permittunt , quod sudores & fuligines, non sine ægrotantis levamine , per poros expellere comperiantur. Qui ab hoc medendi modo recedunt , symptomatum quidem pro tempore levamen allatueros, sed postea recidivam artuumque dolores successuros , ratum habent. Tandem præparato hoc modo corpore , evacuationes instituunt : mox eos , qui præsertim tenuioris fortis sunt , ad molendinas sacchareas ignesque luculentissimos ablegant ; & solo decocto , cuius basis *Caaróba* & Sarçaparilla , curationem felicissime absolvunt. Ulcera quoque solo attritu aut lotione *Caaróba*, aliarumque herbarum exsiceantium & abstergentium succo , tollunt. foliis autem *Caaróba* nunc coctis pro balneo , nunc ore jejuno masticatis , ulcera , quæ per se non evanescunt , exsiccant, & malignitatem extrahunt. Quod ipsum aliquoties per Chirurgos in Nofocomio imitari jussi , & voti nos compotes reddidit.

Ne quis autem fallatur , hæc lues sive ex Hispanica mixta , ut saepe fit ; sive simplex Endemia, Europæis præsertim , non adeo parvi facienda sive in principio sive in progressu. Neque enim ut quidam existimarunt, intra Tropicos levior ob halitum à sole perpetuam extractionem ; gravior tantum in septentrionalibus regionibus datur. Ac si nocturnum frigus modo leviter admissum , apertos diurno calore poros non cum summo detrimento ægri altius occluderet , discussionem tetrorum vaporum impediret, versusque periostium , in quo dolor , repelleret. Sicut quotidie fit, vel ægrorum vel medicorum incuria , qui differentias diei & noctis contemnunt. Et tunc quidem male morata ulcera , quibus hoc malo infestati turpiter scatere solent , præter alia symptomata , cariem in ossibus causari videas. Sicut in reiteratis dissectionibus corporum autopsia nos docuit.

Atque tunc simul anatomiae, in Æthiopibus exercitii gratia institutæ , certos nos fecere, nigredinem illam cutaneam ultra epidermidem non penetrare, eaque ablata mox ipsam cutem albam Europæorum plane more se offerre. Si vero contigerit aliquos epi-

in principio lateat. Quod, quoniam gangrenam non raro inferat, incurabile habetur. Si autem prodat se malum, prævia utcunque hac diagnosi fieri solet; ut, spontanea lassitudine, capitis & membrorum doloribus, appetentiæ cibi languore, calida totius corporis intemperie, insomniis, pulsu arteriarum inæquali & celeri, absque manifesta podicis afflictione, nisi forte aliquo pruritu aut inani exonerandi alvum desiderio. Quamobrem in omni intestinali præcipue affectu, de ani dispositione Medici percontari solent. Quo incolæ Empirici non contenti, visu & tactu explorant podicem, num aliquid præternaturale appareat; mox pulpæ limonum affrictu partes illas tentant & dolores excitant. Differt autem ab hæmorrhoidibus hic affectus, sequentibus potissimum signis. Gravis capitis dolor adest, ac hiantis late ani ostium fatiscit. Dein, ratione prognoseos, quod morbus hic nonnunquam mortem & quidein confestim adferat; hæmorrhoides autem non item, quæ eisdem, quibus in Europa medicamentis, imo solis hirudinibus Brasiliensibus curantur, & liquore pulpæ nucis *Cocos* putrefactæ fæpius admoto, mitigantur. Cæterum, qui contra hanc labem se tueri studet, aqua marina frigida vel tepida & limoniorum succo recentium, anum, quoties ventrem exonerat, probe abluat. *Iaborandi-miri* cum salis & piperis Brasiliensis momento cæteris remedii facile est præferendum. Quando vero sensibiles ani partes excoriatae tam acia remedia haud ferunt, temperantur cum vitello ovi & aqua cannæ sacchareæ, & imprimis cum summitatibus herbæ insigniter mundificantis *Iacuacanga* dictæ. Si lapsus virium contra indicet venæfectioni, cucurbitulæ infra dorsum affigantur. Exinde clysteres refrigerantes, consolidantes & adstringentes, qui anodyna imo stupefacentia opiate recipiant, progrediendum. Postea veterum incolarum ritu, aqua saccharea, gummi *Tareroqui*, amyl. ex *Tipioca* de *Mandihoca*, soluta, digitis insertis posteriora proluantur. Post hæc, dilutum ex cerussa, aqua rosarum & flor. *Ibabiraba*, saccharo rubro, ovi albumine & lacte cum momento opii concinnandum, in quo tæda madefacta, ano profunde immittatur, idque frequenter. Idem fere præstant herbæ quædam nativæ præ cæteris contra hunc morbum receptæ usque longo comprobatae; ut sunt, folia & flores utriusque *Pagimirioba* & *Tapiá* arboris longe præstantissimæ, addita *Aguaraguya*, toties inserta quoties desidendo tædæ vel suppositoria intromissa removentur. Quodsi pars afflicta manuum attactum reformidet, suffimenta ex emollientibus & siccantibus substituenda sunt. Porro quantum ad victus rationem, alimentis frigidis & roborantibus maxime uti convenit: irritantia autem cane pejus & angue declinanda. Si vermiculi simul à putredine orti infestent partem affectam, ii oppugnandi unguento quod pulverem amarum fructus *Angelyn* cum cinere Tabaci receperit.

## C A P V T X V.

*De Lumbricis.*

**Q**VAM nihil in hisce orbis partibus à putredine sit liberum, omnes quicunque sub zona torrida vivunt experiuntur. Vnde Insectorum, maxime vero Vermium tantus proventus, ut nihil propemodum intactum ab iis relinquatur. Eodem modo cum Microcosmo se res habet, quem non minus quam totum hoc universum, variis generis vermes identidem exagitant; tamque viscera intus puerorum juxta ac adultorum; quam forinsecus vulnera atque ulcera, à calido & humido ambiente, miris modis infestant. Hi Chirurgorum opera, quæque vulnera & ulcera mundificant, profligantur; illorum vero curationem perficere, totque latentes hostes exturbare, leve non est propter ingentem conceptæ putredinis propagationem. Hinc febres graves, ne dicam & malignæ generantur, aliaque symptomata subsequuntur. Quippe non solum anno & intestinis familiares, sed saepissime quoque ventriculo, folliculo fellis, utero, quin & ipsi Cordi vermiculos innasci, Anatome mihi notum fecit. Qui cardialgias, deliquia animi, palpitationes cordis, stridores dentium, & horrores nocturnos inferunt. Vnde fit, ut cachectici, multoque halitus factore, viva veluti cadavera, vix mortem effugiant, nisi forte ipso initio remedia adhibeantur. Theriaca & Mithridatum celebrata licet remedia, ob febrium incendia, aliasque rationes toties repetitas, haud admittendas censem. Ego quidem ut fatear quod res est, missis longe petitis compositis, in pueris atque adultis

accendat. Quibus recens inficta sunt vulnera, æstum diurnum devitant, ne sanguis attenuetur, venarumque orificia aperiantur, quod ingenti virium jactura ob dissipationem spirituum & febrilis caloris accensionem in castris aliquoties contigisse memini. Cui malo eximie opitulatur usus Ambræ griseæ ex jusculis vel ovo sorbili exhibitæ. Deinde ne noctu sub dio cubent, unde maximam calamitatem, spasmos, convulsiones mortemque ipsam postea incurant. Cum vero in curatione vulnerum & ulcerum Lusitani plerique & Brasiliani peritiores longo usu facti, & silvas remediorum quavis regionis parte, omnique anni tempore sibi in promptu habeant, ea proferam quæ oppido approbata & à nostris recepta, longaque experientia confirmata sunt. Optato successu balsamis illis fragrantibus *Cabureiba* & *Copaiba* vulnera restituunt, haimorrhagiamque non tantum fistunt, sed & interne ac externe exhibita nervis opitulantur. Gummi illud admodum familiare, *Içicariba* (quod Elemni vere dixeris) capitis affectibus præ cæteris remediis medetur. *Tipioca* autem, sicut pota fluxus sanguinis hepaticos & dysentericos internos coërcet, & incrassat; ita haimorrhagias à vulnere concitatas, sive hausta, sive plagis emplastri aut cataplasmati forma applicata, mundificat, temperat & sanat. Idem arboris *Ambaiba* summitates pollicentur & præstant, si earum succus vulneribus instilletur.

Popularia denique remedia sunt decocta vel succi herbarum *Juripeba*, *Pagimiriöba*, *Nymphæa* *Cipoína*, *Tapiá*, *Mamangá*, *Caapeba*, Ricini Americani *Bacoveira* & *Queraíba*, aliaque infinita incolis usitata, de quibus in historia Simplicium. Adduntur, si simul pedum tumores adsint, balnea vel fomenta ex radicibus *Araçá* & citriorum: atque ex corticibus Myrti silvestris, arboris *çebipíra*, summitatibusque *Aningá*, *Tupeicáva*, *Ibabirába*, *Camará*, & similibus, denique foliis recentis Tabaci contusis, desperata restituunt mala, & majores facile ipsis redeunt fructus in curatione multorum malorum, ex usu foliorum viridium eorumque succis & oleis; quam cæteris orbis incolis ex sumo exsiccatorum. Furunculos & Apostemata maturare solent foliis *Araticú* vulgaris, *Cararú*, *Pagimiriöba*, *Potinçoba*, *Iuquirí*. Radicibus mirabilis Peruanæ rubræ, & bulbis *Meerú*; Anthracibus vero imponunt folia Tabaci.

Equidem si debitiss encomiis polychrestum Tabacum prosequerer, instituti limites transirem. Præterquam enim quod ejus decocta plurimis morbis frigidis sive intus assumpta, sive extus per fomenta & frictiones adhibita medeantur; gangrenas quoque, ulcera cancrosa, vulnera antiqua & sordida vermicibus ab ambiente calido & humido scatentia, recens succus & cineres ejus feliciter curant. Imo vulneribus à sagittis Indorum lethali toxicò imbutis, morsibus quoque virulentorum quorundam animalium, præsenti remedio existunt folia trita eorumque succus, si tempestive indantur. Incolæ proinde merito ejus pulverem & succum loco balsami circumferunt peregrinantes, quippe utilitatem & necessitatem ejus contra ipsorum brutorum & jumentorum externa mala vermicibus perpetuis obnoxia experiuntur quotidie. Ego ulcera cancrosa in nosocomiis à Chirurgis Europæis rationalibus relicta, ab exercitatis Empiricis restitui videlicet quorum basis erat succus Tabaci addita Caphura & Spiritu vini. Ita ut juere merito vegetabilis hæc panacea *Herba Sancta* ab Hispanis, *vulneraria Indica* à Camerario, à Germanis *Heplig Indiaens wonde Krypt* / vocetur. De ulteriori ejus natura, & differentiis in libro Simpl, ex proposito egi.

## C A P V T X V I I I.

*De Papulis & Impetagine.*


**I**ntra vitia Cutanea nondum ulli Medicorum ex quo detecta fuit hæc Americæ pars Scabiem, Lepram, Elephantiasin observasse contigit, sicut in Ægypto aliisque fervidioribus regionibus grassari testatum est ab Autoribus. Sed papulae seu sudamina, quibus cutis exasperatur & rubet, advenas fere omnes recens Indias ingressos, genioque imprimis largius indulgentes, summo cum pruritu invadunt. Hæ pustulæ totum corpus sæpen numero arrodunt, fixæque ac stabiles totam ventris regionem occupant, ut zona dici possint. Quod malum abolere plerique student minus caute, seu frigidæ lotione, balneoque nimis astringenti, sive per fortiora purgantia, acrem humorem à circumfrentia revocantia. Si vero sudamina hæc nimis excrescant, longiusque serpent, leves admo-

admodum & faciles purgationes ex temperatis componantur, quæ hepatis calorem, sentinæque corporis, mesenterii scilicet, obstrunctiones tollant, ut sunt decocta radicum *Iuripeba* Limoniorum & similium. Venæsectio semel atque iterum instituenda est. Externis ita utatur; ut sudore crebro abstergo, subuculam frequenter mutet. Mox fomentis ex aqua sulphuris & nitri, albumine ovi, feminibus frigidis majoribus, cum acetato & Limoniorum succo coctis, immisso linteamine, corpus defricetur. Quæ, licet primo attactu acres sæpe dolores excitent, cutemque vellicent, statim tamen cessare solent. quos si quis impatientior ferre non potuerit; eorum loco, balneo tepido ex refrigerantibus & emollientibus herbis utatur. Plerique quamdiu hoc malo tentantur ac pruriunt, à multis morbis sunt immunes, ac prospere valent. Quamobrem qui hæc incommoda sanitatis gratia aliquatenus obdurare malint, rectius fecerint. Ante omnia moderatam vivendi rationem instituant, ciboque ac potu temperato & tenui utantur, ut humor attenuatus, felicius per sudores evocetur, ne ex intempestiva illa materia biliosæ repressione ad interna, fluxus ventris Dysenterici enascantur; quod aliquoties factum memini.

Quum vero eruptiones hæc biliosæ per poros exitum sibi quærentes, intra cutem detentæ, vique frigoris nocturni repressæ atque obstructæ in acres & igneos halitus degenerent, cum multa materia falsa & adusta in orbem quasi se cogunt & conglomérantur, pertinaciterque ad annos sæpe cuti adhærescunt. Et tunc quidem perversam & plane alienam naturam induunt. Aliquando autem mobiles pustulæ sejugatæ, non sine cruciatu, maximoque scalpendi ardore ac pruritu, præcipue æstate, juvenes ut plurimum infestant. Has nostrates *Ring-worm*/ Indigenæ *Jacui*, Lusitani *Empige* ab Impetagine vocant. Quando instar Herpetis exedentis, aliquandiu malum duraverit, externis supradictis facile refragatur. lethale autem esse hoc malum si corpus cinxerit, ego sane, quidquid authores scribant, hic nunquam comperi. Inter topica remedia quæ requiruntur, exactissima illa graminis juncei species, *Iupicai* dicta, & Siliquæ herbæ *Guajana-Timbó*, primarium obtinent. Horum attritu morbus non leviter emendatur, imo in totum nonnunquam tollitur. Interdum locus affectus mutatur, & æque vehementer postea, si ab interna causa foveatur, divexat. Quamobrem medicamentum compostum ex succis supradictis ad lavamenti vel unguenti formam, partibus affectis applicuisse, eximiæ est utilitatis. Rec. succi Graminis, Tabaci, & Siliquarum prædictarum partem unam, Sulphuris vivi & Nitri partem diuidiatam. Exercitatores incolæ ut nullum fere remedium in extergendis malignis quibusvis ulceribus præferunt cortici *cebipira*; ita hanc quoque Impetiginem ejus affrictu & lotione feliciter restituunt.

Subinde eo pertinaciæ devenit hic affectus, ut supradictis remediis internis & externis minus cedat. Atque tunc quidem à vegetabilium ad Mercurii usum internum confiunt Europæi medicastræ.

FINIS LIBRI SECUNDI.




GVLIELMI PISONIS

# HISTORIÆ NATVRALIS & MEDICÆ

LIBER TERTIVS.

SECTIO PRIMA.

## *De Animalibus Americanis Aquatilibus, Aëreis & Terrestribus edilibus.*



Vm in præcedentibus libris instituti ratio postularet, vescorum animalium nisi transitorie meminisse; ex re fore existimavi hoc libro singulatim prosequi, qui pisces, aves & animalia in Aquis, Aëribus & Locis enarratis ad humanos usus producantur, eorumque brevem ac succinctam descriptionem cum iconibus ad vivum depictis addidisse; idque non adeo oblectamento vel admirationi lectoris; sed commodo imprimis ægrotantium atque medentium. Imitatus scilicet illos antiquos & modernos, qui tum novi tum veteris Orbis collatis polydædalæ naturæ beneficiis, saluberrimisque repertis medicamentis & alimentis, necessitati & fragilitati mortalium consultum irent.

Postquam autem in immensa hac rerum multitudine plurimorum qualitates & proprietates lateant, æquum putavi, non paginas replere iis quæ vel dubia vel minus perspecta sunt; sed pauciora eaque usu quotidiano comprobata contrahere. Quod vero piscium copia, quadrupedum & volatilium numerum longe excedat, id non adeo terræ sterilitati imputandum velim, quam quod aucupia & venationes rarius exerceantur à nostratis; sæpius autem à mediterraneis indigenis, qui magnam partem prædæ acquisitæ sibi reservant. Cum è contra fluvii incliti atque mare piscofissimum invitent littorales populos; tum quod facilem & quæstuosam piscationem suppeditent; tum quod ipsi pisces nutrimentum tenuius & sanguinem temperatiorem quam quadrupedes & volatilia surrogent.

Illos qui à pescatoribus quotidie ad nos deferuntur ac celebrantur, hic potissimum recenseo, eorumque nomina Brasilico idiomate vel Lusitanico, quatenus vulgo notiora, exprimo. Quod antequam aggrediar, operæ pretium existimo, in tanta piscium, formarum, temperamentorum, succorum disparitate indicasse, quales propabili non solum, sed temporis & aquarum quibus innatant varietate, cæteris vel præferendi vel postponendi sint. Cum enim pisces sive gulæ dediti, sive escarum probitatem sestantes, ancipitem agant vitam, paucissimi quidem suis sedibus contenti, sua læti carpunt pabula; sed aliqui pristini domicilii plane immemores; aliqui anadromi, ut abitus, sic redditus certa habent tempora. Hujus rei fidem facit, sive in fluviis sive in mari statis anni temporibus, ejusdem generis pisces semper, alios nusquam capi. Quod fluviatilis aqua mensibus pluviis, tum & pleniluniis in mare prolabatur, hinc fit ut immensa piscium agmina hisce illecebribus illecta, mare deserant. Æstate vero appetente ardorem pertimescentes dulci humore saginati, solum & salum repetunt. Vnde inter mollitiem fluviatilium & duritiem marinorum utriusque naturæ participant, gratissimoque alimento existunt, imo usque adeo salubres judicantur maxima pars, ut ne quidem febricitantibus noceant, sicut ipse multoties aliique mecum experti sunt: modo recentissimi sint antequam Solis æstus persentificantur.


Vnicum, quod præfatum volui, restat circa nominum rebus impositorum disensionem & perplexitatem, qua de re ipsa erudita antiquitas merito conquesta est. Cum enim quotasvisque agricola vel maricola nomina pro arbitrio rebus indat, ac proinde assidua

## G V L I E L M I P I S O N I S

assidua illa discrepantia Scriptori æque ac Lectori molestiam creet; pronuntio me usitato illi Cæsaris dicto inhæsurum, quod monet, Cum multis esse loquendum, cum paucis sentiendum: hoc est, me tritis receptisque ut vegetabilium, ita & sensitivorum vocibus usurum, donec consentientibus eruditorum & barbarorum calculis, certius quid definitum fuerit. Interim non est quod lector frontem corruget propter insueta auribusocabula, si à nostra dialecto plerumque abhorreant. cogitandum enim, nos extra Latium & Græciam versari; neque solis veteris orbis populis concessum esse voces condere; cum etiam penes Americanos sit jus & norma ad placitum sua efferendi.

*Pira* generice qualemcunque piscem; *Piracatū* vero pīscem edulem exprimit Brasilien-sium lingua. Quorum primus se offert


## G V A R A C A P E ' M A.



*Guaracapēma* mas est *Dorada* pīscis. Nostrates *Dolfijn* appellant; Quibus nominibus si Oratæ vel Auratæ sive Delfini exprimantur, parum concinne mihi videntur appropriata, eo quod Rondeletius, Salvianus aliique Ichtyographorum Consultissimi, Icones non solum ab hac nostra discrepantes, sed & illorum indolem & virtutes quoque admodum diversas exhibeant: nisi forte, ratione rapiditatis qua cum Delfinis, vel ratione splendentis coloris quo cum Auratis nonnihil convenit, nomina sint indita. Porro quam inusitatæ figuræ hic pīscis sit, quamque acumine capit is continuato pinnum ductu, cauda bifurcata, totius denique corporis conformatiōne ad velociter nātandum æquorumque fluctus sulcando natus videatur, facile est discernere, qui iconem hujus belluæ recte consideraverit. Adeo denique principatum celeritatis tenet inter tot Neptuni pecora, ut licet simili saliendi modo cum Thynnis sive Porcis marinis, dissimili tamen celeritate progrediatur. Ut aliquoties in vasto Oceano vidi, eum certatim natare viderentur Thynnus & hic *Guaracapēma*.

Squamulis adeo est exiguis, ut toto corpore ad tactum lœvis, non squamosus videatur. Non aureo sed ex argenteo viridi eleganter fulget, maculis hinc inde cœruleis variegatus. Carne licet sit sicciori, non tamen vel ingratissaporis vel difficilis digestionis, ut de Delfinis testatum est. Multis modis præparatur: nunc recens, nunc salitus, in optimum multorum pabulum usurpatur.


## C E I X V P I ' R A.



*Ceixupira* ut dignitate ita & longitudine atque crassitię celebris, quippe hominis crassitię æquat, & longitudinem multo superat. Corporis, sed potissimum capit is figura ossea & glabra à Tuberone non multum abludens. Ante quemlibet oculum sunt

funt foraminula, quoru[m] usum neque à pescatoribus resciscere, neque per sectionem capitis explorare potui. Squamulæ, quibus vestitur elegantibus, adeo exiguae sunt, ut totus pescis glaber videatur. Maxima pars pinnarum & corporis est colore nigro, excepto ventre, qui eo usque albicat ut ne quidem lacti cedat. Peculiare autem huic pisci, quod octo ossa triangulares aculei illi concessi inter occiput & dorsalem pinnam, quos in carne recondit, vel irritatus erigit atque pro armis usurpat. Marinus est pescis multa teneberrima carne & pinguedine gravis, nec immerito saporis vel nutrimenti præstantia cæteris Brasiliæ pescibus palmam eripit, præsertim si juvenis sit. Eum quem hic exhibeo vix trium pedum erat longitudinis: atque à pescatore domi meæ delatum, mox cum domesticis meis dissecui, delineavi, & coctum comedì.


## CVNAPV'-GVACV.



*Cunapú-guaçu*, Lusitanis *Meros*, nostratis Graeuwe Munnick dicitur, quod capite cucullatus videatur, cinereique sit coloris. Dubito num vel carnis præstantia, vel magnitudine corporis, ullus celebrior. Præterquam quod sit crassus, pinguis, sex pedum longitudinem evadit; tantæque contigit fuisse molis, ut hamo vel unco affixus aufugerit, ipsumque pescator em prædæ inhiantem secum traxerit in mare cum magno vitæ discrimine. Capite est magno, ore edentulo & rotundo, branchiis quoque in ambitu rotundis. Cauda magna & fere quadrata. Squamis mediocribus cinerei coloris, interjectis punctulis nigris, excepto ventre, qui albicat, sicut & caro totius pescis. Carne est solida, non dura tamen, optimi savoris & nutrimenti. Multis modis pro ritu incolarum præparatur, plurimisque simul hominibus sufficienti est alimento.

Alius præterea est pescis qui *Meros* Lusitanis dictus huic non adeo dissimilis, sed rubicante colore discrepans potissimum.


## CVCCR'.



*Cucuri*. Lusitanis *Cassaon*. Inter Cartilagineos ex genere Lamiarum sive Tuberonum est; sed solus quantum constat, inter cæteros innoxius, unicoque tantum ordine denticulorum minimorum præditus; quum è contra majoribus Lamiis horrendus sit rictus in utraque mandibula, dupli dentium ordine constans. ac proinde plerique Tuberones per totum orbem, non carnis dignitate, sed rapina tantum celebres, excepto hoc *Cucuri*, qui Caniculæ vel Galei potius est species, ut ex Rondeletio aliisque Authoribus liquet. quibus sicut figura & indole est similis; ita alimenti præstantia superior atque dissimilis existit.


Porro Pinnæ, Cauda, Cutis ejusdem figuræ & coloris cum Tuberonibus, ex cinereo scilicet albicante. In hoc pisce (quem cum Markgravio meo domi meæ dissecui) tres catuli perfecti se obtulerunt. Patuitque, eum inter ea cartilaginea esse, quæ Aristoteles, in Histor. Animalium, testatur, Animal parere, idque ex ovis, quæ in media vulva gestata, in uteri sinus descendunt, unde mox per venam umbilicalem fœtus excluditur; ita ut ovis absumptis partus non aliter quam in quadrupedibus contineri videatur. Notatu dignum sane, quod tanta sit Tuberonibus & Caniculis his charitas in teneros Catulos (quod itidem de Phocis, Balænis & Delfinis testatum est ab aliis) ut eos ex aliqua causa pavidos intra se recipiant, idque non per manticam talem in utero pendentem, sicut quadrupedia illa de quibus suo loco egi, sed per os & in ventrem aliquandiu recondere, donec pro libitu rursus in lucem prodeant, sicut multoties viderunt mecum infiniti testes, quasi venter quorundam Cetaceorum & Cartilagineorum patetur aliquantulum alienas animas. Unicum est illi intestinum satis amplum; unde tam inusitata contingit voracitas. Stomachus vastus, hepar candens, ut & lien. Cor parvum, subalbidum, laxum, ventriculisque distinctum, & usque adeo vivax ut in varias partes dissectum imo veru affixum palpitet, vitamque adeo mordicus retineat.

## P A P A N A'.



Alia Lamiæ minoris species est *Papaná*, Nostratis *Bumps-hape* dictus. à cæteris Tuberonibus potissimum differens Capite, quod Cordis fere figura est: oculis parvis, ore itidem parvo longe infra posito: cum triplici dentium minorum ordine, quibus vehementer mordet & lacerat. Quia à pube non solum nautica caro ejus, sicut majorum Lamiarum, sed à delicatioribus experta ob bonum & siccum quod præbet nutrimentum, hanc quoque inusitatæ figuræ Lamiam minime prætereundam putavi.


## P I R A T I A P V A'.



*Piratiapuá* in flaviis & mari vivit. Corpore est obeso, crasso: mensibus hibernis dulcibus fluviorum aquis saginatus repetit maris scopulos, ponderisque subinde fit ultra quinquaginta librarum. Ore est magno, dentato, lingua rubicante. Branchiis est amplis. Pinnis exiguis, excepta dorsali, quæ ex parte in Spinis dilatatur. Ornatis mediocribus squamis variegati undique est coloris, sed potissimum fusci & cinnabrii. Frequens est piscis, atque ob præstantissimam carnem ab omnibus passim Incolis merito expetitus, præsertim si coctus ex aceto vel alio convenienti condimento apponatur.

*Acarapitângâ*, Barbo Europæo, crassitie & longitudine corporis, elegantibus vero squamis ex purpureo cæruleis Carpioni similis. Ab utroque latere in medio secundum longitudinem excurrunt lineæ aureæ, cum infinitis punctis aureis: ejusdem splendoris quoque sunt Pinnæ & Cauda, eæque non solum de die micant, sed noctu quoque lucent adeo ut,

## ACARAPITAMBA.



adeo ut, si multisimul copulati sint, litteræ istius luminis beneficio legantur. Mari-nus hic pīscis magno in pretio habetur, imprimis assatus.


Icones, quas hic subtus depictas vides, sunt crustaceorum insectorum, quæ invito pīscē ori illius se ingerunt, & unguiculis suis arcte faucibus inhārent. Neque facile hominem hunc infestum evadit.

Alius præterea hujus magnitudinis datur pīscis nobilis in cōeno maris vivens, qui *Iu-rumenbēca* dicitur, Lusitanis *Boca molle*, totus argenteus, cuius icon desideratur.

*Acará Piníma*. Si cum au-thoribus Cyprinorum multa genera statuenda sunt, eis non inepte pīscem hunc subijcie-mus. Squamis enim, corpo-ris specie, vita Cyprino similis est, sed latiore corpore & com-presso; ac proinde inter Cypri-nos latos barbare Prae-mos di-atos numerandi sunt. Cum certum sit, in quibusdam tracti-bus mundi Percas, Cyprinos, Carpiones, non solum fluiis sed & mari dicatos esse. Hic noster quoque inter scopulos marinos vietitat, ibique parit & pinguescit; ipsi Carpioni & Cyprino dignitate saporis non solum sed & nutrimenti minime cedens. Elegantibus Squamulis auroargenties mi-cat, striisque aliquot flavescentibus secundum corporis longitudinem excurrentibus.

Datur & alia Prae-mi species nobilissima, quæ *Acarpeba*, aliis *Acaratinga* dicta; si figu-ram, colorem, magnitudinem & nativitatem consideres, inter Cyprinos quoque latos habita; quia parum adeo abludit à præcedenti *Acará Piníma* Iconem addidisse superva-caneum duxi; adeo est carne alba, friabili & probæ digestionis, ut nostrates Prae-mos facile superet.

## CURVATA' PINIMA.




Duo mihi innotuere pisces *Curuata*, vulgo *Bonitos* dicti; quorum alteri cognomen ab Indigenis *Curuata Piníma* additum. Vterque celebris est pīscis & magnus, atque

## G V L I E L M I P I S O N I S


excepta crassitie & longitudine, simillimi sibi natura, colore & figura: ille enim corpore est crassiore & compressiore: hic vero longe proceriore. Vterque est coloris argentei subvirescentis, non squamatus sed cute tantum cooperitus, excepto utroque latere, ubi per longitudinem linea aculeata aurei coloris squamata excurrit. Pinnæ sunt septem exiguae. Cauda utriusque furcata. In ostiis fluviorum æstate, in mari alto hyeme capit, multaque carne & pinguedine abundat, eaque satis proba, ac proinde magno vitæ est sustentaculo maris accolis quounque modo præparatus, imprimis autem salsa & pipere parum conditatur.

## P I R A - P I X A N G A.




*Pira-Pixanga*, Lusit. *Pesche gatto* nostratis pectoribus **Bat-vis** appellatus, forte quia in antris scopulorum se abscondit. adeo exiguis squamulis cooperitur, ut lœvis videatur. Toto corpore flavescit, intercurrentibus egregiis maculis sanguinei coloris. Cauda & pinnæ numero septem sunt exiguae. Domi inde delatus ultra trihorium vixit: bihorium postquam mortuus esset, à me & domestico meo disiectus, vidimus cor exemptum adhuc moveri: quod situm erat immediate post fauces, cui inserebatur aspera arteria, eratque vix digitum remotum à reliquis visceribus per mediastinum, minimum utique & vix granum tritici æquans, licet spiritu inflatum. Ceterum pectoris optimi palati, frequens ex mari toto fere anno adducitur. Coctus æque ac assatus probi est nutrimenti.

## G V A T V C V P A J V' B A.



Toto fere anno frequens, atque ex mari scopulis & fluviorum ostiis ad nos defertur magno incolarum oblectamento; vix ulli pectorum saxatilium saporis præstantia cedens, imprimis si assetur in craticula.

## C A R A V' N A.




*Aipimixica*, qui Lusitanis *Pudiano vermelho* appellatur, celebris est pectoris sicut *Carpio* apud Europæos, cui magnitudine & forma qua ad mollitem tactus, squamasque subtilies & arcte complicatas, similis; sed admodum diversus si totius corporis colorem ex flavo

*Guatucupajuba*. Si ad Europæorum pectorum species referatur, *Cyprinis latis*, quos barbare *Præfemum* vocant, ascribendus ob carnis & saporis convenientiam. Cæterum color eis dissimillimus, quod pectoris hic à capite ad caudam perpetuis squamis argenteis fulgeat, lineis & striis flavescentibus secundum corporis longitudinem excurrentibus.


*Carauna* inter celebres quoque pectores saxatiles marinos numeratur. Figura *Itaiara* similis, sed capite, colore & magnitudine dissimilis. Corpus undiquaque squamulis tegitur, lunatis, coloris miniati, cui punctula nigra passim insparguntur. Præstantissimæ est carnis, optimi non tantum gustus sed & nutrimenti, ac proinde ægris quoque concessus.

## AIPIMIX'RA.




flavo cum aureo micantem consideres. omnibus pariter Incolis in deliciis habitus si probe elixetur. Huic dignitate & figura similis est *Puranema*, totus argenteus, cui lacca intermixta est.

## TETIMIX'RA.



*Tetimixira* autem est altera species, quæ *Pudianó Verde* à Lusitanis nomen accepit, quod præter aureum colorem quo elegantissime micat, viridibus imprimis thalassiniis atque aureis cubis & striis undulatis sit insignis. Rite præparatus antecedenti *Pudianó* teneritate carnis non cedit. Vterque in mari & ostiis fluviorum capitur. Huic affinis videtur piscis fluvialis *Acarapucú* dictus, totus argenteus, carne friabili commendabilis. Fluiis se committit. Alburnum nostrum refert.

## PACV.




*Pacú* familiaris omnibus maris accolis. Nostrates *Steen-bræsent* vocant. Lusitano idiomate *Salema*, Græcis & Latinis *Salpa* dictus. Ore autem, Capite, Dentibus & Pinnis Sargo simillimus est; colore tantum & striis illis à capite ad Caudam conspicuis ex argenteo & flavo ab eo differens. Pro temporis anni diversitate mare vel fluvios petit ut pinguecat. Ventriculo est magno, intestinis latis, hepate rubro, folliculo fellis magno, corde angulato. Melioris saporis & nutrimenti habetur quam *Sargus Europæus*.

*Capeúna* ex ordine quoque optimorum piscium saxatilium marinorum numeratur à E 3 pescato-


## G V L I E L M I P I S O N I S

## C A P E V' N A.




piscis, huic præcedenti non adeo dissimilis, sive argenteum & igneum splendorem sive carnis bonitatem consideres, qui ab Indigenis *Pira Acangatá* dicitur.

## A R A G V A G V A'.




*Araguagua' marinus* piscis, celebris magis in Europa, Asia & America, ob dentatum gladium qua suos hostes integrasque Balænas prosternit; quam ob bonitatem carnis, quæ tamen rite præparata si juvenis sit, cartilagineis piscibus non cedit. Cuta est non squamosa, sed ad tactum aspera & dura. Dentes non ori quidem, sed prominenti ejus gladio concessi. Capite est compresso, in quo post oculos, spiracula duo conspiciuntur, per quæ aquam efflat bellua. In inferiori vero corporis parte versusensem substantia branchialis appetet, cuius beneficio nobis admodum probabile videbatur ensem dirigi, quia ejus origo ibi latitabat.

## P A C A M O'.



& Branchiis, Pinnis, atque Cauda. Dignitate nutrimenti & saporis Europæam mustellam facile superat, quod inter saxa & scopulos viuit, friibili mollique carne ægris æque ac sanis oblectamento est.

## I T A I A' R A.



elixus optimi est palati & nutrimenti, imprimis mensibus pluviis, cum multa & grata pinguedine abundet. Præter Caudam, Pinnas habet sex parvas, excepta dorsali spinosa & magna; quæ omnes simul ut totum corpus, rubent cum maculis nigris.

piscatoribus non solum sed & ab ægris & sanis, quibus caro ejus cocta magno in pretio merito habetur. Egregiis squamulis argenteis cæteris piscibus præfulget. Hic, ut & *Itaiara* atque alii pisces recentes parieti affixi noctu toto corpore adeo lucent, ut litteris legendis satis luminis præbeant.

Elegans & celebris datur

*Itaiara*

ut litteris legendis

satis luminis præbeant.

*Pacamó*, quem Lusitani

improprie *Enxaróco* sive

Ranam marinam vocant,

inter Mustellas nostratibus

*Piapt-aal* potius re-

ferri posset. quibus, ex-

cepta capitis crassitie,

multum similis est. Cuta

est glabra ac molli, sicut

*Itaiara*, sicut rubri & va-

riegati coloris elegantia,

ita & gustu cum cæteris pis-

cibus marinis certat. Iuxta

scopulos & Reçiffo piscato-

res iis insidiari solent, quia

salubrioris pabuli gratia la-

titant in fundo. Licet inter

squammatos numeretur,

tamen ad tactum glaber es-


se videtur. Assatus æque ac

Inter Pisces edules numeratur ille qui *Parū* dicitus, eleganter squamosus; lunulasque flavas in nigricante corpore gestare videtur. Pinnæ superiori & inferiori in fine prominentiæ duæ instar funiculi versus caudam extenduntur. Piscis est latus & subrotundus, non tamen crassus ita, ut participare videatur naturæ & figuræ Passeris squamosi lati: differt autem ab eo, quod utrumque latus ejusdem sit coloris, & utrumque oculatum, nec Passerum more tanquam altero oculo orbatus natet. Cauda est circinata & instar ventilabri extensa.


Qui *Acarauna* nomen accepit, præcedenti *Parū* similis sapore, natura & figura, paucis exceptis circa Caput, Pinnas & Caudam. Hic enim in utroque later e prope caudam acutissimum habet aculeum, quos in latere recondere & evaginare potest alios lædendi causa. Cauda est extensa & bifida. Color squamarum niger. Assatus & elixus in pretio habitus, quod facilis sit digestionis. In mari circa fluviorum ostia capitur.

*Abacatuajá*, quem Lusitanis placuit *Peixe gallo* appellare. Cujus etymon si referant ad Gallum sive Fabrum marinum, de quo Rondeletius, Aldrovandus, Gesnerus & alii tractarunt, toto cælo errant. Planis potius quam subrotundis piscibus ascribendus: licet pinnis, furcata cauda, imprimis nigris filamentis longissimis extensis, natando à vulgari Rhomborum & Passerum familia discrepet. Cuite est lævissima; non squamosa: adeoque splendentis argentei coloris: Pinnis & Cauda plane virescentibus. Vbi primo capitur, grunnit instar porci. Marinus est: præstantia & duritie carnis fluviatili præfertur: proinde ab omnibus pariter incolis vel coquitur vel frigitur in sartagine, atque pro bono gratoque cibo habetur. In quibusdam semen sive lac, in aliis vero ova reperiuntur. proinde hoc genus


## PARV.



## ACARAVNA.




## ABACATVIA.



## G V L I E L M I P I S O N I S


non ponendum inter eos de quibus Aristoteles lib. 4. hist. Animal. cap. 11. testatur, In stirpibus & testaceis non solum, sed & piscibus, scilicet Passere, Rubellione &c. esse quod pariat & generet, deesse autem quod maris officio fungatur.

## G V A I B I - C O A R A.




multis. Cauda est bicornis, quæ septimam constituit pinnam.

## I A G V A R A C A.



re micantes copulatim venum exponunt. Totus piscis elegantibus squamulis in ambitu serratis cooperitur: branchiis quoque & aculeis pinnisque acutissimis armatur, quas pro libitu erigit, iisque potenter ferit pescatores. Caudæ pars reliquo corpori subtensa longissima est, definens in pinnas furcatas satis longas.

## G V E B V Ç V'.



Etiam si hic piscis cetaceus, quibusdam notis, imprimis vero pinnæ dorsalis elegancia, & duobus processibus osseis in ventre à Xiphiis veterum nonnihil abludat, illis tamen plane ad censendus, præsertim si præcipua externa & interna ad examen revocentur. Itaque noster

*Guebuçú*, Lusitanis *Bicúda*. Inusitatæ figuræ piscis (quam peniculatius D. domestico meo graphicè depingere jussi) corpore est oblongo, tereti, rostro acuto osseo, utrumque mobili, ore edentulo, lingua tereti oblonga. Cauda in duo cornua diducta, ad cuius exortum duæ auriculæ membranaceæ. Præter pinnas ventris, juxta caput duo ossea bacilliformia corpora extenduntur in multam longitudinem: maxima illa pinna dorsalis constans membrana pergameni æmula, costis, maculisque variegatis intertexta est, quam pro libitu in sulcum recondit satis profundum. Squamis caret, sed cute crassa spinulis aspera ex cinereo argentei coloris vestitur. Carne est copiosa, pingui, non spinosa nec glutinosa, sed satis bona, imprimis si juvenis sit, alias bajulis & nautis dicata.


Confor-

*Guaibi-Coára*, Lusitanis *Buraco de Velha*, squamosus est piscis, argenteo & melino colore splendens. ejusdem splendoris & coloris est linea quæ per utrumque latus secundum longitudinem tendit. Magna copia ex scopulis marinis littori vicinis ad nos defertur à pescatoribus, ob carnem friabilem in pretio habitus à

*Iaguaracá*, piscis marinus saxatilis; Percæ ut magnitudine ita & figura atque gustu non multum dissimilis. Assatus & elixus bene sapit: mensibus pluviosis maxime pingue scit, vietitatemque circa scopulos, unde unco eos eliciunt barbari sagacissimi piscium insidiatores, qui ex mari reduces multos argenteo & incarnato colo-

Conformatio totius piscis velocitatem non solum, sed & pugnacitatem arguit. Cum enim unumquodque vim suam sentiat qua posset abuti, hic ab ipsa adolescentia contra homines non solum sed & belluas marinas bellum gerit rostro suo validissimo, vietisque aliquando hostes devorat. In dissectione ventriculum interiore multis piscibus oneratum vidimus. Tantæ denique agilitatis & roboris est hoc rostrum, ut ipsum lignum illi cedat, si ab œstro pungente irritatus navem eo petat. Diversa enim cornua inventa sunt, profunde navium carinis immersa instar clavi. Cæteræ partes internæ ejusdem conformatioñis & constitutionis sunt cum Xiphiis & Thunnis.

## G V A P E R V A.




*Guaperuá*, Lusitanis *Peixe Porco*. Qui si non idem quem Capriscum vel Carpum Rondeletius & Salvianus nominant, saltem ejusdem speciei esse facile probari potest. Cum enim operosum adeo sit animalia sive vegetabilia novi orbis Americani ad species Europæas referre, condonandum nobis si similitudines aliquando claudicent ob infinitos naturæ lusus.

Capite est porcino, dentibus caninis, squamis & lineis elegantissime splendentibus ex cœruleo variegati coloris. In dorso intra pinnas & caput duo habet cornua, alterum alteri per tenacem membranam annexum, quæ nunc in rimam recondit, nunc denuo erigit, præsertim si irritetur ad pugnam. Cauda in duo cornua satis longa dilatatur, ideoque potissimum discrepat à Capriscis, quibus brevis & quadrata existit.

Si omnes partes nostri *Guaperuá* conferantur & considerentur, non est dubium quin sit pugnax & velox.

Quantum ad dignitates alimentosas, edulis quidem assatus, non coctus, verum utique inter inferioris notæ habitos.


## G V A R A - T E R E B A.



*Guara-Tereba*, Piscis crassus, obesus capite obtuso, dorso incurvato, unde *Corcovado* minor à Lusitanis & nostratis nomen obtinuit. Triangularibus operitur squamu-lis minimis, ita ut lævis potius ad tactum quam squamosus videatur. Solis radiis expo-situs, insignitur ex aureo, & hyalino cœruleoscens splendet. Edulisquidem, sed à vul-go potissimum expetitus.


Vt terra

## N A R I ' N A R I .



Vt terra Spinis, Rhamnis; ita Oceanus Rajis, Pastinacis & similibus luxuriat. Licet enim unum duntaxat aut summum duo ova testacea simul edant; eadem tamen illis fœcunditatis causa est, quam in Gallinis quotidie experimur, quæ unum ovum unico partu ponunt, cum plurima alia in utero gestent, quorum singula postea ut prius absoluta fuerint, ita prius eduntur. Ex dissectione Rajarum idem comperi quod Rondeletius testatus est, perfecta ova in inferiori vulvæ parte, & fere infinita in superiori ejus parte contineri. Coëunt tergo fœminarum supinis earum partibus superpositis. Vterus iis est oblongus. Ventriculus parvus angustusque in ecphysein desinit, à qua breve intestinum dependet. Latitudine corporis natant, quod pinnis careant. Tota Pastinacarum & Rajarum familia aculeis & radiis munita, quorum venenatam qualitatem eorumque antidota multi prodiderunt authores, probaruntque simul noxiavim iis solis inesse salva carne pisium, quæ vesca est, sicut ego multoties quoque expertus sum. Præ cæteris eminent illæ quarum icones hic apponuntur. Prior *Nari Narí*, ob frequentiam & usum quotidianum notissimus. variæ illorum sunt species, quarum illa quam exhibeo à quibusdam Brasiliensis *Nari Narí-pínima* nomen accepit, à Lusitanis *Raja*, à nostratis *Pylstaert*. Est Pastinaca marina Americana, corpore magno, lato, ferme triangulari; constante ad utraque latera pinna latissima æqualis longitudinis. Capite porci fere magnitudinis & crassitiei. Ore subrotundo edentulo, in promuscidem desinente cartilagineam, habentem quasi fossam in medio. Cranii cavitas satis capax est cum multa cerebri substantia. Post oculos in quolibet latere spiraculum amplum, poni vulgaris capax; intra hæc, branchiarum folia recondita jacent, ad latera inferius à fine capitis in quolibet quinque, ob longas incisuras. Color totius superius ferreus, maculis albis per totum inspersis. Cutis tota glabra lœvisque. Caudæ longitudo quatuor pedum & trium digitorum; quæ sensim gracilescit. Paulo post exortum caudæ superius parvam pinnam curtam habet, & mox post eam duos hamulos sibi invicem supererectos, piscatoriis hamulis similes & incurvatos. Caro boni saporis est, sufficiens quadraginta hominibus saturandis. Ita ut quantum puncturis aculeorum huic nano generi obsit (ut in libro de venenis demonstravi) tantum probitate carnis profit.


I A B E B A ' R A .




Altera Rajæ species *Iabebára*, aliis *Iabebirete* appellata, ejusdem magnitudinis cum *Aiereba*, figura autem obtusi vomeris ad latera extuberantis. Cauda longa, cutis glabra, coloris fuscæ. Carne quoque ut præcedens *Nari Nari* probata & boni saporis. Idem piscatores mihi testati sunt de aliis Rajis; quæ huc adferrem, si historiam prolixam, non brevem edulium piscium exhiberem narrationem.

C O R O C O R O ' C A .

*Corocoróca* Piscis marinus squamu-  
lis majusculis argenteis operitur.  
Carne est probata, sed dura, ideoque  
à delicatioribus non adeo expedita.  
Pedalis est longitudinis. Frequens  
toto fere anno. Pinnas habet sex, qua-  
rum dorsalis acutis spinis sustentatur  
quam in rima recondit. Murmur edit  
*Corocoro* quando capitur, unde no-  
men accepit.




G V A R A P V C V .



*Guarapucú*, Lusitanis *Cavalo*, Belgis *Bonings-bis*. Corpore est, ubi adoleverit,  
septem pedes longo, non squamis, sed cute lævi argentei & cærulei coloris oper-  
ta, intercurrente linea à capite ad caudam ex tenuissimis squamulis contorta. Piscis  
potissimum, marinus quod ibi pariat, licet in ostiis fluviorum dulcibus aquis subinde  
videatur delectari. Si ad species Europæas referatur, minus cum figura & natura Scom-  
bri quam Pelamydis & Thunni Aristotelis convenit, quamvis corporis procerita-  
te & elegantia, atque carnis quoque dignitate utrosque superet. Noster hic *Guara-  
pucú*, ut *Thunnus*, est quoque gregalis, piscivorus, velox; mensibus pluviis coiens &  
pinguescens. Proinde tunc omnibus passim incolis tam recens quam salitus & in penu-  
re conditus, magno est oblectamento. Carne enim quamvis sit sicciori, salubri tamen  
& grata, si juvenis sit.

## G V L I E L M I P I S O N I S


## P I R A C O A ' B A .



*Piracoába*, si figuram, magnitudinem, pinnas, caput caudam denique furcatam consideres, nulli melius comparandus quam Chalcidi Rondeletii. Squamulis argenteis egregie splendet. Barba est alba. Piscatores


mihi testati sunt, solum mensibus hybernis, arenosis locis maris & circa fluviorum ostia capi. Teneritate carnis & nutrimenti præstantia haud inferioris notæ habetur quam Chalcidis.

## P I R A T I A P U Á .



*Piratia Puá*, Marinus est piscis, nec unquam in flaviis repertum memini. Maximæ fit molis ubi adoleverit, sæpe ultra ducentorum pondo, ob carnis & pinguedinis copiam: sed tunc ob elegantiam & aureum colorem potius, quam ob usus humanos expectatus, quod adeo tenacis sit carnis: quando autem gracilis, atque infra decem pondo existit, ab optimatibus in deliciis habetur. Ob multam pinguedinem assatus cocto vel frixo præferri solet. Squamulis vestitur adeo parvis, ut ad tactum glaber videatur, etiamsi antrorsum mulceatur. Totum corpus & pinnæ omnes coloris sunt ex obscurō aureo hepatici: huic autem colori per totum retis in modum cinerei coloris litoræ cancellatae obtenduntur.


## P I R A M E T A ' R A .



*Pirametára* Mulli vel Barbi videtur species. Vtrique *Salmoneta* nomen ab Hispanis inditum. Quæ de Mulli figura, indole & dignitate Salvianus Gesnerus, & Matthiolus prodiderunt, huic nostro applicari possunt, paucis tantum exceptis, præsertim quod in *Pirametára* maculæ grandes rotundæ nigrae in latere utroque apparent; Cauda etiam in fine auream habeat fimbriam: convenit autem cum mullo & Barbo, quod in inferioris mandibulæ extremitate barbam habeat constantem duobus quasi funiculis crassiusculis; color quoque piscis à capite ad caudam dum vivit sanguineus sit, isque post mortem in aureum & flavum mutetur. Quam colorum mutationem, Plinius non solum sed & Rondeletius aliique recentiores Mullis quoque attribuerunt, iisque imprimis qui barbati sunt & in alto mari degunt, sicut noster hic *Pirametára*, qui ut coloris elegantia, ita & nutrimenti præstantia in cœniosis stagnis viventes longe superat. Carne est friabili, cum aliquo lentore & pinguedine, ac proinde minus durabili, nisi condia-

condiatur. Hepate est ex albo rubefcente, sine felle: quamobrem ex hepate condimentum paratur.


## G V I R Y B A C O'.




Inter Edules Marinos pisces *Guirybacó* numeratur, corpore grosso, pingui, multa probataque carne præditus. Vestitur magnis squamis partim cinnabrio partim argenteo colore splendentibus, intercurrente linea rubra à capite ad caudam. Coctus assato præferri solet. Viscera omnia ejusdem coloris & conformatio[n]is ut Asellorum nostratum.

*Pirabebé*. Piscis volans, si-  
ve Hirundo piscis, non Bra-  
filiæ proprius, sed, ut ex variis  
authoribus liquet, omnibus  
innotuit inter Tropicos na-  
vigatoribus, qui figuræ & ala-  
rum magnitudine, carnis di-  
gnitate, colorisque varietate  
inter se discrepant. Plurimi  
autem Haleci similes exi-  
stunt. Quibusdam ad utram-  
que alam in initio ejusdem  
parva quasi ala exit. Con-  
stant eorum alæ tenui mem-  
brana subfuscæ coloris, ha-  
bentque plicas, & sustentantur Spinis tenuibus per longitudinem extensis. Sicut ex  
hac priori iconে videre licet, quæ capite & corpore crassiori depingitur.

## P I R A B E B E' I.




## P I R A B E B E' II.



Altera autem colore, figura corporis, & alarum imprimis, multum discrepat. Alæ  
enim ejus duplo sunt longiores & multo angustiores sine plicis. Tanta denique inter

Pisces volantes discrepantia à capite ad caudam, ut nihil fere inter se communice habent quam quod alati & edules sint. Piscatores promiscue vivos hamis affigunt, profundoque mari immittunt, atque ingenti fœnore illos redimunt, dum corum persecutores ipsi decipiuntur & capiuntur. Merito Hirundinis nomen illis attributum ob volatum, quia demisse earum more volitant, atque instar illarum avium quæ è flumine aquam hausturæ, vel è terra festucas collecturæ. Millenos videre est ex Oceano subito se levantes, quæ, dum fuga sibi consulunt, ut rapaces pisces, imprimis Delphinos, evadant, subinde à circumvolantibus avibus in ipso aëre capiuntur, Charybdisque evitantes in Scyllam incident. mox iterum ad humestandas alas, (quæ brevi temporis spatio exsiccantur) leviter aquæ superficie se immittunt: unde fit aliquando ut in naves præcipitentur, grataque præda fiant pubi nauticæ, quæ coctos pro grato alimento Halecum loco apponunt.

G V A T V C V P A'.



*Guatucupá, Corvina* Lusitanis, nostratisbus piscatoribus **Schelvis**. Quod Asellum exprimit. sane sapore & dignitate si Asellos Europæos non superet, saltem iis par est. præterea figura & magnitudine (paucis concessis pro naturæ lusu) ab iis non multum recedit. Minoribus squamulis rotundis ex auroargenteis splendet. Pinnis & ventre est albicantibus. Linea quoque argentea secundum longitudinem per medium latus tendente. Piscatores testantur, nusquam in fluviis sed in mari capi. Carnis bonitate cum saxatilibus contendunt, tamen pro diversa vietus sui ratione deteriores vel meliores efficiuntur. Omni anni tempore fere capiuntur, magno incolarum solatio & oblectamento. Aselli hi pisciculis vescuntur, quos integros devorant, quia dentes tantum habent priores, non adeo ad incidendum, quam ad retinendam prædam.

T I M V C V'.




*Timucú, Lusitanis Peixe agulha*, inter Acus numerandus. Rostro est osseo. Non squamis sed cute tegitur, partim olivacei, partim argentei coloris. In mari & fluviorum ostiis frequens. Carne est sicca, non spinosa, atque boni saporis, præsertim in sartagine cum oleo vel butyro frixus. Sed ob paucitatem carnis à mensis divitum rejicitur.

P E T I M B V A' B A.




Dubito an inter Acus pisces misores *Petimbuába* locum teneat. Cutis est glabra, instar Anguillæ, coloris primum hepatici, mox maculis cœruleis & virecentibus insignis. capite & rostro admodum producto. Caro ejus vesca, licet pauca & sicca. Corpore est non exacte tereti, sed compresso & latiusculo.

Vuba-




*Vubarana*, in ostiis fluviorum degens, si ulli pisci Europæo, certe Truttis maxime comparandus, sive figuram externam squamarumque seriem, sive carnem ejus consideres. Colore tamen differt, quod hic ex argenteo mire splendeat. Ore est edentulo, unde lapis illi loco linguæ eminet. Piscis ab omnibus passim expetitus, sive coctus, sive in cratericula assatus, nisi quod infinitis sit pertextus spinulis.

CURVI I.




NHANDIA II.




Varii ejusdem generis, sed diversæ speciei pisces. Læves, non squamosi, barbati, dulcium aquarum perpetui alumni reperiuntur. Quorum sex potissimum mihi innotuerunt, qui Incolis familiares sunt, & vili pretio distrahuntur, partim ob frequentiam, partim quod Iudæi à non squamatis abstineant.

Lusitani & Belgæ hos omnes *Bagres* appellant; sed Indigenæ cuique nomen suum indiderunt. Primo *Curui*. Secundo *Nhandia*. Qui ambo omnium facile optimi censentur, tam ratione palati, quam nutrimenti: atque licet raptu fluminis (imprimis divi Francisci, ubi potissimum abundant) in mare prolabantur, dulces tamen aquas non deserunt. Vterque est barbatus sed cirris barbæ discrepantibus. Vterque cute cinerea, non squamosa, tectus; sed primus solum maculis perpetuis variegatur.

G V L I E L M I P I S O N I S  
G V I R I T I N G A' III.




G V I R A G V A Ç V IV.



His supra enarratis dignitate esculenta succedunt duo majores, *Guiritinga* & *Guiraguacú* dicti, quorum icones admodum sibi inter se similes exceptis cirris, qui numero, situ & magnitudine differunt, ut ex appositis Iconibus liquet. Ambo lævi cute, candidi, cum diluto flavo & aureo mixti coloris sunt. Capitibus obtusis & dura testa munitis. Septem pinnis, Cauda furcata grysei coloris. Quovis modo præparati apponuntur.

I V N D I A' V.




Quintus vero *Iundia* capite est conico, dura testa recto. Quatuor cirris brevibus & tenuibus, duobus vero supernis longissimis & lunatum extensis. Totus piscis argentei est coloris,

coloris, sicut & linea illa latera corporis ad caudam usque cum perpetuis argenteis protuberantiis secans. Pinnis omnibus præpositi sunt fortes aculei dentati, quibus dolorifica infligit vulnera.

Sextus *Vruti*, nostratis Kilip-Bagre, cui barba quoque ex sex cirris data, non squamatus sed cute tegitur glabra, umbræ coloris fuscis variegatus maculis. per utrumque latus secundum longitudinem mirus ordo denticulorum acutorum tendit ad finem usque. anteriori pinnæ dorsali spina crassa ossea dupliciter serrata incumbit, qua incaute tangentem misere läedit.

Proinde edules licet duo hi posteriores *Iundiá* & *Vrutu*, à retibus suis tamen eos arcent pescatores, ob puncturas quas tanta cum inflammatione, & tumore excitant, ut spatio viginti quatuor horarum vix ulli cedant remedio, imo in mentis vel animi defectum aliquando fauciati dejiciantur. unicum hactenus innotuit remedium, quod quantocius paratur ex hepate ipsius piscis cum oleo frixi, vulnerique applicato. Ita ut hinc quoque liqueat id quod sæpius antea probavi, pleraque venenata secum ferre sua antidota; modo nos rite illa expiscemur, eaque in aliquo viscerum præcipuorum, imprimis in hepate, non raro latere, ediscamus.


## C A M A R I P U G V A Ç V.



Inter vulgares pisces marinos *Camaripuguaçú* censemur, qui viri crassitatem & longitudinem cum multa pinguedine acquirit ubi adoleverit. Ore est edentulo valde amplio, mandibula inferiori immobili, & superiori breviori. Oculis magnis argenteis. Cauda lata, paulo bifurcata. Pinnæ dorsali elatæ appendix data est longa instar funis crassioris recta ad caudam vergens. Squamis totus piscis tegitur magnis arcte sibi impositis, adeoque eleganter ex cœruleo argenteis undatus, ut quasi mero argento obductus videatur. Ut palato gratior sit, juvenis eligatur, diutiusque coquatur, ob multam & solidam carnem crassis spinis obsitam: ubi enim adolescentiam excesserit, lenta fit ejus caro, & bajulis tantum dicata:


Duas potissimum species *Punarú* observare licuit, quæ ut externa figura, ita & internis qualitatibus sibi similes. Vtraque species intra scopulos circa littora vivit, & testaceorum domicilia intrat. Pisciculi sunt parvi,

## P V N A R V' I.




## G V L I E L M I P I S O N I S

P V N A R V' II.




tum extensa, mollibusque spinis non prominulis texta, simili pinna à medio ventris ferme ad podicem usque pertingente. Cauda utrisque longiuscula & parallelogramma. Cuti teguntur fusca & glabra. Ita ut uterque *Punaru* similes sibi sint paucis exceptis: prior variegatus est in lateribus lineis curvis obscure purpureis, posterior mandibulas habet rostratas quasi è minimis denticulis compositas. Vterque palato gratissimus, ob carnis teneritatem, atque ob alimenti præstantiam ab ægris æque ac sanis expetitus.

## A R A M A C A'.




mulis adeo parvis ut vix desquamari possit. In dextro latere albi coloris, in sinistro lapi dei cum stigmatis variegati: oculos quoque duos habet in hoc latere, in altero nul lum. Ita ut Soleæ altero oculo orbati eodem modo natent.

## N H A C V V N D A'.



te. In medio corporis maculæ nigræ per longitudinem excurrunt, concomitante linea splendente. Frequens est in recessu fluviorum, gratique saporis & probi nutrimenti habetur.

## P I A B V C V'.



*Piabucu* inter fluviatiles pisces non inferioris notæ existit. Oculis & squamulis argenteis egregie splendentibus. Per medium latus secundum longitudinem linea lata non splendens excurrit, quæ in hac Icone nimis nigra depicta; quod pictori concedendum est. Dorsum olivacei & hyacinthini coloris. Capiuntur facile vivis pisciculis hamis affixis. Adeo appetens est sanguinis humani, ut natantibus vulnus vel qualecumque ulcusculum sugendo & mordendo infligat. Carne est probata & boni palati quocunque modo præparetur.

*Piaba*

corpore tereti & oblongo, capite crasso & obtuso, oculis superius in fronte positis, branchiis amplis. Pinna ab occipitis summitate ad caudæ exor-

*Aramacá*, Lusitanis *Lingoada*, vulgo etiam *Cubricunha*, *Lingulæ*, sive *Soleæ* potius quam *Passeris* est species. Nostrates *Tong* appellant. Est Piscis planus tenuiori & contractiori corpore quam *Passer*. Æstate ex maris domicilio fluvios petit, ubi carne fit molliori & suaviori, omnique Passere præstantiori. Ore est magno, dentato, elingui. Vestitur squa-

*Nhacunndá* Mas foeminæ bonitate carnis & figura similis, exceptis cæruleis punctulis. Ore Lucium æmulatur. Dentium loco habet limas & linguam tenuem. Cauda, nigra testa dura tegitur. Squamæ obscure grysei sunt coloris cum argenteo transplenden-

*Piába* pisciculus semipedis longitudinis, non figura tantum sed natura Phoxinis veterum est similis, quorum præter Aristotelem Gesnerus & Rondeletius meminerunt. Caput & squamæ eleganter argenteo viridi colore splendent. Circa Pinnas & Caudam maculæ sunt magnæ Indici coloris, quibus Phoxini destituantur. Nusquam in stagnis dulcibus sed fluvii tantum rapidis capiuntur, amantque contra aquarum raptum niti. Saporis quidem non contemnendi sunt, verum apud Indigenas in majori pretio habentur, qui eos cineribus conditos foliisque arborum involutos craticulæ imponunt, assatosque pro epulis apponunt, quod mihi per deserta cum illis peregrinanti præstiterunt barbari.


*Acarayá*, qui vulgo corrupte *Garanha* dicitur, in lacubus potissimum reperitur. Atque inter eos pisces numeratur qui æque sole & sale siccatur & conditur, quam recentis comeditur. Figura Carpioni similis, sed non magnitudine. Præter communis pinnas rubicantes unam asperam longam expansam habet, cuius medium partem nunc erigit, nunc in rimam recondit. Squamis argenteis sanguineo colore umbras decoratur.

*Acará*, inter eos qui alte fluvios subeunt. Piscis hic vix palmum longus, crasso capite & corpore. Dentium loco limam tenet ore. Squamis est argenteis ex umbra mixtis. In quolibet latere duas habet maculas nigras majores & rotundas. Cauda pro mole piscis satis longa lataque. Caro ejus haud ingrata nec insalubris, Percursumque loco apponitur.


*Maturaque*, Capite crasso, dura testa tecto. Ornate squamosus ex nigro splendens. Eodem victu & natali solo gandet quo *Tamoatá*, scilicet cænoso & lacubus stagnantibus. Figura autem similis *Tareira do Rio*, verum mole corporis superior. Caro ejus boni est saporis, sed non satis sicca, proinde condimentis eget. Eisdem lacibus innatet egregius piscis *Mucu* dictus.

*Piquitinga*, pisciculus fluviatilis ob carnis similitudinem & lineam rectam per corporis longitudinem currentem pisci *Piabuçú* comparatur, licet colore & mole corpus multum discrepet. Tegitur squamulis albis, ex quibus hinc inde olivaceus color translucet. Pinnis est albis, & cauda bifurcata. Linea lata, quæ-


## PIABA.




## ACARAYÁ.




## ACARA.



## MATORQUE.




## PIQUITINGA.




ta, quæ per utriusque lateris medium ad Caudam desinit, argenteo colore emicat. Carne est friabili & bona, imprimis si frigatur & elixetur.

## T A R E I R A I.




Quia placuit Incolis Brasiliæ nomen *Tareira* indidisse utrisque his piscibus, licet figura & natali solo discrepantibus, malui eos conjunctim quam separatim exhibere, & una quasi fidelia dealbare. Prior Corpore est oblongo tereti; squamulis brunnis adeo exiguis & affabre compositis ut piscis ad tactum glaber videatur; lineis rectis à capite ad caudam alternatim flavis & viridibus conspicuis. Pinnas habet octo admodum tenues, quarum maxima est cauda late ducta & furcata. Capite colubrino. Ore patulo admodum dentato, quasi ad rapinam facto: Huic *Tareira* Lusitani ad distinctionem compositum nomen indiderunt, *Tareira d'Alto* appellantes, quia in alto mari potissimum capitur.

## T A R E I R A II.



Riori mandibula longa & admodum dentata, qua hostibus vim infert. Pinnas habet sex, quarum maxima est cauda in extremitate circinata, ex nigro undulata.

## I A G V A C A G V A' R E.



*Iaguacaguáre* impropre à Lusitanis *Iaqueta* dictus. Instar *Perca* nostratis obrotundus, sed latior. Squamis quoque ut *Perca* vestitur majusculis è cæruleo-cinerescensibus. Si plures pullæ à dorso ad ventrem descenderent, haud male conveniret cum *Mormyro Hyppoliti*, *Salviani* & *Gesneri*. Cæterum piscis edulis, sed à plebe potissimum expetitus.

## T A I A S I C A'.




& natura quoque convenit cum littoralibus & saxatilibus *Gobiis*. Præstantissimus equidem

*Taiasicá*, Piscis parvus sed nobilis. Ægris pariter ac sanis in deliciis habitus, sicut *Porcellus Belgis*, & *Gobius Germanis*. præterquam enim quod figura illi non dissimilis, ita

equidem est noster hic *Taiasica* ad voluptatem simul ac distributionem, & succi bonitatem. In arenosis littoribus dedit, ita ut pedibus calcando arenam à quovis facile capiatur. Coloris est hyalini pallidi, exiguis maculis fuscis variegatus. Ejusdem magnitudinis pisciculus frequens *Araber* dictus: Belgis *Sprot*.

## ACARPEBA.




*Acarpeba* sicut in Europa, ita in America videntur variæ Cyprinorum species. Supra in descriptione piscis septimi *Acarapinima* mentionem fecimus hujus, tanquam illi congeneris ejusdemque indolis & saporis. Cujus Iconem propterea præterire constitueram, sed quia externa figura nimium discrepant; mutavi mentem, eumque appendi operæ pretium putavi; imprimis cum hic *Acarceba*, nostratum *Braesem*/ veterum Cyprino simillimus sit, five internas qualitates five external figuram consideres: adeo enim suavis simul & saluber habetur, ut nulli piscium dignitate cedat, ingentique incolarum sit sustentaculo. Sesquipedalis saepe est longitudinis. Corpore late, squamis majoribus tenuibus argenteo colore splendentibus. Ore edentulo parvo, quod extendere & contrahere potest. Dentum loco ossa duo incisa habet. Linguæ vicem supplet palatum carnosum, avulsumque linguam adeo refert, ut non mirum sit multis imponere: quod ad imitationem solertissimi Rondeletii edocetus in dissectione viva compéri, carnosam scilicet illam substantiam superius fixam, non solutam more linguæ, inveni. Pupilla oculorum est nigricans crystallina. Pinnis natat latis, quæ omnes, imprimis dorsalis, firmis satis spinis sustentantur. albicantes sunt & transplendentes. Caudæ pinna furcata & lata. Capitur inter scopulos in mari & ostiis fluviorum. Ventriculus, lien & hepar cum nigricante annexo felle ordinariæ sunt constitutionis pro mole & more hujus piscis. Fœcundus est, septiesque & saepius anno parit. Multa portat ova, quæ saepe pereunt, quia foeminæ adeo instabiles sunt, ut mares, qui eas perpetuo prosequuntur, semen ovis aspergere non possint.

An vero hic Noster *Acarpeba* Cyprinorum more sine maris & foeminæ commissione quoque nascatur, ut ab Authoribus de Cyprinis testatum est, ego experiri nondum potui: licet id saepe observare conatus sum in vivariis Illustrissimi principis Mauritii.

*Piranha*, quorum tres quatuorve species vidisse contigit, omnes fluviis dicati, magnitudine quidem, non autem figura, natura, colore vel dignitatem multum inter se discrepantes. Major omnium quem hic exhibeo, voracitate imprimis celebris. Capite est obtuso ut *Dorade*, sed rictu majori, in quo videre est ordinem dentium triangulatorum acutissimorum, quibus abripit quicquid mordet: adeo denique sanguinis humani sitiens, ut incauti urinatores cum membris aliquius jaedula id experiantur. Pulcre variegatus est coloribus: squamæ cinerei cum cœruleo mixti, fimbriæ ignei cum cœruleo, in ventre flavi sunt coloris. Edulis non solum caro ejus albissima, sed quod friabilis & sicca, optimi saporis & nutrimenti sit, per totam

## PIRANHA.




# G V L I E L M I P I S O N I S

7°


tam regionem in pretio habetur. Si mortuus paulo diutius asservetur, tenerior redditur, sicut evenit omnibus fere quæ dura carne sunt. Quasi calor naturalis qui partes continet evanesceret, & calor externus carnem colliquans humidorem eam efficeret.

## C V R I M A T A .




cum, vel sine condimentis, ex solo aceto, elixus. imo ipsi Carpioni à multis præfertur, ejusdemque est indolis & natalis soli ; in vivariis enim & dulcibus lacubus tantum capitur.

## P I R A V M B V .




Imo teneritate carnis illi non cedens, ita ut tuto ab ægris & sanis hic expetatur, firite præparetur. In ore superius & inferius duos habet lapides latos & validos, denticulis vix sensibilibus præditos. his buccinas aliaque duriora quibus vivit, comminuere solet. Huic affinis habetur fluvialis ille pisces *Cururúca* dictus, sed major, argenteisque squamis splendens. Pinnas habet octo: quarum maxima Caudam constituit furcatam. Gluten optimum ex hoc pisce conficitur, quod omnibus in familiari est usu.

## G V A R V G V A R V .



*Guaruarú* pisculus nobilis, sed exiguis, in stagnis & lacubus frequens, sapore ut & squamarum aurearum elegantia pisces *Piabá* æmulatur. In quotidiano apud plebem est usu.

## C V R E M A .



lum genere, illa species quæ *Curemá* dicitur maxime est celebris. Quæ rursus magnitudine distinguitur; majores enim duorum, minores unius pedis sunt longitudinis, & à mariis accolis nomine *Paratí* exprimuntur. Cæterum crassæ & pingui corpore sibi similes, oblongi ad instar *Truttae* fluviatilis. Capite sunt compressæ, lato, crassæ, duris squamis tectæ & in conum obtusum desinente. Supra os, quod est magnum & edentulum, duo foramina sunt, oculi nigri, magni, anterius positi. Branchiæ exiguae. Pinnæ octo, quarum


*Cûrimatá*. Inter Brasilienses pisces nullus qui Carpioni sapore, colore argenteo, squamis, figura (paucis exceptis) adeo est similis. Quare, quum carne sit non glutinosa sed sicca & friabili, merito inter delicias habetur,

*Piraumbú* ob ronchos quos edit ita appellatus, Lusitanis *Chayquaróna*, inter fluviatiles celebris pisces, magnitudine & figura non solum, sed ore, & squamis ex auroargenteis Carpioni non adeo dissimilis.

*Curemá* & *Paratí* Mugiles Brasilienses, Lusitanis *Tainha*, nostratis *Harders* dicti. Qui ut toto fere orbe notissimi, ita in hoc Americæ tractu familiares, atque recentes non solum in quotidiano usu, sed & saliti in penu reservantur. Ex hoc Mugil

quarum una parva in summo dorso, tribus spinis durioribus suffulta est. Cauda bifurcata, squamæ magnæ clypearæ plane, coloris obscure cinerei, cui hyalinus & argenteus inferius transplendet. Nulli nostratum piscium figura & indole adeo similis quam Mugili marino, qui Cephalii nomen apud Ichthyographos accepit. Mugiles enim æque ac hi *Paratí* atque *Curemá*, aliqui marini, aliqui lacubus cœnosi & stagnis gaudent, unde existente malacia magno numero lascivientes exsiliunt. Quin & saltu retia aliquando transiliisse vidimus: hac enim ratione evadunt ut vitæ suæ consulant, quod de iis Oppianus eleganter testatus est. Præpinguis est cocta vel assata eorum caro, atque sine oleo vel butyro comeditur, quod multum flavæ pinguedinis de se fundat. Salitus cum muria, siccatus in sole reservatur. Optima ejus pars venter est, sed diutius in sale reservata fit rancida. Ova quoque eorum salita & siccata servantur in gratiam bibacium, quia sitim excitant, sicut ex Mugilibus Europæis fit quod vulgus *Botarga* appellat. Viscera sunt disposita ut in aliis ejus generis piscibus, nisi quod hepar, vesica fellis, ventriculus & intestina pro mole corporis sint exigua. Quod frequens est in iis qui non ex rapina vivunt, nam etiamsi gulosi & falaces, carnivori tamen non sunt. Corde sunt angulato. Sub pinna est locus aëre plenus. Omnes Marini Lacustribus præstantiores, quod minus limum sapiant.


## PARATÍ.



Alia quoque species datur *Parati* dicta, quæ in his oris frequens Truttæ magnitudine & figura, sed Mugilis indolis æmula, si natale solum & Carnis saporem consideres, ab utraque tamen capitis figura abludens, imprimis autem quod hic branchiis destituatur. Cæterum oculis est ellipticis, squamis argenteis linearis ordine dispositis, lineis gryseis à capite ad caudam mugilum more intertextis. Pinnas habet septem albicantes longas, caudam in duo ampla cornua divisam. Magna copia in lacubus salis simul capiuntur. Recentes æque ac saliti in pretio habitu. Carne sunt sicca & probata. Pluviis mensibus adeo pinguedine abundant, ut nullo fere obsonio indigeant.

*Tamoatá*, parvus sed mirus aspectu est piscis. præterquam enim quod caput ejus satis amplum superius tegatur testa dura instar clypei, universum quoque corpus loricatum & squamosis armatum annulis, ac proinde *Soldado* nomen à Lusitanis inditum. Ore est edentulo, sed barbato, geminis filis oblongis. Coloris est totus piscis fulvi & subnigri. Adeo fugit aquam salam, ut tempore aestivo & sicco per terram abeat dulcem aquam queritans. Caro ejus laudabilis est saporis & nutrimenti, interque secundæ mensæ delicias apponitur, imprimis si sale & pipere arrosa, in veru vel craticula assetur. Eisdem stagnis innatant *Nhandia*, *Gueba*, *Noia* dicti, qui bonitate carnis præcedentem æmulantur.


## TAMOATA.



Inter


## G V L I E L M I P I S O N I S

AMORE'-GUAÇV'




omnes natali solo, colore ferreo, & qualitate alimentosa sibi similes, sed figura & magnitudine discrepantes, uti in *Amore'-guacu* appetet, qui primo se offert, adeoque expeditus ut Indigenæ illum sub ripæ vel fundi arena utcumque sepultum exinde cum molesta eruere non graventur. Qui enim *Amore'-Tinga* dicitur, corpore est exiguo, habet squamas in totum albantis coloris, intermixtis maculis fuscis ut *Taiasica*. Carne est tenerrima & friabili, ac ab omnibus in pretio habita, non sanis tantum, sed & ægris, quibus admodum conductit.

AMORE'-PIXUMA




Ille qui *Amore'-Pixuma* nomen accepit, capite est lato, ore ampio & edentulo, corpore oblongo, ventre extuberante albo, cæterum coloris ferrei ut piscis *Tamoatá*, quem nonnihil æmulatur figura & qualitate alimentosa; Cum enim dulcium aquarum stagnantium incola sit æque ac *Tamoatá*, carne est, ut illa, probata, & sicca, atque inter epulas apposita, eodemque modo præparata.

## C A R A P O'.



Diversæ specie<sup>i</sup> *Carapo* in lacubus & fluviis reperiuntur, partim sibi similes, partim dissimiles. Prima (cujus hic tantum iconem exhibeo) cultri figuram nonnihil æmulatur, imprimis si obtusum & rectum dorsum, atque ventrem acutum & prominenter, instar Barbotæ Rondeletii consideres. Capite & cauda est admodum tenuibus & acuminatis. Squamis ex fusco & nigro rubescensibus. Grati licet saporis sit ejus caro & ab omnibus in pretio habita, tamen fluvialibus & marinis *Carapo* nutrimenti dignitate cedit.

## G U A C A R I.




Duæ species *Guacari* in mari & ostiis fluviorum capiuntur, figura pyramidali & magnitudine circa pedali sibi similes, sed alimenti dignitate & colore discrepantes. Omnes aspersi maculis obrotundis fuscis, seminis sinapi magnitudine; sed illi quorum squamæ dilute croceo colore splendent, paucioris sunt carnis; qui vero umbræ sunt coloris, carnis præstantia cæteris præferuntur. Omnium caput testa vestitur dura & hispida, oculis & ore parvis. loco dentium in utroquelatere processus apparent quasi ex setis equinis facti. ab extremitate membranæ labii inferioris cirri instar barbæ dependent.

pendent. Pinnæ imprimis superiores spinis ossibus sustentantur, quibus alios pisces & pescatores laedunt. Cauda constant bicorni itidem spinis firmis suffulta. Ita ut totum corpus horum piscium loricatum dici possit, adeo ipsæ squamæ sunt asperæ, cum quadrangulari extuberantia in medio sui.


Detracta hac lorica hispida, sublatisque intestinis, (quæ longissima, & instar filiæ equalis crassitiei sunt) pisces coquuntur & assantur ex more incolarum. Frequentius in usu sunt divi Francisci rapidissimi fluminis accolis, sicut quoque præcedens pisces *Carapó*.

## ALBA CORETTA.



Inter Cetaceos gregales pisces altum mare incolentes non magnitudine solum, sed & carnis bonitate celebres sunt illi quorum aliqui à pube nautica & pescatoribus *Coorza*, aliqui *Coretti* dicti, qui omnes ejusdem quidem generis sunt, sed diversæ speciei ob magnitudinis & molis differentiam: hi enim Afelli nostratium circa sunt magnitudinis, optimi insuper palati & boni nutrimenti. Cæruleis squamis in dorso, argenteis vero in ventre, ac proinde *Albi Coretti* vulgo nomen audiunt. Cujus Iconem appositam vides.


## COORZA.



Atvero altera species præcedenti simillima est si figuram & naturam examines, verum magnitudine multum ab ea differens; quippe sexdecim vel octodecim palmarum est longitudinis. Pelamydum Amiarumque familiæ ascribenda, si Ichthyographos consulas, adeoque cum iis participat, ut quantum ab aliquo eorum una corporis parte recedat, tantum alteri sua similitudine appropinquet, quasi perpetuus appareret naturæ lusus inter novi & veteris Orbis animalia. Corporis enim capitique ac caudæ figura ad parvos Thunnos; si strias nigricantes autem cæteraque externa consideres, ad Amias Pelamydesque potius referri debent. Squamis teguntur ex nigricante cæruleis magnis (quæ in coctione dehiscunt) sed ita ad amissim compactis ut læves esse videantur. Sunt rostro acuto, ventre crasso, cauda tenui in figuram Lunæ in cornua curvata desinente; dorso cæruleo splendente, ventre argenteo. Pinnas habent duas branchiales, & duas dorsales, totidemque in ventre, atque unam versus podicem. Ventriculus, sicut in plerisque voracibus & rapacibus solet, magnus cum infinitis appendicibus. Intestina tenuiora. Lien nigricans. Hepar ex albo rubescens. Vesica fellis hepatis non solum sed toto intestino annexa. Pescatores testantur, hos quoque Thunnorum more certis temporibus cestro infestari adeo doloroso ut è mari exiliant aliquando in naves. Caro eorum est multa, non spinosa, suavis, ad flavedinem ver-

gens, siccioris & durioris sed multi nutrimenti, ac proinde à pube nautica admodum expetita. Si condatur & obsoniis aromaticis instar carpionis apponatur antequam adleverit, à delicatioribus minime contemnitur.

## C A M V R I.



Diversæ species *Camuri*, Lusitanis *Robalo*, nostratis *Snoeck*. Quorum illi qui dulcium & stagnantium tantum aquarum incolæ sunt, Lucii Latinis, Brasilianis *Picudo*, vel qui inter eos maximi *Camuri* dicti, adeoque Europæis similes externa figura, sapore & qualitatibus alimentosis, ut nihil differentiæ inter eos notare potuerim. quamobrem eorum descriptionem & iconem exhibere supervacaneum duxi, lectorem ad Ichthyographos remittens.


Illi vero qui in mari nascuntur & ostia fluviorum subeunt, Lupi Latinis, sed Indigenis *Camuriapéba*, & qui majores, *Camuri-guaçu* dicti. quorum aliqui inter se adeo magnitudine & colore discrepant, ut diversæ speciei videantur. Frequentioris & præstantioris iconem exhibeo qui à figura nostratum Luporum non multum abludit, ut neque sapore, nisi quod tota familia Luciorum & Luporum Brasilienium Europæos dignitate facile superat, ægrisque pariter ac fanis conveniat. Est hic Lupus, magnus, spissus, squamis vestitus ut *Carpio argenteis*, sed ventre albicante: dorso, lateribus & pinnis aurei coloris. In quolibet latere superius à fine branchiarum usque ad caudam producitur linea nigra crassa. Capite est oblongo, branchiis quaternis, oculis magnis, patulo oris hiatu ad rapinam composito: loco dentium, ossibus asperioribus palato concessis. Pinnas habet octo. quarum prior in dorso firmis spinis, tenui membrana connexis, sustentatur, & in rima reconditur. Cauda est longa & lata atque furcata. Viscera pro mole piscis magna & capacia; imo ab ipso ventriculo, & intestinis longis, rapacitatis signa defumi possunt, cum contrarium appareat in dissectione eorum qui limo & alga tantum vivunt. Bis anno parit fœcundissime, imprimis ubi fluvii in mare influunt. Piscium carne nutritur, eaque pinguescit, ex cuius victus locorumque ratione in quibus degit succi & nutrimenti probitas facile colligitur. Hic cum inter Neptuni pecora vere Lupum se præbeat, subinde nimiæ voracitatis poenas dat, quod squillæ devoratæ aculeo quem fronte gerunt, viscera ejus saucient, & pari vindicta necantem hostem interimant. Luporum optimi albissimaque carne sunt pelagi, mox fluviatiles, deinde in stagnis viventes, ad illud Galeni dictum, alimentum quod ex pelagiis Lupis provenit, sanguinem consistentia tenuiorem gignere. Lapides qui in Luporum, sicut & Tuberorum aliorumque multorum piscium Capitibus inveniuntur, atque adversus nephriticos conferre perhibentur, id cum doctissimo Rondeletio sentirem à gravitate potius sua (quam omni simili lapideæ substantiæ inesse comperi) calculum deprimente, quam ab occulta quadam antinephritica qualitate prodire.

Lupi diversò condimentorum apparatu magnatum mensis imponuntur, nunc elixi, nunc assati, imprimis illi qui duorum pedum longitudinem vix æquant.

Ova eorum condita quoque in pretio habentur: tunc enim non solum pro penū sed & deliciis reservantur, atque pro falsamento, loco *Botárge* usurpantur.

## CRUSTACEI PISCES.

GUAIA-GUAÇU'.




Tota provincia infinitis Crustaceis piscibus, imprimis Cancris aquaticis & terrestribus scatet: quorum aliqui medicamentosi, ut suo loco probavi; aliqui alimentosi; aliquorum qualitates latent. Ego ex multis paucos perstringam, qui in usu quotidiano omnibus maris accolis sunt. Compertum est, hic quoque totum genus crustaceum deponere tempore plenilunii antiquas crustas more serpentum, infimaque ventris parte erumpere, ut nova elegantiori vestiatur.

Plures sunt species *Guaia*, quibus cognomina varia addita. Illorum qui simpliciter nomen *Guaia* audiunt, alii albicantes non edules, quos prætero: alii edules, quorum primam iconem hic exhibeo, utpote qui aspectu, magnitudine & dignitate cæteris facile superior, ac proinde *Guaia-guaçu* dictus, eoque magis acceptus, quod non adeo frequenter capiatur. Tegitur testa elliptica, in ambitu multis exiguis corniculis, superius autem convallibus prædita. Octo est pedibus cum quatuor juncturis cruris pilosis, unguiculis nigris, brachiis inæqualis longitudinis, forcipibus validis rostratis & dentatis. Color totius cancri sive vivi sive cocti est sature rubens. Multa & grata est carne, quæ optimæ nostratiū minime cedit, atque ingenti peregrinantium solatio existit: ægrotantibus quoque ex pectoris morbis multum prosunt.


Sequitur *Guaia-Apará*, inter majores & elegantes variegatos habitus; tanta vi natans ut per os aquam exsufflet, quasi ex fonte exiliret. Testa lunata in utroque latere posterius exsecta, & in acmina desinens. Colore est obscure brunno, & maculis ex albo flavescentibus, striisque brunnis eleganter variegata & ornata. Pedibus est octo, cum

GUAIA-APARA'.




quatuor solidis internodiis; brachiis & tenaculis Galli rostrum cum sua crista repræsentantibus, ita ut Gesnerus merito tales Gallos marinos appellasse mihi visus sit.

## C I R I.




rius cærulescit. Caro est optimi saporis, nec facile nocet ventriculo, etiam si multa quantitate ex aceto comedatur.

## V S A - V N A I.



Varii palustres variæ magnitudinis Cancri dantur, interque eos maxime usuales *Vça* nomen audiunt. Ego illos tantum exhibeo qui *Vça-una*, & cujus fæmella *Cunurú* dicitur.

## C V N V R V' II.



animadvertere marinis dignitate cedere.

Inter minores Marinos Cancros *Maracoani* censetur, qui corpore est quadrato, fulvi coloris, cruribus octo, rarisque pilis fuscis vestitis. Brachius est duobus, sed adeo


Inter Cancros marinos aliqui *çiri* generice nomen obtinent, & addito cognomine distinguuntur, ut *çiri-Obi* & *çiri-Apoá*, & alii. Omnes hæ species fundos aquæ salæ obambulant, rarius ad littora prodeunt, nisi amore Ambræ griseæ, quod è mari alluit, ideoque magno tantum refluxu capiuntur.

*çiri-Apoá*, cuius iconem tantum exhibeo, est Cancri mediocris magnitudinis. In testæ meditullio nigricans cordis figura, aliaque ornate depicta sunt. in ambitu ipsa testa brachiaque dentata fusci coloris, forcipibus ex cæruleo albescen-tibus. Crura sex ex albo & viridi mixta: loco septimi & octavi cruris posterius duo remiges partim cæru-lei, plani, hirsuti, quibus natando cursum potissimum dirigit. Oculis est parvis prominentibus & longe à se invicem distantibus. Corpus inte-


## MARACOANI.

adeo magnitudine discrepantibus, ut sinistrum minus sit uno è pedibus : cum è contra dextrum adeo sit magnum, ut totum corpus post illud abscondere possit. Forcipe itidem est admodum lato, extuberantiis prædicto. Oculis sibi invicem oppositis longis & eminentibus, instar aciculæ tenuibus, quos momento erigit, & in rima rursus recondit. Edulis est, atque boni nutrimenti, sed præcedentibus dignitate inferioris.


Tandem ex terrestribus unum promam, eumque facile præstantiorem, *Guanhumí* ab Indigenis vocatum. Is corpore est rotundo. Cruribus octonis pilosis sibi æqualibus, quatuor internodiis distinctis. Brachiis est duobus, sed dextro multo major sinistro. Oculos altissime erigit, atque momento in longa cavitate abscondit. Turmatim antra sub vesperam deferunt pabuli gratia, & silvas paludosas cum magno strepitu oberrant, in sequentesque non raro evadunt, quod celerrime currant, & quidem transversim : tuncque oculos ad latus convertunt, brachio longiori utcunque elevato. His vesperi barbari non solum, sed & milites insidiari amant. quodque adeo bona sint carne, integris cohortibus sufficienti sunt sustentaculo.



G V A N H V' M I.




P O T I Q V I Q V I' Y A.



*Locusta Potiquiquiya* crebro ad nos è mari & ostiis fluviorum defertur. Testa ejus frequentibus eminentiis instar corniculorum acutorum anterius scatet. In quolibet

latere quinque habet crura, totidem internodiis distincta. Quodlibet crus unguem habet incurvum, acutum & pilosum. Oculi prominentes cylindracei: ante eos, supra os, quatuor cirri exortum sumunt spinosi, inter quos duo minores teretes non spinosi, ac ultra medietatem bisecti. Posterior pars corporis septem juncturis sibi invicem appositis constat, cauda desinente in quinque pinnas. Testa tota cocta sanguinei fit coloris, ejusque caro æque in pretio habita apud magnates ut nostratum; à quibus cum neque sapore neque alimentosa qualitate discrepare animadverterem, ulteriori descriptioni non inhæreo.

## P O T I.



sex cruribus cum tribus internodiis spinosis & aculeatis, unguiculis in extremitatem desinentibus. Cirri prope os prodeunt, quorum duo longissimi, quatuor breviores & tenuiores, quibus cibum tenet, atque frequenter ex fluviis & maris littore, omni fere tempore, sed mensibus imprimis pluviis, à pescatoribus ad incolas deferuntur. Cocti optima sunt carne, nec Europæis cedunt.

Varias Gammarorum species suppeditat Brasilia, quorum aliqui in testis habitant, sed minus expediti; aliqui sine conchis degunt, & generali nomine *Poti* exprimuntur. Ille autem qui *Guaricurú* nomen audit, elegantia & dignitate cæteris facile superior, cuius ico nem tantum exhibeo. Vulgo *Camaraon* dicitur, qui fusci est coloris,



## SECTIO SECUNDA.

*Quæ agit de Avibus.*




Actenus de Piscibus, nunc de Avibus agendum. Quod antequam aggrediar, operæ pretium erit, de earum indole & conformatione pauca in genere præfarier; Missis Gallinis & Columbis aliisque Palmipedibus huc ex Europa illatis, quæ haud magnam subeunt in melius vel in pejus mutationem: nisi quod in calidioribus hisce regionibus prolificæ magis sint, atque incubatus minori temporis spatio soleat absolvi quam apud nostrates.

De indigenis itaque Brasiliæ Volatilibus potissimum dicturus, quantum inter se varient, & quantum cum veteris Orbis Avibus aut discrepent aut convenient. Si diversitatem plumarum, & colorum elegantiam, speces, nullis totius mundi Avibus cedunt: verum cantu longe ab Europæis superantur. Ut quædam cicuratæ ædes quidem garrulitate, ita silvestres clangoribus inconcinnis nemora resonare faciunt, sed vix alterutras grato aliquo modulamine aures demulcere compertum est. Mensibus pluviosis maxima earum pars pingueſcit, ob fructuum & vermium ubertatem. Mensibus æstivis ad ripas fluviorum convolant, cibi, aëris & aquæ captandæ causa, ac plurimæ tunc ripariæ evadunt, ibique dum secure apricantur casses aliasque aucupum technas haud facile evadunt. Pauciores quæ rostro vel unguibus sunt armatae, hostes suos minus extimescunt, atque in cavitatibus arborum, vel humi, se fidunt; verum plurimæ in summitatibus altarum arborum, ramorumque extremitatibus ad serpentum insidias eludendas mirum in modum nidificant. Pro penuria aut abundantia alimenti, ut abitus sic redditus tempora observant ad loca vicina. tantum vero abest ut mare transvolent, aliasque dissipatas terras visitent, ut ne quidem hujus Continentis mediterranea versus Peruviam unquam penetrasse compertum sit, quod adeo immensa sint interposita spatia, ut ipsos avium volatus fatigare dicantur, omneque cum Peruviæ tam animalibus quam hominibus commercium secludant. Palmipedes amphibiæ agrestes & domesticæ, lacuum & fluviorum alumnæ, ob perpetuas virentes herbas palustres, montanis dignitate non cedunt.

Omni anni tempore ob insignem aëris temperiem calidam & humidam pariunt. In minoribus vero (quarum pleræque quotannis tantummodo femel ova ponunt) vix ovarium reperire est: in majoribus ovaria, pariendique tempora, ex consuetis naturæ legibus se habent. Avibus fere omnibus, ut in dissecando videre contigit, duplex quasi ventriculus à natura concessus est. Quorum alter ingluvies in infima colli parte hæret, ut facilius cibum maceratum pullis regurgitet. Alter, ventriculus propriæ ditus, intra abdominis capacitatem, infra cor, pulmonem & jecur situs, ex duobus vel tribus præter morem adeo validis & ligamentosis musculis compactus, ut mirum non sit, multa duriora & aspera facile atteri, imo ipsos calculos in eo lavigari. Intestina à ventriculo superioris orta secundum longitudinem sursum & deorsum utcunque replicata sunt. Felle, licet minori, omnes majores aves præditæ, quamvis situs & color subinde varient; In minoribus vero, quantum visu consequi licuit, si non ipsum fel, saltem porus cholidochus apparuit. Vreteres & renes, quod cum pace veterum philosophorum libere pronuntiaverim, plerisque concessi. Vesica autem carent, ni fallor, omnes, quod dum pitissando bibant, parvaque in iis redundet urinæ copia, lotium in communem alvum cum sicco excremento deponant. adeo scilicet placuit naturæ, ut ne quid necessarii deesset vel redundaret superflui. volatilibus enim in aëre pendulis oneri sine dubio fuisset vesica urina distenta.


Primo se offerunt diversæ Phasianorum species, præ cæteris avibus vescis, primatum facile obtinentes. Licet enim circa ciborum electus & victus rationes tres convivæ raro consentire videantur: attamen cujuscunque terræ incolæ vel mediocriter tantum palatum docti, in teneritate & nobilitate eorum carnis, facile convenire crediderim.

M v t v'.



Si in celebri hac ave *Mutú* carnis teneritatem & excellentiam consideres, ex phasianorum est genere: quibus etiam figura & colore haud multum dissimilis; quamvis non pauca in eo concurrant circa indolem & conformatiōnem corporis, unde Pavoni comparari possit. Tota avis splendet præ nigredine, cui hinc inde aliquid viridis transplendet, cum albis pennis in cauda. In summo capite ex nigris pennis quasi mitellam gerit. Rostro est egregie incarnato. Oculis magnis nigris. Cruribus gallinaceis. Cauda longa instar Gallo-Pavi, quam erigit & extendit. Lubenter quoque Pavonum more in tectis vel arboribus confidet, alteque clamat *Racuá Racuá*. Carnis probitate quoquo modo præparata, imprimis assata, nulli avium Americanarum nec Europæarum cedit, ac proinde apud optimates ob dignitatem atque elegantiam cicuratur & alitur.

M v t v'-P O R A' N G A.




Reperitur & alia ejusdem species, cuius Iconem hic appono, quam *Mutú-Poránga* vocant. Quæ licet magnitudine præcedenti *Mutú* cedit, dignitate tamen carnis illi par est, & indole plane similis, rostro potissimum & pennis capitis differens, quod hæc rostro sit recto, & nigro in extremitate, in exortu vero crocei coloris: A summitate capitis ad colli initium nigerrimis pennis, instar holoserici, cochleatim tortis, decoratur, præcedentis *Mutú* multo majoribus & elegantioribus, quas in cristam crispam erigit. Hæc ut & cæteræ Phasianorum & Perdicum

species, pectoris carnem, præ cæteris partibus corporis, habent magis albicantem, sicut Europæi; eodemque modo cicurantur & saginantur cavea inclusi. Præterea nobilioribus hisce avibus (quod multis aliis negatum est) ingluvies ventriculo præjacet, quæ semesum & crudum cibum prius recipit, quasi aliquid similitudinis cum ruminantium animalium genere haberent. Ova illis sunt grandia, dura & alba.

Tertia

IACV-PEMA.


Tertia Phasiani species, mediæ est magnitudinis intra duas præcedentes, *Iacu-Pema* dicta. Quod nomen fortasse accepit à suo clamore, quia adeo alte clamat *Iacu Iacu*, ut membrinerim per deserta cum peregrinarer, ipsa nemora resonuisse à multarum clamoribus gregatim volitantibus. Gallinæ domesticæ nigræ similis est, ejusque plus minus magnitudinis, multasque cum ea partes corporis communies habet; nisi quod cauda sit longiori, pedibus & cruribus magis rubicundis, & longis, staturaque erectiori incedat, tum quoque verticis plumas in cristæ modum erigat. Caro ejus præcedentium carnigustu & nutrimenti præstantia non cedit: quamobrem supervacuum puto, dicta repetere.



IAMBV'.


Postquam de diversis Phasianorum speciebus egimus, merito succedunt Perdices *Iambú* dictæ. Quarum duæ in silvis littoralibus dantur species, majores, & minores. Hæ magnitudine nostratisbus cedunt: illæ figura carnis mole & præstantia, Europæis Perdicibus pares sunt. Vtriusque pennæ sunt per totum corpus obscure flavescentes, verum fuso mixtæ atque maculatæ.

Cætera quæ ad Perdicum nostratum indolem, carnisque teneritatem, atque viscerum conformatiōnem pertinent, adeo hisce Brasiliensibus quadrant, ut vix quicquam solidi à me huc adferri possit, quod non antea ab Authoribus Ornithographis satis superque enarratum sit.



CARIAMA'.

Egregia hæc avis silvestris *Cariamá* ex aquaticarum quoque est genere, uosisque locis ob prædam delectatur more Ardearum, quas mole corporis non solum, sed & carnis dignitate longe superat: quasi peculiare esset hisce calidioribus regionibus, ut aves aquaticæ pleraque montanis non sint dignitate inferiores: sed è contra teneritate carnis ipsis rusticolis Europæis aquaticis facile pares inveniantur; inter quas censemur hæc *Cariamá*. in exortu rostri adunci flavescentis cristam plumatam nigricantem erectam gerens, oculos habens aureos. Totum corpus pennis vestitum griseis fusco undatis more Falconum. Cla-




mor

## G V L I E L M I P I S O N I S

mor est instar Gallo-Pavi fæminæ , & longe in silvis auditur suo equidem malo , quod aucupes convocet. Toto fere anno probatissima est carne, & ab optimatibus inter pri- mas delicias expetita. Mansuetæ æque ac silvestris assatur & coquitur.


## C A R A C A R A .



Licet *Caracara* Accipitris fringillaris sive Nisi habeatur species , quæ Lusitanis *Gaviaon* dicta: tamen non inter vere rapaces censetur. Palumbis, Turdis, Columbis & Gallinis infesta, quibus perpetuo insidiatur, & facile potitur , quod visu, volatu, unguibus & rostro firmis, acutisque valeat. Carne est satis laudabili, imprimis si juvenis sit. Egregia est avis, cauda ex albo & fusco variegata. Pennis ravi coloris cum albis & flavis punctulis.

Aliæ præterea ejusdem speciei existunt , præstantia carnis præcedenti pares , figura quoque externa illi haud multum absimiles , quæ ab Indigenis *Teguato* & *Inaio* di-ctæ. In hisce , cæterisque plurimis eædem appendices sive intestinorum diverticula inferne conspicuntur , quæ passim in nostratum avibus deprehenduntur.

## I P E C A T I A P O A .



perforans quod narium vice fungitur , in hac imagine à pictore non expressum est. Carne sunt multa & pingui , nostratumque teneriori. Inter aves amphibias pal- mipedes primatum tenent. Facili negotio figuntur in altis arboribus considentes , quas



Inter tot diversas Anatum & Anserum Brasiliensium species hæc *Ipecati Apoá* principatum facile tenet, quas Lusitani uno nomine *Patos* no-minant ; ad Anates silvestres Indicas referendæ, etiamsi ad Anserum pæne magnitudinem accedant. Omnes egre-gie variegatis sunt pennis sicut nostrates Anates domesti-cæ, à quibus, ut corporis mo-le, ita & pedum colore fu-sco, rostroque adunco & ni-gro, differunt ; imprimis au-tem crista carnea , canis al-bisque maculis insignita. Fo-ramen juxta cristam rostrum

quas post lotionem in aqua frigida subeunt captandi aëris causa. Idem de indole & carnis præstantia cæterarum Anatum silvestrium minorum dictum volo, quarum aliæ cristiæ plumaceam gerunt, aliæ sine cristiæ sunt, quæ omnes nomen *Mareca* audiunt. Hanc aliasque aves hisce affines sine ingluvie, sed cum gula capaci inventi. Penem præter modum longum rigidum circumfert, donec fœminam sive in terra sive in aqua reperiat, quam oppressam adeo sine motu tenet, ac si ambo clavo in coitu affixi essent; solummodo mas capitis gesticulatione, & cerebra anhelatione voluptatis sensum exprimens. Ita ut inter summe falaces aves hæc Anatis species recensetur.

## I P E C A - G V A Ç V.

Sequitur domestica palmipes *Ipeca-Guaçú* dicta, ob carnis bonitatem celebris. Mole & figura corporis mediæ magnitudinis inter Anates & Anseres nostratium. Cæterum pennarum & colorum elegantia utrumque superans. Rostri extremitate ad medietatem est flavescente; mox rubra macula medianam partem capitis egregie tingente. toto corpore à vertice ad caudam albo colore Cygni instar nitescit. pedibus est anatinis ex flavo rubescientibus. Pinguescit æque in terra ac in stagnis. Dignitate carnis, Anatibus nostratibus similis, & apud magnates in pretio habita. Cæterum fertilis est avis: magna & multa ponit ova, omnifere anni tempore incubatum brevi absolvens. Salax quoque hæc species. Mentula cæterisque partibus internis generationi dicatis præter morem validis & magnis. Cætera viscera solitæ constitutionis sicut in nostratium Anatibus.

## M A I A G V E'.



*Maiague'* in familiam quoque edulium palmipedum sed marinorum ferorum recepta. Anseris est magnitudine & figura. Cæterum magnis illis Mergis nostratis non dissimilis, adeoque adunca parte rostri extrema ad rapinam pisces composta, ut Corvum aquaticum Gesneri æmulari videatur. Capite est crassiusculo & rotundo. Oculis paulo fulgentibus, collo oblongo & ornata Cygni more incurvato. Totæ avis fusci & subnigricantis est coloris, colli tantum parte anteriori flavis plumis decorata. Circa fluviorum ostia in mari vivit, in littore autem nidificat & ova ponit. Velox est natatrix & vrinatrix, atque aucupum insidias eludens. Carne est eduli & bona

bona, imprimis si juvenis sit, sed quod perpetuo piscivora, à quibusdam contemnitur.

## N H A N D U - G u a ç v .




Diversæ magnitudinis Struthiones hic reperiuntur, ita tamen ut maximæ Africæ minores aliquanto existant, *Nhandu-Guaçú* Brasiliensis, *Ema* Lusitanis dictæ. Rarius in districtu hoc Paranambu censi, sed frequentius paulo versus Septentrionali tractum fluminum ripas obambulant. Cæterum ejusdem cum Africanis sunt figuræ & indolis. Ferrum quoque & lapides deglutire amant, eaque inconcocta & integra per anum reddunt. Tres habent in pedibus digitos anterius versos, unguibus nigris, crassis, haud acutis; posterius unum digitum subrotundum, grossum, unde difficulter in area lævi aut tabulato incedunt. Collo sunt incurvato olorino, capite anserino, oculis elegantibus nigris, rostro compresso. Alis sunt parvis, ad volandum quidem ineptis, quarum ope tamen alteram instar veli erigunt & expandunt, adeoque cursum promovent non solum ut gregarios canes evadant, sed, quod mirum visu in vafris his avibus, alterutram alarum distendendo, dextrorum & sinistrorum ita cursum dirigunt, ut barbarorum tela eludere norint. Cæterum plumis per totum corpus griseis instar gruis, in dorso longioribus & elegantioribus cooperiuntur. Caudæ vero non sunt ejusmodi cristis præditæ, ut Africanæ vulgo pinguntur. Plumis per dorsum expansis ad anum usque, sed ignobilioribus & minus elegantibus. Ponunt ova, ut cæteræ Struthiones, sed minora, eaque in arena fovent, maribus iis sedulo incubantibus. Salaces sunt admodum, mentulamque aliquantum aduncam vibrant sèpe, donec reperta fœmella eam rigidissime ineant, suppressamque diu immobilem teneant. Carne & fructibus opti mis, tum quoque pisciculis ad ripam alluentibus vesci amant, ipsique Ambræ griseæ non parcunt, si ea ad littora potiri queant. Carne sunt satis probata & solida, nostratum olorum & anserum æmula, quamobrem inter alimenta ab incolis expedita.

Psittaci

Psittaci Asiatici, Africani & Americani, toti orbi ob garrulitatem ac colorum elegantiam, non vero ob gustus & nutrimenti præstantiam, celebres. Qui licet dictarum regionum servidiorum alumni, nullibi tamen putem tantam copiam & varietatem dari quam in Brasiliæ mediterraneis: quos communi nomine *Aiurú* & *Aráca*; minores vero *Tuy'*, vulgo *Perroquet* vocant. Vtraque species edulis catervatim semper volitant, nimirum bini ac bini, altoque & ingrato clangore silvas resonare faciunt. Ut enim plerasque Brasiliæ aves incredibili colorum pulchritudine visum quidem; ita nullam fere cantu auditum demulcere, alio loco probavi; Psittacis autem solis prærogativa concessa videtur ut felicissime garrire, imo tanquam ratione prædicti, cum hominibus colloqui discant. Mirandum sane, in vasta hac solitudine & barbarie, ubi tam crassa brutalitas ipsos homines occupat; Psittacos tamen & Simias adeo cæteris animalibus non solum prælucere docilitate, sed & humanos gestus & collocutiones ad amissim imitari ac æmulari. Omnis generis Psittacis lingua est lata & crassa, cum solidissimis præter morem ligamentis & nervis, quasi perpetuo motui & garrulitati faventibus; ita ut merito Psittaci à Græcis etiam ἀνθρωπίγλωσσοι dici mereantur. Cicuratus unus atque alter (quem domestico meo custodiendum dederam) saepius de nocte se ipsum expergescens, vel à nobis appellatus, semi-somnus sublocutus est, unde constitit, non falsum esse quod Scaliger in Aristot. de Aquilis venaticis aliisque avibus testatus est, scilicet ea animalia quæ ova pariunt non solum dormire sed & somniare.

In diffisis nemoribus altissimas occupat arbores tota psittacorum familia, unde temporius ex ipsis nidis eximuntur ut garritum humanum addiscant. Nam ubi adoleverint, manibus se tractari haud permittunt. Mediterranei Barbari, tot elegantissimis Psittacorum coloribus non contenti, eos deplumant, cutemque variis tinturis inficiunt, quibus postea ad pomparam sese exornent. In cavis arboribus nidificant, ubi foramen ex-

## AIVRV' &amp; ARACA.




Tuy'.



tra rotundum faciunt, ac ova duo aut tria columbinis similia imponunt, sine nido aliquo ficto. Ova si tangas, non idcirco à parentibus deseruntur, sed æque feliciter excluduntur, quod fit sub finem mensis Iunii: plumiati pulli circa Augustum auferri solent, tuncque vermiculus crassus, in quolibet narium foramine unus, & quoque in summitate capitis tuberculum quoddam in quo itidem similis vermis latet, omnes brevi sponte excidunt, nullo manente vestigio. Fructibus arborum delectantur. Pulli eorum non minus in pretio habiti quam in Europa Columbae; quos assati, frixi, elixi adeo sapore æmulantur, ut meminerim convivas inter epulandum deceptos, qui loco Columbarum Psittacos comedenterant. Quamobrem, quod adeo ejusdem cum Columbis sint qualitatis & dignitatis supervacaneum duco earum narrationi diutius inhærere. Longævi sunt admodum sive agrestes sive cicurati. Sclopetis à militibus figuntur in silvis, vel ad crocitantem Psittacum ex arbore, in cuius ramis auceps latet, facile capi se patientur. Nil enim viso aucupe terrentur, sed ut laqueo trahantur ad collum conjecto expectant, nec aufugiunt uno captato, & in mantica qua præcinctus est auceps, ipsis aspicientibus reposito.

PIRACVROBA I.





III.

PICVIPINIMA II.




IV.



Præter Columbas domesticas Europæas olim huc allatas, quarum summum in columbariis est incrementum, variæ quoque dantur species indigenarum silvestrium Columbarum, Palumborum & Turturum, quæ nostratis, colore, magnitudine, figura, indole & sapore partim similes, partim dissimiles, easque utpote ejusdem familiæ sub uno capite comprehendere, & uniuscujusque iconem exhibere constitui. Majores Columbae *Piracuroba*, minores *Picvipinima* ab indigenis appellantur, quæ pinguiores utique & præstantiores cæteris habentur. Pleraque si ad speciem suam referantur, Columbis, Palumbis & Turturibus nostratis magnitudine cedunt, sed rostro subinde majori, minusque adunco & crasso. Coloris sunt diversi & eleganter variegati; nunc ex cœruleo cum albo & dilute flavo mixti; nunc cinerei vel sanguinei. Quædam ex Africana quoniam prosapia natæ pennis teguntur per totum viridibus instar Psittaci, & remiges alarum ex viridi fuscescunt. Omnibus crura & pedes eleganter rosci, vel crocei coloris, & unguiculi fusci atque acuti. Aliis cauda plane nigricat, aliis medietas exterior alba; ita ut præcipua avium differentia, cum nostratis ejusdem speciei in perpetua colorum elegantia & varietate consistat. Omnes hæraro separatim volitant, iisdemque locis nidulantur, & amicitias inter se exercent, nisi quod subinde certis temporibus fese


se se jungant, ob fructuum silvestrium defectum, quos certatim depopulantur. Pingue factæ ad Silvas remotiores recedentes sclopetis facile figuntur, & maxima copia à militibus & mancipiis venum exponuntur. Aliquæ earum, imprimis Turtures, cicurari se patiuntur. Pane, radicis *Mandioçæ* farina, vescuntur. Defectu dicti alimenti, fructus avellanæ magnitudinis, ex arbore illa littorali, *Mangle* dicta, deglutiunt, à quorum usu caro earum adeo amarescit, ut minus esculenta evadat. Quamobrem iis fructibus vi-gentibus, minus expetitæ sunt. Mensibus pluviis potissimum capiuntur, & grato alimen-to sive silvestres sive saginatae existunt, nostratesque bonitate æmulantur, nisi quod carne sint magis sicca & calida, atque fervidum sanguinem generent, ac proinde ejusmodi alimenta, ut alias monui, in hisce calidioribus regionibus postponenda ab iis qui sicco sunt temperamento. Pulli ante quam adoleverint eligendi, & si macri sint, jusculis elixantur eodem modo quo nostrates aliquando Anates & Columbæ præparantur.

## I A B I R V - G V A Ç V.



In dissitis locis juxta fluvios & lacus frequens est insignis hæc avis, quæ Brasiliensibus quibusdam *Labiru-Guaçu*, aliis mediterraneis *Nhanduapoá*, nostratisbus *Scur-bogel* dicta. Rostro est magno, crasto, inferius cano, elingui. Mitra ossea coloris albi in vertice decoratur. Corporis mole Ciconiam facile superat. Cauda brevior cum alis desinit, maxima ex parte albanticibus, exceptis alis remigibus, quæ rubini colore transplen-dent. Pelle ejus satis dura detracta, caro quovis modo præparatur, rarius tamen af-fata apponitur. Carne quidem est proba sed sicciori. Tempore hyberno sive pluvioso pinguescit, gratoque fit incolis alimento. Facile à barbaris & militibus vel sagittis vel sclopetis petitur.


M A C V C A G V A.



Gallinæ silvestris est species *Macucaguá*, sed domestica nostrati crassior & major; adeoque carnoſa ut duarum Europæarum Gallinarum ſuperet, iisque dignitate & ſapore quoque non cedit: imprimis ſi ejus cuticula triplex rite dematur, atque elixa vel aſlata apponatur. Manuſepta æque ac silvestris leguminibus & optimis arborum fructibus vefci amat. In diſectione viſcera & ovariū Gallinarum more diſpoſita inveni, ſed ova Anſeris magnitudinis, ex cæruleo viridiſ coloris. Quæ quotannis bis ponit, idque quindecim vel ſexdecim ſimul. Roſtro eſt recto, oblongo, nigro. Alis nigricantibus ſine cauda. Capite & collo punctula-

to ex obſcure flavo & nigro. Cruribus cæruleofenibus. Multæ ſunt diuersæ ſpecies, quæ omnes facili negotio figuntur & capiuntur. Humi gradiuntur, ſed ad hominum conſpectum in arboribus ſe abscondunt.

## C V R I C A ' C A &amp; M A T V I T V I.



Ad fluviorum & lacuum ſtagnantium oras frequenter obambulant aves *Curicáca* & *Matuitui*, quarum posterior ejusdem quidem ſpeciei ſed tantum magnitudine gallinæ, cum prior hæc Oloris magnitudinem ſubinde æquat. Non immerito illam Numenio Indico Clufii comparaveris, quod ejusdem pæne ſit figuræ, naturæ & natalis ſoli, paucis


cis exceptis circa magnitudinem & colorem. Lusitanis *Masarino* dicta, & Iconi Ibdum veterum cognata videtur. Rostro est admodum longo, acuto falcisque messorix instar incurvo, coloris ex igneo fusci. Collo quoque oblongo, plumis albicantibus ex flavo mixtis. Cruribus itidem præter morem oblongis rubri coloris: parte femoris supra genu, tibiisque superioribus, ad medietatem usque pennis destitutis; quod cum aliis avibus in paludosis locis versari solitis commune habet. Brevi est cauda alas non superante, coloris albi cano mixti, ut in *Ciconiis*. In humidis pratis Lumbricos venatur, quos rostro ex terra eruit. Pisciculis quoque circa ripas fluviorum infidiatur. Carne est saporosa, satis bona, ut inter epulas apponatur, imprimis si rite præparetur coctione vel frizione antequam adoleverit.

Ardearum variæ species una quasi fidelia dealbandæ fluviorum & locorum lacustrium incolæ & accolæ. *cocoï* indigenis. Quarum aliquæ Stellares, Belgis *Pittoor* dictæ, ex que ut colore ita & carne cæteris facile præferendæ. Barbari & Europæi post carecta latentes illis perpetuo insidiantur, easque tum sagittis tum sclopeticis facile figunt: quæ si nondum adoleverint, multum expetuntur. Hæc, quæ primo se offert, rostro est longissimo, recto & acuto; lingua brevi & acuta; collo haud adeo longo; capite parvo. Plumis est undique variegati coloris, more Ardearum stellarium, sed alarum pennis virescentibus. Carne est satis proba, & à nostratis æque ac ab indigenis expetita.


Ad Ardearum quoque species referenda videtur hæc avis *cocoï*, licet pulchritudine eas longe superet. Rostro est acuto, in exortu ex flavo virescente. Crista eleganti in vertice erecta, cum egregiis plumis deorsum dependentibus, ex nigro cinerei coloris. Collo & gutture ex variegatis subtilibus egregiis plumis ornato. Pinguiscit circa lacus paludosos & rivos, imprimis mensibus pluviis. Paucæ est carnis, sed bonæ & ab omnibus expetitæ si juvenis sit.


Multæ aliæ dantur adhuc Ardearum species edules, sed ut magnitudine ita & bontate carnis inter se discrepantes.

cocoï I.




cocoï II.





Tertia hæc çoco, piscivora, quæ erecta incedit, & decenter, rostro est longo, acuto, nigro. Collo & pedibus pro mole corporis satis longis. Pennis & plumis minus elegantibus vestitur, quæ, ut nostrates, albo, nigro & brunno variegantur. Indole atque alimentosis qualitatibus prioribus similis est.

I A Ç A N A'.




Iaçaná. Gallina palustris. Nostratibus **Wa-**  
**ter-hoen.** Quarum quinque ad minimum species  
vidi, natura & figura sibi similes, sed magnitu-  
dine & colore potissimum differentes. Omnes  
vero colorum elegantia europæas Gallinas pa-  
lustris longe superant. Frequentissimæ sunt in lacu-  
bus stagnantibus. Hanc unicam ex familia Iaçaná  
utpote pulcherrimam & facile maximam ex-  
hibeo. Corporis mole, cauda, capite Gallinam  
silvestrem æmulatur. Sed rostro, collo, cruribus,  
& coloris varietate, ab iis dissimillima: crura e-  
nim, eorumque digiti, nuda, ut in ripariis solet,  
longissima, flavi & viridis sunt coloris. Caput,  
collum, alæ, & pectus elegantissime splendent, si-  
cut Pavones. Omnes in anteriori parte alæ cor-  
niculum habent acutissimum, quibus se defen-  
dunt. Mensibus pluviis potissimum pinguescunt  
vermibus & pisciculis, sicut Rusticulæ palustres.  
vescuntur. Æstivis mensibus macræ sunt, ac pro-  
inde tunc minus expetitæ. Cæterum boni saporis  
est caro, sed sicca, proinde condimento opus est.  
Quod

Quod supra in genere de Brasiliæ avibus ripariis monui, id nunc in specie huic *Guarauna* sive Rusticulæ aquaticæ tribuendum, scilicet probitate carnis cum pluribus montanis avibus certare. Ut enim figura & natura Rusticulam aquaticam paucis exceptis æmulatur; ita & dignitate gustus illi non cedit quounque modo paretur. Tota avis fusi est coloris atque hinc inde albo punctulata. Rostro admodum longo & tereti, in extremitate incurvo & fusco. Cruribus & digitis pedum longis. Caudæ vestigium nullum. Cætera communi more avium disposita.


Inter immensas avium cohortes sola fere hæc insignis & pulchra cornigera *Anhyma* non culinæ solum sed & medicis usibus inservit. Frequenter quidem pecora cornuta in terra & mari; raro autem in aëre avem cornu gerentem videre contingit. Accedit, quod sicut Rinoerotis, Cervi, aliorumque terrestrium, ut & maritimorum, imprimis monstri istius Monoerotis, cornua medicinalem imo antidotalem qualitatem prætendant: ita quoque hoc cornu ex vertice *Anhyma* prominens, cæteris facile palmam præripit. Avis itaque hæc forma, figura, & usu quidem, haud tamen cantu celebris: inconcinnum & altum clamorem in silvis edens, *Vyhu*, *Vyhu*. Rapina est & amphibia: nidum struit è luto ad arborum caudices super terram, furni figura. Pavone imo Cygno major est fœmina cuius Iconem hic exhibeo; mas enim quem nancisci non potui in nemoribus, duplæ est magnitudinis. Carne est probata, Pavonis æmula. Prominente pectore incedit, sed raro sola, verum junctim mas & fœmina. Testantur omnes pariter incolæ, una mortua alteram instar turturum lugere, & vix à sepulchro discedere.

Porro hæc *Anhyma* rostro est nigro paulum incurvato, collo oblongo, oculis aureis, pupillis nigris. Capite est Galli Indici simili, plumulis variegato, cui in vertice cornu erigitur, extremitate sua antrorsum versus incurvatum, duos digitos longum, calami scriptorii fere crassitie, ossei coloris. Alæ, dorsum, cauda nigricant; venter cinereis & nigris pennis variegatur. Crura potissimum pennis nuda, sed cute fusca tecta. Quilibet pes quatuor digitos obtinet longos, unguibus corniculatis. In cujusque alæ antica parte ex ipso alæ osse cornua brevia triangulata enascuntur. Quibus itidem vis antidentalis à barbaris attribuitur. Mihi autem de virtute verticalis cornu constat, quod in convenienti liquore maceratum ad ij plus minus, contra febres malignas & venena potissimum assumptum cum successu sèpissime exhibetur, movendo sudores, & ma-

GVARAVNÆ.




ANHYMA.




lignum veneni qualitatem ad circumferentiam corporis. Nec minus quoque feliciter usurpatur cum vino in multis gynæciis.

## A R A C A R I .



*Aracari* majoris Rusticulæ est magnitudine. A proprio clangore , ut multæ aliæ aves Brasiliæ , nomen accepit , atque ex patulo rostro acutum sonum edens *Aracari* perpetuo clamat. Præter inusitatam rostri magnitudinem , & dentatam conformatiōnem , admiratione potissimum dignum , quod levissimum & tenuissimum sit instar membranæ , ac loco linguæ pluma sive penna nigra mobilis in eo contineatur. Capite est parvo , compresso , collo oblongo & nigris plumis in extremitate circulariter finientibus obsito. Pectoris & ventris plumis eodem modo conformatis , sed colore flavescente cum pavonio mixto , linea eleganti sanguinei coloris transversim intercurrente. Dorso & alis ex nigro viridicante fulgentibus. Cauda instar Picæ longiuscula sanguinei ex parte coloris. Rara hæc avis in densis nemoribus habitat , fructibus potissimum victitans. Cicuratur non solum ob elegantiam sed quoque ob usum rei familiaris. Caro enim ejus est edulis & boni saporis , sed littoralibus populis minus frequens. Interna ejus viscera more aliarum id genus avium conformata inveni.

## Q V E T E L E .




*Quetele*. Vegetabilia , & Sensitiva quædam , licet aliunde advecta , tractu temporis inter nativa recensentur : eo proinde minime prætereunda , imprimis quæ usibus humanis inserviunt , sicut hæc Meleagris sive Gallina Numidica silvestris , Congensibus *Quetele* dicta. Aliquæ ex continenti Africæ circa *Sierra Lyona* ; aliquæ ex insulis Africæ vicinis adferuntur , parum ab hac iconে ablutentes : utræque ob fertilem proveniūt in Brasilia adeo multiplicatæ , ut ab omnibus opulentioribus eas circuari & saginari videas. Si corporis magnitudinem & crurum pedumque conformatiōnem consideres , nostratiū gallinas æmulatur ; si figuram avis & caudam dimissam , Perdicī simillima.

Capite est parvo , cui mitella cutacea fusca imposita ad utrumque latus capitis alba , & crista rubra ad tempora protensa: rostro flavo , curvo. collo tenui oblongo , quasi coronato. Pennis nigris elegantissimis , maculis albis variegatis , totum corpus ornate cooperit. Caro inter delicias expetita Gallinæ nostratiū non cedens ; imo probo aliamento saginata more Perdicum , ad earum dignitatem accedit.

Absolutis

Absolutis præcipuis & nobilioribus avibus edilibus ; describendæ nunc quidem restarent tot minorum myriades , quarum pleræque nomine vernaculo *Guira* exprimuntur , & additis variis cognominibus distinguuntur , atque in catalogo vulgarium Volucrum , Passerum , Turdorum , Fringillarum , & similium , recensentur : sed , quod ratione qualitatum adeo inter se congeneres sint ; tum quoque viscerum conformatio- ne & constitutione cum nostratium ut plurimum convenient , particulari earum descriptioni supersedeo , ne lectorem æque ac memet remorer , quamobrem instituto meo satisfactum iri puto , si pauciores usuales , uno quasi penicillo graphicè de- pingam , atque earum icones simul sub eodem capite conjungam . Aliquæ opacorum nemorum aluminæ sunt , fructuumque silvestrium , imprimis *Mangábas* , *Pacóbas* , *Papáios* , *Guaiábas* , *Araçá* , perpetui prædones : aliquæ vero fluviorum ripas obambulant , vermiculisque & pisciculis vesci amant . Sæpe frixæ , raro autem tostæ apponuntur , quod paucæ & siccioris sint carnis , sanguinemque in nobis fervidiorem generant . Nostratisbus aviculis sapore & alimenti bonitate , paucis exceptis , plerumque cedunt .

GVIRAPVNGA MAS.




GVIRAPVNGA FOEMINA.



Vtraque *Guirapunga* , mas & fœmina , celebris , tam ob multam carnem pinguem , quam ob clamorem & duplicum sonum quem edit , idque non toto anno , sed mensibus æstivis , vigentibus fructibus *Acaju* . Pectus habent bifidum seu convallem , per medium secundum longitudinem ; tracheam amplam ; unde est , quod alte clamare pos- fint , suo potius quam aucupis malo . Vtraque *Turdelam* majorem superat . Pennis vestiuntur fuscis & nigris , quibus virentes sunt intermixtæ , rostro longo , acuto , ore que admodum magno & patulo . Crura , pedes cæteraque nihil differunt à communi avium norma . Mas & fœmina vix inter se discrepant , nisi quod illi sub gutture propendeant particulæ carneæ nigræ ; huic vertex plumis decoretur mollibus . Inter præstan- tiores aves , sicut *Turdelæ* nostratisbus , habentur .

GVIR A - GVA IN VMBI.

*Guira - Guainumbi* , Palumbi est magnitudine , plumis undique elegantissimis vestita . Vertex quasi mitra ex pennis sapphirinis decoratur , in cu- jus medio macula nigra , magna . Guttur , pectus & venter sunt lutei . superior colli pars , dorsum , alæ & cauda , grami- nei coloris , admixto thalassino , more *Anatum* vel *Pavo- num* . rostro est oblongo , ni gro , incurvo ab utroque late- re , superne & inferne ferrato dentium loco . Cruribus




nigris ,

## G V L I E L M I P I S O N I S


nigris, pedum digitis & unguibus vulgari modo dispositis. Cauda longissima ex duabus pennis rectis facta, & multis plumis transversis vestita. Fructibus gaudet. In altis arboribus nidificat, unde sclopetis facile figitur. Cicuratur ob elegantiam & carnis bonitatem, licet enim columbis dignitate cedat, minusque carnosa sit, tamen rite præparata pro cibis apponitur.

## G V I R A Q V E R E A.




*Guir aquerea*, Sturnum magnitudine æquat, etiamsi ob alarum & caudæ longitudinem major videatur. Est ex fusco cinerei coloris cum maculis flavis & albo mixtis. in vertice circulus appetet aureus. rostello parvo, triangulari, parum adunco, à cuius initio in utroque latere multæ setæ crassæ suillæ exsurgunt. Cæterum nihil peculiare præter caudæ elegantiam. Vesca est ejus caro, sed sicca. Fructibus potissimum vicitat.

## G V I R A - I E N O I A.



*Guira - ienoia*, Fringillæ sunt magnitudinis, sed corpore magis procero. Cærulei potissimum coloris, exceptis extremitatibus caudæ & alarum. Mensibus pluviis ob fructuum ubertatem pinguescunt, & tunc caro earum magis saporosa, Fringillarumque loco comeditur.


## T I I E P I R A ' N G A.



*Tiiepirângâ*, Avicula hæc cantu, conformatione, pennis Fringillam nostratum æmulator, nisi quod corpore sit magis carnosus & cauda multo longiori, plusque sanguinei coloris per omnes pennas appareat. Gregatim volitant, & facili negotio retibus & decipulis magna quantitate capiuntur. Eodemque modo, ut nostrates Fringillæ, præparatae apponuntur.


Guira-

G V I R A P E R E A.




*Guirapereá*, Alaudæ est magnitudine, aurei coloris, excepta cauda & alis, quæ dilute virides sunt. Sub gutture maculam habet nigram, toto pectore & ventre maculis instar Sturni conspicuis. Rostello recto, acuto, flavo. Cætera vulgari modo disposita: Inter aviculas apponitur, & mediocris est saporis, imprimis cum fructus illi maturuerint, qui Araça & Guaiaba dicuntur.

G V I R A - A C A N G A T A R A.




*Guira-acangatará*, elegans est avis, Picæ magnitudinis, ob elegantiam & ingentem clamorem potius, quam carnis excellentiam celebris: paucæ enim est carnis; licet ob insignes pennas & plumas major videatur. Rostro adunco, acuto, & flavescente. Vertex longioribus plumis, cristæ in modum decoratur, quæ sicut totum corpus fere, fusci est coloris. Cauda longissima, constans octo pennis ornata expansa, in extremitate albicantibus. Cum cæteris avibus loco Fringillarum mensis imponitur, saporisque est non contemnendi.

M A T V I T V I.




*Matuitú*, Sturni est magnitudinis. Rostro longissimo, recto & forti. Pennis undique vestitur fuscis, pallide flavo maculatis, ut in Niso. Cætera vulgari norma avium disposita, nisi quod pectore sit admodum carnosus. Pisciculis insidiatur circa ripas fluviorum, iisque pinguescit. Magna copia toto anno apparent. Carne sunt multa & pingui.

## IACAMACIRI.



*Iacamaciri*, Sturni est magnitudine. Rostro admodum longo, & in extremitate acuto. Cauda tenui & longa. Pennis & plumis ex flavo ac viridi mixtis. Circa ripas fluviorum vicitat, & pifciculis delectatur. Inter cæteras aviculas apponitur, sed non adeo expedita, quod minus teneræ sit carnis.

## TAMATIA.



Diversæ species dantur *Tamatia*. Quarum maxima, addito cognomine, *Tamatia-guaçú* exprimitur, adeo Turdis nostrarium externa figura, ut & indole ac sapore similis, ut nulli avium (paucis pro consueto naturæ lusu exceptis) Europæarum melius comparanda sit. Rostro est magno, solido, parum incurvato, fusi coloris. Capite quoque grandiori pro corporis proportione. Tota cutis punctulis conspicuis & magnis maculis fuscis variegatur. Collum & guttur slavefcunt. Pro Turdis apponuntur utcunque assatx, ejusdemque sunt saporis.

## SECTIO TERTIA,

*Quæ agit de Animalibus Quadrupedibus.*




Vemadmodum Eruditiss. Scaliger non immerito dissentit à Philoso-  
pho dicente , vel omnibus terræ locis omnia , vel nulla usquam  
nasci : sic è contra, quædam in quibusdam locis, quædam autem non  
provenire , apprime sane consensisse mihi visus est ; imprimis cum  
eo naturæ moderamine , ut sicut illa numero , ita & vitæ tum ha-  
bitudine, tum longniquitate inferiora vel superiora evadant. Cu-  
jus rei veritatem confirmant passim omnes acertimi Indiarum im-  
primis Lustratores , quodque etiam Naturæ œconomia maxime, consentaneum sit,  
ne alicubi vel abundantia nimium luxuriaret , vel necessiorum penuria Mundus  
fatisceret.

Inter alia animadversione digna circa Quadrupeda, non prætereundum puto , quod  
aliqua pecora Europæa in Indias inventa, præsertim Oves, Boves, Arietes, etiamsi ob aë-  
ris temperiem calidiorem satis prolifici; tamen macriores utique reperiantur, carneque  
minus succida & tenera quam in natali quondam solo ; vel quia ex insueto frigore no-  
cturno, vel fervore diurno peculiaris terræ genius resultans, sicut tenerioribus Europæ  
vegetabilibus ; ita quibusdam animalibus exoticis minus faveat. Excipiuntur tamen  
quædam , præsertim Porci, qui in melius mutati, fœcunditatis non solum, sed & nu-  
trimenti dignitatis usque adeo prærogativam obtinent, ut ægris & que ac sanis tutæ  
& jucundæ sint deliciae, carneque ovilla præferantur: Ac proinde minus applican-  
dum videtur hisce regionibus Novi Orbis illud Philosophi, ubi ait, Omnia Quadrupedum carnes deteriores existere, quæ locis palustribus, quam quæ editioribus pa-  
scuntur.

Indigenæ Quadrupedes viviparæ rei familiari dicatae, pauciores quidem in tanta mul-  
titudine detectæ. Quas, ut & tot alia sensitiva, conduceret quidem ad cognitas Veteris  
Orbis redegisse species , sed ob adeo varium & perpetuum Naturæ lusum , facilius eas  
( paucissimis quidem exceptis ) gustus , quam externæ figuræ similitudine , cum Asiaticis vel Europæis contuleris. Accedit quod dictæ Bestiæ in Novi hujus Orbis remotiori-  
bus saltibus minus familiares sint maris accolis : noctambulæ quoque multæ & late-  
bras quærentes exstant, etiam eæ, quæ contra Philosophi sententiam multum caloris &  
siccitatis habeant, adeoque tantum prodire ament ingruentibus mensibus pluviis, ut  
pinguescant & copulentur. Ut mirum non sit, earum differentias, mores, naturas, alia-  
que ad Historiæ Naturalis & Anatomia cognitionem facientia, difficilius dignosci &  
perscrutari posse.


Quamobrem licet inter omnia Animalia , nullum tantam affinitatem cum tem-  
peramento humano habeat ; nullius quoque Anatomia tantum lucis adferat, quam  
Quadrupedis viviparæ : veniam tamen facile merebor, si vel qualitates vel dissectiones  
earum rudiori Minerva fortassis explicavero , quam curiosus quicunque Iatrosophos desi-  
deraverit.

**P**RÆTER Dorcades Europæas Brasiliensibus non multum dissimiles Capreæ Indigenæ  
*Cuguaçu-eté* non cornutæ, & *Cuguaçu-apará* cornutæ præcedentibus minores existunt.  
Pilis sunt splendentibus, glabris, hinc inde fusco & albo variegatis, imprimis si juvenes  
sint, nam maculæ albæ accrescente ætate pereunt. Pes quilibet duas habet ungulas ni-  
gras, & supra has duas minores supra se invicem positas. Cauda sunt brevi, ut solet in Ca-  
preis. Oculis magnis nigris, naribus patentibus. Cornibus mediocribus ex tribus ra-  
musculis fabricatis, villosis, cineritii coloris, quæ quotannis amittunt. Castitate &  
fœcunditate cum Europæis certant, statoque tantum tempore, initio scilicet men-  
sium pluviorum, quod veris vices supplet, mares admittunt; postea defervescunt, & me-  
ticulosæ fiunt. In uteri cornibus concipiunt, sexque mensibus, & minus aliquando, in  
utero gerunt: quod tempus in frigidioribus Europæ regionibus tardius absolvitur. Non  
adeo



nullum quidem subinde comperi; quia forte visum effugerat, atque alia aliqua parte diffusum latitaverat, quod fellis vices illis suppleret: tanta interim fellis necessitas in corporibus animalium mihi videtur, ut eo non apparente locis solitis, Natura maliuerit collocasse in capite quorundam pisciculorum, quam in totum denegasse viscum tam nobile. Imo, sunt aves quæ teste Aristotele vesica & urina destituuntur; tamen fel ipsis perpetuo concessum esse fatetur. Caprearum Brasiliensium caro est optimi palati & nutrimenti, quæ vel assatur, vel aromatibus conditur pro epulis, ejusdemque planc saporis est & dignitatis cum nostratis. Verum, sicut hæc Capreæ species, quæ villosis est cornibus, carne sua alimentum, ita lapide in ventriculo contento, medicamentum præbet haud contemnendum, scilicet lapidem Bezoardicum Occidentalem, nunc Orientali minus celebrem quidem, attamen apud incolas contra mala quoque venenata in pretio habitum. Quo lapide venatores difficilius aliquando potiuntur, quam ipso animali in quo generatur. vulneratum enim telo, aufugit summo studio, eructatque è ventriculi fundo per os ipsum lapidem, quem si non sagaciter observet venator, spe omni excidit eo potiundi, ut mihi aliisque contigit subinde.

## T A I A Ç V .



nentia appetet partim carnea partim membranosa, quasi ex concursu vasorum lacteorum contorta, quæ vulgo Vmbilici nomen audit. Quem tamen ego in dissectione verum umbilicum esse neutquam potui animadvertere, sicuti neque Clariss. Anatomicus Leydensis D. Falcoburgius, qui transmissum ex Brasilia Porcum similem diligenter incidit. Mammarum quoque vicem præbere, quia vasa mammaria videbantur, quæ lacteum

adeo silvestres sunt, quin facile cibentur. Fructus & frondes quædas depopulantur, omnem denique cibum, ruminant: viscera quoque naturalia more aliorum ruminantium disposita sunt, sicut in cornutis, alteraque tantum maxilla dentatis, solet fieri. Quum porro à veteribus Philosophis testatum sit, quasdam non solum aves, sed & animalia terrestria nonnulla, inter quæ Cerva & Capreæ, felle carere; ego attentius circa duo potissimum loca illis à Natura concessa, hepar & intestina inquirens, fel

Taiacú, Porcus est silvestris, sed Apris magnitudine & ferocitate cedens; vix enim nostratum Porcorum domesticorum mollem acquirit. Auribus, pilis & setis in dorso est solito brevioribus & mollioribus nigri coloris, punctulis minimis albis variegatus. Cauda est nulla. Admodum probatæ est carnis, ut facile nostratum domesticorum superet. lardo est tenuiori atque bono. In dorso inter setas prominentia.

Cœtum humorem perpetuo destillant, haud verissimile, quod fugendum præbeat papillis, quas more aliorum Porcorum sub ventre gerit. Per hunc ductum spiritum emittere, sicut Sues marini per nares, Lerius & Thevetus putarunt; sed attentior censura Fr. Hernandi magis mihi placet, qui in dissectione eorum, tam narium, quam umbilici, usum illis mecum derogat. In multis Americæ regionibus, præsertim in nova Hispania, ejusmodi Apri ejusdemque conformatio[n]is & naturæ inveniuntur, quorum caro æque probata, quæque mactata ut durabilior sit, statim liberari debet à ductu illo lacteo dorsali, alioquin facile corrumpitur. Iracundi sunt & vindictæ admodum memores. Vulnerati enim infinitos solent sui generis convocare, ut hostes suos, sive Venatores sive Tigrides, cum quibus perpetuam exercent inimicitiam, gregatim adoriantur. Ita ut non raro ascensi in arborem salvare se coacti fuerint vel sagittissimi venatores, ubi tunc dux gregis, cum militibus fremens, truncum arboris loco hostis amissi mordet & lacerat. illi interim tot feris circumdati, eas superne, vel venabulo, vel sclopeticis tuti cœdunt, cum tamen illæ haud facile patiantur societatem dissolvi, nisi forte moræ vel famis tædio.

*Capybara*, inter Porcos aquaticos sive fluviatiles recipitur, quia figura & natura bimulum Porcum æmulatur. brevibus est cruribus & unguis, sed porcinis, cæterum Porcis dissimilis, si crassitatem & figuram capitatis, & oris pilos auresque parvas consideres. Carteret cauda. Peculiare quid præterea huic Natura dedit, quod (præter duos insignes dentes incurvatos extra alveum prominentes) in qualibet maxilla dentes viginti quatuor habeat. Herbis & fructibus vescitur. Noctambulum est animal, pabulique gratia fluvios & torrentes transnatat, clamoremque adeo horribilem edit de nocte, ut nobis insuetis primum terrorem incusserit. Gregatim infinito numero circa ripas fluviorum oberrant; cumque tardigrada sint, non cursu, sed velocissima natatione se salvant à venatoribus, quia urinari vel maxime norunt. Cæterum haud difficile magna copia sclopeticis vel sagittis figuntur, integrisque militum cohortibus probo fatis alimento fuerunt, imprimis si assetur caro; sed quia dignitate Aprorum & domesticorum carni cedit, caput hujus *Capybara* tantum pro deliciis apponitur.


## C V A N D V'.



*Cuandu*, Major & Minor, Africanis Erinaceis ex parte similis. Nostratibus *Uster-*  
*Vercken,*

**Vercken**, Lusitanis *Ouríço cacheiro*, & quoque *Espinho* dicitur, quod perpetuis spinis sive aciculis armatum sit animal. de quarum tamen ejaculatione in hostem deque earum venenosa vel medica qualitate nihil nobis hic terrarum compertum est, sicut de alia Erinaceorum specie in Africa atque in nova Hispania testantur Autores. Hæc enim **Histrix** ob insignes alimentosas qualitates potissimum celebris Simiæ majoris est magnitudinis. Totum corpus pilis caret, sed spiculis armatur undiquaque oblongis flavescentibus. Ab insitione in cutem ad dimidiā fere longitudinem reliquam, pars dimidia nigricat, cuspis albicat. Capite est quoque aculeato, excepta regione aurium & oris. Circum nares pilos habet multos, qui barbam Felinam illi faciunt. Oculi prominentes & fulgidi. Cauda oblonga ab exortu suo ad medietatem aculeata. exterior medietas nuda est, & raras habet setas Porcorum instar. Interdiu dormit, noctu circumvagatur, spiratque naribus quasi anhelaret: vocem edit ut *Sus iu iu*. Scanxit arbores, sed tardo gressu, quia pollice caret; idcirco descendens, caudam circumvolvit, ne labatur. Fructibus non solum, sed Gallinarum Columbarumque pullis multum damni infert, iisque perpetuo insidiari amat. Exinde pinguefactus facile præda fit venatoribus. Carne est admodum candida, pingui, eaque gratissima, ac proinde inter delicias apponitur sive assata, sive elixa, sive artocreas modo condita. Inter Erinaceos enim quæ vocem *Caninam* edunt, inferioris sunt notæ; quæ ore vero voce que *Suilla*, ut hic noster, carne sunt, teste quoque Scaligero, longe deliciori.

## T A T U' sive A R M A D I L H O.



Cum in Occidentalibus non solum, sed & Orientalis Indiæ partibus frequens adeo sit hoc inusitatæ conformatioñis animal, non mirum si vel nomine, vel magnitudine, figura quoque subinde variet. Hispani *Armadilho* satis appropriate, hoc est, Cataphractum, Belgæ **Schilt-Vercken** nominarunt. Brasiliæ indigenæ nomine *Tatu* generice totum hoc animalium genus loricatum exprimunt, variasque illarum species peculiari addito cognomine distinguunt. Prima & maxima *Tatu-peba*: cuius descriptioni supersedeo, ut potest quæ non edulis. Secunda & præstantissima *Tatu-ete*, sed priori minor. Tertia *Tatu-aparå*, præcedenti magnitudine par, cuius solum iconem exhibeo, sed alteram incedentis, alteram dormientis bestiæ. Omnibus his commune est, quod lorica ossea ex squamis elegantibus composita operiantur, quod Porcellorum quasi sint rostro, figura, oculis, pilis & pedibus, licet magnitudine & dignitate inter se discrepant. Item quod noctambula & salacia, rostro fodientes Talparum more, nunc sub terra in cavernis latitent, nunc in aquis instar amphibiorum, imprimis vero supra terram more aliorum quadrapedum degant. Horum denique caro, excepta illius *Tatu-peba*, non solum vesca, sed ob teneritatem & albedinem apud magnates pro deliciis apposita, assata, elixa & in artocreas modum condita, Cuniculorum & Porcellorum carni præferatur. Tantum abest ut cum Talpis in terra potissimum nutriantur ad mentem Monardi, ut fructibus *Batatis*, *Bacobis* & *Melonibus* cæterisque plantariis, imo Gallinis vescantur. Quamobrem rustici ea exosí habent, iisque perpetuo vel decipulis vel caniculis insidiantur. Hæc autem species peculiare habet, quod dormituriens, aut venatorem eludere volens, prioribus ac posterioribus pedibus collectis, more infantium in utero jacentium, ac auriculis intro tractis, cum, cauda capite & ad caput relatis, instar pilæ se componat, atque per commissuras incurvato dorso ac clypeo, ita lateralibus extremitatibus, ac antica & postica parte confertis, ut nihil appareat nisi lorica capitis & caudæ; adeoque instar conchæ firmiter se claudit, ut ne à validissima quidem manu aperiri & dilatari se patiatur. Quamobrem miræ istius fortitudinis rationem desiderans, aliquoties illud dissecui domi meæ, lorcamque


camque convexam, qua tegitur, inveni cum quatuor commissuris transversalibus, lenta admodum cute constantibus, quibus loricam extendere & contrahere potest. Quæ lorica figuris quinquangularibus eleganti ordine dispositis constat; inter commissuras vero parallelogrammis, & quælibet figura squamulis lenticularibus, coloris ex albo flavescentis. In quolibet latere musculum reperi insignem longum & figuram X habentem, plurimis fibris ita decussatim discurrentibus secundum longitudinem, quorum opere validissimam illam contractionem & corporis conglobationem exercet. Cæterum coëunt & generant more aliorum animalium. Præter alia salacitatis signa, accedit quod genitalia in omni *Tatū* præter modum longa & crassa atque rigida prominent. De carnis præstantia alimentosa supra monui. De vi medicamentosa Lamiarum Fr. Ximenes vir haud vanæ fidei, ut & Monardus, multa annotarunt; verum à me hæc tenus incompta.

*Tapiere*, Lusitanis *Anta*, minimum aspectu animal, magnitudine iuvencisemestris; dorso incurvato, figura corporis quodammodo ad Porcum accedens, imprimis oculis, capite & pedibus. Promuside est super os præeminente, quam validissimo nervo contrahere & extender potest. Ore dentato in utraque maxilla. Loco caudæ exiguum processum habet depilem. Cutis est solida instar Alcis, brevibus pilis, umbræ & fusci coloris. Salax est bestia & noctambula, quæ arborum fructus, arundines sacchareas, depopulatur. Inter amphibia non recensetur: fluvios tamen transnatat rapidissimos. Cæterum iners & socrors apparet, adeoque lucifuga, ut in densis mediterraneis silvis interdiu dormire amet: Ita ut, si detur animal aliquod quod noctu tantum, nunquam vero de die venetur, hæc sane Brasiliensis bestia *ημερόβια* dici minime meretur; qualem tamen Aristoteles & Scaliger ex terrestrium genere in Asia non dari autumant. Caro ejus vesca, si juvenis, & rite præparetur, bubulamque æmulatur, eaque mediterraneis ac maris accusis in frequenti usu existit.


Inter Quadrupeda vesca in hisce silvis & campis littoralibus frequentia, sex septemve Cuniculorum & Leporum species exstant, communi nomine corrupte Lusitanis *Ratos domato* dicta. Quæ ut magnitudine, colore, & figura nonnihil inter se discrepant; ita natura, indole, natali solo, atque sapore multum inter se conveniunt, & ob carnis bonitatem, omnibus pariter in deliciis habita; quamobrem multi incolæ, nunc decipulis, nunc Canis venatici vel odori ope iis insidiari amant, repertoque antro id ab utraque parte fodunt, & cuniculum actum ab utroque latere obturant, & demum in locum quo considere autumant, longum cultrum infigunt, ut ita transfigant prædam sub terra latitantem. Qui vivi capiuntur, cicurari se patiuntur & pinguescunt. Univerſa hæc Leporum & Cuniculorum familia admodum est fœcunda: septenos & ultra uno partu catulos ter uno anno profert, non cæcos tamen more nostratum.

Prima, quæ maximæ & nobilissima facile inter eos existit, est *Paca*, magnitudine pinguis & crassi Porcelli, cuius instar grunnit. Cibum oblatum non pedibus more Cuniculorum detinet, sed in terra depositum devorat. Capite est crassio, auribus præter modum parvis, absque cauda, ut plerique hi Cuniculi. Crura priora paulo posterioribus breviora; ita ut non adeo velocitate, quam vehementi quidem morsu, se ab hoste vindicet. Pilis est

## TAPIERETE.




## PACA I.



## G V L I E L M I P I S O N I S


brevibus, ad tactum duris, umbræ coloris, in lateribus maculis cinereis prædita. Carnæ est tenera, pingui, lardo non indigens, si assetur, sed inter epulas magnatum, sicut Lepores & Capreæ in Europa, habetur.

## T A P E T I II.




Secunda species dicitur *Tapeti*, figura, magnitudine, pilis, auribus, barba, Leporibus nostratibus inter omnes has species maxime similis: vietū quoque, fertilitate, carnis bonitate ab Europæis minus discrepans. Eorumque more in silvis, non intra terram, nidificat. Quamobrem non necesse est ejus narrationi inhærere.

## A G V T I III.



Tertia Cuniculi species est *Aguti*, vulgo corrupte *Cotia*. Quæ magnitudine & figura est nostratum: sed inter eos quibus aliquid porcini intercurrit. Præterquam quod pilis sit splendentibus, rufis & duris, ut in Porcellis junioribus; grunnit quoque eodem modo; inferiorque mandibula, ut in Suibus, brevior est superiori. Si corporis proceritatem, velocitatem, voracitatem, dentes, caudam, mores denique respicias, cum Leporibus quadrat; auribus tamen, quæ rotundæ sunt, discrepat. Posteriora crura glabra, longiora, digitis sex; anteriora breviora quatuor tantum sunt prædita; iisque direcťe anterius extensis, incedit, & arripit cibum oblatum, devoratque quam ocissime. Adeo denique à natura munitus, ut si non unguibus & dentibus se tueri valeat, velocitate pedum se salvare possit: ubi vero irritatus, vindictæ minus potens fiat, grunniendo quatit humum posterioribus cruribus multo fortius quam Cuniculi nostrates, dorsique pilos erigit. Cæterum cicuratur, ut pingueſcat, atque philanthropos fit. Sed tencritate carnis præstat, si silvestris maectetur.

## C A V I A C O B Á Y A IV.




sticis mendicat instar Caniculæ domesticæ. Dignitate carnis cæteris haud cedit, impri- mis silvestris adhuc. assata, & elixa, apponitur, minusque alba & sicca quam nostra- tium; adeoque humore abundans, ut male fiat illi, si nimium aquæ potet.

Quarta species *Cavia cobaya*. Quæ ut Euro- pæis Cuniculis magnitudine cedit; ita diversitate & elegantia colorum eos superat. Pilis est molliusculis, maculis albis, nigris, rufis; Cru- ribus brevioribus; anterius digitis senis, poste- rius quinis. Capite & dentibus Gliris simili- bus. caudæ vestigium nullum fere. Nulla Cuni- culorum species tam familiariter in ædibus ci- curatur, quam hæc, imo in alias Europæ regio- nes feliciter vehitur, ubi æque prolificus est, & pingueſcit. Grunniendo cibum quasi à dome-


Quinta

Quinta, *Apereá* dicta, Nostratibus *Veldt-rat* Cuniculi est species minima, absque cauda, pilis Leporinis, ut & capite, barba & incessu. Vivit Cuniculorum more, ejusque naturæ participat; nisi quod petrosis potius cavernis, quam arenosis gaudet, unde à venatoribus & viatoribus ope caniculae elicitur & capit. Elixus, assatus, conditus apponitur. Adeo enim carne est tenera & bona ut Cuniculos Europæos facile superet.


## APEREA' V.



## IAGV A'R A.




## IAGVARETE'.



Variæ Tygridum species in silvis reperiuntur, quarum aliquæ majores & ob crudelitatem nimium celebres, quas, ut potest non edules, prætereo. Hæ minoræ vescæ Lusitanis *Onç* generaliter dictæ, Brasiliensis peculiari nomine distinctæ. Quarum prima maculata *Iaguára*, secunda *Iaguáreté*, tertia *Cuguacuara*, cuius icon desideratur. Seniores brevibus, juniores longioribus sunt pilis & paulum crissipis instar lanæ ovillæ; nunc Capræ instar ex flavo rufescens coloris, nunc maculis nigricantibus eleganter dispositis. lupi fere sunt magnitudinis & molis, rapaces quoque, & hominibus æque ac bestiis infestæ, cum famelicæ sunt; alias enim à gregariis canibus, imo vel solo accenso rogo de nocte in fugam facile aguntur; ignis enim vel luminis beneficio me sociosque itineris mei ab his aliisque noxiis animantibus tutari solebam. Terribilem noctu clamorem nū instar Canis famelicæ excitare solent. Præda potitæ eam dilacerant, caputque in ipsum cadaver immittunt, sanguinemque imprimis fugunt. Licet carnis bonitate, mole capitis, corporis, cauda & maculis cutis inter se differant, oculis tamen igneis, barba & unguis felinis, dentibus acutissimis, atque indole convenient. Nec est, quod aliquis putet à Barbaris *Tapuyeris* tantum expeti carnem harum rapacium animalium; illæ enim quæ rufescens & flavescentibus maculis sunt, ab omnibus passim Europæis incolis, instar Vitulinæ æstimatur. Atque ipse non sine admiratione edocitus sum, non plus ferinam sapuisse tam rapacium animalium carnem. Attamen monitos volui semper amicos, imprimis valetudinarios, ut ab ea se abstineant, vel rarius saltum vescerentur, ob fervidum quem generat sanguinem & succum omnis bestia & avis rapina.


Inter tot Lacertorum exercitus præ cæteris magnitudine & pulchritudine excellunt quos hic damus. Prior *Iguána* (corrupte *Leguáne*,) aliis *Senembis*; posterior *Tejuguacu* dictus. Qui, ut exterius non nihil discrepant forma, ita interius plane inter se convenient, ejusdemque sunt naturæ. Prioris corporis duos est pedes longum, sicut & cauda. Tota bestia exterius lâte viret instar Psittaci, nisi quod maculis nigricantibus & albis in modum panni undulati hinc inde variegetur. Cuta est undique squamosa. pone

## I G V A ' N A I.



caput in utroque latere albicans emicat macula instar Branchiarum piscis. A cervice ad caudæ extremitatem series squamarum serratarum excurrit viridis secundum dorsi longitudinem. Capitis squamæ singulari ordine sunt positæ. Naribus est patulis. Oculis magnis, nigricantibus. Lingua crassa mobili, sed non bifida ut sequentis figuræ. Rictu est diducto & patulo, exiguis dentibus nigricantibus obsito, cibumque iis rite præparatum ad ingluviem illam pendulam dimitit. hanc ingluviem nigricantem & ferratam pro variis pathematis vel contrahit vel propendere sinit. Crura non solum, sed & eorum digiti, perpetuis quoque squamis vestiti, & variis articulationibus præditi. Crura posteriora anterioribus quidem majora, sed omnia paribus unguiculis curvis armati.

## I G V A ' N A II.



Altera hæc à præcedenti in eo potissimum differt, quod colore sit nigro cum maculis albis. Digitis pedum multo longioribus. Cauda quoque longiori & crassiori, non serrata. Lingua bifida, lævi, rubra, quam multo velocius & longius, quam præcedens *Senembe* exerit, & more serpentum retrahit. Vtrumque animal domi meæ ligatum detinui, expertusque sum stupidum esse & inediæ patientissimum, quædam ad sex, quædam ultra octo mensium spatium, ut ne muscam vel culicem comederent, sed tantum ore subinde patulo immota jacentia aliquandiu apertis fenestræ matutino rore auraque vesci visâ sint, attamen, licet Lacerti, Serpentes aliaque reptilia frigidioris utcumque sint temperamenti, hi elapso circiter semestri, si non esca exhibeatur, inedia contabescunt & moriuntur. Fructibus & ovis crudis vesci amant, unde multa pinguedo & caro albissima illis nascitur. quæ elixa vel frixa, inter delicias expetita, nec Gallinaceis pullis cedit, ejusdemque dignitatis, & saporis, cuius est caro *Armadilla*, nisi quod siccioris sit nutrimenti. Aphona sunt plane, velocissime currunt, facile tamen ex arboribus se illaqueari patiuntur. Vsque adeo tenacis sunt vitæ, ut, si aliquoties feriantur in capite, non moriantur, nisi cervix cultro infixo vulneretur. Vnde difficile Aristoteli assentendum puto, Lacertos vix ultra sex mensium spatium vivere. Maestata vero & plane excoriata diu adhuc moventur, cordaque excepta, admodum subsiliunt. Ovipara sunt, idque singulis sex mensibus, ac in utroque latere duodecim aliquando ova cerasi minoris magnitudine apparuere. Etiam si inter amphibia possit censeri *Iguána*, quia fluvios quoque intrat; tamen more cæterorum amphibiorum in terra generat. Ova quæ ponit, rotunda sunt, & tenuiori testa quam Gallinacea, prædicta: cæterum vitellum & albumen Gallinarum similia sapore, quæ addita aqua, non oleo aut butyro, friguntur. Porro pinguedo *Senembi* apud Chirurgos Americanos in pretio habetur ad cutis vulnera sananda.

In


In dissectione viscera omnia vitalia & naturalia , sicut in aliis animantibus reperi , sed dupli ventriculo prædita. Anterior , cibi licet pauci receptaculum , inde intestinum admodum tenuem , cui alter ventriculus concoctioni ciborum dicatus annexetur. In hoc ventriculo ut & intestinis teretes lumbrici latebant. Lapis quoque ex eodem ventriculo exemptus ovi fere gallinacei figura & magnitudine exterius ; interius vero , lapidis bezoa dici coloris & substantiae erat ; quippe contusus , à tunicis quibus componebatur , facile separabatur . Idem lapis ab incolis celebratur. Verum an aliqua vidental polleat , à me nondum compertum. Francisc. Ximenes in nova Hispania similem lapidem in cerebro ejusdem *Iguana* reperiri , doloribusque nephriticis & calculis frangendis , si drachmæ pondere è liquore convenienti hauriatur , mederi testatur.

Variæ Testudinum Brasiliensium species , ut nomine ac natali solo ; ita figura , colore , magnitudine , atque dignitate inter se differunt. Antequam agmen edulium animalium claudam , eas tantum recensembo Testudines , quarum qualitates mihi compertæ sunt. Duæ occurunt marinæ , vel amphibiæ potius , quia ova sua ad littus maris ponunt in fovea , quam arena tumulant , donec excludantur. ultra ducenta subinde simul reperiuntur , magnitudine gallinarum ovis paria , rotunda , alba , non testa , sed valida tantum membrana tecta.


Prior *Tartaruga Lusitanis* , *Jurucuá* Indigenis , adeo magna , ut à tribus bajulis vix dimovatur , plurimisque hominibus saturandis caro earum sufficiat. Loco pedum habet quasi alas : anteriores quidem longas : posteriores breves : (quarum figuræ passim videare est apud authores) caudam acutam , conicam : oculos nigros , magnos : os edentulum & instar rostri volucrum.

Alteria minor cæteris Testudinibus *Iururá* dicta , Lusitanis *Cagádo* ; atque ad differentiam *Cagádo d' Agoa* nominatur. Hæc intra testam se recondit pro lubitu , & collum rursus ad trium digitorum longitudinem foras extendit. Capite est oblongo ; naso elevato & acuminato ; ore amplio ; oculis & unguibus pedum nigricantibus. Cauda brevi , acuminata : cute rugosa quasi squamis constante.

I A B O T I I.



II.



Tertia & quarta species , terrestres sunt plus minus manus magnitudine , figura inter-


ter se sibi, paucis exceptis, multum similes. quæ *Cagado da terra* Lusitanis, *Iaboti* Indigenis appellantur. His caput & crura sunt fusca, verum maculis ex umbra variegata. Caro & ova sunt vesca: jecur vero palati est optimi, atque antecellit omnium animalium ecora suo sapore.

Pleraque terrestres testa operiuntur nigricante, cui variæ nigricantes & flavescentes figuræ geometrice quasi insculptæ visuntur. Sicut ex appolitis hisce figuris liquet. Vix sonum nisi brevem, exiguum, eumque brevissimum, *kik kik* edunt. Inediæ patientissimæ sunt ad biennium fere, tantillum aquæ solum domi meæ forbentes. Cæterum radicibus & fructibus silvestribus vesici amant.

Cum ex Philosopho constet, quod pleraque ovipara, ut quoque aves & pisces, vesica & renibus destituta sint, testudini tamen marinæ concessos esse ex autoplia confirmatum habeo.

Multa præterea Græci Philosophi de Testudinum indole & generatione narrarunt, quæ si conferantur cum hujus Novi Orbis Testudinibus, aliqua dubiæ fidei videri possent.

FINIS LIBRI TERTII.



GVLIEL-

GVLIELMI PISONIS

# HISTORIÆ NATVRALIS & MEDICÆ

LIBER QVARTVS.

*De Arboribus, Fruticibus, & Herbis Medicinalibus, ac Alimentoſis,  
in Brasilia & circumiacentibus Indiæ Occidentalib⁹  
Regionibus naſcentibus.*



Erecto Tractatu de Animalibus edulibus, ordo postulare videatur, ut Vegetabilia Alimentosa & Medicamentosa iis succedant antequam ad Venena & Antidota transeam. Missis itaque omnibus illis, quorum vel usus Medicus adhuc latet; vel quæ huc aliunde illata, & ab aliis satis superque ante me exposita, ut Malus Medica, Citrus, Punica, Miliū Turcicum, Lapis Bezoar Occidentalis, Ambra grisea, & similia; vel quæ solummodo quæstui comparata sunt, ut infinita ligna in ædificiis celebrata; Ea tantum perstringenda duxi, quæ in Medicinam sunt recepta, atque ab aliis & me ad Artis nostræ incrementum, prospero usurpata successui. Adeo enim ex re fore putavi, ne quam multa (ut solet subinde farrago exoticorum haustu facili & supino congeri) sed quam proficia exstant materiæ Medicæ monumenta. ad imitationem scilicet Dioscoridis potius, quam Plinii & Theopraesti, quorum hi tanquam Naturæ admirabilia, ille ut Medico usui adoptentur, proposuit. Verum cum tantæ molis semper fuerit, novis auctoritatem, obscuris lucem, dubiis fidem dedisse, non est, quod mihi arrogem in re tam difficiili voto lectoris satisfactum iri, sed principii gravitatem, incultumque Solum, ingenuis his conatibus patrocinatum confido; atque posteros, quibus plus otii & eruditionis supererit, non solum quæ in enarratione Vegetabilium & Sensitivorum desiderantur, suppleturos; sed & multa convenientia cum aliis Mundi partibus observaturos. Nam quemadmodum unaquæque terra quædam peculiaria producit, aliis regionibus negata: (sicut liquet inter cætera in hujus Continentis Occidentali parte Peruvia Argentifera, sed minus salutifera, atque è contra in Brasilia mineralium inopi, sed Aëre, Aquis, & Locis, eorumque Vegetabilibus, admodum beata,) ita certissimum est hanc quoque à reliquis novi Orbis Insulis in multis naturalibus non discrepare.

Ex quibus facile patescat perpetuus ille immensæ Naturæ lusus in salutem mortalium longe lateque diffusus. Quin Priscorum plerique, ac Recentiorum non pauci, qui de Medica materia verba fecerunt, una tamen omnes nondum ad medium, ne dicam ad calcem fastigiumque, rem perduxere. Quippe adeo speciebus ac viribus abundans & amplius est ille campus, ut meritissimo jure ea quæ dignoscitur pars, illius quæ ignoratur, minima dici possit.


Porro non me anxie adeo Botanicorum consueto ordini obstrinx, ut herbæ, frutices & arbores singulæ, ad classes suas venirent. Sed à nobilissimis & maxime usualibus Vegetabilibus ad cæteras descendì, prout variis locis & temporibus sese offerrent. Quædam icones & annotationes ab optimo & diligentissimo meo domestico D. Markgravio, in nostris peregrinationibus observatas mutuatus sum. Quod idcirco præmonere volui, ne malevolus quispiam furtivis coloribus me scripta ornasse sibilet. Etenim quando horas subcisis publica munia mihi denegabant, id sedula opera ejus adimpleri jussi, ut quarum ego naturas & proprietates pensiculatius investigarein & experirer; earumdem ille figuræ externas per otium graphicè depingeret. parum scilicet interesse arbitratus, si inventa nostra illi vel mihi impertirentur, aut sub cujus nostrum nomine lucem aspicerent, modo illa, dubia nonnulla dissolverent, erroresque detegerent atque tum Novi, tum Veteris Orbis ægrotantium & medentium commodo futura sint.

C A-

## C A P V T I.

*Tacomareé sive Arundo Saccharifera.*

**P**Ostquam vastissimi hujus Continentis in Indiis Occidentalibus pars, quæ nunc vulgo Brasilia dicitur, inter duos fluvios *Maranhon & de la Plata*, sita, paulo post Capralis accessum à Vesputio Emmanuëlis Regis Portugalliae auspiciis, paulo accuratius anno circiter 1515 eslet explorata, Lusitani, intra promontorium *Olinda* amœssimum & Insulam *Itamaraca*, primum littora antea incognita legerunt. Vbi juxta rupem fissam Brasilianorum tuguriis conspectis, ad terram appulerunt, & de nomine loci solliciti, quantum potuerunt inquirentes, *Paranambuco*, hoc est, mare performatum vocari, à Barbaris responsum tulerunt. Vnde hodie quoque, omnium Præfecturarum felicissima, idem nomen obtinet. Cujus recessus cum altius explorarent, indignum existimarunt, ligno rubro, licet maximi proventus ad tingendos pannos, acquiescere: præfertim cum præter confragos montes & saltus inaccessos, miro Dei beneficio, longe lateque partim in planities solutas, partim in colles clementer asurgententes terras conspicerent; tum & præstantissimis animalibus, fructibus & frugibus Europæis inventis, mirabili proventu ea producere & fœticare experirentur. Tandem fœcundum hoc solum Cannis Sacchariferis aptissimum judicarunt: easque à campestribus quondam hominibus detectas in Insulis Fortunatis, huc detulerunt, quæ ob suavem succum quasi ad manus traditæ, usum quem pollicebantur, olim silvestres, nunc exultæ & domesticæ, toto fere generi humano præstant. Ita ut cœlestè hoc donum, Attico melli multis partibus præferendum, excelsis inclusum arundinibus, hisce regionibus imprimis concessum sit, è quibus tum aquaria mola, tum boum indefesso labore agitata, dulcissimus liquor expressus, in ahenis excoqueretur, quemadmodum hac imagine expressum videtur.



Multæ hodie hujus generis machinæ conspiuntur. Nec ullæ hujus terræ merx est, ex qua plus lucri & emolumenti ad negotiatores redundet. Nam Saccharorum ex omni Brasilia olim colligebantur *Arobæ* decies centies mille, idque quotannis, atque in Europam devectæ certissimo compendio divendebantur.

In Ægypto *Sacar Arabicum* (unde Saccharum nostrum dictum volunt) ex humili & exigua planta, instar crystalli vi Solis coagulatur. In India vero Orientali, ex *Mambú* arbore arundinea (vide Garc. ab Orta cap. xii.) & nodosa, populo insigni non absimili, *Sacar Mambú*, quem *Tabaxir* appellant, viscosum albicanemque liquorem promanare constat, ut Avicenna, Rhafis, & Serapio testantur. In Provincia *Rio de la plata*, Cannas Sacchari sponte enasci, adolescere que in arboris proceritatem, atque crystalla Saccharæ æstu Solis exsudare, constat. Tamen alterutrum vel insita qualitate, vel conficiendi dexteritate adæquari huic arundinaceo posse, nemo credit. Planta siquidem hæc


hæc nostra fruticis instar firmitate prædita , succo dulci turget. Silvestri Arundini externa facie est simillima ; nisi quod hæc crebrioribus articulis aliquando distinguatur , imprimis si anni , terræque intemperies minus respondeat. Quo enim majora internodia , eo feliciorem messem , quo breviora , eo infeliciorem agricolæ prænuntiant.

Hæc Arundo , *V'iba & Tacomaree* , Lusitanis *Canna d'Açuquare* dicta , minus in montibus & collibus , licet irriguis , quam pratis glebosis & pinguibus , luxuriat , sicuti videre est in Parnambucensis præfecturæ maxima fertilitate & planicie agris , optimeque canniferis : qui inclytis undiquaque amnibus dividuntur , & à pluviis & inundationibus ripas egreditibus rigantur ; quarum beneficio à formicis cæterisque insectis noxiis liberantur , sicut per nivem in Europæis regionibus solent . Sed missa digressione ad propositum redeo .

Primo agri vomere invertuntur , cratibusque aut ferro ancipiuntur , inque rectos & æqualiter distantes sulcos proscinduntur . Quibus Cannarum taleæ ita inhumantur , ut summitates utriusque se contingant : atque ea ratione lacunæ vomere factæ , manent repletæ , quæ ipsa eadem terra postea adimplentur . Plus terræ æstate , qua operiantur , requirunt , ne intensior Solis æstus penetreret , Cannasque exsiccat : Hyeme vero minus , ut facilius ulti gine imbuantur , & terræ pondus germinacionem retardet . Quo major humiditas , eo citius exsurgit arundo , hincque quilibet articulus novas producit Cannas , ab omni parte eas ac radices ex lacuna , cui imposita est , extendens . Nodo Cannæ circumcirca pululat turio , à quo , terræ incumbens , truditur , frutexque emergit : ita ut decem aut ad summum duodecim mensium spacio , Canna maturescat , inque justam longitudinem excrescat . Expertiores agricolæ menses Augustum & Ianuarium plantationi consecrunt . Augusto tamen , qui mensium hibernorum postremus , felicius hæc instituunt , quod tellus novissimis pluviis imbuta , plantas suo gremio mollius foveat .

Arundo maturata tempore præfato exscinditur ; nonnunquam & ad annum usque sequentem in agro relinquitur , & tunc Canna vetus nominatur , quasi seges restibilis . Intra hoc tempus nova denuo progerminat , quæ postea simul cum veteri refecatur . Si intra biennium non scindatur , nullius exinde pretii habetur : paulatim enim in agro marcescit , ac deficiente humore extinguitur ; nisi forte peculiari terræ beneficio pro-rogetur ultra ordinarium durationis tempus . Plantæ tenellæ & juvenes , bene inhumatae , denuo propagari numquam fere indigent , quod diurnitate temporis non emoriuntur , ne ad quadraginta vel quinquaginta annos quidem ; ita ut suapte natura vel nemoris durationem adæquare valeant , nimis solo bene pingui ; nam quæ insitienti & arido crescunt , vix ultra quinquennium vivunt . Interitum autem ex accidenti Cannis inferunt , sideratio , caries , potissimum vero si immisso ab æstate incendio , nec superveniente pluvia , ad radicem usque prænimia siccitate comburantur , magno hercle possessoris damno . Proinde qui Cannas inutiles & frugiperdas extirpare , suoque

## V'IBA &amp; TACOMAREE .



bono comburere cogitat, ut novæ renascantur, hyberno tempore, non æstivo, hoc instituat. Immodica quoque inundatione, cum nulla cacumina emergunt, Cannæ suffocantur: ita ut utriusque excessu, nimio æstu exarescant, nimiaque fluviorum illuvie, eaque stagnante, refrigerentur, unde stirpitus evelli, aliæque de novo plantari postulant. Genus denique quoddam Vermiculi nigri alati, *Guirapeacoca* Brasilienses, *Pao de Galinha* vulgus Lusitanorum appellat, in locis potissimum uliginosis, radices corredit, Cannæque interimit. Postremo ab herbis voluntariis male illis fit, quæ mirum in modum sæpe luxuriantes, hisce sativis admodum obesse solent. Proinde singularis annis ter quaterve, imo & sæpius aliquando, si terra postulet, ager à noxiis herbis liberetur, idque tantisper, donec ad tantam maturitatem pervenerint taleæ, ut suo labore zizaniis obniti possint. Terra siquidem earum herbarum quas sponte profert mater est, cæterarum vero quas quasi vi coacta suscipit, sæpeque invita fovet, noverca judicatur.

Porro Cannæ maturæ factæ, circa fundum ac in ipso geniculo absinduntur, quod in eo aqueus quidam humor contineatur. Mox amputatae, frondibusque, quibus maximam partem vestiuntur, resectis, in fasciculos coguntur, & curruim imponuntur.

Molendina tribus gravissimis axibus ex solidissimo ligno confectis, circulisque ferratis obductis, nituntur. Inter quos Arundo continentur, & axium se contingentium angustia compressa, liquorem fundit dulcissimum. Mola aquaria nullis indiget jumentis, aquæ siquidem impetu circumagit, quæ longissimo canale deducta, lapsu impetuosa ex alto in supernos eximiæ magnitudinis rotæ lintres decidit. Quod quidem licet celerius fiat, plusque Sacchari inde redundet, quam à sex vel octo robustissimis bobus: eorum tamen contentione exactius & fidelius Canna exprimitur.

Cæterum liquor hic, qui in Saccharum ipsum postea abit, ad viginti quatuor duntaxat horas durat, moxque acefcit, & ad conficiendum Saccharum prorsus fit in idoneum: sed si diutius servetur, bonum inde nascitur acetum.

Axes, asteresque, per quos succus expressus fluit, tum & alveus, per quem decidit, bis spacio viginti quatuor horarum, vel una Tareffa (Tareffa est spaciū terræ, cuius quadra viginti circiter est passuum, & tot Cannas profert, quot per diem Naturalem moli possunt) lavari debent.

Canna primo à tergo axium excepta, vicino denuo immittitur, ut si quid succi in ea sit reliquum, penitus exprimatur, tunc *Bagasso* vocatum, quod tanquam inutile excrementum flammis absumitur. Adeo coruscantes & formidabiles nocte dieque construuntur ignes, qui ahenis subjiciuntur, ut à quindecim lignorum vehibus ad quadragesima usque, spacio diei naturalis, prout cruditas liquoris requirit, absumentur, integræque silvæ exscindantur.



Succus, quem *Caldo* vocant Hispani, per canales & ductus ligneos, in amplissimos æreos cacabos derivatur: in quibus continenter, nunc vehementius nunc lenius, toto quo molæ agitantur tempore, fervescit, frigidæque aspersione intensior ebullitio coërcetur, ut substantia minus consumatur. Ab hoc succo in primo aheno consistente, modicoque

modicoque substructo igne, paulo fæculentior & copiosior spuma ausefertur, vocaturque *Cagassa*, quæ solis pecoribus escam potumque suppeditat.

Sublata *Cagassa*, liquor seu *Caldo* in proximum ahenum, *Caldera de mellar* Lusitanis, effunditur: in quo coquitur, & prægrandi cochleari, crebris foraminibus pertuso, à foribus liberatur. Ut exquisitius immundities secernatur, forte quoddam lixivium affunditur. Hinc per linteum percolatur, ac tandem succus eo pacto novissimum excrementum, si quod habet, deponit. Hæc fæces mancipiis viatum sufficiunt, qui iis contenti tam improbos atque indefessos labores exhaustiunt: quippe toto semestri aestivo noctes atque dies perpetuo molendina agitantur. Vinum quoque exinde, vulgo *Garapa* dictum, conficiunt, intermiscendo aquam: quod avidissime expetunt incolæ, eoque, si vetus sit redditum, se inebriant. Vinum itaque Sacchareum, Vinum adustum, Acetum, Mel coctum, ipsumque Saccharum, ex primo hoc liquore concinnari possunt.

Porro minores qui subsequuntur Cacabi, *Tachas* appellant, alii sunt ad concutendum, alii ad coquendum parati. In quibus succus jam dictus tantisper condensatur, donec Serapii & mox Sacchari consistentiam acquirat. Ad hæc vehementi & arduo labore, primum in majoribus, tum in minoribus ahenis, inter coquendum, capacissimis cochlearibus agitatur, quatiturque, & ad altitudinem viginti plus minus pedum attollitur, unde rursus in vasa prolabatur.

In Cacabis minoribus ob ignem intensissimum vehementioris ebullitionis habenda est ratio, statuisse temporibus olei modicum guttatum instillatur, ne ignis vehementia Saccharum aliquid detrimenti capiat. Observatu dignum, si oleum majoribus inderetur ahenis, in quibus liquor, primo *Caldo* dictus, purificatur, Saccharo confiendo plane foret ineptus. Vicissim, si minoribus lixivium, sicut majoribus, infundatur, æque impossibile, Saccharum conficere. Si denique momentum succi Limonii, vel acidi quid injiciatur, Sacchari consistentiam numquam acquiret, sed in totum perditur.

Formæ porro fictiles innumeræ, quando succum fluidum acceperunt, ordine asserribus perforatis, in amplissimis ædibus (*Casa do purgar* vulgo) imponuntur; mox superimposito luto humefacto, dicta vasa, à melle, quod subfusco antea colore Saccharum tingebat, repurgantur. E formis excussum, candidum à nigricante, *Mascovado* dicto, separatur, & in frusta redactum Soli sereno exponitur, probeque exsiccatur, donec cistis recondatur. Hæc omnia incredibilis sunt laboris & ingentium sumtuum; præterquam quod operariorum multitudo, jumentorum insuper & mancipiorum affluentia, multum ex emolumenis deroget.

Medica Sacchari auxilia, quoniam maximam partem Europæis cognita, paucis tantum sunt perstringenda. Cannæ viridis succus frigidus est, multoque, si destilletur per alembicum, durabilior & efficacior. Multis oculorum malis, tum hepatis, renumque ardoribus medetur. Sed cum medulla hæc Cannarum tot mutationes subeat antequam repurgata in grana reducatur, primam naturam ex parte deponit, imo alienam induit, subinde palato magis gratam, quam valetudini proficuam, sì nimia calcis & fortis lixivii efficacia exacuetur ad delicias nostras. Quamobrem illud quod sanitatis gratia Pharmaciæ infertur, præstat ut modice tantum repurgetur: quippe quod ingenitas reservet vires, intensiusque serapia, electuaria & similia dulcificit. Imo rubrum Saccharum, alias inferius habitum, (sicut & illud quod ex Insula S. Thomæ affertur, omnis lixivii expers) minime contemnendum, præcipue in clysteribus. Saccharum itaque primo gradu licet calidum & humidum, tamen quo antiquius & defæcatius, eo calidius est, faciliusque in bilem convertitur; atque intensius digerit & solvit. Recens vero non solum pectori & stomacho, sed & vesicæ renibusque prodest. In omni denique ægrorum condimento, veteri Saccharo longe debet anteferri.

## C A P V T      I I .

### *Iira, sive Mel silvestre.*

**I**ntra prima quidem, etiam antequam Canna Saccharifera hic coleretur, mel Silvestre, quod ipsi *Iira* vocant, Brasilianorum solertia ex vastissimis silvis & saltibus sibi comparavit, quod in usu atque deliciis, Europæis æque ac gentilibus, tam fa-

nis quam ægris habetur. Cujus dignitates ingenti mortalium bono quotidie magis magisque illustrantur.

Apes, *Eiruba* illis dictæ, diversorum generum hic reperiuntur, quæ in arboribus, miris & variis modis nidificantes, nostris quidem non plane sunt dissimiles, sed utcumque paulo minores, quarum examina hinc inde peregrinari, immensaque nemora iis fervore videoas, ubi erumpentibus floribus cereas domos exstruunt, & optimo melle implet. Agrestes illæ sunt, nec cuiusquam cura aut pastum aut tecta accipiunt. Ita ut idem primatus quem Philosophus suis Apibus olim tribuit (invita formicarum industria, & araneorum astutia) hisce quoque jure merito debeatur; utpote quæ ex qua- tuor illis celebris operibus, scilicet venari, facere, colligere, & reponere, tria poste- riora solæ exerceant. Quasi Natura nusquam magis quam in minimis perfectior semper apparere voluerit. Regem quoque eligunt, cæteris mole corporis tenuiorem & maxime flavescentem. Reliqua quæ de illarum regimine produntur, ob difficiles ad eas in nemora aditus, nondum experiri datum est. Ignavum pecus, Fucos, Crabrones, Oestra, Vespas melliferas & non melliferas, pluraque alia Insecta similia, de quibus in Insectorum Historia dicetur, quæ nimis quam multa Brasilia nutrit, viatoribus & ar- mentis infestissima, nunc prætero.

Industria atque usus præstantia, cæteris omnibus Insectis alatis, præcellunt facile Apes mellificantes, quarum tredecim ad minimum genera observantur, ut sunt *Ama- nacay-miri*, *Amanacayneú*, *Aibú*, *Mambucá*, *Pixuná*, *Vrutueira*, *Tubuná*, *Tuiubá*, *Eiruçú*, *Ei- xu*, *Cubiára*, *Curupiréira*, *Copii*, quarum ultima *Curupiréira* à Brasiliensibus conte- mnitur. Quæ autem inter illas omnes merito observandæ, sunt potissimum hæ se- quentes.

Primo *Eiricu*, grandiores, non pungentes, quæ bonum faciunt mel, licet non quo- tidiani usus. In concavitatibus arborum nidificant, ut Virgilius de suis Apibus,

— Nec non & Apes examina condunt,

*Corticibusque cavis, vitiisque illicis Alno.*

E quibus veluti alveariis Brasiliani arte & dolo mel eliciunt per ductus aliquos, ut fo- ras emanet.

Deinde *Eixu* & *Copii* Apes minores, nigricantes, exterius in cortice nidum affabre constructum componunt instar alvearii, favis ex arte & concinne dispositis, ac propoli, & cera candida vestitis, è quibus optimum mel colligitur, sed minore quantitate, & quia insigniter aculeo appropinquantes infestant, minus expetitum.

Denique Apes *Munbucá* flavæ & exiguae in arboribus nidificant, optimum hoc Mel, de quo potissimum ago, & saluberrimum producentes, quod ab Indigenis arbores proceras consendentibus, ad Europæos incolas, magna quantitate, exiguoque pretio affertur. Maxima autem copia hujus reperitur in Insula Maranhon, cum multi cera nigra, ubi copiosius colligitur, vaseisque integris completis, æstate, cum flores silve- stres maxime virescere solent, servatur. Inter hosce flores reperitur unicus in arbore *Tapuráiba* flos, quem postquam apes gustarunt, Mel amarum conficiunt, sicut de Apibus in Syria Absinthio insidentibus testantur Authores. Qualitate & dignitate nihil hercle hoc Europæo melli concedit, in secundo gradu calidum, consistentia admo- dum fluida, clara & tenui: odore suavi quidem, sed silvestri, nec nimia aut ingrata dulcedine, nauseam parit, sed gratissimo acore, oxymelis instar, palatum afficit. Ab- sternoria qualitate, partiumque tenuitate, tantum stomachum, viscosis humoribus obsitum, abstergit, quantum calida languidum confortat. Intestina imprimis & re- nes, sive superius, sive inferius exhibitum, à cruditatibus vindicat, atque urinas pro- movet. Tum & infantibus ad abstergenda & demulcenda viscera, à reliquiis Vario- larum & Morbillorum obsita, summopere prodest. Simplex vel compositum (ut in capite de Mulierum morbis dictum est) uteri intemperiei frigidæ sumnum adfert so- latium.

Longæ durationis & magnæ dignitatis Vinum quoddam inde confici solet, fortissi- mum quidem & admodum abstergens. Sin temperatus placeat, hydromel vel mulsum ex aqua fontana, sine coctione, rori nocturno exponitur.

Pharmaca denique non solum, sed & cibos potusque quotidianos ingreditur decan- tum hoc trium Apum mel, sicut in Tractatu de aëre, aquis, & locis dictum est: meri- toque de illo idem prædicare licet, quod Plinius lib. x x i i. cap. 24. testatur. Mellis


naturam

naturam talem esse, quæ corpora putrescere non sinat: tum, multos exstisso qui senectam longam mulsi tantum nutritu toleraverunt. Hac solum adhibita cautione, ne biliosis, hepatis, renum & stomachi ardore laborantibus, nisi summe dilutum, exhibeat.

Cera ejus, *Yetie* illis dicta, quæ nigricans est, Europæ postponenda quidem, sed ad emplastra emollientia & digerentia, contra mala è frigore nata, utilissima habetur.

Qui cum *Tapuys* Mediterraneis in desertis vixerunt, multas alias species Apum commemorant: quæ ut nomine & figura, ita & natura ab iis quæ enarratae sunt, discrepant. Quædam enim earum in arboribus pumilis, quædam vero intra terram miris modis nidificant & mellificant, earumque Mel utcumque igne & fumo excitato colligitur. Sed quia præter instituti rationem est ea enarrare, quæ dubio aliorum relatu nixa sunt, iis supersedeo.

Porro, præter tot documenta fertilitatis circa Vegetabilia & Sensitiva marina, telluris æmula, accedit & illud, quod paucis à Paranambucensi littore milliaribus, piscatoris uncum citra intentionem contingat infigi vadis petrosis, & loco piscis spongias, coralla aliasque arbusculas marinas capi. Inter hæc inusitatæ formæ prodit spongiosa arbuscula, sesquipedis longitudinis, brevioribus radicibus, lapideis nitens vadis, & rupibus infixæ, erigiturque in corpus spongiosum molle oblongum rotundum turbinatum: intus miris cancellis & alveis fabricatum; extus autem tenaci glutine, instar



Apum propolis, undique vestitum. ostio satis patulo & profundo in summitate relieto, sicut ex altera Iconum, probe depicta, videre licet. Ita ut Apiarium marinum vere dixeris. Primo enim intuitu è mari ad terram delatum vermiculis scatebat cæruleis, parvis, qui mox à calore Solis in Muscas, vel Apes potius, eosque exiguos & nigros transformabantur, circumvolantesque evanescebant: ita ut de eorum mellificatione nihil certi conspici datum fuerit, cum tamen cerosa materia propolis, Apumque cellæ manifeste apparerent. Atque ipsa Mellis qualiscumque substantia procul dubio urinatoribus patebit, ubi curiosius inquisiverint hæc Apiaria, eaque in natali solo & salo diversis temporibus penitus lustrarint.

## C A P V T I I I.

*Radix Mandiboca.*

**F**Rumento complures Indiarum regiones ad hæc usque tempora caruerunt: ea tamen, quibus hominum & animalium sustentatur vita, frumentique vicem supplent, desiderari, benigna mater Natura noluit. Radix enim sativa seu altissima, quæ *Mandiboca* Barbaris appellatur, in farinam redacta & in panem coacta, cum optimo pane similagineo certat. Qua planta licet Angolæ & Hispaniolæ atque aliarum Insularum incolæ gaudeant, (ubi radicem hanc *Yuca*, aliis Mexicanis *Quauhcacotli*, præparatam & in farinam redactam *Cassavi* vocari Monardes testatur) Brasiliæ tamen naturalem, summoque studio ibi excultam constat.

Plures hujus fruticis, quem *Maniiba* & *Manduba* Brasiliiani vocant, dantur species: quæ licet prima fronte inter se haud differre videantur, tamen ab experientibus agricultoris dignitate, caule, & colore distinguuntur, ac diversa sortiuntur nomina.

Quæ antequam explicem, monitum volo lectorem, ne in tanta nominum varietate (quæ in hoc & sequentibus quibusdam capitibus occurret) confundatur. Inter Barbaros enim Americanos non tantum, sed & ubique terrarum quotusquisque in eo variat ac discrepat. Nam interdum unaquæque res multis nominibus à quibusdam designatur, quæ apud alios nomina sunt diversorum piscium & herbarum. Interdum idem nomen à diversis authoribus, diversis rebus naturalibus positum est. Aliter enim Plinius, aliter Gaza, aliter alii Latini explicarunt monumenta veterum Græcorum. Ex quibus inutilibus amphiboliis haud levis exsurgit molestia, & in exquisita rerum cognitione obscuritatem creat. Quapropter ego non sine ratione cum Galeno optavi aliquando, res posse tradi sine nominibus, ut sophistis eriperetur decertandi & calumniandi occasio.

## M A N D I H O C A.



Decantatae itaque hujus fruticis prima species à maris accolis Brasiliensis vocatur *Mandibabuára*, *Mandiibparata*, & aliæ albicantibus radicibus & truncis, *Mandiipéba*, *Mandiipucú*, *Mandiibimána*, *Aipi*, (quæ iterum suas habet species) *Tapeçima*, *Aipipóca*, *Mandijupéba*, *Aipimacaxera*. Hæ novem posteriores rubentibus sunt & lactescentibus radicibus & caulis. Omnium harum stirpium radicibus solum *Mandiboca* nomen inditum, & alimentosis, medicamentosis, venenosisque qualitatibus, licet impari inter se gradu, pollent. Quas proprietates, utpote admiratione dignissimas, penitus introspexisse operæ pretium erit. Hæ frutices omnes eleganti ac stellatim sese explicante sunt folio. Caule recto, nodoso, hominis statutam raro excedente. Ejus crassities pro fœcunditate soli, cœlique temperie, varia. Florem fert exiguum, semen autem, Ricini Americani semini simile, sed inutile. Reliqua ex ipsa planta ad vivum depicta cognoscere licet.

Fructum vero subterraneum, ipsam scilicet radicem esculentam *Mandibocam*, Pastinacæ haud dissimilem producit, quæ lacteum trahens succum, ab oculis prorumpentibus, è truncis internodiis natis, hoc liquore egregie intumescit.


Terra minime glebosa aut irrigua, ut Canna saccharifera, gaudet, sed sicca potius, siciente & montosa, atque in tuberculos, quasi à talpis, egesta. Adeo humiditatis omnis inimica est, ut æstivis dumtaxat mensibus terræ committi velit, idque locis apricis ac minime umbrosis. Quod, sicuti in hac, ita in quavis plantatione observandum, quia guttatum ex arboribus destillans aqua per quam noxia habeatur. Cum adeo acclive & arenosum solum requiratur, malunt incolæ densissima demoliri nemora, demolita exire, eaque arvis & segetibus (*Chocas Lusitanis*) destinare. Extra terram duobus vel tribus surculis germinant, qui, ubi octavo, decimo & duodecimo mense liquefcere cœperunt, pro semine sunt. Hoc frugum nostratum discrimine, quod *Mandibocæ* nihil de fructu decebat ad sui propagationem, nostris decebat, quibus ipsi fructus sementem faciant. Per radicem nulla potest fieri transplantatio: nam ea extracta è terra & tacta statim moritur.

Tres hujus plantæ trunci, frondibus spoliati, figura propemodum pyramidali, haud profunde simul terræ grumis, trium circiter pedum inter se distantia, inseruntur, prominentesque ad palmæ altitudinem, superius se invicem amplectuntur. Qui foliis licet denudati, novis tamen ilico vestiuntur, nec quicquam radix inde detrimenti patitur, modo caulis integer & illæsus maneat.

Dignitate & mole excellit *Mandiboca*, si anni terræque temperies sicca fuerit: tunc enim quælibet radix sesquipedem, vel duos, interdum etiam tres pedes longa evadit, crassitatem habens brachii, vel etiam cruris humani, quando satis adoleverit.

Ratio habenda ut ager à zizaniis, quæ valde suppululant, ter quaterve repurgetur, donec plantæ adoleverint, ad octo nimirum vel decem mensium spatum. Maturitatem asscutæ radices, quod annuo circiter à plantatione spatio fieri solet, ad tertium vix sub terra durant; altero tamen plerumque anno pars illarum putreficit & corruptitur; ideo ad sumum linquuntur annuo spacio, & de novo per taleas plantantur. Ingruente nimiæ humiditatis necessitate, excidi statim postulat, sex mensibus ante iustæ maturitatis tempus.

*Mandiba*, quæ vocatur *Mandibumana*, omnium citissime crescit & maturescit, atque optima inde conficitur farina. Hæc planta maxime gaudet solo arenoso & magis ambusto quam reliquæ. Primaria omnium, inque quotidiano usu & lucro, producitur quidem promiscue in quavis terra, vocaturque *Mandiibparai*.



E terra evulsæ radices, vix per triduum durant, etiamsi fideliter horreis recondantur. Mundatæ, & à cortice, quem tenuissimum habent, liberatæ, molæ trusatili, cuius Iconem hic exprimimus, à duobus hominibus circumactæ, admoventur, ferrique cuspide conteruntur; & contusarum radicum farinam excipit alveus. Alii radendi modi pedetentim exoleverunt, ob majores labores & sumtus. Pauperibus tamen usus Scobinæ manualis supereft, quæ ab Indigenis *Tapiti* nuncupatur. Rasura deinceps torculari vel prælo subjicitur, quo magna vi humor ille superfluus & noxius exprimitur,

ut siccata atque absque ulla humiditate maneat. Mox cribro, *Vrupsa* dicto, percolatur. Exinde planefacto fistili aut æneo injicitur, in quo substructo igne circumagitatur tantisper donec coquatur. Semicocta vero, & adhuc mollis, esculenta est, & vocatur *Farinha relada*, quod est Farina cocta non exsiccata. Reliquum quod supereft, & reservare volunt, supra majorem vel minorem ignem pro arbitrio miscent, atque exacte siccant. Farina enim hæc quo plus exsiccata & excocta, eo durabilior est. Optime tamen siccata & fideliter ab aëre defensa, ultra annum vix servari potest: nam si vel levissima uligo eam infecerit, corrumpitur, unde non parvam militum stragem in castris exortam vidi. Quapropter nostri, Barbaros imitati, eam in bolos, quos vocant *Bejus*, pastillos & liba cogunt, superque craticulas modico igne induratam in penu aliquandiu recondunt.

Ex hoc frutice expresso manat liquor, *Manipuera* Barbaris dictus, qui vasí infusus post duas horas fundo adhærescit: ex quo alia fit Farina, melior priori, ac majori affluentia floris; quam cremorem de *Tipioca* vocant. Ex aqua Farinæ, in fundo subsidente, bolos quoque conficiunt, *Tipioceto* dictos, optimi saporis. Tum Gummi quoddam seu potius amyllum ex ea fit, atque eidem usui inservit. Hic liquor *Manipuera*, quod dulcis sit saporis, ab animalibus avidissime haustus, vi quadam venenata, ea statim extinguit: ex radice tamen non expressus (quod mirum) cætera animantia, excepto homine, nutrit.

Præterea è radice, à Sole exsiccata, alia fit Farina & pollen albicans, imo & panis sanguineus & biscoctus, qualis è tritico (cui & simillimus est) pinsitur. Hoc alimentum integrum & non comminutum pro jumentis & pecoribus, quibus in pabulum cedit, reservatur.

A veribus, & integris formicarum cohortibus, hæc planta misere solet infestari, magno agricolarum incommodo: non solum folia atque caulem, sed ipsam quoque radicem depopulant ferarum greges & animalia domestica. Ipsi Brasiliani, Æthiopes, & nostratum non pauci, hujus plantæ folia amant adeo, ut contusa, cocta & probe condita pro cibis & lactucis apponant; quæ in massam efformata, *Manicoba* nuncupant Brasiliani.

Porro radix hæc quatuor aut quinque dierum spacio in aqua macerata & emollita, *Mandiopiba* dicitur, quæ assata maxime ab agrestiori Indorum & Barbarorum multitudine expetitur & manducatur. E sedimento hujus consistentiæ, Farina mollis, notæque melioris, conficitur: quam Brasiliani *Vipéba*; Lusitani *Farinha fresca* cognominant.

Ex *Mandihoca* contusa, butyro & saccharo, insignes fiunt boli vel pastæ, ad edendum optimæ.

Pultis denique genus præparant ex *Mandiopeba*, quod nomen accepit *Mingau-petinga*.

*Mandihoca* illa mollis, illis *Puba*, igni imposita exsiccatur; exsiccata appellatur *Carimá*. Ex hac Afrì panem optimæ notæ conficiunt, quem *Musam* vel *Angu*, interdum *Enfonde* appellant. Omnium autem præstantissimum pultis genus conditum, quod vocant *Mingau de Carimá*, cui aromatum loco momentum piperis Brasiliensis, & floris *Nhambi*, admiscent: quod optimi cum sit saporis, sanitatique conducat, frequens in prandiis esse solet; nec suaviter se vivere existimant nisi hoc alimento utantur. Sanis & que atque ægris ejusmodi pultes, emulsiones, atque adeo ptisanas saluberrimas inde confectas, exhibit. *Tipioca* siquidem, & *Carimá*, pota, vel syrupi specie cum aqua florum Auriacorum & pauxillo Sacchari exhibita, antidoti loco plerumque est. Quantæ porro dignitatis *Tipioca* & *Carimá* sint, in descriptione morborum Endemiorum satis explicavi. *Tipioca* enim, si multa lotione defæcata atque exsiccata, probe ab omni humiditate reservetur, Tabidis & Dysentericis, ex arte propinata, medetur. Febricitantes, animo deficientes, veneno infectos restituit Præter hæc, violento exercitio fractis vires recuperat, sudoresque immodicos compescit, Ptisana illius simplex. Quascunque Hæmorrhagias, imprimis ex vulnera inflictas, tum intus assumta, tum emplastri forma applicata, cohabet.

Ex *Macaxera* optimum fit Vinum, serum lactis sapore referens. *Mandihoca* rasa, vulneribus & ulceribus antiquis imposita, ea mundificat, atque attemperat.

*Manipuera* cocta crassescit pultis in modum, alimentoque convenienti existit. Quod si Oryzain & Saccharum, cum aqua destillata ex floribus aurantiorum superinfundas, Conservæ gratissimæ formam induet, mutatoque nomine *Marmelada de Mandihoca* appell-

appellatur. Postremo illa species *Macaxera*, præterquam quod vicem Farinæ prædictæ suppleat, igne etiam assata, absque ulla alia præparatione, comeditur, ac *Macapera* appellatur.

A cæteris radicibus abstinentum est, quod præsens sint venenum. Dantur enim quædam, quas citius combusseris, quam ut virus suum deponant, & ad edendum idoneæ reddantur. Quin ipsi Indigenæ, olim mintis exercitati, in separatione alimentosi & venenosí, multoties mortem oppetierunt: nunc eruditiores facti, non solum illis pæci-puo existit vitæ sustentaculo, sed omnibus Europæis in America degentibus. Idque pani triticeo præferre non verentur, licet minoris habeatur nutrimenti.

Æthiopes & Brasiliiani inter edendum pugnos Farinæ plenos in os injiciunt, ut manu quoque longius ab ore remota, vix tamen mica pereat. Raro aut parum inter prandendum potu utuntur, quod farina aquam nimis imbibat, & stomachum inflet.

Cum aratum ejusque usus hic ignoretur, & improbi ac multijugi laboris tædia declinet, facilem hanc & minus ærumnosam agriculturam, tam vitæ ac rei familiari tuendæ, quam æri corradendo, egregie adhuc amplectuntur. Quippe unius dumtaxat mancipii industria & labore, centum tuberculos, aliquando unius diei decursu absolvunt. Hujus autem Farinæ una, quæ viginti canthalos nostrates continet, aut sesqui *Alkeira*, hoc est, modius unus aut sesqui, homini robusto & laborioso, in mensem integrum plerumque sufficit. Quem modium sex aut septem aut ad summum octo solidis comparaveris.

Hæc sunt quæ usu & sedula in hanc radicem inquisitione, à rusticis & mea experientia resciscere potui; quæ fusi & explicati persequi volui, quod hæc planta ubique frequens sit & domestica, tamque excellentis usus, ut vastissimi orbis Americani incolis abunde victum suppeditet.

*Tapuyeri*, vita & moribus agrestiores, nec *Mandihocam* hanc, nec quicquam simile plantant, sed arborum fructibus, variis herbis & melle agresti se sustentant. Inter radices quas comedere amant, est *Mandiboca* quædam silvestris, sponte proveniens, frutexque arborescens: cæterum sativæ simillima, si caulem & folia consideres, verum dignitate longe inferior. Mediterraneis *Cuguaçucuremia*, maris accolis *Cuaçú-mandiiba* dicta. Cujus Iconem expressam hic videre est.

M A N D I H O C A Silvestris.




## C A P V T IV.

*Copaiba.*

**P**lerique Americani communī nomine omnes Resinas odoratas & Gummi vocant *Copal*, variasque illarum species peculiaribus distinguunt nominibus. Ita & Brasiliani Arborem hanc resiniferarum facile principem *Copaliba* vel *Copaiba* nominarunt. In densis nemoribus mediterraneis hæc satis procera reperitur : cui lignum

rubrum quasi minid tintatum, adeoque durum ut ex eo asseres latissimi fiant. Foliis est ovalibus, cum pediculis & nervis crassis postica parte maxime eminentibus. Flore est pentaphyllo rotundo. Fructus instar siliquæ & coloris nigricantis ubi maturuerit, qui facile aperitur, continens nucleum nucis magnitudine & figura, copertum cuticula nigra, quæ pauca pulpa lutea, lenta, molli, eduli quidem sed non saporosa, ita ut inter fatuos fructus numeretur, ut solet in Arboribus balsamiferis. Simiæ has siliquas depopulari amant. Ego eas mense Maio & Iunio collegi, & mox semigerminatas mandavi terræ, atque læte provenerunt. Pinguis & odoriferus autem ille liquor adeo celebratus, ab inciso cortice ad medullam usque, Luna plena, tanta quantitate destillat, ut spatio trium horarum, ad duodecim libras olei effundat. Sin nihil forte profluat, statim vulnas

## C O P A I B A.



cera aut argilla obturandum est, ne quid effluere possit, & duabus post hebdomadis cum fœnore moram compensasse videbis. Non adeo frequens in Præfectura Parnambucensi hæc Arbor, quam quidem in Insula Maranhon, ubi valde luxuriat, unde quoque copiose illius Balsamum ad nos affertur.

Non autem solum mirifica pollet vi munificandi & consolidandi, & ad quævis vulnera (imprimis nervorum) prima intentione restituenda, morsuque serpentum curandos & cicatrices tollendas: sed & ab omnibus pariter incolis, & à me, interne exhibitum, insignem præbere utilitatem, observatum fuit. Tam suavis tamen odoris, sicut Maffæus vult, non est. Calidum in secundo gradu, crassum, valdeque pingue & resinosum. Ejus salutares vires nunc denuo in circumcisione Iudæi experiuntur: qui sanguinem ex vulnere illo crudeli profluentem feliciter admodum eo coercent, cum ante vulnus esset curatu difficile, & non paucis exitium intulisset.

Pectori, ad stomachum languidum, ventri ad colicos frigidos cruciatus, illitum conducit. Guttulæ aliquot convenienter exhibitæ per os robur addunt visceribus, illicisque

lisque tonum reddunt: fluxiones muliebres, cursus ventris & gonorrhœas quoque si-  
stunt. In anum per clysteres, in penem per syringam cum Saccharo ex aqua plantagi-  
nis, vel oleo rosarum dissolutum, adversus eadem mala prospero successu injicitur.

## C A P V T V.

*Cabureiba sive Balsamum Peruvianum.*

**I**NTER arbores in fructiferas primaria est *Cabureiba*. Quarum duas species, non in habita-  
ta Brasilia, sed in remotissimis desertis trans immensa illa montium juga, vidi. Vtraque  
est excelsissima, vastissima, & odorifera, sed cortice & ligno differentes. Altera ru-  
bescentis est coloris, odoreque Cedro Brasiliensi, quæ Incolis *Acaiacatinga* dicitur, non  
dissimilis. Altera, de qua nos  
in præsenti agimus, folio est  
exiguo, instar Myrti, cortice  
cinereo, digitum crasso, tenui  
membrana miniati coloris, ex-  
teriorius cooperito, sub qua fla-  
vus liquor, quo totus cortex  
turgere solet, latitat, qui ve-  
tus gratiorem spirat odorem  
quam si recens sit, fitque con-  
sistentiæ crassioris & coloris  
punicei. Cortex contusus &  
in massam redactus, suavissi-  
mos efficit globulos, & alia  
multa. Lignum illius singula-  
rem usum præbet in ædificiis.

Revirescente arbore circa  
Februarium & Martium, Luna  
plena, ex læso cortice, pendu-  
lis vaſculis, excipitur hoc Bal-  
samum fragrantissimum *Ca-  
bureicæ* dictum.

Ædes non solum, sed Lu-  
cos integros gratissimo odore,  
Peruviano per quam simili, inficit.  
Substantia est compacta  
& tenaci, sed calefactum se-  
quaci & ductili. Circa fluvium  
potissimum *Jeneiro* & in distri-  
ctibus *Divi Vincentii* & *Spiri-  
tus Sancti*, quam in *Parnam-  
buensi*, crebrius reperitur, li-  
cet non adeo magna quantita-  
te inde ad nos deferatur.

Ad internos & externos affectus non inferiori gaudet qualitate quam *Copaiba*. Cali-  
dum & siccum est in secundo gradu, dissolvens, digerens & confortans. Aliquot illius  
guttulæ per os jejunis exhibitæ, Asthamati prosunt: intemperiem quoque ventriculi,  
viscerum languores inveteratos corrigit: tepidum pectori & hypochondriis illitum,  
eorum oppilationes & frigiditates tollit. Irrigatione & frictione capitis & cervicis ex  
panno rubro, corroborat cerebrum, & præservat à Paralysi & Spasmo; imo debilitatum  
omne nervorum genus in pristinum vigorem restituisse, sæpius hic sumus experti. In  
nervorum puncturis acrimoniam saniei, unde tot dolores & convulsiones oriri solent,  
retundit.

Cæterum Lusitani æque ac Brasiliani aduersus vulnera & morsus venenatorum ani-  
malium ineffe illi virtutem quandam singularem testantur, ad quam animalia, instinctu  
solo

## C A B U R E I B A.



solo naturali confugientia, corticemque deterrentia, parti lœsæ præsentissimum inventiant remedium. Quæ omnia in Castris & Nosocomio nostro, tum imprimis militibus ictis à feris atque Barbaris, mecum per deserta peregrinantibus, comprobavi. Quippe solo hoc eximio Balsamo recenter ex ipsis corticibus collecto, vulneratos & luxatos restitui.

## C A P V T V I.

*Acaiaiba, & fructus ejus Acajú.*

**Q**uantum lenta solent inter Viburna Cupressi, tantum inter cæteras Brasiliæ Arbores eminet *Acaiaiba*, divino beneficio harum regionum incolis concessa. Quæ ut aspectu pulcherrima, ita multifaria virtute celebratissima. Ac quamvis umbrosa & patula, ramisque multis speciosa, non tamen adeo in altum exsurgit; sed cum revera Malus sit, variis & sinuosis flexibus sese incurvat, ramis humum versus dependentibus. Est durissimo ligno, à naupegis valde expetito, ac Gummi optimo

## A C A I A I B A.



turgente, quod sua sponte æstivis mensibus erumpit, ob facultatem, pellucidum colorē, fragrantemque odorem, Arabico vix cedens. Foliis est, si nervos, si figuram spæcetes, Iuglandi similibus, sed fragrantioribus, nec aromaticum odorem deponentibus nisi distillatione fortii. Multo autem magis odorifera illa folia, quæ verno tempore Brasiliensi pullulant, & hinc quidem pulchre & sature rubicantia passim in silvis videas, annuaque folia, tamquam inutilia, detrudunt circa hibernum tempus. Flosculos fert pentaphyllos multos juxta se positos, & in una umbella ad centum usque conjunctos: in cuiusque

cujsusque medio staminulum cum exiguo capitello habentes. Cum primo erumpunt, quod fit potissimum initio Septembris, sunt candidi mox incarnati coloris. Odore fragrantissimo Liliorum convallium æmulo integras silvas replent. Flori succedit castanea ex qua excrescit pomum oblongum constans ex carne spongiosa ac lenta acinis & semenum cellulis distincta, succo dulci acido astringente turgens. Qui succus adeo maculat linteamina ferrugineo colore, ut nulla arte elui possit antequam arbores denudo floreant. Liquor hic recens albicat instar lactis saporis astringentis, cuius color & sapor paulatim pereunt fermentando, manetque fortis & inebrians. Exterior pomi pellicula tenuissima partim flavescentia, partim rufescens, ita ut pro vario naturæ lusu celeberrimus hic fructus, figura, colore & sapore inter se discrepet. Castanea ut & nucleus renis ovilli figuræ sunt, hic tenui pellicula, illa crasso & spongioso cortice cinereo vestitur, in quo oleum acre & admodum mordicans latet, ut si quis illud incaute ore attigerit, labia & linguam ignis modo urat. Ut oleum in cortice absumatur sub cineribus castanea torretur; hinc malleo contusa, nucleus eximitur, qui vel ad annos incorrupte conservatur, vel recens comeditur, adeoque sapit tostus ut castaneas longe antecellat.

Brasilianis vero non minus quam Arcadibus olim Quercus, pomum hoc, tum glans ei adhærescens & superinnascens, à totjam seculis, vitæ solatio fuerunt. Bella, quæ frequentia inter illos excitari solent, ex parte hujus fructus amore geruntur. Victores enim castris positis loci expugnati possessores tamdiu manent, donec omnem arboris fructum depasti fuerint. Ætatem exinde suo more dimetiuntur, nam semel in anno dumtaxat provenit, idque mensibus Decembri, Ianuario & Februario, tunc enim deficit sub latitudine Parnambucensis Praefecturæ; quia messis tempora pro situ regionis mutari solent. Sole redeunte à Tropico Capricorni, terra iis irrigatur aquis quas pluvias de *Acaíu* appellant, quibus si non prorsus destituatur, nec nimium obruatur glandifera & pomifera hæc arbor optime cum Barbarorum messe & vindemia agitur.


Castaneæ autem seu glandes pingues & secundo gradu calidæ. Crudæ ac recentes, si cum vino & momento salis manducentur, juglandes gustu referunt; sin assatas aut saccharo conditas malueris, multo suaviores, & durabiliores comperies; quapropter quoque pro deliciis inter bellaria apponuntur. Oleum quod sub ejus putamine latere dictum est, herpeti medetur. Calidum est à tertio ad quartum gradum, cancrofis & malignis ulceribus vitiosa carne laborantibus, adhibetur. Lichenes quoque, & pedum vermiculos *Bicho* dictos, expugnat. Maturecente autem castanea ipsa cum oleo intus contento sensim mitescit, ac vim suam maxima ex parte deponit.

Incolæ arboris Gummi redactum in pulverem, ex liquore convenienti propinant mulieribus obstructione menstruorum laborantibus.

### C A P. VII. Iabuticába.

**E**st arbor recta procera atque elegans, vastissimis ornata ramis: fructum fert cineræ coloris parem magnitudine Limonii, succo dulci, tenui pellicula instar uvæ bene maturæ: qualitatis temperatæ atque salubris, febricitantibus jucundissimum. Non fert flores, sed fructus in tubere, qui ab ima radice usque ad summittatem ramorum ita per totam arborem conjunctim catervatimque extuberant, ut continuus potius racemos, quam arbor videatur.

Species quædam hujus arboris invenitur in silvis *Pagi Tabuçurána*, sed fructus fert minime cum aliis comparandos. Ex quibus Incolæ exprimunt vinum delicatum & dulce, quod nisi statim ebibatur deterius fit, & in acetum convertitur. Vtraque hæc arbor nisi in vastis silvis Mediterraneis, & frequens est in Praefectura S. Vincentii, teste Emanuele de Morais: Eam enim fateor me nondum vidisse, licet non perfunctorie tam elegantem arborem in silvis mediterraneis quæsiverim.



## C A P V T V I I I.

*Içicariba, & illius Gummi Içicá, sive Elemni.*

**I**N arenosis & effœtis nemoribus excelsa reperitur arbor gummifera, quæ à Barbaris *Içicariba* appellatur à lacryma quam fundit, quæ ipsis *Içicá*, Lusitanis *Almaçiga* dicitur. Arbor hæc Fagi in modum crescit, caudice non ita crasso, cortice glabro &

## I C I C A R I B A.



griseo. Folia fert in ramulis, duo semper sibi invicem opposita & tertium solitarium in fine. Sunt autem pyri foliis similia, oblonga, anterius acuminata, crassa instar pergamini, lète viridia & splendentia, nervo secundum longitudinem, & venis oblique discurrentibus. In ramulis ad foliorum exortum copiosi pronascuntur flosculi, racematis seu verticillatim positi sive congesti, parvuli, quatuor foliolis viridibus constantes, stellulæ pene figura: Foliola autem illa in ambitu lineola alba sunt circumdata, & in medio existant

staminula aliquot flavescentia. Post florem sequitur fructus, figura & magnitudine Olivæ, colore autem Mali granati, intus habens pulpam odoriferam, uti & lacryma est arboris. Cortex exterior si manu vel paulum mulceatur, insignem mox odorem defundit.

Interior cortex alte vulneratus, plenilunio imprimis, statim, nonnumquam postriedie, aut tertio post die Gummi seu Resinam fundit odoratissimam (odoris instar Anethi recentis contusi) præstantissimamque, colore albicante & virescente. Est Gummi Elemni plane simile, quod tamen nostro officinarum, utpote recentius, odore, & qualitate efficacius. Calidum est ad tertium gradum, primum molle, mox indurescens, præcipue frigefactum. In omni topico, sive simplex, sive compositum, ad vulnera aperta & ad interiora mala, ex frigore potissimum nata, adeo expertum, ut profanum habeatur illud aut ignorasse aut non applicuisse. Hoc, cum partim rusticorum indulgentia ad me allatum, in quotidiano usu esset, vix ulli umquam emplastro stomachali, vel ceroto corroboranti adeo sum fisus, quam huic. Viscera enim roborate, flatus dissipare & doloribus feliciter mederi aliquoties sum expertus; ita ut in frequentiori praxi hoc præ cæteris commendare, reliquisque omnibus præferre voluerim. Postremo, ad omnia quæ Gummi Elemni usurpatur capitis vulnera, licet gravissima, ea que sanat, ac prima intentione restituit.

Ejusdem arboris & Gummi meminit quoque Fr. Ximenes in nova Hispania.

## C A P V T I X.


*Arbor Ietaibá, & illius lacryma, Anime.*

**R**Aiora quidem aromata & balsama, pro sua fertilitate, hic Brasiliæ tractus profert, quoad resuscitere potui, quæ tamen gummi & lacrymarum copia conspicua nemora, præsertim in Paraybæ districtu,

districtu, spissam & speciosam producunt Arborrem *Ietaibá*, ligno duro, albo, ædificiis & machinis aptissimo, cortice lento, punctulis ex albo flavescens variegato, & hinc inde clypeiformibus maculis, ex albo subflavescens variegato. In ramis continet folia duo vel tria sibi opposita figura parva, sed oblonga, viridia, ad tactum lævia, nervo secundum longitudinem & venuis transversis, eleganter inferius conspicuis, prædita. Fructum fert in siliquis oblongis compressis duriusculis, coloris hepatici & quasi lævigati. È siliqua fracta prômanat substantia molliissima filamentosa subincarnati coloris, saporis farinacei & subdulcis, quæ cruda edulis est. Huic farinaceæ substantiæ tres utcunque lapides compressi glabri nigri involvuntur, figuræ & magnitudinis dactylorum.

Resina odorifera arboris ab Indigenis *Ietica-çica* nominatur; Lusitanis vero *Anime*, ob similitudinem quam habet cum *Anime* Novæ Hispaniæ.

Hoc Gummi per meatus corticis interiores decidere certissimum est; illud enim, tellure effossa, sub arboris trunco & radice occultatum extrahere solent. Quod potissimum fit sub finem aestatis mense Februario. Monardes ex vulnerata arbo-re, in Nova Hispania, colligi testatur, haud aliter quam Mastiche aut Thus. Eo non solum Medici, sed & vulgus familiariter utuntur, præcipue in capitibus doloribus à frigore natis. Solus autem illius suffit ad roborandum non



## G V L I E L M I P I S O N I S

solum caput, sed & reliquias corporis partes frigore affectas, valet. Suavissimi est odoris, & facilis consumptionis. Calida & sicca in secundo gradu. Cæterum vi quadam aromaticæ & peculiari suo calore hoc Gummi præstare, ac partibus nervosis illitum, vel emplastriforma applicatum, prodesse, multi mecum expertisunt.

Folia arboris contusa lumbricos enecare, si exhibeantur, constanter Indigenæ affirmant.

Interior corticis substantia rasa, & aquæ imposita, contra ventriculi ventositates, ad potiunculæ formam præparatur, alvumque simul movet.

## C A P V T X.

*Caaopia.*

**H**VMILIS AC TENERA HÆC Arbuscula guttifera, à Lusitanis *Pao de Lacra* appellatur, quod gummi seu gutta quædam viscosa ex cortice ejus defluat. Passim & è quovis terræ genere progerminat. Ligno est lento, cortice è cinereo rufescente: dispescitur in multos ramos. Folia habet solida, inferiori parte ex viridi quasi rufescencia & aspera, superna dilute viridia & splendentia. Florum in umbellas congestorum rudimenta sunt globuli brunni, magnitudine lentis, qui successu temporis protrudunt flores quinque foliolis constantes, exterius ex viridi flavescentis coloris, interius tomento albo vestitis, & staminulis luteis subtilibus repletos. Post flores proveniunt baccæ, primo virides, magnitudine cerasi, rotundæ; quæ dissectæ ex molli, quo teguntur, cortice, succi multum eleganter flavi exsudant; intra corticem autem continetur pulpa alba constans meris cylindris juxta se positis, qui sibi invicem cohærent.

*C A A O P I A'.*

In extremitatibus ramorum, qui rudimenta aut flores sustinent, semper duo foliola acuminata brunni coloris compacta sunt invicem, quasi semiglutinata essent, & hastam sive venabulum referunt: hæc decerpta ex pediculo croceum humorem emittunt.

Florent hæ Arbores potissimum mense Novembri & Decembris: Ianuario & Februario baccæ sunt maturæ.

Si cortex medius hujus arboris incidatur, præsertim quando florere incipit, & linquatur per unum atque alterum diem, exsudat lacryma croceo-rubra, egregia, coagulaturque; quæ initio mollis, postea indurescit. Convenit colore & consistentia cum *Ghitaremi* sive *Gutta gamba*, & eodem

fere

fere modo purgat. Est è flavo paulo rufioris coloris, quam illud, nimirum siccatum; nàm molle, croceum tingit colore luteo sive aureo paullo saturatus. Dissolvi potest eodem modo in spiritu vini, & tincturam facit croceam. Nonnumquam ignes luculentii struuntur juxta arborem, quorum potestate cortex dehiscit, majoremque fundit lacrymæ copiam, quæ in massam coacta in usum Medicinalem servatur. Quod à me primum tentatum, optime succedit.

Olim affrictu hujus Resinæ, in aqua dissolutæ, impetiginem tollebant. Licet autem tantæ efficaciæ non sit, quam Gutta Camboides, vulgo Gutta gamba (quod an insitæ tarditati, an præparandi modo sit imputandum, dubito) tamen à drachma dimidiata, ad drachmam unam, per integrum noctem in aceto squillitico, aut spiritu vini macerata, & ex vino propinata, ventrem solvit, fortiterque per inferiora exonerat. Meo tamen judicio rectius faciunt, qui dilutum ex aceto prædicto, in pilulas accedente stimulo congregant, quam qui potionem ex illa conficiunt; quod ob tenacitatem difficillime solvatur.

## C A P V T X I.


*Palmæ Brasilienses.*

**P**lurima Palmarum genera producit Brasilia. Quarum aliquæ sponte crescunt in silvis, ut *Inaiá*, *Carnaiba*, *Tucún*, *Vrucuri*, *Giçára*, *Aqué*, *Iráiba*, *Airi*, *Miriti*, *Mariaíba*, *Gioçará*, & aliæ: Quædam vero aliunde huc olim translatæ & quasi nativæ factæ, ut *Cocoeiro* & *Palma dactylifera*.

Inter Silvestres indigenas frequenterissima est, quæ *Inaiá* Brasilianis, vulgo *Lusit.* *Pindóva* nucifera dicitur. Eximia & procera est arbor, densissima nemora conficiens: lignum albicans & scabrosum corticis loco habet; ligni autem loco fungosam & intus filosam medullam facile combustibilem, è qua sana & fortissima lixivia norunt conficer. Nullum præterea aut certe exiguum præstat usum: ad ornatum duntaxat ob insignem altitudinem & ramos pulchre porrectos expetitur; iis siquidem eleganter comatis, & foliis radiatis utrimque vestitis, Lusitani atria & templorum parietes exornant, Indigenæ vero loco tegularum tuguria sua ad pluvias arcendas sternunt. Fiscellas quoque & vasæ viminea ex illis conficiunt. Folia autem hujus arboris non ita dependent in orbem, ut *Cocoeiro*, sed maximam partem stant surrecta. Haud commode cæditur arbor, ob mollitem quo ferri aciem obtundit.

Prope foliorum exortum, etiam rami proveniunt penduli, proferentes racemos, quatuor vel quinque pedes longos, plenos flosculis, post quos etiam racematum proveniunt fructus vel centum in uno racemo, ovi gallinae figura & mole, aut etiam majore, fastigium habentes acuminatum: altera extremitate insident calici vel cipulae, ut Nux pinea, foliis triangularibus constanti.

## PINDÓVA.



L 3

Maturus

Maturus fructus exterius ex viridi flavescit, vel etiam brunescit. Cortex exterior filamentosus est, ut in *Coco*, verum haud crassus, sed duplam tantum habens ovi Gallinæ testæ crassitiem. Hic morsus detrahi potest: illo detraicto apparet pauca caro crocei coloris, vix ullo manifesto sapore prædicta, quæ à Nigritis cum farina comeditur. Caro autem hæc ambit nucem durissimam, instar *Coco* ovalem, ejusdem fere crassitiei, sed fine foraminibus. Hac fracta, apparet in cavo, per interstitium more Iuglandium distincto, nucleus magnitudine Iuglandis, albus, duriusculus, paulo siccior, neque tam suavis ut *Coco*. Colliguntur per totum annum, & nuclei tam ab indigenis quam advenis comeduntur, *Inaia-miri*, id est, *Cocos* parvæ Indigenis dictæ.


Oleum insuper optimum inde exprimitur, album & jucundi odoris, quod, quia refrigerat, defectum rosati sæpe supplet: & cum recens est, in cibis; cum vero vetus, ad lucernas usurpatur. E fructus quoque cortice aliud non ignobile & magis flavum elicetur, sed minus refrigerans, quod tamen ad multa mala emollienda adhibetur.

E fastigio Arboris Gummi pellucidum, odoratum & pulcherrimum fluit, quod in locum Arabici nonnumquam venit. Postremo medulla coloris albicantis, & recentem Iuglandem resipiens, in vertice ligni continetur, optimum alimentum si cum pane & sale comedatur.

C A R N A I B A I.



C A R N A I B A II.



Circa Diœcesin *Parayba* è remotissimis nemoribus ad hortos ob elegantiam traductæ Palmæ conspicuntur, quarum brachia sive rami caudam Pavoniam æmulantur. Barbari *Caranaibam* & *Anachechariri*, Lusitani *Tamar* appellant, forte, quod fructus Dactylis similes ferat. Est autem arbor Palmæ dactyliferæ altitudine, habens lignum rufum, durum, crassis nervis intus constans, nullius tamen usus: cortex exterior griseus & cartilagine à terra ad aliquod spaciū squamatus, squamis ordine cochleatim positis; quæ primo

primo longiores, sensim fiunt breviores, imo tandem decidunt superne: nam Arbores adultiores caudicis superioris medietatem habent glabram, inferiorem solum squamatam. Squamæ enim nihil aliud sunt, quam ramorum qui exciderunt reliquæ, arbore in altum surgente, & enascentibus aliis ramis. Arbor in summitate ramos suos orbiculatim expandit, directe sursum, deorsum, & ad latera, ut Palma dactylifera, sed longe elegantiori aspectu. Ramus quilibet duos vel amplius pedes longus, satis crassus, compresus in utroque latere, spinis duris nigris armatus, figura dentiscalpium referentibus.

Vnicum in cuiuslibet rami extremitate folium rotundæ figuræ, est ita plicis donatum, ut manuarium fœminarum umbraculum, coloris viridis, ab extremitate ad medietatem fere introrsum sectum in multa alia carinata folia, foliis Palmæ dactyliferæ structura similia: quodlibet ex his sectis foliis duos circiter pedes longum. Duas has *Carnaibæ* species observavi sibi invicem multum similes, nisi quod mira foliorum & corticis conformatio[n]e discrepant, ut ex appositis Iconibus liquet. Vtriusque Arboris scapus interior egregieflammam concipit, & instat facis diu fovet; ita ut mihi per deserta peregrinanti solatio fuerit non solum ad illuminandum, sed ad abigenda quævis insecta & serpentes noctu vagantes.

Inter ramos folia ferentes alii prodeunt longiores, nimirum quatuor aut plures pedes longi, in multos ramos, & in ramulos lanugine albescente obductos, expansi alternatim, sive quasi ex vaginula prodeentes. In ramulis hisce alternata serie existunt flosculi pallide flavi, sine pediculis, singuli tribus foliolis constantes.


Post flosculos illos proveniunt fructus, figura & magnitudine Olivæ; primum virides amari, non edules; mox maturi nigrescentes, evadunt dulces mense Februario: & licet nostratis nullius usus, gentilibus tamen tam crudi quam præparati in deliciis habitu, *Tirade* nuncupantur. Tarde crescit hæc Arbor.

Folia apprime serviant ad tegendas ædes & corbes.

Ex nomine suspicari quis possit, hanc esse Arborem quæ fundit Resinam illam, quæ hodie magna copia Europæ infertur ex America nomine *Caran-na*. Verum teste Ximene, longe abest: siquidem Resina quæ ab Hispanis *Caranna* dicitur, ex longe alia Arbore fluit.

Eæ vero quæ inter Palmas silvestres *Tucun* & *Vrucury* indigenis vocantur, in tantam proceritatem non excrescunt, multoque cæteris sunt humiliores, & minus cognitæ; quædam spinis asperrimis horrent, & ligno sunt ferreo; quædam vero sunt filis non spinosis, *Vrucuri-iba* appellatae. Flore ut *Gioçará*. Fructus (qui & *Vrucuri* vocatur) ferunt racematum ut *Pindóva*. Quilibet est Pruni magnitudinis, & cupulæ squamosæ insidens: cuticula grisea, pulpa lutea filamentosa, pauca, dulci, constans. Intus continet lapidem durum, in quo nucleus candidus, edulis. Lignum arboris ob perpetua filamenta contunditur, indeque Farina elicitor *Vrucuriv* dicta, Lusitani *Farinha do Pao* vocant: rufescens est coloris, & defectu edulis Farinæ de *Mandihoca* pro pane usurpat. Rami Arboris len-tissimi sunt, ac ad multos usus

V R V C V R Y.



applicantur. Ex fructu fit Oleum uti ex fructu *Pindova*, sed hoc de quo nunc sermo, valde est medicinale, imprimis adversus Raiarum puncturas venenatas. Nec puto, praestantius remedium dari contra illud malum. In ipsa Arbore nascitur Polypodium & *Caraguatá*, quæ aquam suppeditat peregrinantibus ad bibendum.


Quarta Palmæ indigenæ species *Gioçará*: caudice tenui, recto, griseo, exsurgit more arboris *Coqueiro*, sed vix dimidiæ altitudinis. Flores flavescentes cum staminulis flavis è siliqua flavescente proveniunt. Hisce succedunt parvuli fructus racemosi more Palmarum; qui cum icone à pictore non expressi sunt. Adeo latus est floris ramus, ut pro scopis & flagellis usurpetur. In summitate Arboris folium convolvitur, erectum instar fistulæ. Fructus maturus nigricat, & tunc, defectu melioris nutrimenti, comeditur.

T v c v' M.



Quinta *Tucum*, Palma est mediocris altitudinis: si frondes spectes, *Pindovam*; si cætera, Palmam dactyliferam repræsentat: truncum, ramos atque folia habet aculeata: lignum vero nigrum & durissimum, quo Indigenæ sagittas exasperant. Fructus producit rotundos racematin, Pruni Damasceni magnitudine & figura, ducentos, trecentos, & plures aliquando, uno eodemque racemo. Sues & simiæ iis saginantur. Oleum exinde limpidissimum exprimitur, iisdem usibus quibus nuces *Pindove*, dicatum, magnique fit apud omnes passim incolas. Fructus hi maturi exterius nigricant: nucleo sunt albo non insuavi, præsertim recenti. Ex foliis Brasiliani filum deducunt tenuissimum & fortissimum, rubicundo Serico persitnile.

## AIRI.



Sexta *Airi* ingens est Palma, foliis longioribus, trunco spinis acutissimis undique armato, fructu rotundo ut cæteræ Palmæ, sed non adeo racemofo: medulla intus albicante pingui, sed non eduli. Ligno est nigro gravi & duro, fundum petente, si aquis iniciatur: *Ebeni* speciem quidam credunt. Brasiliani & Tapuyæ exinde clavas suas conficiunt, sagittasque asperant: quæ ubi carnem penetraverint, tenacissime hærent. E caudice vulnerato vinum elicuntur.

Septima *Aquæ* Palma mediocris, foliis cinereis, fructus fert racematum pruni magnitudine, flavos ubi maturuerint, dulcissimi saporis, nucleo albo ac pergrato, ex quo incolæ vinum conficiunt. Nigritæ illam appellant proprio idiomate *Catolé*. Familiaris hæc arbor Brasiliæ Septentrionali, non Australi.

Octava *Iraibá* præcedentibus major, familiaris in *Piratininga* silvis. Ad summitatem illius circa ramos medulla continetur candidissima, quæ cruda vel etiam cocta cum carne vel oleo inter bonos cibos numeratur. Substantia vero durior, candida, quæ contusa cogitur in massam farinæ similem, unde placentulæ non ingratae fiunt, ex succo vero illius pulmentum admodum dulce & suave. Fructus quoque producit sapidos & dulces. Remedium contra famem iis qui per illas silvas & vastas solitudines peregrinantur.

Nona *Miriti* familiaris Præfecturis *çearæ* & *Maranhão*. Fructum fert unicum edulem atque dulcem; ovali etiam magnitudine. Cortice est rubicundo, nigris maculis; intus vero rubro. Folia illius magni fiunt ab Indigenis, ut illis tegularum vice utantur.


Decima *Maraiáiba* Palma familiaris Præfecturæ S. Vincentii, cortice spinis armato: materia durissima, ex qua fiunt arcus nigri coloris. Fructus fert ovi columbini magnitudine, edules, & satis gratos.

## C A P V T X I I.

*Inaiaguaçiba, vulgo Cocos.*

**H**Acenus de Palmis indigenis, sequitur nunc celebris illa exotica per omnes Indias *Coquoeiro* quæ à Brasilianis vocatur *Inaiaguaçiba*, & fructus illius *Inaiaguaçu*, Palmis de quibus egimus, in multis dissimilis. Caudice est, raro recto, sed plerumque inclinato, quatuor, & interdum etiam septem pedes crasso: & sæpe ad quin-

**I N A I A G V A Ç V I B A,** vulgo **C o c o s.**



quaginta pedes alto. Quapropter mirum est, earum truncoſ posſe ſic brevibus, tenuibus & vix terra coopertis radicibus in aëre ſubſiſtere, neque ſuo multo pondere & fructuum mole, ventisque etiam vehementibus ſæpe eas quatentibus, humi concidere. Accedit quod pars caudicis humi proxima, non crassior aut fortior quam in ſummitate exiſtat. Cæterum eſt cortice cinereo, & quaſi vibicibus hinc inde transversim notato per ambitum. Lignum non multi eſt uſuſ; conſtat enim ex meris filamentis: eſt dulce & quaſi lacteo ſucco turgens, unde arbore cæſa à formicis appetitur. Caret ramis, ſed in ſummitate quindecim, viginti aut plura habet folia magna, alata, in orbem diſpersa, partim ſurrecta, partim dependentia, grato aspectu. In exordio ſuo hæc folia alata quadam texture veſtitæ ſunt, obscure grisei coloris, quæ ſolvitur uſque alia. Quodlibet folium longum eſt circiter ſedecim pedes, ac in exortu unum circiter pedem crassum, diſsectum in folia ſive alas, ordine juxta ſe poſitas aut oppofitatas;

tas; longitudinem nervum osseum flavescentem, ac transversim subtilissimas lineas seu strias virides. Inter folia alata in summitate arboris oritur siliqua sive vagina duos pedes aut amplius longa in extremitatibus fastigiata, viridis, striata, quæ deinde rufescit & sponte se aperit. Antequam autem se pandat, caulis intus reperitur eleganter compositus pedem longus, tres aut quatuor digitos crassus, in plures ramos pedales aut semipedales divisus, qui rami apte à natura in theca illa complicati magnam spicam repræsentant. Rami autem hi onusti sunt triangularibus corpusculis, magnitudine amygdalæ excorticatae, albis, quæ rudimenta sunt florum & deinde nucum. Nam rupta vagina rami hi se explicant & ostendunt flosculos luteos. Hinc succrescit fructus, quilibet insistens brevi pediculo, pennam anserinam crasso, & culpæ, squamis constanti ex rufo flavescentibus. Pondere & duritie summa nuces caput humanum excedentes profert. Toto anni tempore maturis pariter atque immaturis fructibus decoratur, qui arcte & racematim caudicis summati adhærescant, & putaminibus crassis, filamentosis & tenacibus vesiuntur: quibus sublatis ligneus calix appet: quem si immaturum perforaveris, aliquando supra heminam dulcissimi & gratissimi liquoris emitte, qui actu frigidissimus licet, potentia tamen calidus est, & tenuiorum partium, urinamque cunctantem provocat. Nucibus autem maturatis, lacteus ille humor condensatur & coaguli instar calami scriptorii crassitie concavo adhærescit, qui exemptus ac manducatus vix ulli nucleo, quamvis sapidissimo, dignitate cedit: nutrit enim & suaviter reficit: proinde à viatoribus marino itinere delasfatis & scorbuto infectis valde expetitur. Calidus & humidus existit in primo gradu. Oleum inde premendo extractum, in plurimos culinæ & pharmacopœæ usus reservatur, nec amygdalarum oleo præstantia cedit.

Per os assumptum pectoris malis medetur Oleum, alvum quoque laxat, si largius exhibeat: ex alto læsis mirum in modum prodest, urinasque ciet.

Præterea liquor quidam stillatius, albicans & eximiæ virtutis exinde elicetur, renum & genitalium viscositatibus extinguendis utilissimus, tum à mulierculis inter cosmetica adhibitus. Observandum autem aquam illam copiosissimam & gratissimam inveniri in mediæ ætatis nucibus: in plane maturis tantum modicam, neque ita gratam. Nucleum autem tum optime sapere, quum ad summam maturitatem pervenit.

E trunci porro vertice medulla quædam albissima quasi bulbosa quæ Palma dicitur, arbusculæ instar novæ, exsurgit, quæ ex loculo, quo continebatur, prorumpens, ejusdem fere qualitatis, cuius concretus ille nucis humor, de quo jam diximus, existit; quæ non cruda solum, sed & cocta inter epulas apponitur, & cum Brassica Cyprina certat. Nondum matura magis refrigerat; quocirca vicem acetariorum & lactucarum præstat. Sed ea ablata arbor moritur, unde proverbium Palmam referre. Quod non æque contingit inferiori radicum parte læsa vel concisa. Hinc fit ut plures indigenæ sibi persuadeant idem, quod Prosper Alpinus de Ægypti populis circa dactyliferas narrat Palmas; eas scilicet non terra radicibus attracta, sed aere ex sublimiori arboris parte ali ac vivere. Plura egregia tradidit Ximenes de hac Palma Mexicanis *Coyolli* dicta quæ in Historia nostra Naturali Brasiliæ fusius exhibentur.

Atque hæc de Palmis earumque Medicis præsidiis dicta sint; quarum aliquæ, impri-  
mis *Cocoqueiro* præter usus dictos, multa suppeditant ad victum & amictum humani generis: quippe filosa substantia caudici adnata vestium materiam; folia, tecta ædium: fructus immaturi potum; maturi alimentum gratissimum ad hæc oleum acetum & spiritus abunde exinde elicitor.

De Palma autem illa dactylifera scribere supersedeo: tum quod in plurimis Europæ Regionibus sit notissima: tum quod nihil novi mihi contigerit experiri ex illa arbo-  
re quin ab aliis ante me dictum sit.

## C A P V T X I I I.

*Aroeira sive Lentiscus.*

**A**Rbor arenosis, littore imprimis & promontorio Olindæ frequens, *Aroeira* nuncupatur. Myrto silvestri nostrati qualitate non valde absimilis, ad Lentiscos tamen referri debet. Forma quoque & qualitatibus Peruvianorum *Molle* sunilla-ma de qua arbore Clusius, Monardes, Garcilassus & alii. Præter eximias facultates,

## A R O E I R A.



quas cum *Araça*, & Myrto, reliquisque astringentibus & odoriferis arboribus habet communes, hisce peculiaribus pollet, quod resinam fundat fragrantissimam instar Lentisci, ex qua emplastrum adversus frigidos affectus componitur.

Sunt autem folia in ramulis bina sibi invicem opposita, & quinque aut septem in extremitate. Ad cujuslibet ramuli exortum, ramulus est brevior, plenus flosculis minimis, qui constant quinque foliolis ex albo subluteis.

Flores hos sequitur fructus nimirum quasi uva, baccis plena, magnitudine piperis initio quidem viridibus, per maturitatem autem rubris, sed rubedo illa in solo cortice tenui, qui sponte se absolvit, & decidit grano decidente: granum autem quod pellicula continetur, rotundum & compressum ac oleaginosum, odoris jucundi instar fœniculi recentis triti, & in se nucleus parvum lenta cuticula tectum continens. Maturescunt baccæ mense Julio, quod est, tempore hyberno. Earum acrimonia & siccitate carnes recentes à putredine conservantur.

Oleum quoque ex succulentis illius baccis exprimitur, eidem usui cum resina inserviens.

Folia insignem & nobilissimum odorem emitunt, si conterantur, quæ subamaris, cum quadam vi adstringendi, aromaticas calidasque partes habent conjunctas, quemadmodum è balneis & lavacris, quæ ex illis fiunt, videre est.

Has vero virtutes tam profunde exerit, ut per destillationem foliorum, imprimis recentium, odorifera & adstringens aqua inde eliciatur, quæ tum ad pellendos corporis affectus, tum ad delicias servatur.

Tempore paroxysmi febricitanti, Empiricorum more, exhibent cum successu oculos seu gemmas arboris ex aqua nocturno rori expositos.

Cæterum sciendum est, in ramis *Aroeira* luxuriare sæpe polypodium, illo quod è terra profluit longe probatius.

## C A P V T X I V.

*Vrucú & Iaçabucáio.*

**L**icum inter arborecentes Plantas obtinet *Vrucú*, silvestris quidem, sed ab Incolis inter hortenses & sativas jam olim translata; multaque etiam nunc industria eam excolunt; partim ut granulorum folliculis involutorum minio sece exornent ac pingant; partim vero ut Lusitanis divendant, quæstumque ex tinctura illa

V R U C U.



*Orellana* vulgo dicta faciant. Lingua ipsorum hanc plantam *Vrucú* dictam, Clusius Bi-xam Americanam Oviedi esse existimat. Fr. Ximenes eandem accurate describit, sub nomine *Achiote*. Et fructuum grana rubra delicatæ potionis *Chocolate* quæ ex fructu *Caco* fit in nova Hispania, tam saporis quam coloris gratia misceri, testatur. Ego nostræ *Vrucú* arboris & fructus Icones separatim exhibeo, ut siliquarum figuræ magis dilucide apparerent curioso lectori.

Foliis est grandioribus & mucronatis, figura cordis, ut pingi solet, alternatim positis, in pediculis, duos, tres, interdum & quinque digitos longis, nervum secundum longitudinem & venas obliquas inferius prominentes habentibus, lâte viribus: cauli-

M bus

bis calamo scriptorio tenuioribus, ligno albo & cortice fusco, instar. Coryli. Circa extremitatem ramorum in brevibus pediculis multi proveniunt flores, in uvæ figuram dispositi: quilibet flos est rosæ magnitudine, quinque foliis constans albis incarnatis dilutis. In medio cujusvis floris ingens numerus est staminorum luteorum apicibus purpureis: vix sensibilem aliquem habet odorem. Post florem fructus sequitur in siliqua myrobalani oblongi figura, seu pyramidali rotunda sesquidigitum aut duos digitos longa: (ut ex appositis fructibus liquet) quæ deposita viriditate immaturitatis mox ubi maturuerit matura rufescit, estque tota hispida ob fila prominenta sed non aculeata. In qualibet autem siliqua ultra triginta, imo quadraginta grana, quodque suo pediculo innitens, continentur, figuræ conicæ acutæ, & in duobus lateribus quasi digito compressum. Color granorum insigniter miniatus & splendescens, succoque tali madens, ita ut ad tactum inficiat manus egregio miniato colore. Grana recentia sunt mollia, cum punctulis argenteis. Siliqua matura sponte se aperit: grana siccata evadunt rubra, obscure nihilominus tamen, ut antea, tinturam in se continent; & recentia sive siccata usurpari possunt: Trita simpliciter in aqua simplici seu stillatitia, egregiam dant tinturam miniatam. Collecta grana in massam coguntur, sphærulæque & tabellæ in multos annos durabiles inde conficiuntur, quæ in Europam transmissa longe lateque distrahuntur. Cum urina mixta, tam pertinaci colore tingit lineos pannos, ut in posterum elui non possit. Magisterium etiam inde, more coralli, preparatur & in usus reservatur. Grana recentia matura & exsiccata, inque pastillos conformata, quantitate indefinita, cum pulce ex *Tipioca*, quæ *Carimá* dicitur, alioque conveniente decumbentibus exhibent, sive veneno, sive aliunde infirmitatem contraxerint. Corroboret Ventriculum, ventrisque fluxibus prodest. Cum aqua ejusdem temperaturæ hausta mitigat aestus febriiles.

Radices ipsæ, nec grana, multi sunt saporis, proinde ad medendum faciliores, cum aliqua siccandi & astringendi qualitate. Radix cum carne gallinacea cocta, præter croceum colorem, bonum saporem conciliat. Incolarum nonnulli radices granis præferunt, quod harum recens, illorum vero usus longe sit antiquior, & vicem *Crocis terrestris* (sicut de *Curucuma* I. Bontius retulit) supplet. Tum extractum ejus ex vino adusto confectum sibi reservant. Quod etiam nunc hodie colonorum non paucos imitari videmus.

**A**ltissima arbor est, cortico griseo, duro & inæquali, instar *Quercus veteris*. Folia juniora rufa sunt, vetustoria autem viridia, similia foliis Mori, in ambitu ferrata, & quodammodo contorta & incurvata. Post florem (quem nondum videre licuit) sequitur fructus mensæ Martio magnitudine capitis infantis, qui suo pediculo crasso dependet. Cortice est ligneo ochræ coloris. Capacissimi hi & summæ duritiei calyces sunt, ore in terram obverso, & operculo, admirabili naturæ lusu, instar pyxidis, operti. In iis continentur nuces jucundi saporis, quæ ubi maturitatem fuerint consecutæ, excusso illico tegumento, sine cuiusquam auxilio è calycibus decidunt, & gratissimum incolis æque & animalibus suppeditant alimentum. Semel in anno maturescunt, media videlicet hyeme. Sapore & excellētia Pistaceis adæquantur, & venerem sopitam dicuntur excitare.

Potiones & pulces, tam ad Medicinam quam ad epulas ex illis comparantur.

Oleum quoque pinguissimum ex illis exprimitur, Amygdalino calidius; nuclei enim, è quibus elicetur, in secundo gradu calidi & in primo sicci perhibentur. Præstat assatis quam crudis vesici, quod caput infestent. Plusquam triginta ordine ipsi calyci, mediante viscosa materia, agglutinati hærent, figuraque fere triangulari existunt, Myrobalano Chebulo non adeo dissimiles. Tantæ duritiei hæ pyxides sunt, ut Tepuyeris non solum vasa potoria, sed & discos, & ollas sufficient. Cæterum arbor in saltibus & locis mediterraneis adeo luxuriat, ut justo exercitui, sufficienti sustentaculo fructus ejus aliquando fuerint.

Duæ reperiuntur species sibi similes, externa figura, sed qualitatibus internis discrepantes. Vtriusque lignum, putredini mire resistit, unde ob summam simul duritatem, molendorum saccharorum axes ex illo fabricantur, cæterasque arbores multum antecellit.

IACAPUCAÍO ARBOR & FRVCTVS.




Cortices præterea contusi & rite præparati naupegis loco stupæ inserviunt.  
Alia adhuc datur iisdem locis *Iacapucaío arbor*, priori simillima, nisi quod calices  
magis deformes producat, earumque nuces dignitate inferiores habeantur: quippe ex  
immoderato illarum usu, quibusdam capillos defluxisse Incolæ testantur.

## C A P V T X V.

*Guitys diversæ species.*

**V**ARIÆ arbores excelsæ *Guitys*, ejusdem generis fructus flavescentes producunt, pauca carne, magnoque lapide ovalis figuræ intus refertos; quorum fructuum ad minimum mihi tres vidisse species contigit, *Guti-coroya*, *Guti-toroba*, & *Guti-miri*, dictos; qui omnes, vel medicinales, vel esculenti, sed à paucioribus expetiti, excepto primo, eoque prægrandi, & à magnatibus in deliciis habito.

## G V I T I - I B A I.



Prima arbor *Guti-iba*, cuius fructus *Guti-coroya* dicitur. Cortex arboris est griseus, altitudine, soliditate & duratione ipsam *Quercum* superans, lignumque à fabris in pretio habitum. Rami folia habent alternatim posita, oblonga, linguæ fere figura, ad tactum instar corii Hispanici, nervo recto & conis obliquis distincta, hinc inde molli lanugini obducta. flores in longum quasi spicam longesti, inodori, parvi, flavi, quos pictor non expressit. diu floret & tarde fructificat. subinde alterum latus arboris uno anno, alterum secundo, fructus profert maturos, tertio quiescit, quarto demum tota fructifera. Fructus pomum vulgare magnitudine excedit, informis rotunditatis & tuberosus. Color cutis est instar panis atri; pulpa mollis, flava, grati ac dulcis saporis & odoris, panem recentem æmulans. Lapis (quem hic ex fructu exertum vides) magnitudine & figura est ovi anserini, cortice lignoso, hirsuto, continens nucleum albicantem, non edulem, sed medicinalem, consistentia nucis *Coccos* astringentis. drachma ejus plus

plus minus rasa optimo cum successu ex liquore datur convenienti contra dysenteriam. Idem præstat nuclei infusum duplice quantitate exhibitum ad sistendos quosvis sanguinis fluxus.

Secunda quantum præcedenti altitudine cedit, tantum Elegantia eam superat *Guyti-toroba* dicta. Folia enim fert in frondes congesta, saturate viridia, splendentia & crassa instar pergameni, ad tactum lævia, cæterum figura nucis Iuglandis foliis non dissimilia. Inter copiosa folia ad frondium extremitates in ipsis ramulis egregie copiosi flores proveniunt flavi, odore & magnitudine florum Tiliæ. Diu floret tardeque fructificat idque mensibus æstivis. Caudex dissectus lac acre exsudat inutile. Fructus Aurantiæ quidem est magnitudine, sed non figura, quia inæqualis est superficie & formæ superius turbinatæ, dulcis saporis sed odoris fortis & nauseabundi. Maturefactus è purpureo flavescit, sponteque decidens edulis fit, alias enim noxius ob lacteum succum acrem. Lapis contentus Iuglandis est magnitudine, sed figura compressiori, altera parte grisei, altera umbræ coloris splendentis; huic nucleus inclusus est iisdem usibus dicatus ut supra.

Tertia *Guyti-iba*, cuius fructus *Guyti-miri* dicitur. Præcedentibus *Guyts* minor & tenuior. Foliis est oblongis splendentibus, inferius alba lanugine obductis. cuilibet fere foliorum pediculo uvulæ, parvis globulis vestitæ adnascuntur, unde flosculi albi prodeunt cum multis staminulis erectis sicut ex hac iconе separatis posita liquet. Mensibus Martio & Aprili fructus magnitudinis & figuræ ovi gallinacei, flavescentis coloris, profert. Caro fructus pauca, mollis, dulcis saporis, quasi muscus admixtus. Lapis ovalis villosus, magnum quoque ut cæteri *Guyts* nucleus siccum amicanter astringentem continet, qui supra enarratis minus usualis est.

II.



III.



## C A P V T X V I.

*Ianipába, Acajá, Tapiá & Pekia.*

**V**Na ex procerioribus Brasiliæ arboribus est *Ianipába*: quæ figura convenit cum Fago. corticem habet gryseum seu canum; lignum fragile & medullosum. Ramis foliis vestiti oblongis, linguæ bubulæ figura, sed in utraque parte fastigiatis septem, octo vel novem juxta se dispositis, unum aut sesquipedem longis, superius splendentibus ac dilute virentibus, inferius saturate viridibus, quæ singulis annis, mensæ imprimis decembri Decidunt, non omnia quidem simul, sed pars illorum, diverso tempore. Mox nova prioribus multo lætiora & majora acquirit, idque singulis mensibus.

Florem gignit exiguum, mense Martio & Aprili, cæterum Narciso haud multum dissimilem, qui odorem Caryophylli Carthusianorum æmulatur; coloris albi, cum unguibus interius flavis: in medio floris stamen crassiusculum flavum habens, ac insuper inter duo folia floris corniculum pallidum è medio floris prodiens, deorsum incurvatum.

Fructus illius, magnitudinem habet mali Auraici, vel majorem, rotundus, cortice tenui, lento, cinereo, sub quo primum continet carnem solidam, lentam, succulentam, flavescentem, saporis acidi, & refrigerantis, odoris grati. In medio autem fructus cist cavitas repleta seminibus molliori pulpa circumdati, ejusdem cum re-

## I A N I P A' B A.



liqua carne saporis. Seminis grana sunt compressa, & suborbicularia, fere ut *Mangába*, quæ una comeduntur. Immatura poma viridia sunt, mox matura, mespilorum instar,

instar, putrescunt atque esui apta fiunt, unde à plebe nostrate appellantur *Hot-ap-pels* / & toto anno proveniunt. Cruda, non cocta appetuntur. Saccharata & condita lautiora sunt. Contra fluxum ventris feliciter exhibentur. Ardores palati & stomachi compescunt, sanisque & ægris solatio sunt, nisi quod fortioris sint odoris caput insufficientis. Immatura poma trita & in cataplasmati formam redacta, ulceribus malignis & clavis luis venereæ imponuntur.

Vinum, quod ex illis exprimitur, in eosdem usus reservatur, sed vetus redditum calidius existit, minusque adstringens.

Ex pomo nondum maturo vi ignis liquorem extrahunt Indigenæ, quo adversus eadem mala utuntur.

Ex pomi cortice immaturo pigmenti quoddam genus eliciunt, quod recens aqueum est, mox nigrescit, quo corpus pingunt, ut vestitum nigrum eminus, fœdo equidem spectaculo, mentiantur, & ut ad bellum ituri terribiliores hostibus evadant. Nullum alium usum hic succus habet, ad nequitias dumtaxat excogitatus. Tinctura enim illius corpori vel chartæ illita, circa nonum diem evanescit; nulla alia ratione ablui potest. Lignum seu ramus decerptus eodem modo tingit. Fr. Ximenes eandem arborem in nova Hispania crescere, eisdemque usibus dicatam testatur, quam *Xabuali* vocant.

#### A C A I A.



**V**Etustiorem & frondosiem arborem in Brasilia me vidisse vix memini. Cortice est crassio, rugoso & è cinereo albicante, instar Sambuci. Altitudine proceram & patulam Tiliam superat.

Folia illius sunt lævia, directe sibi invicem opposita, ad quatior interdum digitos longa, splendentia, nervo lato secundum longitudinem & venis transversis, & juglandis foliis haud absimilia, verum acutiora; quæ media æstate deponit, novisque ante hyemem decoratur, ut redintegrato quasi robore fructum melius proferat. Flosculos habet copiosos, in magnos racemos congestos, ex albo subflavescentes: post flores proveniunt pruna flava, nostratum magnitudine & figura; paucæ quidem, sed succulentæ carnis: lapidem continentia magnum ex filamentis lignosis, nec durum, sed dentibus cedentem; qui nucleus continet in se, ex albo flavescentem. Fructus hic grati est acoris, ac proinde inter tragemata locum sibi vendicat, & tunica tenaci vestitur. Fœcundissima est arbor, toto fere anno fructificat. Fructus maturi statim decidunt, terramque omnem tegunt, & suavissimum odorem spirant.

Inter refrigerantes & astringentes habitu usque adeo, ut immaturi dentibus inferant stuporem, qui ex manducazione durioris alicujus ligni tollitur. Nauseabundis & æstuantibus prosunt, & contra sanguinis alvi fluxus in pretio habitu. Vinum ex iis conficitur, quod vetus inebriat. Gemmæ & summitates hujus arboris sanis & ægris in acetariis exhibentur. ex quibus contusis emanat spuma fortis & tenuium partium, quæ oculis indita inflammationes arcet, visum clarificat, nævos & nubeculas oculorum tollit. dolor quem primo infert, facile evanescit.

Folia, succi, oculi & cortex externis juxta & internis affectibus medentur, quæ omnia in gargarismum, contra gutturis inflammationem & similia mala præparantur; vel in lavacro, contra multos externos pedum & corporis calidos affectus adhibentur.

Folia, imo & lignum, saporis sunt egregie acidi & astringentis, ac ad appetitum pro-

## G V L I E L M I P I S O N I S

140

stratum revocandum & sitim levandam utiliter usurpantur. Fiunt & intinctus ad carnes assas ex junioribus foliis tritis gratissimi saporis. Lignum rufum & leve ut suber, cuius loco usurpari potest.

Peculiare habet hæc *Acaia* arbor, quod volucræ picæ magnitudinis, nigris & aureis plumis eleganter vestitæ, in extremitatibus ramorum affabre & concinne pendulos suos nidos construant, ut insidias serpentum aliorumque noxiorum insectorum declinent.

### T A P I A.




In Vrbe Olinda, totaque fere præfectura Parnambucensi *Tapiá* arbor nascitur. in Fagi altitudinem assurgit, ligno fragili, medulla sambucina, cortice lœvi, cinereo. multos habet ramos; & folia in singulis pediculis tria. sibi invicem apposita, lœvia, splendentia, superne saturatiore, inferne dilutiore virore conspicua.

In extremitatibus ramorum plures pediculi, cerasini quasi, collecti, in quorum quolibet flos nascitur, quatuor foliis constans albis & digitum longis. Quodlibet habet suum petiolum, figura ferri venabuli, & nervum secundum longitudinem, ac venuulas obliquas virescentes, & cum his alternatim posita quatuor foliola brevia virescentia; inter omnia hæc enascuntur staminula multa subrufa. Fructus fert nunc copulatos, nunc solitarios, figura, magnitudine, cortice, & colore Aurantiis similes, edules quidem & dulces, sed nauseabundi odoris, lapillis duris oblongis flavis, nucleumque continentibus referti.

Folia contusa excellentissimo sunt remedio contra malum hic perfamiliare Ani inflammationem, si exterius applicentur, tædarumque instar anoi indantur: omnes denique fervores refrigerio suo restinguunt, doloresque mitigant. Præter hæc auribus indita restituunt dolores capitum ex calore natos.

Dux

Duæ hujus vastæ arboris reperiuntur species. Prioris lignum judicatur durissimum, omniumque in his locis nascentium gravissimum, quam Lusitani *Setim* appellant, sed à me nondum visam. Arbor infructifera habetur. lignum putredinis quasi expers omni corruptioni resistit ac proinde navibus struendis dicatum. Altera, quæ mihi innotuit, folio est glabro, magno, uno nervo recto, & rario-ribus venis obliquis praedito. Fructum fert Aurantio Malo majorem, cortice crasso, duro, fulvo, cinereisque maculis variegato, quo melleus quidam liquor continetur, dulcedine sua certans cum Saccharo, cui nuclei multi sunt permixti, qui, exsiccato liquore pomi, strepitum edunt ut capita papaverum. Ab omnibus passim Barbaris peregrinantis fructus ob dulcedinem gratam expetitus est: Europæis tantum pro pectoris morbis in usu habitus.



## C A P V T X V I I.

*Araticū diversæ species.*

**A** *Raticū* arbores Indigenæ variæ hic conspicuntur: quarum duæ, quæ *Araticū-ponhe* & *Araticū-apé* à Brasiliensibus dicuntur, parum differunt. *Araticū-ponhe* enim est arbor caudice, ramorum figura, corticis colore, Aurantiæ Malo similis, sed folia, flores, & fructus differunt. Folia crassa & solida, oblonga, alternatim sibi invicem opposita, superius saturate virentia, splendentia, inferius dilute viridia, crassa, & ad tactum solida, in extremitate acuminata. Hinc inde flos provenit magnus, primo suavis, mox nauseabundi odoris: totus flavus, compositus exterius ex tribus foliis cordiformibus, instar corticis Mali Aurantii, crassis, erecte stantibus. Hæc in se continent alia tria folia minora, ita inter se composita, ut integrum globum, interius cavum, magnitudine Nucis juglandis repræsentent, & in eo stamen rotundum luteum cum apice suo orbiculari. Floret mensibus Septembri, Octobri, & Novembri. Flores multi singulis diebus se aperiunt, & mox sponte decidentes, ob gravitatem, strepitum inter cadendum edunt, quasi aliquis baculo feriret arborem. Florem sequitur fructus; qui maturatur præsertim Decembri & Ianuario, estque figuræ turbinatæ; cutis ejus quasi squamis ex albo viridibus videtur composita, cum tuberculis exiguis fuscis, ita ut nucem

## G V L I E L M I P I S O N I S

142

Nucem pineam dices. Pulpa est flava quasi ex filamentis pyramidalibus composita, & nucleis variis intermixta. Odore mastam panis fermentatam refert, sapore ex dulci subacido & acri. Ex arbore pendens sponte mollescit, mox decidit & fit edulis. Eo loco, ubi pediculo infedit fructus, durioris carnis corpus, in se continet, quod seorsim extractum comeditur & pro delicis offertur. Semina fructus suntovalis figuræ, compressa, splendentia, magnitudine fabæ, quodlibet pellicula alba obductum; intus est nucleus albus, durus, sapore ex dulci amarescente.

Folia ejus igni admota & cum oleo apostemati imposita, maturare faciunt, aperiunt, & optime sanant.

*Araticu-apé* fere per omnia est similis *Araticu-ponhe*: utraque enim poma ex acido dulcia profert, esculenta, sed silvestria & frigida, ac propterea quibusdam non expetita, figura & magnitudine Nucis pineæ. Substantia & carne intus molliori & flavescente, secundibus ex fulvo nigricantibus turgida.

### A R A T I C U - P O N H E .



*Araticu paná*, in arborem excrescit haud grandem, ramis *Araticu-ponhe* similibus, sed foliis minoribus, figura ut folia nostratis Pyri. Flos ejusdem figuræ & totidem foliis constans, quot *Araticu-ponhe*; sed minor est, & intus lutei, extus vero sanguinei coloris. Fructus figura & consistentia similis priori, sed minor: cortex & pulpa aurei sunt coloris, odoris ut caseus putridus, & multos nucleos habentes ex flavo albicans. Radices agit hæc arbor amplas, crassissimas, longas, ligno levi instar Suberis, ex quibus clypei formantur, leves enim sunt, nec sagittæ aut gladiorum ictus penetrare possunt. Icon ejus exhibetur in libro de venenis.

Notatu autem dignum, ejus radicem in paludibus crescentem, profunde in terram descendere; (quod tamen in aliis Brasiliæ arboribus haud facile conspicias) unde credibile,

dibile, noxiam ejus frigidamque qualitatem, qua fructum nocere constat, ex infesto terræ frigore acquirere.


*Araticú do mato* excrescit ut *Araticú Paná*. Fert fructus congestos, oblongos, Cæpæ junioris oblongæ figura, virides, qui interius singuli duo habent splendentia semina, Amygdalæ figura & magnitudine.

## C A P V T X V I I I.

*Caaróba, Pindaíba, Anhuiba sive Sassafras, & Ibiraé sive Guaiacum.*

**C***Aaróba* silvestris arbor, terris potissimum glebosis in Præfectura Pernambucensi delectatur. Si minus felici solo crescat, parvæ arbusculæ vix æquatur. Florem fert è cœruleo purpurascens, idque mense Iunio: Semen autem nigli-

## C A A R O ' B A.



cans, quod maturescit mense Septembri: Fructum rarum, sed inutilem, phaseolo maximo similem, qui maturus factus aperitur, manetque vacuus.

Ejus folia oblonga sunt, linguæ figura, dilute viridia, nervo secundum longitudinem & costis obliquis eminentibus prædita. Gustu sunt amara; siccata & contusa fomentis ac balneis peridonea. Quæ ex illis conficiuntur remedia, etiam interne assumta, exsiccandi, mundificandi & sanandi vi pollent: quod feliciter in plurimis chronicis & articulibus morbis, imprimis autem in Lue Venerea curanda, sum expertus. Eadem trita atque in emplastrum præparata, ulceribusque applicata, mirifice profundit, morbumque radicitus sæpe expugnat. Præsertim, si repurgato primum corpore, eorum decoctum

## G V L I E L M I P I S O N I S

Etum per aliquot dies bibatur, & sudores provocentur. E floribus quoque componunt conservam ad eundem usum.

## P I N D A I' B A.



**S**equitur silvestris hæc arbor *Pindaiba*, à nonnullis indigenis *Ibira* quoque dicta, ob convenientiam quam habet cum sequentis veræ *Ibira* qualitatibus fructuum & corticis ligni. Iuxta Olindæ promontorium speciose ut plurimum nascitur, & ob acrimonię fructus, cæterasque qualitates, *Piperis Brasiliensis* æmula. Folia fert exigua & acuminata, & Olivæ foliis simillima: lignum ejus tenue. Procera est admodum arbor, & in summam altitudinem recta assurgit.


Mensibus pluviis acini illius virent, sed maturescentes mensibus Decembri & Ianuario rubent, atque decidunt: qui si fuerint desiccati, nigrescant, uruntque linguam, & aromaticum quid sapiunt, ablato semine nigro oblongo, quod in illis continetur, quod Juniperum redolet.

A jejunis manducati stomachum debilem corroborant, & discutiunt flatus. Tum contusi & applicati morsibus serpentum medentur. Ex eisdem fructibus in pulverem redactis & exsiccatis gargarismata conficiunt contra frigidos gutturis affectus.

Excoquuntur ut reserventur in officinis. Culinis quoque vicem *Piperis* præstant.

Ex Arboris denique corticibus, funes igniarii, quo milites ignem fovent, conficiuntur.

Altera hæc species vera *Ibira* est. Arbor, Betulæ figura crescens, cortice tenui fusco & punctulis albis notato. In ramis ramulos alternatim positos habet, & folia angusta, acuminata, figura foliorum Salicis, superne saturate viridia, glabra, splendentia, inferne cinerea



cinerea & quasi lanugine tecta: quæ deorsum se inclinant. Flores fert mense Februario albos odoratos, ad singula paria foliorum binos. Fructus est ovalis, & magnitudine avellanæ: saporis aromatici ac acris, qui loco Piperis in cibis usurpatur siccatus & in pulverem redactus. Habet enim insignem vim aromaticam, nec ita acris est ut Capsicum.

Cortex arboris primo albus est, quo detraæto statim rufescit. Loco funium usurpatur, est enim lentissimus. Ex eodem etiam fiunt funiculi igniarii pro sclopetis.


**I**N vastissimis & dissitis saltibus duæ vel tres insignium & fragrantium arborum species reperiuntur, quæ *Anhuiba* ab Indigenis dicuntur. Quarum quædam albicans & flavescente sunt ligno, ac proinde Lusitanis *cedro-branco* vel *Canela* ob odorem dictæ: Brasilienses *Anhuypitanga* vocant. Foliis sunt parvis, angustis & tenuibus. Quædam *Anhuiba-peyba* dictæ, quarum lignum merito ab Hispanis *Pao funcho* nominatur, quod insigni fœniculi fragrantia totam domum repleat, tam ipsum lignum quam cortex & radix. Proinde Monardis descriptioni circa lignum *Sassafras* non acquiescendum, licet accurate usum & abusum ejus descripsiterit: nam cum de delectu & præstantia partium arboris agit, *Sassafras* Floridæ decorticatum lignum vix dignitatis ullius esse affirmat, cum hoc Brasiliense eximiæ virtutis & dignitatis habeatur, atque à cortice liberatum in aliquot annos immune servetur.

Ad hæc fortioris odoris est & efficaciæ, atque ad secundum caloris & siccitatis gradum accedit.


Illa autem quæ inter majores species *Anhuiba* sive *Sassafras* recensentur, Pini sunt magnitudinis & formæ. Nam præterquam quod sunt trunco unico, valido & recto; ramos in cacumine habent coronæ instar ornate expansos, & instar *Pinus repurgatae*, quemadmodum ex apposita Icone liquet. Cortice sunt tenui, glabro, ex gilvo nigricante, veluti

## G V L I E L M I P I S O N I S

AVHVI'BA sive SASSAFRAS.



lunt. languidos denique à morbis chronicis resuscitatos, hydropicos quoque ab aquis  
IBIRAE' E sive G V A I A C V M.



luti odore, ita & sapore admodum aromati-  
co, ad fœniculaceum accedente. Folia quo-  
que sunt odorata, fculnea, tenuia, obſcure  
viridia, laciniata & foliis vitis albæ similia:  
floribus fructibusque adhuc incognitis. Ra-  
dicibus denique sunt nunc crassis, nunc tenui-  
bus, ad terræ superficiem expansis. quarum  
cortices, arborum corticibus ut odoratiores;  
ita & in Medicina prætantiores, ultraque  
secundum gradum calidi & siccii habentur.  
Licet autem Corticis & Ligni usus tantum in  
Medicina celebretur; Indigenæ tamen re-  
centibus foliis vulnera restituunt.

Tertia autem species *Aubuiba-miri*, quan-  
tum duabus prioribus magnitudine inferior,  
tantum virtutibus superior, omnibus pariter  
incolis in quotidianos usus reposita. Folio est  
Lauri, seu minori, fructu odorifero & nigro,  
ubi maturuerit; eoque simul cum foliis, ligno,  
cortice & radice intense calidis. Hujus Ico-  
nem nondum licuit nancisci, quia in hoc di-  
strictu vix occurrit.

Decocta ex his non tantum contra luem  
venereum, sed & alios plurimos morbos à  
frigore natos adhibentur. Sudores & urinas  
movent, tum viscerum obſtructions atque  
uteri imprimis intemperiem frigidam tol-  
liberatos, à recidivæ metu li-  
berant.

Cæterum multum discrepant  
in decoctione & præparatione  
& utendi modo; sed cum otii mi-  
hi non sit eas lites componere, id  
totum judicio Medici relinquō.

**A**ntiqua nemora hanc va-  
stam & proceram arborem  
producunt. Indigenæ *Ibirae'*, id  
est, Lignum dulce, non autem  
*Hisorace*, (nisi forte nomina va-  
rientur diversis locis) ut Lerius &  
Thevetus, appellant. Folia ha-  
bet inordinate posita, lète viri-  
dia, similia foliis *Cerasi nostratis*  
acidæ, sed non serrata. Truncus  
cortice glabro, intus albicante,  
exterius rubescente spectatur.

Fructus fert flavescentes, Pru-  
nis similes, gratissimique sapo-  
ris, verum non quotannis, immo  
vix singulis quadrienniis. His  
continetur nucleus exiguis, sua-  
vis atque ægris gratus.

Ligno est prætantissimo &  
præduro, & putredini resistente,  
quod à Naupegis expetitur.

Arbo-

Arboris hujus virtutes auxiliatrices soli cortici inesse creduntur: qui externa parte argenteus; interna, subruber est: & recens avulsus, liquorem albicantem sibi agglutinatum habet, cuius color mox perditur, paulatimque decrescit, & cortice simul exsiccato, in naturam & dulcem illius substantiam abit. Durissimus existit, semidigitali crassitie: sapore aromatico Cinnamomum, dulcedine Glycyrrhizam æquans. Sunt qui *Guaiacis* seu *Ligni sancti* speciem esse contendunt, à quibus non dissentio.

Moderate calidus est & tenuium partium, quapropter pectoris & jecinoris affectibus optime convenit. Præcipuum enim incolarum refugium est in veteribus viscerum obstructionibus, ut jam diximus: tum quoque adversus Luem Venereum eximum remedium subministrat decoctum illius ex aqua fontana, palato quidem non ingratum, per aliquot dies reiteratum.


Pugillus denique, ventriculo adhuc jejuno, ex ovo forbili, juscule aut aliquo conveniente liquore assumentis, bronchia pulmonis aperit, & cessantem quoque urinam educt. Quapropter omnibus artis Medicæ indagatoribus suasor fuerim, ut corticem hunc in ulteriores usus reponant. Succus autem lacteus ex recenti cortice expressus, scabiei, & tinea capitis, præ cæteris medetur.

## C A P V T X I X.

*Amiba, & Andá.*

**A**rbor hæc in silvis raro reperitur, sed arvis quondam excultis delectatur, in quibus sponte nascitur, annuoque spatio elegantem nanciscitur altitudinem, & fere rectam ut plurimum, & sine ramis; quædam & ramos habent, sed in summitate tantum. Cortex exterior similis *Ficus*, (nonnulli eam inter *ficus silvestres* recensent) constans primo cortice tenui, cinereo, & sub eo, crasso, lento ac viridi: lignum ejus album instar *Betulae*, verum molle & quod facile potest scindi. Totus caudex est cavus, per interstitia semidigitata ubique distinctus transversali membrana, in cuius medio foramen rotundum, per quæ formicæ rubræ oberrant perpetuo. Ex ligno hujus arboris exsiccato ignem sine pyrite & chalybe eliciunt incolæ, foraminique ab illis excavato immittunt bacillum fastigiatum ex duro aliquo ligno, quod quasi terebrando circumagunt, donec apposita folia arborum exsiccata, vel gossypium, accendantur. Versus arboris summitatem folia circumposita ut in *Mamoeira*, quodlibet innitens suo pediculo satis crasso, exterius rufo, interius spongioso: ipsum folium latum, rotundum, in novem aut decem lacinias sectum, quarum centro infixus pediculus, à quo per singulas lacinias nervis rufis tendit per longitudinem, & venæ eminentes per obliquum: superiorius sunt saturate viridia, & inferius cinerea, hispida ut folia *Ficus*: in extremitate laciniarum, linea cinerea sunt firmata.

## AMBABA.



## G V L I E L M I P I S O N I S

briata. In summitate arboris existit theca oblonga foliacea, incana, qua se aperiente an-

qor folio augetur & sensim fit altior. Flores in brevi pediculo quatuor vel quinque ena-

cuntur, ut cylindriaca corpora farciminum instar copulata, intus quasi gossypio referta,

exterius autem acinis bruni coloris ut floris siliginis nostratis, quibus decidentibus aci-

ni illi fiunt edules.

Pinguis ex eorum summatibus expressus succus, recentibus non solum, sed &

inveteratis ulceribus feliciter medetur. Folium quoque tenerum & recens, aut le-

vior arboris hujus cortex, si apponantur, temperant & mundificant partem affe-

ctam. Succus è gemmis expressus, qui facultate re frigerandi atque astringendi pol-

let, pulsi de *Tipoeca* inditus, calidam ventris proluviam sistit. Menses denique nimium

fluentes, tum & virulentum genitalium profluviū compescit.

Tradunt Indigenarum & Lusitanorum peritissimi, hoc remedium puerperis, immo-

dico menstruorum profluvio laborantibus, insigniter prodesse, si in modum catapla-

smatis umbilico apponatur, cujus rei verissimæ testem me præbeo.

Nihil mirum itaque, si hæc arbor primis Brasiliæ incolis, ut & advenis, tantopere sit

prædicata. Digna medius fidius, cujus virtutes, etiam nunc latentes, posteri scrutentur

& in lucem protrahant.

Altera ejusdem generis, mediterraneis, *Ambaitinga* appellatur, & ramo est rubi-

cundo, & ligno minus cavo, foliis vero superius saturate, inferius dilute viridibus,

adeoque asperis, ut loco limæ quædam cum iis possint lœvigari. Liquorem continet

oleosum ejusdem cum succo *Ambaibæ* usus & efficaciæ. Fructus fert magnos, tenues,

palmæ longitudinis: maturescentes dulc escunt & edules fiunt.

Cæteras ejus facultates, & auxilia Medica, quia nondum satis explorata habeo, silentio


prætero. An vero sit *Abiegnâ*, de qua Clusius in Notis ad Monardem, ego valde dubito.

## A N D A'.



**N**on procul à litto-  
re insilvis, nunc me-  
diocri, nunc summa al-  
titudine, pro terræ tem-  
perie, exsurgit arbor *An-*  
*dá*: quæ ligno est lœvi, ra-  
ro & spongioso, multi-  
que usus. Florem fert  
magnum & concavum,  
aurei coloris. Folia nunc  
copulata, nunc inordi-  
nate & solitarie posita, in  
extremitate acuminata,  
nervo recto & venis ob-  
liquis conspicua. Fru-  
ctum seu nucem gignit  
cortice dupli, exterio-  
re cineritio, ligneo præ-  
duro & perforato puta-  
mine vestitam, quo duæ  
glandes continentur, je-  
cinori leporino non val-  
de dissimiles, & nuces ca-  
staneas sapore quodam-  
modo referentes, licet  
virtute & qualitate dif-  
ferentes. Vna siquidem  
atque altera cruda man-  
ducata, alvum dicit:  
quibusdam simul & vo-  
mitum excitat. Olim  
magnates, tum & sa-  
crorum

FRUCTVS ANDA'.




crorum in Brasilia antistites, purgans hoc & salutare remedium, cæteris omnibus præferebant. Validæ est operationis; quamobrem ægris morbo fractis haud tuto exhibetur, nisi opportune à manu Medici correctorium accipiat, inque Electuarii aut tabularum formas redigatur. Accipe duas vel tres castaneas contusas & cum saccharo despumato excoctas, addito anisi & cinnamomi momento, gratissimum non solum erit medicamentum, sed & tutissimum, infantibus, iisque omnibus qui à purgantibus solent abhorrire.

Lusitani & Indigenæ ex eadem nuce oleum exprimunt, quod lychnis affundunt, atque eo corpus inungunt. E cortice autem illius ustulato, incolæ optimum & familiare remedium contra ventris fluxum, iisque, quibus post assumptam nucem, alvus immoderatus ruit, subministrant. Contusus cortex flumina inficit, atque enecat pisces. Iconem nucis integræ & dissectæ, eleganter ad vivum expressam, ea mole qua erat, addidi. minoris est magnitudinis nucleus, quam Prunum vulgare, licet pictor respectu aliarum iconum eum pinxerit aliquanto majorem.

C A P V T     X X.

*Ibabirába, Araçá duæ, & Guaiába.*

**I**N confragosis nemoribus Brasiliæ, reperitur vasta arbor, quæ gentilitio vocabulo *Ibabirába*, corrupte à Lusitanis & Nostris *Guabirába* appellatur; ligno obliquo, multisque flexibus tortuoso, altissimo insuper atque durissimo; & contra putredinem optimo. In collibus vero & campis eadem *Ibabirába* ad longe minorem molem assurgit, vix Prunum adæquans: foliaque multo minora, fructusque fert minus agrestes. Adeo denique, ob diversitatem soli, discrepantes inter se, ut hæ à Medicis, illæ à fabris potius expetantur. *Ibabirába* itaque omnis est caudice contorto, cortice cinereo, foliis dilute virentibus, rugosis, multis crassiusculis costis præditis, directe sibi invicem oppositis: digitis trita spirant odorem Majoranæ æmulum. Inter hæc sparsim provenit pediculus, superius tripliciter velut in crucem divisus, ferens tres flores pentaphyllos,



albos, odore, figura & mole fere silvestris Rosæ; mense imprimis Ianuario integros campos fragrantia replens. Mense autem Maio succedit fructus rotundus, cerasi magnitudine pediculo insidens, exterius coloris brunni, cum umbilico quinquefolio rufescente: continet pulpam mollem, pallidam, cui aliquot nuclei coloris incarnati, obrotundi, compressi, molliusculi immixti, qui una comeduntur: sapor autem illius dulcis, aliquid resinosi admixtum habens. Et post frequentem usum imprimit tandem gutturi ardorem Piperi æmulum. Folia aut flores cum *Camará* utilissime adhibentur ad lotionem pedum, in dolore capitis. Mane antequam sol rorem exhauserit, flores colliguntur, & alembico induntur unde eximiæ virtutis liquor destillatur, qui refrigerans præsertim, & mundificans, oculorum inflammations optime temperat. Ex foliis quoque similis aqua fragrans destillatur, eisdemque fere usibus reservatur. Quantum pulvis hujus ligni, in carbonem redacti, oculis inflatus conferat, in morbis oculorum dictum est.

**H**Vjus arboris fructus à Brasilianis appellatur *Araça-miri*; Prunum Granatense merito vocant nostrates. Externa facie, fructu, frequentia, tempore, & loco natali, convenit cum Minori *Ibabiraba*; de qua Capite præcedenti egimus.

Frutex

## ARACAMIRI.



Frutex est, ligno, foliis & floribus ut *Guajába*, magnitudine vero differunt & fructu. Sed varius naturæ lusus, omnes dignitates, easque eximias, fructui & radici inservit, cum *Ibabiraba* inferiores sive in radice sive in fructu, sed potiores in floribus & foliis insitas virtutes dederit.

Locis gaudet apricis, raroque in silvis aut umbrosis nemoribus conspicitur. Flores habet albicantes pentaphyllos, cum multis staminulis longis.


Floret bis quotannis, bis quoque fert fructum, mense nimirum Martio & rursus Septembri. Pruna coronis (quæ à pictore hic neglectæ) mespilorum instar, eleganter ornata, innumerisque acinis turgentia, profert, quæ, ubi maturuerint, flavent, multaque habent in se dulcedinem, atque fraga quodammodo referunt saporem. Cruda potius quam cocta appetuntur, suavissimique odoris existunt & saporis. Oportet autem ut tempestive decerpantur; nam propter intensissimum Solis ardorem, non minor injuria fit, si paulo tardius, quam si citius avellatur.

Conditus qui ex hoc fructu fiunt, jucunde refrigerant, adstringunt & corroborant, locoque carnis cidoneorum, conservæ rosarum, aliorumque similium, exhibentur.

Cæterum ipse frutex virtute medicinali non destituitur. Ex foliis siquidem & oculis, utpote adstringentibus, optima balnea componuntur, tam contra internos quam externos corporis affectus, ut supra in capite de Ulceribus diximus. Præ cæteris autem hujus fruticis partibus, radix dictis qualitatibus excellit, & dysenteriæ medetur. Atque hoc peculiare habet, quod sit diuretica, partiumque subtilium

cum adstringendi facultate polleat. Proinde præter eximias quas præstat virtutes, liepis & renum affectibus conduceit.

## A R A Ç A &amp; G U A Ç U.



Alia ejusdem generis *Araçá* reperitur, sed non ita frequens, quæ tamen fructum facile præstantiorem procreat, & multo majorem. Quapropter ab Indigenis *Araçá-guaçú*, id est, *Araça* major, appellatur, quod in justam arborem excrescat: folioque est glabro, l<sup>a</sup>te viridi: figura & fragrante odore Laurum æmulatur. Fructum fert mali mediocris magnitudine, rotundum, superne umbilicum continentem: carnem habet albam, carni *Araça-miri*, odore, sapore & substantia similem, in medio multos lapides, pisis minoribus æquales, continentem, obrotundos, paulum compressos, ex albo subflavos & duros, ut nuclei cerasorum, intus continentes nucleus album. Adhaerent hi lapides carni per multa tenuissima filamenta. Eisdem dignitatibus medicis hæc gaudet, quibus *Araça miri*. Gargarismata quoque cum similibus alterstergendi & astringendi qualitate præditis herbis, contra gutturis & faucium inflammationes aliaque mala, quotidie instituuntur.

**M**agna affinitate inter se conjunctæ sunt *Guaiába* & *Araça-guaçú*; ejusdem quippe non solum altitudinis sunt, sed folia, flores, fructus qualitate & facie externa convenient. Meritoque hæc Pyra Granatensis, sicut *Araça* Pruna Granatensis, dicta sunt. Arbor in Mali figuram excrescit & in plurimos se diffundit ramos. Cortex illius lax-vis est, pallidus instar corticis Aceris. Fert folia bina, sibi opposita, ad tactum dura, splen-dentia

dentia; inferius autem venis obliquis & conspicuis protuberantia. Florem fert ex quinque foliis & multis staminulis constantem instar cristæ pavonis. his subsequitur fructus, magnitudine & figura pomi nostratis, non quidem adeo dissimilis, nisi quod oblongior & cortice magis rugoso sit. pulpa pallide sanguinei est coloris, lapidibus edulibus mespilorum instar referta. Fructus ipse pro diversitate temporis, triplicis saporis participat. Maturescens enim antequam mollescat ac flavescat austerus & astringens est, tuncque coctus stomacho prodest. Mox paulo maturior mediæ naturæ atque optimus evadit; melius tamen sanitati consulit, qui eum sive coctum sive saccharo conditum, quam qui crudum mensis infert: accedit quod odoris & saporis sit gratioris palatoque magis abblandientis. Vbi vero flavedine & mollitie integrum maturitatem acquisiverit, odoris & saporis est instar fructus Rubi Idæi, alvum movens, nec ita salubris paulo largius assutus, quia facile corrumpitur & vermes producit.

Radix arboris longissima est, extus rufi, intus albicantis coloris; substantiæ succulentæ ac subdulcis. Hæc cum cortice astringente in aqua cocta & pota, mirifice medetur dysenteriæ, quando indicatio est astringendi & roborandi. Folia sunt acida & astringentia, odorata, balneisque dicata. Digna profecto arbor, quæ Europæ importata, Magnatum & Principum hortos illustret. Montibus aut silvis densioribus non innascitur, sed planitiem & campos amat. Agrestis esse desiit, villicorum quippe industria viridariis illata, numerosas plantas concipit & procreat, ut nihil frequentius occurrat: fructuum enim grana ab avibus & pecoribus deglutita, & mox per alvum cum excrementis deposita, locis licet arenosis & tristioribus, altissime germinant maximeque luxuriant. Aliis Indiarum regionibus communis hæc arbor, ac proinde hic patriam Brasiliiani negant, sed tractu temporis inter illas habita est. Numeroso proventu, totis mensibus pluviis, maximo omnium Incolarum oblectamento existit. Meminere quoque hujus arboris Ximenes; Gomara, Oviedus, & Monardes, & alii.


## GVIAIA' BA.



*Pacoéira & Bananiera.*

**F**RUTICES lippis & tonsoribus noti, tamque familiares, ut nulli prorsus in Brasilia jam reperiantur horti, in quibus illi passim non spectentur. Indigenæ tamen hic non sunt, sed aliunde huc deportatae plantæ. Lusitani fructus *Pacóba*, Brasiliani *Pacobeté* nominant: Afris vero atque Asiaticis olim fuisse notos, Serapion & Avicenna

## P A C O E I ' R A &amp; B A N A N I E R A.



testantur, qui *Musas* appellantur. Earum itaque descriptionem, quam Matthioli, Clusius, & Dodonæus habent, libenter amplector, paucis tamen, in quibus hallucinati sunt, mutatis.

Duo autem sunt ejus genera, quæ ob maximam affinitatem quam habent, una (quod aiunt) fidelia dealbabimus. Pulcherrimæ sane plantæ, sive fructum sive folium, sive culturæ, nascendique peculiarem modum species. In quovis solo, licet tristi & fitiente, proveniunt. Quovis anni tempore incolæ earum fructu gaudent. *Pacoéira* vero exra-

ex radice propagatur. Vnde primo erumpunt tria quatuorve folia in fistulam convoluta, quæ plantæ caudicem spongiosum, crassum, efficiunt, in quo superius expanduntur decem vel plura folia eleganter viridia, ad tactum lævia, instarque chartæ membranaceæ crepitant, à vento agitata dilacerantur transversim secundum ductum striatum, & strepitum excitant commota. Nervus digitum crassus secundum foliorum longitudinem excurrit, qui in superiori superficie tanquam canalis excavatur, & transversim lineæ subtile à nervo ad latera extenduntur. Ex summitate caudicis hujus spongiosi ramus prodit primo tener, continens in extremitate sua corpus turbinatæ figuræ, magnitudine strobili majoris, constans è foliis latis, brunni coloris, obscuris, quibus quasi pulvis aspersus cinereus.

Subter foliis his expansis apparent septem aut octo flores, ordine juxta se positi, ex albo flavescentes, suavis odoris. Ex scapo florum prominent quinque foliola angusta, figuram habentia illius instrumenti quo nautæ utuntur in humectandis velis: In scapha hac sub tegmine manna seu latus humor continetur frigidus, saporis mellei, consistentia & colore similis albumini ovi recentis; quo nectare formicæ admodum deletantur: in hoc humore ortum sumunt quinque illa foliola cum stamine. Flores hos sequuntur fructus ordine & arcte juxta se positi. Continentur plerumque in uno ramo, quatuordecim aut sedecim numero, ut ita una planta proferat septuaginta aut octuaginta, qui subinde virides avulsi, nunc in ædibus, nunc in navibus suspenduntur, donec justam maturitatem & flavedinem consequantur. Fructus autem maturefactus magnitudinis est cucumeris nostratis, oblongus & trilaterus quasi, corio crassiori tectus, quod facillime in tres partes digitis se dividi & detrahi finit. Pulpa, mollis instar butyri, medullam quasi cucumeris per medium secundum longitudinem habet: boni est saporis & frequentissime comeditur vel solus vel cum farina *Mandioæ*, vel coctus & frixus in oleo aut butyro. Ramus autem ille fructibus onustus interea dum illi maturescunt, augetur, floresque semper protrudit ex corpore illo foliaceo, sed qui decidunt sine spe fructus. Maturis porro fructibus ramus cum illis absinditur, ut & tota planta: nam una planta unum tantum vivit annum, & semel tantum fructificat. Antequam senescit, filius unus aut alter ex radice natus est & adstat parenti, morientique succedit, & sic in infinitum propagatio hujus plantæ succedit. *Banâna*, planta quæ Brasilensibus *Pacobuçú* dicta, tota est ut *Pacoëira*; at turbinatum illud, floriferum & odoriferum corpus paulo minus est, & flores parum differunt: estque floris scapus, non instar scaphæ, sed rectus, attamen cavus, fructus etiam haud multum differunt à *Pacoëira*, sed minus crassi, verum longiores & incurvati. Substantia quoque sicciores & meliores ad coquendum. Vtraque tam *Pacôba*, quam *Banâna*, inter horarios fructus, & ut nonnullis placet, inter Ficus recensentur. Vtraque fatus excitat, modice refrigerat & Venerem sopitam adjuvat. Pauci sunt alimenti, pectorisque potius quam stomachi oblectamento. Tostæ biliosis prosunt, pituitosis non item. Nondum maturæ si assentur, adversus alvi profluvia auxiliantur. Ad solem ignemque exsiccatæ diu servantur, & Europæ importatæ, distrahuntur. Eadem in taleolas dissectæ, cum ovis & saccharo frixa, vel in placentas ad artocreas modum coactæ, gratissimi sunt saporis, optimique alimenti.


Aqua, quæ ex earum truncis, perpetuo humore turgentibus, elicitor, cum frigidissima sit, in magno ab Incolis pretio habetur contra calidos, internos & externos corporis affectus.

In *Maranhão*, ubi maximopere luxuriant, vinum inde exprimitur, non diu durabile, quod tamen ineibriandi facultate pollet.

### C A P V T    X X I I .

#### *Mangáiba*, *Iutay* sive *Tamarindi*, & *Tapiracoanana*.

**E**ximum hujus arboris pomum, quod *Mangáiba* vocatur, nec ignorandum, nec prætereundum arbitror, tametsi ad mensarum potius delicias, quam ad Medicum nostrum institutum facere videatur. Tanta enim suavitate gulæ lenocinatur, tanta saporis est præstantia, ut haud sciam, an venustiorem aut gratiorem fructum America producat.



Arbor pulchra, crispa & fœcundissima, supra altitudinem Pruni Europææ non attollitur, quam fructu, præcipue vero ligno & foliis æmulatur. In quibusdam Bahiæ & Paranambuci locis in integrâ nemora hasce luxuriare videoas. Seri, non plantari amat in terra sicca, ubi nulla copia luxuriantium herbarum. Folia fert parva, solida, egrebie videntia, bina semper sibi invicem opposita, quæ in medio, secundum longitudinem nervi, non tam venulas quam lineas habent subtilissimas parallele dispositas. Exspirante hyeme, mense nimirum Augusto, florere incipit, ultraque novem menses posmis seu prunis oneratur & ornatur. Florem producit exiguum, album & summe odoratum, stellulæ figura Iasmini modo dispositum. Fructum rotundulum, esculentum, qua Soli exponitur aureum, rubrisque maculis distinctum, Abricotum dices. Tenuissima cuticula tegitur, intusque lapillos quinque vel sex continet; turget lacte, unde vel leviter pressius niveum palatoque gratissimum fundit liquorem; & licet sequax ac ductilis illius pulpa videatur, tamen manducando nihil tale deprehenditur, orique inserta, statim liqueficit. In arbore numquam maturescit, sed decidens in terram illico maturitatem consequitur. Cujus rei ignari adventitii, & externa pomi pulchritudine illecti, ubi primis labris degustarunt, statim ut austерum & amarissimum abjiciunt; quid, quod ne pecora quidem immaturum curant. Probe maturum facilis est digestio-  
nis, ardores viscerum domat & febricitantibus auxiliatur, ut in me ipso aliisque mul-  
tis sum expertus. Porro haud facile hæc poma noxam, etiam abunde jejuno stomacho  
mandu-

manducata, inferunt: nisi quod frigida & humida fugaciaque alvum dejiciant, flatusque excitent, quod solertia muliercularum nostratum, aromatibus corrigi solet. Lusitani integros fructus conditos apponunt, nullisque tunc epulis cedunt.

## IVTAY' sive TAMARINDVS.



**I**nter eas arbores quæ aliunde huc olim translatæ, ac proinde rarius conspicuntur, est hæc quæ Lusitanis *Tamara azœcla*, Barbaris *Iutay'*, vulgo *Tamarindus* dicitur, inter Palmulas dactyliferas habita veteribus.

In *Quercus* proceritatem excrescit, caudice exterius griseo, ligno albo, lento. Rami foliolis parvis, angustis binis ubique sibi arcte oppositis inferne dilute, superne saturate viridibus vesciuntur. Quæ manducata æstuantibus gratam suppeditant aciditatem. Flores albi Aurantii mali flori similes. Fructus in quolibet pediculo solitarie proveniunt, figura variantes, sed utcunque compressi instar siliquæ fabæ majoris. Cortice cooperiuntur fragili coloris mespilorum, tenui. intus pulpa nigricante, filamentosa, gratissimæ aciditatis referti in qua tres quatuorve lapides splendentes, compressi fabæ vulgaris magnitudinis immersi sunt. Nucleus terræ commissus annuo spatio alte excrescit. Utinam æque frequens hic esset sicut in Asia & Africa. Quod refrigerando & æstringendo humoribus biliosis frenum imponat, à Græcis merito *Oxyphœnica* dicta.



Quantum hæc Americana differat vel conveniat cum Asiatica ex hac Icone cum Bontii collata, facile apparebit.

**C**Asia arbor cujus fructus *Canna fistola* Lusitanis & aliis. Arbor alta & magna, atque in plurimos ramos late expansa colore exterius ex cinereo albicante. Folia fert ordine sibi opposita, paulatimque surrectim stantia, figura cylindracea, brevissimo

O pedicu-

## G V L I E L M I P I S O N I S

T A P Y R A C O A Y N A ' N A & F R V C T V S,  
C A S S I A F I S T V L A D I C T V S.



pediculo innitentia instar Foliorum Senæ, dilute viridia; subtiliter hirsuta, ad tactum  
 mollia, rubescente nervo secundum longitudinem, & venulis secundum latitudinem  
 ordine positis prædicta. Flores fert spicatum congestos sine ramulis, qui coloris incar-  
 nati elegantissimi, longe adventanti conspicuntur. hisce floribus succedunt siliquæ vi-  
 ride, mox nigricantes deorsum propendentes paulo incurvatæ ubi maturuerint. Cor-  
 tice sunt durissimo lignoso, qui ut frangantur, malleolo concuti debent. Intus hæ si-  
 liquæ transversim cellulas habent, nucleis amygdalæ figura & colore, sed splendentia-  
 bus lœvibus & duris, qui immersi sunt pulpæ glutinosæ nigricanti instar Cassiæ so-  
 lutivæ, sed ingrati & amari saporis, quæ primo ante maturitatem cum astrictione  
 conjuncta est. Vbi vero gradum ulteriorem maturitatis acquisiverit, laxat alvum.  
 Summitates foliorum vulneribus & pustulis male moratis applicata medentur.


C A-

## C A P V T   X X I I I.


*Pinoguaçú mas & fœmina, & Laracatiá.*

**V**Traque *Pinoguaçú*, *Mamoeira* Lusitanis dicitur, vulgo *Papay'*, cuius Fructum *Mamaon* vocant à figura, quia Mammæ instar pendet in arbore: Mas ubique in silvis obvia, raro autem fœmina, quæ in Hortis exculta luxuriat. Mas in vulgaris arboris fructiferæ altitudinem exsurgit, cortice cinereo & lævi. Foliis ubique

PINOGVACU' MAS



&amp; FŒMINA.



erumpentibus circa caudicem quæ à terra ad medietatem altitudinis statim abscinduntur in junioribus, reliqua medietas usque ad summum foliis vestita relinquitur. Quodlibet folium in sex septemve lacinias dissectum cum totidem incisuris insidet suo pediculo rotundo, cavo rufescenti. In ramulis ex pediculis majoribus oriundi multi flores longi inodori pallide flavi, quinque foliis incurvatis constantes, nascuntur. Quibus fructus raro succedunt, nisi arbore transplantata quæ trium ad minimum sit annorum. Falsum porro mares non ferre fructum, uti & fœminam non ferre fructum nisi mas adstet; contrarium enim multiplex experientia docuit: fructus vero maris quando nascitur pediculo illo longo pendulus est deorsum versus, figura similis fructui fœminæ, sed oblongior & minor & exterius striatus quasi Pepo, nimirum quinque striis secundum longitudinem, & quinque minus profundis alternatim positis. Interius carnem & semina

## G V L I E L M I P I S O N I S


160

habet ut fœmina, sed non ita flavam aut bonam. Immaturi fructus copiose lacteum succum fundunt. Lignum arboris fragile & molle, quod in lusus & usus varios excavatur turgetque eodem lacteo succo, ingrati & acerbi saporis, quo contra cutanea via ex fervore nata utuntur barbari.

*Pinoguaçú* fœmina similis mari caudice & foliis, sed ut plurimum majoribus; neque pediculi foliorum sunt rufi, sed virides. maxima pars caret ramis, atque ita speciosior apparet. Toto anno Fructus & Flores fert non in pediculis longis, sed ad ipsum caudicem, ubi pediculi foliorum inseruntur. Flos est magnitudine floris Gladioli, constans quinque foliis flavis, odoris Lilii convallium è cuius medio nascuntur fructus, qui caudici adnati sunt minoris Melonis figuræ & magnitudinis, adeoque luxuriant ut ob abundantiam vilescant. Immaturus est viridis & incisus exfudat lac: in arena sub dio absconditus maturescit statim & maturus ex viridi flavescit, carne lutea instar Melonum, sed sapore ignobiliori. In medio pulpæ copiosissima habet grana, ovalis figuræ, magnitudine Coriandri, in superficie rugosa, fusca, nucleo intus albo: saporis sunt hæc splendenti; quæ detrahenda est, si quis semina velit servare. Fructus crudi edules quidem, sed longe præstant vel cum carnibus cocti, vel placentæ ex iis factæ. Ex quolibet semine annuo spatio habetur arbor fructifera, sed non duratura ultra quadriennium. Signum prognosticon mortis est, quod cacumen ejus sponte corrumpatur; illam enim corruptionem sequitur totalis interitus.

Fructus licet rite præparatus boni quidem saporis, sed non satis probi nutrimenti, si plusculum comedatur laxat alvum leniter: succus vero ex eo expressus mitigat dolores ventris ex calore natos. Idem præstat conserva exinde præparata. Fr. Ximenes quoque celebrat hanc arborem in nova Hispania.

### I A R A C A T I A.



decidit & comeditur crudus assatus atque coctus. Facilis est digestionis, nec nocet licet

*I Aracatiá* Brasiliensibus, Arbor est alta recta, caudice inferius crasso, qui versus fastigium magis magisque gracilescit & attenuatur, cortice griseo, ligno molli & lactescente. Caudex autem & rami armantur spinis brevibus, crassiusculis duris. Et ramos quidem in orbem projicit, sed inordinate, superioresque inferioribus breviores; neque ramuli magis ordinati, in quibus folia in frondes congesta *Mandiibæ* modo, figura & magnitudine, superius splendide viridia, inferius incanescens, quinque, septem vel novem in stellæ modum sibi apposita; nervo secundum longitudinem & venis obliquis. Florem fert & fructum ut *Pinoguaçú* mas petiolo longo dependentem striis haud profundis secundum longitudinem, vel quasi lineis solum notatum, coloris exterius & interius crocei ut *Mamão*, & carne ejusmodi substantiaz & simili modo granis refertum, magnitudine & figura grani hordei, saporis haud manifesti. Immaturus adhuc lactescit, ac vellicat linguam, maturus autem sponte

licet magna quantitate comedatur, prouide etiamsi maris accolis minus familiaris, non tamen inter inferioris notæ fructus habendus. Folia amittit singulis annis & mensa Martio nova protrudit, hinc floret & fructum fert, qui fine Aprilis & Maio maturatur.

Duplex est Arbor, mas & foemina: quæ sibi similes sunt excepta magnitudine, nam foemina per omnia minor est marc. Frequentes sunt in Præfectura Itamaracá & Rio grande.

## C A P V T   X X I V.

*Ibirúba, Ibixuma, & Quity.*

**I**BIRÚBA per taleolas transplantatur, ob excellentiam, fructuum ex silvis in hortos translata. Arbor cortice, ligno & nascendi modo *Guaiabæ* similis, ramos autem habet ut nostra Cerasus. Folia fert oblonga, teretia, duo semper sibi opposita membranacea, superius saturate viridia, inferius pallida, uno nervo secundum longitudi-

## IBIRUBA.




nem, nullis venis transversis. Inter quæ hinc inde caudici flores cum pediculo adnascuntur albi ut in *Guaiabæ* fere, quibus umbilicatus fructus succedit egregie flavus turbinatus rotundus magnitudine Pruni, cuticula tenui vestitus & carne succulenta fulva, saporis acidiusculi ac paulatim amaricantis, haud ingrati: odoris subdulcis & vinosi. Magna copia sine noxa comeditur, & ab incolis venum exponitur. Con-

## IBIXV'MA ARBOR SAPONARIA.



QVITY.



tinet lapidem unum atque alterum magnitudine cerasini, rotundum, cortice tenui sed duro vestitum; in quo nucleus albus, amaricans, qui similis est lapidi *Vbapitanga*, nec facile dignoscuntur.

Inter varias plantas & arbores quæ Saponem producunt, illa facile præferuntur quæ *Ibixuma* nomen habet, *Motamba* Angolensisbus. Arbor instar Cerasi, foliis ornate sibi oppositis, per ambitum leviter ferratis: juxta quæ brevis enascitur pediculus continens flosculos quasi in umbellam congestos, quinque constantes foliis flavis deorsum flexis. His decurrentibus fructus succedit orbicularis Cerasi magnitudine immaturus tuberculatus signatus concisus continet materiam lentam instar visci; maturus autem nigrescit & in quinque partes æquales sponte finditur, continens semina fusca oblonga, suis cellulis inclusa. Cortex cineritii coloris glutinosus est, & derafa exteriori cute fusca, seu recens seu siccus tuto adhibetur ad omnia ad quæ Sapo Hispanicus, nec vestibus nocet.

**A**ltera Saponaria est arbor pumila, *Quity* Indigenis, Lusitanis *Pao de Sebaon* dicta. Cortice est cinereo, ligno molli & fragili ramis contortis instar Risci. Foliis læte viridibus, ejusdem ut præcedentis figuræ & constructionis, exceptis denticulis. Floribus est exiguis. In singularibus ramulis dependent multi fructus mense Octobre maturescentes, quilibet proprio pediculo insidentes magnitudine sphærulæ lusoriæ, cum duplice rotunda flava eminentia adeo transplendentibus, ut globulus contentus cerni possit, & fructu commoto strepitum edat. Hic globulus est niger, adeoque durus ut nisi malleo confringi non possit. Ex his perforatis corollæ fiunt precariæ ebeno præstantiores & leviores. Pulpa hæc supernascens Saponis vicem explet adeoque amari & acris saporis, ut creber ejus usus vestibus noceat, ac proinde prioris arbo-

arboris fructus magis usualis. Hic enim contusus & rivis inditus aquam inficit & pisces enecat sicut *Timbó* & aliæ cortices arborum.

Eadem arbor in multis Americæ regionibus frequens est, teste Oviedo, Clusio & aliis.

## C A P V T X X V.

*Tatai-iba, Ibirapitângâ, Iacarandá, & Queraíba.*

**A**rbor silvestris *Tatai-iba* dicta, quibusdam Morus alba ob affinitatem figuræ & naturæ Mori albæ appellatur. Undiquaque in silvis littoralibus frequens. Ex ligno veteri parant tinturam egregie flavam coquendo. Cortex arboris est

## T A T A I - I B A.




cinereus, sed lignum intus flavum & durissimum. Folia acuminata & subtiliter serrata, in ramis inordinate posita. Fructus maturescit fine æstatis circa Martium, mediocris Mori est magnitudine, rotundus, è tuberculis compositus, pallidi coloris, exteriorius exigua habens filamenta fusca. Succulentus est & saporosus, atque comeditur ut Morum sed quia magis silvestris & minus dulcis, additur vinum & saccharum. In Pulpa multa granula albicantia sunt dispersa.

GVLIELMI PISONIS

164

IBIRAPITANGA, sive  
LIGNVM RVBRVM.



IACARANDA' I.



**I**Birapitanga, quæ arbor, merito à Lusitanis *Pao do Brasil* per excellentiam dicta, alta est & vasta, cortice fuscō brevibus spinis armato: ramis & foliis alternatim positis figura Buxi foliis similibus splendentibus & saturate viridibus. In ramis hinc inde etiam ramuli proveniunt multis exiguis floribus copulatis ornati ipso Lilio convallium fragrantioribus pulchre variegati coloris flavescentis. His pereuntibus succedunt siliquæ, oblongæ, planæ, compressæ, exterius aculeatæ, obscure fuscæ, rubras, splendentes exiguae fabas aliquot in se continentes. In locis mari vicinis non appetet, sed tantum in mediterraneis silvis, unde magno labore ad littoralia vehitur.

Tinctura hujus ligni rubra toto orbe est notissima. Sed minima moles tam vastæ arboris tingit, dempta enim magna parte ligni superioris, sola matrix tibiam circa crassa rubri est coloris. cujus postea rasura quanti sit laboris novit optime Ergastulum Amstelodamense.

Lignum est frigidum & siccum, mitigat febres, restrinquit & corroborat instar Sandali. Maceratum in frigida inter collyria contra ophthalmias usurpatur cum successu.


**I**Acarandá. Ob ligni variegati coloris elegantiam æque ac ob usum medicum, celeberrimam hanc arborem dedi: quarum duæ sunt species facie & efficacia satis discrepantes. Prioris lignum est album; alterius, nigrum, ut *Palo vel Pao Santo*, ac bene olens, atque durum, frequens est in Bahia omnium Sanctorum.

*Iacarandá alba*, inodora & Pruno Europææ similis, in apriis locis mediterraneis reperitur. Foliis parvis acuminatis


## IACARANDA' II.

natis directe sibi oppositis, superne splendentibus, inferne albicantibus. In quolibet ramo versus exteriōra multi proveniunt rāmuli, qui quasi racematiū per multos dies habent globulos nuclei cerasini magnitudine, coloris olivacei qui se aperientes in quinque scinduntur folia, deorsum inclinata quæ interius tactu & visu referunt holofericum olivaceum splendens: his insidet flos dulcis odoris unico folio luteo subrotundo ad latus explicato constans: in medio autem floris eriguntur, multa stamna alba apicibus luteis satis magnis, in scoparum seta clearum modum. Floribus succedit fructus palmæ manus magnitudinis & crassitiei aspectu rarus ob inusitatos naturæ lusus, quod gibbosus & sinuosus admodum & contortus appareat, atque ob gravitatem semper pendulus, quem viridem & albicante smegmate (quo d'Barbari Saponis loco usurpant) turgentem avulserunt socii mei in remotissimis desertis, ex viridi mutatur in flavescentem, exsiccatus in cinericium colorem, moxque se aperit. Fructus haud edulis nisi coctus. Incolæ exinde coquunt pulmentum quoddam stomacho imprimis amicum & salubre quod *Manipey* vocant.

**Q**veraiba nascitur locis apricis graminosis. Arbor cortice rugoso & griseo, in ramis habens tria, quatuor, aut quinque folia in frondem congesta, pediculis suis tres innitentia, pallide viridia, figura Salviæ, solida & ad tactum dura, nervo secundum longitudinem & venis obliquis prædita. Flores fert flavos, inodoros, mense potissimum Ianuario, figura campanæ, superius in quinque partes sectos. Ita ut arbor florens tota flava appearat, instar arboris quam Lusitani vocant *Pao d'arco*: nam race-



QVERAIBA.



matim

## G V L I E L M I P I S O N I S

matim congesti sunt flores, quibus siliquæ longæ & compressæ succedunt, sed nul-  
lius usus.

Cortex hujus arboris contusus & coctus oleum suppeditat ad vulnera sananda, & ul-  
cera vetera in tibiis aut aliis partibus curanda efficacissimum. Ac proinde in nosoco-  
miis frequens mihi ejus fuit usus.

## C A P V T     X X V I

*Iabotipita, Vmbú, & Avaramo-temó.*

**I**Abotapitá littoralibus Brasiliæ locis luxuriat. Arbor est mediocris altitudinis; cor-  
tice griseo, inæquali, ligno molli & lento: Folia fert, alternatim opposita, dilute  
viridia; & in certis ramulis copiosos flosculos racematis congestos, pentaphyl-

## I A B O T A P I T A.



los flavos suavissimi odoris. Fructus quoque qui maturescit Martio mense provenit ra-  
cematis: nimirum in quolibet pediculo bacca, magnitudine nuclei cerasini, conica  
fere vel quasi triangularis; cuilibet autem baccæ, aliæ tres quatuorve insident sine pe-  
diculis, ovales, eisdem cum inferiore magnitudinis, omnes coloris nigri, ut myrtilli  
nostrates; & eodem modo tingentes, carent acinis, & sunt saporis adstringentis; eis-  
dem non solum usibus dicati quibus myrtilli Europæi; sed & oleum in quotidianos usus  
pro acetariis receptum ex iis exprimitur.

Vnicam

V M B V.



**V**NICAM tantum ex hoc Arborum genere in habitata Brasiliæ parte, hactenus conspicere licuit in pago *Iguaraçú* excultam: dissitæ autem sylvæ inter *Guajanam* & *Paraybam* fluvios iis luxuriant. E longinquo prospicienti, magnitudine, structura & fructu, parva *Citrus* vel *Limonia* videtur.

Truncus est breviori nec crasso, sed ramis multis tortuosis, inbelle quidem fabricatis dividitur. Folia fere haud magna, lœvia, lœteque virentia, gustu autem acida & adstringentia: Florem albicantem: Fructum ex albo flavescentem, Pruno majori similem sed carne duriori, licet pauca, quod intus magnum contineat lapidem, sicut fructus *Acaia*, qui ubi maturuerit mensibus pluviis, saporis fit gratissimi ex acido dulcis: sin minus adeo est austerus, ut stuporem dentibus inferat; proindeque tunc eidem usui cui folia, scilicet ad refrigerandum & adstringendum reservantur. Radix autem, cui peculiare quid præ cæteris arborum radicibus concessum, imprimis est notanda: quod longe lateque, in diversa & crassa, ponderosa molis tubera sub terra luxuriet; si pondus, figuram atque colorem, exterius cinereum, consideres, maiores radices *Batatae* aut *Inbyame* dices; à quibus tamen ablata levi pellicula, differunt: quippe interius conspi ciuntur nivei coloris, molli turgidaq[ue] medulla, Cucurbitæ plane simili, quæ manducata,


## G V L I E L M I P I S O N I S

168

cata, in aquosum, frigidum succum, eumque dulcissimum atque palato gratissimum, solvitur. Febricitantes, æstuantes peregrinatores mirifice reficit: ut ipse quam plures sum expertus; neque aquæ dulcedine & salubritate Citrullo quicquam cedit.

Datur & alia species quæ *Iva umbú* Brasiliens. dicta, Arbor est cortice fusco, ac hinc inde in ramis spina. Folia fert oblonga, lète viridia, crassiuscula, ad tactum mollia, nunc alternatim, nunc sibi opposita; eiusdem pediculis multi flosculi exigui pentaphylli junctim promanant, quibus succedunt fructus, flavi Pruni nostratis magnitudine & figura & carne quæ grati ac subbacidi est saporis, cui amari quid intermixtum est. Mensibus æstivis circa Ianuarium fructus maturescit, tuncque sponte decidit & colligitur. Lapis in eo contentus fragilis continet nucleus avellanæ in omnibus similem.

### A V A R A M O - T E M O'.



tur. Potissimum vero meretrices iis utuntur, ut laxis pudendi partibus tonum restituant, ætatemque tuto mentiantur; imo qua possibile, virginitatem hoc dolo prætendant.

### C A P V T   X X V I I .

*Cebipira, Iitó, Guabipocacabiba, & Mureçi.*

**C**RASSITIE & ALTITUDINE INSIGNIS ARBOR IN RARISSIMIS NEMORIBUS REPERITUR, *Cebipira-guaçú* BRASILIENSIBUS DICTA, AD DIFFERENTIAM EJUS NOTANDAM AB EA QUÆ *Cebipira-miri*, ID EST, *Cebipira minor*, AB ILLIS APPELLATUR. VTRÆQUE SUNT FOLIIS EXILIBUS OBLONGIS, SPLENDENTIBUS, OLEÆ SIMILIBUS, SED CRASSIORIBUS, MINUSQUE ACUMINATIS, ORDINE DIGESTIS,

**H**ÆC ARBOR MEDIOCRIS EST ALTIUDINIS, MONTOSIS LOCIS CRESCENS, FOLIIS TRISTE VIRIDIBUS, EXIGUIS, BUCCINI SIMILIBUS, SILIQUIS EST INUTILIBUS EX MINORIBUS NIGRESCENTIBUS, MIRIS VARIISQUE MODIS INCURVATIS, QUÆ ÆSTIVIS MENSIBUS CONSPICIUNTUR & ACINIS RUBRIS EXIGUIS REPLETA SUNT.

CORTICE EXTERIUS EST CINERITIO, INTERIUS SATURE RUBENTE, QUEM SOLUM EXPERTORES IN MEDICINÆ USUM RECEPERUNT, LICET FOLIIS EÄDEM QUALITATES ADSTRINGENTES À NONNULLIS ATTRIBUANTUR. CORTEX ENIM QUI GUSTU AMARUS EST, SIVE IN PULVEREM REDACTUS, SIVE EXCOCTUS, & FOMENTI LOCO ADHIBITUS, ULCERIBUS INVETERATIS & MALE MORATIS FELICITER MEDETUR, IPSUMQUE CANCRUM SUBINDE, INSIGNI MUNDIFICANDI & SICCANDI QUALITATE CURASSE FUIT COMPERTUM.

PRÆTER HÆC QUIA EFFICACISSIME ADSTRINGIT, BALNEA AD FIRMANDAS EFFEMINATAS CARNES EX ILLIS CONFICIUNTUR.

digestis, & pediculis utrimque se contingentibus.


Flores ferunt copiosissimos inodoros suo quolibet pediculo insistentes, quinque foliolis corrugatis & dilute cæruleis constantes. Ex horum calyce nascitur siliqua ex viridi flavescente, in qua semen continetur.

Vtriusque arboris lignum commendatur, & non minus celebre apud fabros ad axes machinarum Sacchararum conficiendos, quam cortex apud Brasilianos ad usum medicum existit. Qui crassus est & compactus, griseus cum fusco mixtus, saporis amari atque adstringentis, calidus insuper & fuscus in secundo gradu. Balnea & decocta ex illo solo fiunt præstantissima adversus morbos à frigore natos, pedum & ventris tumores, doloresque membrorum, *Curimentos Lusitanis* dictos; ipsam denique Luem venereum, non inveteratam, forinsecus & intrinsecus adhibita, restituunt, sudoresque provocant.


Cum vero abstergendi facultate simul & acrimonia quadam agant, scabiei, tineaque & aliis ejusdem generis cutaneis affectibus medentur.

**H**Æc Arbor est Pyri Europææ magnitudine, undiquaque obvia: Foliis tenuibus, oblongis, acuminatis, nervo eminenti secundum longitudinem excurrente, parvo pediculo cauli ordinate appositis. Fructus racematis copulatos profert. Arbor ut ob fructuum rarum aspectum multis nota; ita paucioribus ejus radicis qualitates probe constant. Si ulli figura, colore, totaque prorsus facie, racemos uvarum è longinquo adspicienti videantur, hujus sane arboris fructus sunt, quorum uvæ tamen inutiles habitæ, ligneæque intus existunt. Toto anno apparent, verno tempore lâte flavescentes, mox tristis miniati coloris fiunt, nihilque promittunt, ut neque folia, neque lignum ipsum arboris: sed totum in cortice radicis, quod ad rem nostram faciat, consistit.

CEBIPIRA-GVACV.



I I T O ' I.




## GVLIELMI PISONIS

## LITO II.



GvABIPOCACABIBA.



stit. Cujus efficacia indomita ad turbandum & purgandum corpus, tam alte à natura posita, ut non impune ab imperito vulgo tractetur. Quippe dubito an plures calamitates ex illius abusū an optatos successus ex oportuno usū, pro manasse viderim. Nec mirum, cum unusquisque idiota ad Medicinæ Sacraria aspirare audens, nec remedii agentis, nec subjecti patientis rationem habeat, loco medicamenti, venenum portrigat.

Cortex enim hujus radicis, qui saporis est acris & calidi in pulvrem redactus ab indigenis & robustioribus agricolis Lusitanis contra inveteratas obstructions capitur indiscreta quantitate, semipugillus circiter. Mihi rarer fuit illius usus, idque nisi deficiente forte benigniore medicamento, mediantibus tamen correctoriis, & quæ vim purgatricem infringunt, sicut oportet fieri ex iudicio Medici, præcipue circa validiora & incognita simplicia.

Datur & alia species *Litō* (cujus quidem qualitates à me nondum exploratae) cortice fusco, qui multa punctula hinc inde sparsa lutea habet. Folia bina sibi opponuntur, nervo conspicuo & prominente secundum longitudinem, venis in quibusdam sibi invicem oppositis, in quibusdam autem alternatim positis.

Post florem sequitur fructus, parvæ *Ficus* figura, obscure lutei coloris, qui in se tria ovalia semina continet, magnitudine seminis *Pomi vulgaris*, cuticula obscure flava tecta, nucleo albicante.

**H**Anc ego Siliquosam arborem nominavi, quod vix sibi constent incolæ de genuino nomine. Quidam Portugalli *Pao velho* & *Pao molle* dixerunt; quod cortex illius adeo mollis & rugosus existat. Parum admodum differt ab ea arbore, quæ silqua dulcis *Dodonæo*, Officinalis

*Cinis panis Sancti Ioannis* dicitur; floribus enim decidentibus, quod fit mense Martio, siliquæ succedunt, dulces, tortuosæ & deformes, primum quidem virides, mox maturitatem consecutæ, fiunt nigræ & putrescunt.

Arbor hæc, non umbrosis silvis, sed apricis campis gaudet, mirificeque peregrinantes delestat florum elegantia & odore. Ligno, cortice, medulla & fragilitate Sambuci æmula. In extremitatibus ramorum longa germina protrudit. Folia ad tactum dura, instar membranaceæ chartæ superius dilute viridia. Circa foliorum ramulos prodeunt pediculi in quorum extremitate flosculi multi umbellatim congesti nascuntur coloris flavi, odoris suavissimi. In medio autem staminum loco propendent multa filamenta crista ipsi croco figura & colore similia.

Radicis medulla ex albo flavescens, à leviori cortice liberata in taleolas dissecatur, exque aqua fontana macerata per noctem sub dio, & aliquoties pota, non uni malo medetur. Vrinam enim cunctantem cit, renum & vesicæ obstructionibus opitulatur, ejusque decoctum vel solum Gonorrhœas restituisse vidi. Succus corticis recens oculis inditus eorum inflammationes tollit. Dilutum ejus subamari nec tamen ingrati est saporis, partiumque est valde tenuium, & astrictionem aliquam post se relinquit.

**A** Renosa & sitientia loca, mediocris altitudinis arbores has producunt, quarum quatuor ad minimum diversæ species sub nomine *Mureci* numerantur. Earum duæ maxime celebres & in usu habentur, *Mureci-petinga* & *Mureci-guaçú* dictæ. Omnes floribus pulchre flavescen-tibus conspicuæ sunt, fructibus rotundis & racema-tim coruscatis, eodemque, quo flores, colore præditis: foliis autem & cæteris cre-scendi modis inter se discre-pantes. Hæc autem cuius Iconom exhibeo est cortice cinereo & ligno fragili, foliis multis fere in fronde congestis non ferratis, colore & lanugine Verba-sci foliis similibus. Floscu-los fert spicatum congestos, luteos, constantes stam-nulis multis, quinque foliolis deorsum incurvatis, luteis. Fructus autem sunt baccæ, magnitudine & fi-gura fructuum uvæ spinæ qui comeduntur.

Maturi gratissimo qui-dem acore palatum velli-cant, sed stuporem tandem dentibus inferunt, simulque astringendo intense refrigerant. Quapropter probe condi-ri solent & loco Berberis, quibus sapore & efficacia similes sunt, ægris ad extinguen-dam sitim & stomachum recreandum exhibitur.

Prima harum, utpote fructu minus silvestri, à me maxime fuit experta, & in officina reposita. Ejus quoque corticibus retia & coria tinguntur & contra putrefactio-nes

## M V R E Ç I.



nes muniuntur. Barbari ex iisdem potionis conficiunt, ad purgandum alvum, quod à me nondum comprobatum est.

## C A P V T     X X V I I I.

*Iaparandiba, Cuieté, & Jaróba.*

**A**rbor est cortice cinereo instar Alni, ligno duro, medulloso. Cui folia inordinata & copiose circumposita cum pediculis, foliis *Ianipapa* similia, oblonga, acuminata, nervo & costis eminentibus obliquis perducta. Flores fert insignes ex octo crassioribus foliis factos, & junctim in trifido pediculo copulatos, figuræ, magni-

## I A P A R A N D I B A.



tudinis, coloris & odoris Rosarum, in quorum medio multa staminula in orbem composta, cum apice flavo & tremulo. Quibus fructus succedunt maliformes quidem, sed superna parte plani, extus grisei, intus flavi coloris, continent nucleos fatuos, angulosos, hepatici coloris, splendentes, magnitudine Avellanæ, cordis figura.

De vulgari hac arbore pauca addenda habeo. Ramorum paucitatem foliorum frequentia compensat, quibus solis vis medicatrix, quantum haec tenus constitit, insita est. Nam flore licet pulcherrimo suavissimique odoris; tum fructibus egregie copulatis, ornetur, nihil tamen Culinæ vel Pharmacopœiæ usui sunt. Folia autem vel integra vel contusa hepatisque regioni applicata, durities hypochondriorum restituunt, cisdem que

que malis, si rite ex arte præparentur, atque in Apozemate exhibeantur, conducunt ac proinde numero aperientium ascribenda sunt.


Quotusquisque enim advena vel indigena, optimè sanitati suæ se consuluisse putat, si contra Hepatis & Mesenterii oppilationes medicamina conficiat, quorum basis est *Turipeba*, *Tapirapeku* & foliorum hujus *Iaparandiba* decoctum, aliquoties reiteratum proportione & constitutione ægrotantis.

**C**uieté in triviis littoralibus toto fere anno obvia familiaris & elegans hæc arbor, quæ vulgo corrupte *Cochine*. Cortice griseo, ut Sambucus, contorta nascitur, longos habens ramos, & in iis folia frondatim & alternatim posita certis temporibus, simul omnia folia amittit, biduo autem post iterum foliis onusta cernitur. Per ramos decisos & terræ infixos facile propagatur. Folia inusitatæ sunt figuræ, versus extremitatem enim sensim ampliantur, superius saturate viridia & splendentia inferius dilutiora, nervo recto & venis transversis conspicua.


Non solum in ramis sed & passim in caudice proveniunt tres quatuorve flores juxta se positi, oblongi, figura pene Campanulæ seu Convolvuli minoris, coloris ex albo & viridi mixti, odoris nauseabundi. In medio autem quinque stamina ejusdem coloris. His, fructus variæ magnitudinis & figuræ, primo virides mox nigri succedunt. Semina Cucurbitæ modo ac nucleo flavescente continentes. Immaturus fructus pulpam albam succulentam dulcem continet, odore Nasturtium æmulans: quæ Saccharo condita ab ægris & sanis experta sicut Cucurbita & Citrullus, ejusdemque fere saporis & refrigerii. Vbi maturuerint fructus in aqua fervida coquuntur & excavantur patinarum, poculorum & lagenarum vices supplentes. Pulpa enim matura non edulis, sed ad placandas capitum dolores præfertim ex fervore Solis natos insigne remedium, si convenienter temporibus & fronti, forma cataplasmatis applicetur.

Familiaris est arbor multis Americae regionibus. Oviedus quoque ejus meminit sub nomine *Higuer*, de qua Clusius.

C V I E T E.



I A R O' B A.



**S**Armentosa hæc planta *Jaroba*, Lusitanis *Cáscia amargosa* ob amaritudinem dicta. Enarratæ arbori *Cuieté* dissimilis quidem si externam figuram consideres; sed ratione fructuum, rei familiari dicatorum, admodum congener, ut merito sub eodem capite describi mereatur. Altissima testa & arbores


instar hederæ concedit caule lento tereti , cui hinc inde tria folia modo phaso-  
li , adnascuntur.

## C A P V T     X X I X.

*Vmari, Saamóuna, Andira, & Tremae.*

**V**Mari, vulgo *Camarinhos*. Arbor vix mediocris altitudinis in campis gramineo-  
fis ample ramis suis expanditur , ligno albo Betalinum fere referente. caudice  
haud crasso , nam plerumque tres vel plures juxta se nascuntur : in ramis autem  
ramulos habet perpetuis spinis obsitos. Folia cylindracea parva vel directe vel alter-

## V M A R I .



natim opposita, saturate viridia, nervo secundum longitudinem & venis obliquis,  
vix digitum longa. Post florem parvum flavum succedit fructus forma ovalis , magni-  
tudine Pruni, ad visum & ad tactum referens Persicum nostras , coloris autem ex vi-  
ridi flavescentis: carne quoque flavescente , pauca, dulci, quæ ambit lapidem magnum  
ovalem albicantem , qui continet nucleum edulem. Maturus fructus mense Martio  
sponte decidit. Crudus comestus turbat ventriculum & facile excitat vomitum: id-  
eo integer solet coqui , & una cum nucleo contundi, atque cum carne vel piscibus lo-  
co panis seu farinæ comedì.

Altera species *Vmari* minus alta fructu, præcedenti non dissimili ; sed nigricante co-  
lore & sapore acidiori. Qui stomachi æstum temperat & à febricitantibus expetitur.  
Lusitani hos & illos fructus *Camarinhos* appellant.

S A A M O ' V N A.



Devæ species arborum, sub nomine *Angelyn* nominatæ, hinc inde in nemoribus conspicuntur. Vtraque externa facie inter se sibi similes; sed interna qualitate multum discrepantes, quæ facile utique dignoscuntur quod alterius cortex, lignum & fructus amarissimi instar Aloës; altera major nullius manifesti sit saporis, ex cuius fructibus Ferræ pinguescunt. Vtraque ligno est duro & ad ædes fabricandas apto, utraque cortice cinereo, foliis Lauri similibus, sed minoribus, oculis seu gemmis nigricantibus, è

**S**i quæ adspectu mirabilis, excelsa & patula, fane est hæc arbor *Saamónna*, iisdem silvis mediterraneis, quibus *Cabiréba* conspicienda. Quæ superiori & inferiori trunci parte, ordinariæ est crassitie, sed in medio duplo plus obesa, instar amphoræ, adeoque tumida apparet ut peregrinantem attonitum remoretur. Ex ramis pediculi emergunt longi, pentaphyllum quisque protrudens ornate divisum & serratum, multis obliquis venis vestitum. Siliquas fert oblongas, pisa rubra continentes. Totus trun-  
cus substantia est intus alba, medullofa & plane suberosa exterius cinerei coloris, validis & horridis spinis à pede ad verticem usque obsessa.

Ex turgidis spinis rasis & contusis, suc-  
cus elicetur eximius, cujus vel exigua  
quantitas, inflammatis & involuntarie  
lacrymantibus oculis affrictus, mede-  
tur; tum manifeste quoque visum acuit,  
atque robur illi addit.

A N D I ' R A, vulgo  
A N G E L Y N.




quibus plurimi flores fragrantes, copulati, purpureo & cæruleo colore insignes, prorumpunt.

Fructum profert ovi figura & magnitudine, primo saturate viridem, sed mox nigrescentem, qui uno latere quasi futuram monstrat.

Fracto duro putamine, granum seu nucleus appetet, ex albo flavescentis, americanis & ingratia saporis, cum adstrictione quadam, cuius pulvis ventris lumbricos expungat; ea tamen cautione, ut infra scrupuli pondus exhibeat, ne medicamentum in venenum abeat, quod quibusdam imperitis aliquando contigit, cum infantibus illud incaute exhibuissent.

## T R E M A E.



**F**rutex arborescens *Tremae* Indigenis dicta, cortice est griseo rugoso, ligno albo, medullam continentem, foliis triste viridibus, linguæ fere figura, sine pediculis ramis adhaerentia, aspera, & nervis eminentibus conspicua, quæ trita aromatici sunt saporis. Foliorum paucitatem florum frequentia compensat. In extremitatibus enim ramorum sunt multæ umbellæ magnæ, floribus cum purpureo lutescentibus, in quibus statim flava Styracis odor rem exacte referentia. Floribus pappi succedunt, in quibus semen minimum nigrum mox appetet.

Incolæ foliis contusis contra oculorum dolores & rubedinem utuntur & que feliciter ac præcedentis arboris succo. Mihi eadem folia & pappi in usu balneorum artificialium propter aromaticam vim expetita, quod mundificandi & abstergendi facultate pollere expertus sim.

## C A P V T   X X X.

*Diversæ Species Camaræ, Cambuy sive Myrti Americanæ,  
& Cuipoüna.*

**I**n ter tot varias *Camaræ* species, tres tantum medicinales mihi innotuerunt, è quovis solo passim emergentes. sicut insitis aromaticis qualitatibus; ita & facie externa multum sibi similes, nisi quod aliquæ magis vel minus fruticescant, floribusque nonnihil varient. Duæ enim gaudent floribus ex aureo rubris, quæ *Camará-tunga*, & *Camara-Tumba* dictæ. Calidæ & siccæ habentur ad secundum gradum.

*Camará-Tunga* in eximiam altitudinem exsurgit, ut caulis, ita & foliis hirsutis & ad tactum asperis, in ambitu serratis, foliis Vrticæ similibus inæqualis magnitudinis. In uvula,

extremitate ramorum , ut & ad exortum foliorum ad caulem proveniunt oblongi pediculi aliquot juxta se positi , multos flosculos habentes rubros . Post flores sequitur uvula , baccis plena viridibus , magnitudine baccarum Sambuci . Flos insignis odoris : & ipsa herba superat odore Menthā , dignaque sane quæ inter sativas plantas excolatur , tam ob pulchritudinem quam ob usum . Hujus speciei tantum Iconem , hic exhibeo . Cæteræ enim excepta colorum diversitate huic similimæ sunt etiam internis qualitatibus .

*Camará-Vuba* , caule quoque est hirsuto inque multis expandit ramos : folia habet serrata , Menthæ crispæ similia , sed magis splendentia , leni hirsutie prædita , & ad tactum mollia , bina sibi invicem opposita , quodlibet brevi pediculo insidens . In extremitatibus ramorum enascuntur flores , floribus præcedentis *Camarae* haud dissimiles , egregie lutei , novem foliis constantes , & in medio umbilico luteo , cui admixta staminula nigra .


*Camará* flore albo , caule est lignoso , duro , quadrato , hispido ; in duorum aut trium pedum assurgit altitudinem cum multis expansis ramis , partim in terram procumbentibus . Folia rugosa , hirta & ad tactum dura , in ambitu serrata , splendentia , saturate viridia , bina sibi opposita , excepto ramorum exortu : ibique umbellatum proveniunt flosculi parvi , coloris candidi seu lactei , suavis odoris , ut & tota planta , imprimis si fricitur .

Balnea ex hisce nobilioribus *Camarae* speciebus optima conficiuntur tam ad roboran-dum interne , loco Melissæ & Menthastri : quam mundificandum externe ; multos namque cutis affectus , ipsamque Scabiem abolent . Decoctum spissatum curat ulceræ , vetera , & lenit dolores capitis ex frigore ortos , si illo abluantur .

Quarta denique *Camara-miri* dicta cæteris annumeratur , cubitum longa , caule tenui & lignoso , flore unico , exiguo , lutei coloris , qui (quod mirandum) quovis anni tempore se aperit de die hora undecima , manetque expansus ad secundam pomeridianam , atque omnes simul tunc eadem hora clauduntur , usque in posterum diem : quod sicut verissimum , ita & raro oblectamento existit . Mihiq[ue] per deserta peregrinanti horologii defectum ex parte supplebat . Nec tamen præcedentium *Camarae* qualitatum expers etiamsi inferiori gradu habita .

## C A M A R A .



C A M B V Y , sive M Y R T V S  
A M E R I C A N A S I L V E S T R I S .

colore visum reficiens. Flos enim totus albicat, ex quatuor foliolis constans.

Fructus crocei baccarum sunt magnitudine, raro solitarii, sed Cerasorum more copulatim positi & pediculis suis innitentes rotundo umbilico papillari praediti qui si tempestive avellantur, succo turgent optimo, sed tandem fauces, si multum illis vesca-  
ris, constringunt. Continent intus nucleus tenui cortici inclusum. Cæterum sto-  
machum reficiunt, corroborant, æstumque sedant. Nullus est incolarum hujus di-  
strictus, qui non ad fructus & folia hæc utilissima confugiat. & medicamentum sibi  
ex ipsis conficiat, sive interno sive externo malo conveniens. Succi & fomenta illo-  
rum, tibiarum imprimis ulceribus, atque aliis malis, adstringendo & mundificando  
medentur. Balnea integra, tam fluxibus alvi, quam uteri dicata, cum felicissimo suc-  
cessu adhibentur. Omnia præterea bona pollicetur hæc *Myrtus Americana* agrestis,  
quæ de Europæa Auctores passim testantur.

Tertia quoque *Myrti* species hic reperitur, quæ *Myrtus alba* appellatur, sed infre-  
quentior est, neque à me hactenus in usus Medicinæ applicata.

## C V I P O V' N A.

**M**Ulti multis & eximiis dotibus, excellere agrestem hanc arborem testantur. Cu-  
jus Icon injuria temporis mihi periit. Ego pauca, sed vera, & quæ ipse sum exper-  
tus, de ea, quæ floribus flavis decoratur, exhibeo. Succus è cortice raso expressus & cum  
aqua limpida mixtus, ulcera inveterata mundificat & purulenta, eaque carne replet.

Præterea ex eodem succo atramentum conveniens elicetur, quo etiam ad tingendos pannos utuntur. Gluten quoque efficax exinde concinnatur in usus familiares  
receptum.

C A-

In glebosis terris duæ species ar-  
buscularum, *Cambuy* dictæ luxu-  
riant, ligno utraque lento & cor-  
tice cinereo. Quæ ob fragrantiam,  
ad strictionem foliorum, florum &  
fructuum, *Myrti* silvestris nomen  
merito obtinent. Prior arbore-  
scens, (cujus hic Iconem addidi) la-  
tifolia Cerasum nigrum per omnia  
externa æmulatur, si ramos, folia,  
flores & fructus consideres: cæte-  
rum interna qualitate eam superat,  
quod folia & flores optimi non  
solum odoris, sed fructus nigri ad-  
modum sint saporosi, grata acce-  
dente ad strictione, omnibus pa-  
riter Incolis expetiti, & in foro pu-  
blico venales.

Posterior autem *Myrtus* est ru-  
bra, quantumque magnitudine  
prædictæ cedit, tantum dignitate  
illam superat, ac proinde fructus  
inter delicias Pharmacopœiæ ha-  
bentur.

Frutex hic est foliis solidis, læte  
viridibus, oblongis, magis acumini-  
natis quam Pictor in hac iconে ex-  
pressit, utcumque alternatim sibi  
appositis, sed raro oppositis.

Semel per annum floret, Sole  
ad Scorpionem accedente, tam  
grato odore olfactum quam niveo



## C A P V T   X X X I.

*Munduy-guaçú, sive Nux Cathartica Americana, & Nhambu  
Guaçú, sive Ricinus Americana.*

**A**rborum pumilarum vix ulla lætius provenit, quam quæ Nuces catharticas profert, quas Lusitani *Pinbones*, Pharmacopœi Cataputiam majorem appellant. Ejus ramuli amputati omni anni tempore novas emitunt plantas, fructusque per totum fere annum ferunt. Excrescit in *Ficus* altitudinem & figuram, ligno molli & fragili, lacteo humore acri turgido. Foliis est læte virentibus glabris succo plenis, anterius acuminatis & quasi in tres angulos desinentibus. Flosculis parvis racemosis subdulcis odoris, succedit fructus turbinatæ figuræ seu instar *Iuglandis*, primo viridis mox flavus, ubi maturuerit niger. finiditur in tres partes, quamvis sex concamerationibus distinctus, in quolibet fructu sunt tres nuclei magnitudine & figura Pineis similes. Radice est crassa lignosa recta & profunde in terram descendente. Quod quidem raro admodum fit in hisce regionibus. Pineæ (quas ad vivum ea qua erant mole cum corticibus depictas apposui) interiori albescunt & sunt pingues, calidæ ad tertium, siccæ ad secundum gradum. Et quemadmodum palato lenocinantur, ita ventriculo sunt infensissimæ, nam tres vel quatuor nuclei manducati, crudos humores illico provocatos per superiora & inferiora exturbant, tanta vehementia, ut in vitæ discrimen, præcipue imbecilliores nonnumquam conjiciant, atque alexipharmacis & opiatis ruentis humores sedare necesse fuerit. Sed ut legitimus earum usus constet, in diuturnis obstructionibus viscerum naturalium imprimis convenient:

quatuor aut quinque nuclei maturi, si à pelliculis interioribus ac exterioribus liberentur, & mox leviter torreantur & mace-  
rati è vino, additis correctoriis exhibeantur. Ut sit, suasor sum cum cau-


MUNDUY-GUAÇU' CVM PINEIS.



tione semper exhibendum esse hoc medicamentum, habendamque rationem ætatis & virium illorum quibus exhibetur.

Porro ad rem familiarem, usumque domesticum hæc arbuscula à multis expetitur: ex nucleis enim oleum quod exprimitur, ellychniis affunditur, quod inventum Brasilia Lusitanis debet. Testatur Monardes cap. 1v. de oleo Ricini, in Nova Hispania pro insigni cathartico reservari, ejusque qualitates quas illi attribuit, hujus oleo Nucis quoque propriæ sunt. Quamobrem nomine potius Monardes & Clusius à nobis discrepant, qui *Curcas* hunc fructum vocari testantur, idque sub Ricini specie.

N H A M B V G V A Ç V', sive R I C I N V S A M E R I C A N A.



**R**icinum duorum generum producit Brasilia, majorem quidem unam, minorem autem alteram. Vtraque est arborescens, speciosa facie, non silvestris solum, sed & hortensis & altilis in multos ramos expansa; Hæc à Lusitanis *Figuero d' Inferno* vocatur. Folia fert in longis pediculis, in medio folii infixis, in octo aut novem lacinias acuminatas & profundas scissa, per ambitum dentatas nervo tendente è centro folii per omnes lacinias. Inferius sunt laxe, superius saturate viridia, ad tactum mollia, tenera. In ramorum extremitatibus autem proveniunt singulares pediculi, in quibus alternata serie & spicæ forma in propriis petiolis, proveniunt virides lavesque globuli quinque aut sex juxta se positi, instar uvæ, qui se aperientes exhibit flosculos subtile, figura & odore ut in Sambuco, sed multo minores, ex albo subflavescentes. His succedunt corpora rotunda, viridia, cinnabriis umbilicis notata, magnitudine Avellanæ, in totum hispida, quinquaginta aut sexaginta in unum racemum congesta, qui fructus, à Lusitanis *Carrapatos* ob similitudinem istius insecti dicti. Maturi nigricant ac sponte dissiliunt in tres capsulas, quarum quælibet etiam se aperit & continet Nucem lœvem, cinerei coloris & nigro eleganter maculati, figura & magnitudine Pistaceorum. Nux à cuticula libera

rata

rata albissimum in se continet nucleum oleaginosum, ex quo oleum exprimitur, variis usibus dicatum: quippe Lychnis non solum affunditur; sed omnibus passim Incolis in usu est quotidiano, contra affectus frigidos, tam internos quam externos.

Calidum habetur ad tertium gradum. Nec potui animadvertere, hujus Americani Ricini qualitates & vires dispare ab iis quas Galenus & Dioscorides olim illi attribuerunt. Resolvit apostemata, & matricis ventrisque tormenta ac flatus illitum discutit; prodest tinnitus aurium; restituit tensos convulsosque nervos. Tres vel quatuor guttulae, ex conveniente liquore subinde per os vel anum exhibitæ, sanant frigidos articulorum affectus & simul alvum laxant. Cutem quoque à pectora, reliquisque externis corporis affectibus vindicat. Vmbilico inunctum lumbros puerorum expugnat.

Semen illius catharticum est, & multo validius quam oleum: humores enim crudos per superiora & inferiora exturbat, ac proinde præparatione indiget. Convenit in spiritu vini optimo, loco correctorii, macerare semina multa, & inde unciam circiter è cochleari exhiberi, ut venter benignius à crassis humoribus evacuetur.

Si ipsa seminis grana in substantia accipere malis, minus tutum existimant incolæ, septenarium numerum excedere, licet Dodonæus id suadeat.

Folia aqua vel aceto macerata Herpeti, aut hujus generis affectibus mederi, præter Dioscoridem, testem habeo quotidianam experientiam.

## C A P V T     X X X I I.

*Juripeba mas & fœmina, Ivabeba & Tapirapecu.*

**N**omine *Juripeba*, duo ejusdem generis, sed non ejusdem sexus, frutices nascuntur in arenosis Brasiliæ locis. Vterque pulchris & umbrosis frondibus adolescit, uterque gramineos fert acinos, more racemorum copulatos & è brevi pediculo pendulos.

## I V R I P E' B A.



Prior, & quidem mas, paulo fœmina est minor, ad hominis altitudinem vix ascen-  
dit,

dit, foliaque habet minora, nec multum sinuosa, sed laciniata caulemque rarioribus spinis obsitum.

In summitate ramorum fert flosculos umbellatim quasi congestos lactei coloris cum cæruleo mixti, qui exakte quinquangularem stellam repræsentant constantque uno folio in tot triangula effigiato & quasi diviso, in medio autem quasi quinque staminula stant erecta, florem boraginis è longinquo dices.

Posterior altior, spinosior, folia habet grandiora, inferius lanuginosa & spinosa ornata, laciniata & sature virentia; florem eundem cum mare, sed nitidiorem. Vterque ob Medicinæ usum quotidianum officinis notissimus.

Folia enim & succus temperandis & mundificandis vulneribus & ulceribus adhibentur, eisque egregie auxiliantur. Licet autem amarum quid sapient folia & radices, sicut Cichoreum & Fumaria, tamen inter calida vix recensentur.

Omnium autem maxime radix virtute & efficacia excellit, multoque amior exigit, præcipue vero Maris, quæ partium adeo est tenuum. Quippe solum illius decotum, urinam cunctantem educit. Ad hepatis & parastatarum obstrukiones tollendas loco radicum aperientium, cum successu saepè adhibetur. Usque adeo invaluit ejus utilitas & præstantia, ut à doctis pariter & indocta plebe expetatur & inter sacra recomponatur.

## I V A B E ' B A.



verò in renū viscositatibus abstergendis. Quia radix quibusdam nimis amara videatur; decocta exinde parata saporis gratia temperantur cum liquiritia Americana.

**S**equitur *Ivabeba* præcedenti similis, si medicos usus respicias, est frutex eodem modo crescens quo *Iuripeba*, simili ligno, sed solet altius assurgere. Caudex spinosus ac leni hirsutie præditus quod pictor non probe satis expressit in hac Icone. Folia diversæ figuræ, pallide viridia, oblonga, lanuginosa non ita laciniata ut *Iuripeba*.

Flores itidem fert ut *Iuripeba*, lacteos, quinque foliis constantes, instar stellæ expansos, in medio cum staminibus luteis. Hinc fructus promanat rotundus instar Pomis splendens, primo saturate viridis ac brunna lanagine tectus, qui maturefactus citrini fit coloris. Cortex fructus est frangibilis instar testæ ovi, cum seminibus Lentibus similibus, pulpa flava succulenta dulcis & grata formicis, cæterum non edulis. Radix plantæ est amara & tenuum partium, atque inter remedia obstruentia in pretio habita, potissimum

## T A P I R A P E C U , S O N C H I L A E V I S Species.

**O**mnes passim incolæ advenæ & indigenæ inter se conveniunt de qualitatibus tam nobilis herbæ: verum de nomine discrepant, quod vel ex similitudine vel ex usu, hic aut ille rusticus Lusitanus pro arbitrio imponit, quibusdam, satis licet improprie *Lingua di vacca* hoc est Buglossa; aliis vero *Erva do figado* magis appropriate dicta, quia inter Iecorarias & Cichoraceas, me judice, merito censenda est hæc Brasilienium *Tapirapecu*; tum, quod eximie hepatis imprimis lienis oppilationibus medeat, tum quod facie & figura externa iis potissimum comparanda sit, licet pro soli hujus genio non nihil ab Europæis abludat sicut ex descriptione patebit, quia Icon ob itineris injurias mihi periiit.

Inglebosa, potissimum terra sponte nascitur facie & usu nulli incognita planta quæ caule

caule plerumque nititur unico, supra tibiæ altitudinem assurgente. Folia fert dentata oblonga, angusta, intus dilute viridia lanuginosa, more Cichorei circa caulum complicata, donec versus summitatem caulis foliis tenuissimis & flosculis albis ornate finiatur. Qui postea brevi senescentes, in pappos evadunt, & levissimo flatu discutuntur.

Herba cum radicibus integra quovis modo præparata eximii est usus, apozemata enim & decocta familiaria exinde concinnantur: adeoque celebris evasit, ut æque Chirurgis ac Medicis decantata sit, contra externa & interna mala.

## C A P V T     X X X I I I.

*Mamangá, Manacá, & due Paiomirióba.*

**M**amangá Brasiliensibus dicta, frutex est trivialis arborescens, ubique obvius, quem *Lavapratas* Lusitanorum vulgus appellat.

Flores fert multos pendulos & luteos; & post hos plurimas siliquas oblongas copulatas, primum quidem virides, sed mox nigras & putridas, & frequens semen in illis contentum.

## M A M A N G A.



Folia habet citriis haud dissimilia, paulo tamen longiora & molliora, & qualitate refrigerandi & abstergendi prædita.

Præter alias dotes, quibus excellunt, vulneribus atque ulceribus opitulantur, partequietiatis reparant. Cujus rei Chirurgi nostri non ignari, ea in quotidianum usum colligunt.

Raro videas viatores iter suscipere, nisi probe hoc remedio instructos.

Succus oleosus denique è siliquis expressus, ad maturanda apostemata reservatur, & applicatur cum prospero successu.



**L**Ocis umbrosis, maxime circa *Aldeam Tapiçirica* luxuriat Frutex arborescens *Manacá*, cortice griseo, ligno duro quidem, sed fragili, folia *Piri* foliis similia, nunc inordinate sibi opposita, nunc in frondes quasi disposita. Flores solitarie positi ex longo calyce prodeunt in quinque folia dissesti. In uno eodemque frutice cæruleo purpurei & lactescentes reperiuntur mense imprimis Ianuario, quod ut rarum visu ratione coloris; ita non minus odore jucundum, cum integras silvas insigni fragrantia instar Violarum Martiarum repleant.

Flori succedit fructus baccæ Iuniperi similis, sed inutilis, viridis, rotundus, cortice griseo tectus, qui superius quinque fissuras habet ut fructus per fissuras stellam quinquangularē repræsentet. Continet in se tria gramina, seminis magnitudine lentis, vel etiam majores, figuræ ellipticæ.

Radicem habet magnam, solidam & albicantem, cuius medulloſa substantia in pulvrem redacta, magna in Medicina pollicetur & præstat.


Incolæ pcne omnes, tam Lusitani quam Brasiliani, licet magni æstiment, tamen ob indomitas operationes haec tenus in usum admittere vix ausi fuerunt. Quippe periculo non vacat hoc genus medicamminis, quod nimis violenter corpus superne & inferne moveat. Quamobrem tantum hominibus robustissimis exhiberi solet idque additis correctoriis, tum & justa observata dosi, quæ Scammonei vel Esulæ potius inferior quam superior esse debet: ad illud enim validum medicamentum proxime accedit hæc radix: verum non ita insipida est, amarore enim & acore non plane destituitur. Eadem quoque *Manacá* in aquis macerata lavacra suppeditat quibus vagis articulotum doloribus ex frigore potissimum natis, medentur. Inter vulneraria quoque apud indigenas usurpatur.

**D**Vum generum *Paiomirioba* in Brasilia reperitur. Vtramque Lusitani *Herva do Bicho* à quotidiano usu nominant: quippe lippis & tonsoribus ob frequentiam nota est, quod


quod nimis folia earum contusa, & succus recenter expressus, anque inflammatu insertus, praesentissimum quasi antidotum sit, contra calamitosum illud & familiare malum *Bicho del culo* abusive Lusitanis dictum. Vtique planta fruticescens, in qualibet terra, præcipue tamen arenosa littorali sponte nascitur, Orobique species judicatur. Prior haec à secunda vix differt nisi foliis multo acuminatioribus, & Orobii *Pannonicus* Clusii, simillima. Ex una radice multi prodeunt caules, circiter tres pedes longi, lignosi virides, nodosi, in multos ramos divaricati, qui è nodis prodeunt: in quolibet ramulo octo vel novem folia, sibi opposita. In extremitate ramorum enascuntur flosculi, quinque foliis constantes, plane similes illius Orobii *Pannonicus*, sed omnino lutei. Flores sequuntur siliquæ quatuor aut sex digitos longæ, teretes, paullum compressæ, mature factæ fuscescent, & sponte rumpuntur, atque effundunt semen rotundum fuscum paulo majus lentibus. Toto anno floret & fert semen. Radix longa, recta multa superius habens filamenta, flavi coloris. Eadem contra venena: semen autem cum aceto contra impetiginem valet. Planta qualitate pollet refrigerandi, abstergendi, & mundificandi. Aqua enim ex floribus & foliis destillata urinas & calculos vesicæ fortius movet quam Orobis, ardoreisque renum & strangurias temperat.

Altera species *Paiomirioba*, *Tare-roqui* Brasiliensibus, *Matapasto* Lusitanis dicta; est eadem figura & radice ac flore: differt tamen foliorum figura: nam hujus sunt, ovalis, ad exortum suum angustiora, Post Solis occasum folia sua componit & quasi marcescit, mane iterum explicat. Semen rotundum, nigrum, minutum & multum, diversum à semine *Paiomiriobæ*.

Folia non solum ani inflammationi, sed & ulceribus anthracibusque applicata medentur. Ex eisdem denique foliis aquæ impositis & putrefactis, crassa quædam & pinguis substantia emanat, qua un-



PAIOMIRIO'BA II.



guenti mundificantis loco utuntur. Qui veterinariam artem exercent testati sunt mihi, se nullum præsentius amplecti remedium in curatione vulnerum equorum.

## C A P V T     X X X I V.

*Aminiuu, sive Gossypium, Ibitanga, & Maçarandiba.*

**A**Miniuu est Fructex eleganter arborescens ligno molli, foliis teneris dilute viridibus, in tres lacinias sectis, qui magnis floribus pentaphyllis lâte flavescentibus, stamine & tuberculis ejusdem coloris, in medio unguibus purpureis decoratur. His succedit corpus ovale, viride, nigrisque punctulis variegatum & quod ubi matu-

## A M I N I U V .



ruerit in tres capsulas dissilit, unde albissimum Gossypium erumpit, in cuius flocco immersi sunt septem nigri fructus pistaceorum fere magnitudinis & figuræ, quibus continetur nucleus albescens, pinguis, dulcis saporis instar amygdali, ex quo semine planta propagatur.

Semina & oculi foliorum contra fluxus ventris sanguincos vel sola vel aliis remediis mixta exhibentur. Eorum mucilagine incolæ passim utuntur contra febres ardenttes pectorisque morbos atque venena erosionem ventriculo & intestinis inferentia. Semen hoc terræ commissum in Hollandia felicissime pullulavit & ultra pedalem altitudinem excrevit, sed inclemantium hyemis ferre non potuit Fr. Ximenes testatur stolones contusos non solum eisdem malis, sed & morsibus puncturisque venenatorum animalium mederi.

Olim

IBIPITANGA sive CERASUS BRASILIANA.


Olim silvestris tantum, nunc ob usum & elegantiam in hortis Lusitanorum exculta arbor, figura Cerasi nostratis acidæ, nisi quod trun-  
cus contortior hinc inde cum ramis dispergatur. Foliis est saturate viridi-  
dibus, lœvibus, duobus semper sibi oppositis, juxta quorum exortum flo-  
res albi, cum multis staminulis cerasinis prodeunt, quibus succedit fructus rotundus instar baccæ Mori, primo miniatus, mox lætius pau-  
lo rubescens, & octies profunde striatus, umbili-  
co præditus. mensibus potissimum pluviis ma-  
turescit, cuticula non so-  
lum sed & pulpa quoque miniata, succulenta, sa-  
poris calidi & subamari, cumque grato acore a-  
stringentis. Lapis qui continetur unicus albici-  
cat, nucleum calidum &  
amarum habens, lapidi Cerasi Maçarandiba simili-  
limus.

Fructus autem hi, se-  
cundæ mensæ deliciis non solum sed ægris pro-  
desse solent. Ventricu-  
lum enim languidum mi-  
re reficiunt, flatus discut-  
tiunt, nauseam stomachi reprimunt.

Arbor hæc Cerasum  
altitudine non so-  
lum, sed & ligno, foliis  
fructibusque æmulatur,  
eique si è longinquo con-  
spiciatur, simillima ap-  
paret. Olim silvestris &  
in montosis potissimum  
locis nascens, nunc in  
hortis Lusitanorum quo-  
que excolitur. Floret  
mensibus hybernis, mox  
que fert fructus infinitos,  
Cerasi quidem Europæi



MAÇARANDIBA.




magnitudine, sed figura nonnihil dissimiles, quod hi non exacte sphærulæ instar rotundi sint, sed paulo compressiores, & pediculis brevioribus crassioribusque ipsis ramis adnascantur. accedit quod pellicula vestiantur tenaci, crassa, prius rubescente, sed ubi maturuerint, miniati & tristis coloris. Præter duriorem quem continent lapidem, lacteo turgent liquore dulcissimo, eoque non ingrato, ac proinde ab omnibus pariter incolis inter epulas expetito. Quia temperate calidus est hic succus, & nutriendi facultate pollet, expressus emulsionis instar exhibetur; tum imprimis contra frigidiores pectoris affectus, vel solus, vel aliis remediis pectoralibus admixtus: guttur denique & asperam arteriam male affectam, maximopere mulcere compertum est.

## C A P V T   X X X V.

*Sex species Tunarum, sive Ficuum Indicarum Iamacarū.*

**S**in ullis Americæ plantis mirus Naturæ lusus, certe in his Carduis sive Ficubus silvestribus apparet. Quippe adeo inter se variant, pro natalis soli diversitate, ut vix omnes ad easdem species quis referat, nisi flore & fructu, tum interna qualitate convenire deprehenderentur. In dissitis enim & densis nemoribus, ad quæ vix aditus patebat, aliquas communis arboris magnitudinem superare, in littore vero sitienti aliquas vix fruticis altitudinem adæquare vidi.

## I A M A C A R V I.




Prima spinosa quæ se offert *Iamacarū*, Lusitanis *Cardon*, fruticibus aut arboribus adnascitur tenues radices habens quibus se illis inserit. Folia ejus crassa, solida, instar Aloës triangularia, vario modo sibi invicem opposita, ut in Ficu Indica: Folia viridia, turgentia succo viscido, sed insipido. in extremitatibus angularibus foliorum, rudimenta fructuum sunt, & spinulæ acutæ juxta se positæ quatuor cinereæ. Provenit in ejus summitate flos suavis odoris, cæterum Nymphææ majori similis, exterius constans multis foliis viridibus, angustis, oblongis, & in medio horum columnæ flava, rotunda, superius in multas partes diducta. Fructus est ovalis figuræ & plus minus magnitudinis, triangularibus eminentiis conspicuus, cute tectus instar corticis Malii arantii, interne & externe colore elegantissimo seu laccæ & cinnabri mixto. Caro interior alba, succulenta, saporosa, seminibus nigris splendentibus referta, quæ simul cum pulpa comeduntur.

Præterquam quod ob delectabilem fructuum fragrantiam & ob succum ex acido dulcem, ab æstuantibus expetuntur: febricitantibus imprimis & biliosis convenienter recentes, quod grato acore palatum afficiant, & sitim sedent, cor ac ventriculum mire reficiant. Succus denique ex hac planta extractus, febribus ex bile natis medetur.

Secunda


## IAMACARV' II.



Secunda *Iamacaru* est mediocris magnitudinis frutex arborescens, caudice tereti, griseo, & stellatis aculeis obsito: superiores autem rami deorsum propendent, quorum exordia sunt longi processus teretes stellatim aculeati ut caudex; his ramis versus exteriora, insident folia Tunæ modo, ovalia, compressa, in ambitu aculeis singulatim positis. Fert florem albicantem qui ex illis tuberculis foliorum enascitur & in multa staminula definit. Fructus haud multum à præcedente differt, sed minor, cæterum gustu & dignitate illi par.


Tertia *Iamacaru* aliis *Caxabu* arbor magna & procera admodum, sponte erumpit ex unico folio crasso, octangulo, spinulis in stellulæ modum positis armato. Huic uni folio alia plura in altum erecta brachium crassæ Tunarum more adnascuntur: successu autem temporis folium inferius corticem griseum acquirit, ac in caudicem lignosum & crassumabit, spongiosum tamen & facile cædum; folia vero quæ caudici proxima ramorum vicem supplent, cætera foliorum. Caudex vetus, ac ramosa illa folia spinas denique amittunt, folia autem spinosa semper remanent. Flos huic caudici solitarius provent albus, magnus. sequitur fructus, ovo anserino duplo major, ovalis figuræ exterius ruber obscure, qui quod refrigerantis est qualitatis & grati saporis ab æstuantibus, sicut mihi in longis peregrinationibus contigit, comeditur.

## IAMACARV' III.




Quarta

## I A M A C A R V' IV.



Academico Lugduni Batavorum, apud Clariss. Professorem D. Vorstium reservandum dedi.

## I A M A C A R V' V.



Quinta Ficus spinosa, *Cumbéba* appellata. Ex radicibus tenuibus nascuntur triangulalia aut etiam quadrata folia, viridia, quibus alia hinc inde annascuntur ut in Ficu Indica: suntque duplo crassiora quam *Iamacarú* quæ fruticibus & arboribus annascitur; sed hujus longiora sunt: in angulis extremitatibus, aculeis munita, flavescentis seu lignei coloris; inæqualis magnitudinis juxta se posita. Florem fert ut præcedentes sed minorem. Fructus, figuræ oblongæ, constans cute crassa, egregie rubra. Pulpa friabilis alba, succulenta, & quasi in multos globulos conglobata ut nix gelu indurata: Eadem cum seminibus suis nigris comeditur, boni saporis, Ficum vulgarem superans. Succus è cortice rubro expressus acidi adstringentis saporis ut succus Ribium immaturorum. Folia succum dant brassicæ similem: qui si amarus esset, planta hæc Euphorbium esset, nam per omnia convenit cum illius descriptione.

Hæc Species Tunæ in Nova Hispania profert Cochinillam, quæ tamen hic locorum licet sedulo indagantibus nunquam apparuit.

Omnes hæc plantæ *Iamacarú* nunc tenuibus, nunc crassis spinis horridæ, adeo, profunde carnem humanam penetrant, ut vix ullo remedio evelli possint præcipue autem hæc quinta figura, *Cumbéba* dicta.

Sexta, & ultima *Iamacarú*, quantum quidem mihi & diligentissimo meo domestico habetens constitit, peculiare nomen, sicut & aliæ nonnullæ, ab Indigenis accepit, scilicet *Vrumbéba*, ex familia quoque Tunarum sive Ficuum Indicarum. Quæ in desertis mediterraneis tantum reperitur, atque licet in usus Medicinæ nondum recepta, posteritati tamen indaganda, ac proinde hic non negligenda. Caudice est recto, solido, spinis validis inordinate positis armato, cui in summitate multa folia, crassa, spinis horrida, Palmæ figura, ramorum vicem subeuntia, adnascuntur.

Fr. Ximenes varias quoque (*Nochili* in nova Hispania appellatas) harum Plantarum differentias dedit, quas potissimum summis à fructuum varietate.

Omnes *Iamacarú* frigidas & humidas, licet gradu differentes, comperi, exceptis granis quæ sunt sicca & astringentia. Quamobrem gummi quod ex illis destillat, fructus, folia, radices, febribus, aliisque malis ex intemperie calida natis, sive assumta sive extus admota medentur. Fructus imprimis, tam sanis voluptati, quam ægris solatio existunt.

Licet ego passim (ut & alii Autores ante me) in explicatione harum Ficuum Indicarum frondes quasi ex meris foliis constare dixerim: fateor tamen, si penitus ad examen reducantur, rami potius quam folii naturæ participare. Primo, quia nullum Botanicorum crediderim vidisse folium ex folio sicut hic, sed quidem ramum ex ramo pronasci, sicut perpetuo in hisce Ficibus contingit. Secundo, quia folia decidua sunt, quod nunquam in hisce Ficibus observatum est. Tertio, quia folia contigua tantum sunt arbori; è contra omne quod rami vicem subit, continuum sit sicut quoque ex anatomia quarundam Ficuum apparuit, ubi radices immediate continuatas vidi isti frondi, quæ folii nomen audit.


## C A P V T     X X X V I .

*Caraguatæ species variæ.*

**I**Mmensi esset laboris omnes & singulas elegantium harum stirpium differentias notare. Primam itaque & præcipuam *Caraguatá-acanga*, ex universa illarum familia, describendam suscepi, quæ fructu esculento & medica facultate commendatur.


E terris potissimum glebosis provenit, olim silvestris tantum, nunc ob usum & elegantiam exculta.

Nascitur foliis lâte viridibus, cavis, in speciem gladii mucronatis, prælongis, utrumque ferratis, denticulisque adeo acutis, ut nulla arte tractari, fructusque, quem intimo gremio occultat, vix impune erui possit. Eo loci proxime ad terram multi flores juxta se in orbem positi proveniunt ex cæruleo purpurei & in medio alba stamina habentes. quilibet flos digitum longus, constat tribus foliis. Fructum exinde promanantem (quem vides hic ad vivum alterum integrum, alterum dissecatum) Barbari proclaimant divendentes. Figura est digitali, cuius longitudinem & crassitatem adæquat; colore tam intus quam extus albo, & ad flavum inclinante; semine rotundo & nigricante: Carne est frigida,




IAMACARV' VI.

GVLIELMI PISONIS  
CARAGVATA' I. & FRVCTVS.



CARAGVATA' II.



gida, lubrica & spongiosa, multoque succo turgida, quæ palato acidulo sapore apprime applaudit. Cavendum tamen ne affluentius utaris, quod dentium stuporem non solum inducat, sed & linguam atque fauces sauciet, palatumque excoriet, ut non immerito *Sloptonge* à nautica pube nominetur. Succus cochlearis mensura, addito pauxillo Sacchari infantibus exhibitus eos vermbus & oris Scorbuto liberat. Adhæc febricitantibus ex cacochymia falsæ pituitæ prodest. Menstrua & urinas strenue, imo plus justo, si non decenti dosi propinuetur provocat. à prægnantibus manducatus fœtum ejicit: cuius rei non ignaræ meretrices, ut viris tuto se prostituunt sceleratum aliquando infanticidium exercent.

Optimum vinum ex eodem plantæ fructu exprimitur & usui reservatur. Sed quia forte est, inebriat & sanguinem accedit.

Secunda, *Caraguatá-guacú* sive major species, nascitur ex sabulosa radice quæ magnitudine, figura & colore plane Cepam æmulatur, atque inferius multa habet filamenta: primo assurgent quatuor aut quinque folia crassa, succulenta, viridia, cava, dein proveniunt plura, figuram habentia trianguli acutissimi, stantque erecta, in orbem adnata, acutis denticulis rufescientibus munita. Post biennium è medio foliorum exsurgit scapus femoris humani crassitie; rectus, spongiosus hinc inde triangularibus foliis minoribus vestitus, altitudine subinde viginti quinque pedum; in summitate autem explicat tenerum & fastigiatum truncum instar arboris cum suis ramis; unde iterum enascuntur multa conica corpuscula, quæ sese aperientia florem exhibent stellarem ex quinque foliolis constantem.

Ex foliis hujus plantæ optimus pannus conficitur, qui si ritte præparetur, panno lineo vix cedit. Ex substantia conicorum corpusculorum, antequam in flores abeant, alba filamenta gossypii æmula extrahi possunt. Folia stupam quoque & filosam materiam suppeditant, è qua fila & retia sua contexunt pescatores.

Eadem

Eadem vel leviter vulnerata succum tenacem & pinguem exsudant, smegmatisque defectum supplent. Radix aut etiam folia hujus plantæ recentia trita ac aquæ injecta, pisces ita examinant ut statim manu prehendi possint.

Planta junior in museo nostro diu suspensa, nova produxit folia ad parietem. Lignum *Caraguatá-guaçú* siccatum instar funiculi sulfurati ardet; ex eo ignis elici potest duriore ligno applicato. Pulcherrima fane & rarissima visu planta, cuius elegantissimus scapus exsiccatus lectis pensilibus portandis est aptissimus. Ego unum ex Brasilia mecum detuli, quem Clarissimo Viro D. Vorstio in Horto Publico Lugd. Batav. servandum dedi.

## CARAGUATA' III.

Tertia *Caraguatá*, Lusitanis *Erva-babosa*, Latinis Aloë dicta. Ex radice crassa succulenta brevi assurgunt folia multa, crassa, succulenta, acuminata, utroque latere dentata, pallide viridia, atque hinc inde griseo colore maculata. Inter folia prodit caulis, in duos ramos divisus, quorum quilibet fert spicam florum flavorum; est autem quilibet flos cavus, ad oram sextupliciter scissus, apertus, deorsum propendens, inodorus.

Hæc Planta aut eadem est, aut ejusdem speciei, cum *Manguey* aut *Melí* Mexicanorum, cuius plures reperiuntur species in nova Hispania de quibus Ximenes accurate egit, non solum tanquam Theoricus Botanicus, sed ut Practicus. Quippe insignes eorumus Medicos, nostris *Caraguatae* dignitatibus multum similes annotavit: Quæ qui curiosius videre volet, adeat Annotata in Histor. nostram Brasiliæ.

Porro plerique Scriptores qui de rebus Americanis commentati sunt meminerunt hujus plantæ, Gomara, Acosta, Clusius qui omnes fere consentientia tradunt iis, quæ Franc. Ximenes hic tradit ex Doct. Franc. Hernandez: Longe autem aliam plantam esse oportet quam D. Ioachimus Camerarius describit & cuius Iconem dat in Epitome de plantis, sub nomine Aloës Americanæ; quia scribit folia abundare succo amaro, & alia quæ minime convenient cum superiori descriptione. Quare differentia harum plantarum bene est observanda, cum alioquin foliis & quibusdam aliis notis inter se convenient. Ego enim hujus de qua nunc sermo nobis, nunquam purgantes; sed Chirurgi deteriorias & mundificantes qualitates in ulceribus fœtidis quotidie experti sunt.

Quarta *Caraguatá* planta est crescens in arboribus & putridis earum caudicibus. Ex radice filamentosa, proveniunt sex septem aut plura folia, ab uno ad quinque pedes longa, & crassa ut folia *Ananás*: tres aut quatuor digitos lata & cava instar canalis, atque in ambitu dentata aculeis brunnis, acutis, sursum erectis. Caulis in medio exsurgit crassus, lignosus, altus, hinc inde foliis obsitus, in summitate vero corona variegati coloris decoratur.

Alia denique *Caraguatae* species saxis horridis & montibus adhærere conspicitur. Fructu fatuo quidem sed purpurei coloris insigni, *Ananas* silvestrem dices: semine





numero turgens; Foliis vero crassis denticulatis, amplis & instar Dipsaci incurvatis, quæ aliquando medium sextarium, plus minusve, aquæ limpidissimæ, continent, maximo eorum solatio, qui per loca deserta, nullisque fontibus irrigua iter facientes, ad hasce plantas confugiunt & sitim extinguunt. Sicut mihi non semel contigit, cum Indigenis Mediterranea loca perlustranti.

Polypodium præstantissimum his plantis (sicut in Europa Robori) supernasci solet, omni Polypodio ad usus medicos præferendum.


## C A P V T     X X X V I I .

*Nana, Brasilianis; Ananas, Lusitanis.*

**A**Ctum agere nonnullis videbor, quod fructum toties descriptum & ad vivum exhibitum hic denuo producam. Verum cum ea prosequi sit instituti nostri, quæ praxin æque ac Historiam Botanicam illustrent; proferam quæ de *Ananas* qualitatibus, tum ab aliis, tum propria experientia didici. Eoque magis quod à fide dignis senibus Incolis testatum sit, primum hunc fructum ex hisce provinciis ad Peruviam, inde ad Indias Orientales delatum esse. Rechte quidem in comparanda rerum novarum notitia, follicite insitas vires investigamus: sed non minus interesse existimo, etiam indies cognitarum herbarum & fructuum ulteriores dignitates latentes scrutari, sicut in hoc & multis similibus verissime mihi contigit, & proculdubio sæpiissime mihi & aliis posthac continget.

Altilis

## ANANAS.



Altilis hujus Cardui species, Oviedo *Iaiáma*, Monardo Strobylus aut nux Pinea dictus, nemini credo ignotus, facileque optimus Indiarum fructus atque secundæ mensæ oblectamentum, & ornamentum, sive crudus sive Saccharo conditus. Cinaræ in modum spicis compactilibus instar cristarum, in summitatibus emergentibus nascitur, & dum augetur, inter foliola ejus prodeunt flosculi multi variegati, sed potissimum cærulei coloris, tribus foliolis constantes, qui maturescente fructu decidunt. Folia autem ex quibus emergit *Ananas* sunt circa viginti, oblonga, in ambitu dentata & in speciem gladii mucronata foliis Aloës æmula. Mensibus æstivis, Sole existente in Capricorno, maxime viget. Exigua semina seu grana subrufa in superficie pulpæ latitant. Fructus apprime succulentus, est insignis cinnabri coloris, Melonis fere magnitudinis, figuræ ovalis, per oras autem incarnati, odoris simul ac saporis suavissimi. Extuberantibus bullis ex flavo albicantibus exterius passim distinguitur, & quasi vermiculis aut tesserulis variatur.

Fructus matus superius plantam juniores habet, quæ decerpitur, & ita sine radice (nullam enim habet) terræ imponitur, quæ sequenti anno fructum fert. Vnaquæque planta semel & unicum fructum profert annuo spatio, & fructus novam simul plantam, quæ cum plantatur, vetus eradicatur & abjicitur, ut pote inutilis. *Ananas* vi Solis maturactus minoris fit apud Incolas quam ille qui in conclavi suspensus aliquamdiu fuit.

Hic fructus, quia succo corrosivo itmodice sumto linguam vellicat, ac gutturis ardores infert, desciffo cortice in taleolas secatur, inque vino Hispanico maceratur tantisper, donec qualitatem noxiæ deponat, qui gratum saporem & odorem vino quidem communicat, linguæ tamen morsus & gutturis inflammationem, si potetur vinum, inducit. Ipse autem succus, quo turget fructus, mirifice animum languidum recreat, & spiritus sopitos suscitat, & imprimis stomachum nauseabundum restituit. Ad do, quod recens ejus liquor, tum vinum inde expressum, urinæ suppressioni & doloribus nephriticis succurrat; tum quoque venenis, imprimis succo *Mandibœ*, adversatur. Idem illius radix, fructu deficiente, præstat.

Omnia hæc efficacius operatur liquor stillatius è fructu vi ignis extractus, si modica quantitate exhibeat: verum si largius concédatur, vasa urinaria infestat, adeoque corrodendi qualitate pollet, ut non tantum linguam & palatum sauciet, sed & in cultro, quo secatur, mordacitatis vestigia relinquat, idque intensius, si non probe matus fuerit.

fuerit. Maculas denique è vestibus eleganter absterget. Atque tunc prægnantibus non minus obest quam fructus *Caraguata*. Febricitantibus, tum vulneribus vel ulcerebus in festatis, prorsus abstinendum ab hoc fructu; adeo enim humores accedit, ut non solum impedit restitucionem ægrorum, sed & in pejus eos disponat.

Quapropter miror optimum Monardem, fructum *Ananas* frigidum & humidum dixisse. Minus fallitur Christophorus à Costa, qui calidum & humidum esse affirmat.

Silvestres quoque dantur *Ananas*, ex Carduorum familia, qui nunc humi, nunc altis arboribus supernascuntur, cuius fructus ut plurimum existit ovalis Citrulli magnitudine, compositus è quadrangularibus cylindris in extremitate quadrate pyramidilibus, per maturitatem flavescentibus. Cavi hi sunt, continentes granula ovalia innumera pallide flavescentia, papaveris majoris semine majora, suavia, & dulcissimo rore imbuta instar mellis. Qui exprimitur digitis in os, & pro summis deliciis absorberetur. Fructus etiam transversim discinditur in taleas. Plura qui volet de hoc Silvestri sive *Nana brava*, adeat Bellonii C. 40.

## C A P V T     X X X V I I I .

*Betys vel Betre, Nhandú seu Piper caudatum, & Aguaxima.*


**B**requens tum in silvis, tum in ruderibus Vrbis Olindæ esse solet *Betys*, frutex elegans, vel potius arbuscula quatuor aut quinque pedes alta; caudice recto, nodoso, digitum crasso, pallide viridi & per totum punctulis albis notato. Superius ad aliquot nodos, ramulos adipiscitur identidem nodosos & ejusdem cum caudice coloris. In ramis habet folia, ad quemlibet nodum unum, & simul unum julum. Foliū, linguæ figura, pallide viridis seu subflavescentis coloris, superius splendens, crassitie Lauri foliis pene simile. Denique *Piperis* stirpi farmentis, caule & facie externa simillima. In hoc tamen differt, quod folio & fructu paulo quam *Piper* est grandiori. Arbuscula plane nobilis & quantivis pretii.

Iuli qui ex ramulis dependent, formam *Piperis* longi mentiuntur, sed insipidi sunt & nullius usus. Verum licet fructus fatuus sit, radix tamen sapidissima est & celeberrima; nam & aromaticum quid spirat, & Zinziberis præstantiam sapore, colore, atque odore æmulatur, præcipue si recens sit; tunc enim, dignitate illi vix cedit, calida & sicca habetur in gradu intensiori.

Foliorum & radicum decoctum colicūm dolorem sedat, dolores membrorum mitigat, ventrem flatibus turgidum componit, pedumque tumores ex frigore natos amolitur.

Idem præstant balnea & fomenta inde confecta.

Præter hanc *Betyn*, aliæ adhuc, inter quas est *Betys* fœmina, in saltibus reperiuntur, julis gracilibus & exiguis botrorum modo congestis & pendulis.



**I**N arborescentis fruticis pene altitudinem caule tenui, nodoso assurgit silvestris planta, quæ *Pimienta dos Indios* à Lusitanis vulgo, à quibusdam *Betre* appellatur. cui egregie mucronata folia singulatim posita cum suis pediculis adnascuntur juxta nodos, ad quos itidem proveniunt multi juli, longi, incurvati, figura fere ut muris cauda, virides, qui prima æstate decerpuntur, ac in Sole siccati nigrescunt: continentque granula rotunda, nigra, seminis papaveris magnitudine, arcte juxta se in uvam composita, acri saporis, instar *Piperis* optimi quod ex India Orientali affertur. Radix in alias plures tenues dividitur, fuscas, insignis odoris, instar *Thymi*, & saporis acris qui linguam vellicat. Decoctum radicis & stolonum discutit atque incidit crassos & viscosos corporis humores, sanat *Hydropem* pedum.

Folia hujus plantæ medentur ulceribus tibiarum. Radix mirabiliter valet adversus apostemata. Vtrique, cum summe sint fortia, etiam exsiccata & diu reposita, ad balnea calida contra mala frigida usurpantur. Pharmacopœa æque ac culina jam dudum frequentiorem agnovisset usum, tam utilis herbæ; nisi tot *Capsici Brasiliensis* species in hortis alerentur & omnium *Piperum* vices supplerent.

Fr. Ximenes inter plantas novæ Hispaniæ hanc eamdem videtur descripsisse; non minus figura quam qualitatibus nostræ similem.


Quam vero Clusius describit julis potissimum ab hac differt.

Reperitur in Brasilia & alia ejus species ubique obvia & frequentissima in silvis mediterraneis: per omnia similis priori, excepto quod folia angustissima sunt & oblonga, fructus quoque seu cauda piperina longior & melior.

**I**N silvis littoralibus, maxime vero in fertilissimo Olindæ Promontorio copiose nascitur hæc planta, Lusitanis *Malva d'Isco*: Plurimæque ejusdem generis reperiuntur, sed quarum qualitates hactenus mihi sunt incognitæ.

Frutex est elegans, instar arbusculæ excrescens, ad trium, atque etiam sex pedum altitudinem. Caulis nodosus, teres, viridis, lignosus, fere ut caulis *Solani* ad aspectum.

Folia fert Titiæ similia,



A G V A X I M A.



paulo tamen grandiora, quæ singulatim posita, quodlibet suo pediculo ad nodos innititur: sunt autem folia lata, figura cordis, multis venis secundum longitudinem arcuatim eleganter notata.

Ad nodos, ubi folia proveniunt, etiam Iuli multi, quatuor aut sex digitos longi enascuntur, incurvati, figuræ ut cauda muris, unde Lusitani *Pimenta rabuda*, hoc est, *Piper caudatum* appellant. Sunt autem virides, & mense Octobri & Novembri decerpuntur, ac in Sole siccati, evadunt nigri. Continent granula rotunda, nigra, instar seminum Papaveris magnitudine, arcte juxta se in unum composita, saporis acris, instar *Piperis*, quod ex India adfertur.

Si ex aqua bulliat & Soli dein exponatur, fortius evadit & magis durabile in omnes usus.

Radicem fundit exterius nigricantem, optimam, atque utilissimam; quæ odore *Caryophyllum*, subtili & mordaci acore radicem *Iaborandi*, æmulatur.

Calida est & acris saporis atque inter antido tales habita, cumque partium sit tenuium, valide aperit, ac deobstruit. Nemini non ob præclaras virtutes, quibus abundant, cognita. Contusa, inque malagmatis aut emplastri modum partibus afflictis imposita, optime maturat & mundificat.


Succus vero foliorum frigidus, membris ambustis efficaciter illinitur. Ipsa folia, propter virtutes quas cum *Malvis* habent communes, Clysteribus induntur.

### C A P V T   X X X I X.

#### *Caachiræ duæ, unde fit Anil.*

**E**Tiamsi ad humanos usus & tinturas minus exculta in hisce terris celebris illa planta quam Lusitani *Erva d'anir*, Indigenæ *Caachira* appellant: tamen undique luxuriat, & ex radice gracili, longa lenta plures assurgunt caules teretes,

#### C A A C H I R A E I.



hinc

hinc inde filamentis in terram dimissis radicantes, & versus extremitatem se surridentes. Qui omnes ornantur ramulis, alternata serie dispositis; & quilibet habet septem vel novem cinerescentia foliola, bina sibi opposita excepto extremitate. Iuxta ramulos enascuntur breves pediculi & in iis flosculi fragrantissimi, sex aut plures, purpurei cum albo diluti, figura cassidis apertæ.

Nascitur passim in Brasilia, imprimis circa littoralia, sed ab Incolis hactenus neglecta qua ad lucrum & culturam, cæterum inter vulnerarias habita.

Datur & alia species in Brasilia ex qua *Anir* fit. Sed quia illius qualitates medicæ potissimum mihi compertæ sunt, citra propositum effet ulteriori descriptioni inhærente. utraque enim vulneraria apud omnes penne Americæ populos habetur, diversisque modis præparata, contra inveterata pedum & capitis ulceræ applicatur.

Qualitatibus medicis cæterisque usibus familiaribus licet inter se convenient duæ hæ plantæ; tamen figura multum discrepant, quod posterior hæc altius exsurgat caule unico rotundo geniculato spongioso, & hinc inde pilis rufescensibus vestito, adeoque succulento, ut si frangatur statim liquor cæruleus effluat. Pauci rami caudici adnati, folia habent sine pediculis duo semper opposita angusta, instar foliorum *Lysimachia* viridia, paulum hispida. In ramorum geniculis superioribus circumstant folia copulata ex quibus flos albus circularis emergit magnitudine *Bellidis*. Radix tenuis lenta cæruleo quoque succo turgida.

Fr. Ximenes testatur folia contusa dolorem capitis mitigare, maxime in infantibus: etiam in aqua macerata & cerebro apposita. Planta non nihil amaricat, estque acuta, calida & sicca in secundo gradu; Pulvis medetur plagis veteribus, si ante urina abundantur.

Iof. Scaliger. *Nil* vel potius *Nir* Arabibus est color cæruleus; qui vulgo Hispanis tam *Anir* quam *Anil* dicitur. Arabes quoque Isatidem Herbam vocant *Nil*. Garsias ab Horto lib. i i. cap. xxvi. *Anil* Arabibus, Turcis, omnibusque iis nationibus dictum, vocatur in Guzorate, ubi fit, *Gali*, nunc vero plerique *Nil*.

C A A C H I R Æ II.



*Caapomónga variæ species.*

**C**aapomónga aliis *Caaiandiroap* est herba silvestris fruticescens, in locis confrago-  
fis & aridis luxurians, Lusitanis *Erva do vina* dicta. Radicem habet longam, len-  
tam, tenuem, rectam, aliis radiculis interdum præditam, exterius subcro-  
ceam, interius candidissimam, subdulcis saporis: è qua prodeunt caules tres vel qua-

## C A A P O M O ' N G A I.



tuor, rotundi, nodosi, virides, ex parte rufi; quibus adnascuntur folia longa, mol-  
lia, superius saturate viridia, inferius incana: In summitate caulium rami sunt conti-  
nentes


nentes flosculos parvos umbellatim positos, dilute rubro purpureos. propter exilitatem eorum conformatio conspicu non potest, sed adhibito Megascopio, sunt delineati. Erumpunt è conico cylindracco corpusculo viridi, quod antequam se aperiat, hispidum est & pingue, ita ut facile adhærescat vestimentis. unde Lusitani vocant *Carpicos*, & *Herva d'amor*.

Herba Clysteri indita alvum cunctantem provocat, & viscositates intestinorum exturbat. Radicem inter antidota semper habuere Incolæ, si in convenienti liquore præparata hauriatur, quod partim vomitu, partim mictu quocunque venenum tu-to ejiciat.

Datur & alia *Caapomóngæ* species, eisdem locis crescens, priori, si formam & figuram spœtes, dissimillima, sed medica facultate non multum discrepans. Radix enim tenuium partium est, & ab indigenis ex aqua fontana ; à nostris ex aqua *Paiomirióbæ* cocta & iteratis vicibus potata, urinam provocat, renibusque prodest.

Tertia *Caapomóngæ* dignitate cæteris minime cedens à quibusdam *Trevo*, ab aliis *Erva d'Amor* dicta, quod viscositate quadam digitis & vestibus adhæreat. Si folia eorumque conformacionem consideres, *Trifolium Americanum* spicatum æmulatur. Ex radice longa, lenta, gracili exsurgit caulis rotundus, pilosus & quasi geniculatus. Vnde in brevi pediculo nascuntur juxta scoria folia viridia, inferius pilosa & canescens. In summitate caulis proveniunt flosculi purpurei coloris in spicam congesti, quibus succedunt siliquulae compressæ, hirtæ & quasi lunatæ. His semen continetur magnitudine Sinapi ex albo flavescenti, sapore & figura Phaseoli : Radix illius calida in secundo gradu, ebullitione ex aqua fontana vel alio convenienti liquore præparata & ægris propinata, facile inter prima habetur remedia, quæ fluxibus ventris ex frigore natis profundunt. Folia quoque apud primos Incolas in pretio habita, quod eorum suffumigia operto capite recepta, dolores ex frigore & catarrho natos feliciter restituant.

### CAAPOMONGA III.




### C A P V T X L I.

#### *Caaeo* sive herba *Castæ* duæ species.

**C**aaeo aliis *Iuquerii*, Lusitanis *Erva Mimosa*, Latinis herba *Castæ* vel *Viva* dicitur. Variæ hæc plantarum species varia sortiuntur nomina, quas Markgravius meus in Historia naturali Brasiliæ accurate exhibuit, quo lectorem curiosum remitto. Ego vero, ut antea monui, facultatibus & usibus rerum potissimum intentus, duas tantum earum species in medium proferò. Quarum prima, quantum cæteris proceritate inferior, tantum efficacia & elegantia superior existit. Celebris hæc herba, caule est striato, viridi, lignoso, aculeato, fragili tamen & medulloso, qui partim terræ incumbit, partim assurgit & aliis se implicat: in varios panditur ramos aculeatos; qui liber autem ramulus aliquot costas habet sibi semper oppositas, quæ continent foliola late viridia, ordine posita & sibi opposita, angusta, oblonga, ut lentium, sine pediculis, ad tactum tenera, in medio secundum longitudinem subtili nervulo, non conspi-

cuo



cuo nisi folium obvertatur. Ad caulem circa ramulos brevis provenit pediculus capitulum producens hirsutum, nunc cæruleo purpureis, nunc incarnati coloris constans flosculis egregiis. His succedunt siliquæ tenues striatæ, mollibus aculeis munitæ, in quibus semen splendens, nigrum, oblongum latet. Herba est dulcis saporis & inodora, sed radix fortis & ingrati odoris, medullosa, lenta, interius alba, exterius umbræ coloris. Mirabilis sane planta, quod vel levissime manu, baculo, vel afflatu tacta se contrahat & mox se componat. Ipse vidi silentibus ventis integros campos his plantis obsitos foliis expansis; mox, vel oris vel auræ marinæ levissimo afflatu folia omnium concidisse, & in momento se explicuisse.

Sequitur Secunda species *Caaeo*, Lusitanis *Sylva do Praya* vulgo dicta, quæ assurgit in altitudinem Pruni silvestris: folia illius similia foliis prioris speciei, sed angustiora, in ramulis disposita. Flos convenit cum flore primæ speciei, paulo tamen major. Lignum subrufum, lentum, multis spinis munitum. Fert semen in siliquis magnis, latis, plane hispidis, brunni coloris, tres digitos longis; quo mature facta siliquæ sponte in tot partes dissiliunt, quot seminis grana continent, quæ farris sunt magnitudinis, coloris olivacei, capulæ inclusa. Cum hæc à præcedentibus vix differat nisi magnitudine siliquarum, operæ pretium duxi, illarum unam, ob elegantiam, ea mole qua erat, adjungere.

Hæc, & aliæ ejus species arenoso & effæto solo nascuntur. Sole quoque cadente senescere, oriente vero denuo revirescere, verissimum est. Sunt qui motum spontaneum & sensum illi male tribuunt. Sed quia instituti nostri non est aliorum opinionibus refellendis temporis jacturam facere, proferemus ea quæ circa celebris hujus plantæ usum & abusum experientia comprobata sunt, & à nemine antea prodita.

Brasiliani, si cui forte necem moliantur, momentum exticcatæ herbæ in pulverem tritæ, epulis induunt, vitamque eripiunt. Hoc admiratione dignum, quod nullum huic malo

malo remedium aut antidotum à Medicis huc usque repertum, ipsi radici hujus plantæ præferendum. Hæc siquidem liberalius porrecta, vim veneni retundit. sicut latius probavimus in tractatu venenorū. Folia illius venenata, in emplastri formam redacta, strumas resolvunt & curant.

Franciscus Lopez de Gomara in Historia sua generali cap. 194 scribit in Peruvia nasci arbusculas quarum folia marcescant, simili tangentur, &c, cap. 205, similes reperiri in Nicaragua. Cæterum Garsias ab Horto lib. 11. cap. 27. Nascitur, inquit, in Malavar, planta miræ naturæ. nam si quis manum admoveat, illico contrahitur. Folia Polypodii, flores vero habet luteos. Christophorus à Costa cap. LVI. Herbam hanc vocavit vivam. Cæterum & antiquis nota fuit, siquidem accurate admodum describitur à Theophr. lib. IV. Hist. plantar. cap. IIII. sub finem. τὸ λημα ἡ ἴδιον π φύεται τῷ Μέμφιν· ὁ καὶ φύλλα καὶ βλαστοὶ τῶν ὄλων μορφῶν ἔχει τὸ ἴδιον, ἀλλ' εἰς τὸ συμβαῖνον τῷ αὐτῷ πάθῳ· οὐδὲ γὰρ

περίσσεις αἰκανθώδης ἐστὶν αὐτὸς καὶ τὸ φύλλον παρόμοιον ταῖς πλευραῖς. ὅταν δέ τις αἴψηται τὸ ιλαρίαν, ὥστερ αἴφαι αινόμην τὰ φύλλα συμπίπτειν φασίν. εἰτα μετέπειτα πνα γρόνον αὐτοῦ σιώσκειν πάλιν καὶ διάλειν. Id est: Nascitur peculiare quoddam virgultum circa Memphis, quod quidem neque folia, neque ramulos, neque totam formam peculiarem habet, sed accidentem tantum illi passionem. Quippe facies ipsi spinosa & folium perquam simile filicibus; ubi autem quis attigerit ramulos, folia quasi hebetata concidere aiunt; atque hinc post aliquot tempus reviviscere denuo atque folia sua explicare. Etiam Plinio non incognita fuit lib. XXIV, cap. 17. Adjectis his, inquit, Apollodorus affectator ejus, herbam aschynomenen, quoniam appropinquante manu folia contraheret. Memorat autem inter herbas à Magis celebratas, cum nihil certius sit, quam hanc herbam hæc pati. Ximenes de Plantis Novæ Hispaniæ agens, easdem videtur novisse. Ut & Noster Bontius in Indiis Orientalibus similem nasci testatur.

## C A A E O' II.



*Variæ species Mangues sive Mangles & Inimby.*

**Q**uantum à rerum exoticarum scriptoribus didici, per omnes Indias, paludosa loca, salcedine vicini maris imbuta, ab hoc arborum genere, quod *Mangue* vulgo vocant, obsidentur. Cujus non solum Oviedus, Clusius aliique Neoterici, verum & Theophrastus, Strabo, Plinius meminisse videntur. Sed cum potius rarum & eximum crescendi modum, quam usum, hactenus tradita fuerint, operæ pretium erit penitus naturam illarum intropexisse.

Tres dantur species *Mangues*: Prima *Gereiba*, quæ *Mangue* est alba. Arbor instar Salicis pumilæ, tali ligno, ejus denique figuræ, foliis itidem similibus, sed paulo crassioribus & directe sibi invicem oppositis. In extremitatibus autem ramulorum inter tria, quatuor, & interdum duo folia, duo proveniunt pediculi, quilibet tres, quatuor aut quinque flosculos habentes, congestos, ex albo dilute flavescentes, quatuor foliolis constantes, & in medio totidem staminulis nigris surrectis, mellei odoris. Folia hujus arboris, lucente Sole salem albissimum continent in sua superficie; quando vero cœlum nubilum aut tempus nocturnum, sal dissolvitur & instar roris adhæret: interdiu autem siccus & albissimus, digitis detergi potest. Ac tantum ex duobus vel tribus foliis colligitur, quantum juscuso probe saliendo sufficiat.


Secunda *Gereibuna*, quæ non radices ex ramis in terram agit, nec tam tortuoso flexu luxuriat. Folio est crasso, glabro, rotundo, dilute viridi, flore albicante, exiguo fructu & valde amaro, nucis avellanæ magnitudine, quo cum Palumbi & cæteræ volu-

creas, defectu melioris alimenti, se se ingurgitarunt, adeo eorum caro amarescit, ut vix esculenta sit. Cortice existit rubro, ex quo Rhois coriaria, Europæa haud inferior, conficitur, pescatoribus quoque ad retia tingenda, in quotidiano usu.

Tertia & postrema vera est *Guaparuba* dicta Lusitanis *Mangue Verdadeiro* cæteris magnitudine & præstantia longe superior. Æstivis mensibus fert siliquas inutiles fusi coloris pulpa amara refertas, oblongas duas simul copulatas; ejusque admirandus est crescendi modulus. Sicut enim ramos in altum vergentes & Pyri instar frondescentes habet, ita multi ejus rami ἀφυλλοι in radices converti videntur, quod deorsum tendant & sub terram se figant, aliisque ramis apprehensis, iis copulentur, simulque se protrudant, nec minus firmiter cohærent, quam primarii arboris trunci; ita ut ex multis caudicibus simul connexis arbor conflata videatur, egregio sane spectaculo & singulari arboris hujus natura, vepreti instar oram obsepiente, difficilemque aditum præbente. Lignum arboris est grave, solidum & corticem habet brunnum: ramos & folia sibi opposita; atque hæc quidem crassa nervo secundum longitudinem, & multis venis secundum latitudinem,

læte

## G V A P A R A I B A .



læte viridia. Flosculos fert multos in calicibus oblongis ex viridi subluteos. Fructus decidens Cancrorum terrestrium potius quam hominum est pabulum.

Radix autem ipsa quæ mollis est & humida, fissa & tosta, calida puncturæ venenatæ utriusque piscis *Niqui* applicata, ejus dolores sedat & membrum læsum restituit, licet prima fronte dolores exasperet. Magnum sane remedium est, & à pescatoribus primo inventum nobisque traditum.

INIMBOY.



**I**nimbōy. Asperè echinatus ille & vix tractabilis Brasiliæ frutex in silvis arenosis & littoribus sitientibus abunde pullulat ac jucunde virescit, quem vulgus Lusitanorum *Silva do Praya* nominarunt. Lobos, echinoides quos C. Clusius vocat, profert duabus vel tribus sphærulis lapideis refertos: in Cynosbati magnitudinem ex crescit. caudex, & ramuli pleni spinulis hepatici coloris, lignum intus medullosum instar Sambuci. Sunt autem folia læte viridia, splendentia. Flores fert in spicam congestos luteolos. Hos sequuntur lobi spinosi, hirsuti, coloris, cum maturuerunt, hepatici, in quibus singulis continentur duo globuli durissimi, maturefacti ex lobis erumpunt, cinnerei coloris, glabri & splendentes, qui quassato lobo strepitum edunt: nucleus interior ex albo flavus, amari saporis, instar Lupinorum.

Radice est gracili & dura, interius albicante, ad tertium gradum calida & saporis amari. Hujus resina, ad pugillum, plus minusve, assumta, excitat vomitum. Contra que illa venena potissimum operari testantur Empirici, quæ lente vires suas deletrias exserunt, & tarde vitam depascuntur. de quibus in tractatu Venenorū latius egi.

## C A P V T X L I I I

*Petúme sive Tabacum.*

**C**Elebris herba *Tabacum*, sive *Petum*, quæ Brasiliensibus *Petúme* dicta, per omnes fere Indias Occidentales, antiquitus ipsis Incolis in pretio habita ad vulnera imprimis curanda. Mox Europæ ejus consciæ facti, atque ulteriores vires indagantes, primo recentia folia eorumque succum in varios usus humanos; mox exsiccata

P E T V' M E.



inabusus quoque & delicias applicarunt. Ita ut nunc, tanquam hibernus fatus, sumus Tabaci universum Orbem infecerit. cujus qualitates nimium forte etiam ipsis Lippis & Tonsoribus notas, enarrare supersedeo, solummodo eas traditurus dignates, quas virescens herba in natali hoc solo ad solatium ægrorum suppeditare solet. Evidem nihil putem vel levissime rei Botanicæ initiatu notius esse quam calefaciendi & exsiccandi ejus manifestas qualitates; sed quantum abstersoria, mundificativa, erosiva, resolutiva, astrictoria, imo vi quoque antidotali polleat, non omnibus forte constare putem. Ita ut non immerito Nicotiana hæc, *Hervasanta* à Lusitanis appelletur. Evidem si quis universam vegetabilium naturam penitus inspiciat, vix credo, veterem orbem aliquas plantas, tribus nostris nobilissimis Americanis polychrestis dignitate pares producere. Quarum prima est radix *Mandioca*, quæ alimentum, venenum & antidotum vastissimis

vastissimis totius mundi partibus suppeditat, ut suo loco probavi. Secunda, Palma illa nuces *Cocos* producens, unde non solum varia medicamenta concinnantur, sed potus, ne dicam victus & amictus, aliaque ex variis arboris partibus necessaria suppeditantur. Tertia est hæc *Petume*, quæ quantum alimentofa qualitate duabus præcedentibus cedit, tantum medicamentosis viribus eas facile superat, cujus varias & discrepantes operationes haud adeo facile est recensere, quapropter compendium earum quæ à me usu crebro confirmatæ sunt in medium proferam.

*Petume* sive Tabaci alii duas, alii plures dederunt species, ego maris id est majoris tantum Iconem & descriptionem exhibeo, quæ aliquando ultra fruticis altitudinem exsurgit, si exculto & glebosò solo committatur. Ex radicibus multis, filamentosis, amaris, caulis unicus, crassus exsurgit; unde rami ornate expansi enascuntur in foliis magnis amplis densis, quæ Solani atque Oxylapathi foliis non dissimilia sunt, & sine ullo pediculo dictum caulem & ramulos amplectuntur: omni anni tempore plantatur, & à frigore imprimis arceri debet, atque tunc solum quoque Europæum non aspernatur, licet in usus medicos minus efficax sit. Semel tantum flores fert in summitatibus ramorum candidos, purpurascentes, campanulæ figura, quibus decidentibus succedunt veluti capitula papaveris semen nigrum parvum continentia. Nunc videamus quem usum quæque pars plantæ suppeditat.


Recentia folia eorumque succus & balsamum ulceribus cancerosis non solum frenum imponit; sed venenatis quoque mortibus medetur. Aqua vel alias conveniens liquor in quo maceratum est Tabacum pediculos enecat, & multa capitis cutanea mala mundificat. Cineres foliorum exsiccatorum, vermes enecant; Mastixata laffitudinem & famem sedant in desertis peregrinantibus, ut mihi & itineris sociis meis contigit. Ventriculum & cor aromaticæ vi roborant. An vero fumus per tubum attractus vel pulvis masticatus loco sternutatorii cerebrum expurget? an quibusdam quoque somnum; aliis vero ebrietatem conciliet? illi facile norunt qui utrumque perpetuo circumferunt. Syrupus denique Tabaci (cujus in morbis Endemiis præparatio tradita est) Asthamati & Hydropi multum prodest, imprimis si causa frigida & viscida in iis prædominentur, quod validissime incidat & absterget.

Sed quia animadvertis Indis eorumque imitatoribus idem saepe evenire, quod circulatoribus Europæis ut vel superstitione credulitas vel ipsa auri fatua intercurrat, cautiones abhibendæ sunt, ne quis herbam hanc, tanquam Panaceam celebret, eamque in omni casu prostituat. Cum enim folium ejusque succus, sive infusum, sive syrupus assumpitus vehementer turbent corpus, vomitum vel alvum provocantes, iis non propinari debere suasor fui, qui vel bilioso vel delicatori fuerunt temperamento. quamobrem crebræ indicationes in corporibus sub cœlo fervidiori habitantibus exsurgunt, ut potius Peti usui circa externa quam circa interna mala diu insistamus.

## C A P V T X L I V.

*Mirabilis Peruana, & quambú, species Caryophyllatæ.*

**N**obilis hæc planta, nominibus non solum pro Regionum diversitate, sed colore & odore quoque variat. Nativa est huic Americæ Continenti, & inglebosis saxosisque terris sponte luxurians: In Peruvia tamen qua ad nomen & culturam magis celebris, unde in Europæorum hortos translata, ob florum nobilitatem ab ipsis rei botanicæ ignarisi excolitur: à me autem ob radicis qualitates medicas hic exhibita. Peruviani eam *Hachal-Indi*, Latini Mirabilem Peruanam dixerunt. Caule firme, succulento, subflavo, geniculato in fruticis altitudinem exsurgit, ex quo ramuli nodosi proveniunt, circa quos nodos folia bina adversis pediculis nascentur, foliis Siliquastrum vel Solani similia. Flores è summitatibus ramorum quinquangulares, longi, concavi, convolvuli floribus similes exsurgunt; tanta colorum elegantia & diversitate certantes, ut vel purpurei vel nivei, vel flavi, imo binis coloribus



ribus inter se mixtis elucent, atque odore suavi Narcissum non nihil æmulentur. Quapropter non mirum, si seplasiarii, ignorantis vim medicam radicis, ex ipsis floribus colorem extrahere malint, & mixturas inde confectas, mulierculis pro cosmetis care divendant. Parum sunt durabiles flores sed numerosa sobole, & assidua successione jacturam illam compensant. Accedit, quod notatu dignum, illos media nocte ad lumen aperiri & patentissimos fieri; nec more aliorum Sole delectari, quia ejus calorem ferre nequeunt, quod minimo fervore humor florum tenuis & paucus dissipetur. Contra fit iis quibus humor latus, copiosus & nisi ad Solis calorem hiat. Eadem videtur diurni aut nocturni in plantis odoris esse ratio.

Porro membranacei florum calices unum semen quasi pentagonum, obtusum, fuscum, tuberosum continent, quod vel minimo motu dejicitur & apertum alba pulpa micat. Radice quoque est intus albicante, extus nigricante, filamentosa, acris, sed non ingratis saporis.

Animadvertis, Clusio aliisque exoticorum scriptoribus, ex relatū tantum, usum ejus medicum esse commendatum, quem ego tamen tractu temporis comperi verissimum, scilicet inter hydragoga usurpari radicem, cuius effectus satis felices in Hydropicis me mini me vidisse.

Cæterum an tabescente hac planta, circa caulum nodos candida quædam lacryma appareat, quæ à Sole concreta salis gustum referat, sicut de ea Clariss. Camera-rius testatum reliquit, mihi in Brasilia experiri datum non fuit, licet non perfunditorie id observare conatus sim.

**V**biique in littoralibus campis sponte luxuriat & ultra Europææ Caryophyllatæ altitudinem assurgit, cæterum internis qualitatibus, & facie externa, exceptis foliis illi similis, unde idem quoque nomen Caryophyllatæ indidimus. Caulis unus rectus ul-

tra

## CYAMB' , sive CARYOPHYLLATA.



tra quatuor pedum est altitudinis, cui ad singula genicula bini rami & lâete viridia, Europææ foliis acutiora & angustiora. ad ramusculorum extremitates singulas provenit flos flavus, Tormentillæ æmulus, constans quinque foliis angustis. Cui succedit Capitulum rotundum, hispidum, repletum semine oblongo. Radice est multa, tenui, filamentosa, quæ odore Caryophyllos refert. Calida & sicca est in intenso gradu, attenuandi non solum & abstergendi, sed astringendi quoque vi pollens, ac proinde tam ad corroboranda viscera, quam ad incidendos viscidos humores usurpatum cum successu.


## C A P V T X L V.

*Belingela, Quigombo vel Alcea Muscata, & Gangila sive Sesamum.*

**S**icut Europææ plantas & sata quæ felicis proventus arbitrati sunt, in Americam aliquando transtulerunt, ita & Africani inter herbas usuales huc adductas studiose etiam nunc alunt eam, quæ *Belingela* Lusitanis, *Tongu* vel *Macombo* Angolensisibus

## GVLIELMI PISONIS

B E L I N G E L A.



Q V I G O ' M B O prior, sive A L C E A  
M V S C A T A.



golensibus Africanis dicta , ut & duas  
has *Quigombo* & *Sesamum*. Si ad Europæas  
plantas primam hanc *Belingela* compares,  
fructus ejus Mandragoræ fructui ; si folia  
*Melongelæ* potius similis ; si qualitates,  
utriusque præcedentis herbæ participat.  
Adeo Africana *Belingela* hic exculta, me-  
dium videtur tenere inter illas herbas si-  
bi cognatas.

Ex radicibus crassis brevibus exsurgit  
caulis unus atque alter varie flexus, cui  
hinc inde folia elegantia, magna, lacinia-  
ta, obscure virentia, nervis & venis purpu-  
rascentibus, colore & odore Brassicæ no-  
stræ æmulis adnascuntur. Flores juxta se  
positi duo vel tres, lacteis & dilute purpu-  
reis venis intertexti, unico folio constan-  
tes, quod instar stellæ sexangularis expan-  
sum & divisum fructum à tergo vestit. Qui  
fructus Pomi est magnitudine, rotundus,  
lævis ex albo splendens, cum striis, primo  
ex viridi purpurei, mox flavi coloris, in-  
teriorius carne alba, semina multa instar Se-  
fami continente. Poma hæc in pretio ha-  
bita apud incolas, quorum usum & præ-  
parationem Africani Incolis Americanis  
suppeditarunt. Cocta pro epulis appo-  
nunt addito oleo & pipere, saporis sunt  
grate acidi, Citri æmula; tantum enim ab-  
est, ea cruda salutaria esse, ut ob insignem  
refrigerandi vim, qua pollent, etiam cum  
aromatibus & calefacientibus obsonijs  
nimius usus aliquando obfit.

**S**equitur prima nobilior species *Qui-*  
*gombo* Africana, cui à Lusitanis cognō-  
men additum satis appropriatum *Quigom-  
bo de chero*, hoc est odoratum , ob semen  
muscatum. Si usum totius herbæ, inter Al-  
ceas & Malvas recentes , si seminis odo-  
rem consideres Bamiæ Prosperi Alpini  
non male respondet ; cæterum externa fi-  
gura ab utraque multum recedens.

Advena quondam hæc planta non per-  
ennat, sed singulis annis in hortis seritur,  
radicem multam albam , tenuem , fila-  
mentosam, longissimam proferens , unde  
caulis unicus, rotundus, hirsutus, ex parte  
rufus , ex parte viridis exoritur , hinc inde  
pediculos proferens ejusdem coloris, quo-  
rum cuilibet adnascitur unicum folium  
quinquangulare in ambitu serratum , ru-  
gosum, multis venis & nervis intertextum.  
Flores pentaphylli, flavi, inodori hinc in-  
de prodeunt, propriis pediculis adhæren-  
tes. Qui circa trihorium ante meridiem  
se aperiunt (quod Alcæa quoque Europæa  
com-

## Quigombo Altera.


commune habet cum hac nostra) & mox post meridiem corrugantur. His succedit corpus turbinatum, pentagonum, hirsutum, intus in quinque cellulas distinctum, quibus infinita semina adhaerent grisea, quasi leviter striata figura renis ovilli, interius alba, quæ non solum masticata, sed manus attactu leviter modo incalenta fragrantissimum odorem moschi referunt, adeo fortem, ut quibusdam capitum dolorem inferat. His cosmeticū utuntur & abutuntur ad adulterandum verum moschum. Alium præterea usum in medicina an præstent semina, nondum comperi. Herba loco Malvæ adhibetur in fomentis & clysteribus, ejusdemque fere habetur qualitatis.

Secunda Quigombo ex Africa traducta & tandem Brasiliæ ob felicem proventum quasi nativa facta, est illa, quæ vulgo ab omnibus passim Incolis Quigombo, Angolensibus autem Quillobo nominatur. Caule unico, crasso, nodoso, & rufō ad fruticis fere altitudinem assurgit. Pediculis, ramunculorum loco alternatim positis decoratur; quorum quilibet sustinet folium in quinque lacinias sectum, ac toto ambitu serratum, Vix folio non multum dissimile, superius obscure, inferius dilute virens, ac ibidem nervum rufum & venas virides habens. Ex summitate caulis emergunt flores pentaphylli cum stamine & apicibus sulfurei coloris. Fructus ejus pericarpium est, pyramidale, novangulare, ex viridi fuscescens: constans alba & parum glutinosa carne, cortice crasso instar Mali aurantii; intus in octo loculamenta longa divisum; in quovis duplex ordo seminum rotundorum petiolis suis adhaerentium. Pericarpium hoc viride totum coquitur in aqua, & coctum comeditur cum oleo, aceto & pipere: quo immaturius eo melius est ad coquendum, & melioris saporis, alias enim nimis dulcescit.


Radix lenta albicans in multa tenuissima filamenta divisa, insipida, ac ab indigenis & advenis haec tenus tantum neglecta, quantum fructus expetitus.

**Q**uartam herba ex illa parte Africæ quæ Congo dicitur per Æthiopes huc translata, à Lusitanis Girgilin dicta, apud Indigenas innominata, nobis Sesami habetur species. Ex radice tenera, exsurgit caulis rectus, quadratus, viridis; cum foliis oblongis, haud latis, teneris, colore Atriplicis albæ, quasi farina inferius aspersa, plerumque binis velut sibi oppositis. Flores fert albos, deciduos, figura Campanulæ: quas sequuntur siliquæ erecte stantes ad caulem quadrangulæ, quæ maturefactæ fuscescunt & sponte dissiliunt, contentumque semen excidit, quod parvum & album est, figura cordis.

Fr. Ioannes de Santos Histor. Æthiopiæ Orientalis lib. I. cap. 4. In omnibus, inquit, his Provinciis plurimum Gergilim reperitur, candidissimum & optimum, ex quo fit oleum, quod vulgo usurpatur & comeditur, ut in Portugallia oliva-



GANGILA. five  
Sesamum Africanum.



ceum. Contunduntur semina in vase ligneo, grandi, factō ad modum mortarii. Postquam bene contusum fuerit, & coactum in massam, exprimitur rite iisdem lignis quibus contusum fuit; effluitque oleum valde clarum: & amurca, quæ reliqua fit, comeditur à Nigritis, cum milio cocto, loco butyri.

## C A P V T X L V I.

*Cannarum Indicarum diversæ species, Meerū, Albará, Paco-çeróca, & Paco-caatinga.*

**I**nter eas Plantas quæ in Europæ regionibus calidioribus ex Indiis translatæ vigent, hæc ornatissima quoque datur, quam Cannam Americanam non immerito appellilarunt, quod ejus stolones Arundinum modo firmi, nodosi extus, & spongiosi intus, recta in octo vel novem pedum altitudinem exsurgant. Prima autem occurrit illa, quæ Meerū Brasiliensis dicta: cujus caulem viridem folia solitarie posita ambiunt, duos fere pedes longa. Caulis superiorius in alios ramulos dividitur, aurei coloris flores inodoros producentes, quibus capsula sive fructus echinatus, primum viridis, mox nigrescens, ubi maturuerit, succedit, in quo per cellulas divisa sunt multa seminis grana, nigra, lævia, magnitudine & duritie Pisimillima, albaque substantia quadam repleta. Ex iis vulgo corollæ precariæ fiunt.

Radix mirum in modum est crassa, tuberosa, longa, succulenta, splendens, & instar Cepæ squammis rufis prædita. Hujus plantæ vel Cannæ Indicæ Clusius quoque meminit. Ego ejus foliorum dignitates experientia comprobatas exhibere satago, quæ ad secundum gradum refrigerantia, tum & abstergentia, contra multa mala cutanea calida, externa atque interna applicantur. Hypochondrio denique utrique contra Lienis & Hepatis calores cum oleo Aningæ & Nymphæ



Brasilicæ imposita, curationem absolvunt feliciter. Idem præstat lacryma quædam alba Tragacanthi æmula & subdulcis, quæ ex vetustis stolonibus destillat.

Secunda

## ALBARA.

Secunda, *Albará*, *aliis*  
*Pacivíra* dicta. Iisdem  
 locis silvestribus at-  
 que triviis umbrosis  
 luxuriat hæc species  
*Meeru*, aspectu pul-  
 chra, stolonis & ra-  
 dicis firmitate at-  
 que pondere Can-  
 nam quoque Indi-  
 cam, sed summitate  
 sua *Lilium America-*  
 num silvestre æmu-  
 lans: foliis quoque li-  
 cet prælongis, angu-  
 stioribus tamen est &  
 ex imo caulis erum-  
 pentibus. Flore deni-  
 que magno, flavo, in-  
 odoro & cochleari-  
 formi, nunc incurva-  
 to, nunc in postica  
 parte instar cuspidis  
 extenso. Semine est  
 nigro, & radice bul-  
 bosa, sicut *Meeru*,  
 prædita.


Folia vulneribus &  
 ulceribus utiliter ad-  
 hibentur, unde *Erva*  
*dosferidos* vulgus Lusitanicum nominat. Tu-  
 berosa & succulenta ejus radix à Nigritis com-  
 editur, & ab omnibus pariter Incolis intensæ  
 habetur caliditatis, ac proinde Hispanis æque  
 ac nostris Chirurgis Batavis in quotidiano est  
 usu; maxime in apostematis & ulceribus ma-  
 turandis.

Tertia est *Paco-çeróca* Brasil. dicta, in sex se-  
 ptemve pedum altitudinem assurgit; caule re-  
 cto, spongioso & viridi, instar *Meeru*: habetque  
 folia plane illi similia eodem modo, sed in sum-  
 mitate folium convolutum ut in *Paco*. Infer-  
 ius ad caulis exortum ramuli sunt, multis cavis  
 incarnate rubentibus floribus onusti. Quibus  
 subsequitur fructus in uvam congestus Pruni  
 magnitudine, coloris fusci, triangularis figuræ,  
 superius eminenti papula præditus. Intus est  
 parva pulpa filamentosa, cinabrii coloris, ma-  
 gnitudine nucis avellanæ, in tres partes divisi-  
 bilis, odoris grati & vinosi, in qua continentur  
 infinita grana triangularia, fusca, albo nucleo  
 prædita. Cortex exterior succulentus, qui cu-  
 tem tingit colore brunno, ut Cerasa nostratia  
 nigra; atque adeo usurpatur loco atramenti.

Folia recentia ut & caulis & fructus imma-



PACO-ÇERO'CA.




turus,

# G V L I E L M I P I S O N I S

214

curus, si fricentur, odorem de se fundunt Zinziberis, & suavem admodum. Ac proinde defectum aromatum supplent. Balnea quoque calida ex iis conficiuntur.

## P A C O - C A A T I N G A.



ro ambiunt sine pediculis hinc inde folia solida, longa, in medio, nervo secundum longitudinem, nullis secundum latitudinem venis: sed subtilissimis lineis oblique discurrentibus, ut in soliis *Meerū*: suntque superius glabra & dilute viridia, inferius molli hirsutie praedita & subalbicantia. In summitate caulis, provenit conus (ut in pinu) in fastigio paulo acutior, squamis praeditus, quæ in prominentibus extremitatibus aurei, cæterum miniati sunt coloris. Sub his tandem dilatatis, flosculus canus instar alvearii apiarii, sub quo cuticula est albescens, instar loculi, continens ultra viginti grana nigra, magnitudinis seminis Ceparum, albisque filamentis adhaerentia. Caulis hujus plantæ masticatus detrahit humores è capite, calefacit ejus succus, & diuretica vi pollet. Atque est insigne remedium contra gonorrhœam & dolores nephriticos.

Ego succum ejus acidum exprimi, certaque dosi, addito convenienti syrupo, ægris bis de die exhiberi consultius duxi, & multum profuisse sum expertus. Ea tamen cautione, ut usus illius frequens vitetur, quod suo acore ventriculum infestet, genitalibus quoque obsit, quemadmodum in multis videre contigit, qui temere illo utebantur.

Reperiuntur & aliæ species præcedenti in multis similes, sed quia ejus qualitates medicæ nec Incolis nec mihi compertæ, iis supersedeo.

Quinta est Arundo silvestris, multis incognita, quam olim aliunde huc delatam testantur. Excolitur nunc in hortis Lusitanorum. fature admodum viret, Cannæ Sacchareæ altitudinem excedens, cæterum illi quam simillima. Radice est admodum magna, nodosa, dilute flava, atque Radicis Chinæ instar ponderosa.

Ejus substantia in pulverem redacta, & ex vino pauxilla quantitate exhibita, tam valide urinas & menstrua movere, imo fœtum mortuum expellere dicitur; ut inter tuta medicamenta vix haberi possit.

Quarta est *Pato-caatinga*, aliis *Periná*. Quæ inter innumera Brasiliæ Arundinum silvestrium genera reperitur. Præter eximiam illam sativam *Sacchari Cannam*, reliquarum omnium facile reginam in memoribus exsurgunt admodum excelsæ plumbisque vestitæ, ut arborum altitudinem, tibiæ vero humanæ crassitiem adæquent. Quædam duriores, sagittisque sunt dictæ. Equarum radicibus decoctis lixivium contra capillorum defluvium concinnatur. Plurimæ quoque dantur aliæ, quas silentio prætero, ob ornatum vel usum ab opificibus dumtaxat aut agrorum colonis expetitæ.

Hæc vero quæ usum in Medicina præstat, bulbosa & semper virescens, vulgo *Canna de mato à Lusitanis* nominata.

Caulem habet Arundinaceum digitalis crassitudinis, rotundum, & intus continentem succulentam medullam subdulcis saporis, consistentiæ fere ut *Canna saccharifera*: Hunc por-

C A.

## C A P V T X L V I I.


*Diversæ species Laborandi.*

**I**Ta primis Incolis, quatuor hisce plantis, placuit indidisse idem nomen *Laborandi*. Nec immerito, quod quantum facie discrepent; tantum efficacia eaque nobilissima multum sibi similes existant, quippe omnium radices (quarum vires Brasiliani Lusitanis & Nostratis Belgis revelarunt) adeo commendabiles, ut inter Panaceas hodie habeantur: usumque in medicina præstent eximum.

I A B O R A N D I' I.



I A B O R A N D I' II.



Prima quæ se offert *Laborandi*, recta nascitur, caule griseo, tereti, per certa intervalla nodoso, tortuoso, & inæquali. Radix filamentosa, exterius ex albo flavescens, interius albicans, odoris & saporis acris ut Pyretrum. In singulis ramulis ab internodiis tria habet folia sibi apposita, ad tactum mollia, parum pilosa, nervo conspicuo & venis obliquis, pallide virentia, inferne paulum candicantia. In extremitate ramolorum multa foliola parva, venabuli figura, sibi invicem confertim sunt apposita, in duos ramulos diducta, in quibus flosculi albi, quatuor foliolis constantes; quos sequitur semen, dupli palea tectum, ut in Cannabi, fuscum, compressum, parvulum, cordis figura, cui ab uno latere pars abscissa videtur. Radix valet contra venena imprimis frigida: Pugillus siquidem recentis radicis contusus atque è convenienti liquore propinatus, vim cujuscumque fere veneni per sudores & urinas exturbat. Cujus portentosum specimen Barbaros edidisse vidi, præsente Illustriss. Nassaviæ Principe, in Capitaneo, qui Fungos venenosos comederat.

Secunda species fruticescens: caulinus assurgit, per longa intervalla nodosis & teretibus. Foliis est saturate viridibus, splendentibus, & ad tactum instar membranaceæ chartæ in extremitate incurvatis, nervis & venis crassioribus conspicuis. Radice est tenui,

tenui, filamentosa, quæ primo insipida, sed altius masticata, acrius urit palatum quam ipsum Pyretrum, cuius loco ad liberandum caput & dentes à pituita, adhibetur. Alii Empirici adversus urinæ suppressiones & venena à frigore nata, ea utuntur cum successu satis felici.

## I A B O R A N D I ' I I I .



## I A B O R A N D I ' I V .



Tertia, Fruticis altitudinem adæquat, inque terris tantum solidis & pinguibus crescit. Foliis latioribus & minus acuminatis. In summate pappis vel julis decoratur, quibus semen inhæret intense calidum & urens. Radice est tenui & luxuriante, in qua hujus plantæ dignitas potissimum consistit. Ad tertium gradum calida est & sicca, subtilium partium, Pyretrique vicem non raro supplet in praxi. Peculiariter denique vi venenis à frigore natis adversatur.

Quarta: est frutex arborescens, caudice duro & nodoso, sature viridi, Lauri majore, cæterum non dissimili. Fructus sive Iuli potius, Piperis longissimi non qualitates, sed tantum formam æmulantur, & caudici adnascuntur, foliis magnis, linguæ figuræ, acuminatis, nunc alternatis, nunc sibi & Iulis oppositis. Radice est præcedentium Iaborandi efficacia, simili: folia pro balneis & fomentis contra affectus frigidos in usu existunt.

## C A P V T X L V I I I .

*Caaghiyuyo, Marrubium, Camara-Iapo sive Mentastrum,  
& Aninga-Peri.*

**C**aaghiyuyo non imbellis planta, luxuriat pluribus in locis Brasiliæ, ad Fruticis altitudinem, caule lignoso, unico, exsurgens. Foliis est acuminatis, hirsutis, ad tactum mollibus, leviter serratis, binis sibi oppositis, quæ tribus eminentibus nervis secundum longitudinem, multis autem venulis secundum latitudinem intertexta sunt, ac superius tuberculis pilosis, inferius scrobiculis scatent albicantibus. Flosculis albis succedunt baccæ nigræ, magnitudine baccharum Juniperi, dulcis saporis, quæ comeduntur à Barbaris, & succum dant instar Myrtilli fere. Vnde smegma ad lavanda linteamina extrahunt.

Foliorum pulvis non solum, sed & succus, ulceribus male mortatis & ex calore potissimum ortis inditus, feliciter illa restituit. Ac proinde à Chirurgis multum expetitus.


C A A G H I Y Y O.

M A R R U B I U M  
Americanum.

**S**Icut quædam Novi Orbis plantæ, ob externam solummodo figuram, ita quædam ob internas potissimum qualitates, cum Veteris Orbis herbis conferri solent. Ita tota equidem hæc cum vulgari nostratium Marrubio, eundem spirat odorem & quidem suavissimum, efficaciæque est facile majoris. A quocumque Marrubio in hoc potissimum discrepans, quod hic flores non in ambitu ipsius caulis ad certa interstitia, sed in extremitatibus ramulorum verticillatim positisint, & quidem cœrulei, tribus foliis constantes: Cæterum proxime accedit ad Marrubium Pannonicum Clufii, quod illa quoque folia sicut hæc nostra habeat magis tenuia, oblongiora, acuminatiora, lanuginosiora & subtilissime serrata.

Ad trium circiter pedum altitudinem assurgit, caule striato, nodoso, leniter hirsuto. Circa singulos nodos in caule, ad certa intervalla, ramuli tres aut quatuor proveniunt, directe sibi oppositi, foliis quoque aliquot copulatim ibidem dependentibus. Ramuli autem foliis cum parvis pediculis ad sex septemve patia sibi directe oppositis ornantur, & floribus verticillis finiuntur. Totæ planta ad tactum est glutinosa, aromatici odoris, & amarescentis saporis. Calida ac sicca habetur, ac inter deobstruentia, contra pectoris imprimis vitia frigida usurpat. Syrupi quoque & condita inde concinnantur flatulento ventriculo dicata.

## CAMARA-LAPO sive MENTASTRUM Americanum.



ANINGA PERI.



**S**I ulla in campis toto anno sponte luxuriat herba Medicinalis, hæc quidem *Camara-lapo*, sive *Menthæ* species, facile primatum tenet. Etiamsi enim foliis nostratiū sit acutioribus, aliisque partibus externis hinc inde ab ea abludat: tamen, si odorem, saporem, & qualitates examines, usque adeo congener *Menthæ* est Europææ, ut vix quicquam ab ea recedat. Lusitani eam quoque *Mentastro* appellant. Assurgit caule unico, procero, tereti, hirsuto & rufo, in bipedalem altitudinem, foliis leviter serratis, hirsutis, inferius quasi incanis, binis sibi oppositis, cum parvulis adjunctis. In superioribus ramulis caulis, multi flores umbellatim positi, toto anno Tanaceti fere modo proveniunt, cum staminulis dilute cærulei coloris. Quorum odor, ut & totius plantæ, est *Mentastri* æmula, saporis amaricantis & aromatici. Semine nigro, exili, oblongo, quod maturum pappis evolat. Radice est tenella, filamentis multis prædita. Tota planta calida & sicca habet gradu intenso.

Eisdem porro usibus dicata, quibus *Mentha*, magnique fit apud Incolas; tenuum enim & aromaticarum cum partium sit, Syrupi & Electuaria inde cordialia flatus discutientia, pectus & ventriculum roborantia præparantur.

**A**NINGA PERI Brasilienibus dicta est planta fruticescens, quæ passim in silvis densis nascitur, flore exiguo albicante, cui paucæ uvulæ è cæruleo nigricantes, Sambuci baccis similes, succedunt. Foliis decoratur lanuginosis, ovalis figuræ, triste viridibus quidem, sed aspectu pulcherrimis; ad tactum instar Vrticæ mortuæ, molibus & veluti lanuginosis, quæque nervis multis & crassi distinguntur.

Folia recenter contusa vel in pulvrem redacta, recentibus & inveteratis ulceribus medentur prima intentione, si profunde illorum succus aut pulvis iis immittatur.

## C A P V T X L I X.

*Aguapé sive Nymphæa, Aningæ dux palustres, & Potinçoba  
sive Hydropiper.*

Inter illas herbas quæ mundo Occidentali cum Europa sunt communes, *Nymphæa* est, Brasiliensis *Aguapé*, Lusitanis *Golvaon* dicta, quæ lacubus & stagnis passim innatae conspicitur. Folia nostrati *Nymphæa* habet similia, inferius multis venis implexis prædicta: flor em etiam talem, sed qui constat duo decim foliis oblongis, acutis, angustis, albis, & quatuor viridibus foliis subtus, suavis odoris. Ejus folia & flores sicut externa facie, ita qualitatibus admodum conveniunt cum nostratum, iisdemque sunt usibus dicata, apud omnes passim incolas. Quippe folia sola, vel radices tibiarum ulceribus, inflammationibus & erysipelati applicata, medentur.

Oleum radicis *Nymphæa* quoque præstantissimum existit, atque contra internos & externos affectus calidiores in quotiano usu receptū.


Radices *Aguape* hujus longæ & succulentæ sunt, coctæ sive leviter assatæ inter medicamenta alimentosa numerantur, & apponuntur inter acetaria.

Præterquam enim quod bilem retundant radices, fluxibus ventris dysentericis solamen afferunt & frenum imponunt. Ita ut ipsi quoque Empirici comprobent quotidiana experientia id quod veteres Arabes & Græci de qualitatibus *Nymphæa* olim testati sunt; scilicet flores ejus quidem refrigerare & humectare; sed in radicibus & semine siccandi & refrigerandi qualitates prælucere. Accedit quod in non paucis id vegetabilibus pateat, ut una eamque planta pro diversa uniuscuiusque partis natura suum variet temperamentum.

Inter tot immensas palustres herbas, adhuc tres usuales hoc capite describendas suscepimus. Quarum primo se offerunt duo frutices, sub nomine *Aningæ*, quæ sicut ob raram & pulchram faciem cæteris facile præcellunt, ita qualitate Medica haud inferiores existunt. Quæ autem *Aninga-iba* dicta, frutex est qui quinque aut sex pedes ex aqua erigitur unico tantum caudice fragili quasi internodiis diviso, cinereo instar Iuglandis, in cuius summitate aliquot folia magna, late viridia, crassa, laevia, figura pene *Nymphæa* vel *Sagittalis*, nervo recto & venis transversis conspicua. Quæ singula pediculo innituntur ultra pedem longo, succulento. In eadem caulis summitate inter folia exsurgit flos unicus, magnus, concavus, folio unicō incarnato constans, coloris pallide flavi, cum stamine crasso, flavo, in medio floris concavo. Huic succedit julus, qui fructus evadit, perpetuis quadratis constans, ovi Struthionis plus minus, magnitudinis & figurae,



A N I N G A I.



A N I N G A II.



ræ, coloris viridis, intus refertus pulpa alba, humida, quæ maturefacta & exsiccata, farinacei fit saporis & tempore famis comeditur. Cujus tamen excessus cum evidenti vitæ periculo fit, quod ob frigiditatem & flatulentiam, more Fungorum terrestrium su' locationem minetur.

Lignum eorum qui ad arboream altitudinem excreverunt, ad varia mechanica usurpatur, cum enim levis sit, tenax, suberosus totus caudex, Indigenæ & Nigritæ exinde *Iangadas* potissimum conficiunt, id est, rates suas ex trilignio copulato, ad fluvios raptim trajiciendos. Medica autem qualitas in bulbosa sua radice consistit, de qua mox in secunda *Aninga* agam, quia utræque earundem sunt virium.

Alter autem *Aninga* eisdem locis stagnantibus, ejusdemque altitudinis conspicitur. Caudice itidem unico; sed qui dispescitur mox in varios caules crassiusculos, molles & junceos, Musæ sive *Bacobæ* instar; unde ex unoquoque caule folium prægrande, oblongum, rarisch venis conspicuum fastigiatur. Flore est unico atque magno & candido, ex quo progerminat fructus haud vulgaris, primo viridis, mox ex cinereo flavescentis, oblongus, crassus, compactus, ac veluti granis & punctulis distinctus. Nobis inutilis habetur fere, Barbaris autem edulis ex defectu melioris alimenti.

Vterque *Aninga* radice est crassa, bulbosa, quæ sola foliis & fructui harum plantarum in Medicina præferenda est. Quippe cum præter primas qualitates frigidas, tenuium quoque sit partium & deobstruens, in varios usus adhibetur à Lusitanis & Barbaris.

Contra

Contra hypochondriorum & renum inflammationes ac obstrunctiones, fomenta exinde conficiuntur. Oleum denique expressum, præstantissimum habetur contra prædicta mala, atque olei Nymphæ & Capparum vices supplet.

Si ex radibus denique in urina humana coctis balnea fiant, eaque aliquoties calida reiterentur, summo existunt solatio contra morbos articulares, tam inveteratos, quam recentes.

### POTINÇOBA.



**Potinçoba**, omnibus passim nota, Herba ultra tibiæ altitudinem vix assurgens, *Pul-  
gera* Lusitanis dicta, folio oblongo, nunc maculato, nunc immaculato, hinc in-  
de per paludosâ & aquosa loca stagnantia conspicitur, Perficariæ per omnia similis,  
unde eam Perficariam Americanam appellare placuit. Caulem habet nodosum, tere-  
tem, viridem, & ad nodos rufescentem: folia similia foliis Salignis. In Summitate ramu-  
lorum proveniunt spicæ florum tenues & longæ, plenæ flosculis albis. Fert semen  
triangulare, splendens, fuscum, parvum. Radix est instar capillorum longorum, qui-  
bus sub aqua se sustentat: nam caules oblique sub aqua natantes, ad nodos habent fi-  
bras capillatas satis copiosas. Radix illius commansâ intensiore fervore & acrimoniam  
linguam inficit, Europæumque Hydropiper tantum non superat.


Fomenta è foliis veteres membrorum dolores dissolvunt, frigiditatesque abolent.  
Pubi sèpius applicata urinas è frigore cunctantes ciunt. Cæterum recens herba inter  
caustica primas tenet, cuius rei non ignari Chirurgi, ea quotidie utuntur contra ulcera  
putrida, & vermis scatentia. Tumores induratos digerit, cataplasmatis in modo  
imposta.

### C A P V T L.

### *Althæa, Camarú, Aguara-qui'yá, & Acutiguépoobi.*

**I**n ter diversas Malvarum & Althæarum species Americanas, Europæarum æmulas,  
hæ quidem duæ familiarissimæ & ab omnibus expeditæ sunt. Quarum nomina ver-  
nacula mihi exciderunt. Lusitani eas communè nomine *Malva Iſco* vocant.

## ALTHÆA.



Prior (cujus iconem hic exhibeo) Malva est eleganter arborescens, caudice recto, inferius ramis orbo, superius in multos distributo, in quibus folia magna, Malvæ hortensis Europæ, vel Abutili Avicennæ modo, solitarie posita cum longis pediculis adnascuntur. ea in totum sunt hirsuta; inferne albantia, in ambitu subtilissime dentata, ad tactum glutinosa. In extremitatibus ramorum, & capitellis hirsutis, instar Alcææ vel Bamiæ Ægyptiacæ enascuntur flores insigniter incarnati, pentaphylli, glutinosi, cum staminulis multis flavis. Semen est splendens, nigerrimum, quasi triangulare.

Folia & flores quotidiani sunt usus, loco Malvæ, sicut mox probabitur in sequenti herba.

Altera Althæa magnitudine quidem, sed non dignitate inferior, ex radice multa tenui in caulem rectum, teretem, uno latere rufescens, vix ad quatuor pedum altitudinem, ramulis ornate expansis, assurgit. Cui folia singulatim posita, in longissimis pediculis Malvarum more adnascuntur, inque tres vel quatuor lacinias secta,

& crasse in ambitu serrata, quibus notis potissimum à præcedenti planta discrepat. Superne saturate viridia, inferne incana, hirsuta, & ad tactum mollia, nervis & venis rufescens. Prope exortum foliorum ad caulem & in summitate caulis ac extremitatibus ramorum provenit flos egregie incarnatus, pentaphyllo, stamineque in medio incurvato: tot triangulares, hispidæ, adhærentes capsulæ grisei coloris, juxta se in orbem positæ sunt, quot folia flos habuit; in quibus semen triangulare, subrotundum, & figura Lunæ gibbæ, coloris grisei, magnitudine Farris. Ego utriusque herbæ decoctum pro clysteribus & fomentis quotidie præscripsi: quod inter modice refrigerantia & emollientia principatum teneat. Nec aliam peculiarem qualitatem, ab Althæa veterum discrepantem, in hac potui animadvertere.

**C**amarú, sive Solanum vesicarium. etiamsi enim hæc Solani species Americani silvestris foliis suis dentatis, caule piloso, nonnihil abludat à veterum Solano Halicacabo; tamen si cætera externa & interna rite considerentur, nulli alteri plantæ comparari potest. adde quod hujus silvestris folia in ambitu serrata plane convenient cum foliis Solani hortensis Fuchsii.

Ex radice parva, alba, filamentosa, enascitur caulis satis crassus, quadrangularis, nodosus, pilis albis vestitus. Ramis itidem pilosis folia adnascuntur dilute viridia, ad tactum mollia, longis pediculis innitentia; figura cordis, crassa, modo in ambitu dentata, similia foliis nostratis Solani Halicacabi. Ex thecula rotunda prodeunt flosculi parvi, pallide flavi, in quinque angulos expansi; intra florem sunt quinque maculæ & totidem

## CAMARV.



totidem staminula purpurea : ita ut flos clausus quinquangularem stellam referat. Post quos sequitur fructus pallide flavescens , Cerasi magnitudine , folliculo inclusus modo nostratis Halicacabi fructus , nimirum pentagono , turbinato , cujus anguli lineis purpureis intexti. Fructus comeditur & est sapore fere ut nostras Halicacabas. Herba cocta servit lavandis cruribus , ac proinde frequenter balnea ex iis conficiuntur.


Fructus tenuium partium cum sit, hepatis & renum abstractionibus dicatus est, eodemque modo ut in Europa exhibetur. In eo solum differens , quod diuretica qualitas in remissiori gradu huic videatur concessa.

**A** *Guara-quiya*, sive *Solanum bacciferum Americanum*. Sponte in agris & deviis arenosis luxuriat notissima hæc planta . vulgus Lusitanorum diversa indidit nomina: alii enim *Erva Moura* vel *Pimente do Gallinha*; alii *Erva do Bicho* merito appellarunt, quod frequens ejus sit usus in Endemia illa ani inflammatione *Bicho del culo* dicta. Frutex hic ex radice filamentosa , alba , caule unico, viridi, medulloso ornate exsurgit. Folia habet Capsico Brasiliensi similia, duo , tria, vel quatuor juxta se posita , inæqualis magnitudinis. In quolibet pediculorum hinc inde nascentium emergit flosculus albus ex quinque foliolis retrorsum inclinatis , quinque staminulis erectis, luteis, in medio positis. His flosculis verno tempore potissimum succedunt baccæ rotundæ, quæ maturefactæ, præ nigredine splendent, copulatim pendulæ, succulentæ , multos acinos purpurascentes continentes , quæ ab avibus devorantur.

GVLIELMI PISONIS

224

AGVARA-QVIYA.




Folia imprimis, magni  
funt in Medicina, à Chirurgis æque ac à Medicis  
expetita. Cum astrin-  
gendi & refrigerandi in-  
signi qualitate vim quo-  
que anodynæ habent  
conjunctionem, non tamen  
soporiferam. Vulneribus  
tibiarum, rimis papilla-  
rum mulierum, folia  
cum optimo successu ap-  
ponuntur. omni denique  
excedenti calori atque  
inflammationi prosunt,  
ardoresque nimios ani-

extinguunt, si eorum succus recens expressus  
cum tædis ano immittatur. Cautio tamen ad-  
hibenda perpetua, ne promiscue in omni inflam-  
matione pro topico apponantur, ob insignem  
repellendi & refrigerandi vim, quæ in tota hac  
planta videtur prælucere.

Cortex ejus contusus & aquis impositus pisces  
inebriat, ut in retia præcipitentur.

ACUTIGVE' PO-OBI.



**A** Cutiguépo-obi. Non imbellis planta  
fruticescens in silvis hinc inde  
confici datur, quæ ex radice superius  
rotunda instar Bulbi, succulenta, infe-  
rius filamentosa, exsurgit unico caule  
longo, recto, arundinaceo, ex quo hinc  
inde promanant in pediculis folia lon-  
ga, acuminata, eleganter viridia, splen-  
dentia, ad tactum instar membranaceæ  
chartæ, nervo secundum longitudinem  
& subtilissimis lineis obliquis decorata,  
& in ambitu linea rubra, fimbriata.  
In summitate caulis, provenit flos instar  
Lilii egregie incurvati & ignei coloris,  
tribus vel quatuor foliis constans: apud  
quodlibet folium tria, quatuor, aut  
quinque stamina extant, ejusdem colo-  
ris, figuræ ut dens apri. Radix assata vel  
cocta tempore famis comeditur. Et  
imprimis à Medicinæ peritis expetitur,  
quia sola absque alio remedio ulceræ  
male morata sanat, si contusa iis ap-  
plicetur.


C A.

## C A P V T . L I .

*Variæ species Quiya sive Piperis Brasiliensis, &  
Mangaratia sive Zinziber.*

**C**irciter duodecim diversæ species Piperis domestici sive Capsici Brasiliensis periuntur: ut plurimum figura fructuum differentes, cum in cæteris fere conveniant. Quarum pleræque licet ab exoticorum authoribus traditæ sint icones, non supervacaneum duxi, has addidisse. Quinque eorum genera, fructum surrectum

## Q VIYA sive P I P E R B R A S I L I E N S E .




& sursum spectantem habent, cæteræ sunt fructibus sive rotundis sive oblongis ad terram inclinantibus. Frutescentes sunt omnes foliis & floribus inter se sibi similes; cæterum fructuum insigni pulchritudine inter se certant.

Sed, ne quis erret, longe alia est planta ab ea quæ fert notissimum aroma *Mallaguetta*, Belgæ vocant *Grayn*, quod ex Africa affertur; nam neque semen, neque planta ulla modo convenient; siquidem *Mallaguetta* semen nascitur in lobis pene ad modum Ireos, & folia dicitur habere similia Gladiolo.

Cæterum licet virium gradu differant hæ nostræ *Malagueta*, fere omnes tamen sunt acres atque insignis efficaciæ, & imprimis quorum fructus minimi sunt, sive rotundi, sive oblongi, ut *Quiyaki*, & *Quiya-apuá* sive *Pimeta rodonda*, *Quiya-cumati*, & *Quiya-*

Q Y I Y A.



*Quiya-carapo.* Excipitur tantum unica quæ *Pimenta dolce* appellatur, & sive cruda sive condita mensæ deliciis inferatur sine ullo calore molestio. Flores omnium sunt candidi, fructus sanguinei coloris, semine sunt ex flavo albicante & ferventis caloris, foliis Solani simili- bus, laxe virentibus.

Teste Ximene Mexicani hanc plantam *Chilli* vocant, quæ fert siliquas illas, Hispaniolæ Incolæ *Axi*, & Antiqui Siliquastrum, Hispani piper Americanum, & Actuarius *Capiscum*. De quarum viribus & usu Ximenes prolixe egit.

Olim ob insignem acrimoniam, neque in medicinam, neque in cibum admittebatur, sed postquam humanum genus excogitavit correctoria & utendi modum, utriusque nunc participat.

Indigenæ, Lusitanæ, & nostrates, hæc Piperis genera omnia, Orientali Piperi longe præferre solent, eaque, tum recentia, tum exsiccata, concisa, cibo, imprimis piscibus, optimum saporem conciliant, & sanitati conducunt. In multiplicem usum præterea à Medicis juxta ac vulgo arefacta reservantur, nec facile vires deponunt, sed potius sumunt ad siccitatis & caliditatis supremos gradus. Integrum Piper recens (quod minoris est fortis) deglutitum, summopere valet ad discutiendos stomachi flatus, languidamque concoctionem, corroborat denique viscera à frigore obsita. Vrinam cit in spiritu vini macerata siliquæ infusum; membra torpida & paralytica restituit, si eo reiteratis vicibus laventur.

Pulvis ejus apostemata frigida resolvit gallinæ axungiae mixtus. Tutius autem & jucundius hæc præstat, si rite præparatum ciborum obsonia ingrediatur, quod fit acetum, cui integrum Piper immersum fuerit: tum quoque si in pulvrem redigatur cum modico Salis Brasiliensis.

Eximiæ hæc plantæ jam dudum in hortis Hispaniæ & alibi, non modo propter ornatum, verum & usum medicum ac condimentorum fuere excultæ. In hortis autem totius fere habitatæ Americæ plures illius species observantur, & siliquæ illarum in tam frequenti sunt usu, ut vix edulia reperias quibus non admisceantur. Quamobrem cautio habenda, ne quis iis crebrius & immoderatus utatur. Renes enim, oculi & hepar exinde inflammantur in regionibus his fervidioribus, præcipue juvenibus & viris qui à vino non abstinent, dolores hypochondriorum, abscessus internos excitant. Semen hujus plantæ adeo est acre, ut cavendum sit, ne quis digitos ad oculos ferat, cum illud confricuit. Qui plura volet, adeat Clusii Curas posteriores, ubi exhibetur tractatus egregius Patris Gregorii de Siliquastris. Recens enim tussim validam proritat, corpus turbat, atque pectus maxime infestat, si carbonibus impositum, ejus fumus excipiatur ore vel naribus. Omnium horum fruticum folia & radices prima balneorum calidorum sunt ingredientia.

**A**rte colitur, non sponte crescit, *Mangaratiá*, quæ apud totius orbis Incolas in delicis usurpatur. Ac proinde cum neque cultura vel externa facie, neque interna qualitate

qualitate ab alio Zinzibe-  
re multum discrepet, de-  
scriptioni hujus nostræ  
non inhærebo. Recens &  
viridis, saporis est fortio-  
ris quam quæ ætate siccata  
ex India affertur, magna-  
que quantitate hic Sac-  
charo conditur. Quod an-  
tequam sit, Soli exponi-  
tur, ut superflua humiditas  
consumatur: sed cave ti-  
bi à nimio usu, præcipue  
qui sanguine es fervidior:  
adeo enim oscula venarum  
acrimonia suâ aperit, ut  
sanguinem subinde per  
urinas eliciat. Quando  
cum caule & folio trans-  
plantatur, folia decidunt,  
& post trimestre demum  
spacium nova generantur;  
ideo sine caule sola radix  
plantanda.

Etiam si putem non esse  
Brasiliæ nativam, sed ex In-  
diis orientalibus sicut ory-  
za huc traductam; tamen  
in omnibus Americæ pro-  
vinciis luxuriat; seritur  
enim & propagatur tam  
per semen quam per radi-  
cem, idque felicius men-  
sibus æstivis. Interdum integra radix, parieti appensa, ibi progerminat. Vide quæ Clu-  
sius & Garzias ab Horto super hac Planta notarunt.

*Fr. Ximenes.* Quod Mexicanî vocant *Chilti*, Orientis Arabes, Turcæ, & Persæ di-  
cunt *Ginzibit*, officinæ *Ginziber*. Duæ autem illius reperiuntur species: quarum una di-  
citur mas, altera, fœmina. Mas habet folia magis aspera quam Gingiber, & crassio-  
ra, verum ejusdem figuræ: radicem quoque majorem & crassiorem, saporis acris &  
aliquantum amari; usurpatur adversus affectus ventriculi & intestinalium è causa  
frigida.

## C A P V T L I I.


*Nhambi, Jacua-Acanga, aliis Aguaraquinha, &*  
*Herba Lanuginosa.*

**O**lim neglecta planta, in silvis & nemorosis dumtaxat locis reperiebatur; tan-  
dem, cognitis illius virtutibus, hortis est illata. Pro vario naturæ & culturæ  
lusū, variis modis excrescit, & faciem subinde mutat. Herba est caule satis cras-  
so, lignoso, tereti, geniculato, qui Portulacæ modo partim humi serpit, partim erigi-  
tur atque radices agit multas, filamentosas, teneras, albas. Caulis & ramuli perpe-  
tua hirsutie quasi vestiuntur, atque hinc inde se ornate dispergunt, duo sibi oppositi,  
quisque folium producens magnum, dilute viride; quod ut variæ magnitudinis, ita &  
figuræ est; aliquando enim leviter est serratum, aliquando profunde laciniatum.

In extremitate ramulorum flores proveniunt solitarii, magnitudine Cerasi mino-  
ris,

## MANGARATIA sive ZINZIBER.





ris, constantes solo umbilico rotundo sine foliis: Cæterum Chamomælo non multum dissimiles. Semen in umbilico, ovali figura, plane compressum, ex fusco grisei coloris splendentis.

Calida & sicca est in tertio gradu, linguamque prægustata vellicat. Lactucas cæterasque humectantes & refrigerantes herbas, quæ pro acetariis solent apponi, temperat, & sapore aromatico imbuit. Præterquam quod tenuitate partium & caliditate intensa calculum frangat, vis peculiaris contra colicos affectus illi inest. Tum quoque si flosculi & pappi comedantur, renum viscositates & uteri immundities expellunt. Syrupus eisdem malis dicatus præparatur. Flatus & obstrunctiones ex frigore ortas dissipat, si intus assumatur, aut balneis, fovendo corpori concinnatis, injiciatur.

Poten-

Potentia antidotali præstare & toxicō summe adversari, experimento compertum habeo. Itaque quod vidi, hic referam. Brasilianus quidam Bufonem nactus prægrandem & veneno tumidum, succo floris & foliorum tergo leviter instillato, eum confestim enecavit. Nec tantum animantia venenata exstinguit, sed & præcordia hominum adversus venena munit, si mane & ventriculo adhuc jejuno manducetur.

Aquas hydropicorum feliciter educit, & robur addit visceribus. Indigenæ ad firmandam valetudinem, pultibus è *Mandiboca* factis, hanc herbam indunt, non sine prospero successu, quod frigiditatem ejus egregie retundat.

## I A C V A A C A' N G A.

**F**rutcescens & ornatiſſima planta, in arenosis potissimum locis luxurians, à nostris ac Barbaris in usum quotidianum recepta. Vulgus Lusitanorum *Fedagoſo* nomen indiderunt. Assurgit ultra duorum pedum altitudinem caule hirsuto.


Foliis est crassis Nepetæ similibus, palmæ magnitudinis, rugosis, & ad tactum plusquam Vrticæ asperis, & ut Scarlea corrugatis. Ex quibus exsurgit caulis, sive spica potius, decem circa digitos longa, granulis perpetuis, eisque viridibus cooperatus more Plantaginis, nisi quod summitas illius caudæ, Scorpionis instar incurvetur, quæ finitur flosculis parvis, è cæruleo & luteo mixtis, figuræ instar parvi calicis. Radix pedem longa est, fere recta, pauca aut nulla filamenta habens, intus alba, lignosa & lenta, fere insipida, cortice fusco.

Inter abſtergentes & mundificantes numeratur hæc planta, contra vulnera & ulceræ, quod ſimul consolidandi qualitate polleat; tum & contra cutaneos affectus, ex aduſtione natos, feliciter adhibetur, sive ſimplex, sive composita.

Reperitur & alia species priori plane ſimilis, niſi quod paulo major sit quoad caules. Radix eadem est, folia autem paulo molliora, ſpica quoque incurvata, flosculis albis, quinque foliolis constantibus. Semen denique rotundum, non triangulare, ut in priori. Hæc nomen audit *Aguaraquinha*. Vulgaris quoque & trivialis plancta, cuius folia contusa, apostemata & tumores resolvunt, ſi reiteratis vicibus eorum succo fricentur. Multis porro uſibus dicarunt, & contra interna mala exhibent Incolæ.



## HERBA LANUGINOSA.




## C A P V T . L I I I .

*Caa-atája, Ipecacuánha, & Caa-apíá.*

**I**N pratis uliginosis & apricis campis elegans planta *Caa-atája* reperitur: Lusitanis *Erva de purga de Ioan Pays* dicta. Vnico tenuissimo quadrangulari caule, vix palmæ altitudine assurgit, semper lète virescens, partim terræ incumbens, ad genicula iterum in terram radices agens parvulas, partim erecta stans. Ad quodlibet geniculum, duo folia sibi opponuntur, Nummulariæ figura & magnitudine seu rectius *Veronicæ* aut *Chamædryos*, in ambitu ferrata, & pallide viridia.

## C A A - A T A ' I A .



Aucioribus cognita, & in numeris peregrinatione mihi tradita hæc herba, aspectu egregia. Quam hactenus vero nomine destitutam, primo intuitu Lanuginosam appellare placuit, quod caulem & folia, eaque exigua, pulchra, longa & molli lanugine obducta invenissem.

Fructum fert rotundum & viridem, lanuginosum, fatuum: Radicem habet parvam & tenuem, non ingrati sed subamaris saporis, cum quadam adstrictione, in qua sola parte plantæ qualitatem medicam latere comperit.

Contra fluxus ventris à frigore natos, apud mediterraneos & remotiores incolas, familiare est remedium, milique admodum commendatum, sed nondum in usus adhibitum, quod in habitata parte Brasiliæ vix occurrat.

Radice est fibrosa, tenui, parva, subamaris saporis.

Inter nobilissimas & vere medicinales purgantes & aperientes hæc herba merito censetur à peritioribus Incolis: à vulgo profano vix cognita, & nondum in usus applicata: utpote cuius manibus vix tuto permittitur tam efficax medicamentum.

dicamentum. Quippe illius decoctum vel succus, tum quoque pulvis, si exsicetur, pauca quantitate exhibitus, tam valide menses movet, ut non impune ab omnibus capiatur. Ego succum recenter expressum ad 3j. circiter, ex convenienti liquore propinatum, menstrua & urinas, tum quoque excrementa per alvum satis vehementer aliquando exturbasse observavi.

IPECACUÁNHA.



**T**andem ad decantatas has salutiferas radices ordo nos deducit, quæ præter facultatem purgatricem per superiora & inferiora, omni veneno eximie adversantur. Nec credo, præstantius remedium adversus plurimos morbos ex longa obſtructione ortos, imprimis in ventris fluxibus medendis, in hisce terris reperiri facile.


Duæ existunt species, neutra à nemine, quod sciam, descripta, earumve qualitates eximiæ in lucem protractæ. Vtraque eidem usui dicata, sed gradibus facultatum, tum & facie, & natali solo, differunt. Vna enim earum humi depreſſa, exiguior in pratis crescit, Pugelio non admodum diſſimilis. nam caulis foliis lanuginofis exſurgit multis, albisque floſculis cingitur: radix illius est crassa, filosa, albicans, à Lusitanis ad differentiam, *Ipecacuánha Blanca* dicta, quæ, quod minus turbet corpus, & venenis validissime resistat, æque pueris ac gravidis exhibetur.

Altera, cuius Iconem hic damus, est longitudinis ſemicubitalis, trinis vel quinis tantum foliis ornata. Gaudet locis opacis, & tantum in densioribus reperitur nemoribus. In ſummitate caulis baccas producit nigras, ſed paucas. Radice eſt tenui, tortuosa, nodosa, fuſci coloris, faporis ingrati, amari, calidi & acris. Exſiccata in multos annos reſervatur, nec facile vires deponit antidotales, ſudoriferas, ſed quidem vomitivas. Ejus in pulverem redactæ doſis eſt drachma; in infuso, drachmæ, plus, minus, duæ. Facultatem habet abſtergendi, meatus referandi, ac infarctus exfolvendi.

Vtriusque quotidianus eſt uſus, malunt tamen dilutum, quod vel unius noctis ſub  
V 2 dio

dio maceratione aut coctione in aqua, medicam suam virtutem abunde liquoribus communicet. Postea caput mortuum reservatum, denuoque eodem modo præparatum, in eumdem usum exhibetur; minus quidem efficax ad purgandum vel vomendum, sed magis adstringens. Ita ut radix hæc non solum materiam morbificam, licet tenacissimam, à parte affecta revellat, eamque per superiora expellat, sed & astrin-gendo viscerum tonum restituat. Præterquam enim quod fluxibus ventris, aliisque morbis medeatur, venenis adversatur, virusque, tum occulta qualitate, tum manife-sta, per vomitum statim expellit. Quamobrem religiose à Brasiliensibus reservatur, qui illius virtutes primi nobis reuelarunt.

## C A A - A P I A'.



Unde & *Ipecacuánha* abusive à quibusdam appellatur. Cujus vicem in vomitu ciendo, & alvi profluvio compescendo egregie supplet. Eo tamen discrimine observato, quod primam suam dignitatem à virtute antidotali sortiatur, quam an aliunde mereatur, nisi quod viscera tetris fuliginibus liberet, mihi nondum experiri licuit. Radix primum haud manifesto sapore est prædicta, sed manfa, quodammodo acris est, & relinquit in lingua vellicantem humor em.

Differt porro ab *Ipecacuánha*, quod ad vomitum proritandum minus sit valida, nec pari efficacia humores peccantes per superiora exturbet: quo fit, ut radix, quæ odore & sapore alteri cedit, majori quantitate exhibeat.

Indigenæ integrum plantam contundunt, & succo prælibato virus à ventre exclu-dunt: à colubris læsi, aut sagittis venenatis percussi, eundem, antidotiloco, vulneri in-stillant non sine successu.

Datur hic & alia *Caa-apia* species, priori per omnia similis, exceptis foliis; quæ quidem ejusdem sunt figuræ, sed in ambitu serrata & hirsuta: pediculi horum raris vestiuntur pilis. Florem fert in proprio pediculo rotundum cum umbilico in medio, instar flo-ris Chamomeli.

**S**Ecretum hujus herbæ Lusitanis debemus, qui nobis eam suppeditarunt. Pusilla est planta & depressa, sed quæ humiliatem præclaris dotibus abunde compensat. Ex radice enim pen-nam olorinam crassa, ver-rucosa, filamentis ad latera, & inferius tenui-bus prædicta, exterius è griseo flavescente, interius alba, tres vel quatuor pullulant pediculi, tere-tes, qui quilibet unicum folium sustinent, obrotundum vel oblongum, tenerrimum, superius splendide viride, inferius paulum albicans, habens nervum, & inferius venas transversim conspicuas.

Florem fert in proprio pediculo rotundum, um-bilici figura, floris Bellidis æmulum, multis sta-minulis constantem, ex quo semen provenit mi-nus Sinapi. Radix ejusdem fere cum *Ipecacuánha* præstantiæ & efficaciæ,

C A

C A P V T L I V.

*Conambáia sive Felix, Coaticaá sive Polypodium, Ononidis species, Conambái-miri sive Adianti species duæ, & Pinó sive Vrtica.*

**I**N densis nemoribus mediterraneis variæ Filicis species luxuriant, quarum præcipuam, minusque ab Europæa abludentem in medium hic profero. Quæ in trium aut quatuor pedum altitudinem assurgit, caule quadrato, ex rufo nigricante splendente lanugine rufa obducto.

Folia ejus alata sibi invicem alternatim opponuntur. Foliola autem alæ, sunt tenera, viridia, itidem alternatim opposita, in ambitu subtiliter ferrata; in uno autem latere cujusque folioli, pulvis secundum oram folioli in longum adpendet rufus. Qui instar farinæ ulceribus tetris inspergitur cum successu. Nec florem, nec fructum, nec semen fert. Radice est longa saporis amari, nec tamen mordicantis; ulceribus exsiccandis non solum exterius, sed lumbricis enecandis intus exhibita medetur. Iisdem porro usibus dicata quibus veterum Filix. Ac proinde ob insignem abstergendi & deobstruendi efficaciam ab advenis æque ac indigenis in medicinam recepta. An vero peculiari vi vulneribus sagitta arundinea factis auxilio sit ut Dioscorides de ea testatur, à me nondum compertum est, licet vulnera à sagittis ejusmodi inflicta, hic nimis frequentia existant.

CONAMBÁIA sive FILIX.



CATICAA' sive POLYPODIVM.

**V**erum Polypodium, undiquaque in ipsis arboribus, præsertim vero in Palma *Vru-curi* & Carduo *Caraguatá* crescit. Cæterum vulgari Polypodio externa facie similis. Radice est longa pilosa nodosa subrufo musco obducta, interius ex albo flavescente, succulenta, dulci, cum austерitate mixta. Vnde caules cubitum alti, contorti, striati, nigri aut rubri recta exsurgunt. Qui in summitate multa habent folia, triana sibi directe vel alternatim opposita, lâte viridia, mollia, nervo obscure rufo secundum longitudinem: juxta quem in utroque latere inferiori quadruplex series punctorum pulveris lutescentis è rufo conspicitur; & inter punctula à nervo per latera transversim multæ tenues venulæ virides. Quantum ad vires hujus Polypodii Americani, facile Europæum dignitate superat, atque validum remedium deobstruens & incidens, bilemque abstergendo purgans per alvum.

## O N O N I D I S species.

**T**RIVIALIS herba, cuius nomen Brasiliense incognitum, vera Ononis non spinosa nobis visa est. Cui multi caules teretes, lenti, pilosi, ex una radice enascuntur longi, partim surrecti, ad tactum quasi pinguisculi seu glutinosi; è quibus hinc inde alternatim & quasi mutuo amplexu in exortu prodeunt ramuli, quos eodem modo, petioli breves complectuntur, atque quilibet tria foliola, quidam etiam tantum unicum continentes: suntque foliola oblonga, angusta, nervo secundum longitudinem & venulis obliquis inferne p̄fædita, & leviter pilosa. Flosculos ex sinu prodeunt fert luteolos Ononidis nostratis modo, cui etiam circa facultates medicas non absimilis est: quamobrem supervacaneum duxi, earum herbarum cognitas qualitates, fusius enarrare, quæ ab Auctoribus Botanicis traditæ sunt. Radix enim est ex ordine calefacientium atque tenuium partium, viscositatibus vesicæ dicata.

## CONAMBAI-MIRI sive duæ ADIANTI species.



**V**Eniam facile merebitur qui Novi Orbis vegetabilia non satis exacte semper ad veterum species redegerit. Cum enim figura magna ex parte accordent, omnes tamē ejusdem plantæ qualitates atque partes externæ rarissime convenient. Quem Naturæ lusum etiam est observare in nobili hac, partim agresti, partim domestica facta planta. Indigenæ ob similitudinem quam cum Filice habet, imprimis minor hæc, idem ferre nomen quod Filici etiam huic indiderunt. Scilicet *Conambai-miri*,

*quasi parvam Filicem dicerent*, cum tamen, si internæ præsertim qualitates ad examen rite revocentur, Adianti vel Trichomanis species sit habenda, quam Lusitani *Avenca* dixerunt. Quarum major & minor hic apponitur. Vtraque celebris, &

in quotidianos usus apud ægros recepta. Assurgit major ultra duorum pedum altitudinem ex radice intus flava, extus nigricante, filamentosa sub terra serpente. Caulis hujus tenuis, striatus; ex brunno nigricantis & splendentis coloris, ac lanugine quadam hepatici coloris vestitus. Superius ramulos aliquot habet inordinate positos, qui, ut & caulis, folia habent alternatim posita, dilute viridia, in ambitu dentata, atque singularis figuræ. Nec florem nec semen ejus unquam vidi, licet diversis anni temporibus accurate eam observaverim, quod quidem cum vero Adianto Europæo commune habet. Ejusdem quoque est qualitatis, ejusdemque usus ad expectorandas visciditates.


II. Adianti minoris caules ejusdem cum priore figuræ & coloris, sed non vestiti lanugine, verum veluti farina quadam aspersi. Folia alata diversæ magnitudinis alternatim posita, superne saturate viridis coloris, inferius farina pulvere nigerrimo mixto

to aspersa. Nec florem fert nec semen hæc quoque. Non putem convenientius remedium excogitatum in pectoris affectibus, quam Syrupi & decocta utriusque hujus *Cannabai*, quod eximie bronchias pulmonum aperit.

**A** Deo notæ herbæ quæ prius tactu de nocte peregrinanti, quam de die visu percipitur, non est quod pluribus inhæream. Exsurgit ex radice parva filamentosa, in terris arenosis sponte luxuriat, caule striato, aliquantulum piloso, & crasso. Folia autem Vrticæ nostrati similia, magna, in ambitu ornatae triangularibus dentibus, & raris pilis prædita. Fert superius racematum plures flosculos plane parvulos, candidi coloris, longo pediculo insidentes.

Vrtica hæc eisdem usibus dictata quibus Europæa. Nec specificas in ea qualitates hactenus comperi. Semen enim & radix inter digerentia, & urinas moventia usurpantur.

PINO' sive VRTICA



C A P V T L V.

*Tupaípi & Yrucatú, Alliariæ tres species, Ciporéma, Tipí, Ibirarémo, & quatuor Taiaóba sive Brassicæ species.*

**P**lanta est nobilis, quæ nunc humi, nunc super arbore (sicut aliæ multæ plantæ) sine radice luxuriat, interque bulbosas, quod Bulbum habeat prægrandem & utillem, facile primum locum meretur. Cujus si formam externam, si vires species, Squillam Europæam dices, quod illam per omnia referat; ac proinde aliqui Indigenæ à potiori videntur nomen *Tupaípi*, quod Bulbum significat, Lusitani. *cebola* sive Cepam, imposuisse. Folia habet numero quinque vel sex, tribus nervis secundum longitudinem more Plantaginis prædita, nec florem, nec fructum ferentia; sunt autem cubitum longa, gladiata, inferius desinentia in Bulbum illum prægrandem, qui medullam virescentem, pinguem, & inodoram, ad tactum frigidam instar unguenti factitii, sed satis efficacem suppeditat. Dolores enim sedare ex calore natos, perhibent Barbari, soporem quoque inducere experientia comprobatum est. Lusitani vero mecum ipsum bulbum in usum quotidianum sicut sicut Squillam Europæam feliciter applicabant. Illa autem quæ humi crescit, facie & efficacia præcedenti est similis, Lusitanis *cebola alba*. Bulba est rotunda, alba, pugni magnitudinis, cuticula nigricante:

T U P A I P I & Y R U C A T U'



# G V L I E L M I P I S O N I S

236

folia fert quatuor vel quinque sesquipedalis longitudinis, lineis secundum longitudinem viridibus texta, infra multis radiculis filamentosis se sustentat.


T R E S A L L I A R I A E species, C I P O R E M A, T I P I, I B I R A R E M O.

**A**liquot plantæ in vastis Brasiliæ nemoribus reperiuntur, quæ usque adeo Allii qualitates emuluntur, ut vel levissime attactæ gravissimo odore silvas & ædes integras inficiant, atque simul capiti & naribus obsint. Tres diversæ potissimum mihi innotuerunt, quarum prior *Ciporema*, sed Lusitanis *Cipó d'Alho* nominatur. Illi enim sub nomine *Cipó* complectuntur omnes illas mirabiles herbas in silvis luxuriantes, quæ altissimarum arborum cacumina adæquantes, eas flexuoso & tenaci ductu amplectuntur. Ac proinde cum omni fronde exceptis foliis destitutæ sint, non habeo quo earum descriptionem ulterius protraham.

Secunda *Tipí* fruticis altitudinem æquat, flores albicantes, fructus nigros rotundos prunorum instar, sed fatuos profert.

Tertia procera est arbor *Ibiraremo*, in silvis, tum quoque Olindæ promontorio repetitur, ligno adeo duro ut cistæ sacchariferæ inde confiantur. Foliis est & fructibus rotundis. Ejus facultates cum præcedentibus convenient & iisdem usibus inserviunt. Barbari ad duo potissimum mala applicant. Cortices admixta aqua contundunt, indeque viscidum mucum, sive smegma vi elicunt, quo puerorum corpora quæ febribus lentis & obstructionibus illis diuturnis è frigore natis, obnoxia sunt; adultorum quoque membra vagis articulorum doloribus infestata inungunt & fricant cum felici successu. Ego ob ingentem harum plantarum calorem & efficaciam, posteriorem hanc potius curationem, quam illam priorem in pueris exercere malui. Multi enim adulti à frigidis illis muscularum, nervorum & tendinum affectibus internis & externis (*Curimenti generali* nomine appellant Lusitani) crebra & fortihujus mucilaginis inunctione restitui solent.

T A I A O ' B A I.



T A I A O ' B A II.



**D**iversæ Brassicæ quas Novus hic Orbis producit, *Tajaoba*, Radices autem *Taja* ab Indigenis vocantur. Harum Prima lactescens & alba existit radice orbiculari non tamen bulbosa, exterius incarnati coloris, interius flavi, Cepæ magnitudine aut Porri, multa filamenta inferius obtinente, caule autem brunno seu fusco, folia habente pœnc orbicularia & nervos foliorum rufescentes. Radix & folium sunt edulia, laxant alvum.

Secunda quæ *Mangará peuna* dicta, foliis est saturate viridibus & laetescens. Radicem habet itidem orbicularem, ut prior. Ex qua radice porro prodeunt caules multi spongiosi, succulentæ, virides, crassi, cuilibet autem cauli insidet folium unicum sagittalis herbæ figura & magnitudine, quando junior adhuc est planta; alias triplo aut quadruplo majus, & Petasitidis herbæ foliorum magnitudine, nervos habens conspicuos, viride & ad tactum molle ut Brassica, ac in ambitu cingitur duabus venis.

Radix cocta vulgo comeditur ut *Batata*, estque dulcis, & singularis quasi moschati saporis aut floris violacei, quæ etiam febricitantes oblectat, & conduceat multum.

Vtriusque

Vtriusque speciei folia cum caulibus crassissimis etiam inciduntur & pro olere in aqua coquuntur ; mollescunt statim & optime sapiunt.

Tertia *Taiáoba* vel *Mangara-miri* Foliis est minoribus, durioribus, inedulibus, nec lactescientibus, nisi sola radice quæ cæteris *Taiáoba* radicibus est similis. Caules, ut primæ, fusti ; folia acuminata ut secundæ, sed angustiora, superius saturate viridia, inferius albicantia, nervo & venis ex viridi flavescentibus, & in centro folii purpurascens. In caule autem longo flos inodorus unicus longus, albus, unico folio constans, inferior medietas hians, viridis coloris, magnitudine juglandis & ejusdem figuræ, aperturam habens ; Ita autem composita sunt clypeiformia corpuscula ut columna seu stamen laxe & teres appareat. Hæc corpuscula sunt semen.

Quarta, est *Taiáoba* silvestris aliis *Taiobaraon* dicta & Lusitanis *Mangara-brava*. Ex qua superstitionis vulgus philtrea aliaque similia ridicula confici posse existimat. Radicem autem vere causticum esse, ejusque loco prospere usurpari experientiam testem habeo. Quippe præter balnea quæ ex iis solis contra morbos cutaneos, tum imprimis frigidos articulares, apprime conficiuntur, membra quoque affecta, prævia scarificatione, contusis recenter radicibus fricantur cum optimo successu. Mox cataplasmata ex iisdem, parti dolenti undiquaque imponuntur : quæ si per vices aliquot reiterentur, inveterata quæque mala, citra recidivæ metum exterminare solent.

Quæ alia præterea Brassicarum genera hæc tellus producat, ad Medicinam ulterius spectantia, sedula posteritas investiget.


### C A P V T . L V I

#### *Quinque Graminum species Iaçapé, Paraturá, Capuupeba, Iupicai, & Amongeaba.*


**G**ramina ut alibi, ita & in Brasilia varia reperiuntur, quæ ultra duodecim diversa à me & Markgravio meo observata sunt. Quorum quinque tantum vel sex in Medicina celebrantur.

Primum est gramen junceum ad sesqui tibiae altitudinem aliquando exsurgens, Indigenis *Iaçapé* aliis corrupte *çapé* dicta. Ex radicula geniculata juncea, alba, exsurgit caulis primum simplex, instar culmi filiginis, teres qui postea in aliquot folia finitum graminea, angusta, in medio album nervum secundum longitudinem habentia. Nullius est odoris, nec florem gerit nec semen, solo ut plurimum effœto nascitur, radices sub terra longe laxeque agit, novasque herbas tenaces ductiles protrudit, quibus Indigenæ plerique & Europæ quoque utuntur ad membrorum vulnera liganda, morsusque serpentum.

### T A I A O B A III.



### I A Ç A P E'.



quo minus virus ad cor ascendat , constringendos , donec vulnus sanatum fuerit.

Sed misso hoc curandi modo , cui videtur aliquid superstitionis intercurrere, ego vires & facultates quas expertus sum commendo , quæ illius radicibus juncis succo que grato turgentibus insunt. Multis enim profusa experientia comprobavi decocta illarum post assumptum venenum.

## P A R A T V R A'.


Herbam hanc licet à vero gramine non nihil abludentem tamen inter gramina ponere lubet. Sicut enim Carex, Belgis *Palm* in locis Hollandiæ arenosis circà mare; ita fere in sitientibus Brasiliæ littoribus hæc *Paraturā* conspicitur. Raro ad cruris humani altitudinem ascensit. Caule est duro , ligneo , rufi coloris , foliis multis tenuibus, sature viridibus , ad tactum aspermis , ornate comatim aslurgentibus. Radice est tenui, aromatici odoris , quæ suffumigiis , balneis in ani & intestinorum affectibus indita, emolliendi non solum , sed & roborandi facultate pollet.

## C A P V V P E' B A.

Tametsi pauca habeam quæ de tertio hoc Gramine testari possim ; minime tamen prætereundum duxi. Lusitanis optima comparatione *Pe de Gallinha* appellatum , quod summitates ejus in tres veluti unguiculos desinant. Gramen est plumeum, ad duorum pedum altitudinem assurgens , caule tereti , geniculato , foliis ad genicula longissimis. Caules egregie rufescunt , & in varios tenuiores cauliculos dividuntur, quorum quilibet versus summitem argentea vestitur panicula , quæ in medio semen continet. Omni terra feliciter sponte nascitur.

Radix contusa & cum aliquo convenienti liquore propinata quodvis venenum fere feliciter exturbat, ut testantur omnes exercitatores Indigenæ, sed à me nondum comprobata.


## I V P I C A I.



In pascuis irriguis Gramen florēns mensibus potissimum pluviis eleganti facie luxuriat. E pilosis radiculis caules protruduntur multitudines juncei, plusquam pedem longi, qui inferiori parte gramineis foliis vestiuntur. Quilibet caulis gaudet capitulo ovali squamoso , splendenti , coloris sublute scens & ex pallido variegati: his superius flocculus insidet, unicus , tribus quatuorve foliolis luteis constans. Indigenæ *Iupicai*, Lusitani *Erva d'Empige* quia Impetigini medetur , appellant.

Ob præclaras virtutes , præcipue ad curandam molestissimam Impetiginem atque similes cutaneos ex calore & humorum acrimonia natos affectus , vix ulli Incolarum est incognita. Quippe, cum tota planta concava sit quasi juncea , & succo refrigerante referta multum liquoris recens contusa suppeditat , quo pars affecta fortiter fricata , sumnum accipit solatium & pruritus intolerabilis mitigatur.

## AMONGEABA



Quinta Graminis species eleganter plicata atque miliacea, ad trium vel quatuor pedum altitudinem, ex radiculis filamentosis Arundinis modo in pascuis assurgit. Folia viridia longa hinc inde caulis geniculis annata & solitarie posita. In summitate caulis spica longa, Mili spicæ vel aristæ Panici silvestris figura & magnitudine similis.

Facies hujus plantæ Gramineæ mihi diutius nota quam ejus qualitates; quippe ab illis Incolis tantum mihi traditæ, quibus Malvæ & *Tupeçava* copia deest, quod emollientium herbarum vices suppleat, & eodem modo externe adhibita, eosdem quoque usus suppeditet. Imprimis autem fomenta & lavacra ex ea confecta Anum ex Tenesmo afflictum demulcent.

## C A P V T L V I I.

*Erua de S<sup>a</sup> Maria sive Dracunculus major, Capicatinga aliis Ia-*  
*garecatinga Acori species, Cararu sive Blitum Americanum,*  
*Vvæ Crispæ, & Melissæ species agrestes.*

**I**ntra plantas huc olim ex aliis regionibus illatas, atque tractu temporis domesticatas factas; est illa quæ Serpentariæ majoris polyphylli nomen habet. Quamobrem tanquam exotica à primis incolis neglecta, ac proinde vernaculo nomine destituta, eam Lusitanorum vulgus *Erua de S<sup>a</sup> Maria* nominarunt. Hortis irriguis, terris glebosis gaudet, idque mensibus pluviosis, sicut magna pars herbarum exoticarum; aridiora enim loca maritima, menseque aestivos vix ferunt sata aliunde huc illata, sicut suo loco præbavi.

Ex

G V L I E L M I P I S O N I S

140

ERVA de S<sup>a</sup> MARIA sive DRACUNCULUS major.



Ex caule nascitur erecto, rotundo, crasso, viridi, flavo & albo, more Serpentum variegato. Hinc novi caules ramorum instar emergunt, quilibet desinens in folium quater vel quinques laciniatum more nostratis Dracunculi, viride & glabrum: continetque quilibet lacinia nervum crassum varie & profunde exsectum. Præter enarratum caulem alias priori similis exsurgit, è cuius summitate vagina prodit in acumen desinens, pedem longa, ad cuius pediculum spicæ in modum instar Milii Indici componuntur grana succulenta, striata, flava & punctulis rubris variegata, in quibus semen continetur. Radice est tuberosa, crassa, rotunda, filamentosa, pellicula ex albo parum rufescente.

Quantum ad qualitates medicas, easdem quidem cum nostrati communes habet, sed in gradu intensiori. Ut enim aliqua sata, quamvis ad terram & Solem clementiorem translata, remissioribus aliquando existant viribus; ita quædam, ob peculiarem soligenium, majoris fiunt efficaciæ, quod in Serpentaria hac quoque locum habuit. Folia & radices acris & amari sunt saporis, & simile quid habent cum Aro ac Dracunculo veterum. Lentos enim & crassos humores extenuat, obstructiones aperit. Præter hæc levem astrictoriam vim cum enarratis qualitatibus habet conjunctam. Vnde fit quod inter efficacia medicamenta, & ab omnibus passim incolis, contra contumacia vulnera usurpatur.

**M**issis disputationum salebris de vero Acoro vel Calamo Aromatico Veterum ac Neotericorum? ego nobilem hanc plantam *Capicatinga* dictam, vetri Acori species pronuntiariim. Europæo nostro externa figura sive radicem sive folia spectes excepta magnitudine, multum similis. Sed quantum mole inferior tantum efficacia superior existit imprimis radix, quæ calida & sicca est, grato amatore & aromatico sapore linguam

CAPICATINGA, aliis IACARECA-TINGA ACORI species.

CARARV' species BLITI  
Americanī.



linguam vellicans. Ea sola vel aliis mixta non tantum ad incidentos frigidos humores peccantes feliciter adhibetur, sed & contra venena assumta imprimis usurpatur, ab advenis æque ac indigenis. Vnde facile est colligere intenso satis gradu qualitatis eam esse calidæ, & consistentiæ admodum tenuis. Non semper uliginosis locis, sicut Iris crevit; sed etiam promiscue aliis terris gaudet depressis glebosis, unde magna quantitate à Barbaris ad nos defertur.

**V**ulgaris herba *Cararú* in campis & hortis nascens Bliti albi potius quam rubri videatur species quæ *Bredos* vulgo Lusitanorum dicta. Ex radice alba, crassa, filamentosa, caulis unus atque alter provenit cui hinc inde ramusculi adnascuntur, cum foliis Bliti similibus, quæ farina quasi videntur aspersa. In extremitatibus ramulorum proveniunt flosculi virides, spicatum congesti more Bliti, nisi quod multo sint tenuiores. Semen producunt nigerrimum splendens, rotundum, parvum instar Papaveris.

Blitum hoc oleris modo estur & loco Spinachiæ coquitur, ejusdemque est saporis & efficaciæ, addito succo Limonum pro condimento. Nec minoris fit in Medicina quam officinarum Blitum, benigne enim alvum laxat, facilimæ est digestionis, humidæque ac frigidæ temperaturæ. Proinde ego malo circa ejus qualitates Galeno quam Plinio vel Dioscoridi subscribere; quod hi Blitum iners plane, nulliusque in Medicina usus pronuntiaverint.

Fr. Ximenes multas Atriplicis species testatur dari in Nova Hispania Mexicanis *Hau-tiquilite*, Hispanis corrupte *Quilites* nominatas.

Ejusdem hæc videtur Species, cuius Clusius meminit sub nomine *Quimia* sive Bliti Americani.

# G V L I E L M I P I S O N I S

242

V V A C R I S P A Americana.



grati. Semina orbicularia, compressa, flavescentia, figuræ ferme ut Lentes pulpæ inspersa; quæ simul cum fructibus deglutiuntur. fructus antequam plane maturuerit, sanis æque & ægris ad ob gratum acorem ad sitim sedandam in usu est frequenti. Alia præsidia medica promittit radix hujus fruticis, sed quia à me nondum experta, ejus descriptioni supersedeo & curiosæ posteritati relinquo.

## M E L I S S A species A G R E S T I S.

**C**elebris planta (cujus nomen vernaculum simul cum ejus iconæ exciderunt), à Lusitanis *Erva Cidreira* ob Citri odorem dicta, à me ob odoris & facultatum convenientiam inter Melissæ silvestris species relata, licet externa facie ab ea abludat.

Extenui radice caulis striatus, geniculatus ultra nostratis Melissæ altitudinem assurgit, unicuique geniculo duo folia opposita, tam in caule quam in ramulis apparent. Folia acuminata in ambitu serrata, brevi pediculo nituntur. In summitatibus ramorum oblongæ spicæ nascentur, cum flosculis minimis, ex albo cæruleis.

Omnis partes plantæ fragrantissimæ sunt, imprimis folia, quæ non solum recentia, sed ad annos exsiccatæ, tenacissime reservant odorem, facile gratiorem & fortiorum quam *Melissa sativa*: proinde mihi aliisque rei medicæ peritis incolis in quotidiano sunt usu, non tantum ad externa fomenta sed ad potionē cardiacas, loco aquæ *Melissa* destillatæ exhibendas, in frigidis potissimum affectibus ad flatus & colicos dolores difutiendos maxime celebratas.


**M**ensibus potissimum pluviosis (quibus magna pars fructuum hic vigere solet) fructifera est hæc planta. Quæ ex radice alba, longa filamentosa, caulis, è viridi alblicantibus ad ordinariæ fruticis altitudinem exsurgit, spinis undique armata. Cui hinc inde alterna-ta serie cum longissimis pediculis adnascuntur folia diversæ figuræ & magnitudinis, *Iuripebe* foliis similia, dilute viridia ad tactum mollia, tenera, ac à tergo secundum longitudinem aculeata. In extremitate & medio caulis & ramorum, veniunt tres vel quatuor flosculi, ex viridi ad luteum inclinantes pentaphylli cum multis staminulis erectis. His succedunt fructus (qui simul cum floribus à pi-ètore prætermitti ob itineris injurias) Mespili magnitudine, rotundi, læves, coloris è viridi alblicantis, striis viridibus saturatis secundum longitudinem, mox dilute flavescentes, folliculo & pulpa constantes, ut uvæ crispa nostrates, saporis acidius.

## C A P V T L V I I I .

*Caapongæ sive Crithmi marini diversæ species, quæ vulgo  
Soldanellæ, & Portulacæ nomina audiunt.*

**T**Res hasce plantas facie & nomine non solum sed & qualitate sibi congeneres, una quasi fidelia dealbare constitui, quia omnes hæ quotidiani usus sunt, tamque in Pharmacopœa quam in Culina receptæ pro acetariis. In locis maritimis ubi falso humore terra imbuitur, luxuriat familiaris planta, Lusitani *Perexil do mar* vocant. Ex uno atque altero caule succulento, rufescente, molli, nodoso, partim humi incumbente, partim se erigente, nascitur. Foliis itidem succulentis, oblongis crassis hinc inde ad singulos nodos provenientibus. In summitate autem cujuscunque fere caulis, capitulum oblongum album ut in Trifolio, fere, loco floris existit, habens in se aliquot staminula parva crocei coloris. Folia & breves ramuli decerpti ac parum cocti superfluo aceto condiuntur, & eduntur, cum carnibus aut piscibus pro acetariis; excitant enim appetitum, movent urinam & aperiunt viscerum oppilationes, ita ut si referatur ad plantas Europæas, licet Crithmo marino facie non nihil dissimilis, ratione tamen qualitatum illa simillima sit.

C A A P O N G A I.



C A A P O N G A II.




Secunda, caule est Portulacæ, tereti, geniculato, rufo humi serpit, atque circa maritima luxuriat in infinitum. ad quodlibet autem geniculum quinque aut sex folia apposita, figura foliorum Lavendulæ, veruntamen crassa & succulenta ut Portulacæ. Inter folia in singulari pediculo fert flosculum dilute purpureum, quinque foliolis constantem deorsum incurvatis & multis ejusdem coloris staminulis in orbem dispositis, quæ in medio adhuc stamen viride ovale continent. Radices hinc inde unicas

# G V L I E L M I P I S O N I S

244

agit, innumerabilibus subtilissimis filamentis circumdatas, & fibræ ex illo variis locis prodeentes, se terræ infiunt. Folia muria & aceto conduntur, & pro acetariis usurpantur, sicut Crithmum marinum, Soldanella & similia.

## C A A P O N G A III.



Tertia *Caaponga*, Portulacæ est quoque species quæ *Beldroga* Lusitanis dicitur; ex radice autem brevi & in multa filimenta alba desinente, producit caulem rotundum, succulentum foliis quoque instar Portulacæ succulentis. Rami quasi lana alba circumdati & in extremitate cujuslibet rami, octo folia in stellæ modum disposita sunt, ex quorum medio flos enascitur luteus, instar floris Portulacæ nostratis. Cui supermanet corpusculum quoddam, pappo albo circumdate, in quo semen continetur nigricans rotundum, papaveris semine paulo minus. Cocta loco acetariorum tota herba comeditur ad excitandam orexin.


Quia *Acetosa Brasiliensis*, cum hisce Portulacæ speciebus in quotidianis quoque acetariis recepta, hic sub jungendam putavi. Caule est tereti viridi & succulento: foliis itidem succulentis oblongis & lævibus. Floribus dilute purpureis in ramulis triangularibus prodeuntibus. Tota planta gratissimæ est aciditatis, nec Europææ acetosæ cedens.

## C A P V T L I X.

*Herba lanuginosa Dictamni æmula, Ibiraeém sive Liquiritia silvestris, Tupeicava sive Scoparia, & Caiatiá aliis Caaçicá.*

**N**obilis hæc odorifera planta, quæ serius mihi innotuit, quod in diffisis locis tantum reperiatur, ac proinde rarius in solamen ægrorum exhibita; tamen, quia ob insignem aromaticum saporem & odorem multa promittit in re medica, eam sedulæ posteritati revelandam putavi, ut ulterius de ejus cogitet qualitatibus.

### H E R B A L A N V G I N O S A.




In silvestribus terris siccioribus luxuriat tenuella herba ex radice exili, filamentosa. Ad pedis circa altitudinem assurgit caule uno atque altero tereti, ex viridi albicante adeo lanuginoso, ut totus gossypio aspersus videatur. Pro vario Naturæ lusu ramuli longi hinc inde à terra sursum expanduntur, foliis, nunc sibi oppositis, nunc solitarie positis, inæqualis longitudinis in ambitu leviter crispatis, quæ omnia cum ramusculis more Dictamni Cretici lanuginosa instar molles serici ad tactum apparent. In extremitatibus caulis & ramulorum flores spicatum congesti proveniunt, parvuli splendentes ex argenteo subflavi, quibus decidentibus stellulæ argenteæ remanent.

Folia odoris sunt singularis proxime ad Dictamnum Creticum accendentis si modo levissime confricentur. Succus eorum recenter expressus & leniter aspersus culicum & muscarum non solum puncturis, sed & aliorum infectorum iectibus malignis medetur virus extrahendo. Multa


præterea incolæ de dignitate hujus plantæ prædicarunt, quæ experiri non mihi datum fuit.

*Ibiraeém* sive *Liquiritia* silvestris.



Familiarissima illa radix quæ Brasilianis *Ibiraeém* (quod dulcedinem exprimit), Lusitanis *Alcaçú*, dicitur, eadem plane habetur quæ *Liquiritia* nomen à Latinis accepit. Majoris fruticis est altitudine, caule lignoso, foliis Pyri similibus: locis aridioribus crescit in silvis Paranambuci. Glycyrrhizæ virium est æmula, non æque tamen dulcis si masticetur radix, cæterum grata & iisdem usibus quibus *Liquiritia* nostratum, dicata. Pectori enim amicissima, & difficultatibus urinæ succurrens.

C A I A T I A.



Præstantissima hæc Herba, merito à Lusitanis *Erva dos Cobres* est appellata, quod Colubrorum morsibus felicissime medeatur, nec ulli Antidotarium herbarum dignitate cedat. Lippis & tonsoribus, tam ob insignem usum, quam frequentiam notissima, quod in triviis ubique crescat, omnique solo gaudeat. Exigua hæc Panacea lacticescens est instar *Efulæ*, foliis *Menthæ* non dissimilibus, sed longioribus paulo & angustioribus existit, iisque cristatis, sed admodum tristis & sature viridis coloris, caulinis ad rubedinem vergentibus, radicibus filamentosis & miniatis, terræ hinc inde insertis. Inter folia ad nodos multi prodeunt flosculi viridis coloris cum aliquantillo rubore mixti, in umbellam compositi. Humi


## G V L I E L M I P I S O N I S

246

depressa tota repit planta. Ita ut licet aspectus imbellis ac ignobilis sit, qualitate tam interna compensetur. Quippe recens masticata vel contusa, & morsui Serpentum applicata, dolorem non solum sedat, sed ipsum venenum validissime extrahit, & vulnera restituit in integrum. Sicca vero, & in pulverem redacta, si è convenienti liquore, ad pugillum exhibeat, munit cor, viresque à veneno lapsas restituit.

Datur & alia species *Caaçica* à domestico meo primum detecta. Quæ ejusdem licet figuræ fere & nominis, non ejusdem tamen qualitatis hactenus est comprehensa. Lac enim quo tota planta turget, contra rubedines & dolores oculorum commendatur, sed à me nondum comprobatum. An polleat vi antidotali ut præcedens *Caaçica*, nondum mihi constat. Quod humi reparat, & lactescens sit herba, Peplo majori Clusi non male respondet, cæterum externa figura illi multum dissimilis.

### T U P E I Ç A V A sive S C O P A R I A.



pitis magnitudine, è quibus flosculi dilute albicantes & cærulei erumpunt. Et post illos rotunda corpuscula instar Baccularum quibus continetur semen minimum fuscum. Radice est recta, brevi, candida, filamentosa, quæ sicut & tota planta manifesto sapore & odore caret. Integræ herbæ, præsertim juvenis, decocta, balnea, suffumigia, admodum sunt anodyna, emollientia & attemperantia, ut tot insignibus Malvis in Brasilia luxuriantibus præferri debeant. Nec memini me in Tenesmo, Hæmorrhoidibus, ani inflammationibus vel doloribus, præsentius adhibuisse remedium tam familiare, sive externe, ut supra dictum, admotum, sive per clysteres injectum.

Huic emolliendi qualitate æmulæ sunt herbæ *Paratura* & *Amongeaba*, cæterum dignitate multum inferiores.

### C A P V T      L X .


#### *Variæ species Murucuiá, Granadillæ dictæ.*

**P**ost sedulam inquisitionem decem species *Murucuiá* repperi. Quarum duæ maiores non in campestribus sed tantum in hortis inveniuntur. Prima & nobilissima quæ se offert simplex nomen vernaculum *Murucuiá*, ab Hispanis *Granadilla* à Belgis *Gianck-appels* accepit. Secunda Pyriformis *Murucuia-guaçu* sive magna vocatur. Cæteræ octo species minores sunt, nec ad sativas traductæ, inque saltibus remotioribus

**N**ihil vulgarius in triviis undique crescit quam *Bafoura*, qua Æthiopes dominorum suorum ædes verrere solent. Alia huic affinis, sed minor, Lusitanis *Bafourinha* dicta, in longe nobiliores usus à Medicinæ peritis applicata, Brasiliensibus *Tupeiçava* nominatur, quæ Verbenæ fere est facie.

Herbæ non silvis, sed apricis campis gaudet. Vix cubitum alta, tenaci lignoso unico plerumque caule assurgit, cui à fundo ad verticem usque perpetui ramusculi adnascuntur ornate expansi superne, pyramidis instar. Qui undique plurimis angustis & exiguis acuminatis foliis, stellatim compactis hinc inde sibi invicem oppositis ventiuntur. His inserti apparent infiniti oculi virides, aciculæ ca-

## MVRUCVIA' I.



tioribus arbores concidunt, quibus claviculis suis adhærentes, jucundum opus topiarium repræsentant. Qui silvestres, addito cognomine distinguuntur, ut sunt *Murucuiá-eté*, *Satá*, *Mixira*, *Poca*, *Peróba*, *Piuna*, *Ternacuia*, *Iná*. Hæ eximiæ *Murucuiá* hederæ sunt fructiferæ & esculentæ, licet ab incolis ob excellentiam & frequentiam duarum illarum sativarum minus expeditæ. Foliorum, florum & fructuum facie ac qualitatibus internis inter se discrepant, ut ex picturis & descriptionibus facile constabit.

Prima nobilis hæc *Murucuiá* hortensis, cuivis terræ insita crescit totoque anni tempore pulchre virescit; felicius tamen si quotannis à luxuriantibus farmentis liberetur, secus enim suffocatur. Frondes jucundissimam umbram præbent si hederæ aut vitium instar huc illuc flecantur, funiumque modo in fornicis formam ducantur, foliis hinc inde vestiuntur, in quinque alia eleganter sectis. Tandem flores admodum celebres succedunt qui Passionis Christi dicti, quorum circumferentia Rosam longe superantes, ex foliolis inferne virescentibus, superne cæruleo purpureis emergunt: dehinc radiatim Solis ut pingitur figura, multa filamenta crispata & in orbem explicata apparent, quæ in centro, in medio & in circumferentia exterius & interius cæruleo, purpureo, cyaneo uraneoque colore splendentia, punctulis dilutis albo & rubro variegantur supra consuetam naturæ elegantiam quasi pulchritudine inter se certarent. Columella autem illa pallida quæ è medio floris exsurgit, superius dissecatur in quinque partes, quæ ad latera curvatæ extenduntur; cuique parti spongiæ formi corpus lutescens, pulverem luteum aspersum habens adhæret. In medio autem columellæ pisiformis orbiculus ex flavo albicans est, & huic tres clavi superius infixi è flavo albi & punctulis minimis purpureis variegati & deorsum inclinati, ut brachia columnæ. Flores omnes tertia post Solis ortum hora aperiuntur, pauloque ante occasum denuo clau duntur, ne decora eorum facies nimis prostituatur. Contrarium fit in Mirabilis Peruanæ aliisque floribus, qui de die clauduntur. Florent maxime sub finem æstatis, fructumque mensibus pluviis æque ac æstivis maturum magna copia producunt. Omnium autem pomorum *Murucuiá* præstantissimum est hoc quod ab ægris pariter ac sanis expeditum, exacte rotundum, glabrum, læte virescens cum maculis albicantibus, cortice crasso ac tenaci, pulpa crocea gratoque & vinoso acore jucunda, in quo m. ulta granula so-


# G V L I E L M I P I S O N I S

248

la seminis nigri, variis tuberculis insigniti & folliculo inclusi. Mirandum vero, aliquos scribere (inter quos doctus Monardus) Pomum hoc esse insipidum. Nisi forte de Peruviana Granadilla sint locuti, cuius meminit Petrus de Cieca in Historia Peruviana, quam colore & sapore ab hac nostra differre facile crediderim. Ad Medicam illius historiam transeo.

Pulpa quæ summo febricitantium solatio & oblectamento est, mihi in quotidiano usu esse consuevit, vicemque syrapi cordialis, ut & Rob Ribium vel Berberis egregie supplet. Qualitate refrigerandi cæteras Granadillas omnes antecellit, nullamque noxam, etiamsi abunde comedatur, adfert: nisi quod immoderato ejus usu dentes stupore obtorpescant. Æstu laborantes mirifice refocillat sitimque extinguit. Ad hæc appetitum excitat, stomachi ardores reprimit, spiritusque vitales, cum recens pomum, tum succus ejus in syrapi consistentiam coactus, & ex posca propinatus, restaurat. Idem præstant flores & pomi cortices conditi, qui vix ulli fructui dignitate concedunt. Folia loco hederæ cauteriis applicata, multum prosunt.


## M V R V C V I A' II.



Secunda species maliformis *Murucia* inter silvestres habita, caule itidem est, ut Bryonia farmentoso sed subrufo, in quo cum suo petiolo folia hinc inde solitarie posita & in quinque alia secta, nascuntur, quorum medium utrumque rara incisura laciniatum, singula lâte virentia nervo recto & venis transversis obsita. flos suavis est odoris, ejusdem figuræ & colorum elegantiæ ut præcedentis, sed minor circumferentia filamentorum, antequam se aperit ita se habet, ut supra in Icone. Fructus æquat Pomum nostrum vulgare rotundus, cortice crasso, flavescentis coloris, constans pulpa succulenta, vinose acida, tam odore quam sapore commendabili, linguam quoque croceo colore tingente. Fructus pulpa ægris ac sanis ad viscerum ardores temperandos & sitim extinguendam licet præcedenti inferior, tamen in pretio quoque habita.

Tertia maliformis *Murucia* sive Granadilla eodem modo quidem ut aliqua præcedentium in caule folia disposita habet, sed peculiari naturæ lusu in tres lacinias secta, in ambitu serrata, lâte virentia, nervis rectis & venis obliquis multis prædicta. Flore est suavis odoris, magnitudine & figura convenit cum plerisque antecedentibus, idem de ejus filamentis & columella, imo & de fructu ipso dictum volo, qui immaturus splendet atque ex viridi subflavescit, ex albo instar Colocynthidis variegatus, maturefactus citrini fit coloris & dígito attactus cum strepitu dissolvitur.

## MVRVCVIA' III.



solvitur. De caulum, radicum, vel fructuum qualitatibus medicamentosis nihil hactenus mihi compertum est, fructus tamen edulis, licet silvestris & minus cæteris fæporosus.

## MVRVCVIA' IV.




Quarta *Murucia*, pyriformis prima, quæ *Murucia-guaçu* sive *Granadilla magna* dicatur. Planta est egregie viminea, lignosa, lentissima: Caulis contortus, quadratus, coloris grisei, vitis crassitie: longe serpit ac etiam arboribus & fruticibus se implicat. Folia habet lète viridia, lævia, splendida, non ferrata, inæqualis figuræ; quædam enim sunt simplicia, quædam laciniata. ex hisce foliis contusis promanat color egregie viridis quo pictores utuntur. Flore quoque est eleganti, magnitudine Rosæ, exterius quinque foliis, nunc viridibus, nunc rubris, alternatim positis. His foliis circumnascuntur filaments crispa, purpurea, in centro vero columna ex flavo albicante. Flos facillime perit decer-

## G V L I E L M I P I S O N I S

248

decerptus, & vermiculi in illo generantur ut in caseo. Fructus pyriformis est, initio viridis, maturus flavescentis è viridi coloris. Intus multi processus, quibus semen cum pulpa fructus per tenues cuticulas annexitur. Pulpa, alba, succulenta, glabra, instar rudimenti avis in ovo, cui inhærent infinita grana semenis suo folliculo inclusa, nigra, splendida, compressa. Odor & sapor fructus dulcis & suavis, nihilque aciditatis sapit sicut pleræque aliæ. Cortex crassior est quam Mali aurantii. Quando comeditur, scinditur transversim (non secundum longitudinem) & pulpa paulum separatur à cortice, adhærens illis processibus, ac dein una cum seminibus sorbendo instar ovi tremuli exhauditur. Febricitantibus, tabidisque multum prodest. Temperat renum calores, & mucilagine sua sanat ulcera intestinorum ex dysenteria orta; inflammations pulmonum mitigat.

### M V R V C V I A' V.



Quinta *Murucuiá-miri* five parva pyriformis altera, folia habet solitarie posita, eordinis bubuli figura, lète virentia, lèvia, non laciniata neque ferrata, sicut in maliformi *Murucuiá*. Ad quemlibet quoque pediculum folii etiam capreolum habet caulis, quo se annexit more *Vitis*. Flos, qui suavis est odoris, in eodem caule ex decem foliolis superne & inferne, nunc viridis, nunc rubri coloris, alternatim ita positis, emergit, cujus facies, color & ornamenta, paucis exceptis cum præcedentibus conveniunt. Quam obrem ad internas ejus qualitates, quas novisse plus interest, me nunc confero.

Quantum enim hæc nobilis *Granadilla* præcedentibus magnitudine cedit: tantum dignitate virium medicinalium cæteras superat. Quippe usque adeo insignis habetur efficaciam hæc planta (licet paucioribus Incolis nota) ut non solum officinarum Çarçaparillam æmuletur, sed eam facile superet, deobstruendo, sudores atque urinæ movendo. Integra enim herba quæ pauci est saporis, modo leviter attrita, & ex vino, vel aqua exhibita, tuto, cito & jucunde secundinas & cæteras uteri immunidies expellit, mox robur visceribus restituit. Quod cum ab exercitatissimis rei Botanicæ Brasilianis ad Fluvium Divi Francisci habitantibus, accepisset, qui nullum remedium, huic *Murucuiá-miri* in obstructionibus & frigiditatibus præferrent: illud tandem à Lusitanis & Batavis nostris colonis imitandum volui, qui prospero successu etiam nunc id in usus quotidianos applicant.

Folia denique contusa, ferventique aquæ, donec tepescat, indita, atque podici aliquoties applicata, præsentissimum præbent remedium contra hæmorrhoides.

C A

## C A P V T L X I.

*Variæ Timbó, Cururu-apé, & Tety-pote-iba frue Vitis Arbuslina.*


**P**Ræter eas quas generali nomine *çipó* nuncupatas esse diximus: variæ & mirabiles dantur Herbae *çipó* *Timbó* vulgo dictæ, & variis usibus & abusibus dicatæ; quæ omnes jucundum dant spectaculum. Quædam enim instar funium, in aëre tensæ, vix pollicis crassitie, ad altissimarum arborum fastigia enituntur, indeque rursum demissæ humi se præcipitant; unde denuo continuato & tenacissimo ductu insurgunt in infinitas chordas, ita ut silvas vix penetrabiles confiant. Quædam vero sunt humani cruris crassitie triangularis, quadrangularis, & rotundæ figuræ, arborumque cacumina adæquant, easque nunc hederæ in modum amplectuntur, nunc eas rursus deferrunt atque in nodosos gyros & concinnois hinc inde luxuriant, adeo flexibiles & validæ, ut quoquomodo constringas, numquam rumpantur. His *Timbó-guaçú* à magnitudine; illis *Timbó de Cono* à Brasilianis, *Barbasco* à Lusitanis nomen inditum, viatoribus ad vasa liganda, contusa coriariis rhois, naupegis vero stupæ vices præbet. Piscatoribus ad retia non solum tingenda, & præservanda: sed & ad pisces capiendos interior & exterior substantia inservit. Quibus ad Fluviorum ripas (ut ipse multoties vidi) contusis, aquas atro colore & virulentia quadam inficiunt, unde Pisces non tam moriuntur statim, quam vertiginosi & quasi ebrii in retia se præcipitant. Male quoque fit pecoribus si ex hac aqua nimium bibant. Multi tamen testantur se lymphas multoties absque damno licet ejus succo infectas, haussisse.

Sequitur tandem *Guaiána-Timbó*, nomine & noxia hac qualitate præcedentibus similis, cæterum dissimilima apprens, quæ sola in Medicos usus recepta est, nec frondibus destituta, sicut pleræque *Timbó*, sed floribus, foliis magnis, glabris, acuminatis hinc inde vagatur, atque in caulis extremitate tenuibus siliquis, lævibus, cubitum longis, copulatisque ornatur. Quæ merito à Lusitanis *Faisaons d'impige* sive *Fabæ Impetiginis* appellantur, quod earum cortex, succum, piscibus quidem infestum sicut & præcedentes *Timbó*, sed impetigini & puerorum scabiei, cæterisque hujus generis affectibus cutaneis, proficuum continent. Mensibus enim pluviis immaturæ siliquæ & virides, succo turgent præstantissimo, eoque frigido & acri, quo si fricitur qui impetigine laborat curabitur; modo aliquoties reiteretur remedium.

Quando maturuerunt siliquæ tempore æstivo, mox exsiccantur, tuncque non solum tunicam externam, sed & succum atque semina, quibus scatent, paulatim nigrescere & aromaticum odorem spirare comperies; verum tunc prædictis malis minus aptæ judicantur.

Inter has *çipó*, illa quoque censetur quæ *Guembé* nomen habet mirabilis sane herba ad Ancoralia imprimis utilissima, ut in tractatu de Aëre. Aquis & Locis latius egi. Si- cut & illa quæ *Guembé-guaçú* hoc est *Guembé magna*, dicta quæ radices habet ultra triginta cubitos longas. Cortices autem contusi & pruni ardentibus impositi, suffumigio suo fistunt sanguinis fluxum, præsertim in fœminis.

## G U A I A ' N A - T I M B O '.



GVLIELMI PISONIS  
CURVRV-APE.



culis ex albo & viridi lutescentibus ; post quos sequuntur capsulae, triangulatae, & ubi maturiores ovalis figuræ, quæ sponte in tres partes dehiscunt ; cortex autem exterior rubicundus, interius eximie est ruber, continetque quilibet fructus duas fabas, quarum quælibet involuta materiæ molli, albæ, nuci consistentia simili, ad tactum frigidæ: ex illo albo involucro faba secundum longitudinem eminet, nigerrima macula splendens, reliqua pars fabæ est fusci coloris. Continet denique faba interius carnem fabaceam flavam. Hi fructus ad abusus potius quam usus, recepti sunt : quippe contusi, aquas venenata qualitate inficiunt, ita ut pisces inebrientur & moriantur. Folia autem viridia contusa applicata, eorumque recens succus vulneratis tantum prodest, quantum fructus assumptus aliis animalibus solet obesse. Adeo enim qualiacunque vulnera, etiam prima intentione, mundificat & restituit, ut merito inter præcipuas vulnerarias hæc herba numerari mereatur.

TETY-POTE-IBA sive VITIS ARBUSTINA.

**E**X stercore avium, quæ *Tetyns* dicuntur, ad arbores Aurantiorum deposito, herba nascitur voluntaria, Indigenis *Tety-pote-iba* appellata quæ *Vitis Arbustina* instar, sed folio *Myrti* majoris simili, ipsi arbore maritatur: quam præ nimia luxuria tandem cooperiens, exitium totale illi infert. Sed quantum hæc *Zizania Assyriæ* malo noxia, tantum homini atque ipsis avibus *Tetyns* dictis proficua existit. Quippe cædem aviculæ herbam hanc è stercore suo natam, sive amore alimenti, sive medicamenti depopulari amant. Denique à radicibus & ramulis contusis & ex oleo communi frixis, emanat insigne medica-

**I**N tanta vegetabilium multitudine, non mirum est, quasdam hominibus tantum, quasdam solum cæteris animalibus, vel prodesse, vel obesse. Inter has existunt imprimitis *Cururu-ape* & *Guiana-Timbó*, de qua modo egi. Utraque in Medicinam recepta; utraque piscibus noxia. Quas proinde potius inter salutiferas quam venenatas recensendas existimo.

Hæc itaque *Cururu-ape* nec facie, nec efficacia vulgaris existit. In vastis nemoribus aliis arborebus innititur. Ligno est tenaci sarmentofo & flexibili, foliis decoratur oblongis, superius viride splendentibus, dentatis, ex se invicem, ad ficus ferre Indicæ modum, prænascentibus. Ita ut non raro, pro naturæ lusu, quinquefolium confiant, inferius duobus expansis foliis, superius tribus eminentibus.

In extremitatibus ramlorum proveniant longæ spicæ, onustæ flos-

medicamentum calidum, cuius crebris inunctionibus, ad vices aliquot reiteratis, ventris & pedum inflationes, tam adulorum quam puerorum, ex frigido enatae, felicissime restituuntur. Adeo discutere & confortare creditur hoc oleum, præsertim vetus, ut nulli remedio cedat, meritoque à rusticis tanquam domesticum reservetur. Rasura caulium in aqua macerata oculorum obscuritates abstergit, præcipue in affectibus ictericis.

## C A P V T L X I I.

*Varix Phaseolorum species Cumandá dicta.*

**Q**uem antea lectori indicarim, instituti mei esse, eas tantum perstringere plantas & animalia, quorum qualitates alimentosæ, medicæ, vel venenatæ mihi innotuerint: Idem imprimis circa Phaseolos, Ciceris & Pisæ nunc prosequor; quoniam immensi esset laboris, imo charta mihi prius quam materia deficeret, antequam tot luxuriantium Fabarum & Siliquarum silvam graphicè depingerem.

Hoc itaque capite eas tantum recenso, quæ omnibus pariter incolis familiares, & inter alimentosas potissimum habitæ. Ut sunt primo *Cumanda-guaçu*, id est Fabæ magnæ dictæ. Quæ pollicis sunt crassitie, & sicut præstant Europæis magnitudine, ita etiam sapore & salubritate. Instar funis ad arborum caçumina enituntur, easque Hederae modo amplectuntur. Fabæ torrefactæ & contusæ cumque ovo exhibitæ contra fluxus ventris in usu sunt. Coctæ vero ad cataplasmatis modum ventri impositæ colicis doloribus medentur; ad resolvendæ quoque apostemata parti affectæ applicantur.

*Cumanda-guirá* est frutex elegans toto anno florens & fructifera. Cortice viridi, ligno fragili, ramis surrectis sibi oppositis exsurgit, foliis oblongis *Salviae* acutæ similibus, inferne albicantibus, superne viridioribus, lanuginosis, floribus luteis magnitudinis nostratum Pisorum, quibus siliquæ compressæ & quasi contortæ succedunt nostris paulo minores. Horum usus omnibus passim incolis frequens si coquantur, præterquam enim quod palato blandiantur, lubricam reddunt alvum.

Illæ autem quæ simpliciter nomen *Cumandá* induunt, Fabis Turcicis tum sapore tum magnitudine simillimæ, sed subinde colore tantum, non forma differunt, aliæ enim prorsus sunt albæ, aliæ dilute è candido flavescentes, aliæ obscure purpureæ renis formam referentes: omnium cutis admodum nitet, & eleganter maculis distincta.

*Cumanda-miri*, id est, Fabæ parvæ, sunt Pisæ, Europæis magnitudine paria, sed oblonga & non rotunda, albi quoque & leucopœi coloris.

Sequuntur tandem & illæ quæ *Cumandatiæ* appellatæ, *Lablab* Prosp. Alpini. de quibus vide Carol. Clusium Rar. plant. pag. ccxxvii. Planta hæc ex Africa in Brasiliam creditur translata, undique nota tam ob elegantiam quam ob usum; perpetuis floribus & sarmentis luxuriat toto anno. Semina nigra, siliquis latioribus haud longis continentur, quæ edulia non solum sed gustu gratissima existunt, si cibis immisceantur & coquantur. Pectoris morbis medentur. Prosp. Alpinus testatur, urinam & menstrua movere.

## C V M A N D A T I A.



G V L I E L M I P I S O N I S

252

G V A N D V.



His annumerantur Ciceres quibus *Guandú* Brasiliani, Belgæ, à siliquarum forma *Witte krombekjes* nomen dederunt, adeo expediti præ cæteris, ut non minus ægris, quam sanis conducant. Elegans hic Phaseolus Turcicorum modo scandit, iisdemque est foliis & floribus, sed multo minoribus. Iucunde semper viret, perpetuisque copulatis filiolis parvis decoratur: ita ut ob ornatum æque ac usum sativa facta sit planta.

Quæ *Guarumbeé* dictæ, Turcicis Phaseolis aliquanto sunt maiores, coloris nigerrimi & optimi saporis, sed minus frequentes præcedentibus.

C A P V T      L X I I .

*Ietucu* sive *Mechoacan*, & *Xalappa*.

**D**E ea nunc agendum radice medicinali, quæ in Novo & Veteri orbe nomen audit à sua Regione Americæ natali quæ *Mechoacan* appellatur. Adeo per omnes silvas sponte luxuriat; ut non minus terram frequentia radicum, quam nemora elegantibus sarmentis & floribus impleteat.


Docte sane & curiose harum plantarum quatuor species gradu & dignitate impares Ximenes tractavit, ut videre est in Annotatione sub capite *Mechoacanæ* in Historia nostra Brasiliæ naturali. quarum natura ut & semina, licet ab hac nostra nonnihil discrepare videantur: tamen sarmentis, foliis, floribusque convenire appetat. Mihi, hic non licuit ultra duas vidisse species, facie sibi simillimas; sed ut efficacia

efficacia differentes, ita & radice, quæ in posteriori hac Mechoacannæ specie non solum longior, circulosior & nigricantior, sed & purgandi qualitate superior existit. Ac, ut verbo absolvam, eadem est quæ nomen Xalappæ in nova Hispania accepit. Quæ, cum nuper ibidem adhuc latitaverit, quis mirabitur, si etiam nunc in vasta hac Barbarie minus innotuerit, & sub communi Mechoacannæ nomine in usu fuerit.

Omnis itaque *Ietucis* sive Mechoacannæ species Lusitanis *Patata da purga* dicitur: quæ adeo toto fere anno in agris luxuriat, ut exosa sit rusticis, atque ob nimiam ubertatem vilescat. Terræ impensa radix, spatio octidui adolescit cum foliis: imo parieti appensa progerminat feliciter. Planta caule lactescente sarmentoso, rufa, multangulari, lento repit vel scandit. Foliis solitariis hinc inde vestitur teneris, fature viridibus, inodoris, cordis figuram, cum vel sine auriculis repræsentantibus. Flore decoratur quadrifolio (quam hic separatim ad vivum ea qua erat forma & magnitudine apposui) dilute incarnato, intus purpureo; in cuius medio capsula, loco umbilici rotunda prominet, ex qua semina aliquot nigricantia Pisi magnitudine sed non figura, quia compressa & quasi triangularia apparent. Radice est magna bifida ut cunque extus fusca, intus tota lactescente, in quo resinoso liquore medica qualitas residet; ac proinde verno tempore Brasiliensi collecta, atque in taleolas circulares dissecta, atque filo transfutim excepta, sollicite reservatur, quod ab externa injuria facile afficiatur.

Pulvis radicis à semiuncia ad integrum ex convenienti liquore tuto exhibetur ad deturbandum pituitosum imprimis & aqueum humorum. Vel radix recens, mundato cortice, exprimitur per pannum ad horas aliquot; quod subsedit siccatur in umbra (ob similitudinem *Tapioca* dictum) drachma in pueris, duæ vel tres drachmæ in adultis, exhibentur. Delicatoribus autem qui ab omni medicamento abhorrent, conserva' exinde cum saccharo fit, cuius dosis castaneæ circiter est magnitudinis. Hæc conditura, quod blandum & gratum simul sit medicamentum, magnopere expetitur, & in variis Europæ regiones distracta.

IETUCV' sive MECHOACANNA  
cum FLORE.



## G V L I E L M I P I S O N I S

## C A P V T L X I V.

*Ietica vulgo Batáta, Cará, Tamoatarána, Mundubi,  
& Mandobi.*

**I**ntr fructus subterraneos alimentosos primum locum merentur, quos *Batátas*, nuncupant vulgo. Quæ Peruvianis *Apichu*, Brasiliensis *Ietica* dictæ, eæque quidem diversi coloris, sed qualitate congeneres, nutrientes, magnoque incolarum commodo in viatum cedunt. Pingues sunt & dulces atque flatulentæ: & in hortis mul-

I E T I C A vulgo B A T Á T A.



tum excoluntur. Caule farmentoso, lento, viridi, tenui super terram repunt, semper nova filamenta terræ ingerentes, ex quibus novæ radices generantur variæ figuræ, coloris extus flavescentis, intus lacteo sicco turgentes. Quibus pediculus ad caulem in exortu incurvatus, folium sustinet dilute virescens, inferne canescens, figura cordis, ut vulgo pingitur, vel etiam ad latera auriculas habens ut Mechoacanna. Flores ferrunt exterius dilute virides, interius candidos figura Campanulæ, quibus deficien- tibus semen quoddam videtur formari, sed nullius usus, quia optime transplantan- tur scindendo radices in taleolas & imponendo terræ. Coquuntur aut sub cineri- bus assantur, suntque optimi saporis & præferendæ nostris Rapis.

*Batáta* recens contusa & affusa paucula aqua atque macerata, fermentando fit potus, quo Indigenæ utuntur, imo, subinde abutuntur ad inebriandum.

Aliæ quoque dantur *Batáta* species, quarum prima vocatur *Omenapó yeima*, humili ser- pens caule farmentoso, viridi: folia quoque habens cordis figura, vel etiam aurita, solitarie posita, nervis & venis viridibus obsita. Radix ut plurimum est rotunda, cruda, alba, sed cocta fit per totam substantiam, instar *Betæ rubra*, manusque tingit cæ- ruleo. Cuticula est obscure rubra; cultro incisa nigrescit instar atramenti futorii.

Secunda *Pararo* dicta est caule & foliis sicut præcedens, nisi quod caulis hujus sit pur- pureus, & nervi atque venæ foliorum itidem purpureæ, ut & radix.

Quæ *Ietiopé* vocatur alba est quoque radice optimi saporis, paulo macerata com- editur, sed imprimis à febricitantibus.

**Q**Væ autem *Inhame de S. Thome* vulgo, & Brasiliensibus *Cará* dictæ, quantum omni- bus enarratis *Batáta* mole superiores: tantum dignitate inferiores existunt, & à plebe



plebe solum expetitæ, iisque ob ubertatem in quotidiano usu sunt. Planta est caule quadrato, & paulum hinc inde contorto; longissime repit super terram, aut etiam ascendit sepes, latissimeque se propagat: nam ramuli illius terram contingentes, fibras protrudunt & novas agunt radices. Versus extremitatem caulis senioris, multæ quasi spicæ producuntur, in quibus aliqua triangulata & turbinata corpora adhærent superius, rudimenta habentes parvi floris lutei. Interstitio magno ad caulem proveniunt pediculi duo oppositi, itidem quadrati, quorum cuilibet insidet folium Sagittalis nostratis figura, quod læta viriditate splendet, solidum, septem aut novem nervis ex pediculi insertione prodeuntibus & per longitudinem discurrentibus, inferius prominentibus, superius profunde jacentibus, in extremitate acuminatum. Copiosum liquorem aqueum fundit caulis incisus instar lacrymarum vitis. Crassa est radix, unum pedem longa, cuticula ex cinereo fusca vestita, sub qua flavescit, intus autem habet carnem succulentam & quasi lactescensem. Cocta cum oleo & pipere condita bene sapit: sicca tamen est, & farinam refert. Vnde & pro pane à Guineensibus usurpatur.


TAMOATARANA.



**E**iusdem naturæ & usus quondam huc transplantata radix *Tamoatarana*, Planta quæ ex bulbo albo, splendente, figura fere ovali, magnitudine ovi anatini, producit caulem & duo vel tria acuminata folia, ejusdem fere cum caule longitudinis. Præter hæc in summitate folium unum atque alterum est, sub quo aliquot pediculi proveniunt, quatuor flores producentes, splendide albos, ex triangulis squamis more Pinæ Nucis compositos, inodoros.

Nullius usus, quantum constat, folia & caulis; excipiuntur Bulbi, qui more Batatae pro bono alimento apponuntur.

M V N D V B I & F R V C T V S.



**S**icut Mandiocara-dix aliaque sata mensibus potissimum aestivis & terris sitientibus gaudent; ita alii fructus subterranei & radices edules humida amant loca & tempora, inter quae non solum Batatas mox de-

scripta, sed & Mundubi & Mandobi primatum tenent. Horum prior Lusitanis corrupte Amenduinas, Lerio Manobi. Peruvianis, teste Monardo Anchic, Hispanis Ibimani vocatur. Familiaris haec planta domestica facta, nunc humi decumbens, nunc ultra pedalem erigitur altitudinem. Caule est quadrato aut striato, ex viridi rufescente, & piloso. Hinc inde enascuntur ramuli primo quasi caulem amplectentes & foliolis angustis acuminatis circa nodos stipati; continentque quilibet ramulus quatuor folia, ovalis figuræ in extremitate obtusa, leviter pilosa, unico nervo recto & subtilibus venis conspicua, inferne canescens, superne læte viridia. Flosculos habet flavos, per ora rubentes. Radice est brevi, tenui, contorta, filamentosa, cui adnascuntur folliculi ex albicante grisei, figura minimi Cucumeris, fragiles, sed strepitum edentes: quilibet autem continent in se tres nucleos, pellicula saturate purpurea vestitos, carne intus alba, oleaginosa, sapore Pistaceorum, qui comeduntur cocti & inter bellaria apponuntur. Flatulentis sunt atque ad Venerem incitantes. Multum tamen comesti capitidis dolores causant. Forma cataplasmatis confusi, & morsui serpentum applicati, dolori medentur. Ex illis quoque oleum clarissimum exprimitur, non ingratissaporis, iisdemque usibus dicatum, quibus oleum Amygdali.

#### M A N D O B I .

**P**osterior fructus subterraneus, ex oris Africæ olim translatus, tandem Americæ nativus quasi factus Mandobi vocatur: qui non erigitur, sed more Cucumerum tenuibus farmentis supra terram luxuriat, unde hinc inde pediculi striati exsurgunt, quibus flosculi flavi, & folia, more Phaseolorum sibi tria conjuncta adnascuntur. Fibris subterraneis horum caulinum reticulati folliculi, nucis avellanae magnitudinis adhaerent. Quilibet autem folliculus secundum longitudinem circum circa quasi futuram monstrat & pressus circa illam finditur, continens in se duo utcumque grana pisiformia & ejusdem

ejusdem magnitudinis flavo pallida, ejusdem cum pisis recentibus consistentiae, & saporis, cruda & cocta comeduntur, quod boni sint saporis, sed flatulenta, omnibus pa-  
sim incolis in quotidiano usu existentia, ceterum prioribus *Mundubi* congenera qui-  
dem, sed nutriendi qualitate iis cedunt.

## C A P V T L X V.

*Iupicánga vulgo Radix Chinæ, Ivapecánga vulgo çarçaparilla,  
& Convolvulus marinus.*

**S**imilem quam *Chinæ* radicem solent nominare hæc quoque producit terra. Pseu-  
do *Chinam*, de qua *Dodonæus* & alii scribunt, verius dixeris, eamque admodum  
nodosam, & lignosam, in Territorio imprimis Paraybiensi, ubi copiose nascitur.  
Formatur in aliquot tubera sicut ex apposita Icone liquet, intus & extus subrutilo co-

## I V P I C A' N G A vulgo R A D I X C H I N A E.




lore. Tres omnino reperiuntur species, licet paucioribus cognitæ, quæ omnes sub co-  
dem nomine comprehenduntur, ob summam quam inter se habent, similitudinem; quas  
tamen si in usus applies, distinguere necesse est: quapropter eligenda est quæ magis cra-  
sa, glabra & rubescens est, quæ facile ex magnitudine pedis plantæ, tum &, ex in frequen-  
tibus caulinum spinis, internosci potest. Ejus brachia spinis acutissimis hinc inde obsita,  
*Clematis* instar, vicinas arbores, earumque summitates, sinuosis flexibus amplectuntur.  
Folia fert Plantagini haud dissimilia, & baccas croceas ad aureum colorem vergentes.

In hac planta cum nihil sit fere, quin ab aliis Scriptoribus tractatum, sollicite aut  
Y 4 prolixè

## G V L I E L M I P I S O N I S

prolixè differere operæ pretium non erit. Ea uti solent ad eadem mala expugnanda, quæ in Europa expelli solent: tametsi Chinensi (ut, quod sentio, dicam) dignitate & præstantia non nihil concedat.

I V A P E C A N G A vulgo Ç A R Ç A P A R I L L A.



minata diversæ longitudinis & latitudinis, exterius dilute, interius sature virentia. foliarie alternatim cauli adnascuntur, in quibus tres nervi insigniter conspicui secundum longitudinem, transversim autem multæ minutæ venulæ vario flexu tendunt. Ad quemlibet cujuslibet folii pediculum duæ claviculæ prodeunt lentæ, longæ, quibus aliis plantis se firmiter annexit. Flores fert racematum: sequuntur dein baccæ, primo virides, mox cinnabriæ, ubi autem maturuere, nigræ, rotundæ, rugosæ, more Cerasorum siccatorum pediculisistentes. Intus continent unum aut duos lapides albo flavos, duros, in quibus durus albicans nucleus. Vide Monard. cap. xxii.

Fr. Ximenes quoque diversas & nobiliores Sarçaparillæ species, variosque parandi modos in Mexico & Nova Hispania dari testatur, *Mecapatli* illis dictas. Optima autem creditur esse ea, quæ provenit in Honduras, quæque potissimum infertur Europæ. Sunt qui omnes has plantas referendas putent ad species Chinæ, verum quia radices plurimum differunt, non est dubium quin sui generis sint plantæ, licet figura foliorum, caulium volubilitate & capreolis convenient. Quibus autem usibus benigna mater natura considerit hanc nobilissimam herbam, toto fere mundo innotuit, sed quanto validius & felicius in Indiis ubi indigena est, morbis chronicis medeatur, illi optime norunt qui Indias Orientales & Occidentales habitarunt.

## C O N V O L V U L V S M A R I N V S.



P Ræter Çarçaparillam officinarum, altera hæc non imbellis, licet ignobilior, reperiatur. Lusitanis *Salsa do Praya*, sive Çarça littoralis nuncupata, quam tamen Convolvulum maximum rectius dixeris. Ex radice lenta, longa, non crassa, sed gracili, paucis fibris prædita, nigricantis exterius coloris, intus alba & lactis glutinosi plena, nascuntur

L Icet à plurimis Incolis, tam advenis quam Indigenis, neglecta fere fuerit hæc, quod vulgaris illa & notissima Çarçaparilla ex aliis Americæ regionibus huc adferatur; tamen à peritioribus Empiricis, mox propria experientia edocet, hæc Ivapecanga à me aliisque Lusitanis in usus Medicos est recepta.

Duæ reperiuntur species sibi similes, in silvis littoralibus repentes, caule sarmenoso, lento, viridi, aculeos seu spinas hinc inde habente acutas. Folia acu-

scuntur aliquot caules, longissime repentes supra terram atque hinc inde iterum radices agentes. His adnascuntur folia alternatim posita, lète viridia, crassa, obrotunda. Expediculis flores prodeunt superius quinquangulares, Campanulæ figura, coloris dilute purpurei, qui post meridiem clauduntur, mane excluduntur.

Sarmenta & folia recentia, temperate calida habentur, & emolliendi quoque vi pollent, ac proinde in balneis factitandis usum habent haud exiguum, tum ad corroborandum corpus in affectibus præcipue frigidis, summe prosunt.


Decoëta denique è farmentis & radicibus exsiccatis per os exhibita, eidem usui inserviunt. Folia recenter avulsa fonticulis apposita solatium adferunt.

## C A P V T L X V I.

*Nhandiróba, Acariçóba, Ambuyaembó, & Caapéba.*

**H**ederæ scandentis species, more Bryoniæ, farmentis paulo tenerioribus fastigia arborum enititur. Folia habet disposita more Hederae, subrotunda & quasi in tres angulos desinentia, viridia, glabra, splendentia. Flosculos parvos ex pallido lutescentes fructus sequitur rotundus, viridis, splendens, Pomi majoris


N H A N D I R O ' B A.



magnitudine, superius circulum insculptum quasi continens & in centro ejus tres lineas, una extremitate ad angulos obtusos se contingentes. Fructus in medio per interstitia more juglandis, in tres dispescitur cavitates, continentque multa ordine disposita corpora subrotunda, satis crassa, quæ træcto cortice intus alba apparent, continentque oleaginosum nucleum ex albo flavescentem, pelliculæ inclusum. Ex hoc nucleo oleum parant, quo in lucernis utuntur, clarissimum & optimum, tarde enim consumitur: in cibo non potest usurpari, quia amarum est, quemadmodum & totus fructus. Præterea oleo hoc, utpote calido, contra dolores ex frigore natos utuntur. Integras familias Brasilianorum ex nocturno frigore dolentes, solo hujus olei affrictu, memini restitutas.

**P**lanta reperitur præstantissima, locis irriguis, maxime vero circa rivos & aquas fuentes, quæ ab Indigenis *Acariçóba*, à Lusitanis *Erva do Capitão* appellatur. Radix teres, geniculata, alba, sub terra serpit, ad genicula multa tenuia filamenta agens, ibidemque ex albo purpureum, succulentum, fistulosum, teretem, in altum protrudens caulem, in cuius summitate unicum folium rotundum, lète viride instar *Nymphææ*, & leviter in ambitu more *Vmbilici Veneris* crenatum, protrudit. Eminus eam intuenti *Scabiosæ Alpini* similis appetit. Ex centro insertionis caulis in folium, tenues venæ ad circumferentiam sparguntur. Flores hinc inde ex diversis caulis ex luteo albescentes fert. Radix quæ longa & farmentosa quasi est, contrita odoris est radicis *Petroselini*,

GVLIELMI PISONIS  
ACARICOBA.



troſelini, gustatu perquam jucunda & aromatica, tenuium & calidarum est partium, ac inter radices aperientes haud postremum locum meretur. Hepatis & renum obſtructiones & intemperies adeo feliciter emendat, ut nullum remedium illi prætulerim. Incolæ quoque recentem foliorum succum inter decantata habent antidota, vomitumque ſicut noſtrates foliis Asari, eo fufcitant.

A M B V Y A E M B O.



S I ulla farmentosa planta egregie topiarium opus in silvis repræſentet, hæc ſane ob inuſitatam faciem oblectat. Ex tenui enim & lento caule ſolitaria & lata folia pallide virentia prodeunt, nervo crasso & venis tenuibus obliquis dotata, ex quibus prominant hinc inde flores inodori, ex albo flavescentes, & venis punctulisque purpureis intertexti, quorum figura & ſtructura humani ventriculi cum utroque processu æmula. Cui defuper adnegetur tenuis membrana obrotunda, ipſo flore multo major, innume-

ris venulis rubris varie intertexta, haud male referens hepar humanum ventriculo incumbens.

Integra herba in varios usus medicos usurpatur. Amari est saporis, balnea exinde confortantia & discutientia conficiuntur. Suffumigia ex iis parantur sicca, quæ nudo corpore vel leviter cooperto Europæi æque ac Barbari excipiunt, membraque externa & viscera interna à frigidis humoribus torpentia ad pristinum vigorem restituunt. Imprimis autem decoctum ejus solum, vel cum radice *Iuripeba* mixtum, obstrunctiones hypochondriorum ex frigore natas tollit, si aliquandiu assumantur.

## C A A P E' B A.



**C** Lematiti non absimilis, tenaci ac prælongo sarmento, nunc vicinas arbores ornate concidunt, nunc humi instar Colubri repit hæc herba; ob similitudinem *Cipó de Cobras*, ob eximias virtutes & præstantiam *Ervade noſſa Senhora* à plebe Lusitanica cognominatur. Tenuissimo est folio, rotundo, læteque semper vidente, seorsim posito in caule, nunc orbiculari, nunc cordis latioris figura, superius dilute virescente, inferius albescente. Ad horum foliorum pediculos rufescentes, flores pallidi flavescentes proveniunt. In summitate pediculi granum provenit magnitudine parvi pisi, figuræ ovalis, interius viride, hinc rubrum. Radice tortuosa, è cinerito nigricante, & digitalis circiter crassitiei, si juvenis sit, sin vetustior, brachium fere adæquat, nigraque existit. Ut ex duabus hic appositis liquet. Obque hanc differentiam, aliqui duas ejus species esse putarunt.

Substantia intus est solida, compacta & pingui, non multi, sed tamen subamari, saporis, partium calidarum & tenuium, quæ manducando se produnt.

Floret planta mense Iulio, & semen fert magnum coloris rosacei, è capsulis (lupulo similibus) prominens.

Ego duplicem radicis simul & foliorum usum sum expertus.

Radix in taleolas secta, perque aliquot dies sub dio in liquido convenienti macerata, vim suam illi communicat, nec ingrato adeo sapore aut cerevisiam, aut vinum, quo diluitur,

## G V L I E L M I P I S O N I S


diluitur, imbuit; quin potus ordinarii loco ægri illo utuntur, quod renum, ureterum & vesicæ obstructionibus medeatur. Usque adeo Calculi expellit materiam (licet rarius hic detur hoc malum) ut Magnates Lusitani aliud nullum medicamentum huic prætulerint. Cæterum hæc tantopere prædicata herba, non tantum propter virtutes jam dictas, sed & eximiam, qua contra venena valet, facultatem, ab omnibus expetitur. Quippe succus ex recentibus foliis expressus, serpentum sanat morsus: proinde *Ervado Cobres* Lusitanis dicta: radix autem cum foliis contusa, & è vino hausta, veneni intus assumti vim retundit, penitusque expellit, si imprimitis ab excessu frigiditatis nata fuerit.

## C A P V T L X V I I .

*Curua vel Curuba, Iaeé aliis Iba-guaçu sive Anguria, Iurumú Ierua', Taquera, & Guarerua-obe sive Cucumber A sininus.*

**C**uruá vel ut aliis placet, *Curubá*, herba sarmentosa, species est Cucurbitæ, arbores & tecta ascendens. Primo protrudit duo folia Cucumeris modo, sibi opposita, è quorum medio postea prodit caulis striatus, sarmentosus, primo hirsuta,


C V R V A .



tus mox glaber, humi repes aut scandens Cucurbitarum modo, ac capreolis suis se  
annectens.

annectens. Folia hinc inde Cucumerum modo apposita habet, singula suis pediculis longis insistentia, in lacinias divisa, inferius hirsuta, albicantia, superius viridia & glabra: Prope pediculum cuiuslibet folii clavicula prodit longa, contorta, arcte se implicans vicinis arboribus aut pedamentis appositis. Inter folia hinc inde in propriis pediculis nascuntur florum rudimenta conicæ figuræ, unde prodeunt flores magni, crassi, dilute flavi, exterius striis virescentibus distincti. Fructus longus est aliquando viginti digitos, cortice glabro ut Pepo, ex rubro purpureus. Caro seu pulpa ad flavedinem accedit, odoris dulci-acidi, instar pyrorum agrestium, saporis ingrati, ideo vix comeditur nisi assata: semen continet copiosum, figura & magnitudine Cucurbitæ seminis, sed quod exterius in superficie sua fusco est punctulatum. Fructus ob fragrantem odorem imprimis expetiti, imprimis si per menes aliquot (ut ipse saepe tentavi) cistæ inclusæ & vestibus appositæ sint. Pulpa est refrigerans & humectans, ac proinde Barbari febricitantes ea utuntur.


## IAE E' sive ANGURIA.



**I**aeé aliis *Iba-guacu* sive Anguria, sativa planta, & tractu temporis quasi nativa facta; nullibi in Indiis felicius quam in Brasilia provenit, Lusitanis *Balançia*, Belgis **Water-meloen** sive Melo aquaticus, non improcie dicta. Per omnes Europæ Amerique regiones calidiores notissima. Repit caule sarmentoso, hirsuto, multis capreolis se terræ affigente: foliis profundis laciniatis & incisis, longis, erectis, striatis. Ex flore pentaphyllo, parvo, flavo, ingens fructus rotundus cum cortice viridi tenaci nascitur. Carnem habet succulentissimam in medio juxta semina rosacei, ceterum albi coloris, tanta aquæ dulcis & frigidæ copia refertam, ut inter edendum tanquam è poculo hauriri possit. Adeoque æstum viscerum compescit, ut haud facile febricitantibus convenientius refrigerium suaserim. Idem præstant saccharo conditæ. Ingentis molis felicissime toto anno, imprimis mensibus æstivis proveniunt, terra licet sterili & arenosa. Seminibus scatent multis, Cucurbitarum magnitudine & figura, diversi coloris, quæ primum locum obtinent inter semina frigida majora. Vnde emulsiones, aliaque medicamina refrigerantia quotidie parantur; accendentibus cæteris seminibus frigidis, imprimis Melopeponum & Cucumberum,

Adeo enim horti Incolarum Melopeponibus imprimis luxuriant, ob facilem culturam & felicem proventum, ut nimia abundantia vilescant; excipiuntur tamen qui carne sunt viridi, solida, gustu & olfactu suavissima, & cæteris flavis Melonibus salubriori; sed quia figura & natura cum Europæis convenient, eorum descriptioni non immoror, Iconemque satis superque ab autoribus exhibitam, supervacaneum duxi denuo hic addidisse.

IVRVMV.




pentaphyllum, magnum. Fructus est magnus, orbicularis, striatus, compressus, cortice tenuissimo, coloris cinnabrii cum plurimo albo mixti, interius autem croceus, semine multo, albo, nostratum simillimo.

Boni saporis est coctus seu etiam assatus sub cineribus. Incolæ eo, tam ad sanitatem quam ad palatum, cum melle vescuntur.

Secunda vocatur, *Ieruā* figura & qualitatibus priori haud multum dissimilis.

Tertia, *Taquera* dicta, inter Cucurbitas lageniformes potissimum numerata. Foliis cæterarum Cucurbitarum speciebus similibus. Flore quoque albo, magno, pentaphyllo, obrotundo, in medio habente stamina brevia lutescentia. Semine pallido, compresso, utraque extremitate quasi bicorni. Fructus est cortice duriori, saporis dulcis, qui inter alimenta medicamentosa primis Incolis & ipsis Europæis reservatur, refrigerandi simul & nutriendi facultate pollens. Saccharo conditus inter bellaria apponitur; alias enim, licet diversos apparandi modos admittat, minus gratus est stomacho. Cruda enim non solum minus suavis, sed si pravos offenderit humores in ventriculo, ibique moretur, corruptio concoctionem antevertere solet. Quod idem Gal. Dioscorid. & alii veteres de Cucurbitarum natura testati sunt.

#### GVARERVA-OBA sive CVCVMER Asininus.



**I**N omni terra arenosa sitienti luxuriat, & farmentoso caule humi repit Cucumer silvestris. Folia habet in longis pediculis singulatim posita, quodlibet in tres lacinias sectum, ac in ambitu dentatum atque hirsutum. Flore, ut solet, flavo, capaci. Fructu magnitudinis ovi gallinacei, ellipticæ figuræ, tuberculis per ambitum acutis, qui ubi maturuerit, pallescit. Semina transversum multa, in pulpa more Cucumerum sita.

Ita ut, si quis hujus nostræ Americanæ descriptionem conferat cum Cucumeris Asinini Europæi, ex parte cum ea convenire, atque ex parte discrepare, pro vario naturæ lusu comperiet.

Succus autem ejus, quod Elaterii nomen audit, summe amarus sed ex secundo calefacientium ordine habitat. Usus ejus haud frequens apud advenas, multo minus apud indigenas, etiamsi efficacia illius non sit incognita: & parium credo virium ac illud, de quo

quo veteres passim testati sunt. Ego sane, licet contra hydropem valeat, dissuasor fui istius medicamenti, idque ob tres potissimum rationes. Primo, quod perpetua debet esse cautio in Indiis circa usum medicamentorum tam efficaciter purgantium.

Secundo, quia expertus sum idem quod Mesue de ejus viribus oīm testatum reliquit, scilicet præter alia quæ adfert nocimenta, vasorum quoque oscula aperire, tormina excitare, intestinorumque tunicas abradere, licet correctoriis munitum. Vnde Dysenteria facile provocatur, qui morbus in Indiis plus quam alibi, medicæ artis peritis merito extimescendus.


Tertio, quia licet serum sanguinis à remotioribus partibus in articulorum morbis extrahat, tamen minus conducat. Quod Arthritis ut & Nephritis fere incognitæ sint, saltem rarissime hic appareant.

## C A P V T L X V I I I.


*Tres Arbusculæ Marinæ, Coralloides, Spongiosa, & Baccifera.*

**I**N quibusdam Brasiliæ locis juxta rupem illam *Reciffo* vulgo dictam, quando maris recessibus littus minus immersum est, infinitæ lapideæ excentriæ, nunc arbuscularum, nunc Brassicæ Cyprinæ instar, in ipso fundo, cælo sereno conspicuntur. Quæ pro diversitate vel algæ, vel fungorum plantarumque maritimorum (quibus crystalli

ARBUSCULA CORALLOIDES



SPONGIOSA.




more paulatim singulis accessibus aqua salsa vi Solis agglutinatur) vario & miro naturæ lusu crescunt, atque è fundo erutæ, mox durissimæ, si insolentur in littore sicco, niveique coloris fiunt. A magnatibus in Hispania & Belgio expetitæ, ut ædes & subterraneas cavernas illis exornent. Maris accolæ & pescatōres in usum medicum potius hoc qualemque coralli genus adhibent, & rasuram ejus contra fluxus ventris & ruentes humores exhibent. Ego remedium hoc utpote crudum Barbaris reliqui, atque apud nostrates Europæos nondum in usus applicavi, nisi arte instar coralli officinarum præparatum.

**I**lsdem rupibus & vadis petrosis supernascuntur, quoque spongiosæ arbusculæ. Inter illas inusitatæ formæ prodit una cæteris facile eleganter, cuius Iconem hic exhibeo.

Ad tactum quidem ejusdem cum aliis spongiis mollitiei & coloris, sed non tantæ flexibilitatis: erigitur enim instar petrosæ arbusculæ coraloides ad duorum circa pedum longitudinem, & duarum palmarum latitudinem, mediocri soliditate prædita, impensis inferius circa plantæ pediculum. Quia autem nullus ejus præterquam aliarum spongiarum usus innotuit, illius descriptioni supersedeo, sed ob elegantiam tantum & raritatem, mantissæ loco, eam lectoribus exhibeo.

S A R G A ' S O.



**H**Erba illa Marina quæ ab Hispanis *Sargáço*, à Nostratis Steen-kroost nomen accepit, Lenticula marina, licet impropter, nominatur. Est enim non Alga, sed Arbuscula baccifera, palum longa, tenuibus caulis griseis, & perpetuis foliolis serratis sature rubris in glomos convoluta. Quæ circa Insulas Flandricas vulgo dictas, incerta quidem origine undiquaque fluitans, adeo magnam maris partem obsidet, ut solum, non salum dices, & remissiore vento moram navibus haud parvam faciat. Atque ideo ille tractus Oceani Lenticularis, de Kroost-Zee à Belgis ex Indiis redeuntibus nomen accepit. Raram hanc plantam pubes nautica Lusitanorum, ut & Batavorum, indiscreta quantitate macerant & coquunt cum liquore convenienti, eo que non sine felici successu contra difficultates urinandi utuntur. Insipida est, præter falsuginem ex aqua contractam. Nulla radix conspicitur, sed sola rupturæ vestigia apparent.

FINIS LIBRI QVARTEL.

GVLIELMVS PISO


Clarissimo Viro

## DIOHANNI ANTONIDÆ

VANDER LINDEN,

Doct. &amp; Prof. Medic. Pract. ordin. in Acad. Lugd. Bat.

Amico veteri &amp; solido.




Aturæ haec non tam sacra, quam admiranda quæ deinceps animus est promere, priusquam adeas contemplatum, patere te in ipso lumine paulisper à vetere tuo & inde à communibus studiorum tirocinis conjunctissimo amico sibi, atque tuo sub nomine paucis me ad lectorem præfari. Quod quidem eo confidentius urgeo, quia invitis tot eruditis suis euriſ facilem te semper atque promptum fuerim expertus, cuique nihil solet evenire gratius, quam veterem amicam novis usque & usque succenditilis soveri atque perpetuari.

Haec sollicit fert Natura rerum, Clarissime Vir, ut dum in speciosa & admirabili illa rerum varietatee qua Mundus consistit, alii aliis dediti sunt studiis & exercitamentis corporum tamen maneat distinctum illud, suum cuique pulchrum. Dum enim tu crebris scriptis exsciatis testatis, facundiam & eruditonem illum non deserere cui patenter. sed vestris asisti ego mihi congratulor in parergo hoc, jucundissimi veteris naturæ theatri in Orbe novo observata ut inudem denuo redigere. Decennium circiter est quod exoptata illas lucubrationes meas protruderim potius quam ediderim in lucem, rogara coatus sum, si fas dicere, amicorum, & inter eos Excellentissimi P. M. Iiri, Ioannis de Laet, qui suis se meritis optimi cuiusq[ue] memorie atque desiderio intulit ve-  
ras ealor. Cum viro, cum difficile mihi erat quidquam negare, ad præli curam se offerens, non potui non cum hoc, cum cetera mea scripta credere, avocatus ipse in castra ad Illustrissimum Auracæ Principem. Vnde factum, ut omnis mihi adempta fuerit occasio, non dicenti addendi quæ necessaria & generis etant difficilioris, adeoque otium & meditationem requirebant attentiorem; sed vel relegendi ea quæ non nesciebam restare emendanda inschedias natis meis saepe subito natis & è memoria dimandis posse. Posteaquam ergo flagitare Typographus novam cœpit editionem, profutus me ad eam citram appuli, & quidquid subcidere temporis cursitationibus & &c. (quæ ut ipse olim egregies expertus in hac urbe, totos requirit dies) potui, id illi uniuersum impendi, satagens cœpit & duxit operam, quod aiunt, opus proferre si non sapientius, luculentius saltem & quod multorum curiositatem multis in rebus oblectaturum confidit. Revocare itaque constitui hoc libro ad examen, primo Veneta quæ plantæ partim, partim animalia produnt, una cum eorum antidotis seu ipsis venenorū venenis. Deinde Insectorum aliquot cum naturam cum metamorphosis vero admirandam & in æternum celebrandæ Creatoris potentiae atque sapientiae locupletissimum testem. Etsi vero satis mihi bene sim conscius, non omnime panem utile in re tam difficilis quâmo abstrusa & vix persequenda, indagans, ob densam, quæ involvit, caliginem & polydælam in auditorum, quibus indagari debet, varietatem atque perplexitatem, tamen videor spondere Medicorum filiis posse, non comprehendendam se emolummentum ex horum lectione redundatum; præsecum si anima dignabimur adverteat ad ea, quæ & egn præmonenda purtavimus, & facite Tu, si quisquam eruditorum agnosces. Horum prius est, ut contenta videbuntur, non modo ceteris antiquissimæ, sed & quam maxime Naturæ, inopus auctoris. De legibus consentanea contempnentur. Homines quippe novi & in-

scrutandis Naturæ recessibus parum exercitati, de facili fidem derogant his, quæ, quod ante sibi inaudita sunt, impossilia opinantur. Quod videtur haud aliunde ipsis evenire, quam quod pleraque singularia Naturæ opera in sensus quidem, tam infrunitorum quam brutorum magistros atque duces, incurant: universalis autem vis & incomparabilis ejus majestas paucorum se oculis & menti ingerat; utpote eorum duntaxat, qui indefesso labore & irrequieta meditatione nituntur Naturæ librum nocturna versare manu, versare diurna. Istos itaque exhortatos velim, ad meliorem horum cognitionem adferre judicium rectum & circumspectum, quo se non solum muniant contra nimium credulas Indorum superstitiones, & plusquam aniles persuasions: sed vel imprimis contra propriorum sensuum incantatrices fallacias. à quibus facile est decipi eum, qui ex uno vel altero intuitu, gustu, olfactu pervenire se posse putat in notitiam corporum sublunarium eorumque facultatum: quasi scilicet Natura rerum, veluti prostibulum in vestibulo sedeat, sui copiam faciat quibuslibet prætereuntium; non vero intimo in recessu atque penetrali se abscondat, non sine magno labore, sine casto amore, sine numinis æterni seu parentis faventia atque permisso adeundam. Ista ergo avia viarum quo & certius tutiusque devitent, monendi sunt præterea & illud, (quod nescio qua aut temporum injuria, aut ingeniorum socordia, aut nimia sui fiducia abiit omnino in desuetudinem,) nempe ut nostra hæc qualiacunque inventa ad priscorum & fidissimorum, imprimis Hippocratis Naturæ & Medicinæ fidissimi interpretis, nulli non Naturæ prudenti vere admiranda placita, conferant diligenter & trutinent exacte. Certum quippe, illum virum, & quotquot ejus vestigiis inhæsere pressius, ad illud veritatis ac utilitatis rerum notitiæ culmen pervasisse, quo adire quemquam posse negant, qui aliam fuerit ingressus viam. Id certe haud invitus fatebitur, quisquis se tuum imitatus exemplum, totum dabit in ruminatem corum, quos ex libris ejus reliquos fecit, non dicam, invidiosa vetustas, sed humanum in genus mire misericors clementia divina. Neque propterea tamen eos nos quis putet, qui censeamus, ullum hominem, quantus quantus etiam fuerit, infallibilem, ulliusque dogmata pro indubitate veritatis norma perfectaque faciendi regula esse habenda. Ut jam sibi parcere liceat istis Neotericis paraphysicis, qui ipsum hoc de Medicis dogmaticis ad ravim usque clamitant totiesque ingeminant, & nullis non argumentis contendunt, secum ipsi digladiantes. Qui quales sint ipsis, facile est discernere detracta jam obsoleta illa Veritatis & Caritatis larva, qua se sciolisti & uni quæstui inservientes abscondere solent apud imperitam & falltam pronam quam promptam plebem. Cujus in omnem opinionem per quamlibet & quantumvis absurdam, modo speciosam jactantiam, mobili ingenio freti, non raro triumphum canunt ante victoriam. Quid enim, an non quotidie videre est ingentibus promissis turgidos illos, sive Vroscopos impostores, sive fumum olentes ciniflones, magnis excidere ausis, imo excindere è terra viventium multos eorum, quos morbi tædium, vitæ dulcedo, spei fallacia, & amicorum sæpe importuna commendatio pellexit in ipsorum casses? Qui tamen, quamvis manifesti sint famam novitate aucupari, ut animas & crumenas, præsertim opulentiorum negotientur, si forte casu in bonum eventum inciderint, vel jejunum aliquod in Macro vel Microcosmo inventum adepti sunt, se propterea audent invidiæ subiectum crepare. Quasi vero hoc quod vivimus, sæculum, adeo fœcundum & ferax esset magnorum ingeniorum & invidiam vere merentium: Cum per Deum atque hominum fidem perpetua potius commiseratione digni sint omnes hujus farinæ homunciones, qui in contemnendis quæ non intelligunt, imo ne adeunt quidem, sunt servidiores, quam felices in novitatum suarum aut certitudine demonstranda aut utilitate edocenda. His, inquam, universa erudita antiquitas, imprimis noster Hippocrates, nomen est, prætereaque nihil. Quem quia pauci legunt, pauciores intelligunt, idcirco est, quod multi ad illum Solem cæcutientes, nescio cuius Syderis vel Lunæ lumen malignum sequi potius, & quamvis Charybdes se vitare professi, in Novaturientium Scyllas ferri cum ægris suis malunt, neque errores fateri prius, quam ubi in se experimenta capientes, idem in præcipitium se dederint.

Sed hæc quid attinet apud te, Amicorum optime, aut prolixius narrare, aut queri enixius? quem novimus, ista non modo non ignorare, sed ne dissimulare quidem; quin omnibus in id unum animi intentis viribus incumbere, ut tandem aliquando Hippocrate nata, an sata dicam, Medicina & suo reddatur nitori & omnium inseratur amori. Unde sane Viri in Medicare publica gravissimi, ut D. Tulpius, D. Vicquius, D. Wullenius,

nius, atque alii multi in arte exercitatiſſimi, tibi pariter ac ſibi gratulantur, quod incomparabile illud Asclepiadiū lumen, hodiernæ lippitudini uſque adeo moleſtum, non cefſes objicere toties, eoque non paucos aut parvos detegere errores, & in certam medendi rationem præuire. Ita interim denuo reperta & ſua laude digna attemperare prifcī ſatagens, ut ſperandū ſit, populum deinceps Academicum ſuccomagis ſalutari, erectioreque imbutum ſpiritu, fore aliquando observantissimum aurei illius apud Tacitum diſti, tam Medicorum filiis, quam Politicorum apprime neceſſarii ſci- tu. Intra deforme obſequium & abruptam contumaciam pergere, iter periculis & am- bitione vacuum. Cujus ſi nostri rechte ſenſum intelligent videbunt moneri ſe non mi- nus illiberale eſſe ingenuo, alterius ſe ad opinionem, quam libidinem componere, & gregis inſtar hunc illumve Caprum ſequi ducem, eo præfertim in ſtudio, in quo nun- quam aut finis eſt investigandi aut posteritati adempta facultas aliquid vel inventis addendi vel temere creditis demendi. Sed & illud iſta monet gnome, ne nimio quis ſtudio declinandi vitia in contraria currat, nimiumque confiſus vel ſuis vel tot recen- tiorum titubantibus inventis tuto ſe poſſe putet insultare prifcæ ſapientiæ consultis: quin diſcat potius, deponita laſcivientis ingeniolis intemperie, putidaque philautia, & noſtri ſeculi & veteris pariter bonis uti frui, medendique viam periculis quam maxime vacuam amplecti. Quo ſane ſi & illi, & nos cum illis, atque adeo animis viribusque & ſtudiis ſociatis, aspirabimus, procul dubio cum populi ſalute (cujus nos præſidem ar- tem profiteri gloriamur) agetur longe melius. Quam ſibi mentem qui non optet, è noſtris puto eſſe neminem.



**HISTORIAE  
NATURALIS & MEDICAE.**

**LITERARUM VITRINIS.**

**De Noxiis & Venenosis Vegetabilibus ac Sensitivis natque eorum Antidotis! Quibus aliquot Metamorphoses Infectiorum, etiam & auctoribus vivæ sectiones quorundam Animalium inferuntur.**

**De Venenis, etiisque Antidotis.**

**M**agno licet Venenorum proventu, quibus passim Animalia, Plantæ, ac Mineralia turgeant, universus Orbis terrarum luxuriet: tamen præter primum Naturæ institutum accidit, ut quidam alicui sit malum & noxiun. Nam quod multis alimentis, quibusdam est veneno. Lepus marinus Mullo cibus est innocuus, at lethalis est nobis: ac vicissim, quod unius est veneno, ut Elleborus & Cicta homini, quibusdam animalibus, ut Capræ Sturno & Coturnici est alimento. Et vice-versa Aloë vulpem, nux vomica Feles, Mures & aves enecat, nobis medicina est salutaris. Sic radix altilis *Mandiboca* a venenato sicco nondum repurgata, homini lethalis, equis & bovis cæterisque animalibus nutrimentum præbet. Celebris quoque illa Herba Viva, *Inquiri* dicta, Oves & Capras pinguis facit, interimit homines. Basilisco venenum est naturale, & aliis animalibus minime. Non autem Plinio assentiendum, qui in eum finem à Natura produci testatur, nisi pro libitu homo, incurabili vel animi vel corporis morbo detenus, utatur, ac violentis toxico hausto cruciatibus & vitæ finem imponat. Nisi hoc forte attribueretur hinc genti Barbaræ, artibusque Magicis supra modum deditæ, & in omnibus proprievenenis dignoscendis mire solerti, quibus hostes & socios, lucri aut libidinis causa, pars sorte extinguent. Mancipia illa ex Africa huc deducta, ubi horrendi voti compotes fieri nequeunt, cum dominorum vitæ insiduntur, durissimæ servitutis jugi, inediæ, ac variarum calamitatum impatientes, ad unicam illam libertatis viam, nemini non perviam, configunt. Veneno ubique obvio, sibi met ipsi atroces manus inferunt. Gratulantes sibi Naturæ renuntiare, vindictamque, dominis plus justo severis, reponere. Sed hæc, relicto abusu, secus interpretanda sunt: cum animali non solum rationali sed & irrationali instinctus sit datus, per quem creatis omnibus dextre utatur, bona & vitæ utilia felicitat, fugiatque nocitura. Quo spectat quoque pulchrum illud patris eloquentiæ Romanæ de finibus. Placet Stoïcis, quorum ratio mihi probatur, simul atque natum sit animal, ipsum sibi conciliari & commendari ad se conservandum, & ad suum statum & ad ea, quæ conservantia sunt ejus status, diligenda. Ecquid enim, per Deum immortalem, ex quo non aliquam percipiat utilitatem? Ex ipsis Viperis adversus Viperas conficit antidotum, quo venenis omnibus & venenatis morbis resistat. Ex *Mandiboca* radice, maximo scatente veneno, optimum alimentum non solum, sed & antidotum concinnatur. A Scorpio, Scolopendra, Colubro, reliquisque Serpentibus iectus, ab iisdem petit remedium: à solo hepate piscis *Vrilli* puncturæ ejus venenata curatur, cum cæteris remedii refragetur. Nec existandum, benignam Naturam remedium denegasse, ubi morbum invexerit, sed omni veneno alexipharmacum addidisse atque opposuisse. Basilisci lethifero veneno, Mustelæ

stelæ virus, salivam hominis jejuni, Serpenti, Viperæ, Scorpio, cæterisque venenatis adversari constat. Adeo placuit Naturæ nihil esse sine pari. Evidem vix dixeris, venena, an alexiteria plura sint pronata; & ubi specificum incognitum, magnæ illæ compositiones ejus vicem supplent. Folia, flores & fructus herbarum *Tangaracá* & *Inquiri*, venena Brasiliæ facile prima, propriam suam unaquæque radicem oppositum habet Antidotum. Bufoni *Cururi* aliisque insectis venenatis, folius *Nhambi*, decantatae illius panaceæ, succus suffusus, vel cinis Tabaci asspersus, præsentem mortem inferunt. Plurima alia hujusmodi hic producuntur, Indigenis Barbaris, quam exercitatissimis advenis, notiora. Illi enim Serpentum, Viperarum, Bufonum, & Piscium venenatorum pinguedinem, capita & jecinora ictibus venenatis passim applicant; imo integra insecta quæ vulnera inflixerunt, propriis vulneribus audacter & felici cum successu imponunt. Quo quidem experimento comprobant veritatem jam à Galeno 11. de simpl. Cap. de Dracone marino, & lib. de theriac. c. 11. assertam, aliaque similia veterum ac neotericorum observationibus firmatam: inesse scilicet multis venenatis propriam antidotum. Possum ego testari, alias venenatorum puncturas nulli cessisse remedio, quam hepati ejusdem animalis, & potissimum ea parte applicato, qua vesiculæ fellis est continuum, testante id quoque experientissimo Rondeletio; alias autem pro remedio admisisse tantum carnem ejusdem animalis impositam. De quo exactius in particulari venenatorum enarratione. Hinc manifeste apparet, partes diversas animalium non tantum diverso ex primis qualitatibus proveniente temperamento: sed & peculiari qualitatum occultarum, seu ut aliqui loqui malunt, virtutum specificarum harmonia invicem adversari: & aliquando noxam à veneno inferendam vel illatam tolli, quia elicitur vel extrahitur propter similitudinem substantiarum, quam pars exterius applicata habet cum veneno impresso; aliquando vero, quia extinguitur, & ut ita dicam, mortificatur propter contrarietatem & antipathiam, quæ parti impositæ est cum veneno inficto.

Hactenus de venenatis ictibus eorumque remediis topicis, quorum fit mentio apud Authores profanos non solum, sed quod sacra pagina quoque in Historia Tobiæ cap. 6. 8. & 11. confirmat, usum scilicet & abusum Iecorum & Fellum antiquissimum simul & verissimum esse. Nunc alias nodus, qui quidem altioris videtur indaginis, disolvendus restat, scilicet de Fellibus & Jecinoribus quorundam animalium intus assumtis, quod duo illa vicina viscera, si alterutrum eorum propinetur, maxime contrarios edant effectus. Sicut enim venenatissimi serpentis Hæmorrhoidis ictui Gobii piscis jecur cum Allio sumtum; Aspidum vulneri, Iecur Apri exhibitum; ipsius denique canis rabidi hepatis tostum & in cibis assumtum; Viperæ morsui, illius caro medeatur, testante id tota fere erudita antiquitate; Ita Fel Viperinum apud omnes statuitur venenum tam præsens, ut vix quisquam ab ejus assumptione evadat nisi per propriam Viperæ carnem: Fel Leopardi intra sex horas interficiens, nisi per coagulum Hirci silvestris subveniatur. Fel Leuncæ cito quoque occidens: Fel piscis Canis, unius grani quantitate deleterium est. Sic ego, quæ quasi magica vel superstitione mihi primo intuitu apparebant, cum stupo vidi exercitatissimos Indos medicastros, eorumque imitatores, ex propinato unius animalis Felle calamitates & mortes: ex alterius vero animalis Hepatis exhibitione salutem & vitam promisisse & præstissee, sicque alterum veneni, alterum Alexipharmaci vices subiisse. Ratio hujus rei satis obscura, quæque me sæpe torsit; nec hactenus inveni quod mihi plene satisfecerit. Lis quidem hæret inter authores, an venena animalium, quorum sunt venena, sint nutrimentum, an excrementum. Si primum, haud facile est dicere cur una pars animalis venenati magis sit venenata quam altera, cum nutrimentum ad omnes partes appellere debeat; nisi quod in aliis partibus permisceatur aut sanguini aut pituitæ aut serosis humoribus, quibus vis illius infringitur; in folliculo vero fellis à bilis acrimonia exacuatur. Si posterius, facilius potest dari ratio; quod nimis venenum illud excrementitum, à massa sanguinea segregatum, ad folliculum fellis amandetur. Mentem tamen meam libere aperiam, ut saltem aliis calcar addatur ingenium quoque suum convocandi. Neque enim facile est vel sagacissimo Philosopho tot rerum idiosyncrasias dignoscere, imprimis in novitatibus his à receptæ doctrinæ fundamentis alienissimis. Cum itaque Fel inter omnia quæ sunt in corpore, partium sit maxime acutarum & tenuium, vimque possideat solvendi, penetrandi, imo & erodendi, venenum certe animalis hisce adjutum qualitatibus mul-

## G V L I E L M I P I S O N I S

272

to facilius sese exferere , & sanguini reliquisque partibus communicare potest , quam si in alia aliqua parte vel humore consisteret hinc qualitatibus destitutis . Quod vero ratione manifestarum qualitatum additarum , virtutes rerum specificæ , vel intendantur vel remittantur , probari posset multis argumentis . Hepar autem , quandoquidem aliquam habeat cum Felle affinitatem , utpote viscus Fellis vel generationi vel separatiōni dicatum , atque hac ratione aliquo modo sit simile : dissimile tamen quatenus habet vim specificam venenatæ Fellis qualitati adversam : ratione itaque similitudinis venenum petit , cumque eo se involvit ; ratione vero qualitatis specificæ Felli talis animalis contrariae , ipsum vel expellit , vel extinguit .

Licet otii mei non sit recentiorum & veteranorum Anatomicorum componere litteres circa officia Hepatum & Fellium vivorum animalium ; enarratæ tamen utriusque operationes diversæ , favebunt potius eorum opinioni , quin nobiliorem sanguinis portionem à felleo & facultento segregandi officium jecinori concesserint , quam iis , quibus absurdâ Helmontii sententia arridet , ipsum scilicet Fel balsamum jecoris & sanguinis clamitantes . Quippe sicut in hepate & sanguine alexipharmacæ videtur latere qualitas ad toxica quævis fuganda & obtundenda idonea : Ita è contra Fella quorundam animalium adeo videntur degenerare , ut haud facile quis impune ea assumserit : mitto quod aliquorum venenatorum Fella , qualitate sua deleteria primatum teneant , sive incaute , sive per dolum ea exhibita fuerint . Etenim ut nihil vulgatius apud Plinium aliosque veteres Practicos , quam Tauri , Capri , Vituli , Apri , tum & quarundam avium & piscium Fella vel sola , vel aliis mixta , contra alopecias , oculorum & aurium affectus , aliaque mala extus applicari , quatenus vi erosiva & abstensoria admodum sunt proficia : Ita quoque inter venena qualiacunque ab animalibus desumpta & intus assumpta , nullum præsentius atque efficacius quam ipsum eorum Fel agnoscant & que Barbari nostri Americani , ac abstrusioris olim eruditionis Mauritani , Arabes & Græci . Cujus usus & abusus tantum abest ut exoleverit , ut è contra tanquam hibernus flatus extremos Mundi ambitus pervaferit , atque etiam nunc in Indorum animis , proh dolor , vires acquirat eundo .

Quamvis mihi occasione multoties desiderata infinita alia nondum explorare licuerit , ea tamen quæ assequi potui , posteris ulterius indaganda relinquo . Nec enim facile est veneni speciem cito distinguere ; neque etiamsi cognoscatur , protinus illius proprium alexipharmacum succurrit . Accedit , quod aliqua reperiantur , quæ in Europa venenata , hic vesca , vel saltem minus noxia sint , & vice versa ; quippe ranæ & pisciculi hic dantur præter opinionem venenati : E contrario formicæ illæ grandiores , tum carnes aliquot serpentum , lacertorum , bufonum , vermium & glirium sylvestrium , primis incolis inter delicias habentur . Idem Plinius de Africa confirmat lib . vi . cap . 29 . Celsus lib . v . cap . 36 . Scaliger Exercit . 189 . sect . 4 . In India atque Æthiopia non solum innoxios serpentes multos , sed etiam esculentos dari , ita ut Ophiophagi dici possint . Præcæteris autem in Brasilia , centipedes *Carasitū* & *Caramouritū* virides & nigri , tosti & eviscerati ; tum imprimis vermes illi *Iarumái* & *Caramatori* , pinguis & albicantes , inque medullosum silvestrium Palmarum truncis viventes , in pretio illis sunt . Plinius lib . xvii . cap . 24 . Ælianus lib . xiv . de Animalib . cap . 13 . narrant , vermes quoque in usu multis Indis esse .

Innumera alia portentosa à Tapuyeris fando accepi , quæ , quod eorum aliqua sublestæ fidei videbantur , silentio prætero ; tantisper donec ulteriore investigatione atque experimento eorum veritas magis illucescat . Multa equidem inter hæc notatu dignissima , à paucis tamen , quod sciam , annotata , adeoque neglecta , ut rara vestigia horum ac similiūm naturæ mirabilium existent , unde lucubrationes physicas quis illustrare possit . Quamobrem multa partim propria experientia , partim pretio & precibus à Barbaris extorquere necesse fuit ; qui sicut tenebriones sunt in porrigenis venenis & pertinacissimi in revelandis ejusmodi secretis ; ita officiosi in exhibendis antidotis ; dæoque citius ubi de natura veneni constiterit , in silvis efficacissimas herbas colligunt , quas contusas instar potionis ægris subministrant , animasque pene extinctas suscitant .

At vero , his remediorum generibus non contenti miseri ac superstitioni mortales , futilia illa ac illicita , ut fascinationes , incantamenta , philtra ac fortilegia amplectuntur . Quod tamen ex parte condonandum huic genti profanæ , utpote nullis literis vel Dei cultu imbutis , sed Stygiis tantum atque internalibus auguriis , ultra quam credi potest ,

poteſt, deditæ. Illud mirum, reperiri etiam inter Christianos, quos infana hæc & ridicula credulitas involvat. Pudet profecto, quam indigne homines cæterum cordatos, mancipiorum & pecorum suorum externos & internos affectus, nesciò quibus præstigiis à ſe curatos gloriari, meamque incredulitatem haud parum accusantes, audiverrim. Quum tamen quæ primum technis impostorum, beneficiis ac magicis incantamentis obvelata erant, longo poſt tempore ingenii aciem intendentibus, detecta ſtolidam opinionem exemerunt. Nemo equidem tam excors, quin fateatur, plurimos præter expectationem Medici, citra artem, absque manifesta cauſa sanitati restitui vel beneficio naturæ ſolo, accedente imaginationis vi; quin imo vecordia potius eſſet, omnia manifestis qualitatibus ascribere & occultas illas proprietates tollere. Sed hæc nihil ad præstigia aut patrocinium impostorum respiciunt. Verba & characteres ſunt Medicinæ dæmonum, ſyrupi & apozemata hominum, inquit Paracelsus. Ex Agyrtis & circumforaneis qui plusculum ſapiunt, norunt quo tempore & quibus morbis ſua amuleta iſtituant. Si ſuccelluſ res careat, æger incufatur. In minimo enim qui peccat, omnium fit reus. In mysteriis magicis, qui cadit syllaba, cadit cauſa. Plebecula maxime dedita ejusmodi nugis, plus fidei & ſpei iis concipit, gaudens falli ſpecie recti. Orationes cum certis cæremoniis dicendas fuſcipit, & jam vix demurmuratis verbis vi fortissimæ imaginationis, aliquam convalescentiam ſentire ſe clamitat. Quod ipsum quoque Galenus his verbis teſtatur; plures ſanat, cui plures fidunt. Vnde merito credulos Agrippa ad ſacra magia cæremonialis admittit. Sed longius proiectus, dum me tantæ credulitatis piget tædetque: revoco me, & ad venenatorum enarrationem redeo. Quorum occultæ qualitati abditæ, quoque medicamentorum proprietate (quæ per experientiam fuerit revelata) ſuccurrendum.

Inter venenata Brasiliæ animantia, Serpentes primum locum occupant, è quorum numero circiter viginti haec tenus innotuerunt, ut ſunt, Boiguacú, five Libóya, Arabó, Boobi, Boicaiba, Guon, Çacabóia, Boiciníngā, Boitiapó, Boiçupécângā, Boipeba, Çurucucú, Caninána, Çurucutingā, Guinpiaguara, Ibyara, Iaçapecoáia, Ibibobocá, Iararáca, Maníma, Tareibóya, & Amorepiníma, Sucuriú, Ibiracoá, quorum posteriores quatuor ſunt Angues aquatichi. Hos omnes serpentes generali nomine Boia vel Mboia appellant, quibus ex ſuo arbitrio, & pro Serpentum diversitate, cognomen & agnomen imponunt. In quo quum ſibi non conſent, ſed nimium varient, fit ut advenæ æque ac ipſi indigenæ fluctuent. Proinde benevolus lector facile veniam concedet, ſi in hiſ exoticis rite diſtinguendis, non omnibus ſatisfiat. diſſicillimum enim eſt ex æquo vel affirmare veritatem, vel falsimonium refellere, quia perpetuus errorum parens eſt vocabuli aut rei alicujus vicinitas & ſimilitudo. Frequentiores, ædes & silvas perreptantes, in hoc habitato Parnambuci traſtu attingo; reliquorum minus cognitorum naturam cogor præterire. Horum Serpentum Americanorum aliqui Europæis minus ſunt noxi, ut cunque tamen majores & vegetiores iis exiſtunt; quaſi harum regionum calor extenus nativum in hiſce frigidis animantibus intendat. Tantumque abeſt ut hiſ vel aliis venenatis tarditas poſſit attribui à Cardano, ut noverim Angues tantæ celeritatis, ut ſagittæ ſimiles viderentur. Præter Galeni aliorumque teſtimonia, multa ſunt argumenſa ab ipſa experientia deſumta, quæ evincunt, temperiem noctam eſſe frigidam, omnem Lacertorum & Serpentum cohortem, contra Avicennæ opinionem: licet quorundam venenum ardorem ſummum inferat. Nam non ſolum contactus ipſe frigidus vel maxima æſtate, hoc arguit, ſed eorum plerique ad menses aliquot vivi abſque cibo reſervati, hoc conſirmant; cum tamen ſi quid eſculenti illis præbetur, comederen. Idem teſtatur Scaliger commentariis in Historiis Animalium, l. 11. &c. Cæterum qui plura volet de Serpentibus, conſulat Aelianī & imprimis Geſneri Historiam Animalium. In illis enim quidquid Veteres & Neoterici de eorum natura ſcripferunt, congeſtum reperiet.

Serpentum venenum in capite potiſſimum laterē, facile liquet, quod Incolis ophio-phagiſ bene ſiat ex eſu eorum, capite amputato: contrarium vero illis contingere, capitis quorundam viſcerumve minima parte deguſtata. Capita enim inter externa re media aduersus serpentum morſus reſervari ſolent, ut mox demonſtrabitur. quaſi nūl lum adeo atrox venenum à Deo creatum, quin liberalem in medicina opem ſuppeditet, ipſaque reptilia majestatem Creatoris humilitate ſua perpetuo exaggerent. Porro hoc qualecunque venenum, nunc circa dentes in ſaliva, nunc in ipſis dentibus latitare, vel exinde patere putem, quod dentes mortuorum serpentum, hominum & canum carnes inflammat.

Degunt

## G V L I E L M I P I S O N I S

274

Degunt passim in cavernis & arborum truncis, sustentant se gliribus, bufonibus, ranis, aviumque ovis. Testibus carent, eorumque loco meatus duos habent sicut pisces, qui semine implentur tempore coitus, lacteumque emittunt humorem. Coëunt complexu, adeo sibi circumvoluti, ut unus existimari biceps possit. Ita ut in his aliisque naturalibus functionibus vix quidquam differre ab iis quæ Autores in Asia prodiderunt, deprehenderim. Ventriculus laxiori intestino simillimus uno ductu ad caudam producitur. Renes & vreteres quidem apparent, sed non vesica; quasi iis hoc cum avibus aliisque animalibus oviparis pitifando bibentibus commune esset, lotiumque qualemque in alvum cum stercore deponerent. In uteri cornibus infinita pene ovoidrum sunt rudimenta, & globulorum modo inter se quasi agglutinata. Ita ut ovipari plerique Serpentes dici possint, exceptis paucis, præsertim Viperis illis *Iararaca* dictis, quæ inter vivipara recensentur. Non tamen ad opinionem quorundam scriptorum, dicentium, earum partus quasi moræ impatientes, vi erumpere, matremque enecare, quum utriusque sexus Viperæ in vivario positæ, more ceterorum animalium pepererint.

An vero bibituræ & coituræ, venenum deponant, lis hæret inter Autores, & à me hactenus incompertum fateor. Ab Incolis passim observatur, Angues & Viperas insito timore à Cancris abhorrere; tum quoque Porcos ab iis læsos, instinctu naturali se Cantorum esu curare.

Hæc de Serpentum, Anguium, Viperarum natura in genere dicta sufficient, nunc generales quoque cautiones fauciatis præscribendæ. Primo quisque vulneratus ab aqua sibi caveat, licet Oppianus & alii de Cervis Libyæ vulneratis à Serpente, instinctu Naturæ fluviis se immergere testentur, ut curentur. Hic autem contrarium datur experiri. Qui diversitatem venenorum & antidotorum supra enarratorum bene consideraverit, causam facile percipiet, cum diversi & inusitati, imo contrarii subinde curandi modi inde exsurgent.

Secundo sataget quisque, ut vulnus, à perpetuo illo humani generis inimico inflatum, statim dilatetur, si sanguis non abunde profluat. Mox cauteriis tum potentialibus tum actualibus pars læsa muniatur vel exstirpetur.


Tertio decantata illa potio *Carimá* ex *Mandiboca* facta, largiter potetur. Hæc enim sitim, quæ comitari solet, non solum restinguat, sed peculiari vi antidotali corroborat, sanguinisque ardorem mitigat.

### C A P V T    I I .

#### *Boiçinininga, & Boiçuaiba.*

**P**rimo, domina illa atrocium Serpentum occurrit *Boiçinininga*, quam *Cascavela* & *Tangcodor Hispani*, nostrates *Giatel-slang* / Mexicanani *Hoacoatl*, nominant, propterea quod sonitum instar tintinnabuli cauda edat. In triviis juxta ac deviis locis cernitur, tam celeriter proreptans ut volare videatur, idque velocius per loca saxosa, quam ter-

#### B O I Ç I N I N I N G A .



restria. Huic tam perniciose Colubro, benigna Natura, cautionis quasi gratia, crepitaculum addidisse videtur, ut illius sonitu admonitus quilibet, homo non solum, sed & qualecumque pecus vel jumentum, tempestive sibi caveat à vicino hoste. Brachii est crassitie, longitudine interdum quinque pedum, lingua bisulca, dentibus longis & acutis, colore fusco & ad flavum vergente. Venter squamas habet grandiores reliquis, quasi parallelogrammas, pallide flavescentes. Quotannis articulus, quo infestare solet, in cauda crescit, ita ut Serpens decem annorum habeat crepitaculum longum duos digitos, semidigitum latum, substantia lævi, glabra, pellucida, sicca. Irritatus in spiras se contorquet, itaque sibi cavet undique, ut nulla non parte se vindicet ab illata iniuria. Caudæ

Caudæ extremitate in anum hominis immissa, mortem infert confestim; venenum autem quod ore vel dentibus infundit, multo lentius vitam tollit. Ex vulnere mox sanies cruenta effluit, caro livet, ulcusque paulatim serpit. Ad remedia extrahentia, vulnus dilatantia, scarificationes, cucurbitulas, & si pars læsa intercipi possit, ad vincula festinandum, idque junco *Iacapé*, cui remedio maxime fidunt superstitionis Incolæ; sin minus, cauterio utendum est. Interim dum veneni qualitas ad cor penetrat, curandum ut interius præmuniatur *Tipiocæ* haustu & succo recenti præstantissimæ herbæ colubrinæ *Caatia* & *Limonum* recentium, sudoresque evocantibus insistendum. Præsentissimum præ cæteris remedium, quod Barbaris contra hujus aut qualisunque Serpentis morsus restat, est ipsius nocentis caput, quod contundunt, contusum emplastri forma vulneri calens applicant: viciniisque partibus virentia *Tabaci* folia imponunt. Præ doloris atrocitate ita humant membra cum felici successu. Cui remedio simul addunt, in omni fere morsu, salivam hominis jejuni, qua perpetuo partem affe&tam demulcent, (Plinius lib. vi i. cap. 2. Galenus lib. x. Simplic. Scaliger in Histor. Animal. lib. ii. cap. 18. hanc salivæ vim quoque agnoscant) adeoque his antidotis nituntur, ut desperent, si in illis voti compotes non fiant. Ego hæc & similia remedia, quæ longa illis experientia dictavit, jubente necessitate, lubenter sum imitatus. Non intermittendo tamen ea quæ à veneranda antiquitate & autoribus nobis sunt relicta. Ne nimium temere hisce novitiis, aut pertinacius adhærerem veteribus, quibus negatum fuit Orbem Americanum, ejusque animalium peculiarem genium inquirere.

## B O I Ç V A I' B A.


**B**oiquaiba Serpens crassitie & longitudine *Boiguaçú* similis, sed coloribus discrepans, quippe hic sine maculis, continuato ductu, anteriori corporis medietate nigricante, posteriori vero est flavescente. Mire quoque est rabiosus, cum omnibus Serpentibus vel maxime venenatis perpetuum bellum exercet, eosque insidioso opprimit, imo venenatissimum *Boigininíngá*, spætantibus viatoribus, aliquando devorat; ipseque adeo tamen veneni expers deprehenditur, ut incolæ carnem ejus comedere non extimescant. Ita ut in hoc quoque Serpente occurrat illud quod antea monui, scilicet in toto rerum ambitu nihil pene esse, quod cuiquam prædæ non sit, & nihil è contra, quod non alterius damno vivat.

## C A P V T    I I I.

*Curucúcu*, *Curucatinga*, *Ibiracoá*, & *Boipeba*, *Hæmorrhoum*  
species venenatissimæ.

**C**urucúcu est anguis crassus cineritii coloris, interius flavus, externis maculis nigris distinctus, & iisdem ut *Casavel* squamis vestitus; novem & interdum duodecim pedes longus. Capite est compressiori quam plerique serpentes. Maxime est venenatus & plurimum metuendus, licet caro ejus præparata à Barbaris

S V R V C V C V.



comedatur. Nocere cupiens in gyros se componit & insidioso saltu ruit in hostem: fugit homines, nec nocet ulli nisi irritatus, tuncque mordet in infinitum tanquam rabisus, grandibus dentibus armatus. Præcipuum illi venenum in capite, ideoque Brasiliiani intercepto quantocius caput amputant & cooperiunt humo. Ab illo ictus, corrigitur vertigine, tremoribus, torminibus, animi deliquiis, febribus ardentibus, quibus sudor frigidus ac ipsa denique mors, intra diem naturalem, aliquando & celerius, succedit:

A a

cedit:

## G V L I E L M I P I S O N I S

276

cedit: Præter enarratas qualitates, peculiare est huic Serpenti diabolico, quod ex morsu ejus virulento, vena erodi videantur, tantamque inflammationem & ardorem efficiat, ut sanguis bulliens mox è naribus, auribusque, imo manuum & pedum unguibus promanet. Cujus pestiferæ proprietatis causa ad calcem hujus capitis ventilabitur. Huic malo si quæ Medicina detur, ipsius Serpentis, qui morsum intulit, caput emplastri forma, vulneri applicatum; tum Allium & folia Tabaci recentia, leviter tantum ab ignis flamma tacta, mirabiliter profundit, cauterii loco. Idem præstat contra hujus, aliorumque Serpentum morsus radicis *Caa-apu* decoctum, ut & ptisana ex Mandioca, quæ *Carimá* dicitur; Omnium vero præsentissimum est antidotum, succus herbæ colubrinæ roties enarratae, *Caa-ica* dictæ, qui partim haustus, partim vuln eri applicatus, me aliisque præsentibus, sauciatos restituerunt. Deinde succedunt fudorifera, vel ipso statim initio convenienter exhibita, ut sunt radices *Iurepeba*, *Vrucú*, *Malviso*, *Laborandi*, inter simplicia satis superque descripta. Succus Limonum pusillorum recens, refrigerando & astringendo non solum, sed & specifica qualitate modice assumptus mirifice prodest.

ç V R V C V T I N G A.

**Q**ui *çurucutinga* nomen tenet, mole & longitudine non multum inferior serpente *Boiguaçu*; venenata autem qualitate longe superior. Duplici ordine dentium acutissimorum, paulo incurvatorum, in utraque maxilla armatus. Cæterum toto corpore eleganter nigro & albo variegatus & squamosus, in caudam instar subulæ acutam definens. Detestabilis hæc bellua omnibus merito formidabilis. Morsus enim ejus difficillimæ est curationis, licet supra dicta remedia rite adhibeantur.

I B I R A C O A' & B O I P E' B A.

**H**ic accedit serpens *Ibiracoá*, variegati coloris, albis, nigris rubrisque maculis insignis, vertice cæruleo. In medietate arborum vivit, unde insidiose desilit in prædam qualemcumque. Vtriusque hujus morsus, sicut & morsus quoque serpentis *Boipeba*, admodum est venenatus, & pessima symptomata infert, haud secus quam *çurucucú*, ut à Brasiensisibus exercitatoribus ipse accepi, quippe sanguis quantocius à morsu, ex auribus, naribus, & oculis profluit, atque, nisi statim subventum fuerit, moritur vulneratus. Si virus nondum cor infecerit, carne ipsius anguis cocta cum radice *Iurepeba*, *Laborandi*, *Malva*, *Ilico*, *Caapéba*, *Capypuba*, additis summitatibus *Nhambi*, ex vino interne exhibitis, restituuntur ægri. Stupa arboris *Pindaiba* vulneri imposita, sanguinem undiquaque profluentem sistit. Rasura quoque cornu bovis largiter cum frigida, vel ptisana *Carimá*, pota, equos & homines curat. Addatur externum remedium, ex capite ipsius feræ contuso, & cum *Caatiá* herba, & tantillo succi Limonum aliisque ejusmodi ante enarratis, præparatum.


Cum supra monuerim, sanguinis fluxum ex morsu horum serpentum excitari, non tamen existimandum, eum, vel per consuetas solummodo vias & modos, vel ex communis ardore, ac inflammatione; sed ex specifica quadam proprietate venenata, quam totius substantiarum dixerunt, provenire, quæ facta continui profunda solutione, omnes corporis poros orificiaque venarum & arteriarum disruptum, unde ex angulis oculorum & aurium, imo & ulceribus consolidatis, sanguinem profluere videmus, sicut in pestilentialibus morbis evenire constat. Tanta enim partis læsæ sit combustio & denigratio, tanta denique spirituum vitalium subita prostratio à permeante subtilissimo veneno, ut spasmi ex inanitione & siccitate, tum etiam ex sanguinis aliarumque humiditatum naturalium privatione, vocis & anhelitus interceptio, & tandem mors ipsa non raro subsequatur. Ita ut ex insolito hoc symptomatum concursu satis confirmetur, causam horum lethalium vulnerum minime ex primis & secundis qualitatibus petendam esse.

C A P V T I V.


*Boiguaçu.*

**B**oiguaçu, sive *Iibóya*, Serpentum omnium facile maximus, femur fere hominis crassus, Lusitanis *Cobra de Veado* dictus, quod Dorcades integras devoret, idque fugendo potius quam masticando: Ita ut Plinio C. 14. l. 8. fides facile debeatur, de serpentibus quæ Cervos hauriant, ac de *Boa* Serpente quæ tempore *Claudii* infantem deglutie-

## BOIGUACU.



deglutierat. Ex horum genere quidam octodecim vel quatuor & viginti pedes reperiuntur longi. Cineritio, spadiceo, elegantissime variegato sunt colore. Tota pellis diversæ magnitudinis nigris maculis quasi incatenatis decoratur, in quarum centro albæ conspiciuntur maculæ: Non æque veneno, ut multi alii, turgent. Carne eorum alba non solum Indigenæ & Nigritæ, sed & nostrates vescuntur. Famelicus hic Anguis vel ex dumetis proflilit, caudæque suæ duobus unguibus armatæ nitens, horrende se erigit & strenue cum feris hominibusque luctatur, & sibilat irritatus: vel ex arbore insidiose in viatorem desilit, eumque validissimis cingit amplexibus, ita ut vel solo complexu, tum quoque cauda rigidissime in podicem immissa, interimat. Nec minus validi atque feroce existunt ingentes illi *Arabó*, *çucuriú*, feris quoque & hominibus insidiantes. Omnes Serpentes solidis & multis vertebris & costis præditos ex Anatome animadverti. Anticæ & mediæ potissimum corporis partes spiritu attracto supra fidem turgent, & fortioribus costis munitæ, non solum ad insidiosos saltus, sed ad deglutiendam prædam longe aptiores efficiunt has belluas repentes: Costarum enim ope magis profundam & validam suctionem exercent, idque in commodum prædæ noctæ vel nanciscendæ. Vertebrarum vero robore sustentantur & eriguntur, earumque pluralitate commodiis in gyros quoscunque moventur. Sceleton hujus Serpentis, in India Orientali & Occidentali familiaris, omniumque Brasiliensium facile principis, Theatro anatomico Amstelodamensi ex Brasilia à me missum, sententiam meam confirmat, sicut ex hac apposita iconē videre est.



In qua fabrica ossea præ cæteris notatu digna occurunt, quod magna pars capitis amplitudinem rictus demonstrat cum acutissimis & longis dentibus. Dein vertebræ plus quam septuaginta concinno & perpetuo ordine à cervice ad caudæ extremitatem compositæ; capiti autem propinquiores majusculæ sunt, decrescenteque ordine abeunt ad caudam, quarum circiter viginti posteriores, conformatio[n]e & figura nonnihil à cæteris discrepant.

Ictus eorum vix censetur venenatus, & per se aliquando, vel leviori saltem adhibito remedio, curatur. Ita ut inter rabiosos potius quam venenosos Serpentes haberi debeant: quibus *Caninana*, *Manima* & *Vona* annumerare licet. Cæterum hic Boiguacu adeo terribilis Cervis & Capreis, à Formicis tamen necatur, patulum ejus os turmatim ingressis, quum eædem Formicæ à parva vipera *Ibíára* in fugam abigantur. Quasi nimirum

nihil tam potens sit in rerum natura, (ut in rebus quoque humanis) quod evertinon possit à multo minori. Ita ut sapientis sit, semper in animo habere vetus illud Diogenianum, Εγενήτη μύρη καλη. Accedit & Plinianum illud, l. xi. c. xxix, his verbis: Serpentem (locustæ) cum libuit, necant singulæ, faucibus ejus apprehensis mordicus. Talia cum apud Plinium legunt, fidem multi derogant; quia vix credunt, nisi quæ vident. Quibus Vossius in lib. de Idololatria Gentilium respondet, scilicet quod illi non viderunt, cernere subinde vulgares animas; quibuscum si sermonem serere non gravaremur, plura sciremus Naturæ arcana. Nunc aliis rebus publicis, aut forensibus, aut umbraticis studiis occupati, multa non conspicimus, quæ illi, quos contemnere solemus, vident & observant.

## C A P V T V.

*Ibiboboca, Boiobi, & Cacaboa.*

**I**n festissimos facile Brasiiliæ serpentes est pulcher *Ibiboboca*, *Cobra de Coral Lusitanis* dictus: duos pedes longus, & pollicem humanum crassus, versus posteriorem partem teres & instar subulæ acutus. Totus venter est albus & splendens, dorsum & latera tincta. Caput crassum, compressum, oculi fœdi, profundi; rictus ingens, dentibus

## I B I B O B O C A.



obsitus. toto vertice habet squamulas albas cubicæ, ad oras, nigras, hinc cinnabria sequitur macula, cuius squamæ per oras nigræ, & ita semper rubra macula est, hinc sequitur nigra, hinc alba, iterum nigra, hinc rubra, & sic deinceps. Rubra macula longa, duæ albæ, & tres nigræ simul sumtæ, æquales inter se: nigræ autem maculæ totaliter sunt nigræ, albarum autem oræ nigræ. Circa Formicarum latebras se occultat, quas pastum ituras persequitur, & vastat. Lente graditur, nec nocet homini nisi irritatus. Sed quantum pulchritudine, tantum quoque virulentia cæteros superat. Morsus quippe ejus venenatissimus, non exemplo vitam depascitur, sed tarde se promovet. Sanatur emplastro è capite ejusdem Serpentis concinnato & efficaciter apposito. Pulvis planata *Nhambu*, tum & succus foliorum *Caapeba* & *Caiatiá*, vulneri instillatus, & per aliquod tempus exhibitus, expellit virus.

## B O I O B I.



**S**erpens *Boiobi* Brasiliensibus, *Cobre verde Lusitanis* dicitur: ulnae est longitudine & pollicis crassitie, coloris porracei & pulchre micantis. amplo ore, lingua nigricante. ædificiis gaudet, nec ulli facile nocet nisi irritatus, tuncque erectus caudæ nitens, viatoris manus apprehendit. morsus adeo habetur venenatus, ut remedio quantumvis præstanti vix cedat. Radix autem illa nodosa herbae *Caa-apiá*, contusa & ex aqua pota, summopere prodest, cæterisque herbis antidotalibus facile palmam præxipit. Milcs quidam gregarius; Anguem hunc inter arbusta latitantem, dum pede forte conterit, ab eo in femore demorsus, patinis post diebus, toto corpore tumefacto & livesciente, deficientibus radicibus *Caa-apiá*, cæterisque remediis frustra adhibitis, quam misericorde exspiravit, præsentibus commilitonibus.

## CACAOPIA.


**I**lle qui *cacaboa* vocatur, inter minores censetur, pedisque est longitudinis, digitii crassitie, terrei coloris. merito à Lusitanis *Cobre de Cipó* nomen accepit, quia colore & figura climaces illas, chordarum instar reptantes humi, emulatur. Hinc fit ut viatoriis facile noxam inferat. Morsus tamen ejus licet venenatus, à supra dictis remediis restituitur.

## C A P V T . VI.

*Caninána, Boitiapó, & Guon.*

**S**erpens *Caninána* dictus, est oblongus octo circiter palmos, ventre flavo, dorso ele- ganter viridi, inter minus venenosos habetur, ovis vicitat & volucribus, tum quoque quibusvis insectis domesticis. Adeo se cicurari patitur, ut manibus trā- detur impune, hominemque sequatur reptando. Capite & cauda resectis, ab Afris & Americanis comeditur. De peculiari illius antidoto, nihil certi adhuc mihi constat. Vulgaribus Alexipharmacis suprà enarratis, malum si quod infert, facile expugnatur. Familiare autem illud decoctum antidotale, ex radice *Juripeba* cum pauxillo salis huic morsui sàepe applicandum; nec non *Ananas* viridis, isque in cataplasmati modum con- tusus. Denique si necessitas ulterius urgeat, pars lœsa scarificetur, moxque vivus gal- linaceus pullus imponatur.

## BOITIAPÓ.



**B**oitiapó quoque inter minus noxios recensetur, rostro est oblongo, totus anguis no- vem vel octo pedes longus, brachium crassus: squamulis vestitur elegantibus, sed admodum parvis, fere triangulatis, olivacei coloris, in ventre flavescentes: ranis potis- simum vicitat. irritatus, mordet, sed vulnus facile curabile infligit. Postica parte in- star subulæ acuminata hostem quoque suum ferit. superstitione Indigenæ strenue con- tendunt, fæminas suas steriles, reddi fœcundas, si aliquoties lumbis illarum serpentes hi affricentur.

## GVON.

**A**ccepit ingentis molis serpens *Guon* Brasiliensibus dictus, colore cæruleo. Velo- cissimus, cæterum innocuus, nisi quod admodum rapinus sit, & summus ovorum & volucrum helluo, sicut & ille niger *Guimpiaguára* dictus. Vterque enim tam veloci- ter supra fastigia arborum feruntur, quasi in aquis natarent, & ibidem volucrum nidos depopulantur.

## C A P V T . VII.

*Viperæ venenatissimæ, Jararacæ, & Ibiáram, dictæ.*

**D**iversæ Viperarum species nomine *Jararacæ* designantur, quarum maxima ap- pellatur *Jarará-guaçú*, ultra decem palmos longa, quæ morsura grandisculos protrudit dentes, alioquin buccis tectos, circa quos potissimum virus latet, qui

## G V L I E L M I P I S O N I S

est humor crocei coloris, adeo potens, ut viginti horarum spatio homines de medio tollat. Vtinam vero noxiū hoc animal minus prolificum esset, quia duodecim aliquando simul enī fœtus ab Incolis accepi.

## I A R A R A - C O A P I T I N G A.

**S**ecunda species dicitur *Iarara-coapitinga*. testantibus Lusitanis, ipsa Vipera Hispaniensi venenosior; extremitas caudæ est alba, unde hoc nomen illi inditum: longitudinis est quinque vel sex pedum circiter.

## I A R A R A ' C A E - M I R I .

**T**ertia & minima, cuius longitudine dimidium cubitum vix excedit. Terreo colore, venis quibusdam in capite prominentibus instar Viperarum, & haud aliter quam illæ strident. Hæ *Iararacæ-miri* diæ sunt, id est parvæ. Omnes itaque hæ *Iararacæ* mole & figura corporis potius quam noxia qualitate differunt: inter eas muscum redolent adeo fortiter, ut dolorem capitis inferant; hoc tamen odore faciliter ab hominibus horum gnaris, aut occiduntur, aut evitantur.

## I A R A R A E P E ' B A.




**Q**varta *Iararaepéba* nomen obtinet. (cujus solius Iconem exhibeo.) Huic linea rubri coloris, catenulæ instar, super dorsum & sub ventre discurrit, cætera fuscus aut cinereus. Ipsa fera postquam vulnus inflxit, à cute, cauda, capite, & interaneis repurga-ta, & in aqua radicis *Iuripeba*, cum sale, oleo, porro, semine *Imbira*, atque radice *laborandi* cocta, à vulneratis comeditur, magnoque illis solet esse præsidio.

Verum licet caro illarum (ex qua Trochisci illi notissimi de Vipera parari solent) usque adeo antidotalis, etiam in hisce regionibus sit habita, tamen hæ belluæ longæ plures utique calamitates quam commoda humano generi suppeditant. Quippe mortuus non solum virulento & sanie fervente lethalia vulnera infligunt; sed & Fel earum à Veneficis exemptum & minima quantitate propinatum, mortem affert, si non quantocius vomitus ex radice *Ipecacuanha* promoveatur, atque in instanti fructuum *Ananas*, Limonum, & herbæ *Caæcicæ* succis, reliquæ subtilissimi veneni, per urinas & sudores protrudantur, moxque decocto *Carimá* spiritus resoluti revocentur & robo-rentur. Sed cum requisita hæc vix in tempore simul concurrant, plurimi succumbunt, sive ab illato, sive ab assumto veneno. Naturam tanti veneni sollicite hic inquirere supervacaneum puto, quia symptomata cum fervente sanie & sanguine, eorumque remedia id satis arguant; medicamina enim pleraque, licet cum manifesta caliditate con-juncta sint, tamen proprietate occulta venenum superare, ab aliis & me suo loco satis comprobatum esse puto.

## I B I I A ' R A M.

**V**iperam quam Brasilienses nominant *Ibíáram*, id est, *Seignor de la terra*, vulgus Lusitanorum *Cobre çega*, vel *Cobre de dos Cabeças* vocat, quod duo capita videatur habe-re. Ipse Plinius, qui idem de eadem viperâ testatur, aliorum relatu, deceptus fuit. Ge-minum, inquit, l. 8. c. 23. Amphisbænæ caput, tanquam parum esset uno ore fundi ve-nenum. Salit enim in utramque partem retro & ante, propter costarum suarum in utramque partem mobilitatem, informis hæc viperâ, & in gyrum quasi composita ex insidiis opprimit incautos. Adeo difficile est caudam à capite discernere: adde quod tam capite quam ore feriat. Non procul ab extremitate caudæ anum habet instar reliquorum serpentum. Minimi digiti crassitatem æquat, & longitudine vix sesqui-pedem. Color est albus, splendens instar vitri: annulis & elegantibus lincis nota-tur, coloris brunni aut aërei: oculos habet minimos & vix conspicuos; hærent in cu-te instar punctuli acu facti. Sub terra vivit, & illam fodiendo eruitur. Amat formica-rum




rum latebras , quas adeo persequitur , ut integras cohortes videoas sua domicilia relinqueret , & avolare quando alatae factae fuerint . Ejus morsu nihil est virulentius , qui cum insigni ardore à vulnere ad cor transit in momento ; non tamen citra spem curationis existit , si supradictis remediis tempestive interius & exterius utaris . Quæ , quod nihil immutandum occurrit , toties repetere supervacaneum duco .

## C A P V T V I I I .

*Quatuor Hydri, Amorepinima, Manima, Tareiboia, & cucuriiū.*

**T**andem sequuntur Angues , amphibiorum more , modo in secco , modo in lacibus degentes , ac proinde Hydri vel Natrices merito dicti , minus tamen Europæis perniciosi habentur . Irritati nocent , vulnusque facile curabile infligunt .

## AMOREPINIMA.



**P**rimus est *Amorepinima* circa sex pedes longus , cute fusca , maculis luteis interius , in ambitu autem brunnis . Etiam si morsus ejus non usque adeo extimescatur , incolæ tam-

## G V L I E L M I P I S O N I S

men securitatis causa herbas *Nhambi* & *Caapiá* vulneri imponunt, atque vim veneni, si quod modo adsit, feliciter retundunt.

## M A N I M A.

**S**ecundus *Manima*, non nocens, cui, præterquam quod cutis admodum variegatis coloribus micet, ut pulchritudine sua facile celebrem illum & formosum Nili hydram superet, hoc quoque peculiare videtur concessum, ut dum in stagnis apricatur, tanto cum fulgore adverso Sole radios de se spargat, ut cum admiratione in astantes homines & arbores Iridum instar undati reverberentur.

## T A R E I B O I A.

**T**ertius *Tareiboia* appellatur, quæ lutei est coloris, sex palmas longus, ruricolis potius extimescenda, quod gallinas devoret, quam quod homini venenum inferat.

## ç v c v r i i v'.


**Q**uartus hydra est *Cucuriú*, tantæ magnitudinis & voracitatis, ut cervos, capreas, imo infantes integros aquatum eunt deglutiunt. Sicut in *Bahia de todos los Santos* juxta Brasilianum pagum, puerulis ad ripas ludentibus contigit. Cujus portentosæ jacturæ socii astantes attoniti, convocant amicos, qui mox cultro armati in aquas se præcipiant, & feram onustam puero sauciant interimuntque, quam aquis emersam dissecant, illæsumque fere infantem redimunt, quia ut alias dictum est, angues non adeo masti-cando vel mordendo quam sugendo prædam deglutiunt. Hinc facile est confirmare, animalia aquatica cum ejusdem speciei terrestrium feritate & magnitudine certare.

## C A P V T I X.

*Iacaré* sive *Crocodilus vulgo Cayman*, & *Teiuí* sive *Lacerti*.

**C**rocodili in fluviorum, stagnorumque latebris degunt, Africanis & Asiaticis Crocodilis similes, sed utique minores; raro sex vel septem pedum longitudinem excedunt. Hominibus natantibus insidiantur riectu late diducto, acutissimisque dentibus ingentia vulnera inferentes. Quæ vulgaribus remedii coalescunt, præsertim

## I A C A R E' sive C R O C O D I L V S.



vero adipe ipsius animantis. Vulnerati pariter & non vulnerati Crocodilos summo studio venantur, partim propter virtutem adipis, loco emplasti vulneri imponendæ, partiū ob ipsorum testes, myrothecium redolentes, quos care dividunt. Omas-sus quoque hujus *Iacaré* siccatus, & in pulverem redactus, contra morbos calculi exhibetur. Ova quæ plus quam viginti vel triginta subinde profert, nova Luna con-tegit arena, veteri vero effudit, edita jam prole. Gallinarum ovorum magnitudinem excedunt, nec solum à barbaris, sed & militibus nostratis expetuntur & comedun-tur. Idem de ipsa carne ejus albicante dictum volo.


Fr. Ximenes observat remedia quæ ex glandulis illius sub gutture positis, atque etiam è ventriculo, præparantur. idem testatur, animal hoc, cum alio cibo destituitur, de-vorare

vorare lapillos, eosque s<sup>a</sup>pere in ventriculo illius reperiri semi-coctos, quorum pulvis haustus singulare remedium sit contra lapides qui in renibus hominum nascuntur.

Brasilienis autem *Crocodilus* *Aethiopibus* & *Nostratibus* *Cayman* vocatur. Capite est compresso, superius firmissima testa munita. Oris hiatu amplio, qui longe ultra oculos aperiri potest; mandibulam superiorem movet, inferior est immobilis, (quod nulli animalium, nisi huic concessum testatur Aristot. de Animalibus) utraque autem dentibus acutis, nunc longioribus nunc brevioribus praedita. Linguam habet nullam, sed tantum membranam, quae mandibulae interiori interjacet, & linguæ figuram refert, quam tamen sustollere non potest. Oculos habet magnos, rotundos, pupilla nigra. Collum superius & dorsum tuberculis majoribus exornatis squamis vestitur. ultima caudæ medietas, firma pinna superius erecte stante, ad finem usque dotata est: qua inter natandum, more piscium se gubernat.

Elegans hoc amphibia à rapina satur, exilit è fluvio diebus aestivis, & ad ripam aperto rictu apricari amat. Quo avicula quedam advolans somnolentæ feræ dentes à prædæ reliquiis expurgat eodem fere modo quo Plinius l. 8. c. 25. de Nili Africano *Crocodilo* narrat. Cujus dormitientis fauces Mus Indicus, Ichneumon dictus, repente intrat ventremque exedit, unde *Crocodilus* mox tantæ desidiæ pœnas dat crudeli morte. Hi vero Americani *Crocodili*, etiam si immunes ab illo Ichneumone, non tamen evadunt barbaros sagaces, qui tunc per insidias opprimunt belluam satietate enervatam.


## T E I V.



**I**N tanta Lacertorum frequentia, silvas ædiumque rudera passim oberrante, unus atque alter tantum quoad haec tenus constat, reperitur venenosus. Omnes nomen *Teju* audiunt, & Philanthropi habentur.

Prima venenata *Carapopeba* tres vel quatuor digitos longa. Figura corporis instar vulgarium Lacertorum, quatuor est cruribus & pedibus: in anterioribus quinque, in posterioribus quatuor habens digitos. Corpus totum est hepatici coloris cum albis notulis, in cauda autem albis lineolis, hinc inde etiam aliquid flavi mixtum. Oculos habet splendentes & quasi vitreos. Cauda est cæteris latiori & breviori. Velocissime movetur, prædasque per insidias venatur. Totus veneno turget, unde morsus illius admodum venenosus habetur: qui tamen ab assumptis & applicatis antidotis infra explicandis restituuntur.

## AMERICIMA.



**S**ecunda *Americima* dicitur: Lacertulus tres digitos longus & pennam olorinam crassus: crura & pedes cæterorum Lacertorum similes, sed cauda brevior, & incurvata: ocellos habet nigros, corpus autem fere quadratum videtur.

Totum dorsum squamulis vestitur leucopœis, latera, caput & crura fuscis, cauda vero cæruleis: omnes autem splendent, & ad tactum apprime sunt læves. Digitii in pedibus instar setarum porcinarum. Admodum venenosum est animalculum. Si devoretur à Fele, ventrem ejus inflat veneno, hostemque interimit suum. Cupidum est exsanguinem humanum, proinde in ædibus se abscondit, lucemque fugit: cum è contra cæteri innocui Lacerti perpetui sint apricatores. Referunt, fœminam semel tantam ab hoc Lacerto, vel solum indumentum, nunquam postea concipere, à me autem nondum compertum, quapropter fides sit apud incolas.

Plaga ab hisce noxiis Lacertulis illata, dilutam fœtidamque saniem effundit cum tumore livido, cardialgia, torminibus, ac magnis cruciatibus. Peculiare huic malo antidotum nondum est inventum. Quapropter hæc aliaque communibus alexipharmacis tam exoticis quam indigenis, exturbanda sunt.

Quia nunc sermo incidit de Lacertis, unicum addam de eorum natura in genere, quod

## G V L I E L M I P I S O N I S

284

quod cum meo Markgravio observavi. Verissimum scilicet esse quod Plinius l. 11. c. 50. testatum reliquit, caudas Lacertorum ex parte amputatas renasci, sed integre abscessas non renasci, contra Scaligerum. Coire volens mas leni morsu adprehendit scemelæ cervicem, paulo post ad latus se inclinat; & foemina propriam caudam sursum levando admittit marem, qui pedibus complectitur corpus ejus à tergo. Ex ovis, quæ ut cunque pisi sunt magnitudinis, fœtus sponte excluduntur; iis enim leviter tantum terra tectis non incubat, sed Solis calori ea relinquit.

Illi autem qui *Taraguira* & *Tejunhana* dicti & ubique frequentissimi, pedalis sunt longitudinis, cauda longissima: velocissime nutantes capite quando aliquid vident, celeri meque currunt: imprimis tum cum vident hominem dormientem, cui Serpens, aut aliud venenatum animal lædendi causa appropinquat, illumque exercefaciunt, ne saudietur. Ita ut hi non minus philanthropi, quam prædicti illi misanthropi nomen mereantur. Præterea tanta sagacitate & perniciitate muscas, vermes aliasque prædas ve nantur, ut nulli animalium fere cedant: absoluto hoc opere diurno non tamen plane requiescunt, sed integras noctes inter se, continuo strepitu vocibusque inconcinnis transfigunt.

Cæterum antequam finiam Lacertorum historiam, non prætereundum puto quod in illorum dissectionibus (grandiorum imprimis, quorum mentio facta in l. 3. de Alimentosis) comperi; pulmones scilicet admodum capaces & magnos iis concessos, respectu suæ conformatiōnis. Quasi Natura prærogativam voluisse concedere hisce animalculis ad aliquot menses aliquando à cibo & potu sese abstinentibus, ut rorem & auram, quibus perpetuo vesci amant, tanto liberius accipere & acceptam reconde re possent. Eodem fere modo gulam & ventriculum justo maiores aliis rapacibus animalibus in suum commodum concessos vidi sæpiissime.


### C A P V T X.

#### *Aranæ magnæ, & parvæ, Nhamdu dictæ.*

**A**RANEIS vulgaribus diversæ figuræ, coloris & magnitudinis telam more nostratum facientibus, non destituta est Brasilia; qui ab Indigenis communi nomine *Nhamdu* appellantur. Horum maximam partem prætero, illosque tantum exhibeo quibus à natura peculiare quid concessum est. Inter eos maxime celebris &

notatu dignus ex Phalangiorum genere qui *Nhamdu-guaçu*, hoc est, *Ara neus magnus* dictus, quia respectu cæterorum stupenda est molis (forte ejusdem cuius Plinius meminit in Indiis conspicī magnitudinis *Passe rum*) & more avium in ruderibus & veterum arborum concavitatibus nidificat. Corpore est bisecto pilis molliusculis nigris cooperato, quibus nudatur posterior corporis pars, quando senescit, manetque depilis cutis ex albo incarnata, quam integrum certis temporibus depositit nova subtus generata. Capite caret speciali, ocellos habet splen dentes, in anteriori corporis parte

#### N H A M D U I.




supra os positos, ad cujus latera ex quadam prominentia bini dentes unguiformes semidigitum longi ex nigro splendentes emergunt, qui auro inclusi pro dentiscalpiis usurpantur atque in dentium doloribus à multis in pretio habentur. In medio dorso versus anteriora foramen habet umbilicale pilis circum datum, nullius quod sciām usus. Crura illi sunt decem quinque internodii divisa, in extremitate corniculis nigris curvis bisectis prædicta. Infectum est admodum longævum & inediæ patientissimum. Memini illa ad aliquot menses capsulis inclusa à muscis quibus vesci amant abstinuisse.

Proces.

Processus duo juxta se positi prope anum protuberant, quibus nent & retia capacia conficiunt, licet rarius, eodemque ordine, ut cæteræ omnes Araneæ, stamen, tramam, texturam, medium & cubile designant; exindeque omnes illas celebres sapientiæ & astutiæ actiones solito more exercent, de quibus morales Philosophi tot prodiderunt. Aversis cluinibus copulantur & Venerem absolvunt. Ova sub ventre portant. Caute sunt apprehendendi, ob veneni liquorem, quem primo attactu spargunt, qui si oculum feriat, totalem visus ablationem minatur. Pili quoque venenosí cutem humanam, sicut Erucæ pili solent, vrunt. Irritati venenatum aculeum infigunt, ita tenuem, ut vix conspici possit. Hinc tumor lividus non sine cruciatu multoque dolore exsurgit. Nonnunquam ratione partis percussæ & symptomatum supervenientium malum adeo exasperatur, ut incurabile reddatur, omnibusque remediis applicatis prorsus refragetur. Proinde ratio habenda ut vulnus dilatetur, scarificetur, cauterisetur, si pars læsa severa hæc remedia non ferat. Cæteris medelis præferetur Cancer Aratu præparatus eodem modo sicut in Capite de pisce Guamaiacu dixi. Adeo Cancri marini ac fluviatiles peculiares vires antidotales videntur præse ferre etiam nunc, de quorum utilitate tota erudita olim antiquitas tot prodidit.

**A**raneus secundus, magnitudine nostrates longe superat, licet præcedenti multo minor sit. Corpore est bisepto: parte priori est pisi ordinarii, posteriore vero fabæ formis & magnitudine. Corpore toto & cruribus est pilosis instar holoserici fusc detriti, intercurrentibus superius maculis nigris. Ab utroque latere quatuor longis tenuibus prædictus cruribus tribus internodiis divisus. Anterior duos semilunatos propedes habet exiguos loco promiscidis, quibus apprehendit. His succedunt duo denticuli nigri splendentes acutissimi, more præcedentis magni Aranci. Hi quoque exuvias certo tempore depo nunt, dentibus ipsis adhærentibus, ita ut cutis exuta Araneum ipsum repræsentet, nam solum inferius finditur, ubi Araneus, nova cute recuperata, exivit. Cæterum coëunt, texuntque, & ova portant, ut major ille, fœtus in orbiculari folle sub ventre progenerantes: cum in ædibus frequenter reperiantur, in multoque veneno turgeant, sedulo à venenato illo liquore cavendum, cum non multo minora symptomata adferat quam prioris magni. Proinde ad eadem remedia refugiendum est, quæ supra enarrata sunt.


**T**ertius Araneus egregii splendoris est, cui quasi facies humana sculpta, & ex argenteo videtur obducta, sicut ex apposita figura liquet, quam pro corollario ob elegantem & inusitatam formam apposui, quia de peculiari indole, bona vel mala, nihil mihi comprehendit.



## C A P V T XI.


*Varia Insecta noxia; Arumatia, Iapurucá, Tataurana, Ambuá, & Scorpio.*

**R**estat, ut quæ circa cætera noxia Insecta mihi innotuerunt, perstringam. Primo occurunt varia *Arumatia*, quorum majus hoc homini nocere deprehendi. Septem digitos est longum, & fere minimum crassum, capite obrotundo, ocellis prominulis, duobus corniculis longis seu pilis. Crura habet sex; corpus internodia duode-



duodecim; prima junctura est capitis & corporis; mox sequitur alia, in quam & capitis junctura in duo brachia, quibus & pedum loco utitur, adnexa sunt; tertia junctura longius ab hac distat, habens & duo crura; quarta itidem par crurum tenet: Corpus denique desinit in acumen, & habet aculeum, quem quasi in vaginam recondit. Color ligneus. Tuberculis quoque parvulis corpus scatet, præcipue inter brachia & secundum par crurum. Si hominem feriat aliquem, tremorem excitat in toto corpore: non facile autem alicui nocet, nisi quis manibus premat aut pedibus. Dolorosus ille tremer sedatur facile radice *Mangle* parti affectæ applicata, tum quoque inunctione olei fructuum palmæ *Vrucuri* dictæ.

## I A P V R V C A' I.




Etionibus nigricantis coloris: in quolibet latere viginti pedes: caput compressum, latiusculum, fuscum: cornicula duo: sub ore duos dentes instar forcipis. Cauda illius est furcata, & desinit in duo quasi cornua. Admodum frequentes sunt in ædibus, & valde venenosæ sunt bestiolæ, supra enarratis remediis curandæ.

## I A P V R V C A' II.



pressis, capitulo parvo cum duobus incurvatis corniculis breviusculis, cruribus exilibus innumeris.

## TATAVRANA &amp; AMBUA.



homines infestant. Prior duos digitos longus & majori penna anserina crassior, teres sive cylindricus, nigerrimus capitulo splendente nigro & maculas majusculas albas habens, in lateribus ordine positas: pedes octo, satis crassos, sed breves nigerrimos. Totum corpus pilis duriusculis eleganter flavis vestitum est, constantibus substantia instar setarum equinarum.

**V**Ariæ quoque Scolopendræ, Brasiliæ, Lusitanis *cenopæ*, Belgis *Dipsent-been* / dictæ. Insectum hoc quatuor circiter digitos longum, plurimas habet juncturas, obscure flavi & in conju-

**H**Is annumeratur & alia Millepedæ species frequentissima, multis sectionibus nigris & flavis constans com-

**C**Entipedes hirsuti duo arcuatim repentes, *Tatavrana* & *Ambua* Brasil. *centopæ* Lusitanis dicti, interque Eruca habitu, ad venenatorum ordinem referuntur. Sicut Scolopendræ ædes; ita haæ silvas perreptant, olerumque hortensium frutices non solum, sed &

Altera,

AMBVA'.

**A**ltera, ut ex figura appetet, obesiore sed breviore est corpore, eoque miris juncturis diviso, pilis undiquaque eleganteribus & majoribus, plumarum more copulatis. Si Vermes hi cutem humanam attingant, urunt instar ignis. Omnes denique Erucae uridam vim habent, cutique deglubendae & vesicis excitandis aptam.

Scorpiones Europæis externa figura sunt similes, licet non æque noxii, proinde ictus eorum, curatu minus difficiles. Adeo ut hisce Scorpionibus idem fere attribui possit quod Mathiolus de iis qui in Tridentinis regionibus reperiuntur testatum reliquit, scilicet illorum puncturas levissimas esse & non lethales.


Quapropter cum horum insectorum natura, vulnerumque curatio ab Auctoriibus passim ante me traditæ sint, nec quicquam ad illustrationem ulteriore occurrat, acquiescam. Quippe solum oleum, quod eorum viventium qualitates absorberit, contra morsus cum successu applicatur.

## C A P V T X I I .

*Copueruçú sive Vespa, Marigúi, Nhatiú, Mberóbi sive Culices,  
Tunga sive pedum Vermiculi, & Iatebúcú sive Ricini.*

**I**n festissima Vesparum examina in arboribus nidificantia, non armenta solum, sed viatores aufugientes persequi amant; imo turmis equitum non parcunt irritata. Quibus ob corporis magnitudinem diversam & coloris discrepantiam varia nomina ab Indigenis sunt imposita. Omnium maximæ in cavitatibus arborum nidificantes *Copueruçú*, quibus succedunt *Vruperána*, deinde *Aiçáva* nigri & parvi, ut & *Tupeiçava*, nigri quoque & omnium minimi, qui duo posteriores horrende pungunt præ cæteris. Omnes uno nomine *Mariposas* vel *Maribundas* Hispanis appellati.

Nidus minorum Vesparum (cujus iconem exhibeo) est plus quam majoris ovi oloris magnitudinis & formæ, sed levissimi ponderis. Exterius obductus villosa, tenui & tenaci materia grisei coloris, qua avulsa apparent tres quatuorve tabulæ parietibus distinctæ, ex meris cellulis ro-



C O P V E R V Ç V'.



Bb


tundis

tundis egregie fabricatæ, & more parvi apiarii concinnatæ. Quibus reconditum mel-ligineum humorem haud facile quisquam impune attingit, quia Crabrones vix patiuntur se irritarier. Vnde quoque fit, ut de harum coitu, deque materia, ex qua generentur, nondum satis perspectum sit. Idem ille nidus quem in ramorum extremitatibus fabricant, in medicinam receptus est, atque contra frigidos affectus, interne, sed externe potissimum adhibetur, sicut nidus Hirundinum. Magnitudine inter se variant, sed figura Europæis Vespis haud dissimiles sunt, Crabronibus atque Oestris omnibus infen-siores. Easque ejusdem putem generis esse, cujus Aristoteles meminit non in terra sed in arboribus nidificantis. Cum nihil ex floribus hauriant sed animalium carnes tantum petant, facile erit has à Vespis vulgaribus & Apibus discernere, quod hæ carnem fugiant; illæ flores & carnem quoque petant. Noxia hæc insecta velocissima, ipso eodemque momento, quo insultant, aculeo rigidissime faciem petunt, atque mox avolant. Vnde atrocissimus dolor cum ardore summo exsurgit, duratque ad horas, manente ru-bore & elata cute. Vix ullum satis præsens tam immani cruciatui existit remedium con-veniens, quod pars eorum balsamis indigenis, atque refrigerante quodam unguento de *Imbatba*; pars cauteriis potentialibus, calorem extrahendo præstat.

## M A R I G V I.

**I**ntr Culices noxios qui maxime familiares, & ab omnibus pariter incolis ob mor-sum extimescuntur, sunt *Marigui*, *Nhatiu*, & *Mberobi*. Horum quidem *Marigui* omnium crudelissime affligunt, sed adeo exigui, ut tactus sensu potius quam visus per-cipientur. More aliorum Culicum gregatim volitant, atque rarius apparent, nisi summa-existente malacia, idque vespertino tempore potissimum, circa fluviorum ripas inter paludosas illas arbores *Mangues* dictas, hærent. Novi- & pleni-lunio potissimum, raro interlunio vagantur. Merito ab omnibus pariter incolis extimescuntur hæc insecta molestissima; quippe adeo exercent & laciniant agricolas, ut non solum membra eo-rum nuda, sed & vestita morsu doloroso infestent, acuumque mucrones referant. Scapha fluvium lento gradu ascendentibus mecum Hispanis, adeo intumuerat, ves-tisque ac rubore conspersa erat nobis facies, ut à familiarissimis ne quidem dignosce-remur amicis. Æthiopes jussu domini sui palo affixos, perque integrum noctem (mi-rum supplicii genus) reliquos, postridie, ex meris doloribus & mortuum cruciatibus de-lirio captos memini.

## N H A T I V.



pictam sine cuius ope impossibile erat subtilissimas conformatio-nes & articulationes novisse. Capite est parvo, obrotundo, cui duo cirri ab utroque latere oculorum pilis longis ordine decorati, adstant. Corpore est elliptico ex flavo & nigro undato va-riis sectionibus diviso, in extremitate Scorpionum more incurvato, alis duabus magnis, cruribus sex, tribus internodiis divisis: Totum insectum vestitur pilis subtilibus brevi-bus flavescentibus, variegatum maculis undatis, obscure flavis. In extremitate ro-stillo longo tenui sanguinem exsugit, pungitque acerrime, etiam per linea vestimen-ta dolorosum pruritum excitans. Noctu potissimum in palustribus & maritimis lo-cis gregatim vagatur sicut præcedens *Marigui*; sed ab eo differt, quod hic molestiam simul magnam pariat dormitientibus tinnula sua voce; tum quoque non igne aliave-re se abigi patitur, nisi solummodo fumo accensi fimi bubuli exsiccati.

Tandem tertium genus Culicum restat describendum, quod *Mberobi* dictum diversæ est

**S**equitur nunc secundum Culicum genus *Nhatiu* præ cæteris quoque molestissimum, Lusitanis *Mosquito Pefni - longo*, nostratis *Lang-been* dictum quod longitudine pedum imprimis præcedentes Culices su-perat. Monitum tamen volo lectorem hanc effigiem *Nhatiu* sicut & aliorum minimorum insectorum sextuplo esse majorem quam bestiola viva, ac proinde per Megascopium esse de-

est magnitudinis, adeoque profunde pungens, ut aculeum vulneri infixum relinquat, isque mox corrupta parte læsa transmutetur in insectum huic *Mberobi* simile, habens sex crura, quorum ultimum par longissimum. Cornicula duo in capite, alæ quatuor variegatae. Tota musca viridis est cum aureo mixti, in fronte sapphirini coloris. Oculi nigri corniculares.

Aliud denique mirum genus vermiculi ex subsidentia aquæ pluvialis nascitur, quod de subito depositis exuviis alatum prodit, longis pedibus & culicum præcedentium more homines & pecora infestat.

Idem faciunt culices *Caúá*, *Taturána*, *Ietinga*, *Pinu*, *Niguas*, &c alii, quos enarrare tardiosum foret.

Peregrinantes noctu sive per loca littoralia, sive per illa nemora quo defatigata aura marina vix pertingit, præsentiores cautelam non amplectuntur, quam ipsum ignem integrosque rogos: tum quoque Balsamum *Copaíba* & *Cabureíba*, quibus membra nuda inungunt. Ante horam unam atque alteram tumores & puncturæ evanescere solent, modo non nimia frictione vel frigidæ aspersione irritentur partes læsæ. Dolores apprime sedantur muccagine *Cardu* littoralis, tum & arborum *Samouna* & *Imbaíba* ac herbæ *Paiomiriobæ*, cæterisque ejusdem generis succis inspissatis, qui frigida & anodynæ qualitate pollent.

Brasiliani parvis Cicindelis splendidissimis, non solum ad noctis tenebras illuminandas; sed ad fugandum quoque molestissimum hoc genus culicum, utuntur. De quarum indole & lumine mox ex professo dicetur.

### T V N G A.

**M**inutissimis Insectis quæ Lusitan. *Bicho*, Brasil. *Tunga* dicuntur, pleræque Regiones Americanæ obnoxiae sunt. Sæpe cum pruritu, raro cum dolore, pedum digitorum extremitatibus innascuntur. Maximopere infestant præ cæteris eos qui nudis pedibus loca arenosa perambulant; in quibus utpote calidissimis vivere amant invisiibiliter, fugiuntque pavimenta lithostrata. Initio in cute exteriori aliquandiu latitant. Mox ingenti cum pruritu, præcipue circa plantas pedum, imo & manuum, cutem sine noxa penetrant, inque ea se recondunt. Nihil cum Guineensibus vermiculis commune habent, qui longi, lati & albicantes, chordarum speciem referunt. Hi vero exigui intusque paulo profundius occultati & vesicula orbiculata inclusi, nigricantes apparent, eosque per megascopium explorare oportet; secus enim ne à lynceo quidem exacte satis perspici possunt. Tandem ubi ad justam magnitudinem, quod est circa triduum vel quatriduum, excrevisse compertum fuerit, tunc maxime de excisione cogitandum, quod solius aciculæ aut argenteæ cuspidis beneficio, à Brasiliano aut Æthiopæ, facillimo negotio fieri consuevit. Ea solum adhibenda cautio, ut vermis folliculo pellucido & rotundo inclusus integer eximatur, antequam sobolem progeneret innumera, quæ unguibus icta lendum modo crepitant. Rupto enim sponte folliculo nova parti vitiatæ exsurgunt symptomata; imo vicinas illæsas inficiunt. Et tunc quidem non minus calamitosi, quain illi in Guinea habentur, adeoque gangrenam ipsam intrulisse memini, ut pedum digitos amputare non semel necesse fuerit. Videre mihi contigit in Nosocomio, cutem in calce pedis callosam, sub qua innumeri latitabant vermiculi, militibus penitus fuisse resectam. Remedium quo præcautionis gratia Lusitani æque ac Brasiliani inungunt plantas & digitos pedum, est mordacissimum illud oleum glandium, qui pomis *Acaiu* adnascuntur. Quod quidem oleum sit extratum ex immaturis & crudis glandibus; nam si maturuerint, qualitate ustiva fere caret, nec huic affectui remedium præbet. Lachryma flavæ arboris *Camacari* dictæ admota eidem malo prodest. Quod ipsum quoque gentem nauticam pice navalii præstare vides, ut & pisium pinguedine, à cuius foetore fugantur vel moriuntur.

### I A T E B V C V'.

**I**ntebuc Brasil. *κρότων* Græcis nuncupatur, bestiola foeda; lentis magnitudine, subrotunda, plane compressa, cute punctulata seu tuberculata, cum lurido clypeo triangulari in dorso. Coloris est hepatici, octo cruribus prædita, capite pronidente qua-

dratæ figuræ, rostro longo tereti, quo in quacunque parte corporis sugendo se ingurgitat, ac insignem ibi excitat pruritum dolorosum, ita ut ex cute vi extracta per aliquot dies eo loci sanies profluat & vix quindecim dierum spatio vulnus licet exiguum restituatur. Omni fere anni tempore vigent, & peregrinantes imprimis si humi consideant, vehementer exercent. Postquam autem parti alicui adhaeserunt, brevi grandescunt turgentque, mox à paucis diebus nimia satietate dehiscunt, ita ut ea Plinius merito inter turpia animalcula appellari, quorum saginæ finis, mors ipsa est. Noster hic *Iatebucu* sive *Ricinus Americanus*, licet ejusdem cum *Reduvio generis*, ab eo tamen potissimum differt, quod solo sanguine vivi animalis delectetur: à cæteris autem Insectis discrepat, quod licet sanguine affatim repletus, excrementi tamen exitu destitutus sit. Idem quoque in Europa ab aliis ante me observatum est. Nec prolem gignere, nec ab aliis bestiolis gigni animadvertere potui. Sed ex putri quodam humore inter herbarum folia nasci crediderim. Vulnuscula in cute humana ab iis illata, oleis & sucis anodynis, atque balsamis nativis supra enarratis curantur.

## C A P V T X I I I.

*Andira* sive *Vespertilio*, *Cupiæ* sive *Formicæ*, & *Memoa*  
sive *Cicindela*.

**S**VNT denique in tota Brasilia, præsertim in ruderibus, ut & in Palmis nuciferis Vespertilioes majores & minores, hos appellant Brasiliæ *Andira*, illos vero *Andira-guacu*. Majorum corpora columbas æquant Europæas, vocanturque Vespertilioes cornuti, præpingues, cinerei coloris, mollibus & longioribus pilis, auribus latis;

## • A N D I R A.



in singulis pedibus habentes quinque digitos, acutis unguibus armatos. Dentes candi-  
di, & supra nasum corpusculum, ejusdem cum auribus longitudinis, satis grande, ex  
materia qualis illius riætus, flexile seu mobile. Alarum magnitudo semipedem superat.  
Miræ sane conformatio[n]is est animal (ut verbis Scaligeri utar) bipes, quadrupes, am-  
bulans non pedibus, volans non pennis, videns sine luce, cæcus in luce, extra lucem lu-  
ce utitur, in luce luce caret, avis cum dentibus, sine rostro, cum mammis, cum la-  
cte, pullos etiam inter volandum gerens. Omne genus animalium appetunt, eorum-  
que sanguinem exorbent. In præfectura autem *Maranhæ* est genus quoddam Vesperi-  
lionum, quod de nocte, dormientium hominum pedes vestibus denudatos adoriuntur:  
& rostro vulnerant, huiani sanguinis exsugendi causa: morsus tam levis & subtilis est,  
ut non persentificant illum vulnerati, antequam lectus sanguine perfusus, indicium vul-  
neris faciat: tanta copia sanguinis à venenato morsi effluit, ut difficulter fisti possit;  
adeoque evidens vitæ periculum dormientibus adfert nisi prædictis internis & exter-  
nis remediis opem ferant. Imprimis autem omnes passim Incolæ vulnera hæc curant  
lotione aquæ marinæ fervidæ, tum quoque cineribus calentibus, vel tandem ustione,  
si sanguis non fistatur. Vespertilionum linguam & cor inter primaria ponunt venena:  
sed an gustata ejusdem naturæ veneni sint, cuius *Canis rabidi*, hydrophobiam inducen-  
tis, sicut gravissimi autores de eo testati sunt, à me nondum compertum est.

Vide Carolum Clusium Exot. l. v. c. 1. qui ex Oviedo testatur, ejusdem generis Ve-  
sper-

spertilioes reperi pingues, quibus aquæ ferventi immersis & excoriatis Incolæ in Insula D. Ioannis vescuntur, quia Passeribus non minus albi sunt, nec minus, ut afflunt, boni saporis.

FORMICÆ alatae CUPRA', & non alatae TAPIA' dictæ.

**I**Mmensa Formicarum agmina, proh dolor, Brasilia, eaque diversæ speciei producit. Ut enim quædam Europæas magnitudine æquant; ita plurimæ triplo iis majores atque omnivoræ sunt; nam pisces, carnes fruges & fructus (exceptis acidis à quibus solis abstinent) quin & venenata Insecta, Scorpiones, Scolopendras, Gires, & similia impune depascere; mox velocissime vel avolare vel terram Talparum instar fodere & subterraneis non parcere Satis, testis sum oculatus. Verum ut merito his Insectis supra narratis & ipsis quoque agricolis formidabiles; ita & illæ vicissim suos extimescunt hostes, scilicet plurimos Serpentes & imprimis quadrupedia illa *Tamendoá* quæ iis perpetuo insidiantur, integrasque myriades deglutiunt, ut alio loco probavi. De miranda earum indole & œconomia, deque condendis semitis & aggeribus cavernosis, dicere nunc supercedo, quia in tractatu de Aëre, Aquis & Locis, satis superque de iis egi.

Formicæ autem hæ non solum magnitudine & colore, sed si per megascopium rite examinentur conformatio partium quoque inter se differunt: imo earum aliquæ species, certo tempore alas acquirunt easque postea rursus deponunt. Quod à paucis autoribus observatum esse reperio, neque ipse Mouffetus sagacissimus Insectorum in-dagator, amplam licet dederit Formicarum descriptionem, meminisse videtur Formicarum volantium. Ex earum cadaveribus Vermiculi nascuntur, qui mox in alatas Formicas prioribus similes faceant, quasi illud quod ex alterius corruptione generetur, non diversum, sed similem subinde vultum contraheret. Inter alatas quibusdam *Cupia'* nomen à Brasilianis inditum. Muscis sunt æquales, corpore bisepto tenuissimoque ligamento copulato. Alis quatuor tenuibus & transparentibus, quarum posteriores duæ minores anterioribus, aliquæ spadicei, aliquæ obscure flavi sunt coloris. Ocellis parvis, nigris, capite fere triangulari, cui duo gracilia cornicula longa imposita, forcipesque duo exerti pro dentibus. In anteriore corporis sectione quæ pisi est figuræ & magnitudinis, sex apparent crura tribus articulationibus constantia. Posterior sectio corporis major est anteriore, quam multi in cibum præparant & comedunt. Totum Insectum minutulis pilis brunnis cooperitur. Alia præterea datur grandis species *Tama-ioura* dicta digitum articulum adæquans. Quarum etiam clunes dissecantur & friguntur pro bono alimento.

Formicæ autem *Tapiæ* alis destitutæ, aliquæ prægrandes, corpore tripartito, atro, splendente. cætera corporis membra præcedentium Formicarum fere similia, exceptis oculis qui multo majores sunt, quippe totum caput nihil aliud appetit, quam duo oculi magni sibi invicem appositi.

Atque hæc de grandioribus Formicis tantum breviter dicta velim, quarum noxias vel proficias qualitates novissime conducit. Inter quas illæ quæ *Taoques* dictæ pessime mordent.

Morsus earum ruborem, tumorem, pruritum, deinde acrem dolorem & ardorem inferunt. Qui emplastro ex ipsis Formicis præparato, partique dolenti applicato, sanantur, ita ut hæ Formicæ more Scorpionum suis morsibus pariter medelam cum malo afferant. Sed ne quis opinetur hæc animalcula (infesta licet adeo humano generi) nullis malis internis opem ferre. Præterquam enim, quod vesca sint tosta, ut supra monuitum quoque æque feliciter urinæ difficultatibus succurrunt si assumentur, ac de *Asellis* seu *Millepedis* Europæis observatum est. Ita ut ex Murmecia, diversa remedia resultant, quæ non solum ab his barbaris, sed ab eruditâ antiquitate admodum celebrata sunt.

M E M O A'.

**M**emoa Latinis Cicindela, Nostratis *Ligt-mugge*. Quoniam multi de nobili hoc Insecto multa miranda testati sunt, ego pauca tantum notatu digna de Cicindela sive Noctiluca inferenda putavi. An Veneris fastidium adferant si assumentur, hic à nemine haec tenus compertum est: sicut Rhasis, Albertus, Benedictus, aliique de suis Cicindelis testati sunt. Veteres Græci ac Latini à noviciis autoribus discrepant non solum circa eorum nomina, generationem & conformatio-nem, sed imprimis circa naturam atque situm tanti luminis. Ego missis variarum opinio-

num salebris, quibus multa superstitiosa videntur intercurrere, aperiam quid mihi de  
Brasiliensi nostra constet.

Bestiola hæc exigua, granum cucumeris æquans, nigricantis est coloris, corpore  
oblongo in duas partes æquales seſto. Capitulo admodum exiguo, in quo globuli nigri  
apparent Gagatis splendore, qui oculorum vicem supplent. Ori astant quatuor tenui  
cula, & duo barbæ pili. Crura habet sex pilosa, singula tribus internodiis distincta.  
Alas duas, sub quibus versus caudam in utroque latere macula appetit magnitudine se-  
minis papaveris, rotunda, alba, splendens; ex quibus lumen emittit, imprimis noctu,  
facitque pro lubitu has maculas thalassini coloris splendidissimi. Post hos ignis focos  
corniculum est exiguum flavescent, vergens versus posteriora, quod vix nisi Mega-  
scopii beneficio conspicitur.

Albæ maculæ supra enarratæ inter volandum tam mirabili splendore fulgent, ut  
quasi scintillæ ignæ per aërem volitare videantur: ad illud Politiani,

*Inde opus integrant, donec sub nocte coruscent,  
Flammigeræ parvæ stellanti luce volucres.*

Ita ut mihi non tantum peregrinanti illud lumen, sed & militibus primo illius insuetis,  
terrorem injecerit, metu hostis insidiosi cum ignitis somitibus post carecta latitantis:  
cum tamen idem lumen mox assuefactis solatio fuerit nobis in desertis noctu erranti-  
bus, quod lucernarum vicem suppleverit, adeoque, lunæ & stellarum splendore jam  
per imbræ & nubes ablato, harum tamen fulgorem ne Cimmeria quidem caligo dimi-  
nuerit, imo auxerit. Adde quod multæ vivæ simul collectæ legendi copiam præbue-  
rint, ita tamen ut lux illa paulo post cum spiritu vitali evanuerit. Quod idem in thea-  
tro suo Insectorum Eruditissimus Mouffetus aliique non vanæ fidei testati sunt. Ita ut  
non videam quid sibi velint Cardanus, Albertus, Mizaldus de perpetua illa luce quam  
hic ad ravim usque contendunt dari. Imo varias compositiones venditantes, peren-  
nem lucem exinde quasi lunam de cœlo in varios usus humanos promittere ausi sunt.

An vero medicamenta quoque idonea more Cantharidum ex iis parentur, ut qui-  
dam scripserunt, à me nondum compertum fateor.

Porro cùm liqueat naturam non ſolum ſitum quoque hujus decantati luminis  
variare tam in Europæis, quam Ex-europæis Cicindelis, meo quidem judicio nemo  
propius accedit ad ea quorum ἀντίθετοι fui in Brasilia quam Plinius, dicens fulgorem  
igni similem alarum compressu tegi, secumque lumen habere & noctem. Quamvis  
enim, ut supra monui, à lateribus utrimque juxta clunes fulgor ille exeat inter volan-  
dum; illum tamen niſi hiantibus & elatis alis non rite emicare multoties mecum vi-  
derunt multi.

Quantum vero ad generationem hujus Insecti, condonandum mihi si in ea titubem  
etiam cum doctioribus. Quod haud adeo facile est discernere ea quæ perpetuo velo  
metamorphoseos involuta sunt. E rore quidem non ipsam vitam, ut quibusdam de Ci-  
cindelis Europæis placuit, ſed vitæ ſustentaculum nanciscuntur. Ego primo admoni-  
tus experientia incomparabilis nostri ſeculi philosophi Scaligeri, eas copulatas volan-  
tes, & ſedentes, in coitu repperi, diuque in eo hærere comperi, quibus dein ſolutis,  
infinita apparuere ova, quæ cito vel intra diem vivificata abierunt. quo ſpectat illud  
Aristotelis de generatione Insectorum: Συμπλέκεται μὲν πλαστὴ χρόνον· Διαλύθει δὲ πάντα  
ταχέως. Mox vestigia ſecutus Brueri & Mouffeti, ea, ut supra monui, ex ovis exclu-  
ſa obſervavi. Atque tandem comperi, ſecundum conſuetum naturæ ordinem ani-  
malcula ex iis prodiiffe, Erucas ſcilicet minores, nigricantes, pilosas, ex quibus Ci-  
cindelas primo non volantes, ex iis autem rursus in Chryſalidem mutatas, volucres  
ortum duxiffe.

Toto anno in hoc Americæ traſtu, non vero ſtatis ſementis & messis temporibus, ut  
in Europa, vagantur, atque noctu imprimis eſcam ex floribus venantur.


Plura equidem reſtarent referenda de hoc animalculo: ſed quia id vix unius eſt ho-  
minis ex professo talia traſtantis, veniam merebor, ſi institutum profequar, ac cætera  
ſedulæ posteritati ulterius indaganda relinquam.

## C A P V T X I V.

*Nari-Nari, Aieréba, Iabebireté, Niqui, Vrutú, Mouçicú,  
& Amoreatim.*

**P**ræter tot planos Pisces cartilagineos dantur Pastinacæ marinæ, Torpedinum, & Raiarum species, læves, cæruleæ, sine squamis vel aculeis in toto corpore, præterquam in caudæ principio, ubi duo breves non ferrati, sed ad sagittæ figuram formati apparent, ac proinde hi Pisces à nostratis merito Piilstaert: à Brasilianis


## N A R I - N A R I.



*Nari-Nari* appellantur. Non procul à littoribus degunt, vescuntur Pisces, quibus ex occulto insidiantur, radiumque iis infigunt, quo ablato edules sunt, sicut multis illis terrestribus & marinis belluis contingit, quæ iictu vel morbo tantum venenum infundunt. Pars vulnerata infestissimo dolore, aliquando & paralyxi misere afficitur. An aculeus etiam mortua Pastinaca vires suas servet, atque non solum in animantes, sed & in saxa & herbas, exserat eas, sicut Oppianus, Aelianus, & alii testantur de Europæa Pastinaca, ego nondum comperi. Dolores sedantur optima illa radice *Mangue assata*, eodemque modo, sicut in iictu Pisces *Niqui* dictum est. Dein dilatato vulneri ejusdem Pisces jecur, & teli ipsius cineres cum successu applicantur. Ita ut hic quoque Pisces veneni sui antipharmacum in se habere videatur.

De Brasiliensi Torpedine, ejusque malo, vix ad horam unam atque alteram durabili, quia cum Europæa in plerisque convenit, iisdemque remediis & eodem modo curatur, particulatim nunc agere supervacuum duco.


**E**x tanta Raiarum familia, duas tantum adducam ictibus venenatis celebres. Cæterum figura & alimentosa qualitate differentes, ut in libro de alimentosis pisibus probavi. Quippe prior hæc *Aieréba* ex cibis rejicitur. Posterior *Iabebireté* probatissimæ est carnis; utræque tamen sibi pares malignitate radiorum circa caudam hærentium. *Aieréba* itaque haud vulgaris quidem est conformatioonis, rotundus plane, atque in superiori superficie punctulis acuminatis variegatur, ibique duo foramina habet satis ampla,




dorso insignitur tuberculis nigris parvis: inferius corpus totum album.

Harum Raiarum puncturæ admodum malignæ, exquisitosque dolores viginti quatuor horarum adferunt, quos præter radicem arboris *Mangue*, oleum imprimis fructuum Palmæ *Vrucuri* mirabiliter mitigat, sicut in capite Palmarum notavi. Alterutrum enim horum remediorum unguenti vel cataplasmatis forma fauciatax parti applicitum, sanat, absque ullo remedio interno.

#### I A B E B I R E T E .



#### N I Q V I .



**N**Oxiis piscibus annumerantur quoque uterque illi, qui *Niqui* dicuntur Brasiliensibus. Aculeis in capite & dorso præditi sunt admodum noxiis, quibus irritati, tanta vehementia pungunt, ut dolor non solum intensus inde exoriatur, sed membrum paralyticum pro tempore maneat, præsertim si telum (quod aliquando fit) in parte vulnerata relinquatur. Capite est crasso squamoso, ore patulo, edentulo, branchiis amplis,


ampla. Prope caudæ exortum orbicularis incisura est in quolibet latere: cauda teres, longa, & circiter in medio sui, duas osseas spinas crassas retro dentatas habet, quibus pungit, quando ad spiracula apprehendit, caudam incurvatum supra corpus levando. Os inferius habet, haud ampulum, edentulum. Cutis tegitur in superiori corpore ferrei coloris, & in medio

**I**Abebireté vero, cauda est longissima quam irritatus in gyros contorquet, ut pisces telis suis ad caudæ exortum prominentibus facilis feriat. Vulneris iisdem remediis curatur ut supra, addito tamen ipsius pisces hepate.

plis. Oculis exerts Cancrorum more, ante exortum pinnæ dorsalis, quæ ad caudam continuatur, duobus fortibus aculeis armatus. Tegitur cute ex nigro grisea. Cauda tenuis & parva. Vulneratis præsentissimo remedio est, dilatatio vulneris, applicata mox radice *Mangue* assata & contusa. Vnde quidem dolores in instanti exacerbantur, sed mox cessant.

**A**ltera *Niqui*, præcedenti quo ad figuram & magnitudinem dissimillima, à nostratis abusive, ob puncturas credo *Pieterman* appellatur. Capite est crasso, ore Ranæ amplio, edentulo & crassa lingua. Anterior corporis medietas est paulo latior, posterior angusta & teres: Ocelli ipsi parvi cylindracei. Branchias, pinnas & caudam in ambitu quasi circinatas habet. Ante exortum pinnæ dorsalis duos aculeos fortes & supra postbranchialem utramque, unum acutum quibus atrocia vulnera incaute tangentem infert. Per totum dorsum, caput & latera, punctula nigra, magnitudine seminis papaveris, dispersa. Edulis est piscis si fel bene separetur, alias lethalis ut *Guamaiacū*. Notatu dignum quod fella quantum intus assumta, noxia; ita extus applicata non raro venenatis puncturis medelæ existunt.


## N I Q U I II.



**I**nter ea animalia quæ viva nocent & mortua profundunt, non solum Raiæ & Torpedines existunt sed illi imprimis pisciculi qui vulgo *Bagres* vocantur, de quorum carne alimentosa suo loco egi. Nunc ex ordine est de venenatis ejus ictibus quiddam premonere, ut sibi quisque caveat, quia haud facile quis illos impune laceffit: mox etiam edocere constitui, quomodo fauciatus de promptissimis sibi provideat remediis; quæ quidem varia à variis incolis suppeditantur, nullum tamen eorum tutius eligendum quam ipsius lædentis jecur, quod vulneri applicatum mox immanes dolores sedat.

Missis cæteris quinque piscibus *Bagres*, sextum huc solum adduco. *Vrutū* dictum tanquam primarium hostem, ut pote qui præ cæteris *Bagris* horridioribus & eminentioribus spinis dupliciter ferratis, est armatus, quarum altera dorsalis, altera subbran chialis, utraque solida & ossea, quas pro lubitū erigit, & in rimæ recondit, iisque adeo pungit incaute tangentem, tantumque infert ardorem & inflammationem, ut vulneratus subinde animo deficiat. Proinde missis generalibus illis remediis antidotalibus, ad duo sequentia potissimum recurrendum est. Succus recens herbæ ubique obviæ *Caaçica* dictæ cum cremore *Tipiocæ* intus assumptus ad muniendum cor & restaurandos spiritus accensos aptissimus est: extus jecur vel crudum vel cum oleo paulisper frixum puncturæ applicatum, mox quasi per similitudinem substantiæ, ut vocant, venenum extrahit. Accedit tertium remedium, quod ligaturis herbæ *Iaçape* absolvitur, membrum scilicet muniendo, ne altius serpat malum.


## V R V T V.



**C**um inter marina Zoophyta sponte provenientia, Holothuria, Stellas & Pulmones Aristoteles, Plinius, aliique recentiores reposuerint, ac fruticis potius quam animalium naturæ participare testentur; ego, corpus hoc maris pellucidum *Mouçicū* Bullis marinis ascriberem; licet externa figura & internis proprietatibus, ab iis hinc inde discrepet. Illud enim quod exhibeo (etiamsi non adeo exacte ejus pictura exprimi potuit) altera extremitate elevatus, altera depressius est. Cæteræ omnes par-

tes

M o v ç i c v'.



tes externæ & internæ indiscretæ , nec ulla in ambitu apertura. In littore ejēctum sponte in se concidit , strepitumque edit si ſvi conteratur. In mari vero inflatum pulchre rubro colore & purpureis maculis splendet , aquis supernatat ac instar bullæ figura variat , multo flatu & liquore turgens. In saxorum rimis delitescit aliquando & inter algas , unde per maris impetus hinc inde fertur. Si multa simul ad littora appareant , non minus pro tempeſtatis ſigno habentur , quam Pulmo marinus de quo Plin. l. 18. c. 35. teſtatur. Adeo denique *Mouçicu* urendi qualitates cum Holothuriis & Stellis communes habet , ut ſi qui nudis pedibus littora obambulent , Bullamque hanc venenatam minus provide conculcent , ingenti ardore afficiuntur , qui plantas non ſolum pedum calloſas ſed & totius corporis cutem in momento magno cruciatu infeſtat. Ad horas aliquot durat malum , invito quovis remedio refrigerante & anodyno , ad quod confugiunt ſæpe fruſtra. ego felicius cauſticis & calidis ad extraſendum ardorem uſuſ ſum , applicato mordaci illo oleo castaneæ de *Acaia* diſſoluto in ſpiritu vini , imprimis autem Cancro *Aguarançá* dicto , ſi recens applicetur.

## A M O R E A T I M.

**A** Moreatim Ranæ pifcatrici ſimilis , multis aculeis aspera , abſcondit ſe ad littus ſub arena , pedesque ſupergradientium crudeliter vulnerat , & aliquando cum præſenti vitæ diſcrimine niſi cauterio ſubveniatur. Idem de *Caramurú* , Anguibus marinis ſimilibus , decem aut duodecim palmos longis , & pinguibus , dictum volo , quia morsus illorum quoque ſunt admodum venenati.

His quoque addi debet Solearum minorum ſpecies , Lufitanis *Peize Sola* dicta , non edulis. Quæ mira ſane efficacia non ſolum manum vel levifimo attacatu , ſed & pedem licet optime calceati pifcatoris incaute pifciculum conterentis , paralyſi & ſtupore afficit , inſtar Torpedinis Europæ , ſed minus durabili.

## C A P V T X V.

*Venena intus affumta , Cururu ſive Bufo , Variæ ſpecies Pifcis  
Guamaiacu , & Piraqué.*

**H**actenus de Natura Serpentem eorumque animantium , quæ morsu vel iectu vi rento hominibus insidiantur & toxicu ſuo nocent. Quibus calidas & humidas haſce regiones abundare haud mirum eſt , quod pauca agricolarum induſtria exultæ , nec vi frigoris à venenatis & noxiis animantibus repurgatae , eæ in immenſum multiplicentur. Proinde haud aſſentiendum mihi videtur Cardano dicenti , Serpentes non multiplicari ultra metuam quandam , quia ſunt homini pestiferi. Nunc ad illa venena quæ intra corpus affumuntur descendamus. Quæ quidem diverſorum ſunt generum , neinpe venenata tantum , & tota ſubſtantia aliena à natura , ac proinde nihil alimentosi in ſe continentia ut quædam Mineralia , vel quædam manifesta qualitate nocentia , quædam vero licet occulte vim inferentia aliqua tantum parte id efficientia ut plantæ & animalia. Omnibus hiſ ſua remediorum genera , manifestæ vel occultæ


occultæ qualitatis opposita sunt, quæ licet diversa, tamen in curandi modo conveniunt. Nam cujuscunque generis venena ore percepta, si in prima adhuc corporis regione hæreant, per vomitum potissimum & clysteres exturbare conuenit: sin in corporis recessus abierint, circumferentiam versus trahuntur. Proinde somnus qua possibile, arcedus quoque. Interim cor adversus hostem admissum muniri debet, etiamsi vera & infallibilia signa veneni intus assumti non compareant. Non enim æque manifeste hic atque in morsu vel iectu Serpentum morbi causa se profert, sed fere latet, quia qui venena subministrant, variis technis dolum non solum tegunt, sed execrandis artibus novas quotidie mixturas comminiscuntur, segnia venena exaltando, sicut, proh dolor, apud Veteres quoque in usu fuisse legimus, applicando activa passivis, & qualitatibus aut addendo, aut demendo, ut longo tempore post, signa illa & symptomata ulla vix se prodant. Nec enim (ut fieri solet iis qui forte improvide simplex aliquod venenum hauserint) semper animi & virium defectus, cordis angustia, vertigo, vomitus, torvus aspectus, aliaque similia subsequuntur, sicut quoque Galenus docet cap. vii. de locis affectis evenire. Quid? quod subinde vix ulla primis mensibus tristitia aut levissimum ægritudinis indicium in illis notetur. Donec tandem longo temporis intervallo, ungues & corporis extrema livere incipient. Aliquando nihil nisi post mortem exterius appetat prorsus, atque unum vel alterum viscus corruptum ac tabidum per anatomen se se offert. Cur, & quantum venena lateant, docet Thom. à Vega Com. in loc. Affect. Theophrast. l. ix. Imprimis Galen. de simpl. med. atque alii multi doctissimi Medico-philosophi. Adeo ut facile constet ratio, cur hostis ille infensus in corpore humano nec vincat nec vincatur, sed delitescat aliquandiu, donec oportuno tempore & loco se exerat paulatim, sicut seminale principium spontaneo ortu viventium. Vtinam Barbarorum nequitia numquam excogitasset tam perniciosos horum venenorū abusus, minorique solertia præparare novissent, ut ocios vel tardius operarentur! Nam licet ob majorem vel minorem subjecti resistentiam, ea arte concinnare illa nesciant, ut statta hora interimant: tamen ut experientia potius quam ratione constat, ignaviorem esse Cicutæ ac Opii operationem, quam Arsenici aut Sublimati: ita venena illi habent vel simplicia vel composita, quæ exhibita & admota, ad menses aliquot sepulta manebunt, antequam suas facultates exerant. Vnde liquet, venena haud una eademque ratione operari, neque recta ad cor semper ferri, sed eam partem maxime occupare, cum qua occulte inimicitiam exercent: Cum alias, teste Avicenna oporteret omnia venena esse frigida & sicca. Nam sicut Solanum & Hyoscyamus; ita quoque fel pisciuli *Guamaiacú* cum capite antipathiam habet. Fungi & succus *Manipuera* nervos infestant, spasmos convulsionesque mortiferas inducunt.

Supplicium quidam Barbari benefici subituri, mihi obnixe roganti; ut me horum arcanorum, priusquam è vita discederent, participem facerent, inviti pauciora quædam revelarunt, fassique sunt, impune non solum se hæc & similia beneficia exercere; sed & regium esse laudemque mereri inter suos, ingenii solertia excellere, novasque veneni miscelas excogitasse. Illi namque sagittas, vestes, cibos, & fructus crescentes, aquam & integros fluvios inficiunt, ut tardius & pedetentim, non statim homines extinguant. Ita ut rite collatis, animalium brutorum, cum sceleratorum hominum noxis in perniciem humani generis tendentibus, vix me contineam quin cum Plinio doloream; præparare se quidem animalia ad nocendum, sed nullum tamen eorum tela sua excepto homine, venenis tingere? Nos & sagittas inungimus, & ferro ipsi nocentius aliquid addimus! Nos & flumina inficimus, & rerum naturæ elementa. Ipsum quoque, quo vivitur, aërem in perniciem vertimus, nec ab ullo præter hominem, veneno pugnatum alieno. Ita ut merito in hominis inhumanitatem declamandi esset occasio, quia neque à malis boni tam queunt esse tuti, quam omnes homines ab omnibus serpentibus, quos in nos irruentes vel declinare vel interficere facilis, quam à venefico impostore sibi cavere.

Sic fellis Bufonis *Cururu*, & Vermiculorum ex venenato succo *Manipuera* pronatorum, herbarum denique *Tangaracá*, *Iuquiry'*, fructuum *Ahovai* & *Mucuná*, aliarumque multarum vires artificiose & variis modis ab illis intenduntur ac redunduntur. Ita ut in his ac similibus venenis, ad innatam abditamque eorum vim, occulta quædam mixtura accedat, ac proinde curationis aliquando sit exsors. Quapropter ipso Veneno, quo noxa est illata, incognito, partim ad communia antidota, pañim à Veteribus autoribus

ribus prodita, partim ad propria illa nativa, ab incolis primis celebrata, confugendum. Multa sane ad hanc doctrinam facientia desiderantur, ac fortasse semper desiderabuntur, invito sedulo ac indefesso occulta remedia investigandi studio, adversus tot abditas & tam malignas rerum qualitates, calamitoso generi humano infestas. Si vero contingat, signa venenorum calidorum & frigidorum, tum & obstruentium, suffocantium atque erodentium in ægris apparere, singulis statim qualitatibus sua opponenda esse remedia contraria nemo ignorat. Minus tamen consultum solis illis fidere; quia licet manifestarum qualitatum symptomata multa graviora videntur, aliis latenteribus, occulta tamen magis exitialia adeoque pluris facienda sunt.

## C V R V R V'.



propinan. Hinc faucium statim & gutturus inflammationes, siccitates, anhelitus, fœtores, singultus, vomitus, dysenteriæ, animi deliquia, oculorum caligines, convulsiones, deliria, ac pallores. Si remedio locus, corpus statim per superiora & inferiora evacuant & liberant à reliquiis veneni, exercitio, balneo, ægro in furnum calentem vel animal discissum imposito. Generalia alexipharmacæ, composita, per dies aliquot, juxta & *Tipioca*, tum radices nativas antidotales ex vino propinant. Præ cæteris vero herba *Nhambí*, quæ prærogativam à benigna natura videtur accepisse tam magno male adversam, exhibenda. Nam etiamsi Bufo hic tam perniciose turget veneno, non tamen ita invincibile est, ut suo contrario non cedat. Quippe cineres Tabaci, vel etiam solus succus *Nhambí* expressus & capiti vel dorso Bufonis (præsertim prius in terram fricato) instillatus, illum dicto citius interimit. Scelestissimi inter Barbaros, hujus Bufonis sub Sole suspensi bilem & spumam colligunt, eamque inter secretiora venena quæ lente occidunt, reservant.

Ranæ quoque dantur variæ, terrestres, & paludosæ, in arboribus quoque viventes, partim edules, partim, sicut in Europa, non edules. Quod etiam Plinius lib. xxxii. cap. v. de quibusdam Ranis testatur. Idem de mira linguis conformatione observavi, cuius Philosophus in Asia meminit; quod neque ut pisces eam totam cohærentem, neque ut serpentes totam solutam habeant.

Illa quæ *Cotorá* à Brasilianis nuncupatur, intus assumta, veneno est, quod supradictis remediis facile expellitur: forinsecus vero applicata & ex arte linimenti vel emplasti forma præparata, doloribus articulorum & membrorum ex frigore natis, medetur. Huc spectat illud Galeni quod l. de compos. medicamentor. de Rubetis testatum reliquit. Multi alii dantur Butones & Ranæ, quibus supercedeo, cum nihil in iis animadverte potui, quod ad rem nostram faciat, exceptis tamen illis quæ *Gija* Brasilianis dicitur, carnosæ, grandes, dorso nigricante, ventre albicante, quarum caro albicans bene sapit, imo diætam ægrorum imprimis Tabidorum ingreditur, quod boni sit nutrimenti & facilis digestionis.

Minime prætereundum volui, quod de eorum generatione mihi constat. Contingit enim subinde tempore imbrido, comitante suffocativo teperc Veris, corruptionem accelerante,

**I**n ter venena quæ deleteria potissimum vi pollent est bufo *Cururu*, Brasilianis, Lusitanis *cápo*; ab utraque parte excrescentias capitis habet, instar magnarum verrucarum, buccam inferiorem remissius movet terræ immundicie nutritur, est insignis & tumens, duploque Europæo major, cineriti vel spadiacei coloris, nimium notus, ac quovis modo vel mictu & saliva exteriorius, vel intus, longe quidem pejus, sanguine, adipe, imprimis felle assumto, inficit. Hos perditissimi Incolæ aliique eorum æmuli torrefactos in pulverem redigunt, & lethalia inde pocula conficiunt, ea que vel minima quantitate clam


celerante, ex unaquaque gutta aquæ crassæ, in momento quasi generari Busones, plus minus avellanæ magnitudinis, tot myriades simul, ut solum universum lateat sub iis. Indigenæ *Cucuruy'* appellant. Nec differunt ullo modo à cæteris Ranis vel Bufonibus ex coitu utriusque sexus natis. Plinius & Aristoteles aliique circa causas & modos generationis variant. Sed cum nunquam hujus subitæ generationis modum à quoquam supra recta ædium vel loca lithostrotæ visum autem: hic quoque eas non nisi ubi magna est copia pulveris terræ glebosæ ab imbribus imprægnati, generari constat.

## C A P V T X V I.

*Variæ species Guamaiacū venenatæ, cum Antidoto Aratū.*


**I**n terram immensas fluviorum & marium bestias nantes Americanas, quædam in totum edules, quædam parte aliqua vel externa, vel interna venenatæ habentur. Quod ut in aliis animantibus, ita in Serpentibus & quibusdam Piscibus evenit. Sicut enim Draco marinus in Europa, & *Vruti* in America solis spinis, Pastinaca solo radio, Iulides solo morsu venenum infundunt, aliis partibus sine pernicie edilibus: ita imprimis in his Piscibus *Guamaiacū* videre est, qui non minus externa facie, quam interna qualitate sunt admirabiles. Cæteris autem ejusdem speciei præeminet familia Rana piscatrix, Brasil. *Guamaiacū-atinga*, Lusitanis *Pexe Coelgo*, Belgis *Zee-Egel*/ omnibus merito Sufflator dicitur, quod mirum in modum ab aquis extractus ronchum quendam edat & ad orbis figuram se inflat, atque in momento intumescat ac detumescat. Ego inter Orbæ quoque numeraverim licet corpore appareat procero. Rictu est late diducto, Ranæ simili, ore edentulo, sed intus loco dentium duritie undiquaque obsoito. Oculis itidem maximis rotundis valde protuberantibus, cum circulis flavescentibus: Branchiis destituitur, quarum vices ab utroque latere foramen supplet satis amplum. Cute est grysea ex fusco maculata valde dura præsertim capit is, ubi testacea evadit, totque horridis spinis ossis ex albo flavescentibus undiquaque scatet, ut haud facile impune manibus tractetur, excepto infimo ventre, qui spinis non solum, sed omni duritie destituitur. Pinnæ sunt parvæ, numero quatuor, duæ post branchiales, duæ versus caudam oblongiores. Iuxta primas, maculæ insignes rotundæ, nigerrimæ, hinc inde diversæ magnitudinis sparsæ conspiciuntur.

Hujus Orbis sexum masculum à fœmineo facile est discernere, quod ille mole quidem minor, carne probatior, hæc major quidem, sed carne magis flaccida. Ventriculus in mare est satis capax, cum multis appendicibus & vasis gastricis. Intestina, ob insuetam hanc piscis figuram, in gyros composita more animalium terrestrium; quod rarissime in piscibus observavi. Mesenterii glandulæ lacteo humore refertæ. hepar ordinariæ magnitudinis & coloris, vesica renibus quasi annexa, juxta mentulam cavitas apparet in lactes desinens. Cor juxta mediastinum & branchias situm. Multum expetitur, & pro epulis, maximo interdum vitæ discrimine, ab imperita plebe apponitur, si folliculo fellis non probe liberetur. Intra horæ namque spatium, ejus particula vel ciceris magnitudine assumenta, tam horrenda symptomata infert, ut mox caligent oculi, mens vacillet, lingua tardescat, membrorum tremor, sudorque frigidus subsequatur, facultates omnes resolvantur & fileant, moxque veneno extinguantur. Sed benigna natura, præsens ac facile remedium huic calamitati opposuit. Cum prædicti enim Orbæ *Guamaiacū* juxta fluviorum ostia, ubi paludes & stagnantia loca singulis æstibus inundantur, sedem figant, iisdem quoque locis plurima Cancrorum genera vivunt & arbusta habitant paludosæ. Quos inter non ita magni reperiuntur, quadratae figurae, in arborum truncis latitantes, ut Ostreis & Mytilis insidentur. Qui multiplici ac



## G V L I E L M I P I S O N I S


A R A T V.



variegato colore, albo, rubro, violacco, chelis æqualibus armati, crura pilis nigricantibus habent vestita. Hos *Aratv.* appellant Brasiliiani. Ex his unus contusus, & ex vino citra moran, assumto veneno (nam ante horas quinque vel sex lethum sæpe infert) propinatus, per vomitum virus exturbat, qualitateque occulta malo validissimo resistit. Præmisitis specialibus, communia quoque præsidia superius tradita non negligenda, ut sunt *Tipioca de Mandihóca*, radices *Iaborandi*, *Ipepacuáha*, *Caiapiá*, *Vrucú*, aliaque similia remedia quæ necessitas excogitavit.


Nec forte natura differt hic Cancer Brasiliensis ab illo, de quo Galenus in libro simplicium contra Pelopem præceptorem suum contendit, Cancrum rabiosis conferre, occulta, non manifesta qualitate. Plinius lib. ix. cap. 31. eos Serpentum iætibus mederi dicit. Et imprimis illud lib. v. cap. 32. Cancri fluviatiles triti potique ex aqua recentes, contra omnia venena prosunt. Morsiš vero à cane rabido, item Phalangio, Scorpio, aliisque venenatis, prodesse etiam apud Aristotelem legere est lib. 1x. cap. v. Dioscoridem lib. 11. cap. 12. & Galenum lib. 1x. de simplicium medicamentorum facultatibus; Aëtium lib. v 1. cap. 24. Æginetam lib. v. cap. 3.

G V A M A I A C V - G V A R A.



ris, intermixtis maculis nigris. Totum corpus, excepto ventre, adeo aculeis acutis horret indiscretæ magnitudinis, ut intractabile sit, singuli tribus insertionibus, quasi triquetris, cuti infixi. Oculis est magnis admodum, prominentibus, quorum circuli circumdati quoque aculis satis acutis. Ore exiguo, edentulo, rotundo. More aliorum Orbium se inflare & in momento considere facit. Stridorem per os edit inconcinnum. Quatuor habet pinnas. Si quis inflationem desiderat, pinnam dorsalem vellicare oportet. Noxam fere eandem infert fel illius, ut præcedentis, sed multo remissius; ac proinde facile eisdem remedii ut supra curatur. Viscera porro ejusdem naturæ & conformatioonis cum præcedentis inveni; adeo ut vix inter se discrepant.

G V A M A I A C V - A P E.




Tertius denique, *Guamaiacu-apé* Brasiliensibus, ejusdem quidem generis, non tamen orbicularis, sed potius triangularis, à squamis quoque ut cæteri nudus, verum quasi

**A**lius datur *Guamaiacu-guara* dictus, priori multum similis. Lusitanis *Peixe Porco & Diabe*. Orbis est species, & muricatus Orbis Gesneri dici potest, quia aculei ipsius referunt mures. Corpore est magis rotundo quam præcedens *Guamaiacu*. Squamarum loco, tegitur cute, ex fusco viridis & albescens colo-

quasi scutiferus & loricatus. Duo sunt diversæ speciei ejusdem nominis, quorum alter cornutus, hic noster cornibus destitutus. Per totum corpus excepto ventre sexangularibus figuris insignitus, cum innumeris exiguis tuberculis. Colore est ex flavo cinereo, in gibbum arcuato. Ore exiguo in utraque mandibula dentato. Oculis amplis. Pinnas habet quinque haud magnas, præter has sexta est, quæ caudam facit validam, satis longam & late diductam.

Ab ingentibus piscibus rapinis aliquando devoratur, & integer adhuc ex eorum ventriculo eximitur, postquam hostes suos à quibus deglutitus fuerit, suis aculeis interficerit. Tantæ denique est malignitatis caro, ut si immediate à coctione comedatur, mentem turbet, ebriisque & phreneticis similes eos efficiat. Quod omnibus simul illam prandentibus contigisse memini, & vix post quatriduum sumptis alexipharmacis supra enarratis convaluerunt. Simile quid observavit domesticus meus in pisce *Guamaiacu*, qui ab alio pisce antea deglutitus fuerat. Sin vero coctus per integrum noctem servetur, tuto apponitur, sed paucæ est carnis atque intus fere cavus, solam spinam habens secundum longitudinem, cui per membranas intestina adhærent.

## PIRAQUE.



**P**iraque ejusdem fere est efficacæ ut *Guamaiacu* præcedens, Lusitanis improprie *Peixe-viola* dictus. totus piscis est cartilagineus, non squamatus sed mollis, latus non crassus. Caret branchiis. Recens transparens fere est luci obversus. Caput etiam noctu lucent, desinens in coni figuram. Vtrique oculo posterius fistula apposita est, per quam aquam evomit. Sub oculis autem in inferiori corporis parte, os habet edentulum cum quinque incisuris utriusque lateris instar Raiarum & Tiburonum. coloris est in ventre incarnati cum albo mixti. in dorso fuscis maculis, cum punctis ex albo cærulecentibus variegatur.

Caro ejus non est vesca, sed si per dolum aut inscitiam comedatur, infatuat per aliquot dies. Attactus, mediante licet baculo oblongo, crepitum articulorum causat, qui tamen brevi cessat; & si in medio tangatur, artuum tremorem efficit. Capiatur mensibus pluviis in fluviis in comitatu Raiarum & Pastinacarum, cum quarum puncturis ex parte convenit, atque eodem modo curatur, sicut videre est in tractatu de venenatis Raiis.

## CAPUT XVII.

*Diversæ species Tangaracæ venenatae, Caaeo sive Herbae castæ duæ, & Manipuera sive Succus Mandiocæ.*

**L**usitani omnes has herbas *Tangaracá*, ab indigenis æque ac advenis detestabiles habitas, uno nomine *Ervas do Ratto*, merito appellant, quod facultate singulari deleteria polleant, & homines æque ac bestias interimant. Tres earum species mihi innotuerunt in triviis nimis obviæ: quæ licet floribus & fructibus inter se differant; ligno tamen, foliis, natali solo, & qualitate virulenta convenient.

Prima, quæ omnium maxime noxia, frutex est ligno lento, cui ramuli sibi oppositi, atque his denuo duo vel tria semper sibi opposita adnascuntur folia oblonga, primo læte, mox dilute viridia, eminentibus nervis & costis conspicua. In summitati-

## GVLIELMI PISONIS

## TANGARACA I.



bus ramorum tenues pediculi oblongi, crocei coloris enascuntur, unde spicæ, ex multis floribus longis umbellatim positis constantes emanant. Quem fructum producat, nondum mihi datum fuit observare. Flores non solum & folia, sed oculi imprimis erumpentes, summo turgent veneno, qui recentes, vel exsiccati, per incuriam, vel per dolum gustati, præsentissimo sunt veneno. Radix vero mox exhibita, tutum apud Incolas habetur antidotum.


## TANGARACA II.



**S**ecunda paulo excelsior frutex, ramulis & foliis binis sibi directe oppositis, primæ *Tangaraca* non dissimilis quodad figuram, sed cortice magis cinereo, foliis superne sature viridibus ubi adoleverint, inferne canescensibus, quasi leni hirsutie præditis. In ramorum summitatibus flores primo aurei coloris stellares, mox ex brunno purpurascentes. Folia eorum exteriora, interioribus multo majora & expansa. Medium seu totum spatium florum, more holoserici est plenum, constans foliolis parvis, primo lâte, mox triste purpureis, instar florum *Scabiosæ* peregrinæ. Ex horum medio prodit bacca *Rubo silvestri* haud dissimilis, cærulea, quasi gemma *Turcois* flori esset imposita, quæ summa venenositate inter omnes *Tangaracas* primatum facile tenet. Proinde florem qua erat magnitudine, separatim apponi jussi, ut ex hac iconè liquet.

Tertia

## T A N G A R A C A' III.




**T**ertia est planta fruticescens, radice crassa, foliis, nunc alternatim, nunc sibi directe oppositis, cæterum crassioribus & rotundioribus quam priores *Tangaracæ*. In extremitatibus ramorum pediculi longi, ex quibus flosculi umbellati producuntur; primo albantes, mox aureo colore nitescentes. Vnde advenæ ignari gratoque illecti colore, temeritatis suæ nimis magnas pœnas aliquando dederunt, modo eos olfecerint & trahant.

An plures dentur *Tangaracá*, mihi nondum constitit. In harum trium foliis, floribus, & seminibus, tam alte posita est deleteria vis, licet gradu differat, ut vel ex levissimo eorum gustu corpus intumescat, mens turbetur, oculi incipient caligare, vertigines, animique deliquia oboriantur, denique mors ipsa sequatur, nisi quantocius præsentissimo remedio obviam eatur. Reliquis Antidotis merito præferuntur radices illæ decantatæ *Ipecacuanha* & *Caapia*, quod cum antidotali efficacia, simul emetica vi pollent, ut suo loco probavi; his succedunt radices *Iaborandi* & *Iambu*. Aliqui exercitatores rutissimum existimant, ipsi radici *Tangaracæ* se fidere, quam miro ac felici cum successu indiscreta quantitate exhibent. Quasi benigna mater natura facultatem non minus salutiferam quam mortiferam eidem plantæ indidisset. Condonandum facile Barbaris Empiricis, si non certæ dosi medicamentorum, imprimis vero Alexipharmacorum, nitantur: tutius enim multo judicant, excessu quam defectu peccare, ne forte antidoti inopia à veneni copia vincatur, sicut aliquando se observasse mihi testati sunt.

**E**ximiæ illæ herbæ *Castæ* sive *Mimosæ* à Clusio, aliisque Exoticorum consultis descripæ, quarum figuram & faciem quoque ego cum D. Markgravio meo in historia naturali prolixe explicavimus, sed à nemine adhuc, quod sciam, carum qualitates bonæ vel malæ explicatæ.

## C A A E O I.



## C A A E O II.



Primo quidem, folia in pulverem redacta, & exigua quantitate aliquoties exhibita, clam exitium hominibus inferunt, pecoribus alimentalia existunt. Idque præsertim de prima specie dictum volo.

Secundo, radices earum non minus tutum præstant Antidotum, quam folia pernicioſo turgent veneno, si multum & ſæpe in uſum adhibeantur, ut liceat dicere vulnératis :

*Qui mihi vulnera fecit,  
Solus Achilleo tollere more potest.*

Providi

Providi autem est Medici in hoc & simili casu, præter specifica ad generalia quoque confugere alexipharmacæ, sive exotica, sive domestica. Præsertim ad omnia illa supra in eodem capite sub titulo veneni *Tangaracá* enarrata, & sub titulo *Manipueræ* mox explicanda. Tum, quod scelerati homines hæc & similia venena, varie componant & clam cibis immisceant; tum quod subinde in principio vix quicquam evidenter ac signis præviis appareat, sed sensim vitam depopuletur. Quippe non solum pro subjecti resistentia, sed veneni quoque miscela & quantitate, tardius vel citius vitam depascitur hæc herba, ut cacheoticæ, anhelosæ, tristes incedant, donec tandem vita defungantur. Memini enim sceleratissimos veneficos, tantillum pulveris foliorum exsiccatorum, fistulæ clam Peto inditum simul sociis propinasse, nullamque exinde longo temporis spatio noxam eos persentiisse: nihilominus tamen, nullo licet accedente evidenti effectu, tandem emaciatos mortem obiisse.

**C**Vm in tractatu de *Mandihocæ* radicis vi alimentosa specifice, atque ex professo; de medica vero & venenosa qualitate egerim tantum transitorie & in genere, ordo nunc postulat, non intactum reliquissime venenum tam familiare ne dicam domesticum, *Manipueram*, id est, succum altilis & familiarissimæ nostræ radicis *Mandihocæ*, qui potatus vehementer inflat corpus, ventriculum afficit dolore, cum ruetu, nausea & Tenesmo: hinc mox oculi obfuscantur, vertigines, perpetuique dolores capitis accedunt, tandemque extreorum frigus, animi deliquium, & ipsa mors succedit. Quapropter famulis hanc radicem præparantibus, ne à noxiis vaporibus inficiantur, flores *Nhambi* & radices *Vrucū* esculentis & potulentis admiscere necesse est, ad munendum cor, & ventriculum. Sed diabolici venefici tam præsenti veneno non contepti, ex succo hoc, studio reservato usque ad totalem ejus putredinem, altiorum corruptionis gradum ex vermiculis inde pronascentibus (qui *Tapuru* ipsis dicuntur) querunt, iisque in pulvrem redactis, hominibus pro libitu insidiantur, ita ut, exigua licet quantitate, vitam certissime & citissime adimat, si simplex exhibetur; si vero compositum & viribus imminutis, (quod potissimum pulvere herbæ *Caapéba* & *Nhambi* fieri solet) longo post tempore, ne nefanda sclera in publicum prodeant, misere interimat. Multa quidem remedia contra hoc malum excogitata, omnium tamen præstantissima sunt, quæ ipso statim principio morbi, per vomitoria instituuntur. Horum *Ipesacuanha* & *Caiapiá* facile præcipua sunt, quod alexiteria & vomitiva vi simul polleant. Clysteres veneno frigido resistentes, ac flatus tetros discutentes, mox succedant, eosque *Tipioca* & radix *Iaborandi* imprimis ingrediatur, quorum antidotalis vis alte posita est à Natura. Posthæc præter *Diascordium* & *Theriacam*, malum per sudores & urinas eduentia, familiaria præsidia sunt, radices de *Capiipuba*, *Aguaxima*, *Caca-*

### MANIPUERA sive succus MANDIHOCAE.



*pomonga, Nhambi, Iacapé, Iarupeba, Vrucú, Caapéba.* Adhæc radix, & præsertim succus fructus *Ananas*, largiter & crebro haustus, cum tantillo succi Limonum recentium. Notandum, quod succus *Manipuera* adeo venenosus est, ut, si crudus assumatur, statim enecet; si vero percoquatur, nutritius fiat, quum tamen omnium venenorū, tam frigidorum quam calidorum, innata potentia à calore in actum producta, celerius atque validius cor petat. Sed ratio est, quod sicut ipsa radix *Mandiboca* diversis & contrariis gaudet qualitatibus: ita liquor ejus partibus plurimum inter se diversis constat: quarum prior subtilis & vaporosa, atque veneni illius compos, ebullitione exhalat: altera crassa, dulcis & naturæ nostræ amica remanet.

## C A P V T X V I I I.

*Araticu-paná, Mucuna - quaçu & mirí, Aboay,  
& Carapucu sive Fungi.*

**A**Ctum agerem, si pensiculatim denuo Arboris *Araticu-paná* partes describerem; cum illius figura & crescendi modus in tractatu de simplicibus satis superque graphicè depicta sit. Quamobrem pauca, eaque verissima, utpote longo usu comprobata, de Fructu solo addenda putavi, ne huic tractatui de venenis quicquam deasset. Cum enim magna advenarum multitudo, rerum novitate allecta, fructus quoque omnes *Araticu* legere amat, cumque iis qui *Araticuponhe* dicti, his *Araticu-paná* sine delectu promiscue vesci cogitent, pessime sanitati consulunt, dum sese iis ingurgitando, nimio frigore calorem naturalem opprimunt, unde eadem ventris symptoma excitantur, quæ venena, manifesto & occulto frigore efficacia, movere solent. Quamobrem cum nihil ulterius de hoc fructu dicendum restat, quod in præcedentibus sit intactum, iisdemque remediis ejus malignitati succurratur, quibus Fungorum & *Manipuera*


inoxæ qualitates expugnantur, lectorem eo remitto, atque ad alia transeo.

**C**Vm ad examen revocarem eximias has & undiquaque luxuriantes herbas & arbores fabiferas *Mucuná* dictas, dubitavi, noxiarumne eas an proficuarum plantarum catalogo ascriberem, quum illarum lobi utriusque qualitatis participant: attamen cum



cum mihi aliquique rei medicæ peritis plus inde mali quam boni haætenuis redundarit,  
Venenatis infondere malui.


## MVCVN A'-GVAÇV.



Hæc itaque *Mucuná-guaçu* in tanta piforum fabarumque silvestrium varietate, cæteris pulchritudine & magnitudine facile præcellit. Crescit ex arbore quæ ejusdem est nominis. Faba autem hæc nigræ pelle lapidis fere duritiæ, pilis flavis molliter est vestita, manum longa, & tres digitos lata. Vi effracta, pulcherrimi globuli, interstitiis divisi, exinde prodeunt, tres quatuorve, punicei & rubri coloris, rotundi, læves, magno hilo, qui, si in aqua macerentur, vim noxiæ ex parte deponunt, & cum *Tipioca de Mandiboca* præparati Barbares edules fiunt. Ita ut venenata eorum qualitas, non usque adeo alte posita à natura videatur, quin retundi se patiantur à correctorio convenienti. Quippe cum interior fabæ substantia acris sit & mordicans, viscera vellicet, & usque adeo corpus turbet, ut vomitus violentus & alvus moveatur; refrigerans & demulcens alimentum hoc medicamentosum ex *Tipioca* factum, cæteris Antidotis præferri solet.

**S**ecunda *Mucuná* præcedenti longe inferior, forma & figura imbellis appetat. Interioris substantiæ qualitates cum præcedenti *Mucuná* convenire perhibent, sed mihi incomptæ, non autem exteriores. Quippe nobis per resqua vi viam facientibus laborum setæ pungentes faciem & manus usque adeo infiebant, ut ardentissimas pustulas excitarent, quæ vel optimis succis anodynîs & refrigerantibus, ultra octiduum adhibitis, vix cedeabant. Caule crasso, farmentoso, admodum

## MVCVN A'.




lento

lento & tenaci, altissimarum arborum ramis se implicat. Tria ubique folia in unoquoque pediculo opposita habet, quæ eminentibus sunt nervis, cæterum saturate superius virent, inferius alblicant, & subtilissima lanugine ad tactum sericum æquant. In pediculis superioribus plurimi flavi pentaphylli inodori proveniunt flores juxtae positi, figura siliquarum Pisi apertarum. Eminet in medio stamen fistulosum pallidum, superius multipliciter divisum in fila, quorum quodlibet apicem habet fuscum.

Flores sequuntur siliquæ, longæ, exterius ex rufo rugosæ, quæ non solum adhaerent, sed & pungunt, cum doloroso pruritu; siliquæ maturæ exterius nigrescunt & sponte dissiliunt: interior earum superficies est instar matris perlarum, alba, splendida: in qualibet continentur ut plurimum tres phaseoli orbiculares, compressi, coloris luridi, cum semilunari macula nigra in uno latere.

## A H O A Y.



Duplicem datur *Ahoay* arbor; altera *Ahoay-guaçu*, sive major, altera *Ahoay-miri*, seu minor, dicta. Propter arboris non solum, sed & fructuum quoque magnitudinem, differunt. Quippe hæc posterior vix nucem avellanam, cui multum similis est, adæquat: illa plus quam castaneæ magnitudre pinis nuces profert, ut appareat ex triangulari hoc fructu in arboendenti. In dissitis tantum nemoribus utraque hæc reperitur. Folia habet ternos vel quaternos digitos longa, duos lata, Mali nostratis non absimilia, toto anno virentia. Cortice candicante. Ramus amputatus succum emitit album & quasi lactetum, adeoque teter tunc spargitur odor ligni, ut ne igni quidem struendo idoneum habeatur, ac proinde à Barbaris numquam ad pyras suas usurpatum videtur. Vtriusque arboris fructus monstrare, toties negarunt Barbari,

Barbari, præmetu ne aliquando in illos hæc cuderetur faba. Cum enim præsentius venenum, quam nucleus prædicti fructus, ab illis nondum sit inventum, id secretum sibi servandum arbitrantur, ut tuto beneficia sua diabolica exerceant. Nucleos enim illi in pulverem redactos, variis dolis & technis præparant, & clam ciborum obsoniis vel Nicotianæ immiscent, ut ocius vel tardius vires exerceant. Scrupuli enim plus minusve quantitas ore assunta, graviora facile symptomata, quam ab aliis ullis venenis illata, inducit. Quibus specificum antidotum ad hæc usque tempora nondum est inventum; quamobrem mortem quanto cius adfert, si generalia & communia alexipharmacæ nihil prosint. Horum fructuum putamina, durissima sunt & tinnula, quare ab illis tintinnabulorum vice usurpantur, & brachiis pedibusque circa talos in saltationibus potissimum circumdantur ornatus gratia.

## CARAPVCV' sive FUNGI.

**N**Ovem Fungorum species diversis nominibus sunt distinctæ, sicut alibi traditum est, quos omnes generali nomine *Carapucū* nominant. Horum quoque in hoc Americæ tractu, sicut in Europa, alii venenati, qui confracti, varii sunt coloris, lividi & cæsi, ex sterquiliniis lignoque putrido protuberantes; alii edules, ac copia tantum nocere dicuntur. Forte quod in pratis prima æstate nascantur, ad illud Horatii:

— *Pratesibus optima fungis*  
Natura est, aliis male creditur. —


Hinc, puto, isti sales Iuvenalis & Martialis, alludentes ad Boletos sive Fungos illos qui temere manduntur. Evidem, si me audias, cavendum sedulo, ab omnibus quovis cunque modo hic natis Fungis. Ob regionis enim temperiem calidam & humidam, noctium quoque frigus & vapores venenatos, tot denique venenata & infidiosa. Infecta, minus tuti judicari debent, quam in aliis regionibus, ubi usque adeo divitum moroso palato arrident, ut eos in mortis discrimen saepius adducant. Quæ enim voluptas tanta ancipitis cibi; cum ne merentur quidem inter rusticas dapes recenseri; Etiam si vel Athenæi, vel ipsius Apitii apparatu exhibeantur? Inter illos, pejores qui sunt, singulum excitant, intestina exulcerant, corpori ac faciei inducunt pallorem, urinam remorantur, arterias intercipiunt: ad hæc frigus, tremorem, sudorem frigidum, mortem denique afferunt. Præter communia alexipharmacæ calidiora, eximium & præsens Natura produxit Antidotum, nimirum succos herbæ *Nhambú*, & radicum *Iaborandi*, de quibus suo loco, qui sudores & urinas cunctantes provocant, & calorem nativum suffocatum à frigido malignoque vapore vindicant: imo desperatos revocant à letho, si statim à sumto veneno, succus illarum ex haustu vini exhibeatur.

## C A P V T X I X.

*Nhambú*, *Caapiá*, *Caaçica* sive *Herba Colubrina*, *Iaborandi*,  
& *Caapéba* sive *Convolvulus Colubrinus*.

**N**on actum videbor egisse, si Herbas quasdam, antea in l. 4 Simplicium descriptras, huc denuo adduxero, cum nunc ordo postulet, proprietates earum specificas & antidotaes; non vero primas & secundas illas manifestas qualitates tractare. Has inter nobilis herba *Nhambú*, primatum facile tenet. Quæ quidem se exserit non solita aliqua sensuali per vomitum vel sudores vel urinas operatione, sed occulta quadam efficacia; quippe, præter calidam & aromaticam vim, quam fatis intenso gradu continet, venena frigida intus assunta, & *Araiticu-paná*, *Mucuná*, fungos, & luc-






& succos *Mandibocæ* venenatos, & similia retundit; præ cæteris autem adeo contrariaatur veneno Bufonis, ut non solum fellis assumti vim deleteriam vincat; sed ipsos Bufo-nes vivos pulvere vel succo ejus aspersos, enecet in instanti. Quapropter non tantum ii qui suïpicantur, se venenum aliquod hausisse, sibi hac Panacea provident, sed ad eam quoque tanquam ad sacram anchoram confugiunt illi qui beneficia clandestina alicuius inimici extimescunt, eaque vel sola in pulte quæ *Carima* dicitur, vel acetariis mixta, sæpe multumque utuntur. Ita ut, si quoquam Alexipharmaco se præservare & munire posse autument, huic antidoto passim se fidant, contra obvia quævis venena, vel arte per insidias parata.

**D**Væ herbæ Antidotales nomen *Ipecacuâhba* sibi vendicant, quarum prior, ob evidenter vim emeticam, ut præcedenti Libro prolixè docui: posterior vero hæc quæ *Caapiá*


*Chapia* vulgo nomen audit, ob alexiterias virtutes magis celebres, proinde quod qualemcumque venenum assumtum, antequam ex ventriculo & primis viis ad penetralia corporis permeaverit, per vomitum benigne ejiciat, si duæ circiter drachmæ ex liquore convenienti maceratae propinentur: mox secundum ejus infusum, vel solum vel cum radice *Iaborandi* mixtum superadditur, non quidem ad vomitum, sed ad urinas & sudores concitandos. Ita ut in hac nobilissima planta diversæ qualitates se prodant, utræque quidem veneno exturbando dicatae, sed ita tamen, ut hæ posteriores altius positæ, tum demum se videantur manifestare, cum emeticæ facultates post primam præparationem & mace rationem evanuerint.

## CAAPIA.




CAAÇICA sive Herba COLUBRINA.


**T**ertia antidotalis planta, quæ *Caaçica* dicitur, adeo indigenis ac advenis accepta, ut providi peregrinatores se vix silvis committant, quin insignem hanc herbam, vel ejus succum expressum circumferant, non adeo quidem contra omnis generis venena, quam quidem Serpentum qualia cunque vulnera inficta, tum applicandum, tum assumendum. Vnde non immerito *Ervæ de Cobras* nomen vulgo audit. Memini, Æthiopes ab *Ibibobóca* Serpente misere sauciatos, vix quicquam ex alio remedio levaminis sentiisse, quam ex largiori haustu propinati liquoris, nullo alio accedente medicamine. Succus ejus est lactescens gustuque acris & ingratus, nulla manifesta operatione veneni viator evadit, sed specifica & occulta vi in instanti dolores sedat & virus obtundit, imprimis si eadem herba contusa, & cataplasmatis modo præparata, vulneri simul applicetur.



## I A B O R A N D I .



C A A P E ' B A , sive Convolutus C O L V B R I N V S .



titate propinetur, atque simul extus applicetur. Nulla interim subsequente manifesta evacuatione, neque per vomitum, neque per sudores, neque per aliam aliquam viam, quantum assequi potui.

Licet autem ab Angium aliorumque Reptilium & Insectorum venenatorum ictibus & morsibus tantum curandis videatur bene audire hujus Convoluti succus, qui amaro sapore caloris prædominium, quod ad manifestas qualitates, præse fert; venenis tamen supra enarratis frigidis, quoque contrariari compéri, testantibus id mecum exercitatissimis Empiricis.

**I**n tractatu Simplicium quatuor species radicum *laborandi*, eorum que usum medicum, quem compertum habeo, exposui; hoc autem loco primam tantum speciem utpote efficacissimam & maxime usualem, atque obviam, tristandam suscepit, licet ceteræ quoque dignitatibus alexiteriis non destitutæ sint. Hæc itaque, non, ut ceteræ, fruticescens, ad duarum palmarum altitudinem erigitur; primo gustu aromatica, & acris pyretri æmula, mox subtilissime faves & pectus pervadit, adeoque contra malignos humores & flatus se exerit, ut venena, licet à multo tempore jam assumenta, à corderepellat versus superficiem corporis, serofosque imprimis humores per sudores & urinas copiose ejiciat, unde spiritus vitales à tetris fuliginibus liberati refocillantur. Atque hæc omnia cum feliciori successu instituuntur contra venena frigida, ut sunt Fungi, & succus ille venenatus radicis *Manz dihocæ*, & si quæ sunt alia ejusdem farinæ venena supra enarrata.

**S**i ulli plantæ appropriatum nomen, huic sane sarmentosæ Clematiti Lusitanæ indiderunt, eam *çipó de Cobras* sive *Convolutum colubrinum*, ab insigni efficacia antidotali Serpentibus inimica, nominantes. Radix & que ac folia in Medicina celebratissima; eo tamen discrimine, ut radices, imprimis illæ quæ jam plane adoleverunt, humoribus serosis movendis, & calculis frangendis dicatae; quæ vero primo natæ frondes & sarmen-  
ta, morsibus Serpentum medeantur, si semel atque iterum eorum succus, recen-  
ter expressus indiscreta quan-

C A-

## C A P V T . X X .

*Limonia Malus Americana, Antidotalis.*

**A**ntequam Vegetabilibus Antidotibüs, in hac Americæ parte familiaribus, finem imponam, ex re fore putavi, Mali Limoniæ usus Medicos peculiares, ejusque in Indiis necessitates edocuisse. Cum supra in tractatu de Morbis Endemias vulgationes utilitates Citreorum, Limoniorum, & Arantiorum (quæ communi, nomine, propter vires & dignitates sibi admodum similes, Mala Medica recte dixerunt autores) in commodum medentium & delicias ægrotantium perstrinxerim; nunc occultiores & minus obviæ quoque qualitates, quoisque ab Empiricis Indigenis, atque propria experientia mihi innotuerunt, exponendæ restant. Ut enim rudior antiquitas, spreta corticum & seminum amaritudine medullæque acore, frondes, flores, & fructus, tantummodo ad oculorum & narum delicias olim asservarunt, mox eductiores, mediante sedula cultura & mitiori terræ genio, pro esculentis medicamentosis eos usurparunt. Tandem benefica Medicarum Malorum vis & multiplex utilitas paulatim operuditæ industriæ compertior, quotidianoque experimento per seculorum gradus proficiente, virtus contra venenum efficax primum in Africa & Ægypto detecta, mox in Europa atque Indiarum quoque Regionibus confirmata fuit, testantibus id passim præter me veteribus ac neotericis exoticorum fruticum scriptoribus.

Licet vero pleraque ex hoc novo Orbe huc allegata, experientia potius quam auctoritate aliorum niti velim, tamen non pœnitabit, unum atque alterum ex multis allegasse in laudes Limonum. quibus confirmatur, eos ante cibum degustatos, à putredine ac venenis ipsis præservare, atque subinde ab assumto veneno vindicare. Athenæus ætate sua in Ægypto eorum vim compertam sic narrat. Sumptum Citreum ante cibum quemlibet, (sive is humidus sit, sive siccus) venenis omnibus resistere ex cive meo didici, cui fuerat Ægypti administratio demandata. Quosdam hic facinorosos homines Alexandrino more ad Serpentum morsus damnaverat. Illis ad locum sicariorum suppicio destinatum procedentibus, muliercula quædam cauponis uxor in ipsa via, quod in manibus forte habebat, admordebatque, Malum Citreum, miserata porrexit. Pomo illi commanducato, ingentibus ac sævissimis Anguibus objecti, citra novam venenatos ictsus excepere. Attonitus rei novitate judex, ab eo, qui custodiebat, milite quæsivit, an antidotum aliquod prægustassent? à quo certior factus, absque dolo malo Citreum illis fuisse datum; jussit, postridie alteri tantum dari: deinde utrumque Anguibus objici. Ex quo factum est, ut Citreo pastus, sospes evaserit; alter illico expiravit. Exinde crebra experimenta fidem fecere certissimam, venenis Citrea & Limonia omnibus adversari. Accedit quod pomi ejusdem singula membra salubri tempeste sic invicem discrepant, ut varios consanare morbos possint, & contra ipsa venena in unam coalescere Medicinam. Quos usus Plinius compendiose & ingeniose exprimit, Citrea, contra venena in vino bibuntur, vel ipsa, vel semen. Virgilius quoque, Homericum imitatus, luculentis versibus per longam periphrasim eorum dotes exprimit:

*Media fert tristes succos, tardumque saporem  
Felicitas Malis, quo non præsentius ullum,  
Pocula si quando sœva infecere novercæ,  
Miscueruntque herbas & non innoxia verba;  
Auxilium venit, ac membris agit atra venena.  
Ipsa ingens arbor, faciemque simillima Lauro,  
Et, si non alium late jactaret odorem,  
Laurus erat, folia haud ullis labentia ventis.  
Flos apprima tenax, animas & olentia Medi  
Ora sovent illo, & senibus medicantur anhelis.*

Extra instituti limites esset, me autorum discrepantibus opinionibus involvere, circa diversas partium qualitates in hac arbore ejusque fructu contentarum; folia enim, flores, medulla, semen, & cortex fructuum ac radices in medicinam receptæ, frequentissimi usus existunt, atque licet gradu dignitatis, tum & primis secundisque qualitatibus in-

ter se discrepent; tamen semen & medulla inter omnes arboris partes, quod ad qualitates specificas & alexipharmacas, primatum obtinent. Imo peritissimi nonnulli Indiarum Orientalium & Occidentalium medicastri, præter vulgares illas toti Orbis celeberrimas Limonum & Citreorum vires, quas quoque perpetuo commendabiles habent, plus præsidii in duabus his Limonum partibus ponunt contra malignos morbos & pestilentes febres, atque ipsa denique venena, quam in Lapide Bezoardico & fastidiosa Theriacæ compositione. Quasi his arboribus Medicis, non magis patria quam salubritas, Medicæ nomen fecisse videretur. Quæ omnes ut olim in Hispaniam & Italiam, sic quoque in Indias Occidentales translatæ, &, licet illic per infestationes aliaque naturæ adulteria hortenses, hic vero in America etiam nunc minus exultæ sint, tamen ob calores Solis perpetuos & soli hujus genium, Europæis sativis, si non præstantiores, saltem pares existunt, adeoque sponte in silvis sata stercoribus avicularum deposita luxuriant, ut ob nimiam ubertatem vilescant. Quippe toto anno ver, æstas, & autumnus in iis conspici datur, quod una eademque arbor, flores fragrantes, fructus virescentes & flavescentes assidua oculorum & narum ac oris oblectamenta ostentat. Vnde variæ compositiones, Iulapia refrigerantia, Condituræ, imo Extracta Chy-

LIMONIA Malus AMERICANA, Antidotalis.



mica, quas quintas essentias vocant, ab industrioribus incolis nunquam non parantur. Quos ego in hac Indiarum Occidentali parte imitatus, sine jactantia affirmare ausim, me ex nullo alio aliquo remedio simplici tot felices in tota praxi observasse effectus, quam ex supra enarratis Citrei & Limonii arboribus. Cum enim succus frigidus & intense acidus, ab advenis & indigenis aliquando male usurpatur in senum vel puerorum frigidis, sive pectoris, sive nervorum, sive intestinorum, affectibus, tunc flores, semina, & cortices ipsius fructus medelam isti malo quantocius conciliant; imo, quid si hæc non sufficient, eorum, ut & primarum frondium, olea destillata vices supplerent,

plent, urinas vel sudores egregie protrudentes. Mitto quod ipsi radicum cortices, calidarum & tenuium adeo partium à me deprehensi sint, ut multos viscerum, à jecoris imprimis & renum, obstructionibus vindicaverint. Quod quidem potissimum de radicibus Mali Limoniæ, cuius iconem solam exhibeo, dictum volo, ejusque descriptionem nunc speciatim aggredior; cum haec tenus in genere malis Medicis earumque virtutibus inhæserim.

Non male equidem scriptores natale solum & naturam Limonii cum Citreo communem attribuisse visi sunt mihi, quum circa præcipuas earum vires haud multum inter se discrepent; (exceptis dulcibus illis Limoniis minus usualibus in Medicina) nisi quod pusillus hic Limon agrestis, quantum visus, odoris & saporis lenociniis majoribus illis hortensibus cedat, tantum eos proprietatibus medicis facile superet.

Arbor est Pruni figuræ & proceritatis, caudice fature cinereo, ramis spiniferis, foliis laureis sed minutioribus & dilutioribus, separatim hinc inde positis, cum appendicibus juxta pediculum, Aurantiæ more densissima frutatione luxuriantibus, perpetuis floribus, obsoleto candore albicantibus, & Lilium convallium nonnihil redolentibus, fœcunditatisque munere assidue nullo non mense conspicua qui primo nascitur Limon, à spinis maternis spineolus, & ab acutissimo sapore palatum vellicante, Irritator appetentia merito dicitur. In ipsa enim viriditate præmaturus ac tempestivus ad obsonia & medicamina, magnitudinis est nucis juglandis, sed figura magis sphærica, in papillam exiguum desinente, tenuissima, viridi, & laevi cute obducta, nulla carne, sed sola medulla, acida, subviridi, turgida, denis duodenisque intermediis membranulis pariter disperita, & nonnullo semine grava. Radix arboris est tenuis, ex fusco flavescenti, calida, sicca, amara & acris tenuiumque partium, ac proinde inter aperientes & diureticas celebris. Porro Limon hic noster sapore acerrimo vescus non est ut cæteri, sed qua palatum fraudat, cum fœnore voluptatem sanitati rependit, dum æstuantibus & a bile vomiturientibus parabile condimentum in cibis & potu promiscue suppeditat, si tantillo sacchari vel jure vis ejus infringatur. Ea tamen adhibita cautela, ut juvenili potissimum ætati & cholericæ tempe raturæ concedatur; senibus vero, ut & pueris pituitosis interdicatur. Hæc eadem fere potio est in toto Oriente, ac imprimis apud Turcas, admodum expetita, cui vulgarem *Sorbetti* appellationem Latium sorbendi verbum, *Scerberti* vero nomen vox Arabica, Turcica & Persica, impertivit, quam quisque illorum suo more ad delicias præparat: hic præcipue fructus nunc in muria nunc in saccharo reconditus, vel etiam ejus liquor solus in dolis reservatus, pubem nauticam in diutinis træctionibus ab humorum putredine conservat; imo maritimi non solum Septentrionales, sed Asia, Africæ, & Americæ littorales populi à scorbutica lue infecti illo restituuntur. Eodem hoc succo, quid mirum, impetigines, vitiliges, aliaque fœdiora cutis via quoque deleri si Chymica arte præparatus valeat ad uniones & margaritas in tabem solvendas? Vidi aliquando Nigritos scelestos coquendis saccharis dicatos, injuriam dominis clam inferentes, instillato parum recentis Limonis succo, vehementissimæ sacchari ebullitioni in cacabo capacissimo restitisse. Ex quo abusu, ansam mihi suppeditari autumabam, aliquid ad artis nostræ incrementum ediscendi, idque aliquoties tentans, non infeliciter processit, in febribus scilicet intermittentibus, circa initium paroxysmi, ut Chymatri sua emetica solent, haustu scilicet calido succi prædicti cum sacchari & aquæ fontanæ tantillo ebulliti, semel atque iterum exhibito, exacerbationes vel in totum cessasse, vel saltem indies præter expectationem simul cum siti deferuisse, & intra paucos dies plane siluisse, deprehendi, sub sequente utique manifesto effectu, urinæ scilicet & imprimis sudorum larga promotione. Quasi eximius hic succus frigiditate sua siti sedandæ, tenuitate sero sanguinis propellendo, acuta aciditate malignitati æstuantis bilis frenandæ, adeoque spiritibus vitalibus concentrandis & corroborandis dicatus esset. Positis itaque tribus enarratis his manifestis qualitatibus, rationi haud dissolum videtur, harmoniam specificam & occultam ex earum mixtura posse resultare, quæ ictibus Serpentum & venenatorum insectorum imprimis omnibus istis venenis assumptis, igneo & subtilissimo spiritu venas & arterias permeantibus, adversetur.

Atque haec tenus de pulpæ succo ex legibus artis exhibito. Restant aliæ ejusdem arboris partes, flos, semen, & cortex, minime prætereundæ, venenisque potissimum frigidis, sive propinatis sive inflatis, obtundendis consecratæ. Ex seminibus solis contusis & decorticatis vel etiam ex eorum oleis destillatis tot stupendos effectus videre contigit,

ut mirari desierim , neotericos æque ac veteres Arabes & Græcos iis efficaciam vere antidotalem attribuisse, atque non solum contra vermes intestinorum, morsusque serpentum, sed & loco Theriacæ, contra pestilentes & contagiosos morbos felicissime usurpassæ. Cum enim semina caliditate , siccitate, acore & amaritudine à pulpa differant ; solaque fere evidenti aciditate videantur inter se convenire : Vtraque tamen crassos humores discutere, incidere, & attenuare, putredini resistere constat; sed semina ob concomitantem manifestum calorem, frigidis venenis; pulpam vero potissimum calidis dicatam esse. His succedunt extracta quoque florum & corticum, quæ ejusdem naturæ & efficaciæ habentur , & maximo dissidio quævis deleteria oppugnant.

Tandem Medicæ hujus arboris pars infirmior etiam vim habet salutarem curandi vulnera malemorata & à venenatis iictibus relictæ, modo succus ex prætenuibus foliis & recentibus germinibus expressus , vel solus , vel aliis mixtus, applicetur. Quasi perennis viriditas argumentum oleosi & efficacis succi , non modo ad ipsarum arborum pabulum; verum etiam ad hominum commoda & necessitates exuberans existeret ; quapropter optandum, ut sedula posteritas ex ejusmodi vivacibus potissimum stirpibus liquores medicatos ulteriori industria eruere cogitet.

## C A P V T     X X I.

*Locustarum , Papilionum , Erucarum , & Avicularum  
Guainumbi transformatio.*

**S**Vpra de natura & cura quorundam Insectorum suo loco egi , nunc pro mantissa , de aliquot innoxiorum miranda generatione & interitu, posteris ulterius indaganda, pauca addam. Missis fabulosis vel quæ dubiæ fidei sunt, verissima ac proinde Philosopho non contemnenda subnectam.

De Bombycibus autem Brasiliensibus nihil ex professo dicturus , utpote quorum figura, natura, & transformatio, ab Europæorum haud differat. Indigenæ eos *Içocú*, sericum vero *Içocúrenimbo* vocant.

Ad Locustas itaque me accingo. Quarum tria genera tradidit sacræ philosophiæ sacerdos Moses, eaque ex Hebræa Lingua in latinum versa, Locustam, Astacum & Bruchum nominarunt. Græci aliique eruditæ recentiores, plures agnoverunt species. Inter αἱρές Locustas illam tantum tractandam suscepit quæ Græcis Mantis , latinis Vates dicta , quod ubiunque appareat, macra sit & famem portendere perhibeat.

Propositi limites excurserem, si vulgarium Locustarum Americanarum differentes magnitudines, figuræ, colores, sonos, volatus & saltus describerem; ortum quoque eorum & interitum, à veteribus ac neotericis satis superque traditum, repetere, supervacui foret laboris; nam licet generationis & obitus varii dentur modi, in eo tamen, ni fallor, plerique consentiunt, mares à diutissimo coitu, spiritus omnes exigente, foemellas autem foeturæ pluralitate exhaustiri, & brevi post è vita absque ulla alia Metamorphosi decedere. At vero hæc nostra inusitatæ figuræ & naturæ Locusta, incognito sexus discrimine, & nascendi modo, certo quodam tempore, veris vicem in hac Americæ parte supplente, vitam sensitivam derelinquit, & in plantam migrans aliquandiu, tandem more cæterorum vegetabilium marcescet. Duæ earum dantur species , ejusdem quidem figuræ, sed non ejusdem coloris, quod illa toto corpusculo lurida instar folii arboris decidui, vulgo *feuille morte*; hæc vero lâte viridis sit coloris. Vtraque macilenta est, *Caayára*, aliis *Gaayára*, dicta, rore potissimum vicitantes; differentes tamen ab iis , quæ à Rondeletio & Moufseto in Theatro Insectorum, ad calcem libri, *Mantes* dicuntur; quod Americanæ sint collo longissimo tenui & erecto, instar Cameli. Corpore lâvi, vix digitum longo ab utraque extremitate acuminato , & dorsi medio , eminenti linea recta per longitudinem, cum obliquis fibris, instar folii arboris, diviso. Capite sunt triangulari, in cuius vertice duo cornicula oblonga , tenuia, erecta stant. Oculis prominentibus, lenticularibus, fuscis. Crura habent sex, duo in summo fere collo, unum digitum longa, tribus internodiis constantia, & in extremitatibus denticulata : reliqua duo paria, triste viridia, liventia, sicut folia sicca. Prioræ autem pedes quia instar brachiorum junctos , & quasi manus ad cælum elevatas, plerumque habeant, Lusitani *Louvadios*, Galli *Preque Dieu*, appellantur.

Vnde


Vnde Barbari non solum, sed & Christiani imprimis, multa superstitionis sibi imaginantur. Quasi macie perpetua confectæ, homines docerent supplices ad Cælum palmas tendere. Bestiolæ hæc in plantam ejusdem fere viriditatis & tenuitatis, duarum palmarum magnitudinis, transformantur. Pedes primum terræ affiguntur, unde, accidente humiditate requisita, radices exeunt, quæ terræ infiguntur, atque ita paulatim parvo temporis spatio totæ convertuntur. Aliquando autem inferior tantum corporis pars naturam & faciem plantæ induit, manente superiori parte aliquandiu mobili, ut ante donec tandem totum insectum paulatim transmutetur, atque sensitivum quod fuit, vegetativum fiat, natura per circulum quasi, successive agente, motuque perpetuo in se recurrente. Hanc plantam libentissime curioso lectori exhibuissem, sed per varias temporis & itineris injurias re desiderata potiri non licuit.

Nec est quod quisquam de veritate dubitet, cum infinitos testes habeat Brasilia, & plures minus hallucinarentur circa ejusmodi mira Naturæ opera, si animum & mentem non perfunditorie eo applicarent. Idem contingere in Ægypto præter Plinium, fide dignissimi de similibus Locustis constanter affirmarunt. Atque annales Iaponiæ testantur, cujusdam terrestris animalis transformationem in squamiferum. Alibi de Agno Tartarico qui in arbustum degenerat, ab optimis confirmatur. Quorum narrationi nihil tribuo, nec derogo, sed fidem apud Autores relinquo. Iam dudum innotuit, Concham Anatiferam in Scotia (licet nuper adhuc sublestæ fidei videbatur) ex arbore pronasci.


Quidquid sit, cum appareat, fibulas esse inter germinantia & sentientia, mutuaque retaliatione animalia germinare, & plantas sensu animare, id ipsum quoque Aristotele, Plinio, & Theophrasto contestantibus: Quidni tot nova hujus Novi Orbis Zoophyta mereantur, ut vitarum confusionem earumque fœdus admireremur; imprimis si sensuum arbitri, non opinioni populari, fabularum artifici, pareamus. Eventu enim naturæ prodigiosæ autoritatem restaurante, increduli facile causa cadunt. Usque adeo denique omnium corporum sublunarium inter se commercium patet perpetuum, ut Chymiator magno merito quoque non patiatur hasce metamorphoses metallis denegatumiri posse.

**P**Apilionum porro & Eru-  
carum innumeræ dantur  
species, non ab uno descri-  
bendæ, magnitudine, & co-  
lore discrepantes. Figuræ ali-  
quot graphicè quidem depi-  
ctæ in Clusio & Historia no-  
stra Brasiliæ naturali, sed ea-  
rum metamorphosis neglecta.  
Omnes, ni fallor, hi Papi-  
liones quatuor sunt alis, duo-  
bus corniculis, sex cruribus  
& filo convoluto ad os. Alæ  
pulchritudine argentearum  
macularum & fimbriarum  
certant. Horum prædatriæ  
gulæ, aliquando in horto Illu-  
strissimi Principis Nassaviæ

## G A A Y A' R A.




## P A N A M A.



elegantes hederas, *Murucuiá* dictas depasccebantur, innumerabiliaque ova papaveris magnitudinis ponentes, ex quibus primum parvæ hepatici coloris Erucæ, & ex his secundo Papiliones nascebantur. Erucæ autem hæ in crassitiem pennæ anserinæ ex crescunt, nigris aculeis hispidæ, capite nigro bicorni, per corpus quasi rufo punctulatæ; morientes grisea obducuntur pelle seu folliculo, qui post certum tempus se aperit & prodeunt denuo Papiliones alati, Brasilianis *Panáma*, Lusitanis *Barboleta* dicti. Horum subinde aliquot myriades subito apparent, atque sine ulla disjunctione aut interruptione turmatim aërem instar densissimi imbris replent, idque ductu adeo continuato, ut vix sex horarum spatio exercitus ille aëreus dispareat, sicut quoque in Europa passim, ringente agricola, videre contingit. Qui herbarum arborumque helluones, ubi devorandi tempus præteriit, vaguli huc illuc & jejuni migrant, sensimque marcescentes, locum idoneum quærant, ubi sese vel filo appensi in aureliam membrana teatam, vel in thecam transforment. Nec tamen omnes Papiliones & Erucæ in aurelias convertuntur, sed aliæ contractæ, putrescent, è quibus nonnunquam ova excidunt, aliorum insectorum matrices. Has Erticarum transmutationes Theophrastus recte distinxit his verbis, 2. Περὶ φυλῶν. περὶ τοῦ μὲρου ἐκ νάρπης, χειρολίσ, εἴτ' ἐκ πάτης ψύλη, ἐκ ψύλης ἢ πάλιν νάρπη.

Quemadmodum vero Papiliones partim à coitu utriusque sexus, partim ex viridibus illis Erucis generari constat, alis paulatim adnascentibus: Ita vicissim turmas illas gregiarum Erucarum, non solum roris pluviarumque proles, sed & Papilionum esse filias; imo maximam Erucarum partem iis debere pro sapientiam, omnibus experientia confirmatum esse putem.

## G V A I N V M B I I.



**A**T vero harum Erucarum Brasiliensum aliquæ (*Lagartas des verças* Lusitanis dictæ) transmutantur in aviculas illas totius Brasiliæ facile pulcherrimas, Indigenis *Guainumbí*, Lusitanis *Pegafrol*, Belgis *Bloem-Spegt* appellatas. Quarum novem speciem, in Historia Naturali descriptarum, duas imagines addidi, quæ instar Pavonis rubini & auri colore fulgent adeo, ut à pictore haud exprimi possint. Plerisque Americæ regionibus familiares sunt hæ aviculæ, ac proinde variis nominibus expressæ, ut apud omnes passim novi Orbis scriptores videre licet. Quorum aliqui nescio an relatu an autopsya edocti, alicujus quoque transformationis consci, quantum ex Clusio colligi potest. Præter generale nomen *Guainumbí*, aliud sortiuntur, idque maxime appropriatum *Guaracyába*, id est, Radius holis, meritoque illud Poëtæ iis applicari meretur.

*Mille trahunt varios adverso Sole colores.*

A vertice enim ad caudæ extremitatem plumæ admirabili colorum varietate inter se certant & micant. Volatus earum adeo præceps & celer est, ut visum fere fugiant, alarumque motus non magis conspicí queat, quam Crabronis. Magnitudine Cicadam haud superant, adeoque leves, ut intra viginti & triginta grana unaquæque pendeat. Rostello sunt omnes (non quidem ejusdem longitudinis, ut ex appositis Icônibus

nibus liquet) tenui lingua, bisecta, instar serici fili tenuissimi, quam extra rostellum longe exserunt, ut florū rōrem lambant. Ocellos habent parvos & nigrantes. Alarum pennae singulari arte à natura sunt compositæ. Ab exortu enim alarum duplex ordo pennarum est, unus longior altero, & superpositæ sunt sibi invicem pennæ, quasi alæ breves super longas. His alis expansis volare diu possunt, ac in aëre quasi pendulæ manere. Frequentes sunt in silvis, præsertim tempore matutino, dum flores rōre turgent, strepitumque tunc excitant ingentem, non canendo, ut aliqui scriperunt, sed fere Passerum more sibilando *Screp Screp*. Nidulum faciunt in ramis arborum exiguum, ex Xyli flocco compositum, ibique ova ponunt albissima, duo ut plurimum, ordinariæ figuræ, piso haud majora. Pedibus sunt valde exilibus, nigris, quatuor digitis, more aliarum avicularum, præditis, desinentibus in unguiculos, instar acus subtilissimos. Quia floribus eorumque rōre vicitant melligineo, captæ, diu vivæ detineri nequeunt, sed moriuntur, atque bonum de se spargunt odorem. Fr. Ximenes scribit, easdem à Mexicanis *Huitzitzil* appellari, testaturque, eas non diutius vivere, quam durantibus floribus, iisque decidentibus, rostello suo affigi arborum truncis, & sex menses ita immotas (sive mortuas, sive jejunas) manere, donec pluviis redeuntibus Flora rursus campos vestiat. Idem confirmat Iohannes Eusebius i.l. Hist. Nat. & Lopez de Gomara, aliique, Egregii hujus visci (ex tuberibus aliarum arborum nascentis) floribus flavis potissimum delectantur quos idcirco hic exprimi jussi.

Quum itaque enarratæ Erucæ in aviculas has incipiunt transformari, elegantissimæ plumæ cum alis primo apparent, ita ut tunc manifeste conspici detur forma Erucæ, quod ad partem corporis inferiorem, altera superiori jam in aviculam transmutata. Idem de Papilionibus dictum volo, qui subinde in easdem aviculas eodemque modo convertuntur, atque durante illa conversione nascentis avis & denascentis infecti, utriusque medietas eodem tempore liquido appareat. Emanuel de Morais Theologus Lusitanus in Brasilia, multique alii fide digni & curiosi Monachi, prodigiosa hæc quoque viderunt, & infecta ipsa tempore metamorpheos manibus tractarunt.

Scilicet constat utique Naturæ Autoris potentia in quacunque re minima, etiamsi novicii ob inscitiam obstupescant, imo pro lubitu fidem derogent. Apprime Plinius exclamasse mihi visus est: *Quæ res est in hoc universo, quæ non miraculi instar multis videtur, quando primo innotescit!* Quid denique à nobis non familiare factum, quod primo intuitu inter impossibilia judicaveramus! Ita ut hæc, similiaque Naturæ admiranda corumque causas ulterius indagare satagens, ob incomparabilem ejus majestatem, & imperscrutabilem profunditatem obstupescens confundar, atque tandem imbecillam obtusam que mentis humanæ aciem inculpans, in easdem cum Fracastorio querelas erumpam, quas ingeniosissimis versibus his expressit:

*Quid dicam miserum me agere, & quam ducere vitam,  
Irrequietum animi & querentem indaginevana  
Naturam semperfugientem, quæc ubi paulum*

Offen-



Ostendit mihi, max species in mille repente  
 Ceu Proteus conversa, sequentem eludit & angit,  
 Mærenitem seniique horas cassumque laborem?  
 Nuper enim tenues species, simulacraque rerum,  
 Quæ fluere ex ipsis dicuntur, perque meare  
 Omnia, dum sector, meditans, tacitusque requiro  
 Avia sylvarum, & secreta silentia solus:  
 Cognovit tamen his spectris illudier ipsis;  
 Vi sensus feriant nostros semperque laceffant  
 Perque fores, caulasque animi ludantque meentque  
 Ac remeent, ipsumque nec inter somnia linquant.

## C A P V T   X X I I.

## Dux Tamanduæ sive Myrmecophagi.

**T**ortentosa aspectu utraque hæc bestia *Tamanduá*, major & minor, Formicis potius quam hominibus extimescenda; attamen ob miros in iis Naturæ lusus & dotes, minime prætercunda. Feroce quidem irritatæ & naribus stertunt, cruribusque infidentes posterioribus instar ursi, unguibus baculum vel telum quodvis fortissime


T A M A N D U A' - G V A Ç V' sive major.



apprehendunt & mordent; sed quia minus agiles, prius manu capiuntur, quam quod præda potiantur: nisi forte eam per insidias opprimant; tunc enim ipsi Tigres ab iis aliquando interimuntur. Tantæ denique sunt pervicaciæ & stultitiæ, ut si animalia semel apprehensa emori ipsis superstitibus contigerit, non prius sese explicent, quam cum iis occumbant ac pereant. Maestatæ comeduntur à Barbaris defectu melioris alimenti, quia caro instar Vulpinæ, ferinum quid olet. Interiori & exteriori conformatioe multum inter se convenient; differunt autem mole & magnitudine, potissimum vero cauda, quod eam *Tamanduá-guaçú* habeat latam & hirtam, setis canis & nigris, equinis si-millimam, quam irritata erigit, somnolenta vero diducit eaque se tegit.

*Tamanduá* minor, longa quidem, sed ex parte depili, cauda prædita est, instar Simix, qua se arborum ramis suspendit, ut commodius Formicis insidietur. Ob perpetuam ty-rannidem quam in Formicarum myriades exercent, merito à Belgis *Mieren-eters* ap-pellatae; utræque sunt noctambulæ pabuli causa, cicuratæ carne quoque vescuntur, sed minute concisa, quia non solum capite, promuside, sed & ore sunt angusto, acuminato edentuloque lingua denique instar crassioris chordæ tereti, adeoque longa, præsertim in *Tamanduá* majori, ut duorum pedum longitudinem excedat, atque proinde duplicata (quod notatu sane dignum!) quasi canali incubit inter inferiores genas, quam esuriens madidam

## TAMANDU'A-MIRI.




madidam exerit, & arborum truncis diu imponit, mox Formicis opertam repente retrahit. Si alte fodiendo latebræ earum detegi postulant, unguibus id præstat comode, quibus pedes posteriores instruti sunt satis validis & longis, numero quinque; anteriores, quatuor, iisque recurvis, duobus in medio maximis, vola pedis rotunda, imbelle satis facta. *Tamanduá* major undique minori pilosior existit. Vtrique per petus ad latera & medium longitudinis corporis, usque grandis macula nigris pilis excurrevit, quam albicans linea defuper attingit continue. Corio sunt crasso, carne Vulpina & vix eduli, tenacissimæ denique vitæ, excoriataque adhuc aliquandiu vivunt, etiamsi ultra duodecim dies inediā passæ. In dissectione, renis sinistri superius processus triangularis inventus, per duplicem tenuem membranam reni annexus: valvulae autem cordis & vesicula fellis ordinariam excedebant magnitudinem. Cæteræ partes internæ, ab aliorum animalium visceribus haud discrepabant: ventriculo erant unico, intestinis tenuioribus, quæ teretibus lumbricis (ut in multis hic passim apparet) scatebant. Nervis & Tendinibus undique validissimis & tenacissimis prædita.

## C A P V T   X X I I I.

*Ai, sive Ignavus.*

**Q**Via animadverti, autores, Lerium & Thevetum (quem Gesnerus & alii postea sequuti) passim errasse in descriptione, tum & vera figura hujus animalis, malui pro corollario repentis Iconem ad vivum depictam, tum quoque vivam ejus sectionem addidisse, officiumque compagem delineasse. De summa in gradiendo tarditate convenient omnes, sed de pedibus erectis, & de ventre pendulo, ut hactenus ab illis exhibitæ sunt, dissentunt. Sicut enim inusitata natura est animal, ita & effigie, quod à re ipsa Lusitani *Prigui-zæ*, id est, *Ignavum*, sive *Agilem*, Nostrates *Leuji-aerti* Brasilienses *Ai*, appellant. Quippe tam lentus est illius gressus & membrorum motus, ut quindecim ipsis diebus ad lapidis ictum continuo tractu vix prodeat.

*Ai' R E P E N S M I N O R.*


Medio-

# G V L I E L M I P I S O N I S


322

Mediocris Canis est magnitudine , rostro ad aspectum fœdo , & perpetua saliva madi-  
do , cauda admodum brevi , unguibus ad digitorum similitudinem prominentibus , te-  
naciter adeo tenet , quidquid apprehendit , ut pendens dormiat secure , quia à junctu-  
ra pedis cum tibia tres nervi solidissimi , ad quemlibet unguem unus intentus tendit ,  
quibus unges incurvare & validissime se sustentare , potest . Corio est solidissimo &  
tenaci . Totum corpus prolixis & mollibus pilis cinerei coloris est vestitum , & ex oc-  
cipitio coma cervicem velat jubarum instar , lentoque ipsa ventris adipe verrit hu-  
mum , nec unquam in pedes exsurgit , etiamsi quædam imagines id videantur expri-  
mere . Non babit , vicitat arborum foliis , & in earum cacuminibus degit plerumque :  
quarum in ascensu biduum circiter , tantumdem in descensu ponit . Neque vero ad-  
hortationibus tantum aut minis , sed ne plagis quidem , fustibusve , bestiam vel tantil-  
lum de infita ignavia ac tarditate dimoveas . Secui cum doméstico meo fœmellam  
vivam (cujus Sceleton, ex ossibus undiquaque validis compositum, Theatro Anatomi-  
co Leydensi donavi) habentem in se fœtum omnibus modis perfectum , cum pilis , ungui-  
bus & dentibus , Amnioni , more cæterorum animalium , inclusum . Cor motum suum

## A I' E R E C T V S M A I O R .



## A I' M A I O R I S S C E L E T O S .



validissime retinebat , postquam exemptum erat è corpore per semihotium ; placenta  
uterina constabat multis particulis carneis instar substantiæ renum , rubicundis , magni-  
tudinis variaæ , instar fabarum ; in illas autem particulas carneas (tenuibus membranulis  
connexas) per multos ramulos vas a umbilicalia instar funis contorta , inserta erant . Cor  
fœmellæ duas insignes habebat auriculas , cavas . Exempto corde cæterisque visceribus  
naturalibus , multo post , se movebat , & pedes lente contrahebat , sicut dormituriens  
solet . Mamillas duas cum totidem papillis in pectore fœmella & fœtus gerebant . In  
ventriculo os superius duos digitos transversos à pyloro : eratque in altera parte ventri-  
culi , ubi alias superius os esse solet , processus longus sine exitu .


C A

## C A P V T X X I V.

*çarigueyá, & Maritacáca aliis Biaratacá.*

**I**NUSITATA HÆC BESTIOLA MAJORUM GLIRIUM MONTANORUM NUMERO ASCRIBENDA, LITTORALIBUS *çarigueyá*, MEDITERRANEIS *Iupatiima*, LERIO *çarigoy*, LUSITANIS *Rapoza*, DICITUR, VULPECULÆ EST MAGNITUDINE, CAPITE & ORE VULPINO, BARBA FELINA, CORPORE COLORIS EST NIGRICANTIS, SED LEUCOPÆS PILIS ADMIXTIS. CAUDA ULTRA PEDEM LONGA & ROTUNDA, IN

## Ç A R I G V E Y A.



EXTREMITATE DEPILI, COLORIS PARDI & NIGRI, QUAM CURVATAM GESTAT, EAQUE SE ARBORUM RAMIS MORE SIMIAE ADPENDET.

MIRUM SANE ANIMAL: NAM IN INFIMO VENTRE CIRCA ANUM PELLIS EJUS EST DUPLA, & EXTERIOR RIMA SCISSA, FACITQUE QUASI MANTICAM CAMQUE INTUS PILOSAM, *Tambeio* VERNACULO IDIOMATE DICTAM. CUIUS OS ARDE CLAUDITUR, UT VIX CONSPICIATUR, NISI DIGITIS DISTENDATUR, TUMQUE MAMMÆ IN INTERIORE PELLE APPARENT OCTO PAPILLIS.


EX REITERATIS HORUM ANIMALIUM SECTIONIBUS ALIUM NON INVENIMUS UTERUM PRÆTER HANC BURSAM, IN QUA SEMEN CONCIPITUR & CATULI FORMANTUR. QUOS DEIRIDE QUINOS VEL SENOS SIMUL CIRCUMFERT, MOBILES, PERFECTOS, SED DEPILES, ADOQUE PERTINACITER UBERIBUS AFFIXOS, UT À PERPETUO SUCTU VIX AVELLANTUR, ANTEQUAM PERMITTENTE MATERE AD PASTUM IPSI EGREDIANTUR; UNDE REDEUNTES DENIUO, UTERUM MATERNUM PRO LUBITU INGREDIANTUR, Sicut sæpe ILLUSTRISS. PRINCEPS NASSAVIUS, ALIIQUE MULTÍ, NON SINE ADMIRATIONE MECUM VIDERUNT. TESTES FœMELLA SUB ANO GERIT INTERIUS ABSCONDITOS. MAS FœMELLÆ PLANE SIMILIS IN BURSA PENDULOS MORE GATI TESTICULOS FERT, & QUOD NOTATU DIGNUM, MANTICAM (LICET À FœMELLÆ DIVERSAM) HABET, QUA ALTERNATIS VICIBUS CATULOS QUOQUE CIRCUMFERT, SICUT AVIS MAS AMORE PULLORUM, FœMELLAM AB INCUBATU SUBINDE LIBERANS. VTERQUE FŒTENT, MORDACES SUNT, UT VULPES, EARUMQUE MORE GALLINIS, & COLUMBIS NON SOLUM, SED AVIBUS IN FASTIGIIS ARBORUM INSIDIANTUR, QUARUM DEFECTU CANNIS SACCHAREIS ALIISQUE OPTIMIS VEGETABILIBUS VESCUNTUR.

CAUDA HORUM ANIMALIUM OB MULTOS USUS MEDICOS APUD INCOLAS IN PRETIO HABETUR, PRÆCIPUE AUTEM AD EXTURBANDAS VISCOSITATES & IMINUNDITIES VESICÆ, RENUM, & UTERI, SI VEL DUORUM SCRUPULORUM QUANTITAS REITERATA CUM CONVENIENTI LIQUORE EXHIBEATUR.

FR. XIMENES IDEM ANIMAL IN ALIIS AMERICÆ REGIONIBUS REPERIRI TESTATUR, QUOD IN NOVA Hispania *Tlaquatzin* NOMEN ACCEPIT. DEQUE CAUDÆ VIRTUTIBUS MIRA PRÆDICAT, SUPRA ID QUOD À ME DICTUM EST. VIDERINT CURIOSI, AN NIHIL SUPERSTITIOSI INTERCURRAT.

IN INDIIS ORIENTALIBUS, IDQUE SOLUM, QUANTUM HACTENUS CONSTAT, IN AMBOINA, SIMILIS BESTIA FREQUENS AD *Felis* MAGNITUDINEM ACCEDENS, MACTATA AB INCOLIS COMEDITUR, SI RITE PRÆPRETUR, NAM ALIAS FŒTET. NOMEN ILLI *Cous Cous* INDITUM.

**A**NIMALCULUM EST *Felis mole*, FORMA OBLONGA, VIVERAM ÄMULATUR: SI REFERENDUM SIT AD ALIQUOD ANIMAL EUROPÆUM, NULLI VIDETUR MAGIS QUADRARE, QUAM PUTORIO GESNERI, *Bumsing* BELGIS, CUI À TETRO & PUTIDO FŒTORE, APPRIME HOC PUTORII Nomen



nomen inditum. Qui ad Mustelas silvestres retulerit, me judice, non multum aberrabit, etiamsi id doctissimo Scaligero minus placeat. Os & dentes habet leporinos, ut & pilos barbamque, oculorum pupillæ sunt cœrulecentes, auriculæ breves obrotundæ. In anterioribus pedibus, quatuor; in posterioribus, quinque digiti unguibus acutis. Caudam longam cum corpore villosum eamque erectam aliquando gestat, qua totum corpus instar Vulpeculæ tegere potest. Color totius corporis ex pallido flavo cum multo fusco mixtus, leporinus quasi est. Ad latera dorsi linea alba excurrit quibusdam pro Naturæ lusu, crucis in modum eleganter distincta. Mansuetum est & velox nec imbellè animalculum. Volucribus earumque ovis vicitat; imprimis Ambræ griseæ avidum, cuius appetitu noctu sæpe in littore vagatur. Verum tantum abest, ut quis opinari possit ex esu Ambræ gratum spargere odorem, ut è contra vel leviter modo irritatum, crepitum ventris cum intolerabili fœtore Alliique æmulo, emittat. Quamobrem supra modum metuitur mirum hoc animalculum à feris & que ac hominibus; non solum quod tetro & gravissimo odore insequentium insidias eludat, sed quoque plus noxæ iis afferat, quam aliæ feræ unguibus vel dentibus venenatis armatæ. Quippe adeo virulentus est fœtor, ut quibusdam si non mortem, saltem capitis dolores, vomitus, atque animi deliquia adducat. Admiratione sane digna proprietas huic bestiolæ concessa, quod vel solo ani flatu longe lateque aërem non solummodo, sed faxa, militum arma, vestes, capillos inficiat, ut ne quidem fortissimo lixivio & insolatione viginti dierum spatio fœtorem deponant. Memini, quosdam ad capillitii rasuram, indussi, imo ad ædium totalem abdicationem coactos fuisse, cum nullum tanto malo hactenus remedium inventum sit. Sagaciores autem barbari, si quando ejus certiores fiant, nudi vento secundo eoque forti, eam diurna venatione fatigant, donec telis suis venenatis aliquoties frustra in aërem emissis, fœtoris expers fiat, tandemque illi desiderata potiantur præda, & cicuratam domi reservent more Scyuri. Vafra hæc *Maritacáca* nunc decipulis nunc sagittis, occiditur. Technis & artibus nostrati est Vulpeculæ similis. Cæterum innoxia, eaque ratione solum horridissima, quod urina, stercus, & ventris crepitus fœtidissima existant. Cum tamen teste I. Eusebio, caro ejus in Mexico salubri eventu comedatur. Oleum quoque Vulpinum nostratum more ex inde confici afferit.

## C A P V T     X X V.

*Cuandú major, Vrubú fætens, & Tophus Bovinus.*

**Q**uamvis utrumque Erinaceum *Cuandú* dictum, inter alimentosos quadrupedes potuissem recensuisse, quod multum inter se convenienter qua ad figuram, conformatiōnem & naturam, de quibus egi Libro tertio, quo lectorem remitto; tamen quia minores *Cuandú*, sive ob carnis albedinem & teneritatem, sive ob pellem magis tractabilem minusque setis rigidam, cœlubriores & familiariores utique existant; separati nunc de Erinaceo hoc majori, aculeis perpetuis horrido, eorumque noctiis qualitatibus pauca perstringere, operæ pretium duxi. Idque non adeo quidem ut lectori mira vel inaudita de illius genio prædicem, quam ut in Indiarum lustratorum & Naturæ indagatorum commodum, Erinaceorum differentias & discrepantes qualitates suppeditem.

Omnis quidem Erinacei Americani, ab iis quos Africa, Æthiopia, Tartaria, producere autores testantur, diversitatem facile dijudicabit, qui picturas horum animalium

## C U A N D U' major.




malium internasque qualitates cum illis contulerit: Aliqui enim in novo hoc Orbe (sicut quoque Hieronymus Cardanus de suis Erinaceis scriptum reliquit) spinas emissarias, aliqui vero immobiles habent: omnes tamen promiscue setis sive aculeis indiscretæ magnitudinis multo magis horrent, quam Apri setis suis rigere solent. Nostrates apposite eos, me judice, *Uter-verkiens* appellantur, non adeo quia rostro & promuscidè sint aliquantum porcino, sed quod viscera Porcorum fere more conformata & disposita habeant, ut ex dissectione eorum experiri contigit. Nec Lusitani eos male *Orico Cachero* nominarunt, quia corpore contracto sese occultant, ne quid apprehendi possit præter aculeos: Alterum nomen Lusitanicum *Espinho*, cutis animalis spiniferum meruit, quod spinis rigidis, acutis, concavis, diversicoloribus, spithamam longis, totum corpus, pedes, & cauda adeo sint armata, ut haud impune manibus tractentur. Has peculiari qualitate venenata infectas irritati in persecutores suos ejaculantur tam profunde, ut penetrant sensim in carnem, & viscera inficiant, transfixosque lente interimant. Verum quantum tela hæc viva nocent, tantum emortua prosunt, quod pulvis eorum drachmæ plus minus pondere assumptus familiari isti Indianum dysenterico malo medeatur, si aliquoties reiteretur cum liquore convenienti.

Cum autem major hic *Cuandu'* frequentior sit, minusque notus indigenis; cumque multa alia de aculeorum ejaculatione, eorumque efficacia, quadrent cum illo Erinaceo *Tlaquatzin* in Nova Hispania dicto, non immerito dubitandi ansa mihi fuit data, quod solus *Cuandu'* minor inter Brasiliæ patrios sit censendus: hunc vero majorem ex aliis olim Americæ Regionibus huc translatum & tandem tractu temporis indigenam factum putem. Tantæ est voracitatis & malitiæ, ut ægre feratur aut cicuretur.

Evidem si Francisc. Ximenem, nec vanæ fidei, nec contemnendæ experientiæ virum, consulamus, cum admiratione legere est, quam portentosos effectus eorundem aciculorum pulveri ascribat circa curationem lapillorum in renibus & vesica contentorum, tum quoque ad quemvis capitis dolorem placandum, si illi applicentur; adeoque tenaciter ahærere eos & infigi testatur, ut non ante decidant ad modum sanguisugarum, antequam vasa sanguinis exhauserint. Quæ à me quidem hactenus incompta fateor, sed curiosæ posteritati ulterius indaganda commendo.

**I**N tanta Avium Americanarum frequentia paucissimæ reperiuntur, in quibus vel medicamentosæ vel venenosæ qualitates hactenus detectæ, contra quam in Piscibus evenire solet; sive quod natura in aquatilibus magis sollicita, eas abundantius indidisse voluerit, sive quod Aucupum minor sit industria quam Piscatorum in revelandis rerum naturalium viribus. In avibus enim tantum duo mihi experiri contigit ad rem medicam facientia, quæ huc afferri merentur: Quorum alterum est antidotale illud *Cornu* tenuë & acutum, quod egregia illa avis *Anhima* dicta, in vertice gerit, cu-

V R V B V' fœtens.



lus mentionem feci l. 3. de Alimento: Alterum vero, deterrima & foetidissima hæc *Vrubú*, Mexicanis *Aura* dicta, quæ plerisque Americæ regionibus notissima & frequens, nomine ac coloribus, non indole tamen nec figura discrepans. Mediocris Aquilæ vel Vulturis potius est magnitudinis, cum quibus ratione caudæ, volatus, & voracitatis, affinitatem habet; sed quo ad colores, Gallinam Africanam æmulatur; quo denique ad gravem odorem, Corvi species esse videtur, licet vulgaris Corvi fœtorem intensione superet, & proprietate longe differat. Tantum autem abest, vescam esse, ut solus odor, sive vivæ, sive mortuæ avis, haud impune aliquando feratur, quod spiritus animales inficiat, quibusdam nauseam quoque & vomitum promovens. Vnde miror, Fr. Ximenem testari, Cor siccatum redolere muscum; ex esu quoque ipsius carnis, suadentibus Mexicanis Medicastris, Hispanos Lue venerea laborantes, invitis aliis re-mediis, feliciter restitutos. Vidi durante obsidione Vrbis Salvatoris, in Sinu omnium Sanctorum, aliisque præliis, ubi strages jumentorum & hominum erat, eas viscera & stercora cum ipsis cadaveribus avidissime deglutiisse, quorum defectu Serpentibus, Bufonibus, Lacertis, similibusque fordidis bestiis vescebantur. Memini, etiam si à castris nostris dissitissimas, odorem adeo intolerabilem intulisse, ut multi exinde male haberint, & non sine molestia restituerentur. Quamobrem suasor fui omnibus peregrinantibus, ut earum præsentiam declinarent, cum de sublimi æthere & incognitis illis mediterraneis desertis catervatim versus littoralia convolarent ad depascenda quæcumque cadavera. Egregiæ staturæ aves apparent eminus intuentibus, tetro tamen aspectu, si cominus examinentur, semper macræ, nunquam saturæ, etiam si se ita ingurgitent, ut ad volandum incptæ, sclopetisque impetrabiles fiant. Capite sunt rugoso, ex rufo brunni coloris horrido, illudque instar Gallopavi contrahunt & diducunt. In vertice dividitur quasi cutis, variegaturque color imprimis versus latera capitis circa oculos ex croceo & cœruleo albicante tincta. Ipsi oculi apparent ignei, satis elegantes, rubini fere coloris, pupilla nigricante, palpebris croceis, rostro crasso, longo, valido, adunco, acuto, & ad rapinam composito, atque ultra medietatem ex croceo cœrulescente, narium foraminibus satis patulis, lingua carinata, in ambitu denticulis acutis circumdata. Nidificatio pullorumque exclusio hactenus incomperta; tantum abest eas ex continuo volatu fatigari, ut supra fidem contra ventum vehementissimum per immensa spatia nitantur, feliciusque olfactu è longinquo escam venentur. Nec credibile est, Vultures, aliasque ejus generis aves, quas mare transvolare, novasque regiones prædænotitia visitare, Autiores olim prodiderunt, olfactus vel volatus sagacitate has americanas superasse.


**V**ariæ magnitudinis Tophi pilosi, sphærici, in Jumentorum quorumdam, Boumque imprimis ventriculis reperiuntur, quos Laniones ad me deferre solebant. Proinde situm eorum curiosius inquirere satagens, pilam fluctuantem in dissecti Bovis ven-

ventriculo inveni, eamque ea, qua erat, figura & magnitudine depingi jussi, ut ex apposita figura videre licet. Has itaque aliquoties disseccans, ex meris pilis bovinis arctissime compactis, interius constare comperi, exterius vero cinerea & pilosa; mox, ubi adoleverint, nigra, glabra & dura pelle tegi. Vnde facile est dijudicare, Boves sibimet, pruriente cute, dentibus pilos evellere, qui cum ab omaso digeri nequeant, in massam cogi rotundam, quæ postea in pilæ majoris magnitudinem excrescit, unde anhelosi & quasi asthmatici diu incedunt: (sicut Capreæ, quibus lapis Bezoar innascitur)


quod animadvertisentes rustici, ne totius animalis jacturam patiantur, eos maestant. Ita ut hujus pomi construetio, sit animalis destructio.

Barbari rasuram pilosam interne exhibent contra pertinaces alvi fluxus sanguineos. Externe emplastra, sicut è pilis Leporinis fieri solet, contra hæmorrhagias cum felici successu applicant. Ego hoc externum, quam illud internum remedium imitari malui.

## TOPHVS BOVINVS.



## F I N I S.



## INDEX

RERVM ET VERBORVM  
NOTABILIVM.

## A.

<b>A</b> Bacatuára píscis.	55
Acajá arbor.	139
Acajaíba arbor, & Acajú fructus.	120, 121
Acariçóba herba.	260
Acará píscis.	67
Acara-áya píscis.	ibid.
Acara-peba píscis.	69
Acará-Piníma píscis.	51
Acara-pitamba píscis.	ibid.
Acaraúna píscis.	55
Acetosa herba.	244
Acori species herba.	241
Adianti species.	234
Africae fluctuum rara vicissitudo.	6
Aguape Nymphae species.	219
Aguara-Quiyá herba.	224
Aguaxima frutex.	197
Aguti quadrupes.	102
Aguti-guepo herba.	224
Ahoay arbor & fructus venenati.	308
Aí sive Ignavus, quadrupes.	321, 322
Aiereba píscis.	294
Airi arbor.	129
Aipimixira píscis.	53
Aiurú psittacus.	85
Alba Coreta, píscis.	73
Albara canna.	213
Alcea muscata herba.	210
Alliárie ires species herba.	236
Althaea species herba.	222
Ambaíba arbor.	147
Ambua & Tataurána.	286, 287
Ambuya embó herba.	260
Americúna lacertulus.	283
Aminiú sive Gossipium.	186
Amongéába herba.	239
Amoreatim píscis.	296
Amore-guaçú píscis.	72
Amore pixuma píscis.	ibid.
Amore-pinima Hydrus.	281
Amphisbena viper.i.	280
Ananas herba.	195

## Anda arbor cum fructu. 148,

149

Andira vulgo Angelyn. 175

Andirá vespertilio. 290

Anguria sive laeç herba. 263

Anhyma avis. 91

Anhuiba arbor. 146

Aninga due frutices 220

Aninga-peri herba 218

Anime gummi. 122

Anir, frutex. 198

Antidotum Iecur Animalium.

— Limon pusillus. 314

— Tabacum. 206

Aperéa quadrupes. 103

Apes variae. 112

Apiaria marina. 113

Aquarum discrimin &amp; usus.

18

Aracari avis. 92

Araça-iba guaçu arbor. 152

Araçá-miri frutex. 151

Araguágra píscis. 54

Aramacá píscis. 66

Armadilho sive Tatú, quadrupes.

100

Araneæ variae. 284, 285

Araiu cancer antidotum. 300

Araticu diversæ species arbores.

141

Araticu-pana arbor. 142

— arbor &amp; fructus. 306

Arborum immensa altitudo.

9

Arbusculæ marinæ Baccifera.

265, 266

— Coralloides. 265

— Spongiosa. 265

Ardeæ aves variae. 89

Aroeira arbor. 132

Arumati' insectum. 286

Arundo saccharifera sive Tacomareé.

108

Avaramo-temo arbor. 168

Aurantiorum ubertas, usus, &amp;

dignitas. 8

## B.

**B** Agre píscis varii. 63

Bananiera arbor cum fructu Banána.

154

Batataradix. 254

Belingela. 210

Betijs vel Betre frutex. 196

Biarat acáca quadrupes. 324

Blitum herba. 241

Boi-guaçu serpens. 277

Boiçinininga serpens. 274

Boiçuaiba serpens. 275

Boiobi serpens. 278

Boipeba &amp; Ibiracoá serpens.

276

Boitiapó serpens. 279

Brasilia situs. 3. aëris tempe-

ries. 4. anni tempestates. 4.

Serenitas. 5.6. equoris facies

&amp; astus 6.7. Praefectura. 7.

fluvii. 7. Soli facies 8. Ne-

mora 9. salubritas. 11. 12.

&amp; seqq. Incolarum longevi-

tas &amp; fertilitas. 12. Indige-

narum diversitas. 13. Cibus

&amp; potus usitatus. 16. 17.

Animantia. 11. 16. 17. mo-

di píscandi. venandi natandi.

Religio. 13. Medicina.

19. morbi Endemii. 22. pro-

gnostica. 21

Brassica species herba. 236

Bufo venenatus. 298

## C.

**C** Aa-apia herba. 232,

311

Caa-ataía herba. 230

Caaéo frutex. 202, 203, 304

Caaçica herba. 311

Caaghiyuyo herba. 217

Caachira duæ frutices. 198,

199

Caaopia' arbor. 124

Caapeba herba. 261, 312

Caaponga herba. 243, 244

Caapomonga varia herba.

200, 201

Caaróba,

# RERVM ET VERBORVM

Caaróba arbor & frutex.	143	Cuambu herba.	209	Graminis variæ species.	237
Cabureiba arbor balsamifera.	119	Cuandú major quadrupes.	325	Guacari piscis.	72
Çacaboa Serpens.	279	Cuandú quadrupes.	99	Guaiá-guacu Cancer.	75
Caiatia herba.	245	Cucumer asininus sive Guare-		Guaia-apara' Cancer.	75
Camara variæ herbae.	176,	rúa-oba.	264	Guaiaba arbor.	153
	177	Çucuriú, hydrus.	282	Guaiana-timbó herba.	249
Camara-iápo herba.	177, 218	Çucurucus serpens.	275	Guaibi pocecabiba arbor.	170
Camara-uuba herba.	177	Çucuri píscis.	49	Guaibi-Ocára píscis.	56
Camaripu-guaçu píscis.	65	Cuguaçu-pete quadrupes.	98	Guainumbi Aricula variæ.	
Camariú herba.	223	Cuipouna arbor.	178	Guamaiacu píscis.	299
Camari píscis.	74	Cuiete arbor.	173	Guamaiacu-ape píscis.	300
Cambuy myrtus herba.	178	Cumandatia herba.	251	— atinga píscis.	299
Cannæ Indicæ variæ.	212	Culex insectum.	288	— Guara píscis.	300
Caninana serpens.	279	Cunarú cancer.	76	Guandú herba.	252
Capibara porcus fluviatilis.	99	Cunapú-guacu píscis.	49	Guanhumi Cancer.	77
Caoopia arbor.	124	Cupiá formica.	291	Guaperoiba arbor.	204
Capeúna píscis.	54	Curema píscis.	70	Guaperua píscis.	57
Capiipuba gramen.	241	Curicáca avis.	88	Guaracapéma píscis.	48
Cataguate, variæ frutices.	192, 193, 194	Curimata píscis.	70	Guarapucú píscis.	59
Çaragueya quadrupes.	323	Cururu bufo.	298	Guara-una avis.	91
Carapucú fungus.	309	Curuí píscis.	63	Guarerúa ova sive Cucumer	
Cara-cará avis.	82	Curuata pinima píscis.	51	Aasinus.	264
Cará radix.	255	Cúrua vel Curuba herba.	262	Guaratereba píscis.	57
Cararu herba.	241	Cururu-apé herba.	250	Guaru-guarú píscis.	70
Caranaibæ variæ arboreæ.	126	Çurucutinga serpens.	276	Guatucupa píscis.	62
Carapó píscis.	72			Guatucupa iúba píscis.	52
Carauna píscis.	52	D.		Guebucu píscis.	56
Çargaço herba marina.	266	Diateta Medicorum.	24	Guira-acangatára avis.	95
Çarçaparilla radix, vulgo Iua-		Dracunculus herba.	240	Guira-guacu píscis.	64
pecanga.	255	Dysenteria.	39	Guira-guainumbi avis.	93
Cariama' avis.	81			Guirajenja avis.	94
Caryophyllata herba.	209	E.		Guira-peréa avis.	95
Catarrhi.	28	Eiracu, Eiruba & Eixa		Guira-quereá avis.	94
Cavia çobája, quadrupes.	102	apes diversæ.	112	Guirapunga mas & femina,	
Cebipira-guaçu arbor.	169	Erva de Santa Maria.	240	aves.	93
Ceixupira píscis.	48	Eruca insectum.	318	Guiritinga píscis.	64
Cereiba arbor.	204			Guirybaco píscis.	61
Cicindela insectum.	291	F.		Guitys variæ arboreæ.	136,
Ciri-apoá cancer.	76	Fæminarum facunditas.	13		137
Çocoí aves varia.	89, 90	Febres.	25	Guonserpens.	279
Crocodilus sive Iacaré.	282	Febrifuga vegetabilia.	27		
Cocos vulgo Inaia guacuiba ar-		Fellis venenositatis ratio.	270	H.	
bor.	130	Filix herba.	233	Hæpaticus fluxus.	40
Conambaiá, sive Filix herba.	233	Fluxus ventris.	37	Herba lanuginosa.	230
Conambai-miri: herba.	234	Formiceæ.	9. 291	Herba lanuginosa altera di-	
Convolvulus marinus.	258	Fungus terra.	309	ctamni emula.	244
Coorza píscis.	73			Hydrops.	35
Copaiba Balsamifera arbor.	118	G.		Hydri.	281
Coperueu insectum.	287	Gaa-yára locusta.	317		
Coralli species.	265	Gangila herba.	211	I.	
Corororoca píscis.	59	Garapa potus abusus.	18	Abebara píscis.	59
Cotia quadrupes.	102	Gonorrhœa.	44	Iabebirete píscis.	294
Cotorra rana.	298	Granadilla herba.	248, 249	Iabicu-guacu avis.	87
Crustacei píscis.	74			E. &	162

I N D E X

<i>Iaborandi herba variae.</i>	215,	<i>Inaia-guacaiba vulgo Cocos ar-</i>	<i>herba.</i>
	216, 312	<i>bora.</i>	227
<i>Iaboti testudo.</i>	105	<i>India medicamentorum &amp; aro-</i>	<i>Mange Arbor.</i>
<i>Iabotapita arbor.</i>	166	<i>matum ferax.</i>	204
<i>Iabuticaba arbor.</i>	121	<i>Inflammatio Ani.</i>	282
<i>Iacamacíri avis.</i>	96	<i>Inhami radix.</i>	<i>Manipuera succus venenatus</i>
<i>Iacaranda arbor variae species.</i>	164, 165	<i>Inimboi herba.</i>	<i>Mandioce.</i>
<i>Iaçána avis.</i>	90	<i>Introductio ad animalia aqua-</i>	305
<i>Iaçabucaia arbor &amp; fructus.</i>	135	<i>tilia.</i>	<i>Mantis locusta.</i>
<i>Iaçapé gramen.</i>	237	<i>— ad volatilia.</i>	316
<i>Iacua Acângia herba.</i>	229	<i>— ad quadrupedia.</i>	77
<i>Iacupema avis.</i>	81	<i>— ad vegetabilia.</i>	83
<i>Iacare sive Crocodilus.</i>	282	<i>Ipecacuanha radix.</i>	287
<i>Iaeé sive Angúra herba.</i>	263	<i>Ipecatiapoá avis.</i>	288
<i>Iaguaqua-guare pescis.</i>	68	<i>Ipeca-guaçu avis.</i>	<i>Marigná insectum.</i>
<i>Iaguara quadrupes.</i>	103	<i>Itaiará pescis.</i>	95
<i>Iaguaréte quadrupes.</i>	ibid.	<i>Ivabeba frutex.</i>	<i>Maturaque pescis.</i>
<i>Iaguaracá pescis.</i>	56	<i>Ivapecângä vulgo çarçaparilla</i>	67
<i>Iambú avis.</i>	81	<i>herba.</i>	<i>Mberóbi sive Culices.</i>
<i>Iamacaru herba variae species.</i>	188, 189, 190, 191	<i>lundia pescis.</i>	287,
<i>Ianipápa arbor.</i>	138	<i>Iupicai gramen.</i>	& seqq.
<i>Iaparandiba arbor.</i>	172	<i>Iupicanga vulgo radix China.</i>	<i>Medicamentorum preparatio.</i>
<i>Iapurúca millepes.</i>	286	<i>Iuqueri frutex.</i>	25.
<i>Iararacæ variae viperæ.</i>	280	<i>Iurepeba duæ frutices.</i>	<i>Medicamentorum com-</i>
<i>Iararapeba viperæ.</i>	280	<i>Iurucuasteudo marina.</i>	<i>positiones magna repudian-</i>
<i>Iaracatiá arbor.</i>	160	<i>Iurumu herba.</i>	<i>dæ.</i>
<i>Iaróba herba.</i>	173	<i>Iurara testeudo.</i>	<i>ibid.</i>
<i>Iatebucu insectum.</i>	289	<i>Iutaí sive Tamarindus arbor.</i>	<i>Meeru herba.</i>
<i>Ibabiraba arbor.</i>	150	<i>L.</i>	212
<i>Ibiboboca serpens.</i>	278	<b>L</b> <i>Imonia Malus.</i>	<i>Melissa species.</i>
<i>Ibiliaram serpens.</i>	280, 281	<i>Liquiritia herba.</i>	242
<i>Ibira arbor.</i>	145	<i>Locusta insectum.</i>	<i>Melongela herba.</i>
<i>Ibiraéem herba.</i>	245	<i>Lues Indica.</i>	210
<i>Ibirarema arbor.</i>	236	<i>Lumbrici ventris.</i>	<i>Mel agreste.</i>
<i>Ibiraba arbor.</i>	161	<i>M.</i>	113
<i>Ibiraé arbor.</i>	146	<b>M</b> <i>Açarandiba arbor.</i>	<i>Memoá Cicindela.</i>
<i>Ibipitângä arbor.</i>	187	<i>Macuaguagua avis.</i>	291, 292
<i>Ibirapitanga sive lignum rubrum arbor.</i>	164	<i>Macumba herba.</i>	<i>Mentha greca herba.</i>
<i>Ibiracóa &amp; Boipeba serpens.</i>	276	<i>Maiagné avis.</i>	218
<i>Ibiara viperæ.</i>	280	<i>Malaguetæ herba.</i>	<i>Metamorphoses insectorum.</i>
<i>Ibixúma arbor saponaria.</i>	162	<i>Mameluco.</i>	316
<i>Icicariba arbor.</i>	122	<i>Mamanga frutex.</i>	<i>Mentastrum herba.</i>
<i>Ícocú bombyx.</i>	317	<i>Manaca frutex.</i>	286
<i>Ietaiba arbor cum fructu.</i>	123	<i>Mandiiba frutex.</i>	<i>Mirabilis peruviana herba.</i>
<i>Ietica vulgo Batata herba.</i>	254	<i>Mandihoca frutex, preparatio,</i>	208
<i>Ietucucu herba.</i>	253	<i>dignitas noxa.</i> 114, 115, 305	<i>Mutu avis.</i>
<i>Iguana lacerta magna.</i>	104	<i>Mandiboca silvestris frutex.</i>	80
<i>Iiboina serpens.</i>	277		<i>Mutu-Poranga avis.</i>
<i>Iiramél silvestre.</i>	110		<i>ibid.</i>
<i>Iito herba variae species.</i>	169,	<i>Mandobi.</i>	<i>Mosquito insectum.</i>
	170		<i>Mouçicu excrementum marus.</i>
		<i>Mangaíba arbor.</i>	296
		<i>Mangara herba.</i>	<i>Mucuna-guaçu faba magna.</i>
			307
			<i>Mucuna phascolus.</i>
			<i>ibid.</i>
			<i>Mulato qui dicantur.</i>
			22
			<i>Mundubi herba &amp; fructus.</i>
			256
			<i>Mundai-guaçú arbor &amp; fru-</i>
			<i>ctus.</i>
			179
			<i>Mureci arbor.</i>
			171
			<i>Murucuá herba variae species.</i>
			247, & seqq.
			<i>Myrtus frutex.</i>
			178
			<i>N.</i>
			<b>N</b> <i>Ana herba.</i>
			195
			<i>Narcotica.</i>
			27
			<i>Nari-nari pescis.</i>
			58, 293
			<i>Nhambi herba.</i>
			228, 310
			<i>Nham-</i>

R E R V M E T V E R B O R V M.

Namba-guaçu frutex.	180
Nhandiá píscis.	63
Nhandu-guaçu araneus.	284
Nhandu araneæ mivores.	285
Nhandu frutex.	197
Nhandicóba herba.	259
Nhandu-guaçu avis.	84
Nhacunda píscis.	66
Nhatiu Culex.	288
Niquipíscis.	294, 295

P.

P'Aca quadrupes.	101
Pacamó píscis.	54
Paco-caatinga Canna.	214
Paco arbor.	214
Pacoera arbor.	154
Paco geróca canna.	213
Pacú píscis.	53
Paiomirióbæ due herbae.	185
Panama Insectum.	317
Papana píscis.	50
Papula & Impetigo.	45
Pararó herba.	255
Parati píscis.	71
Paratura gramen.	238
Paru píscis.	55
Pastinaca Marina píscis.	297
Pequéa sive Pekia arbor.	141
Petume herba.	206
Petumboába píscis.	62
Phaseolus.	251
Phlebotomiæ prærogativa in Indiis.	24
Piaba píscis.	66
Piabucu píscis.	66
Picuipinima avis.	86
Pindaíba arbor.	144
Pindoba arbor.	125
Pino sive Vrtica herba.	235
Pino-guacu arbor, Mas & fæmina.	159
Piquitínga píscis.	67
Pirabebe píscis.	61
Pira-coába píscis.	60
Pira-curoba avis.	86
Pira-metára píscis.	60
Pira-pixangá píscis.	52
Piraqué píscis.	301
Piranha píscis.	69
Piratiá puá píscis.	50, 60
Pira-umbi píscis.	70
Píscis venenati	293, 294
Polypodium herba.	233
Poii gammarus.	78
Potiquiquiya locusta.	77

Portulaca herba.	244
Potinsóba planta.	221
Prolapsus mucronata cartilaginis.	36
Præfatio ad Professorem Lindanum.	267
Punarú píscis.	65, 66

Q.

Veraíba arbor.	165
Quetele avis.	92
Quigombo dua herbae.	210,
Quity arbor.	211
Quyeé herbae.	225, 226

R.

Adix Chine sive Iupi-	
cângä.	257
Ranæ varia.	298
Raiæ varia.	293
Reciffo Brasiliae.	6
Ricinus Insectum.	289

S.

Accharum ejusque præpa-	
ratio & usus.	108, 109
	110, &c.
Saamóuna arbor.	175
Sargaço herba marina.	266
Salsa do praya herba.	258
Sassafras sive Auhniba arbor.	
	146
Scarificationes.	26
Sceletos serpentis.	277
Sceletos Ignavi.	322
Serpentaria herba.	240
Serpentes edules.	273
Serpentum virus aliquat tantum	
parte hæret.	273
Serpentum frigiditas & rapidi-	
tas.	273
Serpentum Anatomia, Coitus,	
Generatio, Morsus eorum	
curatio.	274
Solanispecies herba.	223
Soldanella herba.	243
Spasmus.	31
Stupor.	32
Sudorifera.	27
Superstitione curationes morbo-	
rum.	273


T.

Abaco herba.	206
Tocomareé Canna.	108,
	109
Taiacu porcus.	98
Taiaóba herba.	236, 237
Taiacíca píscis.	68
Tamanduá quadrupes.	320,
	321
Tamarindus sive Iustá arbor.	
	157
Tamatiá avis.	96
Tamoatá píscis.	71
Tamoatarána herba.	255
Tangaracæ varia herbae.	301,
	302, 303
Tepeti quadrupes.	102
Tapiá arbor.	140
Tapuái infecta.	291
Tapiereté quadrupes.	101
Tapiracoainana arbor & fru-	
ctus.	158
Tapirapecu herba.	182
Tapuyarum loca. 13. mores.	14.
arma.	14. Crudelitates.
	14. &c.
Taraguira lacertus.	284
Tareiboia hydrus.	282
Tareiræ varia píscis.	68
Tataíba arbor.	163
Tataurama Eruca.	286
Tatu sive Armadilho quadru-	
pes.	100
Teju lacertus.	283
Teju-guaçu lacertus magnus.	
	103
Tenesmus.	38
Teti-mixara píscis.	53
Teti poteiba herba.	250
Tiiepirângâ avis.	94
Timbo herba.	249
Timucú píscis.	62
Tipí frutex.	236
Tipio ca frutex.	116
Tophus bovinus.	327
Transformatio insectorum.	
	316
Transpirationis necessitas.	24
Tremae frutex.	176
— arbor.	176
Trevo.	201
Tucum arbor.	128
Tui varia aves.	85
Tuna varia arbor.	188
Tunga insectum.	289
	Tupa-

I N D E X R E R V M E T V E R B O R V M.

<i>Tupa-ipy &amp; Vrucatu herba.</i>	<i>Vespertilio.</i>	290	<i>Vrutiú píscis.</i>	65, 295
235	<i>Viba Canna saccharifera.</i>	109	<i>Vubarána píscis.</i>	63
<i>Tupei-çava sive Scoparia herba.</i>	<i>Vipera venenata.</i>	279	<i>Vulnera.</i>	44
246	<i>Vitis arbustina.</i>	250	<i>Vvæ críspa.</i>	242
V.	<i>Vlcera pedum.</i>	44		X.
	<i>Vlcus &amp; inflammatio ani.</i>	41		
<b>V</b> <i>Ca ána cancer.</i>	<i>Vmari arbor.</i>	174	<i>Xalappa radix.</i>	252
<i>Venena abscondita Indigenarum.</i>	<i>Vmbu arbor.</i>	167		Y.
272	<i>Vomitoria vegetabilia.</i>	26		
<i>Venenorum compositiones.</i>	<i>Vrtica herba.</i>	235		
272	<i>Vrubu Avis.</i>	326		
<i>Venenis inesse suum antidotum.</i>	<i>Vrucatu herba.</i>	235	<i>Tuca frutex.</i>	114
271	<i>Vrucú frutex cum fructu.</i>	133		Z.
<i>Venenum uni, alteri alimen-</i>	<i>Vrucuri palma arbor.</i>	127		
<i>tum.</i>	<i>Vrurumbeba arbor.</i>	191	<i>Zinziber herba.</i>	227
270				
<i>Vespa.</i>				

F I N I S.



GEORGII MARCGRAVII  
DE LIEBSTA D,  
TRACTATVS  
Topographicus & Meteorologicus  
Brasiliæ, cum Eclipsi Solari;  
*Quibus additi sunt Illius & Aliorum*  
COMMENTARII  
De Brasiliensium & Chilensium Indole  
& Lingua.

# T Y P O G R A P H V S

Lectori Salutem.



Aucis Lectorem præmonendum putavi, quare consilium mutaverim, quod D. Markgravii Progymnasma illa astronomica Americana, jam dudum à I. de Laet & G. Pisone publice promissa non simul ediderim.

Cum enim à multo tempore communi fama mihi innotuisset, quam inter alia laudata curiositatis & industria in Illustriß. Principe I. Mauricio, Terra & Oceani Brasiliensis quondam Praefecti, documenta, non promiscuum fuerit, quod per Mathematicos suos, quos domi militiaque secum habebat exemplo maximorum Imperatorum depingi & describi jusserit phænomena cælestis machina: Imo naucleris maria concendentibus in mandatis dederit, ut imprimis Eclipsum momenta omnia vultusque difformes suis singulos locis positos attentius observarent, & chartis consignarent. Non mihi mirum videri debuit, G. Pisonem ab Illustriſſimo suo Domino, liberalium artium fauatore perpetuo, impetrasse, ut ibidem obſervatorium Astronomicum exſtrueretur, atque ita ſimul & ſua, & Markgravii ſui, artium Mathematicarum apprime gnari vota expleret circa ea, que in ulteriore Geographia & Hydrographia uſum à plurimis, rei nauticæ peritis, admodum defiderari non nesciebat. Verum cum D. Markgravius hac aliaque exercitia laudabili quidem amplexus eſſet conatus, in anno andis totas aliquando noctes Mercurii aliorumque Planetarum coruſcationibus, hancenius à nullo Astronomorum viſis: tamen pleraque ob immaturam mortem felicius incepit, quam abſoluerit: ego ex multis relictis ſchedis pauca tantum, que minus mutila arbitrabar, publica lucis facere conſtitueram: ſed hac in re mea diffidens renuitati, poſtquam ea que ſelectiora arbitrabar, eruditis, & in astronomicis veratiſſimis viris ſedulo revidenda tradideram, eorumque ſincerum hac in re judicium poſtulaveram; commune fere omnium votum erat, ut manum de tabula tollerem, ne cruda proirudendo defuncti monumenta, cineribus illius injuriam facerem.

Quamvis autem non putem noſtrum hoc iſtitutum ingenuis Eruditis poſſe diſplicere: tamen conſilium duxi id curſim indicasse, ne quis poſthac ingentem Vrania theſaurum alicubi latitare, inani expectatione ſe fallere pergaſ. proinde pauca hec tantum exercitia Topographicā & Meteorologica cum Eclipſi ſolari non contempnenda; eaque, ut à D. Markgravio ſolo & ſeparatim (non vero combinatis cum G. Pisonis laboribus ſicut pleraque alia ad Historiam Naturalem pertinētia) obſervata ſunt, ingenue nunc trado. quibus ſimul addidi Compendium de Regionibus Brasiliæ & Chili, utpote precedentibus ſcriptis non male quadrans, iisque hinc inde iſerta videbis, tam noſtrium quam Hispanorum, haud vanæ fidei, nec ſitu indigna ejusdem materia ſcripta, à Clarissimo Viro P. M. I. de Laet studioſe reſervata, ut ad posteritatem aliquando redundant.

Hanc interim noſtram qualecumque opellam boni conſule, Manibusque Auctoris omnia bona precare: & ſiquid intercurrat vitiosi, id candide reſtitue.


3

GEORGII MARCGRAVII,  
D E R E G I O N I B V S,  
& Indigenis, Brasiliæ, & Chili  
eiusdem Continentis,

L I B E R.

C A P V T P R I M V M.

*De Regionis nomine, magnitudine, situ, ejusque divisione.*



Æc regio primo à Lusitanis appellata fuit S A N T A C R Y Z, quod nomen postea mutarunt in T E R R A D O B R A S I L, ob ligni copiam, quod hic cæditur & in Europam infertur, vulgo notissimum, ita ut hodie communi & vulgaris nomine ab omnibus Europæis B R A S I L I A dicatur.


Sita porro est Brasilia in zona torrida & quidem in medieta-  
te illius Australi, extenditurque ultra Tropicum Capricorni  
in zonam temperatam meridionalem.

Non autem omnes consentiunt in illius magnitudine seu la-  
titudine definienda inter Septentrionem & Austrum. Nos ejus initium statuimus à  
latitudine Septentrionali unius gradus & semis, seu à Flumine Para, & finem ad lati-  
tudinem australem quatuor & viginti graduum & semis, seu usque ad fluvium Capiubari,  
duabus leucis ultra oppidum S. Vincentii; ita ut magnitudo illius sit inter Boream &  
Astrum trium & viginti graduum. Inter ortum & occasum in quantum extendatur,  
adhuc indefinitum est, cum pauci adhuc in interiora hujus terræ penetraverint & qua-  
dam tantum obiter lustraverint.

Quantum judico, adsumendo longitudinem Lima Metropolis Peruviaæ, quam Hi-  
spani ponunt esse duobus & octuaginta gradibus Occidentalem Toletum (Toletum  
autem novem-decim gradibus & quinque scrupulis Occidentalius est Vranoburgo) ita  
ut longitudo Limæ sit ducentorum & nonaginta quinque graduum & quadraginta  
scrupulorum. Sumiendo itidem longitudinem Mauriciae civitatis, in Orientalissima fe-  
re ora Brasiliæ, quam ipse sæpius observavi per Eclipses & inveni trecentorum &  
quadraginta graduum & semis respectu Vranoburgi, & hinc deducendo differentiam qua-  
tuor & quadraginta graduum & quinquaginta scrupulorum. Sub parallelo autem  
8, 40 respondent ex mea observatione uni gradui 28 175 decempedæ Rhynlandicæ,  
quæ per 1500 divisæ (tot enim perticæ milliarum horarum efficiunt) dabunt hora-  
ria seu Hollandica millaria xv i i.  $\frac{1157}{1500}$ , id est, millaria octodecem & tres quadrantes.  
Differentia ergo 44. 50. dabitur 1263 197 decempedarum & duorum pedum, quæ effi-  
ciunt millaria 842,  $\frac{179}{1500}$ , detractis porro centum milliaribus, quæ Cusco Orientalior est  
Lima & in confiniis Peruviaæ & Brasiliæ sita, magnitudo Brasiliæ inter ortum & occa-  
sum esset circiter septingentorum & quadraginta duorum milliarum; quod interval-  
lum omnes Tabulæ Geographicæ circiter centum & octuaginta octo amplius faciunt.  
Ponunt enim Brasiliam multo Orientaliorem, quam revera est, ut ex propriis observa-  
tionibus sæpiissime comperi.

In gratiam eorum, quibus Phænomena cælestia, & immobiles Planetarum vices  
noscere studium est, apponam Eclipsis Solaris faciem, pro temporis momentis aliam  
atque aliam.

Apparere Mauriciam urbem incolentibus cœpit ea in finem anni quadragesimi su-  
pra millesimum & sexentesimum, Novembris die decima tertia, hora decima ante  
meridiem, & ad summum proœcta fuit hora undecima, tresque Solis tertias obscu-  
ravit, cum minutis viginti octo; sic ut minus quarta sui parte hîc mundo luxerit. Ve-  
rum quadraginta septem ab hora duodecima minutis, labore suo tenebrisque evolu-  
tus Titan pleno refulsit lumine.



- A B. Ecliptica.
- C. Centrum Solis.
- D. Centrum Lunæ.
- C D. Distantia inter Centrum Solis & Lunæ.
- E F. Magnitudo Eclipsis in digit. & min.
- E G. Reliqua pars Solis lucida.
- F C E G. Diameter Solis.
- H F D E. Diameter Lunæ.

Tempus æquabile Vranoburgi d.  $\frac{2}{3}$  Novemb. h. 3. 12'. 3".

Locus Terra perpendiculariter Soli subjectus 21° 46'. 2". Scorp.

Locus Σ 21. 23. 21. Scorp.

Reductio

Locus Luna in Orbita

Arcus inter centra

Ampliatus physice

Parallaxis Luna, seu Semidiameter disci terre

Semidiameter Luna

Solis

Semifissis parallaxis Solis

Semidiameter penumbra

Semidiameter Lunaris Vmbræ

Summa Semidiametrorum

Horarius Solis & veri

Luna  $\zeta$  veri

Luna à Sole verus

ampliatus physice

Erit igitur defectus alicubi centralis & totalis.

Scrupula dimidia durat. omnimoda Eclips. 1. 35. 59.

Scrup. dimid. mora total. umbr. Luna in disco 1. 3. 39.

Scrupula dimidia more penumbra in disco 31. 18.

Ergo H.

2. 37'. 51".

mora Vmbræ 1. 44. 41.

mora penumbrae 0. 51. 28.

Tempus adparens media Eclips. Mauricia

erit die  $\frac{2}{3}$  Novemb. — H. 23. 47'. 48".

Tempus adparens visa Veneris &

maxima Eclipsis Mauriciae

in Brasilia,  $\frac{2}{3}$  Novemb. — H. 23. 27. 6.

Ad illud tempus datur Latitudo Lunæ visa 7. 25". Merid.

Aggregatum Semidiameter Solis & Lunæ 31. 49.

Ergo

Pars deficiens 24. 24.

Et quantitas deliquii Solaris 9. Dig. 28'. 32".

Scrupula durat. dimidia omnimoda 30'. 56".

Hinc H.

Tempus duration. dimidia omnimoda 1. 13'. 59".

Et Initium Eclipsis Mauriciae 10. 13. 7. 2

ante mer.

Medium 11. 27. 6. 5 post mer.

Finis 10. 41. 5. post mer.

d.  $\frac{2}{3}$  Noyemb.

## DE BRASILIÆ REGIONE ET INDIGENIS.

3

Ora autem Brasiliæ à *Para* ad *Maranhon* à *Coro* versus *Vulturnum* extenditur. A *Maranhon* versus *çiara* maximam partem tendit versus Eurum. A *çiara* ad *Potiyi* seu *Rio Grande* versus *Euroaustrum*: à *Potiyi* ad *Paraiba* versus *Austrum*: à *Paraiba* ad *Itamaraca* ad eundem modum: ab *Itamaraca* versus *Promontorium S. Augustini* & usque ad *Sinum omnium Sanctorum* ora versus *Austrum* incurvatur: à *Sinu omnium Sanctorum* ad alterum flumen *Paraiba* iterum fere directe *Austrum* petit, & deinceps usque ad fines suos versus *Corum* extenditur. Sed hæc accuratius è *Tabulis hydrographicis cognosci* possunt, ad quas curiosos remittimus.

Dividitur **B R A S I L I A**, intra hos limites, in certas *Præfecturas* (*Capitanies* appellant vulgo *Lusitani*) & quidem vulgo in quatuordecim. Quarum prima versus Boream est *Para*, sequuntur dehinc ordine *Maranhon*, *çiara*, *Potiyi* vel *Rio Grande*, *Paraiba*, *Itamaraca*, *Pernambuco*, *Quirimure* vel *Bahia de todos los Santos*, cuius metropolis *S. Salvador*; *Nhoecombe* vel *os Ilheos*; *Pacata*, vel *Porto Seguro*; *Espirito Santo*; *Nheteroya*, vel *Rio de Jenero*, quem *Ganabara* vulgo vocant *Braflienses*; & *S. Vincente*.

Sunt & hic duo districtus (nimirum in *Præfectura Pernambucensi*) quos *Lusitani* vocant *Palmairas*, à copia illarum arborum ibidem nascentium, in quos Nigritæ fugitiivi se receperunt; eorum unus vocatur minor, alter major. In minori ad sex millia Nigritarum dicuntur habitare, qui jacet viginti milliaria supra *Alagoas*, inter silvas, juxta fluvium qui appellatur *Gangohubi* (hic illabitur in fluvium *Paraibam*) sex milliaria à *Paraiba* flu. versus *Arctum*, & quatuor à *Mondai* fluvio *Alagga* *Borealis* versus *austrum*; ita ut haud admodum longe absit à cornu terræ quod vulgo *Iaragoa* appellatur. Pagus illorum constat è tribus plateis, quarum singulæ dimidiæ horæ itinere in longitudinem producuntur. Ædes omnes contiguæ, & plantaria illorum pone illas. Imitantur quodammodo religionem *Lusitanorum*, & habent suos sacerdotes & judices. Mittunt crebro è suorum numero ad vicina loca, qui mancipia *Lusitanorum* abripiant; illa autem tamdiu serviunt, donec alia rapuerunt. Mancipia autem quæ sponte se illis aggregant, statim eadem qua ipsi libertate fruuntur. Vicitant fructibus *Palmarum*, *batatis*, *phaseolis*, *Farinha Mandioce*, milio; & *Sacchari cannis*, item gallinis (quarum illis copia est,) & piscibus quos vicinus amnis subministrat; carnes haud alias habent quam ferinas. Milium suum colligunt bis quótannis, & opere absoluto per integrum septimanam festive commessantur. Antequam fermentem faciant, per dies quatuordecim maximos focos accendunt, quibus herbas & alia adurunt, qui longe videri possunt. Compendiosissimum ad hunc districtum iter esse creditur secundum fluvium *Alagoa* *Borealis*, vulgo *Alagoa del Norte*.

Major *Palmaria* jacet viginti aut triginta milliaria pone *S. Amari* pagum, juxta Montem qui dicitur *Bebe*. Creduntur circiter quinque millia esse Nigritarum, qui in vallibus juxta hunc montem degunt, præter alios multos, qui alibi quinquaginta, alibi centum, sparsim habitant. Ædes autem horum haud conjunctæ, ita ut ducenti pene quadrantem milliarii horarii occupent; & sub silvis metantur, in quibus & viam cæduam habent ad fugiendum comparatam; nam perpetuo excubitores collocant, qui ipsos moneant de peregrinorum adventu. Siccis itidem mensibus dimittunt suos ad Æthiopissas ab incolis suffurandum. Interdiu parant cibos; & vespera primum numerant suos, ut videant an quis defit; deinde choreis dant operam (tympana pulsantes, quæ longe audiri possunt) ad medium usque noctem, dein cubitum discedunt, & dormiunt usque ad horam nonam aut decimam antemeridianam.

Iter ad hos commodissimum est ab *Alagois* per *S. Amarum*, atque inde per campestria *Nhunahn* & *Cororipe*, donec jugum montis *Wairakaco* appareat, ubi fluvius *Paraiba* offenditur, qui descendens est, donec prope prædictum montem *Bebe* perveniat, & ibi deflectendum ad convalles.

Antequam autem cætera adjungam, non inutile erit hic subjicere quædam verissima, & notatu digna de Natura harum Regionum, à rerum naturalium sedulo indagatore observata.

Omnes Provinciæ Brasiliæ, quas centum milliariorum spatio, à *Rio Grande* ad *Alagoas* usque occupavimus, parum admodum sunt cultæ. Cultura earum à littore marino versus mediterranea à *Lusitanis* ulterius productæ non fuit, quam in quibusdam locis, ad tria, quatuor, in quibusdam ad quinque, raro ad sex, aut ad summum septem usque millaria *Hollandica*: cætera sunt solitudines ipsiæmet incolis plane incognitæ: neque

littoralia hæc loca omnia culta sunt, ea tantum coluntur, quibus valles & nemora interjacent. Quando nomen alicujus districtus, quos illi *Fregesias* appellant, audis, ut poterit *Poinham*, *Camarugibi*, *Porto Calvo*, *Serinhaim*, & his similia alia, debes sub hac voce intelligere valles integras, campos & colles his vallibus adjunctos, pagos in illis sitos, ædificia omnia, hinc inde sparsa, & insuper fluviolos ipsos, qui valles illas irrigant. Ab una *Fregesia* ad alteram per colles incultos iter est, interdum trium, interdum quatuor aut plurium etiam milliariorum Hollandicorum. Excipiuntur tamen ab hac appellationum regula, domus pescatorum & salinæ ad littus marinum sitæ, quia terram non colunt. Ad hujus culturæ formam importunus æstatis ardor habitatores compulit. Cum enim Regio hæc omnis jaceat sub Zona torrida, colli non posset si dies noctibus longiores essent.

Solum omne assurgit in colles mediocres atque amoenos: montes insigni aliqua altitudine nulli sunt in littoralibus, in solitudinibus tamen hinc inde nonnulli è longinquo conspicuntur. Inter colles aridos, non ubique tamen, sed ut supra attigi, aliquot milliarium intervallo, valles interjacent, singulæ exiguis aliquibus fluviolis irriguæ, atque ob id non pluviis tantum mensibus, sed & æstivis ipsis fertiles. Colles ipsis æstivis mensibus ob ardorem Solis sunt infrugiferi & penitus arescant, ut non gramen tantum, sed & arbores interdum emoriantur, & gramen incensum aliquando irrgenti spatio, vento præsertim urgente, incendium proferat; ita ea quæ pluviis mensibus læte virent, æstivis intereunt in montibus. His incommodis tamen incolaæ ipsi prospiciunt, aut novum gramen terris inducentes, aut loca illa fœundantes, quæ sibi colenda proponunt. Hunc tamen usum colles præstant, præsertim ubi silvestria recens excisa & combusta sunt, quod radix *Mandioca* lætius in iis proveniat, nimurum in declivis illorum, quam alibi. Adhæc usus colluum, vallibus vicinorum, hic est, quod ædificia incolarum in illis ut plurimum collocantur, & circa hæc ædificia arbores, quæ *Cocos* ferunt, plantantur, quæ quamlibet terram & situm lubenter admittunt. Plantantur etiam aliquando juxta domos *Auraicarum* & *Limonum* arbores, quamvis lætius in locis depresso proveniant. Reliquarum omnium plantarum cultura ad valles & loca depresso rejicitur. Cæterum bonitas glebæ, ut & terræ universæ, ita & omnium fere collium est insignis, & in ipsis montanis locis quæ haëtenus non coluntur, optimæ ubique vites provenirent, si à formicis defendi possent. Morbos & mortes somniant incolaæ, si in valibus habitent, propterea colles sequendo, molesta & longinqua aquatione plerumque utiuntur. Nostro hoc, quod præteriit, sexennio nos plana interdum, etiam palustria loca, fortificationum causa secuti, vix aliqua tabe tamen ea propter afflitti fuimus. In *Afogados* quidem Fortalitio præsidarii aliquando, sed satis benigne tamen & breviter, morbis corripiebantur; verum animadversum fuit, id propterea accidisse, quod plerique desides humi cubabant, quod ubi iis interdictum & lectorum usus introductus est, malum hoc illico cessavit. Hæc de collibus notavi. Quod valles attinet, hæc *Cannarum* facchariferarum cultu, (quoniam ob duritiem formicæ iis nocere non possunt) & paucis occupantur. Cæterum feracissimæ essent omnis generis frumentorum etiam nostrarium, puta tritici, filuginis, hordei, avenæ, pisorum, quæ singulis annis binam messem darent, si contra formicas remedium inveniri posset. Quicquid qualiumcunque fructuum extraordinaria aliqua cura, in loco aliquo angusto, contra formicas defenditur, miraculosa ubertate provenit: Brasilia verum horreum foret Europæ totius, si pestis hæc auferri posset. Rumor hic ad nos perlatus fuit, Lusitanum quendam Amstelodami Confessui xix remedium obtulisse contra formicas; equidem non credo remedium universale contra has inveniri posse, quia animadverto, non à Soli vitio, sed à Solis vi id procedere.

Quod fluvios attinet vel potius fluviolos per valles prædictas decurrentes: hi paucis exceptis longitudinem trium, aut quatuor milliariorum vix emetiuntur à fontibus suis, & nihilominus in ostiis suis magnorum fluminum speciem præse ferunt; quod fit ob accessus & recessus maris, fauces ipsorum eluentis; exemplo sit *Rio Formoso*, item *Rio Grande*, & alii omnes, capaces in ostiis magnarum satis navium, qui tamen versus mediterranea, vix duarum leucarum itinere à littore absoluto genu tenus pedibus transcurrunt.

Fluvii, fere nulli sunt apti ad minimarum etiam navium onera è mediterraneis deferenda: *Monguape* tantum flumen sex milliarium longitudine navigavi, & multum ultra

ultra navigari posse, ex profunditate illius & aliquorum relatu comperi, reliqua non item. Horum tamen exiguum fluviorum aliqui, alveos suos, sed siccios æstate & sine aqua, longissime in solitudines proferunt; quale est flumen *Capivaribi*, quod prætereundo *Mattam do Brasil*, *Masyapi*, *S. Laurenzo*, *Real*, prope *Afogados* cum alio fluviolo se conjungit, & juxta *Recifum* influit in mare; item *Rio Grande*; per quorum fluviorum alveos siccios, *Tapuya* sex septimanarum iter sèpius se fecisse professi sunt; pluviis tamen mensibus, alvei ipsorum aqua replentur, sed ob cataractas saxorum frequentissimas etiam parvas naviculas non ferunt.

Flumen unicum nobile est in hisce regionibus, vulgo *Rio S. Francisco*, quod limitem claudit inter Præfecturam Pernambucensem & Sinum omnium Sanctorum, imprimitis illustre est; creditur enim ex intima parte hujus Continentis descendere, & quidem è Lacu illo multorum sermonibus celebrato, qui amnes omnes atque torrentes, ab altissimis Peruviæ montibus versus ortum dimissos, recipit, & per maximos fluvios in oceanum emittit, imprimitis *Rio de la Plata*, de quo jam non dubitatur; *Maraona*, & hunc nostrum. Nam licet hujus fluminis fons aut origo nondum à quoquam fuerit lustrata, tamen evidens ratio id necessario videtur evincere, nam contra quam cæteri fluvii, qui ad hanc Brasiliæ oram in oceanum effluunt, æstivis mensibus quibus pluviae hic rarae admodum & parcæ, tantam undarum copiam evolvit, ut ejus latices ad aliquot milliaria in mari adhuc dulces hauriantur. Nostrates proxime superioribus annis hoc flumen celoce ascenderunt ad quadraginta pene milliaria, ubi adhuc satis latum & profundum erat. Cætera Indigenarum & Lusitanorum fide ita se habere dicuntur, circiter quinquaginta milliaribus à mari, ipsum de altissimis rupibus seu cataractis, *Cacoeras* vocant, præceps ruere, itaque altius ab iis, qui à mari veniunt, ascendi non posse. Supra cataractas fluminis alveum porro pergere versus Corum ad aliquot milliaria, dein ingentem lacum sequi, in quo multæ insulæ amœnissimæ sint sparsæ, quæ à Barbaris habitantur, uti & ora universi Lacus. In ipso autem lacu auriferas arenas colligi, & accolias auro abundare quidem, sed vilipendere. Id autem à rupibus auriferis quæ versus Peruviam jaceant, detritum ab infinitis torrentibus in lacum deduci. Præterea hic reperiri maximam optimi nitri copiam; quod à Præfecto Bahiæ aliquando petitum narrabat Sacerdos quidam Lusitanus minime vanus nec indoctus; qui se nitrum illud vidisse nostris affirmavit. Haud dubium est, nostros operam aliquando datus, ut hæc certa indagine prosequantur.

Piscatio littoris, fuit antehac ditissima, & Lusitanis, dum res ipsorum essent in integro, quaestuosa; nunc penitus abjecta jacet. Sed hæc postea repetita magno nostratibus usui existit. Feras multas, etiam formarum inusitatarum, casu oblatas vidi & comedì, quamvis venationibus & talium rerum indagini nondum vacare hic liceat. Rem pecuariam inveni initio adventus nostri florentem, nunc hæc non nostri tantum, sed etiam hostilis exercitus usu vehementer est attrita. *Hæc ille*.

Operæ pretium autem putavi hic inserere Itinerarium quod à Wilhelmo Glimmerio nostrate accepi. Is narrat, eo tempore, quo ipse in Præfectura S. Vincentii degeret, venisse ad illas partes è Præfectura Bahiæ Franciscum de Sousa; acceperat enim à quodam Brasiliano metallum quoddam, è montibus *Sabaroason*, ut ferebat, erutum, coloris cyanei sive cælestis, arenulis quibusdam aurei coloris interstinctum, quod cum à minerariis esset probatum, in quintali triginta marcas puri argenti continere comprehensum fuit. Hac illecebra provocatus Gubernator, montes hosce & metalla diligenter investiganda putans, septuaginta aut octuaginta qua Lusitanos, qua Brasilenses, eo mittere in animum induxit. Cum his Glimmerius noster profectus, itineris rationem ita describit.

Ab oppido S. Pauli, in præfectura S. Vincentii, profecti, primum ad municipium S. Michaëlis pervenimus, (quod distat à superiori versus ortum quinque aut sex leucas) & ad ripam fluvii *Anhembí*, atque ibidem commeatus paratos invenimus, quos Barbari humeris erant portaturi. Deinde flumen illud trajecimus, & quatuor aut quinque dierum pedestri itinere per densas Silvas promovimus versus Arctum, ad fluviolum qui oritur è montibus *Guarumumis* aut *Marumiminis*, ubi auri sunt metalla. Hic *Canois* aliquot è cortibus arborum conjunctis, secundo hoc amniculo descendimus quinque aut sex diebus, inciduntisque in majorem flumen ab Occidentali plaga descendente. Prior ille fluviolus labitur per humiles & irriguos campos & amœnitate

spectabiles. Secundum hunc majorem cum biduo descendissemus, incidimus in fluvium adhuc longe majorem, qui è montis *Paranapiacabæ* Arctoo latere oritur (sicuti *Anhembi* ex Australi ejusdem latere) & primum secundum montium ductum versus occasum di- labens, dein cubito flexus, aliquandiu fertur versus Arctum, & tandem, ut vulgo cre- ditur, illabitur in Oceanum inter Promontorium *Frio* & Præfecturam Spiritus Sancti, piscibus tam majoribus quam minoribus egregie scatens: vocant fluvium de *Sorobis*. Hunc quoque quindecim aut sedecim diebus descendentes pervenimus ad Cataracten, ubi fluvius ab editis montibus constrictus, præceps ruit versus ortum: quapropter hic *Canoas* nostras depressimus, & rursus pedestre iter aggressi, juxta & per alium amitem, qui ab occasu advenit, & navigiorum non est patiens, quinque aut sex diebus perveni- mus ad altissimum montem; quo superato descendimus in patentissimos campos, lucis quoque hac illac opacos, in quibus pulcherrimæ Pini visuntur, quæ fructus ferunt mo- le capitis humani, cuius nuces medium digitum crassæ, cortice teguntur instar casta- neæ, & optimi sunt saporis & nutrimenti: (*vix dubito, illum loqui de Zabncaio arbore*) ejusmodi arbores per multa millaria in mediterraneis reperiuntur. Deinceps triduo pervenimus ad fluvium qui ab ortu descendit, quem transeuntes, quatuordecim diebus promovimus versus Corum, per patentes campos & colles arboribus nudos, ad alium fluvium navigiorum patientem, & venientem ab Aquilone; hunc ratibus, quas *Langi- das* vocant, trajecimus; & quatuor aut quinque leucarum intervallo alium fluvium of- fendimus, pene ab Arcto allabentem, & navigiorum patientem. Credo autem, tres hosce fluvios tandem in unum alveum confluere, & ferri in *Paraguayum*, eo argumento, quod versus Africum aut occasum se proripiant. Porro toto illo itinere quod hacte- nus deseripsumus, nihil culti vidimus, nullos mortales, hic illic tantum ruinas pago- rum: nihil vieti opportunum præter gramen & aliquot fructus silvestres: observavi- mus tamen nonnumquam fumum ascendentem, vagantur enim per has solitudines barbari quidam cum conjugibus & liberis, incertis sedibus, qui obviis utuntur, nulla sementis cura. Ad postremum hunc fluvium demum pagum indigenarum invenimus, & annonæ copiam, tempestive admodum, siquidem omnis, quam nobiscum tulera- mus, jam erat consumta, & jam aliquandiu silvestribus fructibus aut herbis campestri- bus famem expleveramus.

Mensem pene integrum hic morati, & annona parata, denuo iter promovimus ver- sus Corum, & mense uno absoluto, nullis flaviis obviis, pervenimus ad viam latam & tritam, & duos amnes diversæ molis, qui ab Africo allabentes inter montana *Sabaroas* eluctantur versus Boream; atque hos esse fontes seu capita fluvii S. Francisci opinor. A pago supra dicto ad hos amnes nullos mortales vidimus, sed accepimus, ultra mon- tes nationem barbaram admodum populosam agere; qui de Europæorum horum ad- ventu (nescio quo pacto) certiores facti, unum suorum dimiserunt, ut nos speculare- tur. Hic cum in nostros incidisset, metu horum barbarorum atque annonæ inopia, nondum explorato metallo, cuius causa missi eramus, repedare maturavimus, & pe- ne fame enecti rediimus ad pagum illum barbarorum. Vbi viribus recuperatis & an- nona parata, eodem itinere quo veneramus, ad fluvium illum, ubi *Canoas* depressera- mus, sumus reversi; atque his refectis flumini nos commisimus, eoque adverso pro- ptavimus usque ad illius fontes; atque ita novem mensibus in hanc expeditionem im- pensis, primo *Mogomimin*, dein ad oppidum S. Pauli rediimus. Sed iam redeamus ad institutum, ubi hoc observaverimus, non plane verisimile videri, hos fontes esse fluvii S. Francisci, nam si rationes itineris accurate subducas, non videntur eousque ad Ar- ctum promovisse, ut ad illius altitudinem pervenerint; & opinor longissime in Con- tinentem penetrasse.

## C A P V T I I.

*De Aeris temperie atque Anni tempestatibus.*

**A**utor hic noster quædiu in Brasilia vixit, nimiriū annis fere sex, singulis die- bus, imo & diei partibus, observaverat & annotaverat, quæ esset aeris con- stitutio, quæ aura, atque etiam cætera quæ ad meteorologiam pertinent, ut ex illis hoc caput constitueret, quod tamen morte præventus perficere non potuit; ut autem

DE BRASILIAE REGIONE ET INDIENIS.

9

autem gustum aliquem percipient harum rerum curiosi, typos trium annorum dabo, è quibus colligi poterit, quot & quibus diebus pluerit, & qui venti singulis tempestatibus perflaverint: cæteri enim anni fere ad similem se habent modum, neque multum variant. Raro porro per totum diem & noctem pluit, rarissime per aliquot dies continuos sine intermissione. In Typis autem his litera P. notavimus omnes dies, quibus vel levissima & brevissima pluvia cecidit, ne quis existimet, illis diebus continuo pluisse: Ventos autem litteris notavimus, S. O designat Eurum, N. O. Boream sive Aquilonem; nam duo hi venti, vicissitudine quadam ad universam hanc oram dominantur, & differentiam inter navigandi regulam constituunt.

T Y P V S A N N I cIc Ic xL

	Ian.	Feb.	Mart.	Apr.	Mai.	Iun.	Iul.	Aug.	Sept.	Octob.	Nov.	Dec.
1	p.	N.O	S.O	S.O	p.N.O	S.	p.S.O	p.S.O		S.O	p.	O.S.
2	S.O	N.O	S.O	p.N.O	p. S.	S.O	p.	p.S.O	S.O	O.S	O.	O.
3	S.O	N.O	S.O	N.O	p. S.	p.S.O	p.S.O	S.O	S.O	p.S.O	p.	p.N.O
4	S.O	N.O	p.	p. V.	p. O.	p.S.O	p.S.O	p. S.	p.	p.S.O	p.	p.S.O
5	S.O	p. V.	p.N.O	p. V.	p. S.	S.O	p.S.O	p. S.	p.S.O	S.O	S.O	S.O
6	O.	S.O	p.	N.O	p.S.O	S.O	p.S.S	p.S.O	S.O	S.O	S.O	S.O
7	p.O.	p.S.O	p.S.O	N.O	p.S.O	S.S.	p.S.O	p.S.O	p.S.O	O.	O.	O.
8	O.S. O.	S.O	S.O	p.V.	p.S.O	p.	p.S.O	S.O	S.O	O.N O.		p.N.O
9	id.	p.O.	p.S.O	p.	p.S.O	p.	p.S.O	p.S.	p.S.	O.N O.	N.O	
10	id.	p.	S.O	p.	S.O	p.	p.S.S	p.S.O	S.S.	id.	p.N.O	p.N.O
11	S.O	p.O.	p.S.O	p.S.O	S.O	S.	p.S.	p.S.O	p.S.	O.S O.	N.O	N.O
12	p.S.O	p.S.O	p.S.O	p.S.O	S.O	p.	p.	p.S.O	p.S.O	p.S.O	N.O	N.O
13	p.S.O	p.	S.O	p.O.	S.O	p.O.	p.S.O	p.S.O	p.	p.S.O	N.O	
14	p.S.	p.N.O	S.O	p.S.O	p.	S.S.	p.S.O	p.	p.S.O	p.S.	N.O	
15	O.	p.N.O	p.	p.S.O	p.	S.O	p.S.Q	S.O	S.O	S.O	N.O	
16	O.S. O.	p.O.	p.S.O	p.S.	p.S.O	S.	p.S.O	S.O	p.S.O	N.O	O.	p.
17	S.O	O.	p.S.O	p.	p.N.O		S.S.	S.O	S.O	N.O	p.S.O	
18	p.S.O	O.	p.V.	p.N.O	S.		p.S.O	S.	p.N.O	p.S.O		
19	p.S.O	p.O.	p.S.O	p.S.	S.	p.S.	S.O	p.S.O	N.O	N.O	N.O	
20	S.O	O.	N.O	p.S.O	S.	p.S.	p.S.O	p.S.O	N.O	N.O	N.O	O.
21	p.S.O	p.O.	S.S.	p.	p.S.	p.S.O	p.	N.O	p.N.O	O.	O.	O.
22	p.S.O	p.S.O	S.O	p.S.	p.V.	p.S.O	p.S.O	N.O			O.	
23	p.O.	p.S.O	p.O.	p.O.	O.S.	p.S.O	p.S.O	O.N	p.N.O	p.N.O	O.S.	O.
24	S.O.	O.	p.N.O	p.	p.S.S.	p.S.O	p.S.O	p.S.O		N.O	p.N.O	
25	S.O.	N.O	p.N.O	p.	p.	p.S.O	p.S.O	p.	O.	p.	p.S.O	p.S.O
26	S.O.	N.O	p.N.O	O.	p.S.	p.S.O	S.O	S.O	S.O	p.S.O	S.S.	Q.
27	p.S.O	p.O.	p.N.O	S.O	p.S.O	p.S.O	p.S.O	p.S.O	p.S.	p.N.O	S.O	p.id.
28	S.O.	S.O	p.N.O	p.S.	p.S.	p.O.S	p.S.O	p.	p.N.O	O.	p.S.O	
29	S.O.	S.O	p.S.O	S.O	O.	p.S.O	p.S.O	p.S.O	S.O	O.	S.O	
30	p.O.	p.N.O	p.O.	p.O.	p.S.O	p.	S.O	p.S.O	O.N	O.	p.N.O	
31	O.	p.S.O	p.	p.	p.	p.S.	S.O	S.O	N.O	N.O		

Ex quo observa primo, hoc anno ducentis & duabus diebus aut parum, aut multum pluisse, reliquis minime. Deinde menses pluvios fuisse illo anno, Februarium, Martium, Aprilem, Maium, Iunium, Iulium, Augustum: maxime autem & pene continuo Maium & Iulium. Tertio ventum Aquilonarem demum xix Septembris spirare

## G E O R G I I M A R C G R A V I I

spirare cœpisse, neque eo minus ab initio Ianuarii & etiam ante auram aspirasse ab Euro : atque etiam ventos illos binos Eurum & Aquilonem involassem in fines aliorum, & Eurum hoc anno palmam tulisse. Observavi quoque tantum tonuisse Ian. 19 Martii 4, 6, 15, 20. April. 9, 10. Maii 14. Et utcunque pluerit interdiu, longe maximam partem noctes claras & serenas fuisse, quasdam etiam frigidas. Denique nebulas hic esse admodum raras. Fulgura quoque crebra tantum hoc anno annotat Ianuarii decimo octavo : Februarii decimo sexto, & Martii quarto. Nebulas denique annotat tantum ultimo Octobris ; & primo, secundo, quinto, sexto, septimo, octavo Novembris : ita ut hoc anno raræ fuerint.

## T Y P V S A N N I c I o I o c x l i .

	Ian.	Feb.	Mart.	Apr.	Mai.	Jun.	Jul.	Aug.	Sept.	Octob.	Nov.	Dec.
	p.N.O	p.S.O	S.O	p.S.O	p.S.O	S.O	S.O	N.O	O.	O.	O.S	p.N.O
1	p.N.O	p.S.O	S.O	p.S.O	p.	S.O	p.S.O	p.N.O	O.	p.O.	p.O.N	N.O
2	p.S.	p.S.O	S.O	p.S.O	p.	S.O	p.S.O	p.N.O	O.	p.O.	O.	N.O
3	S.O	p.S.O	S.O	p.	p.S.O	p.S.O	p.S.O	N.O	p.O.	p.O.	O.	p.N.O
4	O.	p.S.O	p.S.O	S.O	p.S.O	S.O	S.O	p.	O.	O.	O.	N.O
5	p.O.S	p.S.O	S.O	p.S.O	p.S.O	p.S.O	p.S.O	p.N.O	O.	O.	O.N	p.N.O
6	S.O	p.S.O	N.O	p.	p.S.O	p.S.	p.S.O	p.N.O	O.	O.	O.N	N.O
7	S.O	S.O	N.O	p.	p.S.O	p.	p.S.O	O.N	p.O.	O.	O.N	N.O
8	S.O	S.O	N.O	S.O	p.S.O	p.O.	p.S.O	p.	p.S.O	O.	N.O	N.O
9	S.O	S.O	S.O	S.O	p.S.O	p.	p.S.O	p.O.	p.O.	p.	N.O	N.O
10	S.O	S.O	S.O	p.S.O	p.S.O	p.	p.S.O	p.S.O	S.Q	N.O	N.O	N.O
11	S.O	S.O	S.O	p.	p.S.O	p.	p.S.O	p.S.O	O.N	N.O	p.N.O	N.O
12	p.S.O	S.O	p.	p.	S.O	p.	p.S.O	S.O	N.O	O.N	O.	N.O
13	N.O	p.S.O	p.	S.O	S.O	p.	p.S.O	S.O	N.O	N.O	p.O.	p.N.O
14	N.O	p.S.O	p.S.O	p.	p.S.O	p.S.O	S.O	p.O.S	N.O	N.O	N.O	N.O
15	N.O	S.O	S.O	p.	p.S.O	S.O	p.S.O	S.O	N.O	N.O	p.N.O	N.O
16	O.	p.S.O	S.O	S.O	p.S.O	S.O	p.S.O	p.S.O	N.O	N.O	p.N.O	p.N.O
17	N.O	p.S.O	S.O	S.O	p.S.O	S.O	S.O	p.S.O	N.O	N.O	p.N.O	p.
18	N.O	N.O	S.O	S.	S.O	S.O	p.S.O	O.S	N.O	N.O	p.N.O	p.N.O
19	N.O	p.	p.S.O	S.	p.S.O	S.O	p.	O.S	p.N.O	p.	N.O	p.N.O
20	S.O	p.	p.S.O	p.S.W	p.S.O	S.O	p.S.O	p.S.O	p.	p.N.O	N.O	p.N.O
21	p.S.O	N.O	S.O	p.S.O	S.O	p.	p.S.O	O.	p.O.N	p.O.N	N.O	p.
22	S.O	p.	p.	p.S.O	p.S.O	p.S.O	p.	S.O	p.	p.	O.	N.O
23	S.O	N.O	S.O	p.	p.S.O	S.O	p.	S.O	O.	O.	O.	N.O
24	O.	N.O	p.	p.	S.O	S.O	S.O	O.S	N.O	N.O	N.O	p.
25	O.	p.	p.	N.W	p.S.O	S.O	N.O	O.S	N.O	N.O	N.O	N.O
26	S.O	p.	S.O	p.	p.S.O	p.S.O		O.S	N.O	N.O	N.O	O.N
27	S.O	S.O	S.O	p.S.	p.S.O	p.	N.O	p.O.S	N.O	N.O	N.O	N.O
28	O.	S.O	p.S.O	p.S.O	S.O	p.S.O	S.O	p.O.	O.	N.O	N.O	N.O
29	p.		p.	p.	p.S.O	p.S.O	S.O	O.	O.	N.O	N.O	N.O
30	S.O		p.S.O	p.	S.O	p.S.O	N.O	p.O.	O.	N.O	N.O	p.
31	S.O		p.S.	p.S.O	N.O		N.O		N.O			

E quo observa primo, hoc Anno centum & septem supra sexaginta diebus , aut parum , aut multum pluuisse, reliquis minime. Deinde illo Anno menses maxime pluvios fuisse Februarium , Martium , Aprilem , Maium , Iunium , Iulium , Augustum ; maxime autem & pene continuo Aprilem , Maium , & Iulium. Tertio ventum Aquilonarem decimum

deum xii Septembris perflare cœpisse, & Eurum maxime hoc anno dominatum; licet hi duo venti non raro in alienos fines irruperint. Observandum quoque hoc anno rarius tonuisse & tantum Februarii sexto & vigesimo secundo: Martii vigesimo tertio, vigesimo quinto, & vigesimo nono: Aprilis secundo, vigesimo tertio & quinto; Decembris trigesimo. Fulguravit tantum Martii vigesimo tertio, & Decembris trigesimo. Nebulae, & quidem crassæ, hoc anno frequentissimæ fuerunt; nimirum Martii tertio: Aprilis 16, 17, 18, Maii 3, 7, 9, 24, 25. Iul. 2, 17, 19, 27, 28, 29, 30, 31. Augusti 1, 2, 3, 4, 18, 20, 22, 23, 24, 25, 29, 30. Septemb. 1. Octob. 3, 4, 5. Nov. 4, 5, 21, 22, 23. Decemb. 19, 20, 21, 24. Annotat autem ad secundum Iulii: mane nebula crassa, ante meridiem nubilum, montes fumantes, Sol rarus, Eurus fortis, frigidus, interpluit crebro, post meridiem itidem, nox nubila, interpluit crebro. Frigidissimum erat etiam ipsa meridie in monte altissimo *Itapuamuru*, ita ut barba & capilli aspergine obducti nobis essent & manus rigerent præ gelu. Ita & sæpe notat noctes frigidas.

## T Y P V S A N N I C I O I C X L I I .

	Ian.	Feb.	Mart.	Apr.	Mai.	Iun.	Iul.	Aug.	Sept.	Octob.	Nov.	Dec.
	P.	S. O	N. O	p. S. O	S. O	S. O	p. S.	S. O	p. S. O	p. O.	N. O	O. N
1	P.	S. O	N. O	p. S. O	p. S. O	S. O	p. S.	S. O	S. O	N. O	N. O	N. O
2	P.	S. O	N. O	p. S. O	p. S. O	p. S. O	p. S. O	p. S. O	S. O	O.	N. O	N. O
3	P.	p. S. O	N. O	p. S. O	p. S. O	p. S. O	p. S. O	p. S. O	S. O	O.	N. O	O.
4	p. N.O	S. O	N. O	p. S. O	p. S. O	S. O	p. S. O	S. O	p. S. O	O.	p. S. Q	Q.
5	P.	S. O	N. O	p. S. O	p. S. O	S. O	S. O	S. O	p. S. O	O.	S. O	O.
6	P.	S. O	O.	p. O.	S. O	S. O	S. O	S. O	p. S. O	N. O	O.	O.
7	N. O	S. O	O.	p. S. O	S. O	p. S. O	p. S. O	S.	p. S. S	N. O	N. Q	O. S
			N. O									
8	p. N.O	p. S. O	p. O.	p. S. O	p.	p. S. O	p.	S. O	N. O	N. O	S. O	S. O
9	p. N.O	S. O	p.	S. O	p. S. O	p. S. O	p. S.	S. O	N. O	O.	S. O	S. O
10	P.	S. O	p.	S. O	p. S. O	p. S. O	p. S. O	p. S. O	N. O	N. O	O.	S. O
11	S. O	p. S. O	p. O.	p. S. O	p. S. O	p. S. O	p. S. O	S. O	p. N.O	V.	N. O	O.
12		p. S. O	p. O.	p. S. O	p. S. O	S. O	p. S. O	S. O	N. O	p. S. O	p. V.	O.
13	O. N	S. O	p. S. O	p. S. O	p.	p.	p. S. O	S. O	N. O	p. S. O	p. S. O	p. S. O
	O.											
14	p. N.O	p.	p. S. O	p. S. O	p. S. O	S. O	S. S.	N. O	p. N.O	p. O.	S. O	S. O
15	p. N.O	p.	p. S. O	S. O	S. O	S. O	p. S. O	S. O	N. O	N. O	p. O.	S. O
16	P.	p. S. O	p. S. O	S. O	p. S. O	S. O	S. O	S. O	N. O	N. O	O.	p.
17	P.	p. S. O	S. O	p. S. O	p. S. O	S. O	S. O	S. O	N. O	N. O	O.	S. O
18		S. O	p.	p. O. S	p. S. O	p.	S. O	p. S. O	p. S. O	N. O	p. O.	S. O
19		p. S. O	N. O	S. O	p. S. O	p. S.	S. O	p.	p. S.	N. O	N. O	S. O
20	O.	S. O	O.	p. S. O	p. S. O	p. S.	p. S. O	p.	p. S.	N. O	N. O	S. O
	N. O					S. O						
21	N. O		p. O.	p. S. O	S. O	p. S.	p. S. O	p. S. O	p. N.O	N. O	N. O	N. O
22	S. O	S. O	O.	p. S. O	S. O	p. S.	S. O	p. S. O	p. O. N	p. N.O	N. O	p. N.O
23	P.	O.	S. O	p.	S. O	p. S.	S. O	p.	S. S.	O.	N. O	O. S
	S. O					S. O						
24	O.	O.	S. O	p. S. O	p. S. O	S. O	p. S. O	S. S.	O. S	p. N.O	S. O	O.
25		p. O.	p. S. O	S. O	p. S. O	S. O	S. O	S. S.	p. O. S	N. O	S. O	S. O
26	N. O	N. O	p. O.	p. O. S	S. O	p. S. O	S. O	p.	S. S.	O.	O.	S. O
27	P.	N. O	p. N.O	S. O	p. S. O	p. S.	p. S. O	p.		O. S	O. S	S. O
28	p. O.	N. O	O.	S. O	S. O	p. S.	S. O	p.	p. V.	O.	O.	S. O
29	S. O		O.	p. S. O	S. O	p.	S. O	p.	p. V.	N. O	N. O	S. O
30			O.	p. S. O	p. S. O	p.	p. S. O	p.	O.	O.	N. O	p. O.
31	p. N.O		p. O.		S. O		S. O	S. S.	N. O	O. N	S. O	S. O

Equo

E quo observa primo, hoc anno centum & sexaginta tribus diebus aut parum aut multum pluisse, ac ducentis & duabus diebus non pluisse. Deinde menses Martium, Aprilem, Maium, Iunium, Iulium, & Augustum, maxime pluvios fuisse. Tertio ab initio Februarii ventum à plaga S. O. cœpisse flare, atque ita pertendisse ad decimum Septembris. Observa quoque tantum tonuisse Ianuarii primo, quarto, decimo; Martii decimo; Aprilis vigesimo secundo & tertio; Maii octavo, nono, & vigesimo.

Fulgura autem tantum observat Aprilis vigesimo primo & secundo: nebulas Martii decimo octavo.

Reliquorum annorum fere eadem aut non multum dissimilis est ratio; è quibus prudens Lector facile intelliget, quæ sint communes in hisce regionibus tempestates, nimirum quatenus intra Tropicum jacent, nam in iis regionibus quæ magis ad Antarticum tendunt, paulo alia est ratio.

### C A P V T I I I.

#### *De Incolis Brasiliæ.*

**I**Ncolarum naturalium hujus terræ sunt quatuor nationes, suis nominibus distinctæ: nimirum *Tupinambu*, *Tobajara*, *Petiguara*, & *Tapuiya*. Et postrema hæc nationiterum in alias multas nominibus distinctas, & idiomate differentes, divisa est. Tres reliquæ una utuntur lingua, dialecto tantum ex parte differente, ut capite de Brasiliænorum lingua obiter à nobis explicabitur.

*Tapuiyaram* nationes quæ habitant ad flumen Sæi Francisci, sunt *Arodera*, *Cajan*, *Maparau*, & *Poyme*.

Lusitani hic plurimi habitant, uti & Belgæ, iisque permixti Germani, Galli, Angli, &c. Brasiliæ vocant Belgas, Germanos, Gallos, Anglos, *Ajuru-juba*, ideo, quia plerumque ruffas seu flavas habent barbas & capillos. In genere autem vocant omnes Europæos & advenas *Caraiba*, itemque *Pero*.

Denique ob misturam variarum nationum, aliæ quinque distinctæ hominum species reperiuntur: nimirum qui ab Europæis parentibus, patre atque matre, hic natus est, appellatur *Mozombo*.

Qui natus est ex patre Europæo & matre Brasiliæ, nominatur *Mameluco*.

Natus ex patre Europæo & matre Æthiopissa, dicitur *Mulato*.

Natus ex patre Brasiliensi & matre Æthiopissa, vocatur *Curiboca*, & *Cabocles*.

Natus hic ex utrisque parentibus Nigritis, appellatur *Criolo*.

Vidi hic Africanam feminam, non nigram, sed ruffa plane cute & pilis ac capillis ruffis. Ex qua regione esset, non potui resciscere, nam linguam ejus non intelligebant reliqui Nigritæ.

Multos hic vidi Æthiopes senes barba magna & totaliter cana, ut & capillis catis canis. Lepidum spectaculum! atra barba quæ incanuit, in nigra cute, videtur quasi farina esset aspersa.

Vidi hic etiam plane albissimum juvenem octodecim annorum, pilis crissipis albissimis & superciliis albis, cute albissima, naso plane more Æthiopum, quinatus hic è patre & matre Nigritis.

*Annotatio.* Tapuiyaram fines & sedes à Iacobo Rabbi, qui plures annos inter illos vixit, ita descriptas accepimus. *Rio Grande*, ad cuius ostium jacet arx Colonia dicta, ad sex horarum iter penetrat in Continentem versus occasum: uti & fluvius *Mupeo* novem horarum itinere à *Rio Grandi* versus meridiem. *Syrag minor* trium horarum itinere à *R. Grandi* versus Arctum, ferme quinquaginta horarum itinere descendit è Contidente.

A *Rio Grandi* porro versus Arctum exit in mare insignis fluvius *Mapreucouch*, longe è Contidente descendens, & Porcorum aquaticorum ferax; ad ripas illius multæ vagantur Capreæ & Struthiones. Tertius fluvius duodecim mill. à *Rio Grandi*, vocatur *Ypotinge*. Quartus autem *Vguasu* dictus, septemdecim horarum itinere distat à *Rio Grandi*. Deinceps diei itinere ab *Vguasu* occurrit *Yponi*, ubi Salinæ sunt: à quibus ad alias Salinas milliaria numerantur quindecim: atque ab his ad *Aritavva* novem: ad maximas Salinas, & per excellentiam ita nostris dictas, tria: ad *Vnabatubam* totidem: ad *Marytupa* duo: ad *Warerugh*

*Warerugh* unum. Hic fluvius alio nomine appellatur *Ostchunogh*, qui supra centum millaria penetrat in continentem versus Austrum. Quinque autem & viginti mill. à littore maris, jacet grandis *lacus Bajatagh*, piscium foecundus: & ad sinistram ab hoc versus ortum alter, qui *Igtug* appellatur ab Indigenis, quem tamen nemo ingredi audet, ob copiam mordacium piscium, & hominibus admodum infestorum. Adjacet huic vallis *Kuniangeya*, viginti millaria in longitudinem patens, in latitudinem tantum duo: quam permeat fluvius *Otschunogh*, piscibus abundans, sicut ipsa vallis maxima copia ferarum, & variis fructibus: quarum præcipui sunt, *Kuraura* Barbaris; magnitudine pomi nostratis, qui ubi sponte deciderunt, tum demum edules sunt: dein *Dierada*, magnitudine globuli sclopetarii, plane nigrantes antequam defluant. Atque hisce fructibus Barbari quotannis trimestre spatium visitant: quibus accedit *Kakara*, fructus instar juglandis, qui coquendus est, antequam comedatur: crudus enim amaricat instar glandis. Magna quoque copia nascuntur hic *Ficus silvestres*, pugni magnitudine: quarum quædam intus rubræ, externe virides: aliæ extus rubræ, & interius albæ, & plenæ granulis albis, quæ, ubi præ maturitate dehiscunt, admodum dulces sunt instar Sacchari; harum planatarum folia instar subulæ acuta & digitum humanum longa. Præterea sunt radices è quibus Indigenæ panem faciunt, ipsis *Atug*, *Harag*, *Hobig*, *Engepug*, quæ crudæ comedì possunt: *Eniapugh*, quæ torrendæ sunt: *Packoda*, quæ crudæ; & *Hompugh*, quas potissimum ad sitim extinguendam usurpant. Ita ut hic terrarum tractus longe amoenissimus sit & vietum hominibus sufficiat.

Porro ab *Otschunogh* ad *Opponne* millaria numerantur decem, qui fluvius ab Austro pene centum milliarum spatio descendit: ab hoc ad *Iauaruç* iter est bīdūi: ad *Beryvere* unius milliaris; ad *Vatepug* duorum, atque ita porro per *Wieserro* & *Bacvvatigg* ad *Çiaram* grandem iter est duorum dierum.

Inter hos fines, qui satis amplum terrarum spatium occupant, incolunt varii *Tapuyæ*, etiam idiomate diversi, & sub diversis Regulis: quorum primus *Ianduy* late tendit in *Otschunogh*, *Otschuayayuch*, & *Drerinagh*: huic proximus *Prityaba* cum priori pacem & amicitiam colens: mox *Arigpoygh*; *Wanasevvaſug*, *Tſhering*, & *Dremmemge*; quibus male cum præcedentibus convenit, ita ut saepe hostiliter alii in aliorum fines incurvant. *Ianduy* autem jam supra centesimum ætatis annum agens, est Regulus ille qui pacem cum nostris colit, & ex foedere aliquoties aut ipse nostris subsidio venit, aut filium atque affinem cum copiis misit contra Lusitanos, quibus infensissimus est: sed non est hisce Barbaris, nisi in summa necessitate utendum, nam tam immanes sunt, ut tam animalia quam homines nec tradant, & magnam vastitatem inducant, neque nostri facile ejusmodi furiis usi fuissent, nisi similes Lusitani in nostros immisissent.

## C A P V T I V.

*De Statura & habitu corporis Brasiliensium, & de eorum ætate & moribus.*

**I**ndigenæ qui inter nos degunt, statura sunt mediocri, robusti, largis humeris, bene compositi: nec facile est inter illos invenire, distortum vel luscum aut claudum. Quod mirum videri potest, quum infantes recens natos nunquam fasciis involvant aut ligent, ne causam morborum illis præbeant. Ligant tantum suis in infantia crura certis fasciis, quas vocant *Tapa cura*, ea de causa ut robustiora fiant. Oculos habent nigros, nasum compressum, os amplum, capillos nigros, rectos. Barbam raram aut nullam. Multi tamen dantur qui barbas habent nigras. Mulieres quoque mediocris sunt staturæ, bene dispositæ, & formæ haud inelegantis, nigris comis, sat robustæ, & quæ facillime pariunt.

Annos suos numerant ab exortu Heliaco Pleiadum, quos *Ceixu* vocant, atque ideo annum eodem nomine denotant: accidit autem is ortus mense nostro Maio.

Numerum annorum ætatis suæ ut retinere possint, singulis annis reponunt unam castaneam de *Acajú*, quam ipsi *Acajú acaya* appellant, itemque *Acaiuti* & *Itemboera*. Fructus enim illius arboris singulis annis semel maturatur, nimirum mensibus Decembri & Ianuario, usque in Martium durans. Plura de hac arbore dicta in lib. i i i. de Arboribus.

Diu plerumque vivunt, & videre inter illos licet multos senes, centum, atque etiam viginti supra centum annorum, neque facile canescunt, nisi in decrepitate aetate.

Pueri illorum ingenio sunt satis docili: verum quando adolescentiam ingrediuntur, fiunt hebetiores, ita ut paucos videat literis instructos, aut qui artem scribendi norint; aut alias artes Europaeas, a quibus quodammodo abhorrent, laborum impatientiores.

Tranquille satis agunt inter se: nisi quando poculis indulgent, tunc dies noctesque saltando & cantillando transigunt. Sunt enim ebrietati admodum addicti, tam mulieres quam viri: neque facile ab hoc vitio deterri possunt, quod longe maximum illis est, e quo & rixae atque aliæ pravae consuetudines nascuntur.

Pigritiae quoque valde obnoxii sunt: praesertim *Tapuiyæ*, qui laborum vel maxime intolerantes sunt; nam cum paucis sint contenti, & terra abunde ipsis victum suppeditant, & divitias non appetant aut norint, ad labores subeundos non excitantur.

Quomodo hospites advenientes lacrymando excipiant feminæ illorum, & quibus sermonibus illos alloquantur; atque quo pacto mortuos suos deplorent, jam ab aliis dictum est, praesertim a Ioanne Lerio, qui inter *Tupinambos* egit, a quorum moribus cæteri non dissident; quare hic nihil repetendum duximus.

## C A P V T V.

### *De Vestitu & ornatu Virorum, & Mulierum Brasiliensium.*

**V**iri subligaria jam ex linteamine plerumque induunt, quidam quoque indufia habent, & pileis utuntur, sed maximam partem nudo incedunt capite, & capillis more Lusitanorum tonsis. Nudis incedunt pedibus, nullis calceis induiti. Quidam etiam solummodo subcinctorio panno lumbos tegunt, cætera sine vestitu.

Mulieres vero jam longis indusiis vestiuntur, factis ex linteo vel goffypino panno, neque quicquam præterea vestimentorum habentes. Comas autem capitis vel dependere sinunt, vel more seminarum nostrantium tæniolis involvunt.

Tam viri quam feminæ & infantes variis coloribus cutem tingunt, nigro, rubro, flavo, ad quem usum usurpant succum è fructu *Ianipaba* immaturo, qui nigro; *Vrucos* qui rubro tingit, & ita in cæteris aut fructu aliquo aut ligno utuntur.

Tapuiyæ, tam mulieres quam viri, fere nudi incedunt, & pilos circa pudenda elevunt. Viri membra sui genitalis fistulam in se contrahunt & involvunt, ligantes tæniola quadam, vocantque id, quo ligant membrum, *Tacoaynhaa*. Religant autem, quando opus est ut meiant. Majore autem pudore afficiuntur monstrando virgam explicatam quam nos. Eodem modo & alii quidam Brasilienses membra sua genitalia ligant.

Capillos capitis ad humeros usque dependentes alunt, & inferius æqualiter præcident more rusticorum Sueviæ. In fronte quoque æqualiter detonsum gerunt; sed præcisione æqualiter facta usque ad aurium regionem superius, & angulis ita factis in utroque latere ad tempora. Eodem plane modo etiam feminæ cum comis suis agunt, & virorum more gestant.

Viri corollas factas ex pennis *Guara* vel *Caninde*, capiti circumligant: dependent à posteriore parte corollæ aliquot longiores pennæ è cauda *Arara* vel *Caninde*. Angulos itaque factos cum capillis ad prime firmant, ne corollæ circumligatae sese ipsas diligent. Quidam etiam solum funiculum è goffypio capiti circumligant, è quo postica parte aliquot pennæ longæ, rubræ vel cæruleæ propendent, vocant *Acanbuçaba*.

Pallia quoque conficiunt è filis crassis goffypinis instar retis nesis, & cuilibet nodo innexa est penna, ita ut pallium totum pennatum sit, & eodem pene modo & concinno ordine pennæ sibi invicem incumbunt, uti squamæ piscium. Pallium autem possum superius cucullum habet, ita ut totum caput, humeros, & coxas ad anum usque hoc sit tegere. Hoc pallio utuntur ornatus & necessitatis causa: ornatus quidem, quia elegantissimis pennis rubris avis *Guara* contextum est, vel etiam admixtis pennis nigris, viridibus, flavis, variis, avium *Aracucaru*, *Carinde*, *Arara*, &c. Necessitatis autem, quia pluvia non pertransit illud pallium, sed aqua cum his defluit. Appellant hæc pallia *Guara abucy*. Solent quoque cum cera seu melle silvestri, certas

tas ex avium elegantium pennis cristas capiti agglutinare, quas cristas ipsi nominant *Aguana*.

Auriculas perforant in tantum, ut digitum immittere possis foramini. Huic immittunt vel os aliquod Cercopithecorum, & vocant *Nambipaya*; vel lignum aliquod dorsi longitudine filis gossypinis circumvolutum.

Viri labium inferius perforatum habent, & foramini immittunt lapidem aliquem seu crystallum seu smaragdum vel jaspidem, magnitudine nucis avellanæ, vocant talèm lapidem *Metara*, & si viridis vel cæruleus fuerit *Metarobi* nominant. Viridem autem imprimis amant & ut plurimum gestant.

Ad utrumque etiam oris angulum buccæ perforatæ sunt conjugatis solum viris, & cuilibet foramini indunt lignum, figura & magnitudine pennæ anserinæ, quod instar clavæ infixi prominet, vel etiam immittunt lapidem aliquem, quem vocant *Tembe coareta*.

Nares non raro perforant atque indunt ejusmodi ligna, *Apayati* appellantes.

Corpus autem varie pingunt: atque insuper toti corpori agglutinare solent plumas variarum avium subtiliores cum mastiche, melle silvestri vel *Mingaupomonga*. Vocant hunc actum *Acamongui*. Atque ita apparent quasi toti hirsuti essent.

Brachia quoque ornant certis corollis factis è plumis avium rubris & flavis, vocantque *Aquamiranga*. Item aptant corallia varia, quæ à nostratis acceperunt, atque hunc ornatum appellant *Papixoara*.

Pennas denique Struthionum multas, vel pendas è cauda *Arara*, in orbem quasi colligunt & connectunt filo crassiori, atque adligant lumbis, ita ut anum tegant & fere ad genua propendeant, & appellant hunc ornatum *Aracoaya*.

Ex fructus *Aguay*, qui triangularis est, corticibus, quos filo annectunt, etiam monilia faciunt, quæ cruribus infra suras circumligant, qui cortices inter saltandum sonum quendam edunt.

Loco calceorum nostratum, è certo cortice *Curagua* ipsis vocato, factis utuntur, atque illos vocant *Miapapacaba*, Lusitani autem *Alpargatas*.

Mulieres pudenda sua solummodo tegunt fasciculo herbarum aut foliorum alicujus arboris, quæ subinserunt chordæ, qua cinguli loco se circumligant. Similem fasciculum etiam usurpant pro tegmine ani. Haud multum tamen utraque hæc janua ad rem facit, nam facile & anterior & posterior porta appetat.

Mulieres quoque ad virorum modum, corpus suum variis coloribus pingunt.

Atque hæc inter gentiles adhuc obtinent, nam qui Christiani facti sunt, ad Europæorum amictum & ornatum se componere consuecant.

## C A P V T V I.

### *De Supellectile Brasiliensium.*

**S**upellex Brasiliensium admodum pauca est, ita ut cum loca mutant, aut peregre profiscuntur, mulier omnem secum portet, onerata instar muli, maritum semper sequens.

Primaria supellex est rete, quod ipsi vocant *Ini*, Lusitani *Rede*, Belgæ *Hange-mack* vulgo *Hamacca*: in hoc dormiunt, alligata utraque extremitate ad ædium suarum trabes. Sunt autem hæc retia ex filis gossypinis contexta, sex aut septem pedes longa, quadrupor ampla.

Lusitanæ quoque feminæ elegantiæ conficiunt, ampla & variis figuris intertexta.

*Tapuiyæ Cariri* duodecim vel quatuordecim pedes longa faciunt, sex vel septem ampla, ita ut quatuor homines simul in eo cubare possint.

Habent unam atque alteram ollam ex argilla factam, qua utuntur ad coquendum.

Adhæc mortarium ligneum cum pistillo ligneo, quod vocant *Angua* & *Vmbua* vel *Vnqua*. Cultros à nostratis redemptos, nominant *Itaquice*: vulgo alias è petra faciunt, etiam vocant *Itaque*: item ex Arundine, quos dicunt *Taquoaquice*.

Specula ex Europa allata, quibus supra modum delectantur, vocant *Guarugna* & *Aruga*. Loco patinarum utuntur cucurbitis, quarum multæ & variæ hic reperiuntur species; has per medium secundum longitudinem secant & rubro *Vrucu* colore exterius tinguunt, interius autem obducunt nigredine. Vocant sic *Cuyaba*: quæ est medietas gran-

dis & amplæ cucurbitæ, quæ integra triginta aut triginta quinque cantharos vini possunt capere. Medietatem tamen cucurbitæ longæ nominant *Cuipeba*: denique quamcumque medietatem *Cuya*: *Caruaba* autem omne in quo & super quo cibum sumunt.

Cochlearum loco inserviunt ipsis digitæ manus, vel mytulli, aut aliæ conchæ.

Mensa ipsorum est vel terra ipsa, vel scamnum quoddam, quod *Patagui* vocant, factum ex arundine vel virgis ligneis, more nostratum scamnorum.

Canistra faciunt ex foliis Palmæ, & appellant *Patigua*: in his recondunt quicquid habent. Alios quoque præterea habent corbes ex arundinibus concinnatos. Hanc sūpellectilem generali nomine vocant *Caramemoa*.

Ex virgultis quoque conficiunt corbes oblongos, satis amplos, quos capite portant impletos, vocant *Panacu*. Inserviunt ipsis præcipue ad transportandum radices *Mandioca*, quando farinam faciunt: nam iter facientes utuntur aliis illis, quos vocant *Patigua*. Æthiopes autem hic *Panaca* utuntur ad res quaslibet portandas.

*Lagenæ*, canthari, cyathi illorum, sunt cucurbitæ variæ, ut *Cuieté*, *Karoba*, *Cuibuca*.

Quando peregre proficiscitur maritus, mulier semper illum sequitur quounque abeat, sive in expeditionem militarem, sive alio, sive procul, sive prope: Ille nihil præter arma sua portat: mulier vero instar muli onerata est, præterquam enim quod à capite in tergum dependet corbis, quem *Patigua* vocant, quam chordæ annectit, (cordam autem non collo, sed fronti circumponit gestando illam) etiam capiti superius imponit alium corbem cum mobilibus suis, vel ingentem cucurbitam farina refertam: lateribus præterea adhærent cucurbitæ minores, quibus aquam hauriunt ad bibendum. Nec tamen adhuc satis onerata est mulier, infantem etiam gestare debet, infidentem linteum, quod ab humero dextro dependet. Insidet autem infans cruribus divaricatis, uno ad ventrem, altero ad tergum matris verso, ventrem vero suum lateri matris dextro applicat. Præterea una adhuc manu vel Psittacum gestat, vel *Cagui*, altera autem manu canem funiculo alligatum dicit. Ita abeunt sine curis, non instrutis loculis argento repletis, sed cucurbita pauca solum farina, referta, non solliciti de hospitio nec hospite fido vel infido, sufficiunt enim silvæ & campi, qui gratis præbent cibum, potum vero fluvii, lacus, vel fontes, vel planta quæ vocatur *Caraguata*, quæ inter folia semper aquam pluviale continent: summum remedium in locis aridis & sterilibus, ubi saepius nec fluvius, nec rivus, nec lacus spatio octo, novem, duodecim milliarium reperitur. Adventante vespera, ubi pernoctare animus, ibi retia sua seu levigatos pensiles alligant arboribus, vel palis terræ infixis, ignem prope struunt, præparant suum cibum, hauriunt potum, comedunt, bibunt. Si autem metus sit à pluvia, hic sunt Palmæ arbores, præciduntur rami, baculi duo terræ insiguntur, alii oblique instar tignorum alligantur opera viminis, complicantur folia palmæ cynaris, fit tectum, atque ita domus confecta est & simul piæta: viriditate enim splendent naturali folia, qui color gratissimus est oculis, nec parietes calce incrustati albedine sua hebetant visum. Haec domus & pluviam arcet & homines à vento nocturno defendit, quod regioni venti opponatur.

Cum domi existentes, viri mane cum arcubus & sagittis suis in silvas abeunt vel campos, ad figendum aliquam feram vel avem: vel abeunt ad mare piscandi causâ, vel pescantur in flaviis vicinis: mulieres plantaria adeunt, & labores sibi impositos subeunt. Quædam & maritos comitantur, ut prædam domum reportent.

Feras capiunt variis modis, vel enim figunt sagittis, vel foveas faciunt profundas in terra, & desuper cooperiunt ramulis arborum certo loco, in quas incident inopinato feræ, vocant *Petacu*: vel etiam è ligno certas decipulas faciunt. Alius modus feras grandiores capiendi vocatur *Mande aratacá*, quo in capreis capiendis utuntur. Alius item insidiarum *Poé*: tertius pro eisdem capreis *Munde guaçu*; pro *Tatú* & *Aguti*, & similibus animalibus, adhuc alium habent, quem dicunt *Mundeguaya*.

Ad volucres autem capiendas, utuntur certis instrumentis, quæ vocant *Iucana*: quæ illis sunt trium generum: nimirum *Iucanabipira*, quod aves pedibus capit: *Iucanajuri-pira*, quod eas cervice apprehendit: *Iucanapitereba*, quod medio corpore.

In flaviis Pisces vel sagittis figunt, vel hamulis capiunt, quibus applicant vel lumbros teretes, qui ab ipsis vocantur *Candiquaçu*, vel gammaeos, cancellos, pisciculos. Vel inebriant illos, ut quasi mortui superfluitent, cum foliis *Iapicai*, vel cum *Timbopotiana*, vel cum *Tinguiri*, vel cum *Tinguiri*, vel cum fructu *Cururu ape*; aut radicibus *Mangi*,

## DE BRASILIÆ REGIONE ET INDIGENIS. 17

*gui*, corticibus arboris *Andà*, & similibus. Piscantur quoque certis cibris, *Vrupema* vocatis, quæ faciunt ex arundine *Vruguiboandipia* appellata.

In mari piscantur hamulo esca instructo & filo alligato, insidentes tribus lignis sibi invicem annexis, vocant *Igapeba*, & Lusitani *Iangada*. Fiunt autem è ligno arboris *Apeiba*, ut jam supra diximus. Fila autem sua piscatoria faciunt è filis *Tacu*, vel etiam *Icipoicica*, vocantque *Pinaçama*: hamulos denique faciunt è ferro, & appellant *Pinda*.

### C A P V T VII.

#### *De Cibo & Potu Brasiliensium.*

**V**NIVERSALE Brasiliensium alimentum est *Vi*, Lusitanis *Farinha de Mandioca* dicta: cuius varias species præparant, uti in descriptione *Mandiiba* dixi, ubi & varios illam præparandi modos prolixè explicavi.

Carnem variam usurpant animalium silvestrium, aviumque, uti & piscium variorum, etiam testaceorum & crustaceorum; fructus itidem arboreos, terrestresque, varia legumina; de quibus omnibus specialiter dixi suis locis. Imo & insecta quædam comedunt, nimirum ea de quibus dixi in lib. de Insectis.

Carnem autem comedunt vel coctam, vel assatam, vel tostam. Coquunt in ollis terreis, quas *Camu* vocant, rotundis (quas è proba argilla ipsi norunt facere) affundendo aquam, atque ita coctam comedunt cum *Inquitaya*, juscule *Caarimaciu*, admissentes *Mingau*, vel immittendo *Viata*, ut sit *Minapiro*; comedentes illud cum carne loco panis.

Ignem eliciunt ope duorum lignorum, uno molli, altero duro, durum acuunt, & applicant molli, circumagendo instar terebri & admovendo gossypium, vel arida folia arborum, atque itaflammam eliciunt. Ligna mollia quibus utuntur, aut sumunt à *Tataiba*, aut *Ambaiba*, aut *Caraguataguaçu*, aut similibus.

Assatam carnem sic perficiunt, & est ea saporis excellentissimi, atque adeo excellit omnem aliam carnem quoquo modo assatam. Vocant *Biaribi*. Faciunt foveam in terra, & hujus fundo primo imponunt folia grandia alicujus arboris, illisque imponunt carnem assatam, quam itidem foliis tegunt, terraque obruunt. Super terra illa focum struunt luculentum, eumque continuant, donec caro sit probe assata.

Tostam carnem in præsentes & futuros usus, faciunt hoc modo. Infouis quatuor furcis ligneis, è baculis cratem desuper efformant, quem *Mocae* vocant, huic carnem in frusta oblonga, haud crassa, concisam, & sale aspersam, (vel illius defectu Pipere Brasiliano) imponunt, prunas subjiciunt, atque ita torrent usque ad sufficientiam. Hæc caro ita tosta, ad decem vel quatuordecim & plures dies durare potest. Hic enim saliri ita caro non potest, ut in Europa. Numquam assant carnem veru affixam, uti nos solemus. Lusitani carnes ad eum modum tostas appellant *Postas*.

Pisces assatos vel ebullitos comedunt cum *Iuquitaya*. Cancros vel gammaros quando coquunt, numquam adjiciunt salem inter coquendum, uti nostrates solent facere, sed coctos comedunt vel cum simplici sale, vel *Iuquitaya*, Lusitanis *Sal-pimenta*; & sic gratarioris deprehenduntur saporis.

Minutiores Pisces, ut *Piaba*, *Piquitinga*, &c. Foliis herbaceis aut arboreis involvunt & operiunt cineribus calidis, ita brevi tempore ad cibum parati sunt, licet neque cocti neque assi dici possint.

Farinam duobus vel tribus posterioribus digitis dextræ manus prehensam inter edendum ori injiciunt, nullo cochleari utentes. Eodemque modo legumina cocta non immittunt ori, sed injiciunt, ita dextre, ut vix aliquid prætereat.

Edunt sæpius interdiu, imo & noctu, neque stata edendi tempora observant. Capiunt autem cibum cum summo silentio: raroque inter edendum bibunt, sed demum post pastum adjiciunt potum.

Dormiunt in retibus suis: sunt admodum pigri, & non raro totum diem stertendo perdunt, & ægre se levant, si victus abundet, & necessitas illos foras non propellat. Prope retia sua pensilia struunt focum tam noctu quam interdiu; ut interdiu serviat coquendo cibo, noctu autem aërem arceat frigidum, qui in hisce regionibus noctu fri-

gidior est, & interdum frigidissimus, ob noctium & dierum perpetuo pene æquabilem longitudinem.

Potus ordinarius Brasiliensium est aqua frigida, fontana vel fluviatilis, quæ hic & valde bona & clarareperitur, ita ut non facile quis noxam ab haustu ejus patiatur, quantumvis largius biberit: quod de fontana imprimis intelligendum est.

Vites autem licet hic ter atque etiam quater uno anno fructus ferant, quia tamen earum non est tanta copia ut vinum premi aut opportunum aut operæ pretium sit, eorum loco plures modos commenti sunt Brasilienses, quibus è variis fructibus atque etiam radicibus potus concinnet, qui vini locum compleant. Et quidem primo vocant *Caoi*, quem nimur faciunt ex *Acaibæ* arboris fructu maturo, quem contundunt in mortario ligneo, vel etiam tantum manibus exprimunt; succum paulum subsidere sinnunt, & tum percolant. Hoc vinum, si ita licet vocare, recens: albicat instar lactis, post aliquot autem dies fit pallidius. Saporis est adstringentis; forte, ita ut quoque inebriet paulo largius haustum. Potest aliquandiu adservari, sed denique degenerat in acetum optimum & boni saporis, ita ut ab ignaris pro aceto vini sumi posset.

Alterum vinum vocant *Aipii*, quod præparant duobus modis, vel masticando vel contundendo radicem; utrovis tamen modo per ebullitionem. Priori modo radices de *Aipimacaxera* concisas vetulæ dentibus masticant, ollæque inspuunt, vocantque hanc veluti pultem *Caraçu*: dein aquam superfundunt, coquunt lento igne, continuo agitando, per expressionem deinceps separant liquorem, quem vocant *Cavitaracu*: hic potus bibitur tepefactus. Posteriori modo eadem radix recens bene purgata conscinditur, contunditur, & ebullitur in potum candicantem instar lactis ebutyrati, qui & tepefactus bibitur. Saporis est grati, subacidusculi, & vocatur *Cacimacaxera*. Vtrumque tamen potum communi nomine appellant *Aipii*.

Terti generis appellant *Pacobi*, quem conficiunt è fructibus arboris *Pacobete* & *Pacobuçu*: de quibus in arborum descriptione à nobis dictum est.

Quarti generis nominant *Abasii*, Lusitani autem *Vinho de Milho*, quia fit è milio illo grandi, quod vulgo Turicum vocamus, & Maizium.

Quinti generis dicitur ipsis *Nanai*, quia fit è præstantissimo illo fructu *Nana*, de quo plura in illius descriptione diximus. Observandum autem, hoc esse fortius reliquis omnibus & facillime inebriare.

Sexti generis ipsis vocatur *Ietici*, Lusitanis autem *Vinho de Batatas*; siquidem fit è nōtissimis illis radicibus, & quidem varie mixtis.

Septimum locum obtinet potus qui conficitur è fructu *Ianipaba* maturo.

Octavum autem, quem Brasilienses vulgo vocant *Beeutingui*.

Nonum, quem vocant *Tipiaci*, qui utrique potus itidem fiunt è farina *Mandiocæ*, nimurum è *Beiu* & *Tepioia*, de quibus alibi dictum.

Cæterum hi Barbari supra modum amant adustum nostras, vocant *Cacitata*, & enormiter, cum datur, se illo inebriant. Potu itidem quem *Nigritæ* hic faciunt & vocant *Garapa* (fit autem eo modo quem in Cannarum sacchari descriptione dixi) magna copia se ingurgitant, ita ut integros dies noctesque canendo & saltando traducant, potu continuo indulgentes tam feminæ quam viri. Mirum tamen quod rarius inter popula rixentur, nisi forte Zelotypiæ causa.

*Tapuiyæ* quando hunc potum præparant, sive *Acavi*, sive *Aiipi* (ii scilicet qui pagos incolunt, & è *Tapuiyaru* genere *Cariri* dicuntur) faciunt id omnes simul. Dies dein constituitur & indicatur singulis. Conveniunt omnes mane, incipiendoque ab uno pagi angulo, evacuant ordine omne vinum per omnia domicilia, donec nihil supersit. Potu sic indulgendo cantillant, saltant rara intermissione. Quando eorum aliquis se nōmio potu distentum sentit, vomitum sibi excitat, & denuo haurit; ita ut qui plus vomere potest & denuo bibere, pro optimo & strenuissimo habeatur inter reliquos potatores.

Tabaco quoque frequentissime utuntur omnes Brasiliæ incolæ: vocant hanc herbam *Petima*, & folia illius *Petimaoba*. Hanc in aëre siccata ponunt ad ignem, ut manus conteri in minutæ particulas possit: hinc induit instrumentis suis è cortice fructus *Pindoba*, vel *Vrucuruiba*, vel *Joçara*, aut *Aque*, &c. confectis; præcidunt quippe una extremitate, nucleus eximunt ac corticem poliunt; hinc foramine in latere facto applicant tubulum è ligno factum. Hoc instrumentum vocant *Petimbuba*, Lusitani autem corrut-

corrupte *Catimbaba*, Belgæ adhuc corruptius *Batgenbow*. Utuntur quoque tubulis ex argilla à se factis & excoctis, sicuti & illis qui ex Europa ad eos afferuntur, quos nominant *Amrupetimbuba*.

*Tapiuya* autem utuntur tubis rectis, amplis, ligneis vel etiam argillaceis, ita amplis, ut integrum pugnum Tabaci capiant, quibus repletis & accensis fumum hauriunt.

## C A P V T V I I I.

*De Armis Brasiliensium, & exercitiis illorum.*

**A**rcus habent è duro ligno factos, quos vocant *Guirapara* & *Vrapara*: Lignum autem unde fiunt *Guirapariba* & *Vrapariba*, Lusitanis *Pao d'Arco*. Chordas arcuum è goffypio contorquent; vocant *Guirapacuma*. Sagittas ex arundine silvestri faciunt, & vocant utramque rem uno nomine *Vuba*. Extremitates sagittarum, quas *anha* vocant, sunt ex ligno asperatae, vario modo; quædam enim multa acumina *Vutapoeta*, quædam unicum acumen habent, quædam dentata, quædam ferrata: quibusdam etiam dentes piscium qui *Iperu* vocantur, aptant.

*Iurupara* appellant sagittam, quæ acumen habet ex arundine *Tacoara* vocata.

*Tapiyorum* nationes quædam nullis arcubus utuntur, sed sagittas suas emittunt manus jactura solummodo, imponendo ligno cuidam excavato instar tubi, per medium secundum longitudinem dissecti. *Cariri* autem arcubus utuntur.

*Tapiuya* clavas habent ex solido ligno nigro confectas, vocant *lapema*, longas & latas anterius, & ossiculis interdum asperatas. Manubrio autem circumvolvunt teniolas è goffypio, vel aliud quid: vocatur *Iatirana* quicquid ita circumligatur. In extremitate clavæ postica dependet fasciculus pennarum è cauda *Arara*, uti & in medio parvus fasciculus adligatus est. Vocatur id, quod sic à clava dependet, *Atirabebe* & *Iatirabebe*.

Tubas faciunt ex ossibus humanis, quas nominant *Canguenca*.

Habent alias tubas, quas vocant *Muremure*.

Alias itidem tubas grandes factas ex conchis, quas *Guatapiguaçu* nominant, & ipsas tubas *Nhumbu goaçu*. Item alias quas dicunt *Vruca*.

Tuba item alia, quæ ex canna est facta, ipsis dicitur *Membipara*. Tubas autem nostrates vocant *Itamembi*: quia è metallo factæ sunt.

Saltationibus supra modum sunt addicti, quas generali nomine vocant *Guau*.

Habent autem varios saltandi modos: quorum unus vocatur *Vrucapi*. Habent & inter saltandum varios cantandi modos.

Pueri quoque certos exercent lusus; quorum unus vocatur *Curupirara*: alter *Guaibipai*: tertius *Guaibiguaibiabucu*. Atque hæc tantum obiter ab Auctore designata inveni, uberior explicaturum fuisse liquet, si supervixisset; sed apud Ioannem Lerium hæc pluribus explicata inveniuntur.

## C A P V T I X.

*De Brasiliensium religione.*

**C**redunt ex antiquorum traditione immortalitatem animarum, & feminas & fortes viros, qui multos inimicorum trucidarunt & comedenterunt, post mortem ad campos Elyseos, quos pene montes quosdam esse autumant, abire, ibique tripudiare. Ceteros ignavos & socordes qui nihil in vita digni gesserunt, credunt à Diabolo statim post mortem cruciari. Vocant autem Diabolum *Anhangá*, *Iurupari*, *Curupari*, *Taguaiba*, *Temoti*, *Taubimama*.

Habent suos fortil egos sive sacrificulos, quos *Paye* & *Pay* vocant, hos de futuris consulunt, quando ad bellicam expeditionem proficiscuntur, ipsisque prædicunt quicquid accidere debeat.

Multi instructi sunt in Religione Christiana, non tamen seduli sunt in doctrina de Deo; nec magno ardore afficiuntur. Deum vocant *Tupa* & *Tupana*. Magnos licet pro-

gressus nonnulli eorum fuerint, circa instituta divinitatis, tamen in moribus corrigendis maxima est difficultas, ob magna quædam vitia, quæ ægerrime domantur.

Hæc omnia fusius prosequitur I. de Laet, hoc modo.

Brasilienses Barbari nullum pene habent religionis sensum, nec de origine, & creatione hujus universi quicquam norunt, de diluvio universali obscure & fabulosum quiddam recordantur: niinirum mortalibus aqua haustis, superfluisse unum aliquem cum germana sua, jam uterum ferente, atque ab iis rursus genus suum originem & incrementum accepisse. Neque Deum aliquem noverunt, neque proprie adorant quicquam, unde nec illud nomen in ipsorum idiomate reperire est, quod Deum exprimat: nisi forte *Tupa*, quo excellentiam aliquam supremam denotant; unde Tonitru vocant *Tupacununga*, id est, strepitum factum à supra excellentia, à verbo *Acunung* strepare: Fulgor autem *Tupaberaba*, id est, splendorem excellentiæ, à verbo *Aberab* resplendere. Illi se ligones & agriculturæ scientiam debere profitentur, atque ideo pro nomine aliquo agnoscent. Cælum aut inferos post hanc vitam pariter ignorant, licet animas post separationem à corpore supereesse credant, atque nonnumquam in dæmones converti, & ad campos irriguos, variisque arboribus amœne consitos, traductas, ibidem jugiter choreas ducere. Spiritus malignos impense metuunt, quos *Curipira*, *Taguai*, *Macachera*, *Iurupari*, *Marangigoana* vocant: sed diversis significationibus, nam *Curipira* significat numen mentium: *Macachera* numen viarum, viatores præcedens. *Petigares* fingunt boni nuntii paronymphum: contra *Tapiguauos* & *Caryos* medicum humanæ salutis hostem. *Iuripari* & *Anhangá* significant simpliciter Diabolum. *Marangigoana* non significat numen, sed animam à corpore separatam vel aliud quid, instantem mortem prænuntians, ipsis Brasilianis non satis notum, & tamen illud vel maxime timent: ita ut interdum imaginario & vano illorum terrore subito exanimentur. Nec tamen ullis ceremoniis aut idolis venerantur: quidam tamen nonnumquam stipitibus solo defixis, & munusculis juxta positis illos spiritus placare nituntur: rarius autem hi spiritus visibiliter inter illos comparent, licet multi aliter prodiderint.

Habent & sagas, quibus vix aliter quam Medicis utuntur, iisque valetudinis recuperandæ desiderio valde sunt obnoxii: interdum & inter ipsos reperiuntur homines nequam, qui magicarum quidem artium rudes, sed ludendi & ductandi miserorum animos gnari, insolitis quibusdam corporis jaestationibus & gesticulationibus sui admirationem excitant, & falsis quibusdam miraculis sibi fidem conciliant: illi populibus suis & interdum integris provinciis persuadent culturam agrorum penitus omittere, venisse enim tempus, quo tellus omnia sponte sua ipsis sit productura, atque ipsæ feræ illis ultro pabulum allaturæ: His aut similibus næniis miseros hosce, natura sua plerumque desides, ita infatuant, ut neglecto terræ cultu, sensim commeatu destituantur, præque inedia deficiant, donec impostor ille solus supersit, nisi ante à suis dolum persentientibus trucidetur. Ceterum magos vocant *Page*: at *Caraiba* est illis potestas miracula perpetrandi: quare Lusitanos, quia multa faciebant quæ ipsorum captum superabant, *Caraibas* appellabant, atque ita etiam hodie vocant & Europæos omnes.

## C A P V T X.

### *De Lingua Brasiliensem, è Grammatica P. Iosephi de Anchieta, S. I.*

**H**oc caput ab Autore nostro plane affectum tantum fuit derelictum: sed pervenit ad manus meas Grammatica linguae maxime usitatæ in Brasilia, composita & digesta à P. Iosepho de Anchieta, S. I. edita Conimbricæ, Anno c 15 15 xcv. è qua pauca delibabimus, ut gustum aliquem linguae demus.

I. *De Literis*: Hæc lingua non habet *f*, *l*, *s*, *z*, *rr* duplex, neque mutam cum liquida, ut, *cra*, *pra*, &c. pro *s* autem in principio aut medio dictiōnis servit *c* cum *zeura*.

Non conjungitur consonans cum altera consonante in eadem dictione, excepto *mb*, *nd*, *ng*, ut, *Acmonber*, *Aimondo*, *Aimeeng*. *Petigares*, qui juxta Paraibam incolunt, & reliqui

reliqui indigenæ usque ad *Tamoyes* qui *Rio de Jenero* accolunt, verba, quæ desinunt in consonantem, pronuntiant integra: Tupis autem S. Vincentii numquam pronuntiant ultimam consonantem in verbo affirmativo; ut, pro *apab*, dicunt *Apâ*; & ita in ceteris. In verbis item compositis ut plurimum abjiciunt consonantem ultimam prioris verbi.

**II. De Orthographia:** *P. m. mb.* saepe usurpantur una pro altera, hoc modo: dictiones absolute sumtæ pronuntiantur cum *m* aut *mb*; ut, *Mo*, vel *mbo* manus: præcedente autem adjectivo mutatur in *p*, ut, *Xepo*, manus mea: excipe *Mbae* quæ numquam mutat, ut, *Xembæ*, mea res. *B* autem in principio dictionis numquam pronuntiatur sine *m*, licet per incuriam interdum non scribatur. In medio quoque dictionis communiter ponitur *b* post *n*: & usitatissima pronuntiatio, *b* & *p* in medio & fine dictionis ferre semper mutantur in *m*, aut *mb*, &c.

**III. De Accentu:** Omnes dictiones quæ desinunt in quatuor ultimas vocales, habent accentum in ultima, & notantur circumflexo. Quædam autem quæ desinunt in *e*, videntur habere accentum in penultima, quod fit, quia sunt compositæ. Quæ desinunt in *a*, partim habent in ultima, & notantur eodem accentu, partim in penultima, & notantur acuto: Monosyllaba autem accentu gravi. Verba denique maximum partem accentum habent in ultima syllaba, in qualemunque demum consonantem aut vocalem desinant.

**IV. De Nominibus:** Nomina non habent casus aut numeros distinctos, præter Vocabulum casum, cum haec differentia; nimirum, quod ea quæ habent accentum in ultima, nihil mutantur in omnibus omnino casibus.

**V. De compositione Nominum:** Nomina substantiva componuntur cum adjectivis, ita ut substantiva semper præcedant, & si habeant accentum in ultima, manent integra: sicut in penultima & vocales concurrent, perdunt ultimam vocalem, ut, *Tuba ete*, *Tubete*, pater verus. Si concurrent cum consonante, perdunt totam ultimam syllabam. Denique substantiva cum substantivis junguntur ad eundem modum.

**VI. De Pronominibus:** Pronomina habent aliquot casus: ut *Ego*, Nominativ. *yxe*, *xe*. Dativ. *yxebe*, *yxebo*, *xebe*, *xebo*, *mihi*: Nominativ. Pluralis, *ore*, *yandé*, nos: Dativ. *orebe*, *orebo*, *yandebe*, *yandebo*, nobis. Tu, Nominativ. *ende*, *nde*, *ne*. Dativ. *endebé*, *endebo*, *ndebe*, *ndebo*, tibi. Nominativ. Plural. *peé*, vel *pe*, vos: Dativ. *Peème*, vel *Peémo*, vos: Accusativ. *opô*, vel *pe*. Vocativ. *peé*, vel *pe*. *Oré*, *yandé*, sunt etiam Adjectiva, noster, nostra, nostram. Eandem declinationem obtinet *Acé*, ut, Nominat. *Acé*, Dativ. *Acebe*, vel *Acebo*, & significat hominem, & servit tertiae personæ, in ambobus numeris & utroque sexu; *c*, cum *zeura*, & *i* sunt pronomina relativa in omnibus casibus, & numeris, & significant, *is*, *ea*, *id*. Reciprocum *o*, id est, *se*, *suis*, *sua*, *suum*, usurpatur simpliciter, quando sermo refertur ad personam agentem, ut in lingua Latina, exempli causa, *Petrus oiuca oguba*, Petrus occidit suum patrem.

**VII. De Verbis:** quamvis omnia verba habeant unum modum Conjugationis, licet tamen dicere habere duos, quia Negativus adjicit alias particulas: exempli causa; *Aincû*, ego occido; *Namcái*, non occido. Similiter autem se habent Indicativi modi, Præsens, Imperfectum, Perfectum, & Plusquamperfectum, in Futuro, *Aiucâne*, occidam; *Naamcaixorene*, non occidam. Plurima autem observanda sunt in Conjugationibus, quæ brevitatis causa omitto.

**VIII. De Propositionibus:** quæ tamen ipsis potius sunt postpositiones, quales *Mô* in, *Pé* in, ad, pro, cum Dativo. *Bé* in, per. *Qupé* pro, cum Dativo. *Cui* de, ex, præter. *Coce* supra, super. *Tobaque*, *çobaque*, coram. *Tenondé* ante, de tempore. *Cupí* per, de loco. *Cotí* versus. *Cecévi*, cum, propter, pro, in, à. *Porupí* longe: *Pocé* cum, instrumentale, in, intra. *Pabé* cum, societatis. *Nái* idem. In singulis autem multa observanda, quorum pauca tantum hic subjungam. *Pe* si jungatur cum nominibus quæ desinunt in *ba*, cum accentu in penultima, facit perdere ultimam syllabam, ut *Taba* aldea, *Tape* in aldea. *Bo* semper est plurale. *Coce* significat locum & excessum, atque ita servit pro comparativo, ut, *Itâcocé* super lapidem, vel plus quam lapis.

Porro ut gustum demus aliquem hujus linguae, Dictionariolum adjungo, quale ab Emanuele de Moraes, lingue illius peritissimo, accepi, & quidem primo Nominum.

## C A P V T X I.

*Dictionariolum nominum & verborum linguae Brasiliensibus  
maxime communis.*

**A** Bâ, homo.  
 Abâ, vir.  
 Abâ, crines.  
 Abâiba, sponsus futurus.  
 Acangapé, cranium.  
 Acaya, matrix.  
 Acayûroig, Annus.  
 Aceoca, jugulum.  
 Acu, sinistra manus.  
 Acuabeimbae, fatuus.  
 Amaberaba, fulmen.  
 Amacûnunga, tonitru.  
 Amandiba, grando.  
 Anâma, cognatus.  
 Anga, anima.  
 Angaibara, macer.  
 Angaipaba, pravus, astutus.  
 Angaturama, gratus.  
 Apara, curvus.  
 Apecum, lingua.  
 Apicaba, sedes.  
 Ara, aér.  
 Ara, dies.  
 Ara ibicoquime, meridies.  
 Ara, tempus.  
 Araya, avia.  
 Atapuana, levis.  
 Atapuâtia, velox.  
 Atucupe, dorsum.  
 Atyba, humerus.  
 Ay, Cig, mater.  
 Ayûra, collum.  
 Boya, servus.  
 Cama, mamma.  
 Canga, os ossis.  
 Caraibebê, Apiabebê, Angelus.  
 Caruca, vespera.  
 Capi, gramen.  
 Capi goacu, stramen.  
 Catû, delicatus.  
 Cay, simia.  
 Ceba, folium,  
 Cebira, nates.  
 Cemiraco aô bae, viduus.  
 Ceo, animal.  
 Ceteeimbaê, Spiritus.  
 Cig, Cygra, amita; eisdem  
nominibus significant &

avunculum & materte-  
ram.  
 Coaraci, Sol.  
 Cobra, anguis.  
 Coemitanga, aurora.  
 Coribae, latus.  
 Coya, gemini.  
 Cunha, femina.  
 Cunhaiba, sponsa futura.  
 Cunumigoacu, adolescens.  
 Cunumi, puer.  
 Ecatuaba, dextra manus.  
 Eyruba, apes.  
 Gibâ, brachium.  
 Guaibino, vetula.  
 Guirarupia, ovum.  
 Iaci, Luna.  
 Iaci, mensis.  
 Iacitata, Stella.  
 Iba, arbor.  
 Ibâia, Cælum.  
 Ibatinga, Ibitinga, nubes.  
 Ibatebae, altus.  
 Ibi, terra.  
 Ibitira, mons.  
 Ibutû, ventus.  
 Icapî, ros.  
 Ig, aqua.  
 Iguaba, calix.  
 Ipeca, anser.  
 Ique, latus.  
 Ita, ferrum.  
 Itâ, lapis.  
 Itacira, ligo.  
 Itapigua, clavus.  
 Iuba, flavus.  
 Mâupiâra, bilis.  
 Mbaê apapuara, fascis.  
 Mbaeaúbora, ægrotus.  
 Mbiû, cibus.  
 Mbô, manus.  
 Membeca, mollis.  
 Mendara, matrimonium.  
 Micu, digitus pedis.  
 Mitâ, calcaneus.  
 Mocu, anguilla.

Mormotara, iracundia.  
 Muapendaba, articulus.  
 Nhia, cor.  
 Opacatûmbae, mundus.  
 Pocembuera, membrum.  
 Potia, pectus.  
 Poranga, pulcher.  
 Porerobiara, fidelitas.  
 Porucuicôbora, pauper.  
 Potivî, anas.  
 Poxî, deformis.  
 Pi, pes.  
 Piâ, jecur.  
 Pirâ, pisces.  
 Pirâ, cutis.  
 Piquiûra, minor natu. His  
nominibus utuntur fe-  
minæ inter se.  
 Pitanga, infans.  
 Puâ, digitus.  
 Puâguacu, pollex.  
 Purva, umbilicus.  
 Pucu, longus.  
 Putuna, nox.  
 Roig, frigus.  
 Tagica, vena.  
 Tagui, sanguis.  
 Tagira, filia. His duobus  
nominibus pater tantum  
utitur, mater dicit Men-  
bira.  
 Taira, liberi, & filius.  
 Tamûa, avus.  
 Tata, ignis.  
 Tecoacû, felicitas.  
 Tecoateima, avaritia.  
 Temireco, maritus & uxor.  
 Tendiba, mentum.  
 Tendi, sputum.  
 Tendipia, genu.  
 Tecobecatu, sanus.  
 Temâ, tibia.  
 Tetê, corpus.  
 Tiaya, sudor.  
 Tibira, minor natu. His no-  
minibus

DE BRASILIÆ REGIONE ET INDIGENIS.

23

minibus utuntur fratres	<i>Tipibae</i> , tristis.	<i>Tyuru</i> , vefica.
tantum inter se: sicuti	<i>Tiquera</i> , soror major natu.	<i>Vba</i> , coxa.
<i>Quibira</i> , frater, sorores	<i>Tiquiera</i> , frater major natu.	<i>Vnha puapem</i> , unguis.
tantum erga fratres, &	<i>Tuba</i> , parentes & pater.	<i>Tâ</i> , fons.
<i>Teindira</i> soror, fratres tan-	<i>Tuba</i> , <i>Tuitira</i> , patruus.	<i>Tmeneóbae</i> , vidua.
tum erga sorores.	<i>Tubei Íma</i> , pupillus.	<i>Tyaobeimmbae</i> , nudus.
<i>Tigne</i> , venter.	<i>Tuibaem</i> , senex.	
<i>Tigueperg</i> , intestinum.	<i>Tupâna</i> , Deus.	
<i>Tinga</i> , albus.	<i>Ty</i> , urina.	

Dictionariolum verborum maxime communium.

<b>A</b>	<i>Bí</i> , errare. <i>Abiqui</i> , pectere. <i>Acanhem</i> , morior. <i>Acoy</i> , operire. <i>Aei</i> : errare. <i>Ami</i> , premere. <i>Amotareima</i> , odisse. <i>Anduba</i> , sentire. <i>Angaipaba</i> , delinquere. <i>Aóba mondéba</i> , induere. <i>Apîna</i> , radere. <i>Apition</i> , ligare. <i>Aroca</i> , minuere. <i>Ayaima</i> , sternutare.  <i>Berâba</i> , splendere.  <i>Caanga</i> , metiri. <i>Caanga</i> , gustare. <i>Caanga</i> , dicere. <i>Cacâba</i> , transire. <i>Caé</i> , sanare. <i>Capira</i> , purgare. <i>Capucaya</i> , clamare. <i>Capucâya</i> , ringi. <i>Carom</i> , sperare. <i>Caruca</i> , mingere. <i>Cauccuba</i> , diligere. <i>Cecarâya</i> , oblivisci. <i>Cema</i> , exire. <i>Cenduba</i> , audire. <i>Cenoya</i> , appellare. <i>Cenoya</i> , vocare. <i>Cepiaca</i> , videre. <i>Cepiaca</i> , reprehendere. <i>Cerûra</i> , portare. <i>Cetûna</i> , odorare. <i>Ceyara</i> , deferere. <i>Cica</i> , arare. <i>Cipîja</i> , rigare. <i>Ciquiye</i> , timere. <i>Cô</i> , ire. <i>Cobaitim</i> , occurrere. <i>Coquendaboya</i> , aperire.
----------	---

<i>Cuâba</i> , cognoscere. <i>Cupira</i> , levare. <i>Cuu</i> , defendere.  <i>Ecatu</i> , posse.  <i>Genonheca</i> , precari. <i>Goameenga</i> , mordere. <i>Guapua</i> , sederei. <i>Guata</i> , ambulare. <i>Gueena</i> , vomere.  <i>Iabâba</i> , effugere. <i>Iecoacuba</i> , abstinere. <i>Ienumâna</i> , spuere. <i>Ierure</i> , poscere. <i>Igtaba</i> , natare. <i>Igû</i> , bibere.  <i>Maenduara</i> , recordari. <i>Mano</i> , mori. <i>Maramonhang</i> , belligerare. <i>Mayaoca</i> , dividere. <i>Mbaeraca</i> , emere. <i>Mbaeu</i> , edere. <i>Meenga</i> , tradere. <i>Menbirara</i> , parere. <i>Moabaiba</i> , incantare. <i>Moabaiba</i> , impedire. <i>Moaguêba</i> , restinguere. <i>Moanga</i> , cogitare. <i>Moaquima</i> , madefacere. <i>Mobibua</i> , suere. <i>Moete</i> , laudare. <i>Moetê</i> , adorare, honorare. <i>Moendi</i> , <i>capi</i> , incendere. <i>Mogiba</i> , coquere. <i>Mogycô</i> , polire. <i>Momiya</i> , movere. <i>Momitâ</i> , accipere hospitio. <i>Monberaba</i> , vulnerare. <i>Monbeu</i> , nuntiare. <i>Monbuca</i> , perforare. <i>Monbuja</i> , terebrare.	<i>Mondoca</i> , incidere. <i>Mondoca</i> , scindere, auferre.  <i>Mondôca</i> , findere. <i>Mondoroca</i> , frangere. <i>Monguy</i> , molere. <i>Monguya</i> , solvere. <i>Monhang</i> , facere. <i>Moperuâ</i> , frigere. <i>Mopotaya</i> , necdere. <i>Moriba</i> , consentire. <i>Moropiâna</i> , commutare. <i>Moyerâ</i> , jocari. <i>Moyceâra</i> , miscere.  <i>Nheangera</i> , suspirare. <i>Nheenga</i> , loqu. <i>Nhemboe</i> , discere. <i>Nhengara</i> , cantare.  <i>Paepua</i> , respondere. <i>Paraboca</i> , eligere. <i>Paronduba</i> , inquirere. <i>Peâ</i> , vitare. <i>Peâ</i> , deponere. <i>Pita</i> , manere. <i>Pitangarempí</i> , concipere. <i>Pitêra</i> , oculari. <i>Pitêra</i> , sorbere. <i>Pitibô</i> , juvare. <i>Pituba</i> , ungere. <i>Poacêma</i> , gemere. <i>Pobâna</i> , nere. <i>Pocuâba</i> , consuescere. <i>Pocaucuba</i> , somniare. <i>Porabiqui</i> , operari. <i>Porâra</i> , mentiri. <i>Potareima</i> , recusare. <i>Potara</i> , cupere. <i>Puama</i> , surgere. <i>Puaya</i> , jubere. <i>Puca</i> , ridere. <i>Puru</i> , uti.
--	---

Que-

# G E O R G I I M A R C G R A V I I

24

<i>Quera</i> , dormire.	<i>Tara</i> , capere.	<i>Tima</i> , sepelire.
<i>Queraro</i> , vigilare.	<i>Tecobe</i> , vivere.	<i>Taceô</i> , plorare.
<i>Raba</i> , solvere.	<i>Tiguioca</i> , sanguinem reddere.	<i>Teabôboca</i> , exuere.
<i>Rerecô</i> , habere.	<i>Tih</i> , pudere.	<i>Teupira</i> , ascendere.
<i>Rura</i> , venire.	<i>Tima</i> , plantare, terere.	<i>Tucâ</i> , occidere.

Notandum autem, illos multa habere vocabula, tam nomina quam verba, quæ plura & diversa significant: exempli causa: *A*, significat fructum: item dilectum comilitonem, ut cum dicunt, *Mamô cuipe ereym Xe a*: unde venis, dilecte commilito? Item *A*, membra virilis caput: ex modo autem & tempore loquendi intelligitur de quo loquantur.

*Accang* jaculor, lego, metior, pondero, delibo. *Aâr* cado, ut *Aâr quecê Ibipe*, heri cecidi in terram. Item *Aâr*, intelligo, ut *aâr coite aipô recê*, nunc hoc intelligo. Sed de his satis.

## C A P V T   X I I .

### *De Tapuiyarum moribus, & consuetudinibus, è Relatione Iacobi Rabbi, qui aliquot annos inter illos vixerat.*

**I**Ncertis plerumque sedibus vagantur instar Nomadum, inter certos tamen limites, inter quos castra mutant secundum Anni tempestatum mutationem; itaque Regulus eorum, qui *Oshisayyna* dicitur, à maximo flumine, quod fines eorum permeat, ut supra diximus, cuius gentile nomen est *Landui*, vesperi & mane per castra proclamari curat pro arbitrio suo, & consultis ante divinatoribus suis & hariolis, quo proximo mane promaturi sint, & ubi confessuri, atque quid interdiu acturi. Mane antequam iter aggrediantur, fluvium ingrediuntur, & se abluunt, & nitidissima arena corpora sua fricant, & rursus abluunt: atque inde egressi artus suos ita extendunt & con torquent, ut articuli ipsis crepitent; Hinc ad focum accedunt, & calefacti, denticulis quorumdam piscium ita se scabunt, ut sanguinem multis locis eliciant, quod ad lassitudinem in itinerando demendam plurimum putant prodesse. Scribit Rabbi se se id sœpe esse expertum utile esse.

Ad lapidis jactum à Reguli tabernaculo, duo trunci arborum humi jacent unius passus intervallo à se invicem dissiti, populus autem universus in duas turmas divisus ex adverso consistit; hinc unaquæque turma eligit unum è robustissimis, qui truncos illos succollant & quam possunt celerrime portant, succedunt dein alii aliis ex eadem turma; qui autem primi ad locum castris destinatum pervenerint, tardioribus insultant, atque illos exsibilant. Operiuntur hic juniores qui arma illorum & secures aferunt, hinc arbores certatim cœdunt & pergulas construunt, sub quibus æstum solis vitare possint, inter ipsos rivulos. Inter ea adveniunt & feminæ cum reliquis impedimentis: & viri egrediuntur, pro locorum conditione aut ad pisces, aut ad feras capientum; atque itidem mel silvestre colligendum: vetulæ vero ad radices eruendas, è quibus farina confici possit, & panes coqui: domi autem aliæ aliis auxiliantur & parant manibus cibum & potum: qui deinceps tempus terunt hastilibus certando, luctando, currendo; quibus certaminibus duæ feminæ ad id selectæ præsident, & judicant de singulorum virtute & victoribus.

Vbi vespera advenit, coœunt adolescentes in varias cohortes, & castra perambulantes cantillant ante tuguria, adolescentulæ autem quæ juvenibus delectantur, prodeunt, & cantillantes atque tripudiantes sequuntur adolescentes, & à tergo consistunt eorum, quos amant, id enim ipsis amoris testimonium est. Cum porro juvenes jam ad nuptias aspirant, venantur feras, & colligunt mel silvestre, aliaque, atque ad Patres dilectorum conferunt: qui si plures filias nubiles habeant, advocant prophetas & sortilegos suos, medicosque; illi autem adeunt Regulum ad deliberandum. Regulus

Ius porro convocat per præconem Adolescentes procos in proximum extra castra, ubi plurimi, tam adolescentes quam pueræ, conveniunt, & conjunctim per sylvas vagantur, donec ad locum venationi destinatum pervenerint; atque hic consilio capto pauci illorum progrediuntur, ut ferarum latibula indagent, qui, ubi illa offenderint, ocyssime ad reliquos regrediuntur, & indicant quo loco ferarum sit copia: deinceps omnes cum armis & canibus feras indagine cingunt, atque ita propere in illas ruunt, ut nonnumquam ducentas feras simul capiant, & mactent, atque postquam lateribus apertis intestina canibus objecerint, illas inferunt castris. Accurrunt dein feminæ, & foco facto, viscera primum torrent viris in cibum: dein pilis ablatis, ferarum corpora concidunt in plures partes: postilla fovea intra terram facta, prunas illis induit, atque eisdem carnes ita concisas superimponunt, aggestaque arena, rursus fumum superstruunt, ita ut carnes percoquantur, haud secus quam in furno. Quidam & melilla colligunt & potum conficiunt; atque ita comedendo diem exigunt. Dein iterum accedunt ad Reguli tabernaculum ad deliberandum ubi proximo die venatio sit instituenda; quo constituto, discedunt in cohortes ad cantillandum, è cantionum enim modo augurantur an venatio bene processura sit necne. Venatione absoluta, rursus comedantur ad eundem modum, & ii qui domi manerunt, conferunt farinam è radicibus factam.

Diximus jam ante, Barbaros hosce labia, auriculas & genas perforare: hic actus ab ipsis instituitur ad hunc modum. Adolescentes ad hoc parati educuntur ad locum in quem populus convenit ad cantillandum & saltandum. Sortilegi autem eorum atque dæmonum incantatores dupli ordine ex adverso consistunt, atque eorum unus arripit puerum aliquem, & manus illius atque pedes arcte constringit, & ita tenet, ut se mouere non possit, accurrit alter qui puero inferius labium acuto ligno perforat, uti & auriculas, matre pueri interea ejulante. Adolescentibus porro foramina terebrant in genis, atque hæc sunt veluti sponsalia; neque enim ante adolescentes hæc subeunt, quam ad nuptias aspirent: dein per triduum aut quatriduum comedantur: in isto autem nuptiali convivio Regulus ipse suas cuique partes distribuit, de cibis qui parati fuerunt.

Matres imprimis hoc curant, ne filiæ ipsarum ante ad conjuges accedant, quam menses earum fluxerint, quod sortilegis suis & medicis indicant, atque illi Regulo, & ita demum sponsa ad sponsi sui cubiculum adducitur: celebratur porro cantilenis mater, quod filiæ pudicitiam tam bene custodiverit.

Quod si matris sit filia aliqua matura viro, quæ tamen non petatur; tunc mater eam sub oculis rubro colore pingit, ubi menses suos semel passa fuerit, & adducit illam ad Regulum, & exponit quid desideret, tum Regulus, juvenculam ad se vocat, & in storea juxta se considerare mandat, & fingens se medici partibus fungi, manus ad focum calefacit atque iis se demulcit; dein & se, & juvenculam Tabaci fumo afflat; denique pene juvenculæ pudenda ferit, si autem sanguinem eliciat, hunc delingit, atque hoc imprimis honorificum putant.

Feminæ prægnantes factæ deinceps à virorum consortio abstinent. Vbi autem pepererunt, secedunt in silvam, & infanti umbilicum concha præcidunt, & una cum secundinis coctum devorant: puerpera autem atque infans mane & vesperi frigida abluitur: neque femina quamdiu infantem suum lactat, cum viro suo consuevit, nisi forte ille unicam tantum conjugem habeat.

Si femina cum altero consuescat, & viro id innotuerit, abigit illam à se; si autem in ipso actu forte deprehenderit, utrumque occidere licet, si possit. Narrat Rabbi Regulum *Ianduy* aliquot suarum conjugum ita trucidasse, mœchis dilapsis.

Regulus *Ianduy* habet in medio tabernaculi sui ingentem cucurbitam, super stoream ita dispositam, ut ab altera storeæ parte cooperiatur, ad quam sine mandato Reguli nemini accedere fas est, aut cucurbitam intropicere, sed cum Tabacum sumunt, licet fumum in illam exspirare: feras autem & mella quæ inferuntur, juxta illam deponunt, donec Regulus imperet illa auferre: singulari autem superstitione & timore percellit suos hac cucurbita. In illa sunt lapides quidam, quos illi appellant *Kehnturah*, & fructus quidam, ipsis *Titzsheynos*, quos majoris faciunt quam aurum.

Non possum præterire quin hic addam, quibus præstigiis illi qui medicinam inter illos profitentur, hominibus ægris illudant. Narrat *Jacobus Rabbi*, cum Regulus

*Draragh* ægrotaret magnumque dolorem pateretur in lateribus & cruribus; neque à suis medicis quicquam solatii acciperet, ad vicinum Regulum profectum, ut ipsius medicis uteretur (adhibiti tres, quorum primus, Tabaco sumto totum Regis corpus eo perroravit, dein, arreptis illius genibus, illa ita suxit quasi devoraturus esset, & boatu quodam instar tauri edito, primum plurimum sputi è gutture in manum effudit, atque una semivivum animal instar parvæ anguillæ, quod Regulum ita dolore cruciale asserebat. Alter medicus postquam ventrem Reguli eodem modo suxisset, & instar feræ rugiisset, album lapidem è gutture evomuit, figura pene rosæ. Et repetita suctione in lateribus, evomuit aliquid simile radici. Ad eundem modum perpetuo agunt & à credulo vulgo creduntur magni esse medici.

Martio & Aprili mensibus maxima aquarum vis de montibus descendit, ita ut fluvius *Otschunogh* se inflet & ripas suas egrediatur atque in vicinum lacum *Bayatag* exundet, quo tempore tantam piscium multitudinem capiunt, quantam feminæ in castra vix referre possunt: eodem & præcipui illorum fructus maturantur. Vbi autem fluvius intra alveum suum coërcetur, ad consuetas sedes redeunt, & fementi dant operam: serunt autem imprimis grandius *Milium* seu *Maizium*, *Phaseolos* varios & *Cucurbitas* lagenæformes, aliasque.

Antequam semina terræ committant, solum à sortilegis & prophetis illorum ab ortu ad occasum lustratur, & semina vaporantur fumo *Tabaci*, hoc ad fœcunditatem proficere autumant. Nec minus anxie & superstitione divinatores suos consulunt de anni fertilitate, qui vario plumarum ornatu atque aliis monilibus insignes credulum vulgus miris præstigiis effatuant: quod interea cantillando tempus terit.

Ubi sementis eorum ad maturitatem pervenerit, & fruges collectæ fuerint, tantum seponunt, quantum ad proximam sementem sufficere putant, reliquum abliguriunt.

Imprimis venerantur Pleiadum exortum, & stellas illas numinis loco colunt, canendo & choreas ducendo; præsertim in loco ad id destinato, quinque supra quadraginta horarum itinere ab *Otschunogh*, quo tendunt, cum fructus silvarum & camporum maximam partem jam maturi sunt. Hic autem Adolescentes omnes qui hastis lusuri sunt, post triduum cantando & saltando exactum, se parant ad certamen; & quidem primo suras vinciunt lento quodam vimine, è quo & calceos confectos induunt: deinde melle capita inungunt, & capillos postica parte subligant, & longiori avis penna erecta insigniunt: mox rubro pulvere capillitum ad occiput aspergunt, fronti autem albas applicant plumas; denique faciem variis pingunt coloribus, uti & reliquum corpus; dorso autem alligant fasciam è frondibus confectam instar caudæ, brachiisque alas volucris, quam vocant *Kofetug*, & cervici itidem circumdant pennas rubras. Ita ornati certant per triduum, & victores ovantes saltant.

D E  
C H I L I   R E G I O N E .

C A P V T   P R I M V M .

*De Chilensium statura, & habitu corporis, atque vestitu.*

**L**icet Chilenses longe dissipati sint à Brasilienibus, quia tamen in eodem Continenti fere à tergo habitent, atque à nostris nuper fuerunt lustrati, non prorsus alienum putavi quædam de illis h̄ic subjungere, è variis Commentariis nostrorum, quos Illustr. Princeps Ioan. Mauritius subministravit.

Indigenæ Chilenses in communi, satis robusto & compacto sunt corpore: coloris inter album & fuscum: nigris & crassis capillis: qui autem illorum Hispanis serviunt, gestant illos prolixos & intonsos, verum qui adhuc sui sunt juris & cum Hispanis belligerant, vulgo *Veas* appellati, attondunt illos, ne, ut ferunt, ab hostibus suis, iis apprehendantur, ita ut hoc signo à subjectis Chilensibus dignoscantur.

Capite ut plurimum sunt grandiusculo & facie lata, imberbes, quia illam evellunt duabus mytulorum conchis, arcte connexis, & una parte firmiter ligatis, quas secum & quidem ad collum appensa gestant: etenim non tantum è mento & genis, sed & pudendis partibus omnes pilos evellunt, tam mares quam feminæ, & primum cineribus calidis illos fricant, ut ita facilius radicitus evellant.

Nudo incedunt capite, & solummodo redimiculo capillos capitis subligant, quod vinculum suo idiomate vocant *Tarimelonco*: primoresque illud paulo operosius & pretiosius gestant, utpote lamellis quibusdam argenteis & Turcoidis gemmæ fragmentis, & aliis quibusdam quisquiliis, quas illi tamen magnificiunt, intertextum. Quidam etiam ornamenti loco gestant exuvias volucrum & pelliculas mustelarum & similium, animalium, divisas, ita ut caput frontem, cauda cervicem, tegat: atque nominant *Manielelonco*; paucissimi denique pileos gestant, quos ipsi faciunt grossō modo.

Feminæ itidem capite nudo & cornis solutis incedunt: certis tantum temporibus subligant, videlicet quando mensibus laborant, atque hoc indicium facit. Feminæ tamen Chilenses, quæ prope *Castro* degunt, comas colligant & cincinnos gestant pene ad nostrarum hodiernum modum: In *Coquimbo* denique & *Loquimbo* Peruanarum mulierum cultum imitantur, utpote iis viciniores; aliis provinciis Chili hoc insolitum.

Amiciunt se panno, quem texunt ipsæ è lana suarum ovium: paucæ enim reperiuntur feminæ quæ texere nesciant, atque adeo machinas ipsas disponere; maximi autem eorum quos texunt pannos, vix superant quatuor aut quinque ulnas nostrates: Mares autem sumunt hujuscē panni quadratam portionem, circiter duas & semis (paulo plus aut minus) ulnas longam, & circiter ulnam aut sesquiulnam latam; in cuius medio rimam faciunt, oblongam, qua caput exserunt: sub hac veste veluti tunica, pro frigoris modo, bis terve revoluta, nudum corpus tegunt, sine thorace aut indufio, bracca ab umbilico ad genua usque propendente contenti, more pene Europæo. Pannus hic ut plurimum diversorum est colorum, albi, rubri, cœrulei, & lutei, & ad oras striati, instar lodicis Hispænicæ. Ceterum nudipedes incedunt, præterquam quod quidam festivis diebus caligas induant satis affabre factas, & quadratis albis nigrisque tessulatas: calceorum autem usum penitus ignorant.

Feminæ, quoque quæ circa Chiluen degunt & fere Peruanarum mores æmulantur, similem pene amictum ferunt, à postica parte ad talos demissum, in lateribus consutum, ad pectus apertum, super humeros magnis aciculis, quæ capitella habent lata, ambitu fere dupli stuferi, utramque fimbriam connectunt: sunt aut aciculæ istæ five fibulæ ex ære aut stanno pro illarum opulentia. Hanc togam redimiculo subligant, ceterum & ipsæ nudis pedibus ambulant. Ceteræ Chilenses feminæ amictum haud

ita compositum ferunt, solummodo gestant quadratum pannum sub uberibus circumjectum & dependentem ad suras usque. Superior vestis est alius pannus paulo laxior sub humeris, super eosdem angulis suis in nodos coactus: hic earum communis amictus, sin vero maritis suis placeant, & paulo exquisitius ornentur, orbiculos circum collum gestant vitreos, & æneos annulos in auriculis, neque aliud quid.

Omnis autem Chilenses munditarum amantissimi sunt; quare singulis diebus mane se abluunt, etiam gelu sanguiente, tam mares quam feminæ.

## C A P V T I I.

*De Chilensium ædibus, suppellectile, agricultura, viatu,  
& commubiis.*

**I**psorum domicilia sunt tuguria seu casæ humiles; quarum tam latera sive parietes, quam tecta, è stramine, juncis aut arundinibus sunt contexta: atque hæ hinc illuc sunt dispersæ, neque enim aut oppida aut pagos inhabitant, sed per vicinitates, atque adeo familias & consanguinitates in unum locum aggregantur: & Hispanico nomine appellantur *Partialidades*, quatenus ad unum primorem, seu, ut ipsi vocant, *Carracam*, referuntur, à quo & ista communitas regitur.

Supellex quoque illorum tenuis & pauca: nimirum duæ aut tres amphoræ, quibus potum suum indunt, quem vocant *Chicam*: item cyathus corneus quo illum hauriunt: duo aut tres lignei linters: Lapis super quem far suum frangunt; unum atque alterum ligneum sedile. Opulentiores tamen habent vellera aliquot ovium, quæ humi spargant, quando à potentioribus invisuntur.

Vivunt sine ulla solicitudine, neque serunt neque plantant, quam quantum in annum proximum opus habent: siquidem opes illorum consistunt in pecudibus: quarum tamen haud magnam habent copiam.

Sementem faciunt hoc modo: O&obri ingrediente, familiæ unius vicinitatis, decem, viginti aut plures paucioresque conveniunt, & conjunctis laboribus, mares uno atque altero die fodiunt terram, aut etiam arant, seminaque injiciunt: atque hac opera defuncti, feminis relinquunt reliquam culturam, neque ipsi amplius manus admovent. Communiter à mane ad vesperam comedunt & potant, cum sunt domi; si vero foras profiscantur, nimirum ad conventum aliquem aut expeditionem bellicam, bis tantum singulis diebus cibum capiunt, quod & à paucis qui frugaliores sunt, etiam domi servatur. Raro aquam solam bibunt, sed miscent illam communiter cum farina hordeacea, tritici, aut certæ speciei farris, quam vocant *Tecam* (descriptam à I. de Laet lib. xii. 1. Descr. Ind. Occident. cap. 2.) atque ita simul sorbent: verum festivis diebus, & voluptatis causa, bibunt certum potum quem nominant *Chicam*, qui colorē & saporem habet lactis acidiusculi: fit autem è maizio molito & in massam coagulo instar panis; hæc massa à vetulis masticatur (uti apud Brasilienses) ita ut mollis & diluta evadat instar pultis aut seri lactis, admiscent deinde aliquantum aquæ & fermentari sinunt, donec per se considat: hoc potu inebriant se: faciunt quoque siceram è variis pomis, cui tantum aquæ admiscent, ut fere tenuem cerevisiam referat. Verum optimum potum conficiunt è certo fructu, quem Hispani appellant *Frutillo*; credo esse fructum arboris *Molle*, aut *Myrtillam*, quam vocant *Vnni* (vide lib. supra citatum:) qui instar vini est rubicundus & fortis, accedens nonnihil ad vinum Insulæ Maderæ: è quo & optimum fit acetum.

Tot uxores accipiunt, quot possunt alere; opulentiores enim plures habent: siquidem illas emunt à parentibus, unde proverbio inter illos fertur, eos ditiores evadere qui plurimas habent filias: in uxoribus autem eligendis non tam rationem habent formæ aut generis, quam roboris & industriæ in familia alenda: licet neque formam aut nobilitatem puellarum aspernantur.

Ducturus autem uxorem, puellam haud alloquitur, sed tantum suos consanguineos, opem illorum implorans; nam filius familias non habet proprias opes, quibus illam redimiat, sed ab amicis adjuvatur, quorum alius ovem, aliis porcum, tertius vaccam, & ita porro largiuntur: ubi jam parata habet, quæ sufficere autumat, adit patrem puella & ap-

& aperit suum desiderium: si autem sit *Vlmen* aut alicujus dignitatis, necesse etiam est ut paratum habeat monile aliquod è Turcoidibus aut argenteis lamellis (majoris enim faciunt argentum quam aurum) quod patris puellæ capiti aut collo circumdet, & tum de reliquo pretio conveniat, quod pro diversa contrahentium conditione variat, & interdum decem, interdum viginti, vigintiquinque, quinquaginta, imo & centum pensionibus æstimatur, pensiones autem singulæ sunt ovis aut equus aut vacca aut porcus, aut etiam quatuor amphoræ *Cicæ*, toga denique & gallina, atque ita porro. Vbi ita de pretio inter patrem puellæ & procum convenit, emtor præstat pretium & pater venditam pueram adducit domum sponsi: symposium nuptiale instruitur, quo ad cibum à sponso, quoad potum à focero, qui pretii dimidiam partem inter suos consanguineos distribuit, ut illi succurrant in *Chicæ* conquirenda. Aliquot diebus post hanc conjunctionem consanguinei venundatam invisunt, & convivio excipiuntur à marito, & canunt in honorem *Maruapeante*: præsertim si animadvertiscant illam à conjugi diligi.

Fit & interdum, ut, si animadvertiscant, illam durius haberi quain par est, conjugem per vim à marito abducunt, nulla pretii soluti compensatione facta, atque alteri elocent. Licet mariti more ipsis communijus vitæ & necis in uxores usurpent, uti in mancipia, è quo facile animadvertere, quam firma sint vincula conjugii è parte mariti, neque enim ipsis illam dimittere licet, quandiu ipsis vivit; non alteri vendere; tantum ejicere, si perperam se gerat: quanquam nonnumquam fiat, ut sine iusta causa egerat, sed tunc ipsis metuenda est consanguineorum similitas & vindicta, si conjux paulo potentiores habeat. Nihilo secius hic multæ conjuges per vim à maritis suis abducuntur, & quidem impune.

Viri paulo opulentiores singulis uxoribus construunt casam peculiarem: ubi autem cum aliqua illarum consuecere est animus, mittit ad illam, ut ipsum expectet: quod & interdum clanculum fit, ob cæterarum iuvicidiam: nihilominus utitur jure suo, & cum dilectissima convenit, cæteras pene mancipiorum loco habet, quæ & metere & cætera domestica munia obire coguntur, siquidem mares, ut ante dictum, solummodo sementem faciant.

Vbi autem conjugum aliqua peperit, festum agitur, & ovis illius terræ, quæ *Chiliavque* ipsis dicitur, maestatur, & puerperæ datur comedenda caro, ut robur denuo acquirat; licet feminæ hic statim post partum aqua frigida se abluant, & redeant ad domestica munia. Quinimo affirmant Hispani, suas quoque conjuges ab aëre ad eundem modum indurari, & robustiores fieri ad facillime enitendum.

Chilenses omnes sunt valde Zelotypi, itaque si quis peregrinus ipsis invisit, & femina illos modo intueatur, vapulandum ipsi est: sin autem deprehendant, illas cum aliis mœchari, sine ullo judicio publico trucidant: neque tamen propterea castius vivunt, & non raro viri multa coguntur dissimulare.

Viduis autem feminis secundo matrimonio se tradere haud quidem illicitum est, honestius tamen existimatur, si liberos habentes, innuptæ maneant, & aut ad parentes aut consanguineos suos redeant. Sin autem nullos habeant liberos, veluti in peculio mariti censentur, & cum cæteris bonis ad hæredes transeunt.

### C A P V T I I I.

#### *De Chilenium sensu de Religione, & cultu numinis.*

**C**Hilenses neque Deum norunt, neque illius cultum, nullum observant dierum discrimen, ne mortuorum quidem resurrectionem credunt, sed post obitum nihil hominis putant superesse: nihilominus noverunt Diabolum, & quidem ut adversarium boni; & quemadmodum vitam hanc summum bonum judicant eorum omnium quibus fruuntur, ita vulgo aiunt, ubi quis inter eos defunctus fuerit, illum à Diabolo abreptum esse: quod ipsis suo idiomate dicunt *Alverey*.

Cæterum aliquo defuncto, is plangitur à consanguineis & amicis; servant autem cadavera dudum insepulta, interdum duos, tres, aut plures menses, reponunt ea super herbas bene olentes, atque iisdem cooperiunt, ne fætor offendat; ubi autem sepulturæ tradere volunt, triduo ante amicos convocant, & convivantur, ove illius

terræ mactata , cuius & partem aliquam cum amphora Chicæ capiti illius apponunt ; atque ita tandem cadaver intra terram deponunt prope casam illius quam inhabi- tavit.

Veruntamen his non obstantibus videntur aliquantulam habere notitiam supremæ essentiæ & alicujus divinitatis , à qua omnia terrena & humanæ quoque actiones gu- bernentur & dirigantur , cuius tamen essentiam non intelligunt : quidam enim illo- rum credunt aërium spiritum , quem appellant *Pillan* , & in symposiis suis potissimum venerantur & celebrant , cuique cantiones attribuunt , peregrino gestu & ejulatibus : maxime autem illum colunt cum tonat , sumuntque sagittam aut etiam securim lapi- deam instar cunei , & infigunt terræ , & circumstante vociferantur & canunt , pe- tentes , ut *Pillan* hostes ipsorum perdat : nam dictio *Pillan* etiam tonitru ipsis signifi- cat , & tonitru pro numine agnoscunt : nam cum hilariores sunt & comedantur , & tonitru interea accidat , omnia omittunt ; & concurrunt ad arma , credunt enim to- nitru monere ipsos , hostes suos Hispanos adesse , & affirmant se idipsum perpetuo esse expertos .

Porro omnes fortis & præstantes viros , itemque primores , consilio & manu prom- tos , insigniunt nomine *Pillan* , ipsis divinas virtutes attribuentes .

Cum Tabaci fumum hauriunt , quod & ipsis familiare , miris quibusdam cæremo- niis illum in aërem exhalant , dicentes , accipe hæc *Pillan* , cum aliis quibusdam sermo- nibus , quos neutquam nostri intelligere potuerunt , sed videntur hoc pacto numi- ni litare .

Quando aliquam victoriam ab hostibus reportarunt , tunc festum celebrant , non sine compotationibus , & (quemadmodum jam diximus de tonitru) securim illam la- pideam infigunt terræ , & circumstant cum armis suis , & cantillant epinicia , quæ no- minant *Pavvay* , in honorem *Pillan* . Eodem modo agunt cum aliquem ex hostibus captum , occidere destinarunt ; feriunt autem illum inter symposia (nam & illum con- vivari & canere permittunt) securi aut clava in capite , ita ut concidat , & cor exi- munt è pectore , & dentes cruento infigunt , cum cantu & vociferatione ad *Pillan* , ut ante .

Puniunt quoque homicidas & famosos latrones atque fures , proditores , & similes , morte ; eisdem cæremoniis , quibus hostes captivos . Verum hæc fiunt inter ipsos cum acceptione personarum , nam qui potentes habent amicos , aut plurimum Chicæ largiri possunt , facile hasce pœnas evadunt : præterquam si quis beneficii aut incantationis reus sit convictus ; tales enim sine ulla venia aut dissimulatione vivos comburunt , & in cineres redigunt , simul cum omnibus quæ possident , neque enim cuiquam fas quic- quam illius retinere , metuunt enim ne quid fascini in illis lateat .

Nulos habent sacrificulos aut alios ministros qui *Pillan* sacrificent : neque sortile- gos : tantummodo eos qui comœdiam cum *Pillan* probe norunt agere , & cæremoniis illis defungi , & *Pavvay* bene præcinere , maximi faciunt .

Colunt præterea alium spiritum seu falsum numen , quod appellant *Maruapoante* , quod ipsis indicat , quando potissimum uxor ducenda sit , aut cognoscenda : credunt enim illas certo imprægnari , cum *Maruapoante* ipsis præceperit cum ipsis consuescere : si autem illos interroges , quomodo cum hoc dæmone colloquantur , aut quo pacto ab illo moneantur , respondent , id fieri per inspirationem aut in somniis , ubi ante ipsi ce- cinerunt & genio indulserunt . Atque in hisce duobus nominibus tota ipsorum super- stitio consistit .

## C A P V T I V .

### *De Chilensium regimine Politico , & armis.*

**R**egimen illorum est penes optimates , quos vocant *Vlmen* , aut quando tantum unus est *Pulmen* . Et qui alibi vulgo *Cafqui* audiunt , ab ipsis indigitantur *Cu- racea* ; nam *Cafique* nomen ab Hispanis ex Insulis Americæ translatum .

Eiusmodi *Vlmeni* , sive *Curacea* , sunt inter illos plurimi , qui viginti quinque , interdum quinquaginta , imo & centum aut plurimis familiis præsunt : quorum tamen regimen præcipue consistit in bello administrando , aut in generalibus Conventibus , cum de re- bus

bus magni momenti deliberandum est, ipsi enim convocant ejusmodi Conventus: non possunt autem ab illis tributum aliquod exigere, aut alia onera imponere, præterquam cum summa necessitas exigit, sed tantum imperare ut adversus hostes egrediantur: quo casu ipsi præire coguntur, reliqui autem se adjungere generali, quem vocant *Apocuraca*, aut gubernatori illius communitatis, quem dicunt *Nentoque*, illique in omnibus obedire.

His autem generalibus seu rectoribus non licet de rebus publicis privatim cum quoquam deliberare, sed necesse est, ut consilium habeatur palam & sub dio, omni populo præsente, ut omnem suspicionem amoveant.

Hæc dignitas *Curacæ*, aut munus inferioris rectoris, succedit à parentibus ad liberos: sī autem defungentes nullos relinquant, ad proximos consanguineos aut affines.

Nisi forte hæredes parum idonei sint, tunc enim dignitas illa aut munus interdum arripitur ab astutioribus. Reliqui eminentiores personæ eliguntur à *Curacis* aut *Pulmenis*; nimirum generales aut gubernatores: nunc autem nullum habent generalem, sed singularum communitatum rectores pro talibus se gerunt.

Electio autem *Nentoque*, seu rectoris alicujus communitatis, fit ad hunc modum: Loco vacante, is qui illam dignitatem ambire satagit, primo examinat facultates seu opes suas: necesse enim est primores demereri & solenni symposio excipere: rebus autem rite paratis, convocat *Curacas* omnes & *Pulmenos* communitatis ad locum publicum illi actui destinatum, qui ubi frequentes cum armis suis convenerint, orationem ad illos habet, prædicans & genus suum, opes, amicos, atque fortia facinora, aliaque, quæ ad rem judicat facere, & petit, sc̄ in defuncti locum surrogari: dein unus aliquis *Curacarum*, aut *Pulmenorum*, orditur orationem, (candidatus autem statim illius collo circumdat collare compositum è Turcoidibus, aut certis conchis albis politis, quas instar auri æstiment) & commendat candidatum, atque permovet reliquos ad ipsum eligendum, & sine ulla conditione aut stipulatione prævia obediendum: Eleitus autem vicissim promittit, se omnia fideliter pro communi salute aëtatum, & munus suum diligenter obitum. Dehinc orator ille collare, à candidato acceptum, inter reliquos dispartit primores; denique totus hic aëtus absolvitur prolixa & splendida comedatione.

Eodem quoque modo eligunt *Apo Curacam*, id est, supremum Rectorem: quem tamen *Vcas* jam à longo tempore non habuerunt.

Arma ipsis sunt hastæ sive lanceæ, fragmento veteris cuiusdam gladii ad spithamæ longitudinem asperatae, plus minusve: hæ autem hastæ ut plurimum longitudinem habent duarum nostratium communium. Utuntur & Clavis, ferro asperatis: visuntur quoque inter eos frequentes gladii Hispanici, quos nudos gestant, quia vaginæ jam olim putruerunt. More tamen & consuetudine majorum suorum usurpant quoque arcus & sagittas, lapillis quibusdam asperatas, & veneno imbutas admodum lethali: verum hoc non est commune omnibus, sed iis potissimum qui *Pulches* appellantur, qui origine Chilenses creduntur, licet ad Orientem habitent trans altissimorum illorum montium juga, quæ ab Hispanis *la Cordilbra* appellantur; de quibus in Descriptione Indiæ Occidentalis, in tractatu Peruviae, I. de Laet egit.

Fabricant & galeas & thoraces è crudis tergoribus vaccarum, valde crassos & robustos, ita ut gladiis penetrari neutquam possint.

Equites sunt optimi, & illis hastis satis dextre etiam in equis uti possunt: non ita boni sunt pedites, siquidem fere usum musquettorum ignorant, & illa valde metuunt. In bello plerumque ex insidiis grassantur: in quibus admodum sunt industrii. Crudelissimi sunt in victos, omnesque trucidant, & corda eximunt, & palpitantia adhuc dentibus laniant, ut ante diximus de captivis quos mactant,

Fœdera ineunt & stabiliunt in hunc modum: qui alium primatem aut rectorem communitatis ad fœdus & armorum societatem invitat, mittit per aliquem suorum (aut etiam portat ipse) sagittam, quam invitatus, si consentiat, manu dextra tangens vice jurisjurandi se obligat, atque hoc præcipuum inter ipsos est fidei vinculum.

Ad eundem modum, cùm neque legere neque scribere sciant, siquid alteri nuntiare velint, quod bellum, aut aliud Reipublicæ negotium tangat, per fidum aliquem suum ministrum, mittunt sagittam, cui fascia alligata est, societatis armorum index: quam ille, ad quem mittitur, dextra manu accipit; & si vicissim aliquid nuntiare velit, ad-

dit & alteram fasciam, atque ita sagittam candem remittit. Si autem opus sit alios quoque moneri, retinet prior sagittam cum fascia, & ad alios confederatos per suos circumferri curat ad eundem modum.

## C A P V T V.

*De Chilensium Lingua, & Vocabularium dictionum  
Chilensium.*

<b>A</b>	Dem, sudor.
	Aero, pectus.
	Abquem, arbor.
	Alchahawal, Gallinaceus.
	Alchawal, Gallina.
	Alel, flamma.
	Alengei, nimium.
	Alvee, Diabolus.
	Anca, lumbi.
	Angen, facies.
	Anguen, siccus.
	Ante, Sol.
	Apo curaca, Princeps.
	Apô, Generalis.
	Aullyn, Apis.
	Aulonconey, sapiens.
	Auri, dorsum.
	Avaun, ebullita.
	Bachiante, hodie.
	Bewe, Mus.
	Bidabida, palatum.
	Biliante, semper.
	Boru, dentes.
	Botum, filius.
	Bulmerre, guttur.
	Buri, retro.
	Buta changel, pollex.
	Buta, magnus.
	Buytha, senex.
	Bylcum, Lacertis.
	Cachu, herba.
	Cadi, costæ.
	Cairon, foenum.
	Calbu, cæruleus.
	Calel, corpus.
	Cancan, affa.
	Carel, viridis.
	Caul'a, Noverca.
	Cervinam, Cervus.
	Chadi, sal.
	Challo acaman, Piscator.
	Challua, Piscis.
	Chagelcue, digitæ.
	Changel namon, digitæ pedum.

<i>Chan</i> , femora.
<i>Chaquana</i> , scala.
<i>Cheche</i> , Avus.
<i>Chiquelen</i> , furfures.
<i>Choroi</i> , Psittacus.
<i>Choot</i> , luteus.
<i>Chou</i> , Pater.
<i>Chouwo</i> , piger.
<i>Chuquiboë</i> , fur.
<i>Collu</i> , testes.
<i>Compay</i> , intus.
<i>Cona</i> , Miles.
<i>Coun</i> , sputum.
<i>Cuchi ilon</i> , porcina.
<i>Cuchy</i> , Sus.
<i>Cude</i> , anus.
<i>Cue</i> , manus.
<i>Cujun</i> , carbo.
<i>Culenei</i> , dives.
<i>Cuneira</i> , orphanus.
<i>Cunewal</i> , inops.
<i>Cura</i> , lapis.
<i>Curaca</i> , Dynasta.
<i>Curam</i> , ovum.
<i>Curi</i> , niger.
<i>Curique</i> , hepar.
<i>Dani inem</i> , nidus.
<i>Depen</i> , supercilia.
<i>Domo</i> , Femina.
<i>Domo cheche</i> , Avia.
<i>Domo penien</i> , puella.
<i>Eimi</i> , tu.
<i>Emmo</i> , ita.
<i>Eppeum</i> , manæ.
<i>Eppoé</i> , perendie.
<i>Gualio</i> , Fulmen.
<i>Hemum</i> , furæ.
<i>Hueno</i> , Cælum.
<i>Ilga</i> , molaris.
<i>Illuboe</i> , mendicus.
<i>Ilon</i> , caro.
<i>Iungei</i> , vestitus.

<i>In</i> , nasus.
<i>Inchen</i> , nos.
<i>Innengen</i> , ante.
<i>Iwyn</i> , butyrum.
<i>Lamoen</i> , soror.
<i>Langyancheboë</i> , homicida.
<i>Leve</i> , fluvius.
<i>Lien</i> , argentum.
<i>Lipan</i> , humerus.
<i>Lolo</i> , cerebrum.
<i>Lonco</i> , caput.
<i>Lonquen</i> , mare.
<i>Lucu</i> , genua.
<i>Lulcura</i> , penuarium.
<i>Lye</i> , albus.
<i>Lyppe</i> , penna.
<i>Machi</i> , Medicus.
<i>Manco</i> , Aquila.
<i>Mancue</i> , dextre.
<i>Maoni</i> , Pluvia.
<i>Mappo</i> , Regio.
<i>Maviel</i> , lignum.
<i>Mee</i> , stercus.
<i>Mellbue</i> , labia.
<i>Mepoi, inem</i> , ala.
<i>Methen</i> , farina.
<i>Metu</i> , pudendum muliebre.
<i>Michon</i> , Felis.
<i>Millia</i> , aurum.
<i>Mintay</i> , nunc.
<i>Moiu</i> , mamma.
<i>Molgei</i> , nudus.
<i>Mollbuen, Molvin</i> , sanguis.
<i>Montimey</i> , pinguis.
<i>Muh</i> , non.
<i>Munala</i> , parum.
<i>Naguel</i> , Tigris.
<i>Nama</i> , Mater tera.
<i>Namon</i> , pes.
<i>Ne</i> , oculi.
<i>Nenque</i> .
<i>Nebo</i> , nuces.
<i>Nenque</i> , Mater.
<i>Nentoque</i> , Gubernator.
<i>Newonei</i> ,

DE CHILI REGIONE ET INDIGENIS.

13

<i>Newonei</i> , fortis.	<i>Pylken</i> , Anas.	<i>Towonghen</i> , caput.
<i>Nichetaniweni</i> , famulus.	<i>Que</i> , ventriculus.	<i>Toy</i> , crura.
<i>Nilla caboe</i> , Mercator.	<i>Quelhe</i> , intestina.	<i>Tubei</i> , ille.
<i>Ouicha ilon</i> , ovilla caro.	<i>Queli</i> , ruber color.	<i>Tubquen</i> , cineres.
<i>Oun</i> , os oris.	<i>Quempo</i> , affinis.	<i>Tue</i> , Terra.
<i>Paiun</i> , barba.	<i>Quennei</i> , arrogans.	<i>Tuco</i> , Vlula.
<i>Pangi</i> , Leo.	<i>Quereb</i> , Aér & Ventus.	<i>Tuwedewe</i> , Talpa.
<i>Pangiante</i> , meridies.	<i>Quetal</i> , Ignis.	<i>Vecaque</i> , lien.
<i>Paun</i> , Nox.	<i>Queten</i> , humidus.	<i>Ven</i> , caro, nervus.
<i>Pavillere</i> , ferrum.	<i>Quette</i> , mentum.	<i>Ven molvin</i> , vena.
<i>Pelchuthau</i> , Vitricus.	<i>Quewen</i> , lingua.	<i>Vercum</i> , pulmo.
<i>Pel</i> , cervix.	<i>Quicbiquichio</i> , Accipiter.	<i>Verqumao</i> , Ros.
<i>Pelli</i> , anima.	<i>Quicdmiger</i> , adolescens.	<i>Villin</i> , vesica.
<i>Penem</i> , renes.	<i>Quichio</i> , nates.	<i>Vilo</i> , Serpens.
<i>Penien</i> , puer.	<i>Quiltui</i> , nucleus.	<i>Vilochalua</i> , Anguilla.
<i>Penienboc</i> , obstetrix.	<i>Quin pilon</i> , Ostrea.	<i>Vllin</i> , janua.
<i>Penu</i> , frater.	<i>Quital cura</i> , silex, pyrites.	<i>Vlmen</i> , Primates.
<i>Pese</i> , argilla.	<i>Quito</i> , woe, Textor.	<i>Voerquin</i> , nuntius.
<i>Pettun</i> , color.	<i>Retare camen</i> , Faber ferrarius.	<i>Vile</i> , cras.
<i>Pichi</i> , parvus.	<i>Ró</i> , Aqua.	<i>Vyà</i> , heri.
<i>Pillan</i> , Tonitru.		<i>Wamapenco</i> , cognatus.
<i>Pilingei</i> , Glacies.		<i>Wana ruca</i> , tectum.
<i>Pilo</i> , surdus.	<i>Tabuya</i> , vespera.	<i>Wangelen</i> , Stellæ.
<i>Pilum</i> , aures.	<i>Tacume</i> , palpebræ.	<i>Wantarules</i> , mature.
<i>Pino</i> , stramen.	<i>Tapel</i> , folium.	<i>Wara ilon</i> , vaccina.
<i>Piren</i> , Nix.	<i>Taptou</i> , sero.	<i>Wasen</i> , Glis.
<i>Piro</i> , Lumbricus.	<i>Taun</i> , genæ.	<i>Weddo</i> , umbilicus.
<i>Poloiw</i> , nares.	<i>Tau</i> , Tou, macer.	<i>Weitwa</i> , tunc.
<i>Ponono</i> , Bufo.	<i>Teinengou ennen</i> , vos.	<i>Wellcue</i> , sinistra.
<i>Prequiboe</i> , liberalis.	<i>Tewa</i> , Canis.	<i>Wenco</i> , Patruus.
<i>Prequin</i> , avarus.	<i>Tien</i> , Mensis, & Luna.	<i>Wento</i> , Vir.
<i>Puca</i> , domus.	<i>Tien</i> , Luna.	<i>Wietum</i> , fumus.
<i>Puedo</i> , Caprea.	<i>Tipanto</i> , annus.	<i>Wili</i> , unguis.
<i>Pue</i> , venter.	<i>Titi</i> , plumbum.	<i>Woecon</i> , foras.
<i>Puique</i> , cor.	<i>Tol</i> , frons.	<i>Wono</i> , supra.
<i>Puilpa</i> , brachium.	<i>Tolqui</i> , cutis, membrana.	<i>Woranei</i> , deformis.
<i>Puleycue</i> , palma.	<i>Tomo</i> , Nubes.	<i>Wul</i> , radix.
<i>Pulon</i> , infra.	<i>Tominco</i> , septimana.	<i>Yecha</i> , juvencula.
<i>Pulli</i> , Musca.	<i>Topil</i> , claudus.	<i>Ily</i> , lac.
<i>Pulmen</i> , Nobiles.	<i>Topilgen</i> , lufus.	<i>Zenem</i> , avis.
<i>Pulpeo</i> , Vulpes.	<i>Toucou</i> , fatuus.	
<i>Pylca</i> , murus.	<i>Touma</i> , cæcus.	
<i>Pylco</i> , collum.		

V E R B A   A L I Q V O T.

<b>A</b> <i>Mon</i> , ire.	<i>Dungune</i> , loqui.	<i>Meconwyn</i> , ferre.
<i>Aninge</i> , sedere.	<i>Guallulveno</i> , restituere.	<i>Mepai</i> , cacare.
<i>Bemeine</i> , reficere.	<i>Ien</i> , edere.	<i>Necul</i> , currere.
<i>Butum</i> , bibere.	<i>Illuwyn</i> , dare.	<i>Nilla cayn</i> , permutare.
<i>Chuquin</i> , furari.	<i>Langawyn</i> , occidere.	<i>Nilla vyn</i> , emere.
<i>Cuchulein</i> , jacere.	<i>Lay</i> , mori.	<i>Nilla Teuvyn</i> , vendere.
<i>Cudepain</i> , ludere.		<i>Padenatum</i> , cadere.
		<i>Playn</i> ,

## G E O R G I I M A R C G R A V I I

<i>Playn</i> , reperire.	<i>Rengalgey</i> , sepelire.	<i>Vanguenbyn</i> , perdere.
<i>Puronze</i> , canere.		<i>Vmatum</i> , dormire.
<i>Pylconge</i> , clamare.	<i>Tangnone</i> , frangere.	<i>Vtalenge</i> , stare.
<i>Quedaukapay</i> , laborare.	<i>Tecanen</i> , saltare.	<i>Vtaleuen</i> , surgere.
<i>Queguatum</i> , pugnare.	<i>Temelenge</i> , tacere.	
<i>Quipay</i> , venire.	<i>Tuegnei</i> , l <small>æ</small> tari.	<i>Wi, Wyn</i> , esse.
		<i>Willan</i> , mingere.

## N V M E R O R V M N O M I N A.

<b>Q</b> <i>Vyn</i> , unus.	<i>Quechu</i> , quinque.	<i>Ailla</i> , novem.
<i>Eppo</i> , duo.	<i>Cayn</i> , sex.	<i>Mari palaco</i> , centum.
<i>Quila</i> , tres.	<i>Relgi</i> , septem.	<i>Warama</i> , mille.
<i>Meli</i> , quatuor.	<i>Pura</i> , octo.	

Ut autem specimen aliquod habeant Lectores hujus linguae, subjungendum putavi colloquium familiare, quod à nostratis accepi.

*Iuei pingem*? quomodo vocaris? *Iuan pingem*? Ioannes vocor. *Cheo ruaimi? quo vadis? *Moppo murran*, in regionem. *Cheo tui mi*? unde venis? *Nirocomotoun*, ex ædibus meis.*

*Chumel quipa tuai mi*? quando venies? *Chumelputuai mi*? quando ibis? *Ale pungei tamruca*? est ne domus tua procul hinc? *Pichirungei*; prope est. *Ale pungei*, procul abest.

*Inchi quiparui mi camappumu*: volo proficiisci in aliam regionem.

*Chemnibla quiparui mi camappumci*? quare vis proficiisci in aliam regionem? *Merelaya tiva mappumu*, inedia ciborum est in hac terra. *Alebelaj twachi tipanto benibla ale genepayn*: Annus hic fuit sterilis, propterea inediā patimur. *Cheo mappungen tamichou*? in qua terra est tuus pater? *Alueiei*, diabolus illum abstulit.

*Aieimi ruani inchio*? vis mecum ire? *Ailan*, nolo; *Aien*, volo. *Chuben quecken neicimi tamia*? habes ne aliquid quod comedamus? *cancan achawal neen*, habeo assas gallinas: *mu ny*? quot? *munal ei enchin tavia*; quæ nobis sufficient. *Chuben putuayn*? quid bibemus? *Aile mangunmeimi*, ago tibi gratias. *Chuben domo trwa*? quæ est ista femina? *inshi tam curi*, est mea uxor: *ni nave*, mea filia: *ni domo*, mea concubina. *Ale temiragei vei domo*, est pulcra femina. *Quipangnei*, veni huc? *amotunge*, discede. *Vmatuayn*? ibimus cubitum: *utaiuca*, surgamus. *Wira cuchaj Compay tam mapumu*, Hispani irruptionem fecerunt in hanc terram. *Quipa waicha laimi*? vis ne una pugnare? *Waquinagelan*, non habeo arma: *Ina enpea inwaiqui*, sequere me, inveniemus arma: *aliteun inchi*, consentio.

## C A P V T V I.

*Observationes ex Historica Relatione P. Alonso d'Ouaglie,  
S. I. de anni tempestatibus.*

**Q**VATUOR anni tempestates huic Regno accidunt, quemadmodum Europæ, verum diverso tempore: Ver enim exordium sumit à mense Augusto, & desinit in medium Novembrem; & à medietate Novembris Æstas incipit usque ad medium Februarii; à quo Autumnus dicitur usque ad medium Maium, quem excipit Hyems, quæ admodum nimboſa est, & spoliat arbores foliis, & cum vehementi gelu spargit altam nivem, tamen à Sole dissolvitur; nisi, quod raro Sole non comparente, ad aliquot dies durant. Raro autem nives accidunt vallibus, nam licet copiosissimæ sint, & in tantum aggerentur, ut ad cacumina montium ascendant & cum iis exæquentur, & in aperturis montium veluti in puteis coacerventur, & pene toto anno durent, ibidem dissipantur inflant fluvios & torrentes, qui per valles cum magno impetu decurrunt usque ad mare, & terras mirum in modum fœcundant. Verum licet hic non ningat, nisi raro in planicie, frigus facit tam excessivum, ut in multis partibus Europæ vix tantum sentiatur, quod accidit partim ab altitudine Poli, sub quo hæc regio sita est, partim à vicinitate montium, è quibus descendunt venti subtile & penetrantes,

trantes, qui nonnumquam sunt insupportabiles. Vnde fit ut loca maritima sint magis temperata. Nihilominus in his venti magis sunt molesti, quam in planicie, utpote remissiores ibidem, neque tam rigide ferentes. Contra hoc frigus creavit Deus latissimos & spississimos montes, plenos Quercubus, quæ est communissima materies districtus S. Iacobi & aliarum vallium, è qua & carbones fiunt ad fornaces & alias officinas: in aliis partibus serviunt eidem usui Robora, uti in districtu Conceptionis, ubi tam innumera sunt & ita vasta, ut licet jam tam multis annis cæsa fuerint, silvæ & saltus hodieque ita abundant illis, ut vix penetrari possint, neque aditum dent nisi ad duo millaria ab oppido, ulterius autem sint inaccessi, licet hæc regio plusquam centum millia hominum sustentaverit, ut scribunt Autores. Ista autem uti & arbores fructiferæ hyeme amittunt folia; sed silvestres arbores maximam partem illa conservant, quia sunt crassiora, & licet gelu cooperiantur, non onerantur ut aliarum arborum, sed liquefacto gelu à radiis Solis, magis late virescunt. Vere enim ingrediente medio Augusto, tanta copia florum nascitur, & numeravi aliquando duas supra quadraginta diversas illorum species brevi tempore, & quidem omnes campestres, & maximam partem odoriferos, è quibus conficiunt aquam, quam vocant Angelorum, ob singularem ejus fragrantiam. Herbæ quoque campestres tam feliciter germinant, tantumque sumunt incrementum, ut vix à Satis distingui possint, & mense Novembri & Decembri ita adoleverunt, ut equis vix penetrari possint.

Sinapi, Fœniculum, Trifolium, Rapus, & Mentha, quæ plantæ in Europa seruntur & coluntur, hîc abundantissime sponte proveniunt, & quidem tanta copia, ut campos ad multa millaria occupent, & pecudes & capræ illis pascantur. Sinapi autem in tantam molem excrescit, ut caules viderim crassitie brachii humani, & tam processos, ut arbores æmularentur, & superarent altitudinem equitis.

Plurimæ hic nascuntur herbæ Medicinales, & magnæ virtutis, Chilensisbus solum notæ & illorum Medicis, quos vocant *Maci*, qui facultates illarum aut celant aut parce admodum docent Hispanos; magni hi fiunt non tantum ab Indigenis, sed & ab Hispanis cum gravi aliquo morbo affliguntur; & imprimis ubi aliqua suspicio est hausti veneni. Neque viri tantum, sed & feminæ quædam hanc artem profitentur, in eaque excellunt.

Lib. 1. cap. 2. Enumerat tres herbas quæ singularem usum habent in medicina.

*Prima*, inquit, est famosa illa herba quam vocant *Quincia mali*, quæ non assurgit ab humo supra dimidium palmum: cuius ramuli se dilatant ad modum fasciculi florum, & desinunt singuli in unicum florem, figuræ & coloris Croci in Indiis dicti *Romi*. Hæc herba evellitur cum radice, & ebullitur tota in aqua, quæ calida ægris exhibetur; & inter alia illius effecta, unum est, educere è corpore quemcunque sanguinem extra vasum constitutum & corruptum, cum maxima efficacia; quapropter Indi vulnerati quantocius sumunt hanc herbam, siquidem sanguinem qui per vulnus effluere non potest, educit antequam corrumpatur.

*Alteræ* est, quam Hispani vocant *Albaçiga* (& Indiani *Culen*) quia habet folia similia Ocymo sive Basilico, verum in tantam altitudinem assurgit, ut arbor videatur, & folia sunt fragrantissima; Hæc contusa applicatur vulneribus extrinsecus, & guttæ aliquot succi eisdem instillantur, & mirabiles edunt effectus.

*Tertia* est instar graminis, admodum subtilis & delicata, neque reperitur in omnibus partibus hujus regionis: usus illius est admodum mirabilis contra febres malignas & dolores laterum: coquitur tantum in aqua, & ita hausta insigniter mundificat sanguinem, introrsumque educit, ita ut ægri brevi tempore persanentur, uti sæpiissime vidi.

Multæ præterea sunt herbæ valde efficaces adversus dolores nephriticos, quæque calculum in vesica rumpunt, & ruptum expellunt. Quemadmodum & aliæ adversus dolores Sciaticos, aliasque ejuscemodi infirmitates quamplurimas.

Siquidem jam de herbis cœpimus, addignus ea quæ alibi de illis tradit hic Auctor.

Lib. 1. cap. xiiii. In valle *Lampa*, quæ distat ab oppido S. Iacobi milliaria quindecim, nascitur quædam herba, ad modum Ocymi, licet ejus folia potius sint cinerefantis coloris neque tam late vireant, & planta haud supra palmi altitudinem à solo assurgat: Hæc granulis quibusdam salis æstivis mensibus cooperitur, instar minutarum perlarum, quæ super folia illius coagulantur, aut è rore qui noctu incidit, aut aliquo humore aut vapore, quem Sol in illa regione sullevat cum ascendit, aut quod herba ipsa fit

sit ejus naturæ, ut exsudet aut protrudat hunc humorem, qui à Sole siccatus conver-  
tatur in granula salis: sive autem ab hac, sive ab illa causa, aut etiam alia hoc procedat,  
hi effectus solum observantur in hac valle, & supra hanc herbam, quam Indigenæ ma-  
ximi faciunt, quia sal iste est boni saporis & delicatus. Nescio an ad hoc alludat Ioan-  
nes de Laet in descriptione Novi Orbis, in qua agens de Regno Chili & insignibus il-  
lius qualitatibus, postquam illud cæteris Americæ regionibus prætulisset, adjungit, in  
aliquibus vallibus hujus Regni certis anni tempestatibus cadere rorem ita spissum, ut  
congelatus ad modum sacchari, & servatus, pene eundem usum præstet quem Manna.  
Idem refert Antonius de Herrera Chronographus, &c. Et sane hæc illius fide retuli-  
in descriptione mea; sed quod hic ab Autore affertur, plane aliud est.

Eodem lib. cap. xvii. In tota ora maritima hujus regni crescit quædam herba instar  
Cichorii, quam appellant *Luce*, quæ nascitur è rupibus, uti aliæ plantæ è terra, & verno  
tempore colligitur, cum maxime adolevit, & cum Soli fuerit exposita ut siccatur, fiunt  
ex illa panes grandes qui pro deliciis habentur in illis regionibus, & præcipue in Pe-  
ravia, Cuio & Tucumana, quia servit ad condimenta ciborum. Nascitur hæc herba  
in summitate rupium, quæ aliquando extant è mari, aliquando fluctibus operiuntur,  
quibus radices innituntur, è quibus prosilit caulis, brachii humani crassitudine, quem  
vocant *Vitea*; hic præciditur & paulisper igni admotus decorticatur instar thyrsi laetū-  
cæ aut cinaræ, licet habeat longe alium saporem. Ex hoc trunco nascuntur aliquot  
herbæ aut folliculi, plusquam tres pedes longi, aut quatuor, sex etiam aut octo digi-  
tos, appellant *Cochayngo*, & sunt duarum specierum, & licet sint ejusdem figuræ & co-  
loris, tamen Indigenæ magnam agnoscunt inter illas differentiam, nam bonas colli-  
gunt in usum *Quadragesimæ*: & inutiles relinquunt in mari, quod illas absolvit à ru-  
pibus, & expellit in littus.

Eodem libro cap. xxii. Faciunt & potum è fructu, quem Indigenæ vocant *Huiga-*  
*ne* & Hispani *Molle*, qui habet figuram & colorem Piperis; & arbor quæ illos fert, est  
satis grandis, sed magis onusta frondibus, & potus ille valde est gratis. Reperiuntur  
hic quoque (Herrera decad. ix. lib. 9.) fructus arboris silvestris, quæ nascitur à gra-  
du trigesimo septimo & deinceps, quos Indigenæ vocant *Vnghi*, & Castellani *Myril-*  
*la*, qui fructus sunt rubri & instar exiguae uvæ, saporis admodum grati, & grana illius  
sunt instar Ficus, nec sentiuntur inter manducandum: qualitate sunt calida & sicca: ex  
his fit vinum longe optimum, clarum, subtile, calidum, & palato gratum, ventriculo  
amicum, quodque vapores capitum absunit, & roborat ventriculum, promovetque  
appetitum: denique tantum aquæ tolerat, quantum vinum: coloris est aurei, & durare  
potest octo mensibus, forte & pluribus: Accetum illius superat acetum vini nostratis,  
sapore & colore.

In toto districtu hujus regionis non reperiuntur Viperæ, Serpentes aut alia animan-  
tia venenosa, ita ut cuivis liceat recumbere sub arboribus, & inter herbas se volutare,  
sine ullo discrimine aut metu. Haud magis hic inveniuntur Cimices, quinimo, si forte  
è regionibus transmontanis, ubi frequentes sunt, adducantur, statim emoriuntur, ubi  
senserint aërem hunc Chilensem.

Eodem lib. cap. xxii. Inter quadrupedes animantes, domestici & quasi proprii sunt  
hujus regionis, certi Cuniculi, quos ipsi vocant *Regus*, & mensis pro delitiis inferunt.  
Venantur illos infundendo aquam in ipsorum cavernas, qua cogunt illos progredi, ita  
ut à canibus capiantur.

Reperitur & alia species Cunicularum, qui familiares sunt, & variorum colorum,  
valdeque communes: secus quam illi, quos vocant *Arde*, dubito enim an alibi reperian-  
tur quam in *Guasco*, vallium Chilensem prima: hi sunt cinerei coloris, & pelles illorum  
maximi faciunt Indigenæ, ob subtilitatem & levorem pilorum ad tactum, & postquam  
egisset de Ovibus illis, ut vulgo vocant, Peruvianis, subdit; sunt illis satis similes Capreæ,  
tam figura corporis quam velocitate, verum differunt colore, qui in his est rossus instar  
Rubini; & numquam cicurantur. Non est equus ita velox qui adultos assequi possit:  
juniorum caro admodum est delicata, & manducatur recens; adultiorum autem salita  
& siccata, facile reliquias superat carnes. Hæc animalia generant lapides Bezoares in  
sinu quodam ventriculi, qui maximi aestimantur contra venena & febres malignas, ad  
roborandum & refocillandum cor, aliosque effectus: materia è qua generantur, sunt  
herbæ insignis virtutis, quibus vescuntur naturæ instinctu ad sanitatem tuendam, aut  
morbos

morbos & venena superandum. Hi lapides inveniuntur in adultioribus hisce animalibus , atque interdum tam grandes , ut unum in Italiā attulerim , qui pendet uncias duas supra triginta. Experientia autem docet , in regionibus in quibus sunt plures Viperæ , aliique Serpentes , & animalia venenosa , plures generari lapides ; & causa est manifesta , nam cum hæ Capreæ sint tam velociæ , & discurrant in varias partes , venenatis illis animalibus magis sunt expositæ , & ab illis læsæ , festinant naturaliter ad herbas medicinales. Vnde in Provinciis *Cujo* majores ejusmodi lapides reperiuntur , quam in *Chile* , quia ibidem offenduntur multæ Viperæ & alia animalia venenosa , à quibus libera est *Chile* , ut diximus ; ad hæc cum *Chile* magis sit habitata , non sunt Capreæ ibidem tam frequentes , quam in *Cujo* . In qua Provincia & multi reperiuntur Lepores , quorum quidam , qui appellantur *Quiriquincios* , carnem habent , qualem Porcelli lactentes.


Quum autem Regio hæc , cum Peruvia sibi contermina , id præsertim commune habeat , quod simile Pecus lanigerum nutriat , licet pro Cæli & soli ratione nonnihil variet , ut tamen eorum convenientia & discrepantia melius elucescat , unam atque al-



teram iconem , ad vivum expressam , subdere consultum fuit : imprimis cum multi uetus in iis terris existant Ovi-Cameli : nam licet rarius mactentur ad comedendam carnem : tamen bajulando , & imprimis lana sua præstantissima ( quæ ut colore , tenuitate & imprimis longitudine ; ita & dignitate inter se discrepat ) , majorem facile utilitatem

litatem Incolis praestant. Hæc autem major Ovi-Cameli species *Paco* illis dicta, quam primo depictam damus, à cæteris differt potissimum, quod posticos tantum pedes in ungulas bisulcas, priores autem in quatuor divisos unguis habeat, & quod prolixis admodum villis lanæ vestiatur, quam imprimis commendant. Cæterum natura bene convenit cum sequentibus, ita ut haud dubium sit unius generis animal esse, nisi forte inter utrumque sit distinctio illa, quam observavit I. de Laet in tractatu Ind. Occidental. ut omnino existimo. Sputum ejaculatur in vexantes; & scribit P. Alonso d' Ovaglie in Historica Relatione Regni Chile, vulgo credi in parte corporis humani quam sputum illud contigerit, scabiem generari. Forma ad Camelos accedunt hæ Oves, nisi quod gibbo careant, cæterum longe maiores quam Europææ & plerumque ulnam Hispænicam proceræ, collo oblongo & tereti, rectu fiso, per quem spumam, quem irascuntur, ejaculantur in illos, à quibus se lædi opinantur; caro illarum paulo siccior quam Europæarum; cicures colore ut plurimum sunt candido aut nigro, interdum & cinericio; silvestres vero & montenses colore sunt igneo aut fulvo; longa, levi atque adeo nitenti lana vestiuntur, quæ pretio Hispaniensem longe superat: nam quum vellus ovillum in Hispaniis uno regali venundetur (Hispani autoris sunt verba) harum singula vellera aureo æstimantur. Ex hac lana certi panni texuntur, quorum splendor ad Camelottorum nitorem quam proxime accedere dicitur. Porro Ovibus hisce aures perforant, & foraminibus innectunt funes, quorum attractu easdem regunt & educunt quo libet.


Altera species quæ pene villis nuda est, atque tantum modo levibus & curtis tegitur, ex India quondam Occidentali in Bataviam translata fuit; cuius ego descriptionem ex Epist. Andr. Mathioli huc traducam, ut differentia facilius pateat.



Refert hoc animal partim Camelum, partim Cervum, adeo ut recte quidem Græco idiomate ἐλαφοκάμηλον appellari posse crediderim. Longitudo totius corporis à cervice ad caudam sex pedum est: altitudo vero à dorso ad pedis plantam quatuor tantum, & colli longitudo à scapulis ad cervicem, duūm. Capite, collo, ore, superioris præsertim labii scissura ac genitali Camelum fere refert. At caput oblongius est: aures habet cervinas, oculos bubulos. Anterioribus dentibus in superiori mandibula caret, sed molares utrumque habet, ut bisulca fere omnia, & ut illa etiam ruminat. Dorso est sensim prominente, quod per incuriam à pictore neglectum est. Scapulis prope collum depressis, lateribus tumidis, ventre lato, clunibus altioribus, & cauda brevi, spithamæ fere longitudine: quibus omnibus Cervum fere refert, quemadmodum etiam cruribus, præsertim posterioribus, pedes illi bisulci sunt, diducta anteriori parte divisura. Ungues habet acuminatos, qui circa pedis ambitum in cutem crassam abeunt. Nam pedis planta non ungue sed tute, ut in multifidis, & in ipso Camelio, congettatur. Retromingit hoc animal, ut Camelus, & testes substrictos habet. Pectore est ampio, sub quo, ubi thorax ventri connectitur, extuberat globus, ut in Camelio, vomicæ similis, è quo nescio quid excrementi sensim manare videtur. Color colli,

colli, cervicis, pectoris & anteriorum crurum, est illi albus, reliqui vero corporis subruber, vel ex nigro rufescens. Rostro tamen est nigro & anterioribus cruribus à genu albicantibus. Cicur ac mansuetum est animal, sed frigoris impatiens, ut alia quæ ad nos è calidis regionibus afferuntur. Neminem offendit: sed miro admodum ingenio ab illata se vindicat injuria. Nam ubi aliquis illud vexet, vel circa clunes opprimat, non calcibus aut morsibus se defendit, sed vomitu vel cibi vel humoris in vexantem retrorsum cum impetu ejaculato, ob protensam colli longitudinem. Salacissimum hoc esse animal, id mihi conjecturam facit, quod, cum sui generis femellis sit destitutum, magna cum prurigine Capris se commisceat, non tamen erectis, ut alias Capræ Hirco ascendentे solent, sed humi ventre accubantibus, ita cogente animali anterioresibus cruribus. Itaque superascendens coit, non autem, ut falso de retromingentiibus animalibus affirmat Aristoteles, aversis clunibus. Adeo Venere vernali autumno lique tempore stimulatur hoc animal, ut illud viderim humile quoddam præsepium avena refertum concendiſſe, genitaleque illi magno cum murmure tamdiu confriſſe, quoſque ſemen redderet, plurimiſ una hora replicatis vicibus. Non tamen concepere Capræ hujusce animalis ſemine refertæ, quod, ut puto, vi coactæ illi proſtiterint continuo balantes, tum quod cum hoc animali earum non conveniat ſpecies. Indicam Ovem appellabat hoc animal, qui illud ad nos advexit, atqui à nostris Ovibus quantum diſtet, tu ipſe judicare poteris.

F I N I S.





I A C O B I   B O N T I I ,  
*Medici Civitatis Bataviæ Novæ in Iava Ordinarii,*  
H I S T O R I Æ  
Naturalis & Medicæ  
INDIÆ ORIENTALIS

L I B R I   S E X .

- I. DE C O N S E R V A N D A   V A L E T V D I N E .
- II. M E T H O D V S   M E D E N D I .
- III. O B S E R V A T I O N E S   E   C A D A V E R I B V S .
- IV. N O T Æ   I N   G A R C I A M   A B   O R T A .
- V. H I S T O R I A   A N I M A L I V M .
- VI. H I S T O R I A   P L A N T A R V M .

*In quorum Librorum penultimo, Naturæ Animalium, Avium, & Piscium: In ultimo autem, Arborum & Plantarum Species miræ, Europæis incognitæ, ac ad Virgum delineatæ, explicantur.*


C O M M E N T A R I I ,

*Quos Auctor, morte in INDIIS præventus, indigestos reliquit,*

A

G V L I E L M O   P I S O N E ,

*In Ordinem redacti & illustrati, atque Annotationibus & Additionibus Rerum & Iconum necessariis adiuncti.*



I A C O B I B O N T I I

D E

## C O N S E R V A N D A V A L E T V D I N E,

A C

Diæta, Sanis, in I N D I I S obſervanda.

## D I A L O G V S P R I M V S.

*De Aëris qualitatibus, anni temporibus, dierum intervallis, ac  
ventis in Indiis hisce familiariter spirantibus.*

I A C O B U S B O N T I U S.

A N D R E A S D U R A E U S.



I Bonti, quoniam matutinis ægrorum visitationibus jam tempeſtive admodum defuncti ſumus, ſi libet, eamus extra pomœria civitatis aliquanto longius deambulatum, ut dum nondum Sol calore ſuo aërem prorsus excalfecerit, inter nos conferamus, quali Diæta in hiſce locis präcipue ſit utendum. B O N T . Bene mones, mi Duræ, präſertim cum quotidie videamus, in Nosocomio noſtro hoc Batavico, non ſolum plerosque ægros, jam à morbis convalescentes, recidivas pati, propter malam diætam ac inopportunam, ſe ipſos in mortem certiſſimam präcipitare: verum etiam bene ſanos, ob eandem cauſam periculofos morbos incurrere; Hinc enim obſtructions frequentes viſcerum, Hydrops, ac denique Marasmi infanabiles; ſed cum Diæta conſtitat apud Veteres in ſex rebus non naturalibus dictis, eorum veſtigiis nos quoque iuſtentis, ne hæretici in Medicina videamus, Colloquium noſtrum finiemus. D U R A E U S . Quas tu vocas reſ non naturales? B O N T I U S . Quæ corporis humani fabricam non conſtituunt, neque intus in nobis ſunt: ſed quæ externe accerſenda ſunt, ut uſui humano iuſtient. Tales ſunt aër, cibus & potus, ſomnus & vigiliæ, motus & quies, excernenda & retinenda, Affectus denique animi. De iis igitur ſingulatim nobis hic agendum eſt. Ac prium, ut ordine cuncta percurramus, de aëris conſtitutione dicendum, quum eo vel invitis mortalibus ſit utendum, dum respiratione & insensili transpiratione, carere non poſſimus. D U R A E U S . Optime, ſed quoniam aëris calor vehemens toto anni tractu, clima hoc quoque ſiccum valde exiſtimarim. B O N T I U S . Minime vero, immo aër ac in circumjacentibus iuſulis, & in Continentis regionibus, humidus valde eſt. Cujus rei, quum plurima Argumenta poſſum adferre ſatis valida, vulgaribus omissis, hoc unum dicam, quod vel ſiccissima in hiſ locis anni tempeſtate, ferrum, chalybs, æs, argentiū denique, citius rubiginem & æruginem contrahunt, quam in Europa pluvioso, ac Autumnali anni tempore. D U R A E U S . Verum dicis, cum & veſtimenta, arcis bene incluſa, ſitum breviſſimo momento contrahant, & niſi ventis interdiu ſpirantibus ac Soli exponantur, facillime putredine corripiuntur. Sed, ſi placet, explica, qualement circa Bataviam experiamur. B O N T I U S . Aër in circumvicina regione non admodum ſalubris exiſtit, tum quod calor & humiditas putredinis effectrices ac genitrices, Physicis dicantur, tum propter ſtagna & loca paludosa hic frequentia, dum enim venti ē montibus ſpirant, fœtidos & crassos, ne dicam, propter multitudinem infecctorum, veſenatos, vapores ſupra urbem noſtram adiungunt, ac ita aërem inficiunt. Itaque veſtus ē Continenti oriundus, ſerio nobis cavendus eſt, atque is präcipue, qui poſt gallicinum ē montibus ſpirat, ob primarum vigiliarum tepidum calorem, ac aperta inde in homine ſudaria, ſeu corporis poros, veheſtius, propter ſubtilem & penetrantem

qualitatem corpus afficiunt, quam vel frigidissimus Boreas media hyeme in patria: Hinc gravedines longiores, ac Catarrhi difficiliores oriuntur, quam in patria. Penetrabilis præterea hujus aëris natura, miserabilem illam paralyseos speciem producit, quæ Beriberii in method. mea Med. Indica nominatur, quo lectorum remitto. Dur. Montanorum quidem ventorum nobis naturam explicasti, velim, ut sententiam feras, de auris è mari spirantibus. Bon. Eas ego autumo longe salubriores terrestribus esse: Causa in promptu est, quod illæ fœtidos illos ac paludosos vapores longe à nobis rejiciant aëremque verrunt & expurgant; inde spiritus alacriores, ac vegetiores ad functiones peragendas reddunt, humoresque qui in nobis sunt, à putredine conservant. Dur. Hæc quæ dicis, in memoriam mihi revocant, quæ de ventis in Gallia Narbonensi, ac vicinis Hispaniæ locis, ac in Italia in Romæ ac Neapolis territorio, è montibus, spirantibus, incolis *Serenæ* vocantur, qui blandiente frigore homines incautos, advenas præsertim, pervadunt potius, quam invadunt, inde crebræ in iis locis Hæmoptyses, Phthises, ac Asthmata, cæteraque Pulmonum vitia, sæpe incurabilia. Bon. Ita est, ut dicis, hinc non inconcinne *Horatium* cecinisse memini.

*Matutina parum cautos jam frigora mordent.* Dur. Quum porro in omnibus terræ locis, quotannis insignes in aëre mutationes in Elementorum primis qualitatibus sentiantur, ac pro iis anni tempora Physicis distinguantur, velim ut mihi etiam vicissitudines illas tempestatum in Iava nostra demonstres. Bon. Lubens fecero, itaque cum per totum anni decursum, in sola siccitate, ac humiditate, mutationes insigniores oriantur in hisce locis, tantum duo anni Tempora novimus. Nam quoad mutationem caloris ac frigoris; calor plerumque semper est æqualis, cum Sol hic à linea Æquinoctiali non longe recedat: itaque anni tempora, in siccum, ac pluviosum dividemus, quæ nobis Æstatis, ac Hyemis vicem supplent. Dur. Æstatis. Quando igitur Æstatem incipere existimas? Bon. ubi perpetuæ pluviae cadere incipiunt: nam tum Sol propior Æquatoriè directo nos seriens, ac è mari, paludibus, & stagnis nubes in altum cogit, incipitque hæc tempestas, à Novembr. initio, ac usque initium Maii excurrit, cœlo tum temporis tam irriguo, ac tam pluvioso, tum cadentibus tamen continuis pluviis, ut insolitis merito secundum Deucalionis diluvium metuatur. E contra à Maii initio, usque ad Octobris exitum, siccus plane & serenus est aëris, vix pluvia toto sex mensium intervallo decidente, contrario plane modo, quam in Patria nostra, ubi recedente Sole pluviosus fit aëris, appropinquante vero Sole siccior evadit. Sed terra tamen his non obstantibus longe feracissima est, tum ob roris noctu cadentis copiam, tum propter temperatam matutini ac vespertini temporis natum, quæ Veris qualitates æmulatur: sed de eo infra. Dur. utrum tempus anni existimas salubrissimum esse? Bon. ex dictis prudenti constare debet. Tempus pluviosum seu æstivum maxime insalubre censi, quod nimirum aëris calor & humiditas naturalibus Philosophis putredinis effectrices merito putantur esse; Nam nisi tum temporis venti successivi matutini, ac vespertini, tum aëris crassities ac nebulosa constitutio æstum arcent, terra propter calorem non ferendum inhabitabilis esset: sed de his doce ac ampliter philosophatur *Iosephus à Costa* ex proposito Lib. Naturalis Indianum Histor. quem lector curiosus adeat. Tempestate porro anni sicca & sereno aëre, ut convenit, corpora sunt bene sana, ac tum venti etiam aliquanto frigidius spirantes aërem melius ventilant & expurgant. Dur. Vt ex dictis intelligo, dum æstatem & hyemem vicinitate, ac absentia Solis metiris, in Indianum hoc tractu patimur hyemem, cum in Hollandia ver ac æstas florent, & è contra hic Æstas est, cum in patria hyems ac Boreas sœviunt. Bon. Ita sane est. Dur. sed quid de diuinum intervallis, ac eorum temperamentis sentis? Bon. Diei tempora hic commode divisorum in Matutinum, Antemeridianum, Postmeridianum, ac Vespertinum, sub quo quoque noctem comprehendemus. Quoad qualitates singulorum; Matutinum ac Vespertinum diei tempus salubrissimus reliquis, negotiis ac actionibus accommodatius peragendis est. Quod tum temporis, venti, è mari & montibus spirantes, aërem ventilant ac refrigerant: Vt autem à matutino tempore incipiamus; Ego illud definio, quod ab hora quinta usque ad nonam se extendit, tum auræ molles blande aërem temperant, ac si in Hollandia Maiales ventos sentires. Antemeridianum à nona porro ad duodecimam se extendit, quo tempore, Sole altum scandente, maximus æstus sœvit, qui temperari paulatim post duodecimam usque ad quartam pomeridianam incipit.

pit ob auras è mari surgentes. Vesperam autem terminabimus à quarta pomeridiana ad sextam, aut paulo ultra vespertinam, qua Sol se condit. Itaque, si quid negotii gerendum sit interdiu, id fiat vesperi ac mane; antemeridianis jam commemoratis horis progressus in publicum plane vitandus, ob fervoris violentiam, quod tam manifeste quisque sentiat, se tum temporis magis quadrantis horæ spatio defatigari, quam spatio duarum horarum alio tempore. A duodecima porro ad quartam pomeridianam, etiam suadeam à negotiis publicis abstineri, sed tamen hæ horæ tam insalubres non sunt, quam antemeridianæ nominatae.

## DIALOGVS II.

*De cibo ac potu: ubi de Carnibus, Piscibus, Fructibus, Herbis, Oleribus, Potu, Pane, ac Oryzæ qualitatibus.*

**E**xpositis aëris Indici in his oris qualitatibus, tum anni temporibus, horis diei ac ventorum temperamentis, vellem ut mihi tuam sententiam dices de cibum sumendi tempore.

BONTIVS. Lubens faxo, itaque hoc in genere accipe; jentandum hic largiter, prandendum mediocriter, cœnandum parum. non quod meæ opinioni aliquis ita stricte alligare velim, sed ego mei judicij rationem reddere conabor. DURÆUS. Rationem itaque velim mihi dari. BONT. Ea in promptu est, quod tempore matutino, ob post nocturnum frigus, ventriculi melius ad digestionem sunt dispositi. Prandendum porro mediocriter suadeo, ne dum meridiām, plerumque ob summum calorem aliquantulum stomachus à nimietate cibi gravatus, cruditates, ac inde morbos, hic solitos oriri, gignat: nam plurimi morbi in Indiis à frigida causa gignuntur. DUR. Hoc adeo durum mihi videtur, in calidis regionibus frigidos morbos prædominari. BONT. Ast ubi causam inspexeris, fortassis minus mirabere, quod nempe propter assiduas spirituum per sudores ac cutis spiracula evaporationes, membra naturalia, concoctioni ciborum inservientia, calore destituantur; inde frigidiores ventriculi ac intestina, ob concoctionis facultatis labefactionem, cibos omnino mutare non valentes, crudos ac incoctos humores, ad mesenterium, dein ad Hepar, tandem per venas ac arterias in universum corporis habitum transmittunt. Hinc quoque non mirum est, populos ad septentrionem fitos, vivaciores longe esse hisce meridianis gentibus, nam ambiens frigus, per antiperistasis calorem ad interna cogit, hinc est quod *Hippocrates* etiam dicat, *ventres hyeme esse calidiores*, ac alibi *præterea hyeme largius esse cibandum* affirmat. DUR. Satisfecisti huic scrupulo, veniamus, si placet, ad genera ciborum hic utilia vel respuenda. BONT. Age ut hoc fiat, imaginarium tibi apponam prandium, quia nemo, quod sciam, nos hodie vocavit. DUR. Dummodo ne Chamæleontes è nobis facias, qui vento vivere dicuntur, sed falso. BONT. Bona verba, quæso, ast ejus loco aures tuas lepidis sermonibus opplebo. Itaque cibos primum per classes distribuamus; ac primo loco Carnes in considerationem veniant; earum itaque saluberrimæ sunt gallinarum, quibus hæc Insula abundat. Aves montanæ ac sylvestres, quales sunt turtures, columbæ, coturnices, & minutiores, ut sunt passeres, fringuillæ, tum ficedulæ seu sclopaces, turdi, quæ omnes volatilium species nobis abunde campi ac sylvæ suppeditant. Dein anates & anseres, & cæteræ aves aquaticæ hic carnium bonitate præstant. DUR. Miror, te hæc aquatilia inter salubres reponere cibos, cum in Patria inter insalubria alimenta numerentur, quod nimis in stagnis ac paludibus versantia, limo ac algæ se ingurgitent. BONT. Fateor & rete: sed hic longe est alia ratio, tales enim aves non hic in stagnis, nec paludibus versantur; sed in profluentibus fluviis, unde carnes ipsis longe meliores, præterea licet domi ipsas alere Oryza ac panis frustulis, ac tum carnis tam delicatae evadunt, ut cum gallinarum ac caponum carnis contendere possint. Sunt præterea hic grues, ac ardeæ, quas quoque contemnere non licet. DUR. quas carnes porro in secundo bonitatis gradu locas? BONT. Caprillas: nam ab ovibus, propter penuriam hic abstinentum est. Dein vitulinas ac bovinas, & illas quidem præstantiores habemus hic feras, ac sylvestres. Bubalinæ carnes non sunt omnino contemnendæ: sed has juven-

culas intellige ; nam vetustæ propter insignem nervositatem fortissimi animalis vix feratios *Plantini* parasti dentes admitterent : Du R. Sed quid de ferinis carnibus sentis? BONTIUS. Haud male mones , inter has itaque præstantissimas esse puto aprinas , cum & porci domestici hic optimi sunt , ac facilis concoctionis , secus quam in patria : nam & ægris hic suilla caro bene præscribitur. Cervos denique (ut scis) hic quam plurimos habemus , & has omnes ferinas carnes milites & cives sclopetis à se occisæ huc in urbem quotidie venales adferunt. Du R. Ita est : sed omissis carnibus transeamus ad pisces. BONTIUS. ut hoc commodius fiat, distribuemus pisces, in marinos, ac fluviatiles. Inter marinos (meo quidem judicio præstat iste pisces , quem Incolæ *Cacap* vocant, qui è cyprinorum saxatilium est genere (quem nostri Hollandi *Steen-braessens* vocant) quique tam grandis aliquando capitur , ut & Asellum callarium æquet. Du R. Habeimusne hic Asellos majores istos , quos *Cabeljau* Belgæ indigent? BONTIUS. Capitur hic quidem species aliqua eorum, quam nautici socii nostri *Jacob Evertsen* vocant , ob nigros in flava cute sparsos nævos ac maculas, quales habuisse quendam ejus nominis nautam dicunt. Est præterea hic magna quantitas petroforum cyprinorum , figura varia , lata , rotunda , oblonga ; inter quos excellunt ii, qui rubri sunt coloris. Scaros quoque delicatissimos habemus , quos *Belonius* in observationibus suis l. 2. describit , qui nobis hic percarum loco sunt. Capitur præterea Salmonis quoddam genus , *Ican-Banda* Malaii vocant , quod Bandensem piscem significat , quia in litoribus ejus insulæ frequentius capiatur. Certe præter colorem à Salmone non differt, qui in hoc pisce albus est, in Salmone caro rubra est : sed nostri siccioris sunt carnis, ac proinde salubriores, si *Plinio* credamus , qui omnem piscium pinguedinem profitetur malam esse, præter Anguillarum, quæ sit pessima. Du R. Quid de Auratis, Corcovadis , Bonitis, & id genus piscibus sentis? BONTIUS. Omnes hos esse è thynnorum ac delphinorum specie, tum propter natationis summam velocitatem , qua expansis velis navigantem navem tranatant, ac etiam è mari exiliunt ad tres quatuorve cubitos in altum, ut vententur hidrines aqua ticos, seu pisces volaticos dictos, qui etiam sunt boni saporis, ac demptis alis Alecem non male referunt nec forma , nec sapore. Cæterum inter delphinos istos palam fert Aurata, ab aureo colore *Dorado Lusitanis* dicta , cæteri sunt carnis durioris ac proin concoctu difficilioris. Sanis tamen ventriculis bene conveniunt , quum sanis , ut inquit Latinus Hippocrates *Cornelius Celsus*, non opus sit exquisita diæta. Du R. quid de planis piscibus marinis? an illos omnino oblivioni trademus. BONTIUS. immo vero ego in hoc eram, ut ipsos hoc ultimo loco reservarem: nam extra controversiam è saluberri- morum piscium sunt genere. Tales inter præcipuos sunt, Rhomboides, Lingulacæ, ac Rhombi, quorum Rhomboides optimi inter pisces sunt nutrimenti ; dein Lingulaca, ac ultimo Rhombi, qui adeo consuevere in deliciis apud Romanos esse, ut inde materiam ceperit ingeniosus *Iuvenalis Satyr.* falsissimam in crudelia & nugacia Donitiani tempora ejaculandi. Raias habemus præterea clavatas ac læves , quæ quo jūniores , eo meliores concoctu ; à vetustioribus enim jubeo abstinentem, ut de Lamiis, ac laris piscibus *Haren* / qui acutissimis suis dentibus rostratum stipatis tam multis sociis navalibus temere natantibus exitium intulere. Pastinaca marina, ipsi Chinensibus piscatori- bus confitentibus, venenosum è transversa cauda enascens telum gerit , quo abscisso edulis est , sed carnis insalubris , ac fastidiosæ , ideo ego Chinensibus ac Mauris, qui iis avide vescuntur, suas delicias reliquerim, contentus supra commemoratis Neptuni pecoribus, ut eos *Plautus* vocat. DURÆUS. Marinis piscibus videor jam affatim satiatus, velim mihi fluviatiles etiam apponas. BONTIUS. In me non est mora. Igitur primo loco mihi occurrit Carpio , seu Cyprinus rotundus , quem ego carne , ac gustu meliorem esse judico patriis , ut pote qui hic in flaviis, non in stagnis ac paludibus, ut apud nos plerumque capitur , & , ut, quod diximus, Anates hic præstantiores sunt, sic & hi pisces ob prædictam causam laudabiliores hic capiuntur , nec enim tam limosim sapiunt. Tam insigni porro mole aliquando capiuntur , cute candida , ac carne delicata , ut iis nil ulterius addi posse confidam. Sunt præter hos lupi pisces in alveis fluviorum , quos propterea num inter marinos , aut fluviatiles numerare debeam , dubius hæreo : sed certe magis in mari capiuntur magna mole , pelle alba , gustu sive assi sive elixi suavissimo. Mugiles sive *Harders* / ac ea piscium species , quam ob eminentiam naso nasutos appellant accolæ Mosæ in Hollandia , ac vernaculo vocabulo *Houtinck* indigitant, hic affatim capiuntur , ita ut pauperioribus etiam in cibum cedant. *Hædux*

duæ piscium species statutis temporibus , ab Octobre nimirum mense ad Aprilem usque , propter pluvias quæ falsam aquam edulcorant (nam hi pisces etiam in alveis fluminum capiuntur) , pingues ac suavissimi sunt. Sicciore vero tempestate carne sunt durioris ac spinosæ. Alburni **Doornen** præterea nostratisbus similes hic in fluviis capiuntur , boni sane saporis , ac nutrimenti. Congri **Congerael** quoque insignes aliquando in fluviorum ore , saepius in mari videntur , unde eos potius inter pisces marinos locaverim. Insalubiores jam porro pisces enumerare libet, quales sunt Anguillæ , quæ cute sunt superne nigerrima, subtus fœde flava , tum etiam cum hydris coire certissimum est , & quamvis plurimi eis suaviter utantur , ego tamen ob prædictas causas ac propter nauseabundam illarum pinguedinem facile eas contemperim. Est præterea pisces quidam durissimis squamis obsitus , quem **Ican Cabosch** Malaii vocant , ego à figura , & capitis , ac reliqui corporis, Mugilem fluviatilem dixerim , qui in limoso hæret fundo , ac originem suam non obscure sapit : Habemus hic porro Tencarum **Seel** quoddam genus sine squamis, pelle lœvi, teretes , cum duabus pinnis , ut Anguillæ , ac capiuntur hic in magna copia isti pisces (quos nostrates à capite bufonis **Punt-ael** vocant) sed ego, ut Murænas fluviatiles omne id genus cupientibus non invideam. Possem jam alias piscium species enumerare quæ plurimæ restant , sed quia non historiam: sed tractatum de diæta indica scribere gestio: ideo his contentus, cancros tantum ac astacos, ostrea quoque, squillas ingentes tibijam apponam , quæ omnia præter reliqua ostracoderma , hic delicatissima sunt. Tum testudines amphibias addo , cum ovis suis , ac carne suavissima , ut aiunt ii qui de iis millies se gustasse gloriantur : sed credo, ipsos famem secum , optimum condimentum , attulisse , ego testudinum carnes inter medicamenta ista collocaverim , seu mavis alimenta medicamentosa , quæ Phthisicis , Empyematicisque convenient ; quia glutinosæ eum sint, pulmonibus consolidandis convenient.

DIALOGVS III.

*De Oryza, ac Pane in Indiis. De potu, Vino, Arac. De potu ex aqua, Saccharo, Tamarindis concinnato. De naturalibus liquoribus potulentis ex arboribus de promtis.*

**V R A E U S.** Quoniam in his locis Oryza cocta plerumque pro pane utimur, velim ut mihi narres , quid de hoc nutrimento sentias , præsertim cum cibus sit solidior , & quæ tanquam basis sustinere debet reliqua alimenta , ne in fundo ventriculi fluctuent. **B O N T I U S.** Certe si id , quod res est, fatear. Si tritici (ut solet) copia nobis è Iaponia & Zuratte advehatur, Oryza libenter carere velim, cum è farina tritici panes hic confecti patriis bonitate non cedant , & melioris (meo quidem judicio) quam Oryza sint nutrimenti: sed si tritici adsit inopia , tum ista eligenda est, quæ colore sit candidissima , & quæ manu contenta bene ponderet , & colore quasi perspicua cernatur : sed cum excocta est, antequam ea utare, expectes oportet, donec refixerit : nam experientia constat, calidam Oryzam non solum noxiā esse ventriculo , verum cerebro , ac universo nervorum generi: hinc quoque fit à vaporibus crassis & siccis ex hoc cibo in cerebrum elevatis, nervos opticos saepe in tantum obstrui, ut cæcitas inde oriatur : de qua , & de ejus cura latius in *Methodo mea medendi* Indica ex professo agam : hinc etiam non facile videas Iavanos , ac Malaios edere calidam Oryzam , quia Indi (si quæ gens alia) sanitatis conservandæ suæ sunt apprime curiosi, inde sobri existentes, summe exactam diætam observant. **D U R A E U S,** sed heus tu ! nobis nimium siccum in pictura convivium apponis , & interea, *Nos miseri aremus , nec quod potemus , habemus.* Velim potum nobis præbeas. **B O N T.** Haud male mones , nam & mihi loquendo fauces solito sicciores sunt, verum de fluente licet nobis accipere, quoniam alterius liquoris hic nobis non est copia , ac primum de aqua purissima , ac simplicissima secundum elementum suum nativum agamus , namque hæc potio etiam nobis cum reliquis animalibus est communis. **D U R A E U S.** Quid igitur de fluvio hoc Bataviam nostram interfluente censes? **B O N T.** Aquam eam qualitate quidem non esse malam, si altius è flumine petatur : nam in ore fluvii propter affluxum maris, falsedine imbuitur :

imbuitur: & hæc est illa cauſa, quod cum anno 1628, à Iavanis Matarannensibus arte obſeffi eſſemus, & propterea ex fluvio altius aquam petere non auderemus, multi ē potu ſalſo in dysenteriam inciderent, addito etiam infuper hoc, quod cadavera Iavanorum, à nobis quotidie excursionibus occiforum, in ſummo natarent, ac aquam non ſolum tabo deſcendente flumine: fed & aërem, putrido halitu inficerent. D u R. Sed licet nobis hic potum factitium bibere, quid tu de eo ſentis? B o N T. Quoniam Cereviſia nobis decet, non quod coqui hic non poſſit: fed quod propter calorem aëris, citiſſime acesceret, alioqui non minus bona, quam in patria parari poſſet: nam (ut dixi) triticum, è Siratte nobis abunde ſubvehitur, tum quoque ex Oryza, non decorticata iſtud frumenti genus commode confici poſteſt, quod Mout in patria vocamus. Cujuſ rei exemplum vidimus apud Mareſchallum, mercatorem bene cognitum, qui in hac urbe ex prædicta materia cereviſiam coquebat, nulla ratione Hollandicæ cedentem, quæ non ſecus ac patria quoque cerebrum tentabat, ac gusto non deterior erat: fed durabilis non erat propter ſummuim in his locis calorem, ac cito acescebat: verum ſalubris iſte eſt potus, qui modo ſequenti paratur. Sume vafculum ferreis vinculis bene cinctum, triginta, aut amplius (pro familiæ magnitudine,) amphorarum, quod imple aqua fluviatili pura, cui ſacchari Iavanici nigri infunde lib. iij. Thamarindorum unc. iv. Citreorum malorum diſſectorum N°. iiij. bene obturata hæc repontantur loco frigidiore, à Solis radiis libero, fermententur ſimul per 24 horas, &, quod mirandum, ſine ſubjecto igne ebulliunt, ut eminus aſtantibus exaudiri poſſit ſonus, non ſecus quam valido igne coquitur cereviſia noſtra patria, tum fæces in al- tum ejicit, quas aperto operculo abſicimus. Hic potus noſter eſt quotidianus, gusto juſcundiffimus, ac viſceribus minime, ut præcedens, gravis. Et certe illi qui no- viter huc e patria pervenere, à me ridendi gratia decepti diſceſſere, putantes, me iis Anglicam vel Martiam cereviſiam propinasse, cuius ſaporem magis æmulabitur, ſi manipulum Caryophyllorum in vas conjicias. D u R. Sed quid de potu iſto exiſtimas, qui hic ex aquæ partibus ſex, & vini duabus eodem modo fermentando in cantaris Hollandicis lapideis anguſtioribus conficitur? B o N T. Limpidus, fateor, ac frigidus eſt potus: ideoque etiam tempore cibi ſumendi utiliorem eſſe puto: fed altero utendum ciferem interdiu, quod pectori paulo fit infeftior, nescio quid acidi penetrantis sapiens. D u R. ſed utrum vinum ſalubrius eſſe exiſtimas, Gallicum, an Hispanicum? B o N T. ſunt qui Gallicum præſtare putent: fed meo quidem judicio hallucinantur, ſanius enim credo in his locis vinum Hispanicum eſſe vel Creticum. D u R. attamen hoc rationi plane contrarium videtur, quod ſub cli- mate calidiffimo, calida vina, ac oligophora exhiberi velis. B o N T. ubi rationem audieris, mirari deſines: nam cum calor hic interdiu, præſertim à decima matutina uſque ad pomeridianam tertiam horam, admodum fit vehemens, neceſſe eſt, homines multo ſudore diſfluere, unde quoque calor nobis ingenitus debilitatur, proin par- tes naturales coctioni ciborum inſervientes, ac chyli, debito frigidiores remanent, ſecus quam in partibus ſeptentrionalibus accidit, ubi ex Hippocrat. decreto ventres hyeme ſunt calidiores, ratio eſt quod per antiperiftas in externus aér internum calorem augeat. huic quoque argumento fidem addit experientia mercatorum, per deferta Arabiae in Persiam, aut Turciam iter facientium, qui in ſummis caloribus ſitim optime ſedant haſtu ſpiritus vini, vel fortissimi vini Perfici, vel Hispanicis: nam, ſi ob in- plebilem ſitim affiduo aquam ingererent, in cachexiam proculdubio, ac in ventris inſig- nem tumorem, ac ipsum denique hydrophem, incidenter. Adde quod vinum Galli- cum, quod huc e patria adſertur, œnopolæ apud Hollandos liberalius iſto ſuffumigio imbuunt, quod Lucht vocant, quod cum arſenico, ſulphure, & colophonio conſtet, vino pernicioſam ac cauſticam qualitatem inurit, quamvis efficiat, ut ſapor diutius illi incorruptus conſervetur. Vnde ego aliquos vidi ex ſolo Gallici vini potu largiore in lethalem dysenteriam incidiſſe. D u R. Ex prædictis appetet te etiam a vino aduſto, nec Arac Chinense, abhorrete. B o N T. uſum commando, abuſum abominor. Si quis igitur mane, aut vefperi, ventriculi roborandi gratia, unc. ij. aut unc. iiij. iſtius liquoris ſumat, haud male, mejudice, fecerit. Sed, ſi id vinum diſtillatum haberि poſteſt, quod e Gallia venit, non eſt quod Arac confectum deſideremus: fed ſi ejuſ copia non de- tur, quod conficitur e liquore nuce Indica contento, ac ex ipla arbore diſtillato cum Oryza, eligendum eſt. at cane pejus & angue vitandum eſt, quod Chinenses ava- riſſimi

rissimi simul, ac astutissimi bipedum mixtis Holothuriis in mari fluctuantibus parant, quæ excrementa maris Belgæ **Quallen** vocant, eaque tam exurentis sunt caloris, ut solo attactu vesicas in cute excitent, atque hinc exulcerationes pulmonum, sanguinis sputa, tabes, ac mors ipsa adveniant, atque hoc est, ut *Plantus* ait, quod homines hic tam brevem vitam colunt, cum, instar strigilum, intestina abradant, ac exedant.

## DIALOGVS IV.

*De Potionibus naturalibus ex arboribus depromptis in India Tovvat,  
ac Saguer dictis, tum de liquore nuce Indica contento.*

**D**V R. In omnibus his mihi abunde satisfecisti, jam sententiam tuam explices velim de liquoribus istis potulentis, qui vel ex fructibus arborum, vel ex ipsis arboribus depromuntur. **B O N T.** Sciendum itaque est, tres hujus potus esse species; primam, quæ continetur in Nucis Indicæ cavitate; secundam, quæ è floribus ejusdem arboris elicetur; tertia frequens est in Banda ac reliquis insulis Moluccis, quæ destillat ex arbore non absimili Palmæ Indicæ, isque potus indigenis *Saguer* vocatur, hæ tres potus naturalis species per totam Indiam admodum familiares sunt. Achoc in genere de iis dictum sit, ipsos frigida qualitate excellere, ac proinde nervis esse infestos, si quis nimia quantitate iis abutatur, præsertim corpore per exercitium aut Solis ardorem excalafacto: non secus ac vidimus saepè in patria nostra, si quis æstate, vel oriente Canicula, cursu defatigatus, & sudore perfluens, intempestive nimis avide frigidum, vel lactis pressivum hauriat, ipsum in momentaneam mortem incidisse, vel sumnum vitae periculum. Itaque potu ex his arboribus parcius est utendum: nam constat, frequenti illorum usu, præsertim liquoris *Saguer* dicti, non solum diarrhoeas diutinas ortas: sed & paralyxin, *Beriberii* dictam, hinc natam esse. Hinc est, quod in Banda, cæterisque Moluccis insulis, præsertim quæ nostro sub sunt imperio, plerique homines cachectici sint, ac foedo colore ad luteum vergente, & vix unus, aut alter è nostris Batavis paralyxin prædictam effugit. quod & norunt Lusitani, qui non solum in hoc potu: sed in reliqua omni diaeta temperatores sunt, quam nostrates.

## DIALOGVS V.

*De Aromatis, ac de usu illorum. Vbi quedam à Garcia ab Orta,  
ac cæteris aromatariis scriptoribus non satis liquido  
tractata explicantur.*

**D**V RÆVS. Cibum jam ac potum nobis affatim in pictura apposuisti: sed simplicem, ac nullis condimentis imbutum, cum tamen nullibi copiosius aromata proveniant quam in Java. **B O N T I U S.** Quam tu delicatus es! an nescis naturam simplici victu esse contentam? veruntamen, ne videamur earum rerum per negligentiam curam non gerere, in hoc te non deferam. Ac de Aromatis dicam, non quod auditu percepi, sed quod sensu proprio ac visu verum esse didici. Piper primum attingamus, cuius qualitates cum per totum orbem notissimæ sint, non est quod pluribus de eo hic agamus. Certe Convolvuli est species, si modum crescendi respiciamus, nam arbores ac bacilos eodem modo, quo Convolvulus, scandit. Condiuntur hujus viridis racemi, (nam ut uvæ Corinthiacæ crescit) muria & aceto ad orexin excitandam, ac cum carnibus assis aut elisis apponuntur, eodem modo incolæ condiunt radices recentes Zinziberis, Galangæ, cum fructibus *Manga*, *Carambola*, *Billingbing*, Curcuma, tum Cucumeribus primum adolescentibus, Melonibus insuper, ac Peponibus, quæ nobis Capparum vicem supplent ac Olearum, quanquam & hæ deliciæ non deficiant, cum quotannis eas desiderantibus satis copiose huc è Persia, & *Sirrate* advehantur; ridiculum porro est quod *Garcias ab Orta* peculiari cap. refert, de opinione Iavanorum ac Indorum de Piperis qualitate, ipsum nimirum esse frigidum. Credo ea ratione, qua quidam sophistæ olim ignem frigidum, ac glaciem, & nivem

& nivem calidam esse affirmare ausi sunt: quibus ego cum Aristotele responsum velim, sola experientia contra hos ineptos assertores esse disputandum: nisi forte velint calorem nativum, nimio ejus usū foras pelli, & intus debilitari; ac hoc modo corporis temperiem versus frigidam mutari. Sed Indi, credo, tam alte non Philosophantur. Idem quoque inde de Caryophyllis, eodem modo conditis, sentiunt. **DURÆUS.** Quid de Maci & Nuce Myristica condita sentis? **BONTIUS.** Iis, ego dico, parcus in his regionibus esse utendum: nam ventriculum sua oleositate ac pinguedine gravant, tuin vaporibus ad cerebrum elatis somnolentiam & stupiditatem inducunt, immo vidi ex nucis Myristicæ nimio usū, aliquot non parum periclitatos esse, qui per diem unum atque alterum, non secus ac caro correpti, immobiles, & muti jacuere, certissimo indicio, cerebrum & nervos non parum male affectos esse. Porro è corticibus viridibus Nucis Myristicæ in Banda insula coquunt pultem, saccharo condunt, ac tum saporem referunt acidorum pomorum sic coctorum in patria. Sed & nos in Iava ex corticibus salitis ejusdem Nucis, primum aqua maceratis, non insuaviter simile condimentum conficimus: experientia quoque constat, somnum accersere, ideoque cautius eo utendum censeo. **DURÆUS.** Itaque, ut audio, nimium in cibis Aromaticum usum non laudas? **BONTIUS.** Ita est. Cardamomo excepto, quod blando suo calore, & naturæ nostræ familiari, masticatum, nullum empyreuma visceribus inurit. Crescit copiose hæc planta in Iava, & mulieribus Malaicis frequenti in usu est, condensis piscibus, ac carnibus elixis. **DURÆUS.** Calatum Aromaticum, qui tam familiariter crescit, nonne in usu in culina esse autumas? **BONTIUS.** & quidem commodissime, quamvis *Garcias ab Orta* illius, ut & Iunci odorati, nullum in India usum agnoscit, quam substernendis equorum cubilibus; verum, si tam diligens fuissest in rimandis Aromaticum qualitatibus, quam perspicax in legendis Medicis Arabicis, non debuisset commoditates earum plantarum ignorasse, nam per totam Indiam vix pisces coquuntur, aut carnes, quin fasciculus calami Aromatici, aut Iunci odorati, iis injiciatur, ad gratum saporem, ac ventriculi non levem corroborationem. Idem de Nardo, quæ in montibus crescit, esto judicium. Hæc quoque aceto infusa per aliquot dies, ut flores Calendulæ exsiccatae apud nos, putredini & corruptioni humorum egregie resistit. Ego viridem Nardum haec tenus non vidi, quia montes hic inaccessi nobis sunt propter Tigridum inibi frequentiam & prædones Iavanos. **DURÆUS.** Dixeras antea, etiam Curcumæ radicem incoqui cibis. **BONTIUS.** Recte quidem & hanc radicem *Garcias ab Orta* vocat Crocum Indicum, non quod Croci Britannici filamenti similis sit: sed quod flavo colore tingat. Easdem radices quoque crescentes, quia *Garcias* non vidit, putare se ait sine noxa intra corpus sumi posse, ejus rei audacter sponsorem me do, nam qui plantam millies vidi, & alibi largius descripsi, non solum cibis utiliter incoqui affirmo, sed egregios etiam ejus usus in medicina alio volumine ostendi, atque hæc de Aromaticis dicta hic sufficiant. **DURÆUS.** Persæpe miratus sum Malaios, ac Iavanos, tum Chinenses quoque, Mandragoræ istius fructu, quam Lusitani *Pomo d'oro* vocant, tam avide vesci, cum in summo gradu sunt frigida. **BONTIUS.** bona verba, quæso, an nescis, eos addere fructum Ricini Americani, quod *lada Chili* Malaii vocant, quasi dicas, *Piper è Chile*, Brasiliæ conterminæ regione, ita alterius summam frigiditatem, alterius excessivo calore temperant, aceto, ac oleo superinfuso, non male cum carnibus, aut piscibus assis comedunt. Sunt qui masticationi istius Ricini ita affueverunt, non secus & fumigatores isti Nicotianæ. Quantum ad me, eo tamen libenter caream, nam dum animi gratia idem tentare aggressus essem, totum mihi palatum ac linguam excoriavi, à caustica istius Ricini vi, hinc videre est, quantum faciat consuetudo.

## D I A L O G V S V I.

*De Fructibus, omnigenis Oleribus, ac Acetariis herbis in Iava.*

**DURÆUS.** Quoniam convivium nostrum jam ad finem tendere videtur; sine bellariis credo hoc non dimittes. **BONTIUS.** Nullo modo, itaque à fructibus incipiamus, quorum non parvus est habendus delectus, optimi enim inter eos sunt, qui gustu sunt astringenti, pejores, qui saporem dulcedine fallunt: sed, ut de singulis

gulis aliquem sermonem gustemus. Primi nobis occurunt *Manga* dicti fructus, qui in altissimis ac expansis arboribus crescunt, forma *Quercum* nostratem non male, æmulantibus; qui, dum immaturi, acidissimi sunt saporis, unde nobis demitis corticibus & nucleus in medio, puls coquitur sapore acido, poma acida, & uvas crispas coctas referens, ut quis vel exquisitissimi gustus, saporis differentiam vix agnoscere se fateretur: atqui fructus *Manga*, hoc modo præparati, ventriculo & intestinis corroborandis conveniunt, maturi minus sunt salubres, sed tamen si quis iis parcus utatur, nullam noxam inferent. Dur. De Durionibus, *Iaaxis*, ac cæteris echinatis fructibus, quid sentis? Bonatus. Duriones ob fœtorem *Allium* referentes, primum gustantibus, fateor, fastidiosi sunt & nauseabundi, tamen inter fructus saluberrimos Indicos eos merito repono: nam diuretici sunt, & sudores eliciunt, tum flatus discutiunt, tamen si nimia quantitate eos quis sumferit propter calidam & siccum, qua prædicti sunt, qualitatem, inflammant sanguinem & hepar, pustulasque in facie excitant: itaque eos repomamus inter medicamenta alimentosa, de quibus in Meth. Indica mea Medendi. Dur. haud difficulter mihi persuades: sed quo gradu locas *Ananas* fructus sapidissimos ac odoratissimos? Bon. Si qualitates cæteræ supradictis à te responderent, nobiliorem fructum in toto orbe terrarum non nasci contendere: sed tam erodentis porro sunt qualitatis, ut succus eorum, chalybem, & ferrum erodat, unde nisi vino, aut aqua per aliquot tempus macerentur, palatum, & linguam excoriant, ac horribilem Choleram, lethalemque sæpe Dysenteriam creant. Dur. Æus. *Iaaxis*, puto, sapor dulcis commendabit! Bon. Immo ego illas maxime insalubres esse puto, cum carnis sint tenacis ac duræ, & quæ incoctæ & crudæ, ut ore assumentur, fere per alvum dejiciantur. unde etiam cruditates in ventriculo, & intestinis gignunt, quæ moleftas, diurnasque Diarrhoeas creant, dein Tenesmum, cui sæpe succedit mortifera Dysenteria. Dur. Qui fructus sunt ergo, quos mox ob astrictiorem saporem commendabas? Bon. Ii sunt primum *Iambos* fructus vocati, pulcherrimo ex albo ad purpureum vergentes colore. sapore ferme, ut *Capreæ* *vitis*, ut bene monet *Christoph. à Costa*, astringunt vehementer, ac proinde Dysenteriis & Choleris accommodatum est remedium, de quo alias. Adfertur ad nos præterea fructus quidam, *Lances* vocatus, qui racematis ut, uvæ, crescit, rotunda plane figura, magnitudine *Pruni*, intus nucleus habet, qui vestitur carne alba, & saporis vinosi, qualis fere est in uvis ursinis in patria. Huic consimilis gustu est fructus, *Iavanis Boa Rampout* vocatus, quod crinem significat, quod cortex externe fructum ambiens multis capillamentis sit prædictus, nucleus plane similis est prædicto *Lancium*, ac qualitate frigida convenient; cortex *Lancium* tamen succum lacteum emittit, qui amarus valde & corrosivus est. datur præterea fructus *Billinbing* indigenis dictus, forma adolescentis primum parvi *Cucumeris*, adeo acido sapore, ut acorem ipsum dicas, in quo illud miri observatur, quod si ab aliis acidis fructibus cuiquam obstupescant dentes, istius fructu comesus statim acor abscesserit, credo ea ratione, qua in affectibus præter naturam major dolor minorem obscurat. Dur. Quid tibi de Ficubus nostris Indicis videtur? Bonatus. Hos fructus *Pr. Alpinus* *Musam* vocavit, Malaii *Banana* indigitant, Iavani *Pysang*. sapore quidem grato sunt & pyro nostro æmulantes, quæ ob dulcorem Batavi *Süpcker peeren* vocant: hi fructus si crudi comedantur, flatuosi admodum sunt, & nauseabundi, unde insolitis stomachum subvertunt: sed melius comeduntur cum pane & *Oryza* cocta, juncto caseo, alias quis facile in Dysenteriam, & ipsi congenerem Choleram, inciderit. Non secus ac si in Gallia, aut Hispania quis, qui recens istuc advenerit, uvis sine pane se affatim ingurgitet, næ ille certo certius in fluxum Dysentericum incidet. Hi fructus cum ovis fricti in sartagine multo salubiores sunt, & tum Phthisicis, Asthmaticis, & cæteris malis pectoris admodum utiles sunt, tum extus imposita inflammatorios tumores quoquinque ad maturitatem perducunt. Dur. Ast ubi relinquis *Mangostan*, *Iambo*, & *Cydonia Bengalensis*? Bonatus. Ego ea pro bellariis reservabam, ut simul cum *Chinensium* potu *The* vocato, & *Tchia* Iaponibus dicta convivium finiremus, & quod hic moris est, ut *Syrii pynang* vobis apponemus. *Iambo* igitur primum arbor est magnitudine *Pruni*, & nisi quod paulo acutioribus sit foliis, ipsi plane responderet, flore rubro, fructu pulcherrimo, ex candido purpurascens coloris: gustu sunt astringenti, & sapore ferme Vitium capreolas referunt, sapore itaque minus præstant, quam colore promittunt: frigidæ sunt naturæ, ideo æstuantibus utiles sive ab exercitio, sive à calore

à calore febrili, Cydonia Bengalensia describit *Garc. ab Orta*, l. II. cap. xiv. Itaque de iis  
hoc tantum addemus, quod his Pyris seu Malis Cotoneis eximant nucleos, ac totos Sac-  
charo, vel muria, & aceto condiant, quæ ad nos ex interceptis Lusitanorum navibus,  
quæ Malaccam versus navigant, à Sirate, & ora Chormandel. Nam nulla gens in pro-  
mundo ita assuevit condituri ejusmodi, quam Lusitani, ita ut per totam Indianam in pro-  
verbio sit; *Indos odoribus, Lusitanos condituri, rem disperdere.* Sapore æmulantur Pyra ista,  
Autumnalia grandia nostrata, quæ vulgus *Winter-peeren* vocat. Fructus porro *Mangostan* dicti, tam excellentis sunt saporis, ut mea quidem sententia omnes cæteros in his  
regionibus fructus antecat, cortex plane Mali Granati cortici similis est, nisi quod in su-  
periori parte coronam habeat ut papaver, cujus quot sunt radii, tot nucleos intus habe-  
bis, vestitos carne nive candidiori, sapore ex dulci vino, superante fraga, ac *Ananas*  
in India. *Dur.* Memineras de Chinensium *Thee* vocato Potu, quid tu de eo sentis?  
*Bont.* Herbula unde hoc *The* conficitur, Bellidis seu Consolidæ minoris folia refert,  
cum parvis in ambitu incisuris. hujus foliorum exsiccatorum manipulum in ferventem  
lebetem ad hoc paratum conjiciunt, & ad sufficiens tempus ebullire sinunt, hunc liquo-  
rem qui sapore subanarus est, calidum sorbent. Hunc porro potum tanquam sacrum  
Chinæ observant, & hoc venientes, hoc abeentes, hospites excipiunt, & non credun-  
tur jus hospitalitatis implevisse, nisi tibi eum propinaverint, non secus ac Mahome-  
tanis *Caveah* æstimant. Exsiccantis est qualitatis, ac somnum prohibet, dum vapo-  
res è ventriculo in cerebrum ascendentis absunt, præterea Asthmaticis, ac Suspiriosis  
prodest. Quid jam postremo tibi memorem Mala Aurea, Citrea, Granata, & cæteros  
similes fructus, quorum summa est copia, cum ista in nostra Europa notissima sunt, &  
nos hinc Syrupos conficimus, quique fitientibus aqua mixti, Iulapii locum in sanis, ac  
ægris, obtinent? Vites taceo, quæ, si diligentem putatorem, & cultorem nanciscantur,  
quater in anno maturos suos fructus proferunt. itaque si diurnus calor non adsit, pro-  
pter perpetuum viorem semper hic *Ver*, ac veri *Hesperidum Horti*.

## D I A L O G V S V I I.

*De Oleribus, & Leguminibus in Indiis, & Radicibus  
quibusdam edilibus.*

**D**URÆUS. Finito jam imaginario tuo convivio, domum remeantes, saltem ali-  
quid olerum in vespertinam cœnam colligamus. *Bont.* Dic modo quid pri-  
mum expediri velis? *Dur.* Radices eas narres mihi, quas *Batatas* voca-  
mus. *Bont.* Pleni quidem eas nutrimenti esse, attamen succum melancholicum  
producere, non secus ac castaneæ in Europa, quarum saporem hæ radices, sub cineribus  
tostæ, vel etiam elixæ cum carnibus, plane referunt, nisi quod sint humidiiores, & mol-  
liores paululum: sed si sale, oleo, pipere, & aceto perfundantur, betæ rubræ coctæ no-  
bis loco sunt in acetariis. *Dur.* De Raphanis sativis hic luxuriantibus quid tu sen-  
tis? *Bont.* Horum, ut scis, habemus duo genera, primum breve, & rotundum,  
vel cylindri saltem formam referens: hi cocti loco raparum nobis in familiari sunt ci-  
bo; secundum est oblongum, & teres, ut Hollandicus raphanus, quod cum pane, bu-  
tyro, & sale, crudum more patrio comeditur. Cæterum longe præstant Raphani pa-  
triis, quod non sint tam lignosi, nec à teredine ita perforentur, sed esculentiores,  
& sapidiores sunt. *Dur.* Quid Indi de oleribus sentiunt? *Bont.* Illi ista, & omnes  
herbas edules in magno pretio habent: nam qui à Sirate, & oris Chormandel huc adve-  
niunt, plerique ferme solis vegetativis vescuntur, sequuti *Pythagoram*,

*Cunctis animalibus abstinuit qui,  
Tanquam homini, ac ventri indulxit non omne legumen.*

[*Iuvenalis Satyr. 16.*]

Ita hi homines etiamnum abstinent Fabis rubris, & quicquid inter herbas rubrum  
colorem obtinet. Hinc etiam fit, quod homines, in cæteris rebus idiotæ, tam exactam  
herbarum, & stirpium nanciscantur scientiam, ut si vel doctissimus *Pavvius*, nostri xvi  
botanicorum princeps, è mortuis resurgens huc veniret, miraretur, se ab his hominibus  
barbaris doceri posse. Cæterum olera omnia, & mansiles herbas, Malaii generali vo-  
cabula

cabulo *Seir* vocant, ut contra, herbas medicamentosas, & venena quoque *Oubat* indigitant. Ut rem in pauca contraham, &, ne tractatus modum excedam, enumerabo reliqua olera in nutrimentum hominum nascentia, utramque Betam rubram & albam. Petroselinum quoque luxuriat. Lactucarum omnes species. Anethum, & Foeniculum, Asparagos etiam non infeliciter serere incepimus. Tum fructus terrestres quoque proveniunt, ut sunt Melones aquatici, Pepones, Cucumeres, Citrulli; sed cum hæc omnia in patria abundant, de iis ad fastidium nolo dicere. Semina horum fructuum eundem usum in medicina præstant, quem apud Batavos antiquos. Legumina, non solum in farmentis, sed in præaltis arboribus, ut alibi diximus, nascuntur; sapore bono & nutrimenti ejusdem, ut apud nos, flatulenti, &c. Habemus præterea fructum quendam; quem *Focqui Focqui* Malaii indigitant, cubitali sæpe magnitudine, brachium humanum crassitie æquans, & teres, eodem modo quo *Cynara* coctus cum vino & pipere & butyro, ei sapore non cedit. Figuram in *Exoticis* meis Indicis videre est & descriptionem, quæ proximo anno faxo habeatis. Sed hæc de Oleribus sufficient, transeamus ad Exercitia, & animi pathemata, ut tandem optatum portuin attingamus.

## DIALOGVS VIII.

*De Exercitiis, somno, & vigilia, sanguinis missione, purgatione,  
& de animi affectibus.*

**D**VRÆUS. Quid de reliqua diætæ parte censes, quæ in exercitiis seu motu & quiete consistit? BON. Ut hæc obiter percurramus, Exercitia, procul dubio moderata esse debent: nam propter humidam & calidam aëris temperiem corpora hic fluxa esse, extra controversiam est. Et hæc quidem matutino vel vespertino tempore institui debent, cum Sol non ita servidus est, itaque commoda deambulatio, iis temporibus sanitati conducit, tum equitatio modesta, ut ditoribus mos est, & veetatio per fluvium cum navicula, ut amoenissimas sylvas, & fluminum oras transvehamur, quæ floribus & herbis consitæ perpetuo virent. DUR. Quid de somno, ac eum capiendi tempore, autumas? BON. De somno nil habeo, quod addam, nisi istud antiquum, ut moderatus sit. Sed vereor, ne hic Apocryphus sim, si somnum meridianum sanitati conducere dicam: sed ut res casura est, ego ab ista opinione non recedam, nisi melius edocer. Et certe, si in memoriam revocare velis, quæ ante dicta sunt, quod mane propter postnocturnum frigus concoctioni ventriculi magis apti sint, qua propter etiam largius jentandum præcepi. Meridianus somnus hic non solum utilis, sed & necessarius ferme, censembitur. Præsertim cum hoc tempore tantus calor aërem occupet, ut vel levissimus motus te defatiget, & sudore difluere faciat, quid obstat, quominus lectio jucunda, seu levi somno, curas diluas? Nam & illi qui Hispanias, Italiam, ac Gallias, frequentavere, hoc in iis locis solitum esse affirmabunt, cum tamen nullo modo calor ibi tantus sit, ut in his locis. Secus habet in locis Septentrionem versus sitis, ubi semper largius prandemus, & digestioni ciborum motus levior vel deambulatio conduceat, sed hic parce prandendum cum sit, somnus concoctioni ciborum nullo modo officit: sed eam magis promovet. DUR. Quid censes de retentione ac vacuatione humorum? BON. Non est, quod hoc à me expectes, purgationem, aut venæficationem eam, quæ in morbis adhiberi solet: sed eam, quæ servandæ valetudinis gratia contra affectus non naturales instituitur. Ergo si alvus solito astrictior fuerit, eam commode solvemus præstantissimis nascentibus laxativis, Thamarindis nimirum, & medulla Cassiae fistulæ. Vel si paulo validius medicamentum desideres, addatur his Rhabarbari Extractum vel Syrupus ejus. Si porro sanguis mittendus, ratio etiam talis est habenda, qualis in patria, plenitudinis nimirum vocatæ ad vasæ, ac ad vires: prior si adsit plethora, secundum Hippocratem, l. 1. aphor. 3. large aliquando sanguis mittendus; altera ad vires, si adsit, ventilandis visceribus, præsertim hepati & cordi, secundum judicium sanguis mittendus vel semel, vel iterato. Si porro alvus sit solutior, & inde Dysenteria, & Diarrhoea metuatur; syrupus sumatur è succo granatorum, vel decoct. è coticibus


ticibus eorum. Sed quia hæc magis ad morborum curam attinent, illa in aliud commodius tempus rejiciamus. **DUR.** Restat parvus scrupulus de animi affectibus & perturbationibus intempestivis. **BONT.** De iis Medici multa & varia scripsere, quomodo domari vel temperari debeant. Verum cum motus animi vix sint in potestate nostra: Ego illis illud *Horatii* objicio: quod animus,

— qui nisi servit,  
Imperat, hunc frenis, hunc tu compescet enim.

Quod uni facile, alteri difficile, factu esse pro diverso temperamento, quis non fatebitur? ideoque de affectibus & pathematis animi certam regulam velle ferre, nugatoris magis puto esse, quam Philosophi naturalis: Tum etiam hoc cogitandum, ut jejuniuum nostrum solvamus, ne nobis Plautinum istud eveniat, dum de frenandis animi passionibus disputamus, fames & mora bilem in nasum conciat; itaque suadeam, dum Sol nondum radios in verticem nostrum dimittat, jentatum eamus. **DURÆUS.** Opportune mones, nam & gula me monet, ventrem famelicum carere auribus. Ergo, si placet, in urbem nos recipiamus. **BONTIUS.** Me lubente fiet.

*Dedit Deus his quoque finem, 1631, Ianuarii 18, Batav. Iacatr.*

FINIS LIBRI PRIMI.



IACO-

15

I A C O B I B O N T I I  
M E D I C I  
**METHODVS MEDENDI**

*QVIA*  
**I N I N D I I S O R I E N T A L I B V S**  
oportet uti, in cura morborum illic vulgo  
& populariter grassantium.

**L I B E R S E C V N D V S.**

---

*Amplissimis, Magnificis, ac Prudentissimis Viris,  
P R A E F E C T I S M A I O R I B V S  
Negotiorum in I N D I I S O R I E N T A L I B V S;  
Dominis meis, mihi summa observantia colendis.*

*S. P. D.*



Nni jam fere tres elapsi sunt (Viri Amplissimi) quod operam in re medica meam, V. A. addixi: quam, cum primum in Indias vestras veni, non sterilem jacere paf-  
sus sum: sed strenue in actum traducere cœpi. Ut eo ostenderem, me non velle, ut sumptus à vobis in me collati, frustranei essent: Itaque, quod interdiu in pra-  
xi medica notatu dignum menti reponebam, nocte, à curis aliquantum vacuuus, chartæ concreddi, quod jam in lucem protrude-  
re libet. Ut saltem ex parte debitæ meæ, erga V. A. observantiæ satisface-  
rem: nam in solidum solvendo imparem me esse reperio. Ex iis igitur quæ præcipue observari debere putavi, Methodum Medendi hanc concinnavi.  
Eosque morbos descripsi, quos Endemios esse, & populariter hic grassari animadverti. Neque in cura quicquam addidi, quod non solida prius ex-  
perientia comprobatum esse vobis affirmare ausim. Scribant alii, quibus ista mens est, miracula ex auditu: Ego, quod hisce oculis, & qualicunque meo judicio percepvi, vobis spectandum propono. Quod cum nemo ex no-  
stris Batavis, (ut credo,) assequutus sit: immo, ne tentaverit quidem ante me; ideoque cum ego, qui primus in hanc arenam descendo, non sine cau-  
sa, malevolorum tela metuam, patrocinium mihi V. A. quærendum erat,  
quo adversus eorum ictus, velut clypeo, hæc contegerentur. Quos autem æquiores patronos me invenire posse confiderem, quam vos (Viri Amplif-  
simi) qui me hactenus favore vestro prosequuti estis, quem si sensero erga  
me continuari, animum mihi, ac vigorem addetis, hisce majora, & aur-

bus vestris digniora tentandi. Et, si vitæ spatum mihi supersit, ostendam, me non indignum, cui hæc sacra Medica concredita sint. Interea (Viri Amplissimi) chartaceum hoc munusculum, quo solus valeo, eo animo accipere dignemini, quo ego V. A. inscrīpsi, & quo adhuc me ipsum, & quicquid in me est, sincere vobis offero. Quod A. V. notius reddam, ubi quæ de stirpibus, arboribus, ac herbis, in Iava crescentibus, commentari cœpi, absolveto; & demonstravero, alios, quorum nomen tamen celebre inter doctos est, hoc negotium nimis levi pede transcurrisse. Valete, Viri Amplissimi, ego interim D. O. M. supplex veneror, ut, ad crescentis vestræ Bataviæ, & rerum porro Indicarum augmentum, vos nobis diu incolumes conservet. Datum Coloniæ Bataviæ Novæ, in Regno Iacatrensi, Anno 1629, Novembris 19.

*V. A. addictissimus Cliens*

I A C O B V S B O N T I V S M. D.

## A V R E L I V S C O R N E L I V S C E L S V S

De Re medica : l. 5. Cap. 26. Consilium Practicum  
hoc nobile Medicis reliquit.



*St prudentis hominis; Primum, eum, qui servari non potest, non attingere; nec subire suspicionem ejus, ut occisi, quem sors sua peremit. Dein ubi gravis metus, sine certa tamen desperatione, indicare necessariis periclitantis, in diffici rem esse, ne, si vieta ars malo fuerit, vel ignorasse, vel se felisse videatur: Sed, ut hæc prudenti viro conveniunt, sic rursus histrionis est parvam rem attollere, quo plus præstisse videatur; obligarique æquius est, confessione promptæ rei, quo curiosius etiam circumspiciat, ne, quod per se exiguum est, malum majus curantis negligentia fiat.*

Invide, quid tentas abrodere mordicus unguis?  
Vel meā ne carpas scripta, vel ede Tua.

### C A P V T I.

*De Paralyseos quadam specie, quam Indigenæ Beriberii vocant.*

**A**ffectus quidam admodum molestus, homines infestat, qui ab incolis Beriberii (quod Ovem sonat) vocatur. Credo, quia, quos malum istud invasit, nictando genibus, & elevando crura, tanquam oves ingrediantur. Estque species Paralyseos, seu potius Tremoris: Nam motum, sensumque manuum, ac pedum, immo vero aliquando totius corporis, depravat, & tremere facit. Causa hujus morbi præcipua est, crassus, & lentus humor pituitosus, qui nocturnis temporibus, præser-tim pluvio cœlo, (pluviæ autem assidue cadunt ab initio Novemb. usque ad Maii initium,) nervos corripit, dum nimirum homines diurnis caloribus defatigati, noctu omne tegmen & lodices à se rejiciunt; unde facilime, jam in cerebro præcipue genitus, nervos iste humor phlegmaticus invadit. Nam noctes, in his locis, comparatione caloris diurni, frigidæ appellari possunt. In hoc casu artus prolongantur, non contrahuntur,

huntur, insinuante se inter juncturas phlegmate, ita ut nervi & ligamenta inde laxentur. Quamvis autem hoc malum plerumque per gradus, & pedetentim homines invadat, tamen aliquando valde subitum est, dum nimis homines æstu defatigati, potum ex Palma Indica copiose & confestim ingerunt; non secus ac in patria, diebus Canicularibus aliquando vidimus fieri, cum quis cursu, aut aliquo alio vehementi motu, calefactus, potum cerevisiæ, aut laetis pressi, nimis avide haurit, ita ut inde sæpe summum vitæ discriumen, immo ipsam mortem incurrat. Porro signa hujus mali aspectu obvia sunt. Adebet enim spontanea universi corporis lassitudo; motus & sensus, præcipue manuum & pedum, depravatur, hebetescitque; atque in iis sentitur plerumque titillatio talis quædam, qualis in patria frigida, & hyemali tempestate, manuum, ac pedum, digitos corripit, nisi, quod hic tantus dolor non adsit. Tum etiam vox aliquando ita impeditur, ut æger vix articulate loqui possit: quod mihi ipsi accidit, dum hoc morbo laboranti vocis sonus, per integrum mensum tam exilis esset, ut me vel proxime assidentes vix inteligerent. Adsunt, præter hæc, aliquando multo plura signa, & Symptoma, quæ tamen omnia tenacem, & frigidum, humorem sapiunt: sed præcipua enarrasse sufficiat. Accingamus ad curationem itaque, quæ plerumque in longum trahitur; dum nempe humor iste latus, & frigidus, ægre discutitur: per se tamen (ut plurimum,) lethalis non est: nisi musculos pectoris, & thoracis invaserit, &, hoc modo, spiritus, ac vocis, viam intercludat. Verum hoc imprimis curandum est, ne (si ullo modo fieri possit) te lecto affigas decumbendo: Sed vel ambulando, vel equitando, vel simili aliquo motu validiore, omni conatu te exercetas: currere quidem impossibile est. Frictiones quoque fortes, & dolorificæ, summe necessariæ sunt, quas commode hic servi Bengalenses, ac mulieres Malayæ adhibent. Nam nostra gens tali exercitio non assuevit, ut nec balneis, quæ hic frequentia sunt. Fomenta, ac Infusiones conficiunt ex herba nobili *Lagondi* dicta, quæ folio quidem Persicariam refert, estque odoris suavis, & aromatici. Certe nobis non tantum usum Chamomeli, & Meliloti, præbet, sed discutiendi & resolvendi viribus, iis, meo quidem judicio, præstat; Pedes & manus præter ea inungendi sunt oleis Caryophyllorum, & Macis: sed mixtis ol. rosaceo: nam sola adhibita, nimis caustica sunt, & cutem facillime eroderent. Habetus præter hæc nobilem Naphthæ speciem, allatam ex Sumatra, Iavæ regno, è regione in conspectu sita. Quam *Minjac Tannnah* Indi vocant, oleum terræ significans, quod, non secus, ac nobis cognita Naphtha, quod oleum petræ vocamus, è terra erumpat; vel ex rupibus, in subiecta flumina præcipitetur. Hoc oleum à Barbaris in tanto pretio habetur, ut rex Achinensis, qui potentissimus istius insulæ est Tyrannus, sub capitali pena istud evehi inde prohibeat: ita ut incolæ, nocte intempesta, si quæ nostra, aut Anglorum navis, eorum littoribus adpellat, ad nos istud furtim deferant. Hoc oleum, partibus affectis illatum, miraculi instar ægros consolatur. Odore est porro gravi: tamen non fastidioso.

Sed cum hic morbus sit chronicus, & longi temporis, nihil æque prodest, quam decocta ex radicibus Chinæ, Sarçæparillæ, ac Ligno Guajaco; quæ blando, & amico nostro corpori, calore, frigidos istos, & crassos humores, per sudores, & urinas, egregie discutiunt, & evacuant. Interpositis tamen subinde commodis per alvum evacuacionibus, inter quas principem locum obtinet Extractum, quod hic conficimus. Ex aloë, & Guttæ Cambodja dicta vulgo (corrupte apud nos gutta gamba:) cuius descriptionem inferius videbitis.

Sanguinem mittere nefas: non enim plethora, sed cacochymia, in vitio est: & quis sanguinem fontem caloris, & thesaurum vitæ, non esse intelligit.

Hujus affectus reliquiae porro commode discutiuntur Theriaca, Mithridatio, &c. sudorem, & urinam moventibus, ac nervos roborantibus medicamentis. Reliquas hujus mali molestias opportuna exercitatio, & valida Naturæ vis sanabunt.

## C A P V T I I.

*De Spasmo.*

**Q**ui apud nos in Hollandia rarus est Spasmus, in Indiis tam familiaris est affectus, ut merito inter Endemios, ac populares morbos, numeretur.  
Tam repentinus, & subitus est aliquando ejus impetus, ut, dicto citius, homines, rigidi non secus ac statuæ, permaneant; dum vel in anteriotem, vel posteriorem corporis partem, musculi, involuntario motu, versus principium suum trahuntur: Crudele (me Hercules) malum! quod sanis partibus vitalibus, & naturalibus, cum summō cruciatu miseris mortales, intra brevissimum temporis spatiū, è vivis ad mortem rapit: dum nihil, nec esculenti, nec poculenti per œsophagum in ventriculum deducere queunt. Sunt & alii particulares, crurum, ac suratum spasmī: Sed de his, quia leviores sunt, & per se transeunt, hinc non agimus.

Porro hoc malo affecti, truculente admodum astantes intuentur, præsertim, (quod sæpe fit) interveniente Spasmo Cynico, seu Convulsione canina, cum utravis maxilla aures versus trahitur. Ruber & viridis color ex oculis, & facie, oritur; dentibus strident, & murmur inconditum, vice vocis humanæ, edunt, tanquam ii, qui è cella subterranea loquuntur: ita ut imperitis vere dæmoniaci apparent.

Cura in hoc affectu à copiosa sanguinis missione inchoanda est. Tum frictiones, & ligaturæ validæ adhibendæ. Inunctiones quoque fiant oleis Macis, Caryophyllorum, permixtis oleo Anethi, aut Rosarum. Tum ol. Therebinthinæ, ac Spicæ Indicæ, quam Iava copiose fert. Cucurbitæ quoque vitreæ, & amplæ, cum multa flamma, sine scæficatione affigendæ cervici, lumbis, humeris, ac mammillis, ita enim, serosus iste, & biliosus humor, commode à nervis, & musculis revelletur.

Si remediis istis paroxysmus paulo mitior evaserit, & æger aliquo modo jam deglutire incipiat, Antidota adversus hanc pestem, in forma liquida, exhibenda sunt, quæ venenosam hanc, ut plurimum, materiam, impugnando, per sudores, & urinas celeriter ejicient. Talia sunt Lapis Bezoar, rasura cornu Rhinocerotis, cum Theriaca, & Mithridat. mixta, &c. quæ in progressu videbitis. Tum vomitoria ex Infusione guttæ Cambodja, & Hepate Antimonii seu Croco Metallorum, deglutienda sunt: In hoc porro affectu nil procrastinandum; cum sit morbus acutissimus, qui, si quis alias, vehementer, cito, & cum periculo, movetur. Si autem malum invaluerit: & æger deglutire non valeat, per acerrimos clysteres alvūs eluenda est. Quorum hoc sit exemplar.

Rx. Herbae Lagondi dictæ, Abutali Avicennæ, Bismalvæ, quæ omnia hic crescunt, ana M.j. sem. Anisi, Fœnicul. Cumini, Anethi. ana 3ij. Coq. in f. q. aq. Fluvii. Colatur, tb. j. add. pulver. Colocynthid. hic crescentis, 3lb. Salis Ammoniaci, vel Salis nitri 3j, Electuarii fratris mei R. BONTI, cuius descriptionem mox dabo, 3jlb. ol. Anethi 3ij. Misce, F. Enema.

Dein æger à capite ad calcem inungatur oleis supradictis, & Naphta Sumatrensi seu *Miniac Tannah*. Balnea quoque ac fotus fiant ex Herba Lagondi, & foliis fruticis cujusdam *Dawllontas* incolis dicti, qui frutex in humanam altitudinem assurgit, folio ad marginem dissecto Balsaminæ, cuius odorem etiam proxime refert. Specifica quædam vi hæc folia crudelissimum hoc malum impugnant, & sunt anodyna, doloremque sedant, qui in hoc malo, ex contractione nervorum, violentissimus est: Lapis, & sal prunellæ per os sumptum, peculiare est remedium, ac materiam biliosam per urinas copiose excernit, &, si febris adsit, cor & arterias refrigerat benigne. Imprimis vero habenda est ratio, sævissimi symptomatis doloris nimirum, cui omissa tantisper causa principali, sæpe cogimur occurrere. Quod commode fieri Laudano Quercetani, Philionio sine Euphorbio, sed præcipue extracto Croci, quod infra describemus. Fortassis sciolus quispiam, negabit his remediis, propter vim stupefactivam, & narcoticam, nervisque inimicam, esse utendum. Speciosa hæc quidem prima fronte videntur; sed tamen vana sunt: nam præterquam, quod calidissima hujus climatis temperies hoc requiri-

requirat, certissimum est, in tali necessitate, sine his ægrum evadere non posse. Ade quod nos tam rite Opium hic præparamus, ut vel infanti innoxie detur; & sane (ut verbo absolvam) si opiate nobis deessent, in morbis calidis, hic grassantibus, frustra remedia adliberemus; quod, et si imperitis durum, ex progerflū tamen, me nihil temere dixisse patebit. Circa victus rationem non admodum curiosi sumus; quia vehementia, celeritasque, mali, ac atrocitas, nobis longiorem deliberationem eripiunt; inclinante tamen morbo gallinis, & hœdina, & vitulina, carne, utendum, cuius juscullis incoctum sit Cardamomum, & Thamarindi, quæ duo simplicia lava copiose fert, ut medicamenti simul ac alimenti vicem suppleant.

## C A P V T I I I.

*De Alvi Profluviis, & primum, de Dysenteria vera.*

**Q**uoniam Profluviorum Alvi, hic (ut & apud nos) variæ sunt species, de singulis agemus, partesque affectas demonstrabimus, tum causas investigabimus, & symptomata denique observando, curam his annexemus. Et primum de Dysenteria vera loquemur, horribili isto, & consuetissimo his regionibus malo, quod plures homines necat, quam affectus quispiam aliis præter naturam. Dysenteria igitur vera, est Exulceratio Intestinorum cum assidua dejectione, mucosa primum, cruenta dein, & ultimo purulenta, cum ramentis, ac ipsorum intestinorum substantia, cum dolore intolerabili, torminibusque ventris; Hoc vitium partim contrahitur ex aëre calido, & humido; Falluntur enim, (ut hoc obiter quoque dicam) qui, propter Lineæ Æquinoctialis proximitatem, aëris temperiem, sicciam, & calidam, esse putant. Cujus rei invictissimum, inter alia, argumentum est, quod chalybs, ferrum, æs quoque, ac ex his confecta instrumenta, rubinem citius, & æruginem, contrahant, etiam siccissima anni tempestate, cum nullæ pluviae cadunt, quam in patria, Autumnali tempore pluviosissimo. Præterea fructus maximum huic malo fomentum præbent, quibus si quis cum summa cautione non vescatur, & cum Oryza, vel pane & paucō salis, vix unquam hoc malum effugiet, non secus quam in Gallia, & Hispania, qui uvas avidius sine pane vorant, statim Diarrhoeam, vel Dysenteriam incurunt. Tales sunt fructus: Ficus nempe Indicæ, quæs *Bananas*, & *Pisang* incolæ vocant, *Garcias ab Orta*, & *Prosper Alpinus*, Musam appellant. Duriones deinde, *Iacas*, *Ananas*; Adde his Cumeres & Melones aquaticos, &c. Quorum descriptionem apud eundem *Garciam*, & *Ioannem à Linschoten*, videte. Hi fructus, præterquam quod horarii sint, etiam humiditate sua, & calore, temperamento nostro infesti sunt, Melones, & Cumeres, excipio, qui præter frigus, de humiditate non parum participant. Præcipua vero hujus mali causa est, potus vini adusti, quod *Arac* vocatur, & quod Chinenses ex Oryza, admixtis Holothuriis, in mari fluuentibus, conficiunt, quæ nos Belgice **Quabben** & **Quallen** solemus vocare. Hæc Holothuria tam acris sunt caloris, ut attractu cutem exulcerent, & vesicas inducant. Utinam nostri navales socii hoc potus genus non tam avide, biberent! non tot funeribus extuberaret hic humus: Quantum ad curam, commune remedium est infusio Rhabarbari in decocto Thamarindorum, ad minuendum (ut aiunt) & temperandum, acrem hunc succum: notandum est, hoc remedium saepè non prodesse: sed aliquando ægros in certam perniciem conjicere: dum nimis bilis acerrima turget, & orgasmo fertur; ac metus est, ne ex levissimo laxativo, irritetur, & majore cum impetu, ad partem affectam feratur, cum incredibili ægri cruciatu, & certa saepè pernicie. Adde summam plerumque, in hoc casu, virium imbecillitatem, quæ restaurativi potius aliquid, quam purgativi requirit. Itaque caute Medico circumspiciendum est, quid agat. Ego, quod experientia longa verum esse didici, ad ægrorum salutem libere in medium profero. Potus quotidianus itaque sit decoctum Oryzæ, quod *Caudgie* Indi vocant; cum Endivia, & Cichoreo, quod, ex semine allato ex patria, in hortis luxuriat. His addatur Lingua Cervina, seu Phyllitis, quæ circa fluenta copiose crescit, & astrictoria sua vi, Hepar, & Intestina, roborat, tum acrimoniam istius furentis humoris infringit.

Si vero propter saevitiam symptomatum, doloris præsertim acerbissimi, temporis angustia, tam longam in cura moram non patiatur, statim ad Extractum Croci deve-

niendum est, quo remedio (ausim dicere) nullum humana cura exquisitus excogitare potuit: putoque verissimum hujus morbi, s<sup>e</sup>p<sup>e</sup> etiam venenati, Antidotum esse. Specialiter porro omnia remedia ad hunc affectum referre mei instituti non est. Et ego tantum ea requiro, quae non primis modo qualitatibus, sed proprietate etiam substantiaz, huic morbo s<sup>e</sup>vissimo adversentur, &, in hoc solo, maxime nascuntur. Fructus etiam illi, quos *Mangas* vocamus, qui conditi, propter astringentiam, & aciditatem, summe utiles sunt. Immaturi quoque coquuntur cum ovis, ut apud nos uvæ crispæ; neque facile quis, etiamsi exquisitissimi gustus, saporis differentiam cognoscit. Conficitur etiam ex iisdem fructibus conditum seu miva, non secus ac caro cotonata in patria ex Cydoniis malis, cuius vicem supplet; nescio an & supereret. Ad ulteriorem porro viscerum corroborationem egregie confert Syrupus è Granatorum succo, recens ex arbore decerpitorum; tum flores ipsorum conditi, excellenti in hoc malo remedio sunt.

## C A P V T I V.

*De Fluxu Alvi Hepatico.*

**F**luxus Alvi Hepaticus, etiamsi non minus, quam Dysenteria, periculosus, non tangentem saevis symptomatis concomitatus est. Ade<sup>t</sup> enim multo minor, ac s<sup>e</sup>p<sup>e</sup> nulla intestinorum excoriatione: nam in hoc casu plerumque purus sanguis dejicitur, vel propter debilitatem jecoris vim retentricem, vel propter acrimoniam sanguinis, oscula venarum reserant per anastomosin, vel denique crux propter copiam regurgitatis in venas mesaraicas, & inde in intestina, & sic per alvum rejicitur, & hic quidem omnium fluxuum Hepaticorum minus periculosus est, & s<sup>e</sup>p<sup>e</sup> plus terroris, quam damni, infert. Si itaque acrimonia sanguinis in causa est, frigidioribus decoctis utendum est, è seminibus Cucumerum, Cucubitarum, Citrulli, Peponum, ac Melonum aquaricorum, quorum omnium summa est quantitas. Ex iisdem conficiuntur quoque Emulsiones, Eclegmata, & Pulveres, ad idem malum perutiles. Tum ad peccantis humoris revulsionem, cucurbitæ cum scarificatione lumbis, & natibus, admonendæ, tum diureticis supra nominatis cum saccharo cibi condiendi. Sin autem quantitate nimia sanguis luxuriet, sine mora vena media pertundenda est, habita semper recta ratione virium, quia in his regionibus propter aëris ambientis calorem, & evaporationem spirituum assiduam, homines, præsertim ægri, fiunt debilissimi. Hinc (ut obiter hoc dicam) non facile, nisi in summa necessitate, ad venæ sectionem descendendo, quod corpora nostra mollia, & à calore supradicto effeminata, istam evacuationem non facile tolerant: Secus est in compactis corporibus Iavanorum ac Lusitanorum, quæ calori assueta, venæ sectionem largam admittunt. Expertus, credite, loquor. Sed semper, in angustiis, ceu ad sacram anchoram, confugiendum ad nobile istud Extractum Croci, jam aliquoties commemoratum. Cujus descriptionem hic subjicio.

R. Opii ele<sup>t</sup>issimi (quod *Mifri* vocant, & antiquorum est Thebaicum, nam *Mifri* est Ægyptus,) Sanguinis draconis, gummi Benjuini, Croci Orientalis, ex Persia, ana partes æquas, Ambræ Iaponicæ, seu nigrae, partem tertiam; conifice in vas vitreum oblongi, & angusti, colli; adde aceti fortissimi ex vino, ut materiam seu massam in fundo superemineat, tres, aut quatuor, digitos. Vitrum bene clausum exponatur radiis Solaribus; qui nobis propter fervorem, sunt instar ignis chymici; colata hæc omnia & expressa fortiter, eodem Sole inspissentur in consistentiam Extracti.

Hujus dosis est à granis sex, ad novem; in formam catapotii coactum; vel, in cochleari, vino, vel convenienti aliquo alio liquore dissolutum, detur præcipuo circa noctem, quo tempore observavi, omnia intestinorum mala exasperari.

De Lienteria, seu lœvitate intestinorum, quæ plerumque Dysenteriam diurniorum sequitur, & etiam de Diarrhoea, volens taceo, quia notissima hæc sunt in patria, & quorum cura s<sup>e</sup>p<sup>e</sup> superioribus annexa est, & tantum s<sup>e</sup>p<sup>e</sup>, in corroboratione ventriculi, & intestinorum, consistit. Sed de reliquis Alvi Fluoribus dicamus.

## C A P V T V.

*De Tenesmo.*

**T**enesmus, propter summam molestiam, quam secum conjunctam habet, magis metuitur, quam Dysenteria ipsa; & certe, si eam præcedit, ut plurimum lethalis esse solet, quia omnes morbi, qui successione augescunt, primogeniis sunt magis calamitosi: Sin autem Dysenteriam sequatur, facilior ejus est curatio, quia tantum reliquæ ipsius sunt, ab acri humore partem affectam exulcerante. Est autem Tenesmus exulceratio intestini recti, cum crudeli & assiduo dejiciendi conatu, ubi pauca, & mucosa, permixta sanguinis aliquot guttis, extrellum pus excernitur: unde nostrates per apposito vocabulo hunc affectum **den Dipp-loop** vocant, quod stillatim, & guttam humor peccans dejiciatur; Mulieres gravidæ hoc affectu correptæ, (ut fere semper) abortiunt, vel ante tempus fœtum excludunt. Vterus enim inter anum, & vesicam, situs, ex assiduo, & forti isto conatu, embryonem ante tempus ejicere cogitur. Ex eadem etiam causa, procidentiam ani infert, ac Hæmorrhoidas, &, si diutius perseveret, (quod sæpe vidi) Hydropem; & hinc Extabescentiam, & post sæva tormenta Mortem. Quoniam autem hic affectus tantum occupat intestinum rectum, & anum, cura ejus præcipue consistit in clysteribus, fomentis, & in secessionibus, quæ parantur ex herbis partim emollientibus, partim detergentibus. Talia sunt fol. suprad. *Dawl Lontas* ac *Lagondi*, *Bismalvæ*, & *Abutali*. Add. sem. *Cumini*, *Anisi*, *Fœniculi*, &c.

Cum his, & similibus ulcus jam ex parte mundatum fuerit, & dolor sedatior, astrigentibus decoctis pro fotu utemur, & hoc eo magis, si ani procidentia simul adsit. Ejusmodi sunt, Lingua Cervina, seu Phyllitis, folia Thamarindorum, tum fructus quoque, & folia *Billinbing* suprad. Qui magnitudinem & formam referunt primo adolescentium Cucumerum, quos Agureas Lusitani, ac Itali vocant, quibus fructibus puto Naturam nihil acidius è terra produxisse: Nam, si cui dentes aliis cibis acescunt, his comesis omnis aciditas evanescit. Ferme ea ratione, qua major dolor minorem obscurat. Has herbas præcipue in scenam produxi, ut sciant curiosi Medicinæ indagatores, ubi supra commemorati morbi, & mala ita frequentia sint, ibi D. O. M. per Naturam contraria his remedia larga manu, ex terra, produxisse. Cæterum remedia, in patria cognita, leviuscule volens transeo, quia potissimum iis Medicinæ amatoribus prodeesse studio, qui mecum, aut post me in longinquis hisce regionibus praxin medicam exercituri sunt. Et utinam haec tenus per morbum, quo circiter quatuor menses decubui, tum per undique nos cingentes Iavanos, nobis, ut in principio mei in has terras adventus, licuisset in amoenissimas Iavæ sylvas expatriari: & herbas, nobilissimas, & plurimas, exactius nosse: Dabo tamen alio volumine, nomina multa, arborum, fruticum, & herbarum, hic passim nascentium. Tum avium, & piscium, quorum semper curiosus fui, quique in his regionibus capiuntur, naturam, & indolem vobis explicabo, & quid exoticæ, & alieni in iis, & in quibus cum nostratis conveniant, docebo. Interim hoc Caput finendum est aurea C. Celsi sententia, quæ talis est l. iv. c. xvi. *Cum in omni fluore ventris, tum in hoc præcipue* (de Tenesmo loquitur) *necessarium est, non quoties libet, desidere, sed quoties necesse est, ut hæc ipsa mora in confuetudinem ferendi oneris intestina deducat.*

## C A P V T V I.

*De Cholera.*

**P**ræter jam dicta Alvi Profluvia, etiam Cholera familiariter ægros infestat; cuius causam, signa, & symptomata, curam denique, hoc capite absolvere est animus. Fit itaque Cholera, cum materia biliosa, & retorrida ventriculum, & intestina, infestans, per gulam simul, & per anum, continuo ferme, cumque magna copia, rejicitur: Morbus est acutissimus, ideoque præsenti eget remedio. Causa præcipua hujus mali, præter aëris calidam ac humidam temperaturam, est nimia fructus edendi licentia;

centia; qui quod plerumque sint horarii & putredini obnoxii , tum humiditate sua superflua ventriculo infesti & insueti etiam , bilem æruginosam hanc gignunt. Hæc excretio , & non sine causa , alicui videretur salubris , quod talia purgentur , qualia oportet : tamen quia cum tanta quantitate simul effunduntur spiritus vitales , & naturales , debilitato quoque per fœdos halitus corde , calor is omnis , ac vitæ fonte , ut plurimum commoriuntur ægri , idque celerrime , utpote qui intra viginti quatuor horas , vel etiam pauciores , expirent , ut accidit inter plurimos *Cornelio van Royen* , ægrorum in Nosocomio Oeconomio , qui , hora sexta vespertina , adhuc valens , subito Cholera corripitur , & ante duodecimam noctis horam vomendo simul , per alvum dejiciendo , cum diris cruciatibus , convulsionibus , miserrime expiravit ; vincente morbi violentia , ac celeritate omne remediorum genus : Si tamen , ultra prædictum spatum , pernicies ista protrahatur , magna de cura spes est , pulsus admodum debilis est , respiratio molesta , membra externe frigent . Calor vehemens , & sitis , interne urgent ; vigiliæ adsunt perpetuae . Iactatio corporis inquietissima , quæ si comitetur frigidus & fœtidus sudor , mortem in propinquo esse , certissimum est . Danda in hoc affectu primum opera , ut acerrimus iste humor , qui tanto furore , ac orgasmo , fertur , mitigetur . Quod fieri poterit maxime per astringentia medicamenta , ventriculum , & intestina , corroborantia , & simul modico frigore furem materiæ morbificæ refrenantia . In his præstantissimus est Syrupus ex *Billinbing* , suprad . Tum fructus ejus saccharo conditi , adjecto croco . Syrupus præterea è succo Limonum recentium . In Iava nascitur insuper ad hunc affectum Pseudomyrobalanus , qui forma Bellericos refert , magna que copia à Nigris in urbem venalis adfertur , & sola astrictoria vi præstat , cum cæteræ Myrobalanorum species etiam laxativi aliquid habeant ; hinc conditus hic fructus , utilissimus , ad Choleram non solum , sed ad cæteros omnes alvi fluores nimios . Cum cornu cervi usto , lapide Bezoar , rasura cornu Rhinocerotis , vel Margaritis præparatis .

Sed his non adferentibus juvamen , confestim ad Extractum Croci deveniendum est , tum , ut vigiliæ arceantur , & somnus concilietur , qui propter summam virium dejectionem necessarius est , tum ut , tantisper mitigato atroci isto humore , Natura fortior denuo ad vincendum hostem insurgat : Cholerici (ut fere semper) convulsi moriuntur .

## C A P V T V I I.

*De Affectibus Hepatis Visceris nobilis : & primum de ejus Obstructione , & Inflammatione.*

**N**Vllum viscus , præter intestina , frequentius in his regionibus infestatur , quam jecur ; quod , prætermissa , jam toties dicta , victus ratione mala , à potu istius maledicti *Arac* , non tantum in temperamento immutatur , sed etiam in substantia sua corrumpitur : Dum enim ejus haustu ebriosi isti excalefacti , ingentem aquæ copiam in ventriculum ingerunt , ut conceptum æstum restinguant , dein humili , tanquam pecudes , procumbunt , & in navibus , se rori , qui post secundam aut tertiam noctis horam , copiose cadit , exponunt : inde venenatos vapores è terra erumpentes , intra corpus recipiunt , & sic obstructionem hepatis facillime incurront , cui adest tensiva , in hypochondrio dextro , gravitas , dolor que obtusus , & quasi pondere premens . Difficilis quoque adest spiratio , propter gravitatem visceris , diaphragma deorsum trahentis , cui , mediantे ligamento suspensorio , annexitur : & hæc infarctio si perseveret , humor , hepar obstruens , dum non ventilatur facillime , putrescit . Vnde febris etiam oritur , & ipsius hepatitis inflammatio , cum dolore acuto , & pungente , febrisque augescens , in ardenter transit , cum siti intolerabili , faciei rubidine , & diffici , ob prædictas in obstructione causas , respiratione : Hi duo affectus cum , quasi invicem , concatenati sint , & unus ex altero ferme nascatur , curam amborum hoc capite conjungam , incipiendo , (ut par est) ab obstructione . Itaque in hac primum observandum est , ne nimium calidis medicamentis in principio utamur , ne minutæ istæ hepatitis venæ , & capillares , ab exsiccante calore magis obstruantur , & ne hoc modo , (quod in proverbio est ,) oleum camino addamus . Ergo temperate calidis , & per consequens leniter deobstruentibus , & materiam pec- cantem

cantem incidentibus opus est, quæ familiaritatem quandam cum nostra natura habent. Talia sunt, quæ à practicis Anodyna vocantur. Nimirum semina Anisi, Fœniculi, Cumini, quæ nobis hic suppetunt. Tum radices graminis cuiusdam aromatici, & Caryophyllatæ odorem æmulantib;. Adde his, (quod in principio dici oportuit,) Calamum aromaticum verum, quem Pastum Camelorum vocat ab Orta, abunde hic crescentem, quo etiam incolæ cibos, præsertim pisces, non insuaviter conidunt. Cæterum reliqua addantur, quæ blando calore diureticæ sunt, ut viscus hoc nobile ab infarctu liberent. Præparata jam morbi materia, eam medicamento, non semel nec simul, sed iterato, studebimus educere. Ejusmodi sunt, Thamarindi, Cassiæ fistulæ pulpa, adjecto pulvere Therebinthæ coct. sec. artem; mirum enim quam blande hæc simul per alvum, & vesicam morbificum succum ejiciant: si paulo fortius desideres, adde ʒj Rhabarbari, misceatur cum supradictis in formam boli. Inflammationem porro in procinctu esse cum compereris, ex febris augmento, & dolore vehementiori, & magis pungente, statim venam secato copiose, pro viribus ægri. Cibis, Syrupis, & Conservis refrigerantibus, jam aliquoties commemoratis utere, quæ, ne actum videat agere, ego lubens omitto. Conficitur conditum ex fructibus, quos poma Amoris vocamus; Italis *Bella Dona*, & Lusitanis *Poma d'Oro*, appellantur. Certe species Mandragoræ est. Chinenses inter acetaria in hortis colunt, & tostam sub cineribus cum aceto & pipere edunt. Hæc Planta, etiamsi frigida est tertio gradu, tamen, in clima te hoc calido, & bile acerrima dominante, maximum Hepati, & reliquis visceribus vicinis, per consensum laborantibus, præstat refrigerium. Condiuntur quoque muria, & aceto, addito pipere, & aromatibus. Quod genus conditæ communi nomine *Achar Indi* vocant. Denique Hypochondria; præsertim dextrum inungendum est, unguento nobili, quod Indæ mulieres conficiunt, cujus ingredientia præcipua sunt, Radix Curcumæ, (quam *Borborii* incolæ vocant,) & unde universa compositio hæc etiam nomen sortita est. Santali omnibus speciebus, addita Caphura: & oleo recenti ex Cocco express. vel si mavis, rosaceo; quod nobis ex Persia suppetit: Hæc omnia in marmore subiguntur in unguenti consistentiam. Hoc oleo, fœminæ simul, & viri, totum corpus inungunt adversus æstus: Et quia colore propter Curcumam est flavo, homines quasi croco tinti spectantur, odore tamen est admodum grato, & cerebro utili: (Curcumæ meminit ab *Orta*, l. 2. cap. 39. Et quamvis eam ibi describat: tamen fatetur, id se ex auditu facere, ego millies vidi, & à terra evulsi. Descripsit autem sub nomine croci Indici 3. Folio est Pseudoridos, seu Gladioli.) Præterea, ad idem, Oleum conficimus, ex floribus cuiusdam arboris, non nimis altæ, ferentis folia, Persicæ arboris similia. Flores sunt viroris dilutioris, quem Belgæ *Zee-groen* vocant, & primo intuitu, potius fasciculum foliorum putes esse: sed pediculi intus in calice, quales in rosis sunt, flores esse arguunt. Arboris simul, & florum nomen *Sampaga* incolis est, & apud eos in summo sunt honore: Nam Indi, si quæ gens alia inter Mahumetanos, odoris grati sunt avidissimi, hinc nullas ferme in plateis mulieres conspicias, quæ non capillos intertextos habeant, his & similibus floribus, ut gratiores se maritis, aut amantibus suis, se reddant: sed in viam redeamus. Si (quod sæpe fieri solet) dolor in Hepate, & ligamentis sit intolerabilis, causa tantisper omissa, huic symptomati occurremus. Quod fiet per Extractum Aureum Croci, quo vel solo (ausim affirmare) ægros plurimos curavi, natura, per quietem, ad se redeunte, & virus per alvum, urinas, & sudores, ejiciente.

## C A P V T V I I I.

*De Apostemate Hepatis, & ejus cura unica.*

**Q**uod si hepatis inflammatio non bene sanetur, vel pertinacius curæ resistat, consequitur admodum miserabilis affectus, Hepatis nim Apostema; quo, si parenchyma, seu substantia ipsa jecoris occupetur, jam incurabile est malum; Ideoque de eo supersedeo dicere. Sed si pus hæreat, inter membranam cingentem hoc viscus, & ipsius carnem, (quod persæpe fit,) unica salutis spes est in Apostematis apertione; quæ hoc modo fieri debet. Primum, in regione hepatis applicetur cauterium potentiale, ita, ut eschara tantum penetreret abdominis musculos, nec inficiatur perito-

peritonæum; Deinde, parvo foramine per scalpellum in ipso secto, per id immittatur instrumentum argenteum concavum, quali utuntur in sectionibus calculi lithotomi; dein satis late vulnus dilatandum: Et tum statim in conspectum se dabit membrana le- cur ambiens, vehementer tumescens ab amurca intus latente. Ea pertusa, saniosus hu- mor, carnium loturæ similis, efflueret, qui quo minus fœtet, eo major de cura spes est. Post hæc vulnus detergendum, modice siccantibus & mundantibus. Fol. n. rosarum. Cortic. granatorum, add. mell. rosac. &c. Dein sarcoticis, & epuloticis, à perito Chirurgo vulnus ad cicatricem perducendum. Interea ægro omnino à pharmacis & ca- tharticis abstinentem, & tantum roborantibus utendum, ut Conserva rosar. cum Pulvere Santali rubri. cui misceatur cornu cervi usti rasura, cornu Rhinocerotis, qui hic plurimus in sylvis est, Margaritæ, & corallum rubrum præparatum. Adhæc Syrup. condita, & mivæ è Billinbing, Mangas, Granatis, è succo Limonum, quæ omnia refrigerantia simul & hepar roborantia, ægro solamen adferunt. Porro debili (ut fe- re semper) existente ægro, lapidi Bezoar non est parcendum.

## C A P V T I X.

*De Hydrope, familiarissimo in Indiis Morbo.*

**H**æc paucissima de Hepatis apostemate: quia cura non verbis, sed agili Chirurgi experti manu, & prudentis Medici ingenio peragenda est. Iam ad Hydropem, frequentissimum in his locis malum, deveniendum est.

Hydrops, ut omnes docti consentiunt, oritur ex frigida hepatis intemperie, quæ sæpe à diurna obstruktione originem dicit. Hæc vero obstrucción nascitur ex cibis mali succi & fructibus supra descriptis: hinc fit, ut sanguificatio vitietur. Iecur enim, dum chylum, ex venis mesaraicis attractum, in sanguinem convertere nequit, ejus loco sero- sum illum & aquosum humorem gignit; intumescitque (ut & in Patria) vel universum corpus, vel abdomen, idque vel à flatibus vel humore seroso. Unde illæ tres tantope- re decantatae Hydropis species, Anasarca, Ascites, & Tympanites, (proh dolor) ni- mis frequentes sunt in Indiis. Pars tamen principaliter affecta, est nobile viscus hepar. Tussis propterea sicca comitatur & respirandi difficultas, quia jecur insita sua, & jam per morbum adaucta gravitate, deorsum septum transversum trahens, thoraci & pul- monibus hanc molestiam infert. Adeò febris plerumque lenta, urinæ ob cruditatem, & functionum naturalium debilitatem, tenues & albæ. Sitis propter serosi humo- ris falsedinem adeò indefessa. Præterea universi corporis spontanea lassitudo. Hæc sunt aquæ intercutis præcipua signa, si quæ sint leviora, ea prudens prætero, quia mihi non est animus formare Medicum: sed jam formatum docere, quid hic in praxi opus sit. Antequam hujus morbi curam aggrediamur, sciendum est in genere, Hy- dropem in his locis facilius sanari, quam sub nostro climate. Itaque cautus medicus non temere judicium suum præcipitet, nec primo aspectu lethale dicat, quod paulo post cum ingenti sua irrißione, à mulierculis, vel potius ipsa natura, observata tantummodo convenienti viðus ratione, sanatur. Præcipua vero cura consistit in præpara- tione primum, dein eductione humoris peccantis; tum reliquarum discussione, de- nique in correctione intemperiei in hepate conceptæ. Diæta quoque sit boni succi, ut sunt Gallinæ (quod avium genus hic frequentissimum) eæque sint elixæ potius, quam assæ: sed inter cæteras istud genus eligendum est, quod carne sit nigra; nam has habere vim medicamenti diuretici longo usu ab incolis compertum est; Harum jusculis in- coquantur semen Anethi, Fœniculi, radices Cichorei, Majorana, Basilicum, qui- bus omnibus abundamus. Eodem modo præparatæ etiam carnes caprinæ medicamen- ti simul ac alimenti vim præstabunt; sed nihil æque confert, quam quotidianus usus decoct. radicum Chinæ, Sarcæparillæ; adjectis Curcumæ radicibus, Succisa & Sca- biosa, quarum herbarum vires mulieres Malaicæ obstetrics, usque ad irrißionem ex- tollunt. Sic quoque prodest decoct. Guaiac. cum corticibus ejus.

Humorem hoc modo præparatum educere per alvum studebimus vehementioribus catharticis, ne si imbecillibus utamur, succum peccantem moveamus potius, quam promoveamus. Inter quæ præstat Extract. gutt. Cambodja, quod paratur hoc mo- de à me.

2. Aloës

## 2. Aloës Socoterinæ,

Guttæ Cambodja,

Gummi ammoniaci, ana partes æquales.

Aceto vini acerri mo dissolvantur ; pone in vase vitreo ad Solem , fortiterque colatum exponatur rursus, donec contraxerit consistentiam, massæ pilularum.

Dosis ejus à 3 fl. ad 3j.

Crescit quoque in summa copia, Cucumer asininus , unde Elaterii succum non semel confecimus, cuius 3 j. ad 3 fl cum magno successu ægris sæpe exhibuimus. Dantur enim commode Extract. Esulæ, grana x. vel xv. in convenienti aliquo liquore. Et quia sæpius incidimus in mentionem Guttæ Cambodja , & Esulæ istius Iavanæ , utriusque descriptionem à me accipite. Nascitur in sylvis Tithymali quædam species , in tantam altitudinem, ut acumina magnarum arborum, quas instar hederæ amplectitur, æquet, imo superet : crassities ejus est brachii facile humani. Hujus caule vulnerato, lacteus humor effluit ubertim , qui collectus , & in extracti consistentiam redactus , ad usum servatur. Planta ista , quæ Guttam Cambodja fert, seu lacrymam istam flavam, quam in patria habetis , supradictæ adsimilis est: nisi quod non tam alte excrescat : ita ut ferme solo colore succi hi inter se differant. Crescit hæc planta, ut & Aloë, in maxima copia in Cambodja regione Chinæ vicina, unde etiam nomen sortita est. De Paracentesi , aut de umbilici perforatione , nihil addo , non quod non frequenter exerceatur, sed quod hæc Chirурgo & Medico experto cognita esse debet. Adde quod mihi propositum est, tantum de ea cura agere , quæ his regionibus maxime familiaris; magis enim mihi curæ est bonum practicum agere , quam in scholis de omnibus morbis , eorumque curis otiose disputantem, & medicum in charta superbæ agentem. Hoc ausim affirmare, (absit verbo invidia,) si hanc methodum Medici & Chirurgi sequantur, non longe à scopo aberrabunt. Evacuato maxima ex parte hoc seroso humore, ne recidivam patientur ægri (quod alias sæpe fit, & à recidivis in Indiis ferme ad sanitatem nunquam est redditus ,) reliquiæ hujus mali discutiendæ sunt, & hepar , quantum fieri potest, ad pristinam temperiem reducendum est. Ad quod, præter solita antidota sudorifica Theriacam, Mithridat. &c.) Decoctum levius Sarsæ , radicis Chinæ : & Guajaci per aliquot dies continuandum est, quod tum in hoc, tum in aliis chronicis morbis longe præstantissimum, indubitatum est remedium.

## C A P V T X.

*De Ictero in Indiis.*

**M**Orbus regius, seu Icterus , inter quotidianos in India morbos merito numeratur . Hic quoque vel morbos alios comitatur , vel eosdem sequitur . Exempli gratia Inflammationem, Scirrum, Apostema denique hepatis, & quia tum, ut plurimum symptomaticus, & ex violentia morbi ortus est, ut fere quoque semper lethalis est. Præterea, quia ejus cura cum primariis affectibus conjuncta est, de eo supersedebimus dicere ; verum, est & altera Icteri species , ubi folliculus fellis obstrutus , excrementum suum ad alvum non transmittit , unde etiam in stercore color albus appetet, urina vero croceo plane colore, linteal tingit ; Nam bilis, versus jecur regurgitans , cum sanguine dein per venas, & arterias in universum corpus distribuitur , cutemque tingit colore luteo, ut & in oculis manifesto appareat. De hoc affectu nobis est sermo. Sæpe ita momentaneus est, ut intra paucissimos dies oriatur , & occidat, quod cis paucos menses accidit doctissimis, & reverendis viris *D. Iusto Heurnio*, ac *D. Abrahamo de Roy*, quibus amicissime simul & familiariter utor , qui aliquoties exhibito pharmaco sudatorio, & cordialibus , intra breve temporis spatium curati sunt. Qui autem diuturnior est Icterus , majorem in cura diligentiam requirit, quod in eo longe validior sit obstructio: adde quod sæpe delirium , & phrenitidem infert, bile flava per metastasim ad mentis arcem elevata. Hic neglectus certissimum hydrocephali infert. In eo igitur iisdem medicamentis utendum , quæ superius in obstructione Iecoris adduximus, Aviculæ quoque Chlorides dictæ, propria & occulta qualitate adversus hoc symptoma valere incolæ produnt. Excellit decoctum Chinæ & Salsæ, quo

copiose sudores eliciuntur. Tum porro ad evacuationem eundum. **Z.** Folior. Senæ  $\frac{3}{j}$ . infus. in decoct. Thamarindorum cum Rhababar.  $\frac{3}{j}$  fl. Sed si propter fortē obstrukcionem paulo valentiori pharmaco sit opus, Electuario subsequenti utatur æger, quod è fratre meo P. M. Reynero Bontio, dum viveret, *Principis Auraci Mauriti Archiatro, & Medicinae Professore in Academia Leydensi*, accepi.

**Z.** Ligni Guajacini  $\frac{1}{b}$  ij.

Sarçæparillæ  $\frac{3}{vij}$ .

Cortic.ligni Guajac.  $\frac{3}{i}$  ij. post macerationem inf. q.aq. fluvii per 24 horas, coquant. q. f. Hujus colaturæ ferventissimæ adde,

Folior. Senæ mundator.  $\frac{1}{b}$  j.

Polypodii  $\frac{1}{b}$  fl.

Sem. Anisi. Fœniculi, ana  $\frac{3}{i}$  ij.

Hellebori nigri  $\frac{3}{v}$  j.

Myrobalanorum omnium,

Thamarindorum , ana  $\frac{1}{b}$  i. j.

Bulliant q. f. in supradicto decocto. Colaturæ rursus adde,

Pulpæ Cassiæ Fistulæ  $\frac{3}{x}$  ij.

Pulveris Senæ ,

Pulveris Rhabarbari , ana  $\frac{3}{x}$ .

Pulveris Cortic. ligni Guajacini  $\frac{3}{i}$  v.

Scammonea elect. pro quaque electuarii  $\frac{1}{b}$  j. ad  $\frac{3}{j}$ .

Sacchari albissimi , q.f.

**F.** Electuarium molle. Cujus dosis est à  $\frac{3}{i}$  ij, ad  $\frac{3}{j}$ .

Pleraque ingredientia hoc Electuarium hic inveniri scitote: Nam Polypodium, crassius longe, & succulentius , in Mangiferis arboribus, non secus ac in Quercubus in patria, crescit. Si porro Helleborus niger desit, ejus loco utimur Hellebori albi specie, quam *Potstock Chinenses*, & Iavani vocant, estque in summo pretio. Thamarindi quoque & Cassia hic in sylvis passim crescunt. Loco Scammoneæ, quæ tamen, ut & reliquæ Convolvulorum species, hic abunde nascitur, uti commode possimus Gutta Cambodja, prius per aliquot dies in aceto macerata, vel spiritu vini. Nam hoc modo vomitoriam, & infestam suam ventriculo qualitatem, plane deponit, & blandius, quam Scammonea, alvum dicit. Pro potu utatur æger secundo Decocto Chinæ, cum radicibus Curcumæ, quas Lusitanæ *Saffram de tierra* nominant, ac si Crocum subterfrem dicas. Pulvis ejus melle exceptus, & in Electuarii formam redactus à  $\frac{3}{j}$  fl. ad  $\frac{3}{j}$ . tanquam specificum huic morbo remedium exhibetur, & tum per sudores, tum per urinas, egregie humorem, qui in vitio est, educit. Flatus, qui in hoc morbo assidui sunt, feminibus Carminativis, & ol. Anisi, discutiuntur. Crescunt enim omnia hæc, & à lavanis, & Chinensibus, in similes usus reservantur.

## C A P V T X I.

### *De Atrophia, seu Extabescientia quadam, Indicis regionibus familiari, ob obstrukcione viscerum, præsertim Mesenterii, orta.*

**S**æpe sine manifesta causa ægri extabescunt, ac emaciantur, febi nulla vel saltem lentissima se huic malo jungente, sine magno sensu doloris; gravitas tantum quædam sentitur circa umbilicum, & Hypochondria. Hoc malum, præter obstrukcionem viscerum, sæpe causam latenter habet in venis mesaraicis, vel in ipsa Mesenterii substantia, quæ sæpe insignem abscessum patitur: quod in dissectis cadaveribus non semel observavi; Immo repperi aliquando totum Mesenterium absumptum; & tamen intestina cohærebant, ac potius inter se confundebantur nullo ordine, tenuibus pelliculis, seu membranulis adnatis. Ita miseri mortales ad extremam maciem perduci, ut jam magis Sceleta, quam corpora carne vestita, dici possint, absunto calore nativo, vita excedunt. Notabile in hoc malo est, plerumque adesse βέλημον, & appetitiam caninam: cui se Lienteria, seu lævitatis intestinorum conjungit; unde cibi nihil, aut

aut parum immutati, & incocti, per alvum ejiciuntur. Taliter affecti, quamvis plerumque commoriantur, tamen, ne omnino desperare videamus, aliquid tentandum est potius, quam nihil. Si forte natura benignior, adjuta autem blandis medicamentis exterius, vires resumens, ex desperato sanabile faciat malum; temperate itaque calidis, & anodynus, moderateque, citra insignem calorem, deobstruentibus, utemur. Talia sunt decoct. & condita, ex seminibus Anisi, Foeniculi, Carui, & reliquis carminativis supra relatis. Præterea crescit quoddam grumen, cuius nomen, & descriptionem videre est apud *Prosperum Alpinum, libro de plantis Ægypti, capite XI.* quod merito grumen Crucis vocatur, quia quatuor spicas è summitate caulis emittit, quæ perfecte Crucem formant. Radix hujus graminis, quæ tantum in usu est, odorem habet aromaticum, & proxime ad Caryophyllatæ radicis accendentem, gustu quoque est γλυκόπικρα, id est, è dulci amara. Hujus radicis decoctæ mirabiles effectus expertus sum, in calculo Renum, & aliis longioribus obstructionibus, qualis hæc est, de qua loquimur. Confert quoque Anagallis aquatica, seu Becabunga, quæ cum elegantissimis flosculis suis albis in ripis fluviorum crescit. Vescatur æger carnibus Turturum, & Fringuillarum, quas milites & Mauri, sclopetis occisas, quotidie venales in civitatem ferunt. Lac quoque caprillum mirifice prodest, dum nitrositate sua, quæ sero ineft, venas mesaraicas detergit, & obstructione liberat. Abstinendum denique à purgantibus medicamentis, ne dum humorem violenter conamur revellere, obstructions per acrem calorem, qui solet pharmaca ista comitari, adaugeamus. Adde quod in hoc casu, propter almoniæ defectum, vires semper summe imbecilles sunt.

## C A P V T X I I.

*De quibusdam Pulmonum vitiis, quæ hic grassantur, & primum,  
de Hæmoptysi, seu sanguinis Sputo, & Phthysi, seu  
Vlcere Pulmonum.*

**D**ebuisse quidem hos Thoracis affectus præmisso secundum ordinem, qui in Scholis observatur; tamen ego, qui non umbras rerum, sed res ipsas, tanquam practicus, sector, nihil ad curam referre arbitratus sum, utrum id prius, an posterius, agam.

Quoniam itaque, ut & supra retuli, aëris constitutio est calida & humida, saepè fit, ut acribus catarrhis caput oneretur; unde etiam gravedines tam frequentes, & saepè diurniores quam in patria, oriuntur. Tum milites & socii navales, bene poti, humi sine stragulis dormitentes, vaporibus è terra ascendentibus, & rore è cœlo cadente, obruuntur: unde hoc notandum est obiter, habitationes in superiori ædium parte longe esse salubiores, quam in inferiori, quæ propter humiditatem soli Formicis, Scorpionibus, & Scarabæis, (quos Caccalaccas vocant,) scatent: sed hæc parergice; ad rem veniamus. Hi catarrhi saepè ad subjectos pulmones è cerebro præcipitantur, ipsosque falsedine, & acrimonia sua erodunt, unde Hæmoptysis, hinc Tabes, & dein Empyema, seu suppuration. Assiduam tussim, difficultem anhelitum, febrem tandem hecticam, hic lubens prætero, tanquam nota practicis, & jam ad curam me accingo. Et quia, in his regionibus, affectus hi à catarrhis, & distillationibus, ut plurimum oriuntur, isti per commodas purgationes divertendi sunt. Ejus ergo fiat Catapotiorum mafsa hoc modo.

## 2. Aloës Socoterinæ,

Guttæ Cambodja,

Colocynthidos pulvetisatæ,

Scammoneæ elect. ana partes æquales: infunde in aceto, vel spiritu vini, modo jam saepius dicto, & sole evaporentur in massam pilularum. Dosis est à 3 j. ad 3 fl. vel, in valentioribus, ad 3 j.

Nam hoc in genere sciendum est, quod ut fluores alvi, (ut Celsus vocat) hic sunt violentiores, ita quoque è contra obstructions, validæ, & pertinaces sunt: quæ non nisi valentioribus catharticis cedunt. Electuarium supra dictum Fratris mei, hic etiam

maximum emolumentum adfert. Aversa jam per alvum materia, reliquæ particularibus remediis tollendæ. Caput-purgiis nimirum, Errhinis, & Masticatoriis, è Pyrrethro, Staphide agria, semine Raphani, Nasturtii, Pipere, & cæteris notis. Præter hoc peculiare habemus nobile medicamentum, quod conficitur ex Arecca & Betele, & calce viva ex ostreorum conchyliis usta, quod masticando pituitam è capite elicit, eamque, quæ in ventriculo est, consumit, & prohibet, ne vaporibus caput impleat, unde hi catarrhi nascuntur. Medicamentum hoc, Malaice vocatur *Sirii Pinang*. Ejus descriptionem, & reliquas insignes virtutes, quibus sine dubio præditum est, vide apud *Garciam, historia Aromatum capite de Betele, ac Arecca*. Est quoddam genus istius Pinano quod *Mabock* Indi vocant, tanquam ebrium dicas, qui paucō tempore, Cerebrum eo modo, quo potio vini nimia, afficit. Sed manso paulo salis, statim vertigo ista evanescit: Cum jam isti catarrhi, aut neglecti, aut non bene aversi, per falsuginem suam, qua prædicti sunt, aut pulmonum venas eroferint, aut acrimonia sua per anasto-ma in crava sculorum referaverint, & æger in hæmoptysin: seu copiosam sanguinis excretionem inciderit, cum tussi valida præfertim, statim sanguis ad revulsionem copiose detrahendus est. Post pectoralibus incrassantibus, & sanguinem sistentibus, utendum, quorum descriptionem inferius dabimus, ne necesse sit ista repetere. Si patientes contingat evadere tantisper sanguinis sputum, neque tamen tussis minuatur, & per eam pus exspuatur, signum est, affectum hunc jam in tabem, seu ulcus Pulmonum transisse, cui, si supervenit febris hectica, sequitur Marasmus, quem dein comitatur certissima mors. In his duobus morbis, quia agnati sunt, & alter ex altero sæpiissime oritur, eandem, vel per quam similem medendi rationem sequimur. Utendum est igitur in principio Diatragacantho frigido, cui optime conficiendo hic nascuntur semina Cucumerum, Cucubitarum, Melonum, & cætera: tum è Suratte Amygdala suppetunt, & Papaveris semen: cum aliis speciebus, quas abunde habemus, in formam liquidam Eleutharii, aut etiam in tabulas concinnata ad usum servantur. Sed nihil æque prodest, quam toties commemoratum Extractum Croci, quod non tantum sanguinis spiritum sistit, sed & Tussim sedat, pus incrassando habilius ad expectorationem reddit, quin etiam pulmones, jam exulceratos, consolidat, ad cicatricem perducit. Eoque solo remedio plurimos jam desperatos sanavi. Sumant præterea ægri, ad minimum ter quotidie, haustum decocti jam describendi,

**24.** Scabios. Morsus diaboli,

Linguæ Cervinæ, ana M. j.

Capitum papaver. demptis summitatibus, numero i v.

Glycyrrhisæ ras. 3 j. coq. in f. q. aq. comm. Colatur. ff. ij. fl. adde ol. Sulphur. q. f. ad gratum acorem.

M. F. Apozema.

Si in Tabæ, seu Phthisi, pulmones paulo mundare velis, add. huic decoct. 3ij. mel-lis rosacei, tum ad eundem effectum, & faciliorem expectorationem hac Conserva utamur.

**24.** Conservæ rosarum è Persia antiquæ 3 i. j.

Sem. papaver. albi contusi 3 fl.

Flor. Sulphur. 3 j fl.

Pulver. Solidaginis Saracenicæ, & pulveris Scabiosæ, ana 3 j.

Ol. Sulphur. q. f. ad gratum acorem.

M. F. Conditum.

Pro potu communi utatur decocto secundo Chinæ, aut Sarsæ, superius relato.

### C A P V T   X I I I .

#### *De Empyemate, & fluctuatione puris super Septum transversum.*

**E**mpyematis quidem per eademjam dicta medicamenta: sed longe tamen difficultior est curatio; quod pus, & sanies libere, ab alterutro, vel etiam utroque, lateræ, super diaphragma fluctuet & pulmones; & quamvis ejus portionem sæpe aliquam, tamen totam exsugere non valeat. Tamen per alteram viam, quam per Tra-

Trachæam arteriam, purulentæ isti materiæ non est exitus, quicquid illi dicant, qui ejici aliquando affirmant hoc pus, per sinistrum Cordis ventriculum, ad majores venas inde deferri, & unde hinc ad Iecur, & venas Mesaraicas, per alvum exonerari, vel ad Renes deferri quoque, & critice per urinas evacuari. Eorum quidem fidem, qui hæc scripserunt, ego non elevo: sed nunquam tam fortunatus fui, quamvis in frequentissima praxi, ut talem excretionem mihi videre contigerit. Hoc quod jam præponam, etiamsi anceps & dubium sit remedium, tamen sine dubio nugacibus verbis, & loquacitate tam fœminarum futilium, quam virorum, relicta, longe præstantissimum est: supra diaphragma, inter quartam & quintam costam, musculi thoracis intercostales, cauterio admoto potentiali adurendi sunt, donec satis lata eschara oriatetur; quod circiter spatio trium horarum plerumque fiet, dein istud satis lato vulnere pertundendum est, & (ut hoc obiter dicam) eo opus est, ne si sine tali cauterio, incisio fiat, vultur nimis cito coalescat & citius, quam necesse est; sed oportet ut labiis longissime à se invicem distantibus, (quod in rotundo vulnere fieri certissimum est,) facilius exitus puri, & amurcæ isti, fiat: ante omnia, curandum est, ne confertim pus, & sanies, sed repetitis vicibus, emittatur, pro ægri viribus; quarum in regionibus maxima habenda est ratio. Hoc remedio miraculi instar aliquot curatos vidi: & inter plurimos viator quidam, & miles, hic in arce Batavica sunt, qui cum me vident, non officiose tantum salutant, sed pene importune adorant; Verum de his in observationibus particularibus acturus sum. Si hæc vobis placuisse intellectero, efficiam, ut non otiose tempus in Indiis me exegisse boni sciant. Nam de malevolis mihi nulla est cura, quoniam ego me supra eorum invidiam esse arbitror; & abunde mihi sufficit, si Eruditis & Ingenuis, non displiceam.

## C A P V T X I V.

*De Febribus in Indiis.*

**F**ebres, quæ in Indiis nascuntur, pleræque aut sunt symptomaticæ, aut continuæ per se, & (ut fere semper) Synochi putridæ. Quæ vero certam periodon servarent, cum intermissione seu *ἀπεξία*, vix memini me vidisse; nisi unam & alteram Quartanam, eamque cum ægro è patria delatam, quæ miserrime in hydrozem, & inde in certissimam mortem desiere. Itaque erraticæ plerumque febres sine certo ordine, quibus singulis, si nomina dare velis, Oedipo conjectore tibi opus erit. Non tamen Tertianas intermittentes, aliquando oriri negaverim: sed hæc tam raræ sunt, ut liceat dicere, quod in proverbio est, hirundinem unicam non efficere ver. Præterea propositum mihi est scribere, de iis affectibus, qui ut plurimum, & quotidie, hic eveniunt. Hoc saltem in genere verum est, morbos quibus febris supervenit, magis periculosos esse, quam quos à principio comitatur febris. De cura igitur febrium, & symptomatibus earum, quia cum affectus primarii sanatione conjuncta est, supercedebimus actum agere. De continua ergo aliquid agendum, quæ plerumque cum tanto furore invadunt, ut tanquam attonitos de ratione mentis statim dejiciant, & saepè intra paucissimos dies, imo, aliquando horas, cum phrenitide, & continuo delirio, ægros è vita rapiant. Adsunt perpetuæ vigiliæ, vomitus varii coloris, præcipue viridis, & æruginosæ, bilis. Externa rigent. Calor interne cum ingenti siti vitales & naturales facultates depascitur. Cum febris hæc itaque sit Synochi putridæ species, ubi sanguis tam qualitate, quam quantitate, peccat, duo magna antiquitus decentata remedia necessaria esse quis dubitet? Sed utrum illorum præmitti debeat, in questionem possit venire. Nos, subtilibus scholasticorum disputationibus, & alterationibus, omissis, purgationem debere præcedere autumamus; ne in venis major perturbatione fiat, quam emolumentum ex præmissa phlebotomia sperari potest. Et ne humores isti mixti aliquam ex principibus partibus, per motum, occupent, & terribilissima symptomata excitent. Itaque in principio leniter, ut Thamarindorum, & Cassiae pulpa, ægri purgandi sunt. Injeæto quoque Clystere communi, & adjecta Electuarii, supra descripti 3j. His peractis, jam tuto vena copiose secabitur, vel etiam iteratis vicibus, quod judicio medici relinquimus, tum unguento *Borborii* universum corpus

inungendum. Quod si vigiliæ, & Phrenitis infestat, vena frontis recte secabitur; tum somnus omnimodo conciliandus. Philon. sine Euphorbio, Requie Nicolai; Mithridatio confecto recenti, &c: Sed in periculis, tanquam ad sacram anchoram, ad Laudatum nostrum ex croco configiendum est, quod in his regionibus, nunquam satis laudabitur. Cæteræ, quas dixi, erraticæ Febres curandæ sunt eo modo quo illæ, quæ certos paroxysmos habent, & ad quorum naturam videbuntur proxime accedere. Quæ quoniā notissima sunt ex aliorum scriptis, Enchiridii hujus ratio non patitur me longius de iis agere.

## C A P V T X V.

*De Febribus quibusdam, quas Incolæ vocant Tymorenses, in Indiis, peculiaribus.*

**Q**ui navigant in Insulas Solor, & Tymor, cædendarum Santali arborum gratia, corripiuntur febri quadam putrida, quæ si continua sit, delirium & Phrenitidem secum comitem etiam habet, si vero per intervalla exasperetur, (nam remittit se aliquando hæc Febris: sed intermititur nunquam) ea exacerbatio plerumque est circiter quatuor horas, qua durante ridiculas admodum actiones ægri edunt; imitantantes ea opicia, quæ sani exercuerunt, & omnia effutientes temere, quæ in vita, tacenda loquendaque, peregerunt, cum maximo astantium risu. Adebat præterea *B&λιμος*, seu Appetentia canina, ita ut, dum in delirio sunt, omnia etiam fœdissima devorent, quæ ipsis præbentur. Oritur hæc Febris ex diversis causis, quarum præcipuae hæ sunt: Odor recenter cæsarum arborum Santali; quæ (fatentibus ipsis incolis) nescio quid virosum, & cordi maxime, & cerebro, inimicum exspirant. Santali Histor. vid. apud Garc. ab Orta, l. 1. cap. 17. Adhæc aëris constitutio nebulosa, & admodum gravis; nam habitacula Incolarum sunt in summis montibus; ubi, propter aëris medium regionem, nebulæ & pluviosi vapores sunt; tum frigus aliquando tam violentum, quam in Hollandia solet esse, quæ omnia non nisi crassos humores, & turbidos spiritus gignunt. Addita fructus nascentes edendi libertate, qui, cum plerique sunt horarii, & propter humiditatem putredini maxime obnoxii, in corporibus jam ante fastidio maris, laboribus, & crassis cibis, tum aëris intemperie immutatis, pessimos succos gignunt. Adebat (quod pene omiseram) mutationem subitam aëris, quam subeunt nostri; dum descendunt ex montibus frigidis ad littus, & naves, ubi calor summus corpora urit: Nam insula hæc sita est versus meridiem, circiter decem gradus, à linea Æquinoctiali. Et (ut Ovidius ait)

*Cum modo frigoribus, calido modo stringimur æstu,  
Tempore non certo corpora languor habet:*

Præcipue quoque cavendi sunt venti ex montibus, post medium noctis, spirantes, ut & in Java, & cæteris circumjacentibus insulis; non secus, & in quibusdam Galliæ Narbonensis locis, & Italiæ, præcipue in regno Neapolitano, ac Romæ territorio, ventus frigidus è montibus spirans, (quem Serenas vocant,) Pleuritidem, Peripneumoniam, & reliquos acutos morbos, infert. unde Horatius;

*Matutina parum cautos jam frigora mordent.*

Cura consistit in purgatione leni, & clystere præmisso, in celeri sanguinis missione, eaque in plethoricis, & constantibus viribus, usque ad animi defectum. Cucurbitæ quoque affigantur cervici, scapulis, &, vertice raso, capiti; incolæ arterias crotaphgæ, seu Temporales, lamina candenti, vel fune sclopetario accenso, urunt, cum stupendo fructu, quod etiam faciunt in omnibus capitib; longis doloribus. Purgatur quoque commode humor vitiosus Eleæ. Fratris mei supra relato. Tum vomitoria è Croco metallorum, & sale vitrioli præcipitato, utilissima in hoc casu esse experientia didici. Vigiliæ (quæ sunt fomentum phrenitidos) si perpetuæ adsint, utimur, præter cætera narcotica, Extracto nostro Croci in pilulam formato, vel vino dissoluto. His omnibus generalibus remedii præmissis; intemperies Cordi, Hepati, ac Cerebro inusta, sudorificis, & diureticis; Antidotis quoque, ut Bezoar, & rasura cornu Rhinocerotis,

com-

commode discutitur. Et Conservis refrigerantibus, & Syrupis, supra satis ad fastidium nominatis, emendatur.

## C A P V T XVI.

*De Cæcitate, & debilitate visus, quæ nāgantibus Amboynam, & Moluccas versus, & in circumjacentibus Fretis, accidit.*

**Q**ui Amboynam, Bandam, & Moluccas versus nāgant, infestantur sāpe debilitate visus, immo totali cæcitate, è crassis lentiisque vaporibus, caput, & cerebrum, oppulentibus, nervosque opticos obstruentibus: quæ tamen cæcitas non semper permanēt; sed alterius aëris mutatione, vel melioris Diætæ, sāpe recedit. Incolæ harum insularum originem trahere dicunt, (quod & experientia, cui contradici vix potest, comprobatum est) ex esu Oryzæ calidæ. Hinc Iavani, & Malaii Oryzam, jam primum coctam, semper prius frigidiori aëri exponent, vel vanno calorem eventilabunt. Tum nautæ nostri sociis suis navalibus imperant, sub poena aliqua, ne Oryzam calefactam comedant. Quod si causam altius inquirere velimus, ratione eam prædicta niti inveniemus: nam Oryza hæc semper plantatur in locis uidis, & paludosis, unde nefcio quid saceruli, ac uliginosi, contrahit: quod calidum altius penetrat, quam frigidum: nam etiam siccæ Oryzæ, crudæque, odor caput gravat, & somnolentiam quandam introducit. Communis in hoc affectu cura, (qua & ego utor, & plures ad pristinam sanitatem reduxi,) hæc est; Primum purgandum caput, & ventriculus, à crassis humoribus, qui hos vapores ad cerebrum mittunt: Quod optime fiet per Pilulas panchymagogas Reineri Bonii supra descriptas. Dein sternutatoriis è pulvere Tabaci, &c. Tum Errhinis, & Masticatoriis utendum est. Vena secca quoque prodest. Sed in hoc malo (quod postremo loco reservavi) specificum, & crebro usū comprobatum medicamentum est, Iecur Lamiæ piscis, cruduni cum sale comedum, quem pisces een Hape Belgice vocamus, quin & oleositas, ex eo in Sole inde destillans, Cræn Belgice, & oculis inuncta, pro præsentaneo est remedio; quod procul dubio proprietate substantiæ fit: Nam tantum abest, ut aliorum piscium jecinora hoc præstent, ut potius præsentem noxam inferant. Notandum postremo est, quod, quamvis hæc cæcitas sāpe transitoria sit, tamen neglecta, & incommoda diæta, maxime importuno usu Aracci, sāpe in veram visus orbitatem degenerat; quorum exempla passim obvia sunt.

De Externis quibusdam Corporis Affectibus,  
in INDIIS.

## C A P V T X V I I.

*De Herpetis, seu Impetiginis Indicæ specie, quam Incolæ  
Courap indigitant.*

**E**xpositis morbis Internis præcipuis, qui in hisce remotissimis à nostro cœlo locis grassantur, omissis etiam levioribus affectibus, qui (ut in patria quoque) quotidiani sunt, ad Externa quædam corporis vitia, nimis familiaria, devenire constitui.

Inter hæc principem locum obtinet Herpes, seu Impetigo quædam molestissima, ut plurimum alas, pectus, inguina, faciem, immo aliquando totum corpus, occupans, cum pruritu intolerabili, adeo ut ægri à scalpendo, dies, & noctes, manus abstine-re nequeant: Sed statim istam voluptatem, quam ex unguium attritu homines sentiunt, acerba pœnitentia sequitur: ingens nempe dolor, in crudis, & cuticula nudatis, partibus, quas unguis aperuerunt, dum mordicans, & nitrosus iste humor peccans, partes affectas vellicat, & inde interulæ, & indusia, sine crustarum laceratione, avelli nequeunt: Indigenæ hunc affectum *Courap*, κατ' ἔξοχην appellant, quod alias omnem Scabiem significat: Causa hujus affectus cutanei est salsa & nitrosa pituita, mixta bili, & melancholiæ: estque affectus contagiosus, quia tactu facillime in aliud subjectum transit: ita ut pauci hanc molestiam effugiant. Quamvis autem scabram, & defor-mem cutem reddat, cum surfuribus: tamen hoc commodum secum fert, quod quamdiu quis taliter affectus est, vix alio graviori morbo corripiatur; tum *Courap* subi-to evanescens, majoris morbi superventuri indicium solet esse; humore nimirum pec-cante, per metastasin, ad partem nobiliorem aliquam delato. Ideo sunt qui per ali-quot annos hoc malo affecti, non adeo solliciti sunt de ejus cura. Sed nos qui novimus, sublata causa, etiam tolli effectum, quod vulgus sanum per se putat, per accidens sci-mus evenire; quod nempe sit effectus bonus à mala causa. Non secus, ac in Gonorrhœa virulenta, & venerea, contingit, Hepate sc. expellente à se istud virus ad glandes pa-raستas, & inde ad penem, quo miseri se consolantur: cum in confessu sit aliquo modo in re medica expertis, si isti malo convenientibus remediis non occurratur, ipsum mor-bum venereum inde oriri. Sic hoc malum neglectum, præsertim in subjectis melan-cholicis, & atrabiliariis, in Lepram Arabum, vel (quod multo pejus est) in ipsissimam Elephantiasin, transit. Cura hujus mali in principio præcipue constat in ablatione cau-sæ morbificæ, quod per toties jam dictas purgationes optime fiet: frustra enim, negle-ctis generalibus, ad particularia, & topica medicamenta devenitur. Pulvis quoque præstantissimus ad hunc affectum, ut & ad reliquos melancholicos, à me conficitur hoc modo;

- ꝝ. Folior. Senæ mundatorum ȝ x i v.  
Rhabarbar. optimi,  
Turbith albi, ana ȝ viij.  
Tartar. albi,  
Scammonæ elect. ana ȝ i v.  
M. F. Pulvis subtilissimus.

Dosis est in convenienti liquore ȝ j.

Iam ad Topica deveniamus, inter quæ excellens est, quod mihi reverendus ac do-cetissimus vir Dominus *Iustus Heurnius* communicavit, vir in omni Scientiarum genere exercitatissimus.

- ꝝ. Ferruginis ȝ j.  
Sulphur. ȝ ȝ.

Subtiliter in marmore fricentur, adde succi è foliis Basilici crescentis, & hinc fiant pa-stilli, qui aceto dissoluti & vesperi *Courapo* illiti, mane ob deformitatem ablui possunt. Hoc

Hoc si minus efficax sit,

**2. Opii ℥ j. ss.**

Calcis vivæ ex conchyliis usq; ℥ ij.

Fricentur in marmore, cum succo Pomorum Amoris, usurus abradat crux  
stam Herpetis, dein abterso ichore, illinat.

Ad eadem confert Oleum è gummi Benjuin adjecto nitro, vel sale Prunellæ, vel mo-  
mento Mercurii sublimati. Commode his quoque miscetur succus Limonum. Cum  
Tutia præparata, aut Cerussa, quo solo remedio topico, præmissa unica purgatione,  
me ipsum curavi, cum sub alis ac in pectori hac colluvie infestarer. Diæta, ut in omni-  
bus cacoehymicis affectibus moderata, & boni succi esse debet. Quod curantis pru-  
dentiæ relinquo, ne frustra actum agam.

C A P V T X V I I I.

*De Papulis rubentibus, seu sudaminibus, quæ vulgo nostrates  
het Rootbont vocant, & obiter de molestissimis  
Culicum morsibus.*

**Q**vas Latinus Hippocrates *Cornelius Celsus* papulas, *Plinius* sudamina vocat, (no-  
strates Belgæ *Grootbont*) ita crebra sunt, ut ego adhuc hisce in locis neminem  
noverim, qui molestias has effugerit, non magis, quam morsus culicum, quos  
Lusitani *Mosquitas* vocant. Sunt autem hæ papulæ rubentes, & asperæ aliquantum, per  
sudorem in cutem ejectæ; plerumque à capite ad calcem usque, cum summo pruritu, &  
affiduo scalpendi desiderio erumpentes. Hæc exanthemata magis afficiunt recens adve-  
nientes, ut & Mosquitarum puncturæ, quam eos, qui aliquamdiu morati sunt: ita ut,  
deridiculi ergo, hic inter nostrates dipterum enatum sit, Eum qui hoc modo affectus  
sit, esse *Orang Barou*, quod novitium hominem significat, & propterea culices, & pa-  
pulas, sibi tributum, è lacte, & butyro, quod eum devoraverint, petere: nam qui hic  
diutius hæserunt, se *Orang Lamme*, id est veterans, gloriose nominant. Hæc porro mo-  
lestia, cum à natura expellente fiat, inter affectus cutaneos tantum recensenda venit:  
sed tamen temere habita, ut & morsus culicum, unguibus scilicet cute aperta, ulcera,  
sæpe cacoëthea, & maligna, oriuntur, difficilia sane sanatu.

*Sic neglecta solent incendia sumere vires.*

Vt itaque pruritui isti molestissimo occurramus, acetum cum aqua misceri jubeo, ad-  
dito Nitro, seu sale Prunellæ, eoque corpus linteolo immerso tingi: vel, si acrius de-  
sideres, addendus Limonum succus recenter expressus. Quæ quamvis primo acrem  
dolorem inferant, tamen is cito evanescit, & multo magis tolerabilis est, quam pruri-  
tus iste insignis. Hoc denique medicos, & chirurgos obiter monitos volo, ne in his pa-  
pulis purgationes, quantumvis leves, instituant; ne materia acris, & biliosa, ad inte-  
stina delata Dysenteriam creet: sed vel potius naturæ hæc sananda relinquant: vel sudo-  
rificis excretionem hanc adjuvent: Nam ego, per incuriam, & imprudentiam quo-  
rundam, hæc infortunia evenire non semel vidi.


C A P V T X I X.

*De Tophis gummatis, & ulcerationibus Endemis in insula  
Amboyna, & Moluccis præcipue; quas nostrates,  
d'Amboynse Pocken vocant.*

**E**ndemius, seu popularis quidam morbus in Amboyna, & Moluccis insulis præci-  
pue, oritur, qui symptomatis suis admodum similis est morbo venereo. Sed in  
his inter se differunt, quod sine congressu venereo quoque nasci solet. Erum-  
punt in facie, brachiis, & cruribus Tophi, seu Tumores, duri primum, & scirrhosi, &  
tam crebri per universum corpus, quam clavi, & verrucæ oriuntur in manibus, & pe-  
dibus in patria; si vero eos ulcerari contingat, materiam lentam, & gummosam à se red-  
dunt,

dunt, attamen tam acrem, & mordacem, ut profunda, & cava ulcera inde oriuntur, cum labiis callosis, & inversis; foedum, & deforme malum, & cum lue venerea conueniens, nisi quod tanti dolores non adsint, nec caries in ossibus tam facile oriatur, nisi per curantis incuriam. Hic affectus originem trahit, primum ex peculiari cœli & soli istius genio; tum ex aëre, vaporibus salinis, è mari undique ascendentibus infecto; cibis præterea crassis, & melancholicis & pituitosis, ut sunt pisces marini, quorum magna captura est: quibus incolæ assiduo vescuntur, quod reliquæ annonæ sit satis indiga regio. Magnum etiam momentum huic malo adfert usus placentarum, quas vice panis, per totum istum tractum edunt; & ab incolis *Sago* vocatur, & est è corticibus arborum excussa farina. Adhæc confert potus importunus liquoris cuiusdam *Sanguer* vocati, qui ferme eodem modo ex arbore elicetur, quo è palma Indica seu *Cocquos* arbore liquor iste, quem incolæ *Towac*; Lusitani *Vinho de Palma* vocant. Immoderate sumptus non secus, ac vinum, & cervisia, inebriat; caput, & nervos, infestat, hinc etiam in his insulis crebrior est ista Paralyseos species, quam *Beriberii*, supra diximus, appellari. Quantum ad curam attinet, ea, si recens sit hoc malum, non admodum difficilis est. Sin inveteratum jam, molestior est curatio. Porro iisdem ferme remediis cedit, quibus lues venerea, obstrunctiones licenis, Leucophlegmatia, & ipse Hydrops, & cæteri chronici & rebelles morbi. Decocta itaque parentur è Chinæ radice, Sarçaparilla, Guajaco & corticibus ejusdem; quibus incoquantur Anagallides aquaticæ, seu Becabungæ, M. ij. Post peccans materia vehementioribus catharticis educenda est: nam levia non prosunt. Talia sunt Extract. guttæ Cambodja, Elaterium, &c, si his non cedit, ad chymica, & mineralia, deveniendum est: ut sunt Mercurius vitæ, seu Butyrum Antimonii, Turbith minerale; tum Mercurius præcipitatus albus. Vnguenta quoque Mercurialia, secundum artem parata, externe adhibenda sunt. Quæ omnia è *Crollio*, & aliis doctioribus, & versatioribus Chymicis, petite.

FINIS LIBRI SECUNDI.



IACOBI BONTII

## OBSERVATIONES

*Aliquot selectæ, ex*DISSECTIONE CADAVERVM  
AC ATROPHYA DESVMPTAE:*Quæ præcedentibus jam dictis non parum lucis adferunt.*

## O B S E R V A T I O I

*De quodam, è Spasmo, mortuo.*

Iles quidam, cum per integrum noctem, ebrius in solo decubuisse, evigilans tam repente Spasmo correptus est, flexo in posteriore partem corpore, ut omnino rigidus, & incurvus permaneret. Ipse in Nosocomium delatus nostræ curæ mandatus est. Nihil deglutire poterat, & turbide loquebatur, tanquam ex loco subterraneo vocem emittens, truculenter nos intuebatur; cui cum omnia frustra adhibuissemus remedia, (quæ supra in Methodo Medendi videre est,) ille post sævissimos cruciatus, intra quatuor dies interiit. Libuit mihi causam tam atrocis mali indagare, itaque adhibito Magistro *Andrea Duræo, Nosocomii Batavici Chirurgo* expertissimo, cadaver aperuimus: Vitalia, ut cor, & pulmones, & Naturalia membra, ut hepar, ventriculum, & lienem, omnia integra invenimus. Itaque (quod res erat) suspicati, malum altius hærere, Cerebrum ad ventriculos usque dissecuimus, quos repletos invenimus materia quadam viscida, & glutinosa, colore luteo, vitello ovorum per quam simili: sed fœtida admodum: hæc incumbens principio nervorum, tam sæva symptomata in subiectis partibus excitarat. Venæ intercurrentes utramque cerebri meningem, admodum turgidæ erant bilioso sanguine: Obiit anno 1629, mense Februario. Eodem modo, paucò post tempore, affectus fuit signifer, qui in arce, valli Rubini dicta, præsidium agebat; sed hic præter prædicta symptomata, spasmo Cyanico in dextra maxilla, torquebatur, ita ut loqui plane durante isto paroxysmo non posset; & intra 24 horas ex vivis excessit; juvenis, si quis aliis, fortis, & robustus.

## O B S E R V A T I O II

*De Phthisico quodam, & Empyematico.*

**H**Enricus NN. mercator Danus, decumbens in ædibus *Ambroſii vander Keer*, hujus urbis Scabini, post mortem, à *Magistro Andrea* dissectus fuit: uterque lobus pulmonum, non tantum arcte costis adnatus erat, sed etiam inferius diaphragmati, ut sine laceratione, inde avelli non posset. In dextro latere, ubi majorem dolorem fenserat, inventa sunt fragmenta bronchiorum, & substantiæ pulmonum avulsa; cum sanie copiosa; qualia, dum viveret, in magna quantitate excreare consueverat; vox illi erat clangosa, qualis gallorum Africanorum, aut Calecutiensium. Laboraverat longo tempore antea sputo sanguinis; unde hujus miserandi mali principium; quo etiam, extreme extenuatus, obiit 1629, die Augusti 19.

O B-

## O B S E R V A T I O III.

*De Dysenterico.*

**E**X mandato Domini Generalis, ego, & *Magister Adamus, Arcis Batavicae Chirurgus*, aperuimus aliquot cadavera ex Dysenteria mortuorum: inter quæ corpus militis cuiusdam, è diurna Dysenteria vita functi, quæ tum temporis, cum obessi essemus à Iavanis, tanquam morbus epidemicus grassabatur. Et invenimus intestina vehementer inflata, & eorum interiorem tunicam plane abrasam; Tum folliculus fellis, quod maxime in eo mirum erat, repletus, & distentus erat, humore lenito, & viscido, alboque instar pultis ex Amylo, quam nostræ mulierculæ *Sypsel* vocant: Bilis autem ne quidem vestigium relicturn erat, 1629. Nov. 14.

## O B S E R V A T I O IV.

*De quodam Pulmones plenos Pure habente.*

**A**NNO 1629, mense Maio, aperuimus cadaver nautici socii, ex Phthisi mortui, cujus pulmones substantia & colore externe sani apparebant, quibus tamen dissectis, exiit pus copiosum, viride, & foctidissimum: dexter autem pulmonum lobus costis adnatus erat. Quod obiter notandum in plurimis, quos aperuimus, nunquam sinistrum lobum solum adnatum vidimus; sed vel utrumque, vel dextrum tantum. Ratio (ut ingenue fatear) me latet, nisi forte, quia in dextro latere tantum vena azygos sine pari est, quæ in Pleuritide, tussi valida rupta, hanc amurcam à se rejicit: unde etiam in dextro latere Pleuritides exquisitæ magis oriuntur.

## O B S E R V A T I O V.

*De Empyematico sanato.*

**M**illes quidam, cum potu *Arac* apprime se ingurgitasset, & ferme sine sensu, & motu in arcem ferretur, credebamus ipsum ista nocte supervivere non posse: ille tamen, partim evomita, partim edormita crapula, postridie in dextro latere Pleuritide exquisita correptus est; cui, licet post sanguinis missionem, dolor aliquantum sedatus esset: tamen inflammatio in ulcus, & inde, eorupto, in Empyema desistit, materia, in dextro latere, super diaphragma effusa. Erat adhuc viribus satis constantibus, neque febris jam tam vehemens vigebat. Itaque inter quartam, & quintam costam cauterium potentiale, quod vocant, applicavimus, dein scalpello escaram porro aperuimus. Inde effluxit sanies copiosa, cum ramentis, & particulis aliquot membranæ succingentis costas, jam putrefactæ. Et ille, adhibitis opportunis Syringationibus, convaluit præter spem, & cum hæc scribimus, Malaccam versus navigavit.

## O B S E R V A T I O VI.

*De insigni Cranii fractura.*

**N**auticus quidam socius, dum navem, in statione hic stantem, à sordibus, quas in mari contraxerat, cum cæteris purgaret, & conto scapham prohiberet, ne temere navi allideretur, dum se inclinat, ut funem, qui scaphæ inferius impactus impedimento erat, auferret, tristis fato, scapha navi undarum pulsū impegit, & caput ipsius, quod intra scapham & navem medium erat, ita collisum est, ut totum cranium comminutum crederetur, ipse mutus repente, & sanguinem, per os, aures, & nares rejiciens, inde delatus est in Nosocomium. Huic jam, ut putabamus, desperato, cum Mag. Andreas, & ego seriam manum præstaremus; Primo à posteriore capitis parte confusionem

tusionem ingentem invenimus ; quam , postquam aperuimus, plurimum concreti sanguinis inde extraximus. Postero die, cum jam mundatoria essent omnia, cranium in multa fragmenta comminutum apparuit: hinc cum aliquot particulas exemissemus , reliquam curam (ut in tali casu decet,) aggressi sumus. Ille porro hæsit inter nostras manus circiter sex menses, quo tempore totum illud os , quod circumscribitur Sutura Lambdoide, per fragmenta exemptum est, paulo supra illud foramen, cui inferitur prima cervicis vertebra, dentiformis dicta. Ille quidem, optime sanus, Novemb. mense patriam repetiit, apposita posteriori capitis parti semigalea argentea, ei , in eum finem , donata à Domino Generali Coen, ut cerebrum ab ictibus externis tueretur.

## O B S E R V A T I O VII.

*De Chronicis, & implicitis morbis in uno subjecto.*

**A**nno 1629, Septembr. 5 , dissecuimus cadaver militis cujusdam Germani , qui ferme per integrum annum languerat , fluxu ventris æruginoso , tussi sieca , & insigni respirandi difficultate , &c. Mortuo eo , Omentum , & Mesenterium repertum fuit ferme absumptum ; ita ut intestina sibi invicem adnata , vel potius nullo ordine inter se confusa essent , parvulis villis hinc inde enatis. Lien erat contractus in minimam pilæ magnitudinem , & rotunditatem , ita ut Renes subjecti longe maiores essent. Iecur tam varii erat coloris , luridi , pallidi , flavi , & viridis , ut miraculo spectantibus nobis esset. Cystis fellis longe major solito, repleta & distenta erat bile æruginosa: Ventriculus,& Intestina erosa, insignem quoque hujus humoris copiam retineuerant. Præterea è vitalibus dexter lobus Pulmonis costis & Diaphragmati erat adnatus, ut invicem continui viderentur. Videant benevoli lectores , num mirum sit, difficiles esse curationes , cum tot simul mala concurrant, quod non in hoc uno , sed plurimis subjectis, reperi. Et hoc nobis præstat nimius potus maledicti Arac, ex Oryza & Holothuriis confecti. Et quoniam dicunt scriptores Physici, Leporem marinum, (qui, ut & Sepiæ , de Holothuriorum sunt genere) venenosa & peculiari qualitate , Pulmonem erodere , lubens in eam sententiam descendo, omnes istas immundities eandem tabificam vim habere , &c.

## O B S E R V A T I O VIII.

*De quodam, cui vena cava, loco sanguinis, repleta erat adiposa & medullosa substantia quadam.*

**S**eptembris 7, Anni 1629, me præsente, apertum fuit corpus cujusdam civis Bataviensis , qui per tres annos languerat miro & incognito affectu : Nam si super umbilicum, aut circiter, quis manum inposuisset, pulsus, qualis cordis, & arteriarum, tam vehemens sentiebatur, instar salientis infantis in matris utero, quæ jam partui vicina est, ut manum elevando repelleret. Äqualem fuisse hunc pulsum cum arteriarum & cordis, hoc modo deprehendi: Sinistram umbilico ægri imposui, dextra arteriam, circa carpum, tetigi; invenique in systoles, & diastoles intervallo plane convenire. Vnde ego statim conjecti, arteriam magnam laborare; quod & post mortem invenimus. Nam vena cava repleta erat, loco sanguinis, adiposa substantia, & medullæ spinali admodum simili, quæ, pondere suo, arteriæ vicinæ incumbens , dum illa è contra istud onus à se rejicere conaretur, hunc pulsum excitabat. Arteria magna duplo solito laxior erat, & repleta sanguine nigro , & seroso. Cor etiam Magister Andreas dissecuit ; quod , solito magius , & flaccidius inventum est , & spongiarum modo comprimebatur ; tum uterque ejus ventriculus amplior, & etiam sanguine isto nigro repletus. Quis, rogo, mortalium non obstupecat, taliter affectum, tam diu vitam protrahere potuisse ! Iecur erat vividi coloris, & consistentiæ, nisi quod communem mensuram ferme duplo excederet. Cystis, qua bilis continetur , etiam bovinam magnitudine æquabat, eratque intus referta

cholera ex nigra viridi, lenta, & tenaci, crassitudine syrapi spissioris, aut potius extra-  
sti. Objit 7 Sept. 1629.

## O B S E R V A T I O IX.

*De Apostemate Hepatis.*

**M**illes Anglus, cum inflammationem primum Hepatis passus esset, & frustra ten-  
tassemus ea, quibus opus erat, dolor se remisit quidem: sed desiit malum in  
fluxum Hepaticum; tumore, qui ante erat in hypochondrio, plane evane-  
scente. Cum hoc modo per sex ferme menses languisset, tandem ad extremam ma-  
ciem ita perductus est, ut ipsissimam, qualis pingitur, mortem dixisses, & sic miserri-  
mam vitam cum morte permutavit. Aperto corpore invenimus loco Hepatis, solam  
membranam ipsum vestientem, satis crassam, instar facci, cui adhuc portio sanie, lo-  
turæ carnium similis, inerat, qualem tam longo tempore excreverat. Objit, 1629,  
April. mens.

## O B S E R V A T I O X.

*De Vulnere capitinis, ubi perperam fissum Cranium credebatur.*

**M**ense Maio, 1629, vocatus fui à Chirurgo quodam, ut viserem militem insupe-  
ma frontis parte vulneratum; vulnerisque, ferme ante tres septimanas, laxius  
inciderat, ferramento suo credens, quod Provettam vocamus, dum asperi-  
tatem in cranio, & osse frontis, sentiret, fissuram subesse judicavit, & etiamnum erat in  
ea opinione; Sed, dum ego oculos proprius admovi, inveni, quam ille fissuram puta-  
bat, esse excurrentiam futuræ sagittalis (ut in iis solet natura ludere) usque ad nares.  
Itaque corripiens Chirurgum, ostendi ei errorem suum. Interea ab aëre os jam alte-  
ratum erat; itaque curavi ægrum in Nosocomium deferri ad *Magistrum Andream*, &  
jam sextus mensis est, quo sub cura nostra egit. Exemimus ipsi à sutura coronali par-  
tem ossis usque ad os temporale, seu petrosum, & ab altera parte non contemnendum  
fragmentum; tum ossis frontis duas partes, quæ sutura excurrente distinctæ. Apud  
*Magistrum And. Duræum* etiamnum reservantur: & jam, dum hæc scribo, die 10 No-  
vemb. 1629, totum vulnus consolidatum, & cicatrificatum est, & ille, hac vespera, itu-  
rus ad navem bene sanus; & in Patriam, intra tres, aut quatuor dies, remeaturus est.

## O B S E R V A T I O XI.

*De Catarrho suffocanti in Nobilissimo D. Ioanne Petri Coen,  
Generali in Indiis Praefecto.*

**C**VM generosus Dominus noster *Ioannes Petri Coen*, aliquandiu Diarrhoea labora-  
set, & tamen, ut illi erat summus animi vigor, nihil de solita diligentia remitte-  
ret, dum opera, & munitiones bellicas ipse coram inspicere vult, & tamen à  
me aliquoties monitus, ut paulum quieti se daret, & valetudini suæ consuleret, nega-  
vit, sibi tantum otii esse, ut decumberet, quasi diceret præagiens, Imperatorem stantem  
mori oportere. Tandem, decimo nono Septembris, 1629, circa octavam vespertinam  
repente in arcem ad Dominum sum vocatus, quem inveni ægre spirantem, cum tussi  
strcca; externe membra frigebant, sudor aderat frigidus, & glutinosus. Dejectio per in-  
feriora erat admodum multa, flatulenta, aquosa, & bullis plena; vomitus præcesserat  
biliosus. Pulsus arteriæ tam languidus erat, ut vix sentiretur, & ille quidem vermicu-  
lans. His ego omnibus consideratis, adstantibus Amplissimis Dominis meis Consilia-  
riis Indiæ, *D. Antonio van Dyemen*, & *D. Quirino à Raemburch*, statim pronuntiavi, *D. Ge-  
neralem* supremis appropinquare: ipsis re subita attonitis, & tantum deliquium animi,  
ex vomitu, dicentibus, dum paulatim vires, & spiritus reddituros putarent, cum paucò  
ante tempore cum ipsis discubens familiariter confabulatus esset: Ideoque dicebant,

se mirari, quod tam audacter de tanto viro pronunciarem: Respondi modeste, mihi in more non esse positum, artem mean ludibrio exponere, dum aut ignorasse, aut fefeller viderer, si sententiam meam non explicuisse: me tamen in eo optare, uti vaticinium meum fallat. Interea *Dominus Generalis* inter duodecimam, & primam noctis horam, superveniente spasmo, quem momento temporis ante praedixeram, animam Creatori suo reddidit. Qui Amplissimi hujus Viri staturam & formam contemplati sunt, nihil miri accidisse sciant. Erat enim longa & erecta cervice, alis seu scapulis prominentibus. Complexione ex melancholica, pituitosa, opportunissima ad phthisin & catarrhum suffocantem, quo etiam mortuus est. Obiit anno Domini nostri, 1629, Septemb. 19.

## OBSERVATIO XII.

*De quodam ex vulnere in pectore mortuo.*

**C**ivis Batavus, *Ioannes Dragon* nomine, 16 Septembr. 1629, in pectore punctim vulneratus est, id est transente os sterni, seu scutiforme, per pulmones in Oesophagum: superveniente febre, & singultu, octiduo post vulnus illatum, mortuus est. Aperiimus praesente magistratu cadaver, invenimus secundum conjecturam nostram partes antedictas laesa. Thorax plenus erat sanguine seroso, cum potu, qui ex gula effluxerat, mixto.

## Observationes aliquot ex plurimis selectæ, de Epidemias, &amp; Contagiosis, in INDIES, Morbis.

## OBSERVATIO I.

*De Dysenteria Epidemica.*

**D**Vm anno 1628, à Iavanis Mataranensibus obsidione cingeremur, Amplissimus Vir *Ieremias de Meester*, Senatus Indici Consiliarius, primum in febrem continuam incidit, dein in Dysenteriam, quæ tum populariter grassabatur; exonerans per alvum cum faecibus sanguinem nigerrimum, summo cruciatu, & foetore: tandem, cum omnia remedia, quæ excogitari ad hujus mali levamen potuissent, adhibuisset, ex vivis excessit; supervenientibus, paulo ante mortem, exanthematis nigris, & lividis, similibus iis, quæ nostri 't Peperkoorn vocant, cum fudore frigido, & male olente.

Similiter, *Jacobus à Doorelaar*, Secretarius praedicti *Domini Generalis, de Meester*, paucis diebus post, Dysenteria viridi, & genere venenosa, mortuus est, apparentibus copiosis maculis lividis, in pedibus, & brachiis, ante dictis respondentibus.

## OBSERVATIO II.

*De eadem Dysenteria Epidemica.*

**E**Odem tempore *Gulielmus Wyntgis*, fisci advocatus, mihi fraterna amicitia devinctus, incidit in Dysenteriam veram cum summis tormentibus, quæ perdurans cum febre ardentissima per quinque aut sex dies, adhibitis omnibus, quæ morbi violentia, & necessitas subita requirebant, cum summo meo, & bonorum omnium mœrore, juvenis optimus mortuus est, apparentibus, tam crebris & densis per universum corpus maculis lividis, ut (quod in proverbio est) locus non esset, cui caput aciculæ imponeres.

## O B S E R V A T I O III.

*De Febre ardenti, Dysenteria, Ulceribus malignis, &c.*

**R**Everendus, & Doctissimus vir, *Ioannes Cavallerius*, verbi divini præco, circa idem tempus correptus est Febre ardenti, superveniente Dysenteria atrabiliaria; quæ cum per aliquot dies continuasset, eruperunt sub axillis, in tergo circa lumbos, & in inguinibus, etiam in collo, pustulæ ac vesicæ quædam, plenæ, & distentæ, pure viridi, & subiectam cutem ad carnem usque erodente, quæ nobis, prima facie, spem criseos faciebant: sed Dysenteria non cessante, & Febre, cum Phrenitide, ingravescente, probissimus simul ac doctissimus juvenis, ex hac vita ad cœlos raptus est. Eodem tempore, liberi pulcherrimi *D. Adriani Blocq*, eadem Dysenteria maligna obierunt.

*Dissertatiuncula, utrum Morbi Epidemici, & Pestilentiales, etiam hic in Indiis Orientalibus gräffentur?*

**H**æc paucula, ex sexcentis aliis, exempla eo in medium produxi, ut probarem, frustra eos dixisse, qui, Pestilentiales, & Epidemicos, morbos in his locis gräfari negaverunt: Quo nomine, alii eos appellant, mea nihil interest. Certe mihi constat, contagiosum hunc, de quo loquor, fuisse, & qui plurimos simul, ac celeriter occuparet. Causas, quæso, audite, dein recte judicate. Obsessi arcte eramus, à triginta quatuor millibus Iavanorum Mataranensium, Duce *Tommagom Bauraxa*, expertissimo, inter ipsos, & audacissimo milite. Quotidie à nostris excursions & velitaciones fiebant, sæpe plurimis ex hoste, tum hic, tum in oppugnationibus, quæ ferme singulis noctibus fiebant, desideratis: quorum cadavera in flumen præcipitabantur, & sumnum fœtorem, & corruptionem, aquæ conciliabant. Tum corpora hominum, & juventorum, ex fame, & vulneribus, mortuorum, passim in campis, & silvis, insepulta jacebant, quæ non levem contagionem æri addiderunt. Præterea flumen inficiebatur radice Serpentariæ, quam Indi, in profluente, aliquot mille coribus impositam, macerabant, ut venenosam qualitatem, & glutinosam suam substantiam, exueret, quam vidimus, si vitrum aqua plenum reponeremus, per aliquot horas, in fundo, tanquam albumen ovi, desidere; Qua dein tosta, vice Oryzæ, cuius in castris summa penuria erat, uterentur; dum unico insultu nos posse capi sperassent, & hinc minus sibi providissent. Hæc non tam mira videbuntur iis, qui sciunt in Indiis Occidentalibus radicem Casavi, loco panis esse, cuius tamen succus expressus præsentaneum est venenum. Ad rem venio: Adde his potum aquæ subsalsæ: Nam, dum ventis è mari spirantibus, statim tempore aqua marina in fluvium impellitur, ejus alveum falsedine inficiebat: & nos propter obsidentes hostes, altius ex flumine petere aquam non audebamus; Ad hæc, cada veribus infectum flumen, vermibus scatebat, omnibus istis ad tempus anni, quod tum calidissimum simul & humidissimum erat, propter assiduas pluvias tum temporis, utpote à Septembri usque ad Februarii initium, tum Sole supra verticem nostrum existente in linea Æquinoctiali: Quæ omnia me quoque, per quatuor continuo menses lecto affixerunt, cum summo vitæ meæ discrimine. Primo invadente me Febre ardenti; subsequente dein Dysenteria, & augescente, qua jam ante mensem affligi cœperam, Paralyseos ista specie, quam *Beriberii* vocari diximus. Quæ omnia Deo propitio superavi, uxore interea, & utroque filio meo, iisdem molestiis, vexatis, & decumentibus.

F I N I S L I B R I T E R T I I.

I A C O-

I A C O B I B O N T I I

## A N I M A D V E R S I O N E S

I N


G A R C I A M A B O R T A.

L I B E R Q U A R T V S.

## N O T Æ

I N C A P V T III,

*Quod inscribitur, De Altiht, seu Assa fœtida, Iavanis,  
& Malaiis, Hin' dicta.*



Voniam præcedentia duo Capita abunde & sufficienter de Ambaro & Aloë egerunt, ego, quod in ea commentarer, non habui: sed quia Auctor hoc cap. negat, non solum se vidisse hanc herbam, sed nil certi de ejus forma adfert; ego quæ de Assa fœtida planius comperta habeo, hic vobis suppedito.

Itaque planta è cuius radice Assa exprimitur, magna quantitate crescit in imperio Persico, inter Laram, & Gamaron civitates, quarum prima non longe distat à mari, & nostris mercatoribus, & Anglis etiam, frequentatur. Estque hæc planta duorum generum. Prima, farmentosa, ferme ut Salix aquatica, ex cuius foliis, & stolonibus incisis Assa fœtida per torcular exprimitur, quæ, ut reliqui succi, Sole indurata in consistentiam evadit, qualis est Aloës.

Secunda porro Assæ species longe fœcundior existit, estque succus expressus ex radicibus hujus plantæ, quæ crassissimos raphanos, folia autem Tithymali folia referrunt. Hujus generis aliquot radices domi habui, à mercatore Armeno mihi amico donatas, qui illas huc è Persia detulerat, & etiamsi jam essent exsuccæ, tamen tam fortis erant odoris, ut totas ædes fœtore replerent; qui insuetis vix tolerandus esset. Quod Iavani, & Malaii, & cæteri Indiarum incolæ negabunt, se quicquam odoratius naribus unquam percepisse. Apud hos Hin', hic succus nominatur, estque in tam frequenti usu in cibis condiendis, quam autor hoc cap. refert, ut propter hanc causam una sit cum Opio ex præcipuis mercibus quæ per Indiam distrahuntur: & semper Societas Indica magnam quantitatem hujus succi in armariis habet, quam incolis Iava, permutatione aliarum mercium aut pecunia impertiantur.

I N C A P V T IV.

*De Opio. Fol. 21.*

**S**ecundo paragrapho hujus Capitis auctor mentionem facit Opii *Meseri* dicti, quod putat Opium Thebaicum fuisse: nam in Ægypto Thebæ istæ Centiportæ extiterunt: & *Meseri*, & contracte *Misri*, Ægyptus hisce incolis, & reliquis Indis, est.

Paragrapho 3 inquit, eos, qui Opio utuntur, dormitabundos videri: tamen nil minus quam stultæ sunt hæ nationes in mercaturis exercendis; armis, & arte belli, ab Europæis forte superantur. Certe laudes hujus succi è Papavere expressi, si referrem, vide-rer Chymicis velle suum honorem præripere. Hoc saltem dico, si nobis de Opio,

## I A C O B I B O N T I I

<sup>42</sup> & Opiatis non esset prospectum, frustra in calidissimis his regionibus medicinam faceremus, Dysenteriae, Choleræ, febris ardentibus, & reliquis biliosis affectibus orgasmo turgentibus: & ne vobis fucum videar obtrudere, quid in nostris regionibus confectiones ex Opio tantopere celebratæ, Theriacam, dico, & Mithridatum: quid denique Philonium? quæ nisi Opio tanquam basi suffulta essent, frustra ab iis effectus tam manifeste juvantes quis expectet. Et profecto insignis est oscitantia ista, quæ in abusum medicamenti, & minus bene præparati, dicuntur, in usum nobilissimi inter omnia pharmaci velle referre, sine fundamento sæpe, ac in Scholis sine Experientia.

Pauperes porro Indi, ex foliis, & stolonibus Papaveris, Opii speciem vilorem excoquunt, quam Soli porro indurandam exponunt: hoc medicamentum *Pouſt* vocant, qui que eo utuntur, contumelia ergo, *Pouſti* à ditioribus vocantur, tanquam summœnianos, & proletarios dicas. Pauperiores porro in divites convitum regerunt; eos *Affionii* vocantes, tanquam si luxuriam, & delicias vellent exprobrare. *Affion* enim, ac quibusdam *Amphion*, Arabibus, & Indis, Opium Græcorum est: indeque magis adducor, ut credam, Græculos, à vetustissimo populo vocabulum Opii derivasse, cum ab omni memoria illi eo usi sint. Græci vero tantum noxas hujus medicamenti videntur novisse, usum verum, & virtutes ejus plane divinas, non satis exploratas habuisse. Paro ego Extractum utilissimum ex Opio, & Croco Indico, id est, Curcuma; ad quod in extremis tanquam ad sacram anchoram confugere soleo: in jam ferme desperatis Cholera, Dysenteria, Phrenitide, & Spasmo, admodum frequentibus: sed hoc melius è *Method. med.* Indica nostra videbitur.

## I N C A P V T V.

### *De Gummi Benjoin. Fol. 26.*

**P**aragrapho 18, autor ait, Benjoiferam arborem valde esse proceram, & va-

stam, &c.

Ego vero Benjoiferam arborem in Iava, ubi optimum *Benjoin* colligitur, longe alia facie vidi, quam qua describitur, immo vero videtur planta, (seu si arborem appellare malis,) ex pluribus farmentis coalita, qualis est Smilax aspera, seu Salçapilla, nisi quod farmenta brachii crassitudinem æquent, vel etiam superent, ita ut hæc in medio sæpe truncus arboris continuus, satis crassus, appareat. Subtus vero, & supra Cœlum per farmenta à se invicem diffusa liceat contemplari. Sæpe quoque alia virgulta, à Benjoifera arbore specie plane diversa, hac coalitione includuntur, itaque si quis ignorans diversitatem foliorum in hujus arboris farragine videat, miretur sanc: sed hoc etiam fieri in trunko Aloës seu *Calambac*, postea docebimus. Et porro ex hujus seu stirpis, seu arboris, cortice inciso, sæpiissime odoratissimi Benjoini gummi frusta aliquoties collegi.

## I N C A P V T VIII.

### *De Lacca. Fol. 29.*

**A**vtor hic Formicarum istarum, quæ Laccam elaborant, mentionem facit, unicum hoc addo, quod Formicæ istæ alatae sunt, & coloris punicei, & super flores, frutices, arbores, & herbas, circumvolitant, ex quibus, non secus ac apes, Laccæ conficiendæ materiam colligunt, & in communes operas conferunt; non alatae autem Formicæ eam non elaborant.

## IN CAPVT XIII.

*De Tutia. Fol. 48.*

**F**allitur vehementer noster Garcias ab Orta, quod Tutiam è cineribus cuiusdam arboris uri dicat: sed confitetur, hoc se auditu percepisse, itaque deceptus fallit alios.

Nam fit ex terra quadam, Argillæ instar glutinosa, quam colligentes Indi, ollis in eam rem ex argilla, longe fortiori, quam in nostra patria, confectis induunt, & aquam addentes, eam curiose baculis circumagitant, dein fornacibus in hunc usum effectis imponunt, & per ignem exsiccata omni aqua, dein terra hac calcinata lateribus prædictarum ollarum, demptis fordibus quæ in fundo hærent, Tutiam lateribus affixam abrasunt, quam arcis inclusam venalem ferunt per totam Indianam, ejus enim usus est in depilatoriis apud hasce gentes, præsertim fœminis, dum se in balneis, vel flaviis lavant.

In Persiæ autem Provincia, *Kirmon* dicta, hujus terræ argillaceæ, ex qua Tutia coquitur, à Persis, & Armeniis mercatoribus, qui negotiandi causa huic advehuntur, magnam copiam reperiri non semel audivi, qui etiam ut lucrum ex Tutia, quam Persica lingua *Tutyah* vocant, uberior faciant, eam distribuunt in lapidem *Tutyah*, & in pulvrem ejus magis vilem, quam scorsim volentibus tum divendunt.

## IN CAPVT XVI.

*De Agallocho seu ligno Aloës, Calumbac Indis dicto. Fol. 64.*

**L**ignum Aloës præterquam quod in Insula Sumatra, directo in conspectu Iavæ sita, nascatur: etiam frequens oritur, & optimum in *Champac*, vicina Chinæ regione, & in *Chochinchina*. Ac quod cortice nudatum hinc in patriam feratur, non idœo evenit, quod sine cortice crescat: sed quod sæpe quasi uno trunco etiam diversæ species virgultorum, & stirpium, temporis diuturnitate coalescant, haud secus quam in Benjuifera arbore fieri diximus: nam hoc mirum nobis videri non debet, cum sciamus, per artificium etiam diversæ speciei arbores alienæ speciei inferi. Cæterum hoc modo Incolæ lignum Aloës, ab aliis virgultis & ligno separant. Truncos Aloës cæsos deponunt in ripis fluviorum in cœno & luto, ut diversi generis lignum carie consumptum se à ligno *Calumbac*, seu Aloës separet, unde cortice *Calumbac* consumpro, qui tam oleosus non est, quam ipsum lignum, quod præterea minus teredinibus ac putredini obnoxium est, tale, quale in officinis in patria, ad nos quoque defertur. Lignum hoc porro Aloës gustu plane aromaticum est & subamarum, unde forsitan Aloës nomen mutuatum est. Pulvis ejus ad scrup. unius pondus sumptus Choleræ prodest, quam *Mordexi* incolæ vocant, & omnibus intestinorum affectibus frigidis, & ventriculi medetur egregie. Tum tineas, & ascarides puerorum efficaciter necat. Chinensis porro & omnibus Mauris ethnicis in sacrificiis pro suffumigio est.

## IN CAPVT XVII.

*De Santalo. Fol. 68.*

**P**aragrapho tertio auctor noster refert, pallidum & flavum Santalum, plurimum in *Tymor* insula nasci, de quo hoc porro memorabile certo accepi, è mercatoribus nostris, advehendi Santalini ligni gratia, eo commeantibus, In hac insula nasci febris continua & ardoris quandam speciem, quæ sit è *Synochi* putridæ genere, cum delirio & mentis alienatiohe mira; durante namque exacerbatione, quæ plerumque quatuor est horarum (nam hoc obiter sciendum est, quamvis ad apurexiā hæc febris non perveniat: tamen exasperationes suas habere, non secus ac tertianas continuas), ridiculas admodum actiones æ gri edunt, id opificii, vel munieris imitantes, quo sani functi sunt (ut latius in *Method. medendi* mea Indica) & astantibus risum excutiunt. Tenentur quoque bulymo, & fame canina insatiabili, ut quicquid iis obtuleris, etiam

fœdum, (ut mos est nauticis nostris sociis eo genere scurrilitatis delectari) avidissime devorent: extra exasperationem eam, cætera sanū, & mentis integræ. Hunc porro affectum ortum sūm trahere ex recens cæfarum arborum Santali, cortice viridi, incolæ certo certius affirmant: nam cortex tum viroſi nescio quid expirat, & cerebro inimici, tum cito in corporibus cacochymis, & pejoris diætæ, ut sunt nauticorum nostrorum, tales effectus edit. Sed latius in præd. *mea Meth.*

Antequam cedantur arbores Santali, cortice incisæ exploratur ab expertis odor, num maturæ sint & tempestivæ ad secundum. Auctor porro, Santalini fructus ait esse Cerasi magnitudine, baccas lauri non male referunt, nam exsiccatas habui, & masticati purpureo & morino colore inficiunt. Fructus hi avide comeduntur à Turdorum quadam specie, ut baccæ Orni in patria, quos denuo per alvum excernentes, arva & montes novis arboribus conserunt, ita ut quamvis tanto tempore tot millia arborum cæla sint à Lusitanis & nostris, tamen Sylvæ nunquam deficiant.

Porro cum Auctor mentionem hic faciat unguenti ex Santali pulvere; Ego hujus compositionis usum, in gratiam tironum Medicinæ subjiciam, & primum hoc modo paratur. 2. Santal. tenuiss. moliti, florum *Champoc*, florum Mogori, ana m. i. his parum contus. adde rad. Curcum. unc. ij. camphor. q.s. ad gratum odorem: hæc omnia in plano marmoreo lapide pistillo subigunt, addendo sub finem olei nucis Indicæ recentis, q. s. Vng. formant in pultis consist. Hoc inungunt tam viri, quam mulieres Malaicæ totum corpus, & quamvis propter flavum colorem, quem è Curcum contraxit, primo aspectu fœdum sit; tamen suavissimo & saluberrimo odore nares ferit. Prodest vexatis à Solis, vel etiam à febrili æstu, rigorem quoque in febribus tollit, & nimias vigilias arcet, impositum quoque regioni ventriculi cholera mactat, coq. roborat. Quæ latius in præd. *Meth.*

## IN C A P V T X X.

*De Maci. Fol 79.*

**F**eruntur è Banda, Moluccarum insula, grandia vasa fictilia huc, perque reliquos aliquando (cum permissione Superiorum) insularum circumiacentium tractus, plena Nucibus myristicis, aceto ac muria condita: nam sine permisso nullo modo efferre licet, quod insulæ Bandenses nostris armis subactæ provincia Batavorum factæ sint. Nuces has maceratas per diem unum, aut alterum, dein leviter excoctas, saccharo condimus.

Cæterum de Cortice nucis hujus condito hoc dictum sit, ac de nuce quoque ipsa, iis parcus in his locis esse utendum, quoniam oleosi, & pingues vapores ex esu ejus in cerebrum elati, obstructionem ventriculis cerebri afferunt, ac inde somnolentiam, immo stuporem quendam universis subjectis membris inferunt. Et quod majus est, ex nimio hujus Nucis usu aliquot periclitari vidi, qui amplius quam per diem naturalem sine sensu, & motu jacuere, tanquam Caro correpti, certissimo indicio cerebrum, & universum nervorum genus non leviter correptum fuisse. Præterea incolæ in Banda, & jam etiam nostrates, ex viridi cortice Nucis Myristicæ pultem excoquunt non insuavem, quæ ferme sapore refert istud ferculum, quod in patria conficitur ex pomis acidis coctis: sed qui ea pulte usi sunt, ex fide mihi retulere, stuporis & somnificos jam dictos effectus edere.

## IN C A P V T X X I I .

*De Pipere. Fol. 86.*

**N**on tantum Piper provenit in *Malabar*, ut Auctor, i o paragrapho, ait: sed maxima etiam quantitate nascitur in Regno Java, præsertim in Bantamensi provincia: Præterea crescit abunde in Iambiensi Sumatræ tractu, qui peculiarem Regem obtinet non subjectum imperio Regis Achinensis, qui potentissimus hujus insulæ Tyrannus. Ex hac provincia ab amico Rege, nostræ naves quotannis bis terve petunt.

Quod porro Autor, paragraph. ii. fol. 89, inquit, aceto & muria condiri piperis racemos virides, verum est. Ac quia aliquoties repetendum erit, id condituras genus Indi generali

nerali vocabulo *Achar* vocant. Ac tali modo condiuntur etiam Zinziber viride, radices Galangæ, Caryophyllorum raceini. Hoc modo etiam saliunt Cucumeres juvenulos, quos Agurcas Lusitani vocant; præterea Mangas, addito Cæpe, Allio, & Porro. Et certe in his locis, ad orexin excitandam, & ciborum concoctionem, nihil sanius reperiri potest. Cum propter aëris in hoc climate calorem simul ac humiditatem, subjectæ Capiti partes, ut sunt Pulmones præcipue, & Ventriculus, assiduis Catarrhis infestentur: ad hunc usum Genista quoque hic crescens & Cappares è Persia, & Surate, adferuntur huc.

Autor porro, hujus Capitis *parag.* 12, refert ridiculam Indorum de Piperis qualitate opinionem, quam etiam Iavani confirmant, nimirum quod frigidum sit Piper, credo, forte ea ratione, qua quondam quidam perversi Sophistæ argumentabantur, ignem frigidum, & nivem seu glaciem, calidam esse, vel ut Hyperbolice *Poëta* ait, *Penetrabile frigus adurit*: Contra quos tamen, bene monet *Aristoteles*, non esse disputandum, nisi sola experientia; nisi forte vellent, nimio ejus usu, calorem nativum dissipari, & debilem inde redi: ast illi (credo) tam alte non philosophantur.

## IN CAPVT XXVI.

*De Nuce Indica, Coquo Lusitanis dicta.* Fol. 120.

**C**arolus Clusius in annotationibus ad hoc Cap. fol. 119, refert, Solere Indos foliis hujus palmæ inscribere literas suas; immo, quod vero proprius, literas hisce foliis oblongis insculpunt stylo ferreo, atque id adeo artificiose faciunt, ut vel elegan-  
tissimum scriptorem è nostris longo intervallo post se relinquant, & tam emendate characteres suos Indi (Arabicis autem utuntur) hisce foliis imprimunt, ut subirasci mihi aliquoties contingat nostris Europæis, & præsertim nostræ Nationi; quæ ferme nil nisi sua admirantur, & has Nationes, Barbaras vocant, cum multo significantius paucis characteribus, more Laconum, animisui sensum exprimere queant, quam nostri longis periodis, & verborum farragine inutili. Præterea quamvis Regum in Iava videatur Tyrannicum imperium: tamen id ita pro conditione gentis suæ politice gerunt, ut aliquis, cui non cornea fibra est, neque de genere est Arcadici pecoris, hic satis citio addiscere queat, compendiosam politices viam esse, Regibus, bene imperare; & subditis, melius obedire.

## IN CAPVT XXXII.

*De Calamo Aromatico.* Fol. 125.

**P**ræter usus excellentes, quos præstat in Medicina Calamus aromaticus, hoc Cap. descriptus, etiam Malaicis mulieribus in culina inservit, in condiendis piscibus, & carnibus elixis, cum radicibus Zinziberis recentis, radice Curcumæ, & Galangæ, & reliquis Aromatis; & sic cibis odorem, & saporem suavem conciliat, & concoctioni ventriculum, & intestina apta efficit. Cæterum, ut hoc parerga di-  
cam, hæ nationes, quantumvis nostris Barbaræ vocatae, Polonos, & Germanos in condiendis piscibus superant, qui tamen hic palmam sibi vendicare non erubescunt.

Cæterum Auctor ait, Calaimum aromaticum, nec Galangam, nec Acorum esse; bene quidem cum Acorus, & Galanga, quantum ad folia, potius ad Gladioli species debeant referri, & Calamus aromaticus sit Gladioli species.

## IN CAPVT XXXIII.

*De Nardo.* Fol. 128.

**N**ardus Indica in Iava, magna quantitate, crescit, ejusdem in culina apud Iavanos usus est, qui Calami aromatici, & Iunci odorati: nimirum in condiendis jusculis piscium, & carnium elixarum. Plantam Nardi viridem hactenus non  
vidi,

vidi, quod in montibus circiter 14 Leucas ab urbe Batavia crescat, & eo propter prædones Iavanos, & Tigrides, excurrere non audemus. nos, non secus ac Calendulae flores exsiccatos in patria, Nardum infundimus in aceto, & dein Syrupum quoque inde conficimus adversus frigidos viscerum affectus, Hepatis nimirum, Lienis, & Mesenterii obstrukiones, quæ postrema adeo frequentes sunt, ut hinc misere multi extabescant & marasmo moriantur, sine dolore tamen, & pauco sensu, de quo latius in *Method. Med.* mea. Acetum porro, & Syrupum hunc Nardinum, (certo mihi constat) ad morsus venenatorum, ut Serpentium, Scolopendrarum, Scorpionum, & similium, valere imposita, vel intus sumpta: quod experimento comperi, præcipue in uno, qui morsus erat à serpente quodam, quem Lusitani *Cobra de Capello* vocant, atque hujus morsus adeo venenatus, ut certe Lusitani hunc Regulum seu Basiliscum esse putent, sed de eo aliquid inferius dicemus.

Sequenti cap. de Iunco odorato nihil addo, quam quod Autor fallatur, qui dicat, Iunci odorati nullum alium esse usum apud Indos, quam substernendis equorum cubilibus, cum etiam eo in culina ad condierdos cibos, ut Calamo aromatico, Indi utantur, quapropter etiam, quamvis in sylvis copiose crescat, studiose à mulieribus Malaicis in hortis colitur, tum quoque ad lavacra, fomenta, infissiones, utilissimus est; ut & ad omnes muliebres affectus. & cum sit graminis species, simplicisque, & vulgaris Graminis usus, in multis tantopere commendetur, quis neget, Gramen hoc plane aromaticum vires longe excellentiores possidere.

## I N C A P V T XXXV.

*De Costo.* Fol. 137.

**A**vtor hoc Capite tantum unicum genus Costi esse afferit, quod & ego affirmo: nam vetustiores Medici, sua tria Costi genera distinxere magis à carie, & vetustate corrupta, quam à Costo. Costi porro radices huc è Cambodja plenis facies adferuntur, cum plurius ejus usus sit in medicamentis apud omnes Indos, & Chinenses præcipue. Cæterum Costus vulgato vocabulo inter mercatores Indos *Puchō*, Chinensibus *Potstock*, vocatur. Notas omnes hæc Costus habet, cum ea, quæ hoc Cap. describitur. Cum ego primum radicem Costi viderem, putavi esse Hellebori alibi radicem, & nisi me odor monuisset, in ea opinione adhuc hæsissem, quia Costi radice per medium secta, tot initia fibrarum, quot in Hellebori radice, reperies: Adulterari porro radicem hanc, ut Autor ait, non credo: nam vidi ego integrum *Picol*, quod pondus centum, & viginti libras, in auctione decem realibus distribui.

Autor sequenti cap. xxviii, de Radice Chinæ, multas & veras laudes refert. Quibus ego hoc tantum addo: quod hæc radix non tantum ad affectus Venereos utilis sit: sed & ad omnes Chronicos morbos, qui hic communiter grassantur, ut sunt Cachexia, Leucophlegmatia, Hydrops, denique Paralyseos ea species, quam *Beriberii* in *Meth. mea* Indica Medendi vocari dixi, ad quam curiosum remitto, quod in me ipso, dum molestissimo hoc malo per quatuor menses decumberem, expertus sum, cum ante ejus usum neque pedes, neque brachia, commode movere possem, quod & in plurimis aliis experientia didici.

## I N C A P V T XLIV.

*De Ligno Colubrino.* Fol. 145.

**A**vtor hoc Capite Autor, Lignum Colubrinum valere adversus circuitus febrium intermittentium; hoc verum esse non semel experientia didici, præcipue in Tymorensibus febribus cum delirio, & saepè phrenitide, conjunctis, de quibus, & de earum cura, alibi. Lignum Colubrinum hoc vehementer densum est, & si quando Indi velint eo uti, fricant fortiter cum aqua in marmoreo lapide, & friabile cum sit, teritur facile, ac sic cum aqua aut alio liquore ægro exhibent, gustu est longe amariore, quam lignum Aloës; valet quoque ad tineas, lumbricos, & ascarides, & potenter ictibus venenatorum animalium resistit.

Para-

*Paragrapho* porro *tertio*, mentio fit Serpentis cuiusdam, quem Lusitani *Cobra de capello* vocant; hi Serpentes, cum irritati sunt, duas bullas in cervice erigunt flavo colore, quales Ranæ istæ palustres coaxantes, in temporibus attollunt, & hæ bullæ forsitan coronæ speciem Autori fecere. Cæterum serpens non multo crassior est digito minimo auriculari humano, in tergo colore est nigro: in ventre foede flavo.

Quod *seq. paragr.* dicitur de pugna Viverræ cum hoc Serpente, non adeo diffonum est, cum ego saepius à Felibus occisos viderim, sed nunquam de carnibus eorum gustant, cum reliquos Serpentes, præsertim aquaticos, avide devorent. Signo inter cætera evidenti, quam vitiosum sit hoc insectum. Vidi enim Maurum quoddam Arundineti genus cædenter, quod *Rottang* Indi vocant, & eo omnia ligant, ut apud nos hoc funibus sit, quorum vicem supplet, & dum imprudens unum ex Serpentibus his lædit, ab eo morsu in musculo pollicis est petitus, vestigio vix exstante, & cum, ne venenum altius ferperet, brachium ipsi arctissime ligaretur, & ille præ dolore vinculum laxari obnixe oraret, hoc facto statim miser expiravit, corpore foedum in modum intumescente, tanta erat vis veneni ad cor momento penetrantis.

## IN CAPVT XLV.

*De Lapide Bezahar; Persis, Pa-zahar.* Fol. 165.

**P**aragr. Secundo hujus Cap. Autor ait, Lapidès Bezahar paleam, vel quid tale, intus habere, quod nunquam fallit, nisi in adulterinis, & si superficiali tunica abrasa, non succedat alter orbis, cæparum modo, donec ad paleam istam deuentum sit, fictitious est lapis procul dubio: sed sequenti modo ejus adulterium melius percipitur. Si lapidem frices pauca calce, & si in loco fricato puniceus color appareat, constat verum esse, & genuinum: secundo, si ponderatum accurate lapidem conjicias in pelvem aqua repletam, & post duas aut tres horas eundem eximas & rursus ponderes, ac nihil de priori pondere aut perdiderit, aut eo gravior factus fuerit, verus est lapis Bezahar: verum si calce fricatus rimam ducat, aut si aquæ exemptus, de pondere amiserit, vel eo auctus fuerit, falsum & adulterinum esse, audacter dico.

Paragr. 6. Garcias inquit, lapidem hunc non solum generari in Persia, sed etiam in aliis commemoratis locis: sed quoniam nullus, quod sciam, ante me verum etymon hujus lapidis edidit, nec quomodo, aut ex quo, generetur; paucis auscultate rem. Persæ igitur hunc lapidem vocant *Pa-zahar*, composito vocabulo ex *Pa* & *Zahar*, quorum prius significat *contra*, & secundum *venenum* nominatur, ac si Græco vocabulo *antidoton* dixeris; perspicitur quam fallax sit ista Etymologia, quia *Pazar*, vel *Bazar*, lapidem hunc dictum volunt, cum nullus unquam eum venalem in foro viderit. Nascitur hoc porro modo lapis *Bazar* in Persia, ut ab Armenis, & Persis mercatoribus fide dignis certo accepi. Est locus in Persia *Stabanon* dictus, trium dierum itinere supra Laram civitatem celebre in Persia Emporium, in cuius campis nascitur herba quædam Croco, & Hermodactylis admodum similis, ubi caprarum copia pascitur, in quarum ventriculis ex esu hujus herbulae hi lapides concrescunt, qui apud Reges Persiæ in tanto pretio sunt supra reliquos, qui in aliis locis gignuntur, ut magnus Xaabes, Imperatorum Persarum ultimus, mortuus anno 1628, inibi vigiles locaverit, ut omnes istos lapides *Bazahar* qui certum pondus excederent, sibi vendicarent: Itaque, quod causa materialis hujus lapidis, sit causa supra dicta, non solum Armeni, & Persæ mercatores mihi retulere: sed idem ferme affirmat *P. Texeira*, Lusitanus, in tractatu suo eleganti, quem Hispanica lingua conscripsit, de rebus gestis Regum Persiæ, qui inquit, Insulam quandam esse inter *Ceylon* insulam, & terram continentem *Chormandel*, quæ à Lusitanis *Isla de Vacas* vocata (quod insulam vaccarum sonat) nostris naucleris etiam optime nota, in qua etiam nascitur copia prædictorum lapidum, quam ob causam etiam ibi multæ capræ pascuntur. Atque idem autor ait, quod anno 1585, hanc insulam maxima & horribilis inundatio invasisset, & etiam totam continentem terram *Chormandel*; ita ut hæc insula tota submersa fuerit, quæque servari inde capræ poterant, alio translatæ, desierunt gignere istos lapides, quod prædicta herba ibi non cresceret: sed elapsis paucis annis, cum insula sal fugine mari liberata, rursus hanc herbam produceret, capræ ejusmodi, iterum eo translatæ, lapides hos, ut ante, produxere. Hæc mihi vobis commu-

communicare visum est, quoniam & mercatores nostri, & Angli, idem certo confirmant. Cæterum quantum ad hyperbolicas hujus lapidis virtutes, & facultates portentosas, non tantas in eo mille experientiis edoctus inveni, alioqui etiam natura non pronus superstitiones medicamentorum facultates facile admittere, nisi experientia id verum invenerim. Quoque id magis ereditatis, lapides hi miseris Hircis, & Capris, tam molesti sunt, quam hominibus lapides vesicæ, & renum. Capræ istæ non absimiles valde sunt Capris Europæis, nisi quod habent erecta, & longiora cornua, & quædam ex iis versicolore sunt pelle, ut Tigrides pulchro aspectu, quales duas in arce Batavia nostra quotidie videmus; itaque hæ Capræ prout magnum lapidem, aut parvum gerunt, unumque, aut plures, eo molestius, vel citius incedunt, quod astutissimis Armenis, & Persis perbene notum est. Porro vidi & lapides *Pazahar* natos in ventriculis Simiorum, qui teretes sunt, & longitudinem digiti aliquando excedunt, qui præstantissimi omnium censemur.

## I N C A P V T X L V I .

*De Lapide Porcino. Fol. 168.*

**L**Apis iste Malacensis, cuius autor hic transitorie meminit, in memoriam mihi vocat alterum lapidem quendam genitum in Felle Porcorum, aut etiam Ventriculis Hystricorum oblongis pinnis præditorum, quem Lusitani propterea *Piedra de Puerco* vocant, mollis, & pinguis est attactu, ac si saponem Hispanicum tractes. ego duos domi habeo, unum parvulum ex Hystrice, alterum ex Apro, excisum. Infunditur hic lapis in vino adversus choleras, quam *Mordex Insulani* vocant, & hic tantopere timetur, quam pestis in Hollandia, utpote quæ hominem aliquando soleat occidere paucissimis horis. Prægnantibus tamen hic lapis non bene datur: nam abortum provocare adeo certum est, ut fœminæ Malaicæ mihi retulerint, ut si quando menstrua eorum purgatio non bene procedat, si saltem hunc lapidem manu gestent juvamentum se inde sentire. Sed profecto mihi consideranti judicium humanum de omnibus hisce concretis lapidibus in ventribus, & cavitatibus animalium rationis expertum, ridiculum mihi videtur, lapidem concretum in vesica humana, & sæpe è renibus elapsum, & per penem redditum, in nullo pretio haberí, cum homo non tantum sit animal longe nobilissimum, & qui delicatissimis cibis vescatur, & certe quod dixi, de circulis istis instar cæparum in lapide *Pazahar* repertis, similes circuitus & orbes in lapide humano videre est. Et ut proprius ad externam superficiem pervenias, ut lapides *Bazahar*, friabilior, & mollior est, donec ad parvum nucleus circulis his inclusum pervenias, qui rubro suo colore non obscure lapidis originem è renibus esse ostendit. Nil porro de his lapidibus addo, ne videar eos elevare, & lithotomos monere, ut vel cum periculo plures mortales secent. Hoc certe compertum habeo, lapidem in vesica hominis repertum, urinam & sudores probe ciere, quod tempore ingentis illius pestis, quæ anno 1624, & 25, Leydam patriam meam, & reliquas Hollandiæ civitates, miserandum in modum vastabat, in penuria lapidis Bazaarici nos exhibuisse memini, & sudorificum (ausim dicere) melius, & excellenter invenisse, cum admixta Theriaca, aut Mithridatio, cum olei Succini, aut Iuniperi guttis aliquot.

In Lib. II, Garciae ab Orta, De Planta quadam  
INDICA, IAC. BONT. Animadversio.

## IN CAPVT I.


*De Arbore tristi dicta Pariz.*

**Q**uod hæc arbuscula noctu flores expandat, inde eam Lusitani *Arvore da Notte* vocant, copiose in lava flosculos suos albos profert, quos servi venales in urbem ferunt, faciendis corollis, & intertexendis capillis mulierum Malai-carum.

*Par. 6*, Auctor mentionem facit florum *Fula Mogori* dictorum: hi flores in arbustis crescunt non ineptis texendis sepibus, humanam altitudinem vix hoc arbustum exce-dit, flores quoque albos fert odore gratissimo, & aspectu longe pulcherrimo. Stillatius porro liquor ex floribus arboris tristis, & hac arbuscula, igne elicitur, qui cordialis admodum est, quo circa ad Lipothymias, quæ in febribus continua, Cholera, & Dysenteria, crebro accidere solent, summum adjumentum præstant.

*Paragr. 7*, Autor mentionem facit florum sibi *Champe* dictorum, Iavani autem cum arbore eos *Champaccia* vocant. Arbor est mali Persici folio, sed crassiori paulo. Flores porro colore inter se variant: nam alii sunt è colore viridi dilutioris, ut potius primo aspectu ab arbore avulsi, fasciculum foliorum mentiantur: sed pediculi intus in calyce, quales ferme in rosis, flores esse declarant. Sunt & hujus arboris flores, alii colore aureo subflavo (quem colorem nostri *Oragne* vocant) uterque flos æque est odoratus admodum, verum caput gravat, non secus ac *Camphoræ* odor insuetis gravis est. Indos quoque autor ait bonis odoribus esse deditos. Ut & reliqui, qui Mahumetis sectam sequuntur omnes, ita ut nunquam ferme mulierem Indicam in publicum pro-dire videoas, quam cum hisce floribus, capiti vel capillo (ut dixi) impositis, ut gra-tiores maritis, vel sæpe, amatoribus, suis occurrant.

FINIS LIBRI QUARTI.



# HISTORIÆ

## NATURALIS & MEDICÆ

L I B E R Q V I N T V S,

### De Quadrupedibus, Avibus, & Piscibus.

*Quæ nova fertilibus progignat Semina Terris,  
 Et quidquid pandat divite Iava sinu:  
 Et queis vicinum natitetur Piscibus Äquor:  
 Quæ vacuum pennis Aëra pulset Avis:  
 Et quis squamiferis proserpat in orbibus Anguis:  
 Densa Feras umbra quas quoque Silva tegat.  
 Hesperidum & pulcros vis contemplarier Hortos?  
 Me lege, & electo Codice doctus abi.*

#### C A P V T I.

### De Abada, sive Rhinocerote.




Arcias ab Orta, Medicus Proregis Goënsis, Lib. 1. Aromaticum, cap. 68, confitetur, se nunquam conspexisse Rhinocerotem. Ego eum vel millies vidi, tam cavea inclusum, quam aliquando in silvis ad pasturam euntem: Quantum igitur in me est, hoc animal ad vivum hic describam, ut pictorum error eluceat, qui illud scutatum, & squamis obsitum, ob oculos ponunt. Cuite est è nigro cinericea, qualis color etiam conspicitur in Elephantis, & Bubalis Indicis: glabro est corpore, vel paucissimis pilis obsito: cutis porro rugosa plane est, & plicis superinducta, quæ scuta & clypeos istos mentiuntur, quos ipsi pictores affingunt, sed revera pellis eorum, ut aliorum animalium, non est discreta, sed continua; Corium autem tam crassum est, ut machæra Iaponica illud vix dissecare quis valeat. Rostro est Suillo, non tamen tam obtuso, sed acutiore, & super foraminibus narium, id tam famosum Cornu conspicitur, unde lingua Græca etiam hæc Bellua nomen sortitur. Colore id Cornu plerumque est nigro, sæpe cinericeo, aliquando, licet rarius, albo, quod etiam multo carius, quam reliqua, venditur.

Magnitudine Rhinoceros & corporis mole facile Elephantein æquat, sed pedibus brevioribus non tam conspicuum animal ostendunt. Quoad naturam Rhinocerotis, innoxium est, nisi lacestum; sed tum crudelissimum est, non solum in ipsos qui cum cœfendunt, sed in quæque obvia, arbores totas prosternendo cum ingenti fragore: quod scite Martialis expressit lib. 1. Epigramm. 22, hisce versibus:

*Sollicitant pavidi dum Rhinocerota magistri,  
 Seque diu magna colligit ira feræ,  
 Desperabantur promissi pralia Martis,  
 Sed tamen is rediit cognitus ante furor;  
 Namque gravem gemino Cornu sic extulit Ursum,  
 Iactat ut impositas Taurus in astra pilas.*

Idem

## RHINOCEROS.



## CRANIVM RHINOCEROTIS.



Idem Martialis id eod. lib. Epigr. 9, adhuc clarius enarrat, hisce versibus, quibus  
(prout tum crudelia tempora erant) Domitiano adulatur:

*Praesitit exhibitus tota tibi, Cæsar, arena,  
Quæ non promisit prælia Rhinoceros,  
O! quam terribiles exarsit pronus miras!  
Quantus erat cornu, cui pila taurus erat!*

Vbi porro hominem prostravit, asperrima sua lingua illum lingendo enecat, tum cutem & subiectam carnem abradit usque ad ossa; hinc etiam spinis ac verpibus libentissime vescitur;

*Lingua vivum occidit lambendo Rhinocerotis,  
Aulica falsidici sic quoque lingua necat.*

Animal hoc, crudivorum non est, ut Tigris, de cuius amicitia cum Rhinocerote proxime agemus: Cæterum de irritatæ bestiæ furore aliquid addam, quod nuperrime accidit Secretario nostræ Civitatis Theodoro Lemmingio, qui cum nuper duobus aliis comitatus eques in silvam exiisset exspatiatum, in paludosø loco in Rhinocerotem cum catulo suo incidit (nam hoc animal non secus cœno, quam Porci & Apri, libenter volutatur) qui illis visis surrexit, ac tarde recedens præse agebat catulum suum silvam versus, qui cum lasciviens aliquando restaret, mater ipsum rostro protrudebat. Interea quidam ex eorum consortio præ temeritate, equo insidens, belluam insequitur,

sequitur, & exerta machæra, quam gerebat, Iaponica, posteriores partes Rhinocerotis ferit, sed ictibus non penetrantibus, propter cutis crassitiem, aliquot striæ albæ in tergo & natibus bestiæ apparebant. Quod patientissime Bellua ferebat, quousque Catulum suum inter vepres & salicetæ, oculuisset, tum enim repente conversa in equitem nostrum, cum immanni grunnuitu, & stridore, ejus caligis mordicus apprehensis, eas mordicus discerpfit, materia levi, utpote Bombycina, sequenti, alioqui plane actum de eo fuisset: sed equus forte prudentior aliquanto suo rectore, retro saltat, & in fugam convertitur, in sequente ipsis omni vi Rhinocerote, prosternendo cum horribili fragore arbores, & quicquid obvium ipsi impedimento esset. Dum noster eques devenit in eum locum, ubi socios reliquerat, quibus visis, Rhinoceros, eo derelicto, alias impedit, qui furorem belluæ declinantes, post duas ingentes arbores se abscondiderant, vix duos pedes intermedia rima à se invicem distantes, & sive hoc felici eorum fato, seu stupore huic animali ingenito, evenerit, bestia solummodo per istam rimam summo conatu sibi viam quærebatur, & arbores, non secus ac arundines, tremere faciebat; sed tamen crassities earum, frontis ipsius impetum infringebat. Interim dabatur eis locus Sclopeta sua explodendi (quæ propter latrones Iavanos, ibi tum temporis vagantes, unicuique gerere mos erat) & belluam adactis aliquot ictibus per cerebrum feriendi, & sic bestiam immanem prostravere, suppetias ferentibus Mauris servis, qui istuc à dominis suis lignatum missi erant, qui animal hoc porro dolonibus, & securibus contrucidavere: Sed hoc erat vere excitare Crabrones. Porro, ut cum Plinio finiam, is refert lib. natural. histor. 8, cap. 20, hæc verba: Pompeius primum Rhinocerotem Romæ in spectaculis suis & ludis exhibuit, dicitque porro longitudine fere Elephanto esse parem: Sed crura ipsi longe esse breviora, inde quoque non tam conspicuum est animal, quam Elephas, qui altis pedibus, & cruribus insistit.

Quidquid de Elephantum docilitate dicitur, verum est: ac desino, si prius Plinii & Æliani errores detexero, qui inflexibiles pedes, & crura sine flexuris Elephantes habere scribunt, quod adeo falsum est: nam præterquam quod homines tantum circa crura ac femora, articulationes habeant, Elephantibus præterea flexuræ in medio tibiarum sunt. Proboscide porro (ut bene Plautus) tanquam manu utuntur in cibo capiendo, & ea in os ingerunt. In Iava, quod sciām, non producuntur, sed quidem multi & magni in Sumatra, quæ nobis è regione in conspectu jacet.


**A N N O T A T I O.** Quia autem graphicè depinxit Autor celebrem hunc Rhinoceratem, & non nisi cranii à truncō avulsi iconem exhibuit. Operæ pretium duxi totius animalis picturam acquirere, ut posthac simul errandi occasio auferatur. Quapropter elegantem & genuinam hanc belluæ effigiem ad vivum in Indiis depictam favore præstantissimi Viri, Ioannis Wtenbogaert, in Amstelodamo Hollandiæ Quæstoris, hic ofero. Cæterum non indignum quoque notatu, quod in dissectione capitis in cerebro repertus sit lapis, ann 1630, huc ex Iava allatus: Visu non imbellis, taetu admodum glaber, durus, ponderosus, uncias circa duas pendens; pollicem fere longus, gibbosus, renisque Porcelli figuræ æmulus, utraque extremitate obtusus, exterius coloris coracini, interius ex spadiceo undulatus: de cuius usu altum mihi silentium, donec qualitates penitus per experientiam revelatae fuerint.

## C A P V T I I.

*De Tigride.*

**Q** Voniam Tigris in patria nostra, magis fama, ac scriptis veterum innotuit, quam visu, & quia multa de hac ferociissima Bestia, veritati minus consona feruntur, ego propter viciniam, quæ nobis, quamvis invitatis, cum hac fera intercedit, eam paulo exactius describam. Primum itaque quod Plinius disertis verbis ait lib. 8. Natur. Histor. cap. 18, quod Tigris sit animal tremenda velocitatis, manifestus in eo est error: nam è contra bestia tardigrada est, & propter eam causam magis homines appetit, quam carnem Bubalorum, Cervorum, & Aprorum, & reliquorum animalium, quæ hic passim in Sylvis, ut feræ, vagantur. Tum Tauros, & Vitulos feros reticeo, quorum in Insula Iava ingens est copia; nam hæc animalia, nisi ex insidiis impellantur, facile ferociam hujus feræ effugiunt perniciitate sua, quapropter quicquid horum

## TIGRIS.




horum venatur Tigris, ex insidiis hoc facit, dum latens inter vepreta, & salicta, in prætereuntes bestias saltu transverso irruit. Quod si aberraverit, semel rugiens recedit, & circumit Sylvæ aliquot spatium, ubi rursus eas bestias præterituras observat: Vnguis præterea prædam semper ferme in cervice ferit, ac unico iectu, quodvis valentissimum, & robustissimum animal, humi prosternit, & exsucto cruento, cuius appetentissima est, cadaver reliquum in Sylvas trahit, ut carne se exsatiet. Itaque Tigris libenter degit, ubi homines scit versari, qui odore non sunt tam acri, quam prædicta, animalia tum quod homines perniciitate pedum ipsum effugere non valeant. Ego Tigridem è Felium genere esse dixerim: nam præterquam quod capite, & reliquis membris, Tigridem egregie referant, etiam moribus cum ipsa plane convenient: nam Felis quoque (ut notum est) unico saltu Mures & Gires impetit, ac unguibus prius ipsos necat, quam devoret. Hoc clarius patet in Felibus magnis versicoloribus istis, quæ è Persia, & insula Cypros adferuntur, quæ hiatu, & rictu, plane Tigridem referunt. Cæterum frequens est in sylvis conterminis fluminibus præterlabentibus, ut dum aquatum reliquæ feræ eo adveniunt, ipsa ex occulto è sylvis, ac latebris suis exiliens, aliquam earum dilaceret. Tum quoque reliquis animantibus ingens terror Tigridis ingenitus est propter ingentem ejus ferociam; unde quoque non male Iavani eam *Radja ou-tang* vocant, quod Regem Sylvæ significat. Denique robur hujus feræ incredibile est: nam occisum à se Bubalum, quamvis tribus partibus ipsa majorem, non secus ac festucam in Sylvas trahit. Ac ut id magis credas, Nobil. D. Generalis Petrus Carpenterius, circa Sylvas insidias, & decipulas Tigribus capiendis, ex solidis trabibus compactas, locari curaverat, quibus intus alligatus Caper, balatu suo Tigridem eo pelliceret: ac forte evenit, ut valvis reclusis, ingens Tigris capta esset, quæ trabes, quamvis ferreis clavis ligatae, unguibus, quibus plurimum valet, à se invicem divulsit, ac ita evasit, incolumi, & intacto, Capro. Iam mirum quiddam de Tigridos, & Rhinocerotis amicitia vobis referam, & deinde desinam. Vbicunque forte Rhinoceros habitat, etiam Tigris istic plerumque stationem habet, & ut plurimum una incedentes videas: sed ego curiosius id inquirens à Iavanis, ab ipsis probabilem hujus rei causam elicui, quod nempe Tigris, utpote carnivora, propter ingluviem pleraque deglutiat, unde eruditates ipsi in Ventriculo oriri necesse est. Rhinoceros autem tantum herbis vescitur: ideoque Tigris eum sectatur, ut stercore ejus pro pharmaco utatur, non secus ac Nepeta seu Mentha Felibus, Canibus Gramen, Cervis Dictamnus, pro remedio est. Nam simulatam inter ipsis esse amicitiam inde collegi, quod Rhinoceros femella, Catulum alens, non patietur Tigridem penes se incedere: Et ego cum forte extra Vrbem circa fluminis ripas exspatiatum ivisse, ut amoenissimas plantas, circa fluenta hic crescentes, contem-

plarer summo mane , repperi Iuvenculum Rhinocerotem in fluminis ripa jacentem , cui mordicus clunes ablati erant , & unguibus avulsi , ipso adhuc spirante , & misere bariente , quod servi mei Mauri , quos duos adduxeram , procul dubio , à Tigride factum esse dicebant : præterea hæc feræ una incedentes , semper se transversis oculis intuentur , & inter se grunniunt , & ringunt , quod certæ amicitiæ signum esse non arbitror . Et sane non male , tanquam Emblemate , hæc animalia exprimunt , amicitiæ illius typum quam Incolæ Iavani inter se colunt , qui tanta suspicione inter se laborant , ut propriis filiis , nedum agnatis , & consanguineis diffidant . Vnicum hoc de Tigride addo , quod dubius sim , utrum Leo huic animali robore præstet : Saltem quos ego Leones in Africa , ad Promontorium Bonæ Spei vidi , magnitudine , his Tigribus longe erant inferiores . Hoc quoque mihi jam in mentem revocat , quod aliquando apud Valerium Martiam , ingeniosum Poëtam , legi , lib . 1 . Epigram . 18 .

*Lambere securi dextram consueta magistri ,  
Tigris , ab Hyrcano gloria rara jugo :  
Sæva ferum rapido laceravit dente Leonem ,  
Res nova non ullis cognita temporibus :  
Ausâ est tale nihil Sylvis dum vixit in altis ;  
Postquam inter Nos est , plus feritatis habet .*

Anno quoque 1628 , Tigris hic Caveæ inclusa evasit , & quamvis à Catulo istic educata erat , & hominibus quotidie assueverat , statim in area exteriore arcis Bataviæ invasit equum ibi pascentem , & trucidavit , ita ut Cives Batavi , & milites , coæcti fuerint ferissimum hoc animal sclopetis occidere , ne plus damnii daret ; quod ipse coram vidi , & nuper etiam cum jam secundo nostram urbem Iavani derelinquere coæcti erant , Tigris ingens capta , & occisa fuit circa mœnia Vrbis nostræ præsente generoso Domino nostro Generali , Iacobo Spex : ac nuper hic perfuga suspensus est , qui ante aliquot annos hiantem Tigridem sinistra invasit , & linguam ejus arripiens , cultro lato quem penes hæc habebat , ventrem ei aperuit , & trucidavit ; sed hoc temeritatis magis ( cui aliquando Fortuna favet ) esse arbitror , quam fortitudinis exemplum . Atque hæc de Tigride .

## H Y S T R I X .



**H**YSTRICES vero familiares sunt undiquaque in silvis , non raro post Careæ latitanes , sicut ego cum summo timore expertus sum . Cum enim Anno 1628 , rumor esset Enatacanum nos obsidere velle , silvam circa civitatem , cæsum ivimus , ut latier esset ex urbe in subjectos campos prospectus . Chinenses itaque hortatus , ut eam demolirerentur , motum aliquem cum stridore percepimus , rati Tigridem esse . Illi alta voce *Hari-mou* , quod Tigridem denotat , inclamant , ut quisque sibi à fera caveat . Ego perterritus , cum , quo fugerem , anxius hærerem , Hystrix intra pedes meos dilabitur , ac ego fere præ metu exanimis concido , respiciens , num , vel crus , vel brachium secum raperet .

peret. Interea Chinenses Hystricem assequuti occidunt, mihiq[ue] offerunt, ita summus metus in maximum risum solutus est. Cætera quæ de ejus indole & figura externa referuntur, cum hac Hystrice non male convenient.

Leopardi seu Pantheræ minus hic frequentes sunt, quam Tigrides. Nuper unum ex iis, insidentem Apro recenter à se lacerato, sclopeto occidit miles, duplique fretus præda, utramque belluam in arcem nobis obtulit.

Leones quoque, quantum constat, in Iava non gignuntur, sed copiosissime in Africa ad Caput Bonæ Spei, ubi eos catervatim incedere vidi, quorum rugitus postea è silvis & montibus non parvum nobis timorem incutiebat, imprimis cum noctu circa tentoria nostra obambulare audebant, & recens sepultos è terra erutos devorabant, nobis parcentes ob ingentes rogos, quos socii perpetua nocte alebant.


Equos parvos alit Iava sed omnes crassæ & densæ Cervice, sicut Nortvegia, quos Belgæ **Speck-hassen** vocant. Generosiores autem è Suratte & Persia huc adferuntur.

## C A P V T III.

*De Crocodilo, qui per totam Indianam Cayman audit.*

**P**linius lib. 8, cap. 25, hæc de Crocodilo vere ait: Crocodilum habet Nilus quadrupes malum, ac terra pariter, & flumine, infestum. Vnum hoc animal terrestre lingue usu caret, unum superiori mobili maxilla imprimet morsum, alias terrible pectinatim se stipante dentium serie, magnitudine aliquanto excedit duode-

## C R O C O D I L U S.




viginti cubitos, parit ova quanta Anseres. Sed quod post ait, ipsum esse invicta cute adversus omnes ictus, non ita est: nam contrarium ipse oculatus testis dicere possum. Cum in præsentia generosi **D. Iani Coenen**, magnus in palude circa mœnia civitatis Bataviæ caperetur, longus autem erat pedes viginti, crassus quatuor: sed certe stipatores Nobiliss. **D. bipennibus** ipsum in tergo, ac alibi, sæpius transverberarunt. Carnæ sunt Crocodili candidissima, ego de ea comedì; sed agreste mihi & paludosum sapiebat: & forsitan male saperet piscatoribus nostris Ranarum, qui aliquanto largius de hoc animali cœnarent, quam de extremis Ranarum pedibus. Ut porro aliquid dicam de excessivis viribus hujus terribilis bestiæ, Historiam narrabo, quæ accidit tempore Gubernatoris Nobiliss. **D. Petri Carpenterii**: Vni itaque de stipatorum ejus numero, dum equum ad potum dicit, Crocodilus in ripa latens fluminis, equum insidenti subripuit, qui nisi saltu se salvasset, una cum equo, ad fluvii fundum pertractus foret, ut ipse, cum Plauto in Mostellaria vere, potuisse dicere, *vivum me rapiunt ad Achærontem mortui*.

Serpentes porro hæc Iava in sylvis alit, tanta alvi capacitate, ut integros apros hauriant; & in Ternata accidit capi aliquem qui ultra 40 pedes longus, Aprum in ventre gereret, quem excisum coixerunt, & de eo Generalis **D. Petrus**, cum aliis qui adhuc in vivis sunt, comedenterunt. Ego pellem unius seu exuvias domi meæ habeo, longam pede 36, quem ipse in sylvis, (dum illas cæderemus, ut hostem eo melius conspicere possemus, qui tum in procinctu erat) cum sociis navalibus contrucidavi. Itaque est ut Plinio facile fidem adhibeam in illis, Quæ de maximis Serpentibus, quæ Cervos totos hauriant, & de **Boa** Serpente, quæ tempore Claudii infantem deglutierat, dixit: cap. 14, lib. 8. Chinenses, & Mauri eorum carnibus avide vescuntur, sed ego iis facile suas delicias reliquerim.

*De Lacertæ quadam specie, Incolis Leguan, ac Insectis variis.*

**I**N Sylvis Iavæ, in paludibus, & cœno, tum etiam in cavernis, & antris, reperitur Lacertæ quoddam genus, aut, ut aptius dicam, Crocodili terrestris species, quia magis in terris, quam in aquis degit: nam quod forma ei respondeat, figura hic apposita satis indicat, magnitudine tamen longe infra Crocodilum est: nam ex pluri-

L A C E R T A, vulgo *Leguan* dicta.



mis, quos vidi, nullus ultra quinque pedes excreverat: ferunt tamen Iavani, sæuos, & majores in montibus versari. Animal, per totum vertebrarum dorsi processum, serratum est, cute rugosa & squamosa fœde viridi, & maculosa; ita ut solo aspectu suo insuetis horrorem incutiat; Hoc tamen tam deforme animal dempta cute, carnis est albissimi Cuniculi instar, & ut aiunt, qui de ea gustaverunt, saporis delicati. Rictu est magno, capite oblongo. Cauda totius corporis longitudinem æquat. Vnicuique pedum quatuor digiti cum unguibus sunt concessi.

Porro, ut de Insectis reliquis in India hic aliquid dicamus, locus hic videtur postulare: itaque tanta minutiorum Lacertarum campestrium est copia, pedem non ultra longiorum, ut vix vestigium quis in gramine ponat, quin timidissimum hoc animalculum alicunde exiliat: Est præterea adhuc alia domesticarum Lacertarum species, longe minorum prædictis, quæ colore viridi è pallido est, ac in laquearibus & ædium parietibus degentes Muscas, Formicasque venatur; atque licet cum magna voluptate, insignem velocitatem earum conspicere in venandis hisce Insectis, & quam se contineant immotæ, ac si parietibus appictæ essent, donec prædam certam videntes, eam invadant. Verum quoque est, quod Plinius ait lib. 9 Natural. Historiæ, Lacertis caudas renasci, nam hoc in domesticis meis non semel animadvertis, dum filioli mei lusitabundi, bacillo caudas iis decutiebant, quas tamen post diem unum, aut alterum, adsolutum pabulum revertentes vidi, caudasque iis paulatim reaccrescere.

Scorpiones quoque copiosos, & grandes fert hæc India, vidi enim qui partem quartam ulnæ impletent, coloris è nigro cyanei, & splendescente: minusculi quoque hic plurimi sunt, ita vix lapidem loco moveas, quin sub ea aliquot Scorpiones lateant: morsus tamen, aut punctura eorum, tam venenosus non est, quam in Italia, vel Hispania.

Scarabæi ita frequentes sunt, ut nil ab iis intactum & illæsum remaneat, præsertim, si quis in inferiore parte ædium habitare cogitur. Fitque hoc propter soli humiditatem, & calorem, quæ duo genitrix sunt putredinis, idcirco habitacula in superiori ædium parte sunt longe salubriora, quoniam sicciora, utpote quæ his bestiis, & Formicarum myriadibus non ita infestentur. Scarabæos autem hos Lusitani *Caca-laccas* vocant, quod ova quæ excludunt, colorem, & lævorem, Laccæ factitiae referant, ac, si ea chartæ, vel linteo, vel panno denique, affigantur, totum illud spatiū, quod occupant, Blattarum instar, exedunt.

Est præterea Formicarum quædam species, quæ totas arcas linteaminibus repletas, & cribro crebrius perforant, cum ingenti sæpe mercatorum damno; nam linteorum è cotonea contextorum, ingens per totam Indiam fit distractio.

Scolopendra etiam hic passim reperitur, cuius punctura tam acerbum dolorem infert, ut hominem ferme ad insaniam adigat: non secus ac in patria *Draco Marinus*, quem

quem Belgæ **Pieterman** vocant: sed ictus hujus Insecti, ut & Scorpionis, oleo ex ipsis  
composito sedatur, & sanatur.


## C A P V T . V.

*Lacertæ cujusdam, admodum venenosæ, species, quæ merito Salamandra  
Indica dici queat, quæque à Nostratisbus à sono quem edit,  
Gecco vocatur.*

*Sæva Lacerta rubris stellata in tergore guttis,  
Contactuque nocens, viridi vomit ore venenum  
Mortiferum, superans quæ dant Aconita novercæ.  
Hoc tabo inficiunt, metuendi cuspide Iava,  
Tela sua, & certam quæ dant hastilia mortem.  
Huic cedat Lybica dirus Basiliscus arena:  
Cum tantum viridi lateat sub felle venenum.*

**E**st Lacertæ quoddam genus venenosissimum, cuius figuram, ad vivum expressam, vobis exhibemus: ejus morsus tam est virosus, ut, nisi pars affecta statim, aut præcidatur, aut cauterio aduratur, intra paucissimarum horarum spatiū, procul dubio actum sit de vita hominis. Hoc de solo hujus Insecti attachu experientia didici, in decumbente quodam socio navalī, in Nosocomio nostro Batavi-

## S A L A M A N D R A I N D I C A.



co, cuius pectori, dum denudatus dormiret, supercurrerat Lacerta hæc, & solo contactu, vesicam per transversum in musculis thoracis excitaverat, qualem in cute oriri videmus, à ferventi aqua, quæ pertusa à Mag. Andrea Duræo, Chirurgo hujus Nosocomii expertissimo, emisit ichorem flavum, & fœtidum: subitus vero caro, iam livida erat, & ad Gangrænam tendens, quæ etiam per duos latos digitos, impositis topicis necessariis, & munito corde medicamentis Besoarticis, non secus ac in Gangræna, decidit, non sine summa admiratione & horrore nostro: Magnitudine paulum vincit hoc Insectum, communem Lacertam campestrem; ita ut pedem circiter in longitudinem excurrat. Cutis est coloris è viridi dilutioris, quem Belgice **Zee-groen** vocamus, interstincta maculis rubris, ac si Minio tintæ esset: Capite est Bufonis, oculis magnis, fœde protuberantibus; Dentes habet tam acutos, ut eos etiam chalybi imprimat, quod vidi in hac Lacerta, his venenosum & lethale infert vulnus, nisi pars affecta, aut ferro exuratur, aut novacula amputetur, dum Prætoris urbanis servus cum gladio transfigeret, aperto ore palatum rubrum, instar fornacis, apparet. Tardigrada est, & ubi pedes fixerit, vix inde vi ipsam avelles, non secus ac si glutino cohæreret, quod etiam in hac deprehendi, dum chartæ impositam depingi curarem, quamvis mortuam, pedes non nisi cum chartæ laceratione inde avelli poterant; quinque enim digitis pedum, acutis & curvis unguiculis, armatis, prædicta est. Nostrates ipsum animal apposito vocabulo **Gecco** vocant; Quippe non secus, ac Coccyx apud nos suum cantum iterat, etiam Gecco assiduo sonat, prius edito stridore, qualem Picus emittit. Degit porro in arboribus vetustis cariosis, locisque humidis, sàpe &, cum summo, tam Nostratum, quam Incolarum, metu, circa cubilia versatur, adeo ut Mauri casas suas integras demoliantur, ut hoc


ut hoc animalculum migrare faciant. Hinc optime convenit huic Insecto, quod de Salamandra Plin. lib. 29, cap. 4, his verbis refert: Inter omnia venenata Salamandracæ scelus maximum est; cætera enim singulos feriunt, nec plures pariter interimunt, ut omittam, quod reliqua perire conscientia dicantur homine percusso, neque amplius admitti ad terras; Salamandra pariter necare populos improvidos potest: nam si arbore irrepit, omnia pœma inficit veneno, & eos qui comedent, frigida vi, nil Aconito distans, quin immo si contacto ab ea ligno panis crusta incoquatur, idem veneficum est, vel si in puteum cadat, &c. Sanguis ejus è rubro colore ad pallidum vergit, &, ut verbo absolvam, ipsissimum venenum dicas esse. Iavani sanguine, & sanie hujus Lacertæ tela sua tingunt. Tum scelesti isti veneni propinatores, qui hic utriusque sexus plurimi sunt, hoc animalculum è laquearibus fune cauda alligato suspendunt, quod tum præ ira glutinosum & flavum liquorem assiduo è gutture destillat, quem exceptum fœtili subtus apposito colligunt, & Soli expositum, in massam cogunt, tali modo in vivis hoc Insectum alendo quotidie servant ad aliquot menses. Hoc veneno nullum magis præsentaneum reperiri certum est, ac puto de eo genere esse, quod Imperator Nero Britannico per Locustam famosam Veneficam exhibuit, quod tam præcipitem mortem adferebat (ut inquit Tacitus) ac si ferro urgeretur. Vrina porro ejus tam acris est, ut non solum vesicas excitet in quamcunque corporis partem inciderit, sed nisi confeſtim succurratur, carnem subtus nigram & gangrenosam reddit. Hujus morsui mederi testantur Indi Crocum subterraneum Lusitanis dictum, quod planta sit, quæ radicem habeat flavam croceo colore tingentem. Hæc est radix Curcumæ officinis nostris vocata, quæ quantas vires habeat, suo loco probavimus.

## C A P V T V I.

*De Chamæleonte in Insula Iava.*

**S**cio ego longe alia facie ab aliis Chamæleontem pingi: sed certe eos istud genus animalculi, vel non vidisse suspicor, vel hic alias ab illorum Chamæleonte: ut quicquid sit, ego hunc ex fide describam, qui omnibus Lusitanis, & Malaiis *Cambilon* corrupta voce nominatur: Estque frequentissimum in his locis animal, seu Lacertæ

## C H A M A L E O N .



species, naturali colore est viride, rubris hinc inde in tergo, maculis distinctum. Cristam in tergo habet, quam quietum demittit, irritatum erigit, ac tuni etiam sub gutture bulla enascitur, quod ubi videris, est quod tibi ab eo caveas: nam acerrimos dentes habet, & incolæ morsum ejus venenatum esse affirmant. Pedes anteriores flexuram habent unicam instar brachiorum cubiti: posteriores vero pedes sunt multo longiores cum duabus flexuris: omnes tamen quinque digitis & longis unguiculis armati. Cauda longissima, & versus extremitatem tenuissima quam in gyros contortam gestat. De eo ego idem credo, quod doct. Belonius ait l. 2. observat. c. 25, in hæc verba: Chamæleon se mutat in varios colores, communiter viridis est, tendens versus flavum, & aliquando cœruleum colorem. Quod est verissimum, nam hos duos colores, præ ira, vel metu ipsum induere vidi, ut qui domi in cavea aluerim hanc Lacertam aliquoties: mutare autem colorem in ejus

eius corporis speciem, cui insidet, nugacissimum est, ut & illud, vento vicitare: nam ut idem Belonius paulo post ait, Muscis, Formicis, immo Locustis, alitur, tum Scarabæorum ea specie, quas *Caccalaccas* Nostrates & Lusitani appellant, quos in ventriculo plus quam dimidia parte consumptos inveni. Quod vero longo tempore sine victu possit durare, hoc commune cum reliquis Insectis habet, ut Serpentibus, quos Circulatores circumforanei aliquot menses pyxidibus inclusos sine ullo cibo circumferunt. Idem de Ranis dicendum, quæ integra hyeme in fundo Paludum latitantes immobiles sub ulva latitant; itaque vere dicit poëta, quod minuat præsentia famam. Atque hæc sunt quæ de Chamelæonte certo comperi. Quo spectat illud Alciati Emblema in adulatores.

*Semper hiat, semper tenuem, qua vescitur, auram,  
Reciprocat Chamaleon;  
Et mutat faciem, varios sumitque colores  
Preter Rubram vel candidum:  
Sic & Adulator populari vescitur aura,  
Hiansque cuncta devorat:  
Ac solum mores imitatur Principis atros,  
Albi, & pudoris nescius.*



## C A P V T VII.

*Lacertus volans, seu Dracunculus alatus.*

*Aëra per volitans junxit Medea Dracones  
Dicitur: è Iava num tulit has volucres?*

**D**Epigi hic curavi Lacerti quoddam genus volaticum, quod Belonius observationum suarum Orientalium lib. 2. cap. 70, describit sub nomine Draconis volantis: sed ita cursim hoc attingit, ut coactus fuerim bestiolam hanc paulo exa-

## L A C E R T V S V O L A N S.



ctius describere, utpote qui eam, non mortuam tantum, sed saepius vivam, hic in Java vide-


viderim. Belonius effigiem hujus Insecti adfert bipedem, quum quadrupes sit, prætereas duas bullas flavi coloris circa guttur externe gerit, quas inter volandum inflat, & veli loco utitur. Cauda, pro proportione corporis, longa est, versicoloribus pulcherrime maculis cutis distincta. Tum alæ, alis Vespertilionum admodum similes sunt, & membranaceæ, quas attollunt, hoc modo quo hic depictum vides, alias ubi eas demiserere ad latus, vix apparent. Magnitudine sunt duarum unciarum, grandiusculam domi habui, quæ tres partes ulnæ impleret. Volant quidem, sed non diu perseverant in volando, ab una nempe arbore cum stridore, in aliam transiliunt, quæ passus viginti, aut triginta à se invicem distant, non secus, ac pisces volatici, qui Hirundines aquaticæ Gesnero dicuntur, paucum tempore se ex aqua attollunt. Num venenatæ sint hæ Lacertæ, compertum non habeo, Iavani saltem negant, & eas, ut & alias Lacertas, impune manibus tractant. Cæterum, Muscis, Formicis, & aliis parvulis Insectis, vicitant, in Silvis Iavæ frequentes sunt, & sœpe grandioribus Serpentibus esca deveniunt, quod & inter homines familiare esse, Plautus bene dixit hoc modo, Homo homini Lopus, potentiores innuens, minores deprimere solere.

## C A P V T V I I I.

Appendix. *De Lacerto Indico, squamoſo.*

**A**dmirabilis hujus exenterati Lacerti iconem, quam exhibeo, ejusdem speciei, sed non ejusdem magnitudinis, est, cuius Carol. Clusius exuvium in exoticis dedit. In Insulæ *Tajoán* silvis frequens est. Nomen ejus vernaculum haðenus nobis incognitum; verum ne quid pubi nauticæ nostræ innominatum esset, placuit quibusdam

## L A C E R T V S S Q V A M O S V S.



Porcum, aliis vero Diabolum de *Tajoán*, appellare, fortassis ob miram & horridam squamarum conformatiōnem, quas irritata erigit. Animal est duorum pedum longitudine, Vulpis magnitudine. Totum corpus ab oris ad caudæ & pedum usque extremitates, perpetuis squamis nigricantibus, rigidis, & mucronatis, cooperatus, excepto gutture, ventrisque, & crurum infima parte, quæ durioribus pilis leporinis vestiuntur. iidemque pili hinc inde erumpunt in dorso ex ipsis squamis. Magnitudo squamarum pro diversitate partium corporis discrepat; omnes ad exortum striatæ, & ad finem quasi lœvigatae. Cauda est valida, fere pedem longa, præ cæteris membris mira squamarum textura ornatur: earum enim, quæ ejus latera utrimque claudunt, forma prorsus à reliquis dissimiles, nam planæ non sunt, aliarum instar, sed cavæ quasi incurvatae, quia pronam & supinam laterum partem tegunt. pedes breviusculi palmam circiter longi, posteriores quinque unguibus brevioribus, anteriores tribus oblongis, crassis, sed imbellè curvis, armantur, sicut in Brasiliensi *Tamandoá*, quibus, & que ac illa, Formicarum & Vermium latebras detegit, prædamque qualecumque mordicus tenet. Capite & promuside non est porcino, ut *Armadilho*, sed tenuiori & acutiori, more *Talparum*, quo terram commodius evertat. pastum iturus, Lacertis, aliisque Insectis, insidiatur, quibus pingueſcit.


guescit. Vnde caro ejus vesca non solum, sed sicut magnæ illæ Lacertæ Brasilienses *Leguâna & Tatu*, inter epulas ab omnibus passim incolis expedita.

## C A P V T I X.

Appendix. *De Baby-Rouffa.*

**Q**via Author noster I. Bontius, sedulus alias Naturalium in Indiis indagator, hujus animalis non meminerit, ego ejus genuinam figuram & descriptionem ab Indiarum nostratis consiliariis, fide dignis, suppeditatam, operæ pretium duxi addidisse. Quadrupes hoc inusitatæ figuræ, monstrosis bestiis ascribunt Indi, quod

## BABY-ROSSA, &amp; CRANIVM.



à diversæ speciei animalibus, Porco scilicet, & Cervo, pronatum putent. Reperitur tantum in insula *Bouro*, triginta milliaria distante ab *Amboina*. Nec alibi terrarum ab aliquo visum fuisse omnes testantur. Est majoris Canis vel Cervi magnitudine. Pilos habet more Canis venatici, fusti & grisei coloris, instar Gliris. Capite & rostro est Porcino, oculis & auribus parvis. Cauda tortuosa, Porci æmula, pedibus & ungulis Cervinis. Velox & ferox habetur animal, & longævum quoque, si Aristoteli fides, dicenti, quibus plures sunt dentes, eorum vita, magna ex parte, longior.

Sceletos capitum (cujus accuratam iconem hic exhibeo, favore optimi viri D. Swamerdami pharmacopœi Amstelodamensis, & rerum exoticarum instructissimi), Vitulini est magnitudine, ex validissimis ossibus, imprimis utriusque maxillæ, confirmatus. Quibus ab utroque latere posterius versus fauces, duodecim circa dentes, molares diti; anterius autem initio rostri sex incisores inferiori maxillæ, duo grandiusculi superiori parte inserti sunt, & more aliorum brutorum rapacium, bucca vel rostro teguntur. At vero loco caninorum dentium ex intermedia maxillæ inferioris parte duo validi insignes crecti dentes erumpunt rostrumque perforant. Semipedis sunt longitudo, pollicis crassitie, paululum incurvati, instar dentium Apri, quibus hostes suos invadunt. In superiori denique maxillæ parte ab utroque latere processus ossei concavi apparent, ex quibus promanant cornua, digitum crassa, duas palmas longa, glabra, & dentium instar levigata, sed unci instar incurvata, ita ut primo intuitu quatuor cornibus

bus juxta se positis videatur armatum hoc animal *Baby-Rouffa*, ac proinde ob duplum rationem inter monstrofa habitum, primo, quod contra Aristotelem, cornigera animalia in altera maxilla tantum dentes habere, & primoribus maxillæ superioris carere, testetur. Secundo, quod idem Aristoteles, nullam dicat inveniri animantem, quæ cornua & exertos simul gerat dentes.


Cætera quæ circa indolem hujus animalis desiderantur, quia fluxæ fidei mihi videbantur, distuli proferre, donec veritas magis eluceat; Ab advenis æque ac Indigenis caro ejus inter delicias expetita, atque loco *Cervinæ* apponitur.

## C A P V T X.

*De Corvorum, Columbarum, & Psittacorum, quadam specie.*

**M**ira est quædam in Moluccis, & Banda præcipue, Corvorum species, quæ nostrum Corvum rostro quidem refert: Verum in temporibus similiter pictus est, ut Indicæ istæ Meleagridæ, quas Belgæ *Kalcoutse-Hanen* vocant. Rostro est magno, crasso, parum acuminato, & ad rapinam composito, naribus patulis;

## C O R V U S I N D I C V S.



oculis magnis, nigricantibus, aspectu fœdis. Capite & collo oblongis, nigricantibus plumis, ornate vestitis. Pedibus, eorumque digitis, satis validis unguibus, oblongis, curvis, solidissimis, præditus. More Corvi nostratum graditur, Indole à nostris Corvis differt, quod non cadavere, sed potissimum Nucibus Myristicis avide vescatur; iisque insigne damnum infert. Caro eorum quoque delicata est, & affa saporem à pastu plane aromaticum habet.

Præter vulgares Columbarum, & Turturum, species, reperiuntur in Iava Columbae viridissimi coloris, instar Psittacorum. Est præterea in Banda aliisque locis, Columbarum quarundam albarum species, quæ similiter Nuces Myristicas immaturas decerpit, & depascit, gustu quoque inde jucundo, ventriculo, ac intestinis salubri.

Psittaci etiam ibidem albi sunt, vel potius Corvos albos eos nominem, non tantum ab adunco rostro, sed à rapacitate quoque: nam nodos à vestibus avellunt, chartas, & libros decerpunt, omnia vel coriacea, vel e simili materia, dilacerant. Itaque apage à me

me has aves cum Simiis, & Psittacis, quæ quamvis ad delectationem homini<sup>s</sup> nata videantur: tamen operam eorum non nisi damnosam reperimus esse.

### Appendix. De Psittaco parvo.

**E**X minorum Psittacorum genere, cui vulgo nomen *Perroket* inditum, hæc pulcherima avis existit. Alaudæ est magnitudine, rostro adunco & griseo, ut & gutture, oculis nigris, quos circulus argenteus ambit. Linguam habet fere ut Psittacus cum solidis ligamentis, verticis plumas egregias cristæ more erigit. Crura & pedes cinerei coloris, caudam longissimam, decem circiter digitos prominentem, ultra finem alarum. Quemadmodum ventre inferius, ita capite, collo, & cauda, superius est pulchre rubicantibus. Pectus vero, & inferiores caudæ pennæ, dilute rosacei sunt coloris, quæ elegantissime in cœruleum ex albedine & viridi mixtum, desinunt. Alæ potissimum virides, rubicundis pennis intertextis, quarum medietas, luteo & rosaceo colore hinc inde adeo variegatur, ut adverso Sole mille aureos colores secum trahat, atque à pictore haud facile exprimi possit, dignus sane, ut à Magnatibus in pretio habeatur.

Reperiuntur hæc aves in mediterraneis potissimum, confident & nidificant in altissimis arboribus. Catervatim & multo cum strepitu, sicut tota Psittacorum familia, volant, garrulæ quoque sunt, vocesque quasdam sonare discunt, si cicurentur.




### C A P V T X I.

#### *Corvus Indicus Cornutus seu Rhinoceris avis.*

Et mare cornigerum est, et cornibus aëra pulsat  
Hæc Avis in Iava: Cornua terra gerit,  
Aspice in aëreis volitantem Rhinocerotem  
Conspicuum cornu, quam bene fronte gerat.

**V**T odore gravis, ita & aspectu fœda, est rara hæc avis cornuta, longe superans magnitudinem Corvi Europæi. Collo & capite est crasso, oculis magnis, rostro, respectu corporis, mediocri, in hac imagine expresso, & à capite avulso. Productior & acuminatior pars, inferne curvata, rostrum ad rapinam compositum exprimit;



mit; superior vero pars brevior, crassior, & superne incurvata, verum cornu ad visum & ad tactum repræsentat, quod, sicut altera medietate versus caput quasi rostro contiguum, atque utrumque simul eodem modo capit is extremitati annatum; ita, & altera medietate à se dehiscunt, adeoque separantur contraria incurvatura, ut instar piscis caudæ bifurcatæ videantur.

Vicitat avis cadaveribus intestinisque animalium, unde venatores qui sclopatis Vaccas sylvestres, Apros, & Cervos jaculantur, comitari solent, ut se eorum visceribus ingurgitent. Animalia ab ipsis militibus exenterari solent, ac sæpe, in partes dissecta propter gravitatem, ad ripas fluminum in cymbas ab illis deferuntur, si nolint, ut dictarum avium rapacitati prostituta sint.

Incolæ testantur, Iavam ingentes alere Aquilas: sed ego non nisi Aquilas marinas vidi, quæ terrestribus longe minores & imbecilliores sunt, & non nisi piscibus in littore vivunt.

Lapides Aëtitas, in nido Aquilarum repertos, duos habeo, in quorum meditullio nucleus, si moveatur, audire licet.


## C A P V T X I I .

### *De Coturnice Indica, cui adduntur quædam in transitu, de Gallis, & Gallinis, Pavonibus, & Avibus Paradisi, Indicis.*

*Sic querulæ sum vocis ego spectanda Coturnix,  
Sacra ego sum Phæbo: nam cum se condidit Indo  
Oceano, parvis condor seu mortua plumis:  
Postera lux oritur, tum me cantare viator  
Audiet, & raucos crocitantem murmure bombos.*

**A**Vis hæc in silvis Iavæ gregatim, ut Perdix, pascitur, & quamvis etiam cicuretur, & cum pullis suis comitata femella, non secus, ac Gallinæ, in areis ædium circumit, mares quoque non secus, ac Galli, pugnacissimi usque ad mortem inter se sunt,

## COTURNIX.



sunt, colore plumarum vero Coturnici admodum respondent: verum rostro paulo longiore, sonum quoque per intervalla edunt, ut Coturnices etiam solent: verum is longe diversus est à Coturnicum voce, & magis refert sonum illum horribilem, quem Ardeæ stellares inter arundineta in paludibus edunt, quem Belgice **Pittoor** vocamus: & quo longius continuant vocem, eo generosiores etiam putantur aves hæ. Cæterum hæ aves adeo frigidæ sunt naturæ, ut, si caveæ inclusas non exponas solaribus radiis, & arenam ipsis substernas, statim languescant, periculumque vitæ incurvant, ideoque noctu, & occidente Sole, non secus in se convolvuntur, quam Coccyx hyeme in cavis arboribus apud Nos, & in truncis arborum, plumis suis se obtengunt. Oriente vero Sole, statim cantant, isque sonus ad aliquot passus exaudiri potest, ut mireris tantillas aves, nam Columbum, aut Turturem, magnitudine non excedunt, tam gravem vocem posse edere. Alui ego aliquoties in caveis tales, quæ me advenientis auroræ admonerent, si quid serio agendum esset; nam, si quid negotii gerendum sit, id vel mane vel vespertino tempore, commodissime fiet, cum inutiles fere reddantur actiones interdiu, dum Sol summo suo calore omnia adurat, tum etiam sanitati hoc tempus diurnum maxime officit: sed de eo latius alibi.

Gallis & Gallinis hæc Regio abundat, inter quos aliqui carne sunt nigra, optimi saporis, & pro ægris tanquam sanissimi commendantur.

Parvuli Galli è *Ziam* adseruntur & hic aluntur, qui tantæ sunt pugnacitatis, ut quantumvis alium Gallum maximum aggrediantur.

Pavones silvestres & domestici, ut & aves Paradisi (quos apodes olim arbitratæ sunt multi) in magna copia apparent; tam horum, quam illorum, caudis se Indigenæ exornant, iisdem in galeis pro cristiis utuntur. Tantum vero abest, has Paradisi aves vel pedibus carere, vel aëre nutritri, ut unguibus incurvis & peracutis parvas aviculas, Chlortides, Fringillas, & similes, venentur, easque mox, sicut reliquæ rapaces aves, devorent; ut nec illud verum sit, eas non nisi mortuas inveniri, cum & arboribus insideant & sagittis à Tarnacensibus figantur. Vnde etiam à celeri & reciproco volatu Hirundineo Hirundines Tarnacenses ab Indis vocentur.

Quanta porro frequentia sit omnis generis avium edulium in Java, in primo libro de Conservanda valetudine actum est, ut sunt imprimis, Rusticulæ, Ardeæ, Grues, Anates, Anseres, Turdi, Pici, Passeres, Fringillæ, & aliæ infinitæ.

*De Nidis Hirundinum edilibus.*

*Quid scopulos Progne, quid inhospita littora nidis  
Optas, per medias hos Gula queret aquas?  
En Philomela tuum laceravit ut Ensibus Iphyn,  
China casas vestras dentibus & lacerat.  
Quid gemis infelix! alienis parcere pullis  
Qui cupis? ast propriis parcere desideras.*

**I**N tractu maritimo oræ Chinensis, aviculæ parvæ discolorces Hirundinum specie, certo anni tempore, ubi aestus prolificandi eas invasit, è locis mediterraneis ad mare in scopulos meant, & ex spuma maris basin scopulorum alluentis, tenacem quandam materiam colligunt, sive ea Balænarum, seu aliorum piscium fit, semen, ex

## N I D I H I R U N D I N U M .



qua nidos suos ædificant, in iisque ova ponunt, & pullos excludunt. Cæterum Chinenses hos nidos è Scopulis avulso, ingenti quantitate per Indiam venales ferunt, gulosis in summas delicias, qui eos Gallinæ, seu Verveticis, decocto dissolutos, avide deuant, & Ostreis, Fungis, & cæteris gulæ irritamentis, longe anteponunt.

## C A P V T X I V.


*Pica, seu potius Sturnus Indicus.*

*Psittacus Eois quamvis tibi missus ab oris  
Iussa loquar: vincit me Sturnus garrulus Indus.*

**E** Regione ædium mearum in Batavia habitabat anus Iavana, serva Chinensis hortulanæ, quæ Picam seu Sturnum Indicum alebat, valde loquacem, quem cum ego depingi optarem, sæpius rogavi, ut eam mihi venderet; sed cum impetrare istud non possem, petii ut saltem tantisper mihi concederet, dum pictura exprimetur, quod tandem anus ægre annuit: sed ego causam deinde intellexi; nam, cum obnixe mulier Mahumetana stipularetur, ne avi sibi carissimæ Porcina comedendam offerrem, atque ego id promissem, avis pessima subinde hoc mihi & pictori occinebat, *Orang Nasarani Cator Macan Babi*; quod vult, Christiane canis, comestor Porci; timebat enim astutissima Anus, ne ego, vel domestici mei, offensi, avi huic Laridum gustandum daremus, aut occideremus hac contumelia irritati.

Plumis cyaneis, & subobscure cæruleis ac cinereis guttis interstinctis Sturnum nostratem refert, verum cristam flavam in cervice gerit, & caput nigris mollibusque plumis obsitum est, ut contactu te holosericum tractare putas. Multo accuratius humanas voces imitans, quam Psittacus, sed cum importuna sæpe garrulitate.

S T V R N V S.




## C A P V T X V.

*De Onocrotalo ave.*

*Famosum ingluvie contempla & gutture pando,  
Et qui cuncta voret, conspice Onocrotalum.  
Præditus est duplice (sic scripsit Plinius) alvo,  
Candidus ast plumis esse videtur Olor.  
Audiat hunc quisquam crocitantem voce molesta,  
Arcadicum dubitet rudere (credo) pecus.  
Externus multos vestitus, formaque, laudat:  
Commendat tacitos linguaque muta viros.  
Impleti Baccho vocem si forte resolvunt,  
Nil, nisi Brunones, Potitosque, sonant.*

**P**linius sagacissimus naturæ indagator Lib. X. Natural. Historiæ, C. XLVII. Avem quandam describit his verbis, Olorum similitudinem Onocrotali habent, nec distare existimarentur omnino, nisi faucibus ipsius inesset alterius uteri genus. Huc omnia inexplebile animal congerit, mira ut sit capacitas. Mox perfecta rapina,



senim inde in os reddita in veram alvum, ruminantis modo, refert: Haec tenus Plinius, qui tam exacte hanc avem mihi descripsisse, & delineasse suis coloribus videtur, ut nil addi huic descriptioni possit. Nam colore est albo in plumis, pedes Anserinos, vel Olorinos habet, rubros illos plerumque, voracitatis tantæ est, ut etiam grandes pisces deglutiatur. Vidi unam ejus generis avem, quæ vivum Felis catulum deglutiit, & cum in forum piscarium veniret, Chinenses pescatores illi guttur colligabant, alioquin astutissima, & audax avis, momento temporis, cum summo risu aliorum, aliquot pisces furtim à tergo veniens deglutiebat. In litoribus Iavæ, & circumiacentium insularum, piscatura piscium vivit, voce est rauca, & fœda, unde ei etiam nomen Onocrotali inditum est, quod Tympanum Asini significat, & certe si talis cantus sit Oloris morientis, quem tamen nullum audiisse puto, insuavis sane est, nec tam gratus, quam Poëtæ ipsi affingunt. Sed


— Pictoribus, atque Poëtis  
Quidlibet audendi semper fuit aqua potestas.

## C A P V T X V I.


Appendix. *De Vespertilione admirabili.*

**Q**uam Africa non solum, sed & Asia atque America, monstrorum sit ferax, ut ex multis supra narratis; tum quoque ex hisce Vesptilionibus imprimis liquet. Illi enim in *Gusaratta* sub Imperio Magni Mogolis gregatim Anserum silvestrium instar, volitant, & circa vesperam in aere vel arboribus penduli conspiciuntur, omnesque advenas ob inusitatam magnitudinem, molem, & miram conformatiōnem, attonitos tenent. Ac proinde Belgæ, novitate rei hæsitantes, an volatilium generi ascriberent, Si-mias alatas nominarunt satis incongrue. Quod membranaceis pinnis alarum loco utantur, quod itidem auriti sint, unguibus quoque, & quatuor pedibus prædicti, pullosque, non ova, pariant & lactent, cæterorum Vesptilionum familiæ ascribendi sunt: Verum quod Felis sint magnitudine, ventre & pectore crasso & carnosø; item quod à cervice capitis ad unguium usque extremitatem membrana continuata instar veli expansi, posse cooperiantur, à cæteris quibuscumque Vesptilionibus discrepare videntur. Adde, quod velum hoc subtus quidem membranaceum, ut in aliis, lanugine, venulis, & fibris obdu-

## VESPERTILIO VOLANS.



VESPERTILIO arte EXTENSUS.



obductum appareat, sed extus perpetuis mollissimis pilis, Cuniculorum more, canis & ex nigro cinereis, mirum in modum vestiatur. Tum quoque plicis illis, quibus alæ, mo-  
re aliorum, contrahuntur & relaxantur, destitutum sit. Ita ut, si conferatur iconi cum  
Brasiliensis, vel cujuscunque Indici, Vespertilionis figura, hanc ab illis admodum diver-  
sam reperies. Ne autem curiosus Lector quid desideret, duas exhibui figuras, alteram  
volantis, alteram tergo incumbentis & expansi.

Tota bestia est longitudinis trium fere pedum, ejusdemque latitudinis. Cauda te-  
nuis, spithamam longa, eaque quasi immersa hæret eidem membranæ, qua totum cor-  
pus

pus tegitur. Crura molliori quoque lanugine flavescente obsidentur. Ex ultimis pedum articulis quinque unguies tenues, valde acuti & curvi, erumpunt, quibus mordicus tenet, quidquid apprehendit, imprimis arborum fructus, quos depopulatur. Capite est oblongo, aspectu fœdo, rictu imbelli, dentibus exiguis, ad rapinam compositis, auribus denique rotundis, parvis, ex tenuissima membrana factis.

De Indole & generatione horum Vespertilionum plura possem addere, quæ mihi quidem suppeditata sunt à pube nantica nostra; sed quia variabant, & dubiæ famæ videbantur, malui supersedere eorum descriptioni, donec veritas magis comperta fuerit, ne paginas replendo, errores (ut sæpe contingit circa exotica) propagentur.


Dantur porro, teste nostro Bontio, vulgares quoque in Iava Vespertilioes, in lucis habitantes, Columbae magnitudinis, quibus Iavani vescuntur, affirmantes sapidissimos esse. Noctu aliquando cubilia ingrediuntur, si propter æstum diurnum, specularia vel fenestræ apertæ reliætæ fuerint, & pedes dormientium nudos mordentes, quantitatem magnam sanguinis inde exsugunt, cum majori timore, quam ejus, qui hæc patiuntur, periculo.

## C A P V T X V I I.

Appendix. *De Dronte, aliis Dod-aers.*

**I**nter Insulas Indiæ Orientalis, censetur illa quæ ab aliis *Cerne* dicitur, à nostratis Mauritii nomen audit, ob Ebenum nigrum potissimum celebris. In hac insula frequens est miræ conformatiois avis *Dronte* dicta. Magnitudinis intra Struthionem & Gallum Indicum, à quibus ex parte figura discrepat, & ex parte cum iis convenit, im-

## D R O N T E.



primis cum Struthionibus Africanis, si uropygium, pennas, & plumas consideres; adeo ut Pygmæus quasi inter eos appareat, si crurum brevitatem respicias. Cæterum capite est magno, deformi, recto quadam membranâ, cucullum referente. Oculis magnis, nigris; collo curvo, prominente, pingui; rostro supra modum longo, valido, ex cæruleo albicante, exceptis extremitatibus, quarum inferior nigricat, superior flavescit, utramque acuminata & adunca. Rictu fœdo, admodum patulo, quasi ad ingluviem nato. Corporæ obeso, rotundo, quod mollibus plumis, griseis, more Struthionum vestitur: ab utroque latere, loco remigum, exiguis alis plumatis, ex flavo cinereis, & pone uropygium, loco caudæ, quinis pennulis crispis, ejusdem coloris, decoratur. Cruribus est flave-

flavescentibus, crassis, sed admodum curtis, quatuor digitis pedis solidis, longis, quasi squamosis, totidem unguibus validis nigris incedit. Cæterum tardigrada est avis & stupida, quæque facile præda fit venatoribus. Caro earum, imprimis pectoris, est pinguis, vesca, adeoque multa, ut tres quatuorve *Drontes* centenis saturandis aliquando sufficerint. Si non probe elixentur, vel veteres sint, difficilioris sunt concoctionis, & salitæ in penu reconduntur.


Lapilli diversæ formæ & magnitudinis, cinerei coloris, in ventriculo harum avium reperiuntur; non tamen ibi nati, ut vulgus & pubes nautica arbitratur, sed in littore devorati; quasi & hoc quoque signo cum Struthionis natura aves has participare constaret, quod durissima quæque deglutiant, nec tamen digerant.

## C A P V T X V I I I.

Appendix. *De Emeu, vulgo Casuaris.*

**I**N Insula *Ceram*, aliisque *Molucensibus* vicinis insulis, celebris hæc avis reperitur. Sur-recto capite & collo decenter incedit, tuncque fere quinque pedum altitudinem æquat; Corporis autem longitudo, à pectore ad uropygium, trium est pedum. Capite, pro magnitudine corporis, satis exiguo, glabro, coloris ex nigro cærulei. Oculi

E M E U vulgo C A S O A R I S.



magni, ardentes, & truces, post quos, aurium meatus parvi, nudi. paulo supra mucronem rostri, bina foramina, narium usum supplent, à cujus medio ad capitis usque verticem, cornæ substancialæ, coloris ex flavo fusci, porrectum diadema, quod cum plumarum defluvio cadit, iisque renascentibus renascitur: anteriori colli parti bina veluti membranacea palearia, sive barbulæ, more quodammodo Galli Indici, coloris miniati, propendent. Cruribus est altis, crassis, quasi corticibus callosis, tectis, pedibus eorumque

que digitis quoque crassis, duris, squamosis, sine calcaribus. Vngibus itidem longis, corneis, in quo hæc avis à Struthiocamelo differt, quod pedes, ut ille, bisulcos non habet; licet notæ aliquæ communes cum illo sint, scilicet caput parvum, erecta statura, alæque ad volandum ineptæ, quodque sine delectu, quidquid objicitur, voret, idque, si durius, per annum indigestum rejiciat. Pennis, sive verius plumis, tota fere vestitur, miniatis & nigris, quæ pectori & femori proximæ, semper geminæ ex eodem parvo tubulo prodeunt. Illæ autem quæ uropygium constituunt, cæteris longiores & duriores sunt, adeo miræ naturæ lusu conformatæ plumæ, ut à procul aspicientibus, non plumis, sed villis dumtaxat, rectum ejus corium appareat; coque magis, quod alæ exiguæ sub plumis latera tegentibus abscondantur. Alæ enim ad currendum pro velo, non ad volandum inserviunt, quamobrem cum vix à terra se tollere valeat, non inter volucres ponendam putem; robur quo se contra hostem tuetur, non in rostro, sed in pedibus, consistit; irritatus enim, non antrorum, sed oblique se convertit, aversis retrorsum pedibus eum impetens. Ovipara est, sed ova à Struthionis longe diversa, ratione tenuitatis & coloris; hujus enim testa est virescens, perpetuis tuberculis, sature viridibus ornata. Vitellum comedunt incolæ.


## C A P V T X I X.

*De Thynnis, & Delphinis, quos Corcovados, Dorados,  
& Bonitas vocant.*

Hic videas celeres Delphinas semper in Indis  
Ludere lascivas, & ducere rite Chreas,  
Quos tamen infames Lamia, Larique cruenti,  
Tardigrado quamvis, natatu sæpe sequuntur,  
Dum gyros celeresque meant remeantque proterve,  
Improvido morsu sub tristia tartara mittunt.  
Discite, mortales, quod sit sua Tigris in undis,  
Quæ solet in silvis transverso in currere saltu  
Incautum, insidiis vestigia tarda dolosis  
Compensans. Homines sic tetra columnia semper  
Observat, tum quidquid agas, nil undique tutum  
Vix quisquam effugiat falsissima verbera lingua.

**Q**uoniam pisces Bonita vocati Lusitanis, huc quotidie ad mercatum feruntur, ego potissimum inter eos depingi curavi, qui è Thynnorum, seu Delphinum, sunt genere. Incolæ Iavæ hunc Ican Bouda appellant, quod perinde est, ac si pi-

## T H Y N N I S P E C I E S.



scem equum dicas: procul dubio ideo, quod saltando se extra fluctus marinos ultra huma-

humanam facile altitudinem efferat , aut propter sumimam velocitatem , quia navem prospero vento , expansis velis , tam facile præternatat . Capiuntur præterea pisces *Dorados* dicti Portugalensibus , ab aureo , quem ferunt in cute , colore , ubi recens captus fuerit , nam mortuis per horæ spatiū is color decedit : hic piscis est longe optimi saporis *Bonitas* bonitate excellens : Omnes è Delphinum sunt genere , lati , & longi , inter eos quoque numeratur piscis , qui iisdem Lusitanis *Corcovados* vocatur , quod gibbosum sonat , quia gibbum in tergo gerit . Igne elixi dimidia ex parte condiuntur porro , oleo , & aceto , admixto pipere , allio , & sale , vel etiam aliis aromatis : & ita conservantur longo tempore , ut utiles sint iis , qui hinc *Ternatam* versus , & *Moluccas* navigant , ubi annonæ parcior copia , quam in reliquis nostræ Indiæ est partibus . Tali modo conditi egregie sapiunt , tum eorum muria pro condimento est , & orexin , & appetitum ventriculo addit : sed oportet , ut *Oryzæ* coctæ bonam pro ratione mensuram simul comedas , atque ita nullum empyreuma , seu adustionem , intestinis adducent . Hoc adhuc addo , nos habere præstantes hic pisces : Verum tamen , ut fatear , Afello majori ac minori caremus , qui si adesset , nos , Patriæ de præstantia piscium non cederemus . De *Delphinum* porro velocitate , hæc Plinius , Lib . 9 , natural . Histor . Cap . 8 , Velocissimum omnium animalium non solum marinorum est *Delphinus* , ocyor volucre , ocyor telo , ac , nisi multum infra rostrum os illi foret medio pene in ventre , nullus piscium celeritatem ejus evaderet . Quæ sequuntur , vera pleraque sunt : sed hoc mihi dubium est , quod paulo post dicat , tanta eos vi exilire , ut plerumque vela navium transvolent , nisi forte vela Horiarum , seu navicularum pescatoriarum , intelligat :

*Orpheus in Sylvis, inter Delphinas Arion.*


Lamiæ porro, Galeæ, Lari, nimis hic multi sunt, quorum ingluviem miseri nostri navales socii sæpius experiuntur, dum incautius natando se exercent. Hi pisces tarde nant, & nisi in tergum se volventes prædam appetunt, quasi ita natura sævissimi piscis hujus ferociæ, moram injecerit, ut miseri mortales ipsos prævisos facilius evitare queant.

C A P V T     X X.

## *De Scaro Pisce.*

**P**etrus Belonius in Observationibus suis doctissimis, Lib. 2, Cap. 8, meminit Scari  
piscis, qui frequens in litoribus, olim Cretæ, nunc Candia, Insulæ capitur: ille  
vero huc quotidie in forum pischarium yenalis adfertur. Ego ipsum de genere  
Percarum esse autem: nam sive colorem spectes, qui in hoc pisce è rubro egregie

S C A R V S.



viridis est, acutos aculeos in pinnis, denique squammas ejus asperas, quæque cum molestia abradi solent, eumdem ferme pisces cum *Perca* nostrate esse dicas. Cæterum delicati adeo est saporis, quam quispiam pisces alias in his oris: concoctionis quoque est


facilis ; & inter saxatiles Indiarum pisces principem locum obtinet. Ventes fert, non, ut alii pisces, acute desinentes, sed obtusos plane, ut humanos dentes esse dicas, quibus etiam stridet, ut homines iratos & insanos facere videmus. Vere quoque dicit ibid. Belonius, hunc piscem labris adustis, & tostum ridentis hominis faciem mentiri. Capiuntur etiam inter rupes, & saxosa vada pisces quidam coloris plane viridis, qui à figura, squammis, & rubris oculis, Alburni vocantur, Belgæ nostri *Steenvoornen* vocant, optimi quoque sunt saporis. Hos & reliquos pisces *Malaii* nostri tam scite condire, & præparare sciunt, ut in eo Germanos ac Polonos superent, qui tamen palam in coquendis piscibus in Europa ferunt, addita radice Curcumæ, ad saporem & colorem luteum conciliandum. Eodem modo etiam præterea condunt Lupum marinum, qui à fluviatili colore tantum differt: Nam albus plane est, & sœpe tam magnus in mari & alveis fluviorum capit, ut *Asellum nostratum majorem mole superet.* Scarus inter pisces solus ruminat, & herbis vescitur, test. Plin. l. 4. c.

## C A P V T   X X I.

*De Cyprinis Saxatilibus marinis, de Carpionibus & eorum  
in India magnitudine. Item de piske Cacap  
indigenis dicto.*

**C**yprini lati saxatiles in magna copia capiuntur, genus piscium, me judice, inter præstantissima est numerandum, hujus plures sunt formæ, rotundos enim habes quales ferme Rhombi, oblongiores quoque, quales hic depinguntur, omnes tamen lati, ac duris squamis obsiti, atque hi tantum in mari capiuntur. Cyprini

## C Y P R I N V S   S A X A T I L I S.



porro fluviatiles, qui magna copia in fluviis capiuntur, & *Carpers* nostratis vocantur, patrios bonitate carnis vincunt, utpote qui non in stagnis, & paludibus, sed in profluenti alantur. Vnde etiam colore sunt albo; & tantæ aliquando sunt molis, ut ego habuerim, qui triginta libras penderent. Linguae eorum apud Chinenses non secus, ac apud nostros delicatores in deliciis haberi consuevere, & ubi pescem ichthyopœla vendiderint alicui, nisi bene prospexerit sibi, astutissimi Chinæ linguam illi eruent momento temporis, & sibi reservabunt, vel aliis seorsim vendent, forte tam caro quam ipsum pescem.

Capitur etiam in mari pisces quidam *Cacap* Indigenis vocatus. E Cyprinorum saxatilium quoque genere est, sed longe maiores sunt: nam aliquando *Asellum nostrum Callaricum* seu majorem (nostris *Cabeljau* dictum) excedunt. Gustus præ omnibus aliis marinis piscibus in Iava sapidissimi, & proxime *Asellum* jam prædictum referentis, & in muria per noctem macerata pars quædam, atque cum *Raphanis*, aut *Batatis* radicibus, cocta, addito *Sinapi* pro condimento, sapiunt plane, ut *Asellus salitus* apud nos,

nos, quem *Aberdaen* vocare solemus. Et cum pastinacis flavis, aut rapis eodem modo coquuntur, & comeduntur in patria, sed nos iis carentes Raphanis, brevioribus & crassioribus contenti viviūs, quamvis & Pastinaca alba, & flava, hic sata, bene prove- niunt, tamen lignosa sunt, & nullo modo tam boni saporis, quam in patria; quod non agro, qui fertilior hic est patrio; sed soli genio, imputandum est:


*Hic segetes, illic crescent felicius Vva.* Virgil.

### C A P V T   X X I I .

#### *De Congris, Muraenis, & Anguillis, in fluminibus, & mari Iavano.*

**P**linius, Cap. xx. Lib. ix. ubi pisces in figuras corporis digerit, hæc ait; Pinnarum quoque sunt discrimina, quæ pedum vice sunt datæ piscibus. Et paulo post; Binæ omnino (de primis intellige) datæ sunt longis & lubricis, ut Anguillis, & Congris. Hæc omnia flexuoso corporum impulsu ita mari utuntur, ut Serpentes terra. Haec tenus

### C O N G R I .




ille. Cæterum iste Conger & Muræna, quæ tanto in pretio apud Romanos habebantur, hic vilissimi sunt.

Anguillæ, etiam frequentes, fluminibus & stagnis capiuntur: sed earum usu ego facile caream, cum certissimum mihi sit, eas cum Hydris coire, tum colore superne nigro sunt, & subtus foede flavo, maculis luridis distincto, ut aspicientibus saltem horrorem incutiant.

Conger porro stipatus est ferrata dentium serie, quibus, si imprudens Piscator eum tractet, acerrimos morsus imprimit, & difficilia inde curatu vulnera, non secus, ac si à Serpente quis demorsus esset. Cæterum capitur quoque in mari, & alveis fluminum: sed marinum prætulerim, utpote qui frequenter vada saxosa, & arenosa, neque limum sapiat, ut fluviatilis. Cæterum Congrum hunc si coquant, etiam exossare solent Incolæ, more Romanorum, ut est apud Terentium in Adelphis:

*Congrum istum finito tantisper in aqua ludere, dum exossetur.*

Quod & Murænis solere antiquitus fieri, Plautus in Amphitruone testatur, dum Sosia servus Mercurium minantem auscultat, *mirum nis homo me, tanquam Murenam, exosse cogitat.* Sed si verum fatear, puto, hoc sic intelligendum, quod voluerit ipsum exossem reddere, qualis Muræna est, quæ loco spinæ, cartilaginem teretem, & viridem, in dorso gerit, &, ut Plinius ait, pinnis caret.

Appendix. *De CONGRO monstroso.*

**N**on mirum, si admodum differat forma & figura Congrus hic Indicus, ab his quos autor noster exhibuit; cum ille Insulæ potissimum lavæ, ubi vixit, animalia trāctaverit; rarus autem hic pīscis, aliaque à me huic operi addita, ex dissitis Indiarum partibus prodeant. præterquam quod merito dubitari posset, inter Congrosne, an Hydras, recenseri mereatur, licet pubes nautica ex Indiis redux inter Congros haberi testetur: Sed cum meum non sit, eam litem componere, saltem inter monstrosos Congros reposuerim.

Quem hic exhibeo, trium fere pedum est longitudine, coloris spadicei, sed nigris maculis cancellatis, more Serpentum, distinctus. anterior dimidia pars corporis tenuis, posterior duplo pene crassior, & instar clavi nodosi, imbellis satis appetit. Capite & ore est oblongo, rictu, & dentibus acutissimis, ad rapinam factis, adeo tamen exiguis, ut visum fere fugiant. In petrosis fundi cavernis vietitat, pabuli gratia, ibique pinguefactus, grato Incolarum alimento existit.

Peculiare autem quid observatur in his Congris, quod quicunque illos mactant, quasi horrore, & tremore, imo subinde animi defectu, eoque non durabili, sed mox cessante, corripiuntur. Quod quidem venenositatem in aliqua parte latentem, videatur arguere, quæ deficiente bestiæ vita, in aërem se dispergit: unde non immerito quis suspicabitur, hos quoque Congros, sicut & Anguillas quasdam, cum Hydris coire, quoniam idem de Hydris quibusdam testantur Barbari.

## C A P V T   X X I I .


*De Serpentibus in genere, & de Amphisbæna in specie.*

*Non satis est uno diffundier ore venenum?  
Amphisbæna tamen gemino hoc exsibilat ore:  
Has, dubitem, furias intexere crinibus hydras,  
Atque hominum ad rabiem tristeis invertere menteis;  
Obtrectatorum dupli sic lingua veneno,  
Intumet in faciem, & mittunt post terga scelesti.*

**S**erpentes undique adeo multi sunt, ut prius mihi charta defecerit, quam omnes enumere; tamen de ingentibus aliquid dicturus, qui aliquando triginta sex pedum longitudinem excedunt, tantæque gulæ & alvi capacitate, ut integros hauriant Apros. Ventrem enim habent triplo majorem, quam collum, & pars ea, quæ in caudam desinit. Atque, ut hoc mirabile est in Crocodilo, quod ei superior tantum maxilla moveatur, sic in hoc Serpente utraque movetur, quo grande hiatum ostendit. Ut hoc confirmem, sunt adhuc in vivis, qui cum D. Generali Petro Both, de Porco exciso è ventre similis Serpentis comedenterunt, quem recens deglutiuerat. Venenati non sunt, sed plicatura circa corpus hominis vel alterius animalis locatura, id vi strangulant. Sequitur nunc AMPHISBÆNA.

Hæc est illa Plinii lib. 8, cap. 23, Amphisbænæ, ait, geminum est caput, hoc est, ad caput, & ad caudam, tanquam parum eslet uno ore fundi venenum. Hanc ego occasam

## AMPHISBÆNA.




cisam in domo mea, ad vivum hic delineatam exhibeo. Alebam enim Gallum prægrandem, pugnacem valde, ipsumque, summo mane cum surrexissem, luctantem conspexi, ut mihi videbatur cum duobus Anguibus, quia duo capita animadvertebam, medium quippe corporis curvatum in latebris adhuc hærebat. Iussi servo Mauro, ut Serpentem occideret, quem ille protractum, ostendit Amphisbænam esse. Plinius alibi dixit, si mulier mortuam Amphisbænam transcenderit, ei statim menses moveri: & lib. 20, c. 20, Silvestris Lentis decoctum (quam φαρὲν Græci vocant) ejus iictibus mederi. Iavani, ut ejus lethalem vim exprimant, eam *Oular Matti*, hoc est, vermem mortis, vocant; namque hæc gens, ut simulandi est artificiosissima, sic paucis vocabulis in sua lingua contenta, sciens taciturnitatem meditationi alicujus facinoris convenire: Namque vocabulum *Oular* Serpentem, quidem, sed proprie Vermem, denotat: comprehendens etiam quidquid Insectorum tereti corpore sine pedibus humili repit. Tum in flaviis ac mari Anguillas, Murænas, & Congros, hoc nomine indigitant, addito vocabulo *Oular-ican*, quod postremum, piscem designat.

## C A P V T     X X I V.


*De Aselli Indici specie, item de piscibus Alatis.*

**A**pitur piscis, quoad formam, & molem, Asello Callariæ, seu majori, non ab simili, sapore optimo, sed tamen carne sicciori, quam noster Asellus, qui meo quidem judicio, inter omnes totius orbis pisces est sapidissimus. Piscis porro hic cute est flava, nigrioribus maculis per totum corpus distincta, unde nostri nava-

## ASELLI SPECIES.



les socii, cum primum in Indiam navigantes, circa Insulam Mauritii, eum cepissent, Jacob Evertsen vocabant, qui ipsorum Navarchus, & homo parva, & compressa statura, flava cute, plurimas similes maculas in facie gerebat, unde & per totam Indiam adhuc idem nomen retinet.




**V**Olatici porro pisces, (*Hirundines aquáticas Gesnerus vocat*), ex Halecum mihi videntur esse genere, cum corpore, squamis, & sapore eum plane referant: Nam plurimos in itinere nostro cepimus, quibus tostis, & elisis, jucunde vescebamus. Nos salsamentorum nos jam pridem satietas cepisset. Hos pisciculos ad pastum per se-  
quuntur Thynni, & Delphines, qui *Dorados*, *Corcovados*, *Bonitas*, Lusitanis dicuntur. De quibus alias fusi disputavimus. Alæ ipsorum alis Vespertilionum assimulantur, nisi quod in ambitu acutis aculeis muniantur; Cæterum, tantum ad aliquos passus volant, &, exsiccatis alis, rursus in mare decidunt. Mira sunt hæc, pisces volare: sed multo mirabilius, quod Plautus ait in Milite glorioso, homines fuisse volaticos, quos iste miles miro, illic dicto, modo occiderit uno die.

## C A P V T   X X V .

*Tincæ marinæ, sive Hippuri, mira quædam species.*

**O** Vid. *Nam gaudent pelago, quales Scombreque Bovesque  
Hippuri celeres, & nigro terore Milvi.*  
Tinca marina, seu Hippurus, quod pinnam equinam habeat, caudam equi-

## T I N C A M A R I N A .



nam æmulantem: Tincam vero marinam ego hunc piscem ob lævorem cutis vocavi, & quod soleat hic etiam ei pellis ante cocturam detrahi; ita ut rarus piscis, ob insuetam pinnæ continuatatem, Hippuro; atque ob lævorem cutis & carnis saporem Tincæ, comparari optime potuerit.

Præter enarratos pisces, infiniti adhuc edules quotidie è mari & fluvii ad nos deferruntur, & venum in piscario exponuntur, ut sunt imprimis, Alburni, Mustelæ, Murænæ, Gobii, Polypi, Lupi, Anguillæ, Apuæ, Peñtinum quoque, Solearum, Lingularum, Rhomborum, cæterorumque planorum piscium genera, plura, quam in Patria. Pastinacæ denique, & Raiæ, marinæ, abscisso, quod à latere & cauda eminet telo


telo venenatissimo, comeduntur, ut reliquæ Raiarum species. Vidi inter eas, quæ duos oculos in capite, & alteros duos in tergo gererent; capiuntur & pluribus luminibus, præditæ.

## C A P V T. X X V I.

*De pisciculo Cornuto, seu Ican Setáng.*

**C**apitur hic Pisciculus inter rupes plerumque littoribus Iavæ vicinas, non majoris magnitudinis, quam qua ad vivum depictus est: armatur duobus præ-acutis, & duris, cornibus, in parte anteriore frontis; gerit præterea duo cornua circa podicem, quibus se ab injuria majorum piscium egregie defendit: nam alacer valde est, & mobilis instar Porcelli piscis. Lupo marino, & huic pisciculo (ut à piscatoribus Chinensibus accepi) summæ inter se inimicitiae sunt. Nam, ut omnia devorare cupit Lupus marinus, si prehenderit hunc pisciculum, ille suis cornibus tantum molestiæ exhibit in ventre, ut, nisi prompte ipsum evomat, certissimam mortem incurrit, quamvis & inimicus ejus quoque suffocatur, tamen non inultus moritur. Piscatores Indi vocabulo Arabico ipsum *Ican Setáng* vocant, id est, piscem diabolum, vel quod cornua gerat, seu, quod ictus ejus admodum virulentus sit, ut saepe diximus de Dracone marino, seu *Pieterman* Belgis. Caput valde simile est bubalino capiti, cum prægrandibus oculis, squamis undique tam duris obsitus est, ut avelli sine cute non possint,

## P I S C I C U L V S C O R N V T V S.





propterea Chinenses, & Mauri, qui eo vescuntur, non secus ac Ranas, excoriant: sed certe carnis est durissimæ, & minus salubris, ideo delicatioribus ventriculis vitandus, non secus, ac Orbis piscis, Sepiæ, Loligines, & Polypi, quibus abundamus, & quorum omnium miræ species quotidie in forum venales feruntur. Imo ego Polypos tam grandes vidi, qui, si hominem prehenderint, non facile eum amittant a se. Credo de eorum genere esse, de quo Plautus festive ait,

*Novi ego istos Polypos, qui sibi, quicquid tetigerint, tenent.*

## C A P V T. X X V I I.

*De Nautilo piske, Sepiis, & Holothuriis.*

**P**linius, antiquissimus Naturæ indagator, & rimator, Nautilos pisces inter Polypos ponit, & vere lib. 9, cap. 29, his verbis. Inter præcipua vero miracula est, qui vocatur Nautilos, ab aliis Pomphilos, supinus in summa æquorum pervenit, ita se paulatim subrigens, ut emissâ omni per fistulam aqua, velut exoneratus sentina, facile naviget, postea prima duo brachia reflectens, membranam inter illâ miræ tenuitatis extendit, qua velificante in aura, cæteris subremigans brachiis, media cauda, ut gubernaculo, se regit. Hactenus Plinius; quæ verba tam naturaliter hujus Nautili formam exprimunt, quam si ipse in eo habitasset. Ac paulo post. Ita vadit alto, liburnicarum ludens imagine, & si quid favoris interveniat, hausta se mergens aqua. Hæc quia ipse saepius vidi, & cum damno meo expertus sum, verissima esse novi: nam dum talem pisciculum in mari captum imprudentius manibus meis contrectasse, tantus



ardor manum invasit, tanquam si aqua ferventi suffusa esset, & nisi apposito statim alio contuso cum aqua mihi ipse subvenissem, procul dubio præ dolore in febrim incidissem: unde ego ipsum pisces de Holothuriorum esse genere contenderim, ut quæ omnia in mari fluctuantia, tam acrem calorem attrahantibus inurunt, quod & fallacissimi omnium mortalium Chinenses neverunt, qui illa Oryzae miscent, ut liquorem suum destillatium (quem *Arat* nos hic vocamus) tanto calidius reddant, pernicio- so invento, quod hinc miseri nostri socii navales, sanguinis Sputum, Phthisin, Mara- smum denique, & ipsam tandem mortem incurvant.


Sepiam hic appendi etiam curavi, ut videatis, quid de eo noster Plinius dicat lib. supra citato, & cap. eodem, de Lolina, & Sepia loquens. Ambo autem, ubi sensere se apprehendi, effuso atramento, quod pro sanguine his est, infuscata aqua absconduntur. Quod adeo in me ipso expertus sum; Dum enim Sepiam curiosius contemplarer, effuso illo Pliniano atramento suo totam faciem mihi infuscavit, non sine risu astantium.

## C A P V T     X X V I I I .

*De Mustela, & aliis quibusdam piscibus lacustribus, sine squamis.*

**N**escio quid Plinio venerit in mentem, quod Mustelæ secundum, in fluviatili- bus piscibus, à Scaro dederit principatum, his verbis, l. 9, c. 17, Nunc Scaro, datur principatus, qui solus piscium dicitur ruminare, herbisque vesci, non aliis piscibus. Et paulo post. Proxima est his mensa, generi duntaxat Mustelarum. Et quæ sequuntur, dum ipsas distinguit in fluviatiles, & marinas. Certe tanta copia hic Mustelæ capiuntur, ut sit è lytilissimis cibis, & ab Incolis *Sembilang* nominatur. Fateor equi- dem, Mustelam sapore excellere inter pisces, qui in fluviis degentes, squamis carent,

## M V S T E L A.



ut sunt Anguillarum genera, Tincæ, & similis speciei. Cæterum maneat Plinio sua autoritas, ego certe longe præstantiores pisces me hic comedisse autumo, aut gustus me fallit. Anguillas porro, & Murænas habemus, fluviatiles, & marinas, quæ posteriores mihi bonitate reliquas vincere videntur; ego saltem lacustres cum Hydris, & Serpentibus coire non semel vidi, quod sufficit mihi, ut absterrear ab iis, aliisque tales delicias relinquam.


Capitur præterea in lacubus & stagnis, Mugilium quædam species, squamis durissimis, & dentibus tam acutis, ut natantes pullos Anatum devoret, & laceret, ac Anseribus sæpe pedes mordicus demerat, vocaturque Incolis *Ican Cabosch*: hic tamen etiam limum suum sapit. Mugiles denique marini ( quos Belgæ, *Harders* vocamus ) hic in summa quantitate capiuntur, & venales in forum feruntur, qui statim temporibus sapientissimi sunt: sed aliquando ipsos morbus invadit, ut vermes intra carnes eorum generentur, non secus ac Apuis in patria accidere vidi, & tum ossibus & spinis abundant ( quod nostri *Harigh wesen* vocant ), insuaves quoque sunt, minusque salubres; Mustelæ porro sunt foedo aspectu, & caput ferme Bufonis ostendunt, ast oculis grandioribus, corpus quoque multis luridis, & lividis maculis interstinctum gerunt.

## C A P V T   X X I X.

*De Squillis Indicis.*

**S**Quillarum hic omnis generis capiuntur, inter eas illæ etiam, in magna quantitate, quæ in dorso ferratæ sunt, quas Belgæ *Steuer-krabbens* vocant: Quam porro Squillam depictam damus, tantæ & inusitatæ est magnitudinis, ut habuerim, quæ sex numero, libram sexdecim unciarum penderent. Saporis sunt delicatis-

## S Q V I L L A.



simi, & inter omnia Ostracoderma, saluberrimi, unde, & phthisicis, & quisanguinem è pulmonibus fundunt, medicamenti sunt loco: at tum cum paucō sale coqui debent: nam sal omne erosivum est, & proinde pulmonibus inimicum.

Cancri quoque in aqua dulci fluminum capiuntur, pedali magnitudine, in cavernulis circa

circa ripas fluminis ab ipsis excavatis. Sapore sunt præstantiores, quam marini, qui siccioris sunt carnis, Locustas eas Plautus in Menechmo vocavit, dum medicus interrogans Menechmum hoc modo, solentne tibi unquam oculi duri fieri? ille festivissime respondet. Quid tu me Locustam esse censes, homo ignavissime? nam Cancrorum oculos lapideos esse, notius est, quam ut ego hoc prædicem, & quantam utilitatem adferant affectibus Renum, & Vesicæ, tum Gonorrhœæ, è concubitu Venereo ortæ, si misceatur pulveri Therebinthinæ Venetæ, coctæ, melius apud Practicos dicetur. Vnde vero illud proverbium natum sit, Squillas à sepulcro vellas, ego certe ignoro, nisi jam invenerim, dum in hac Insula circa mare fluctuans Cadaver Iavani occisi contempler, id plenissimum magnis hujuscemodi Squillis inveni: sed taceo, ne delicioribus venitculis facile nauseam concitem.


## C A P V T     X X X.

*De Testudine Squamata, Tamach, aliis Larii, dicta.*

*Quid monstri hoc? Piscis vel num fera terrea dicar,  
Amphibium terris, quod aquis & pascar in udis,  
Quum squamas gero, tum duras in tergore setas,  
Inque excavatis prope ripas dormio cunis?  
Sic & adulator tumida dum vivit in aula,  
In cunctas facies vertit se: Principis ora  
Et vultum sequitur, jurans in verba, negansque,  
Rursus ea, ut spectat mutari à Rege colorem.*

**T**inter varias, & miras, tam terrestrium, quam aquatile, Testudinum formas, nullam ego huic assimilem, neque depictam, neque vivam vidi, præter duas, quarum una mihi dono data, aliquamdiu in aqua vixit. Capite est exiguo Serpentis instar, oculis parvis, & in omnem partem mobilibus, dentibus acutissimis,

T E S T U D O S Q U A M A T A, Tamach D I C T A.



quibus pisciculos venatur, & lacerat. Squamis superne per universum corporis processus textus est, quamvis Carpioni, seu Cyprini similibus, nisi quod crassiores sint. Cauda est longa, item squamis obsita, ventre levi, & molli est, & ictibus pervio. Hujus squamas Chinenses medici in summa tenent existimatione in Cholericis affectibus, Dysenteria, & Cholera; Exsiccatis enim squamis, & tritis in pulverem, utuntur, ad 3j pondus, in vino suo adusto, vel aqua Oryzæ, quam Candie vocari alibi diximus. Adversus Colicos, atque alios extremos dolores, vim narcoticam obtinere, experimento comperi; & non mirum, animal natura sua frigidum, somno lentum, & tardigradum, tales effectus à se edere. Edulis est, & longe optimi saporis, ut mihi re-tulerunt, qui de ea comedent. Ego, ut verum fatear, naturali inclinatione abhorreo à cibis istis, quæ à Testudinibus, Serpentibus, Lacertis Leguan dictis, & similibus, pertinent, inde malo iis carere, quam imaginatione in Nauseam, & Choleram incidere, quod

quod mihi contigit, dum, in mensa Dn. Generalis I.P. Coenen de, Crocodilo comedisse, cuius saporem cum reliqui laudarent, ego ex illius gustu tanto horrore correptus sum, & domum reversus in tam atrocem (per imaginationem) Choleram incidi, ut vitæ periculum incurserim, cum tamen primis labris tantum gustasse. Javanæ hoc Monstrum merito *Taunah* vocant, quod idem est, ac si dicas fossorem terræ, quia circa fluminum ripas cavernas in terra excavat, ubi lateat: estque Animal amphibium. Chinenses *Lary* appellant, quod cursorem significat, per antiphrasin proculdubio, cum ne Testudo quidem tardius incedat, quam hoc animal.

Cæterum, ut hoc obiter addam, Testudines fluviatiles alit Java, longe marinis minoribus, piscinarum depastrices, adeo rostrata oris capside sine dentibus, ut facillime alicui incauto digitum amputent.

## C A P V T     X X X I.

*De Cancris, Astacis, Ostreis, & Ostracodermis reliquis, in India.*



*Quisquis caudati sensisti tela Paguri,  
Disce meo exemplo morsus vitare dolosos:  
Dente leonino, quos aula volubilis infert  
A tergo, & pejus retinet fors cauda venenum.*

**C**Ancrum, quem tibi depictum hic damus, coloris est viridis dilutioris, scuto levissimo supra dorsum & orbiculari, caudam prælongam fert, atque in fine, spiculi instar, acutam, quasi quem imprudentem pescatorem læserit, ei non minorem, quam Scorpius dolorem infert. Caro ejus non tam delicata est, quam reliquorum Cancrorum, qui varii, & in magno sunt numero.

Astacos quoque fluviatiles simul, & marinos habemus, saporis optimi: sed quod mirere, plenilunio hic omnia Ostracodera sunt inania, decrescente vero Luna, implentur contrario modo, quam quo in Patria.

Ostrea quoque familiaria duorum generum; alterum quod in rupibus affigitur, quod & delicatius est; aliud vero, quod in virgulis pendens capit, refluxente nimis mari, sylvas, & fruticeta nuda relinquent. Sed hæc Ostrea ego, non probem, quod littora & fundus sint limosa. Præterea foedi sunt saporis,

## C A N C R I.



saporis, limum, & fundum, referunt, quo etiam vescuntur: Sed quamvis figura, hæc Ostrea inter se non differant, tamen ego gustu facilime differentiam distinxerim, ita ut de nobis hinc non insulse aliquis dicat, quod Iuvenalis, Satyricorum Princeps, Satyra quarta ait de Montano. Qui

— *Circeis nata forent, an  
Lucrinum ad saxum, Rutupinove edita fundo,  
Ostrea callebat primo deprendere morsu:  
Et semel aspecti littus dicebat Echini.*

De Conchis, Turbinibus, & cæteris Ostracodermis aliquid libens dixerim, nisi illæ per myriades, apud curiosos phanaticos in patria conspicerentur.


## C A P V T X X X I I.

Ourang Outang sive *Homo silvestris*.

*Hircipedes Satyros, Sphingas, Faunosque petulcos,  
Nec pueri credunt: tamen hoc mirabile Monstrum  
Humana specta facie, tum moribus illi  
Assimile in gemitu, tum fletibus ora rigando.*

**P**linius, ille Naturæ Genius, lib. 7, cap. 2, de Satyris dixit: Sunt & Satyri, subsolani in Indiis locis & montibus perniciissimum animal; tum quadrupedes, tum & recte currentes humana specie & effigie, propter velocitatem non nisi senes aut ægri capiuntur.

## O V R A N G O V T A N G.



Ait quod majorem meretur admirationem, vidi ego aliquot utriusque sexus erecte  
mee.

incidentes, imprimis eam (cujus effigiem hic exhibeo) Satyram fœmellam tanta, verecundia ab ignotis sibi hominibus occulente, tum quoque faciem manibus (liceat ita dicere) tegentem, ubertimque lacrymantem, gemitus crientem, & cæteros humanos actus experimentem, ut nihil ei humani deesse dices præter loquela. Loqui vero eos easque posse, Iavani aiunt, sed non velle, ne ad labores cogerentur: ridicule me hercules. Nomen ei inductum *Ourang Outang*, quod hominem silvæ significat, eosque nasci affirmant è libidine mulierum Indarum, quæ se Simiis & Cercopithecis detestanda libidine miscent.

*Nec pueri credunt, nisi qui nondum erant lavantur.*

Porro in Insula Borneo, in Regno Succodana dicto, à nostris Mercatoribus propter Oryzam & Adamantes frequentato, homines montani caudati in interioribus Regni inveniuntur, quos multi è nostris in aula Regis Succodanæ viderunt. Cauda autem illis est prominentia quædam ossis Coccigos, ad quatuor, aut paulo amplius, digitos crescens, eodem modo, quo truncata cauda Canum, (quos nos *Spilogones* vocamus) sed depilis.

Simias denique, Cercopithecus, Bavianos plurimos Sylvæ Iavanorum alunt.

### C A P V T   X X X I I I & Ultimum.

#### *In quo Naturæ quædam opera miraculosa posteris Iatrosophis ulterius indiganda proponuntur.*

**O**stracoderma, ut Ostrea, Purpuræ, Turbines, & quæ sunt fragilioris testæ, Cancri, Paguri, Astaci, Locustæ, Squillæ denique, hic Novilunio plena sunt succo; eodem, Plenilunio, destituuntur.

Quidnam dicemus de Ætnæ cavernis & montibus ignivomis in Iava & Banda, quæ ingentes lapides, quos ne viginti quidem homines loco movere possent, aliquando ex imis fauibus eructantes, non secus ac tela, extra conspectum in aëra mittunt? Cujus nostri hic plures oculati testes exstant.

Sileat Bitumen & Asphaltum suum Lacus Palæstinus; cum & Sumatra Naphtham ferat, quæ in mediis fluctibus flamnam alat, quod cum maximo suo damno, nostris inspectantibus, Lusitani cuin duabus navibus, Galeonibus dictis, combusti sensere, cum prospero vento & æstu eam in mare effundentes accensam in hostium naves conarentur avertere.

In Iaponia arbor Palmæ figura crescit, quæ si à pluviis permaduerit, tanquam peste correpta statim exarescit, quam mox cum radicibus avulsam in locum apricum siccandam exponunt indigenæ, & tum in eandem scrobem injecta prius arena fervida, aut scoria ferri, replantant, & si qui rami exsiccati, vel avulsi sint vel decidere, eos clavis ferreis trunco affigunt, & sic pristino virori restituitur.

Potulent liquores ex arboribus ejusque fructibus depromuntur, non secus ac vinum, inebriantes. Hi potus ex diversis arboribus elicitæ *Zagueer* & *Towac* vocantur.

Quod autem in Iaponia narrabo fieri, miracula ipsa superat. In doloribus capitum antiquis, in obstructionibus Hepatis, & Lienis, in Pleuritide quoque, perterebrant stylo argenteo, aut è chalybe confecto, non multo crassiori, quam cythararum chordæ esse solent, transadigendo paulatim & lente prædicta viscera, ut altera parte stylus exeat, quod & in Iava fieri vidi.

Sed jam tacebo; si de Regis Macassarensis in Insula *Celebes* veneno, quo jacula sua parva per tubulos missilia inficit, dixero, quod tantæ perniciatis est, ut celerius mortem inferat, quam si ferro urgeretur: nam aliquis vel leviter læsus ad simplicem sanguinis missionem vel in extrema calce, statim nutabundus, tanquam ebrius, mortuus in terram concidit: sed & carnes intra dimidiæ horæ spatiū à septico hoc veneno, ita computrescent, ut tanquam mucus à subjectis ossibus manibus avelli queant: Et quod mirere magis, sit, ex. grat. aliquis in femore vel altius læsus superficialiter à telo alio veneno non intincto, & sanguis etiamnum calidus in subjectos pedes defluens tangatur simpliciter hisce venenatis sagittulis, oxyo Euro aura pestilens vulnus versus ascendet, eademque celeritate & modo hominem è vivis rapiet: Hæc non sunt

86 IACOBI BONTII HIST. NATVR. & MEDIC. LIB. V.  
nugæ: sed oculata experientia, non solum à Nostris, sed & Danis, & Anglis, usur-  
pata.

Sacerdotes Bandanes inediā facile, ex simplici voto, viginti & amplius dierum  
ferunt.

In Malacca, & Continentis quibusdam Indiæ locis, crescit herbula, quæ semen fert  
instar Hordei, sed nigrius & hirsutius; cuius succo si solummodo dentes imbuantur,  
silicem in pollinem redigere valent.

Semen quoque aliud parvum inibi nascitur, adeo efficax promovendo partui, ut, si  
diutius quam par est, ore contineatur, ipsum uterum præcipitet.


Nux Myristica, & Macis, in Insulis Bandæ tantum proveniunt, cæteris terris  
negata.

Lapis Pa-sahar, vulgo Bezoar, concrescit in Persia ex solo esu herbae, Colchici, vel  
Croci florem gerentis.

Quid Laccam elaborantes Formicas loquar, quarum operas si novisset Illyrius, non  
tantus in solis Apibus laudandis fuisset?

Adde, Moscum hic & in China fieri ex putrefactis carnibus bestiarum, Muuis Vor-  
tici forma, & odoratissimum Zibethum è vomica penes nates Vulpis Indicæ erui.

F I N I S   L I B R I   Q V I N T I.



I A C O.

I A C O B I B O N T I I

# HISTORIÆ

## NATURALIS & MEDICÆ

LIBER SEXTVS.

## De Plantis, &amp; Aromatibus.

C A P V T I.

*De Herba, seu Frutice, quem Chinenses The dicunt, unde potum suum ejusdem nominis conficiunt.*



E hoc frutice haec tenus eloqui erubui, cum Chinenses id tanquam arcanum sibi reservent, & si quis eos interroget, unde adferatur, & ubi nascatur, variant omnino, neque quicquam stabile adferent, nam modo dicent, herbam esse, modo fruticem; ita ut nil firmum inde concludere haec tenus valuerim, cum tandem generosus noster D. Generalis Iacobus Spex, eam disputationem, & scrupulum mihi partim ademit. Qui haud dubie fruticem esse pronunciavit, nam nobilissimus Dominus dum ante aliquot annos in Iaponia Legatus, & Gubernator esset ibi, saepissime crescentem conspicatus est. Viridia folia mihi nunquam hic videre contigit. Sed dum arefacta in aqua tepida dissolverem, inveni ea omnino similia esse foliis Consolidæ, sed incisa sunt in circumferentia, & dentata. Porro hanc herbulam cum aqua Chinæ decoquunt, & calidum decoctum dein sorbent, sanitatis conservandæ gratia, quod decoctum sapore est versus amarum vergenti, unde & saccharum ditiores induunt. Porro de hoc potu tantas laudes celebrant Chinæ, tanquam ista *The* sacra esset herba, & omnibus languoribus, morbisque accommodatum solarium. Et certe, ut verum, fatear, sanitati procul dubio conducere dicendum est, & pituitæ crassæ è pectori avellendæ non infima est medicina; siccitate namque præstat, & calore, quod amaritudo ejus satis indicat, Phthisicis, quoque hic potus prodest, & Orthopnoicis, tum vesicæ, & calculo renum accommodatum esse remedium extra controversiam est, cum sit summe diureticum. Cæterum non minoribus à Chinis laudibus effertur hic potus, quam Mahometanorum *Cave*, quod potus genus etiam apud ipsos fervidum sorbetur in eosdem, quos diximus usus. Haec tenus Bontius.

ANNOTATIO. Non absolum existimavi, si circa figuram differentias & qualitates nobilis hujus Asiaticæ plantæ, hic quædam notatu digna adduxero, ex relatu eorum qui per integros campos in China & Iaponia eam studiose coluerunt. Quo, cum haud multi penetrarunt Europæi, ut neque noster Bontius, & proinde viventis plantæ ejusque Iconis se compotes fieri nequissime conquesti sint, ego tandem defectum illum favore D. Caron, olim in Iaponia Praefecti meritissimi, supplici; ipso nobis inusitatam foliorum discrepaniam suppeditante, pictori quo ad magnitudinem & figuram, mihi quo ad vires & pretium. Quæ pleraque cum haec tenus neglecta, non mirum est, multos etiam nunc in illo errore versari, quasi diversæ speciei plantæ essent *The* & *Tsia*: cum è contra eadem sit, cuius decoctum Chinensibus *The*, Iaponensibus *Tsia* nomen audiat; licet horum *Tsia* ob majorem foliorum contritionem & coctionem, nigrum *The* appelletur. Vnde fit, ut Iaponensium *Tsia* gravioris utique sit saporis, majorisque efficaciæ, ac altioris quoque pretii.

Omnis itaque *The*, sive *Tsia*, nullibi terrarum, quantum quidem constat, nisi in Iaponiæ,



poniæ, Chinæ, & Chiam, campis colitur, exsurgitque ad Ribesiorum vel Rosæ Europææ molem & altitudinem. Caules & ramunculi totius fruticis à pede usque ad verticem, perpetuis & infinitis floribus & foliis tenuibus, acuminatis, in ambitu crenatis, ornate vesciuntur. Quæ ejusdem licet formæ, diversæ adeo sunt magnitudinis, ut quinque differentiæ foliorum uni eidemque frutici adnatæ appareant. Prima & maxima in inferioribus ramusculis, Balsami hortensis foliis simillima existunt. His succedunt ea, quæ secundæ magnitudinis & prioribus multo minora sunt, ut sic gradatim ascendentia quinquies manifeste differant. Verum quantum hæc folia sursum magnitudine decrescunt, tantum pretio accrescunt: quippe primæ magnitudinis exsiccatarum & præparatarum libra valet quinque asses; secundæ, quinquaginta; tertiaræ vero, quinque florenos; quartæ, quindecim: quintæ & ultimæ magnitudinis, quinquaginta, imo subinde centum & quinquaginta florenos valet, si rite præparata fuerit. Iaponenses folia hæc in pulverem (quo viridiorem eo præstantiorem) redacta, ferventis aquæ cyatho immiscent, quantum duobus cochlearibus continetur, eamque potionem ita permixtam potant. Sinæ vero in aquæ ferventis vasculum aliquot ejusmodi folia injiciunt, inde calida, posteaquam eorum vim imbibit, epotatur, ipsa vero folia relinquuntur.

Flores porro fert *Thea albantes*, magnitudine, figura, colore, Rosæ silvestri Europææ, quæ *Eglantier* vocatur, excepto odore, simillimos. Quorum foliolis decidentibus, umbilicus manet, ubi semen horum fruticum rotundum & nigrum continetur Rosarum instar, quod terræ commissum novas producit plantas triennii spatio, ex quorum

rum foliis messis luculenta illis annuatim reddit, etiam iis Iaponiæ locis, ubi gelu & nix  
vigent æque ac in Hollandia. Ita ut sperandum sit, si semen capsulis inclusum, & contra  
aëris injurias munitum, huc deferatur, ibidemque umbrosis & fertilioribus terræ locis  
commendetur, feliciter quoque educatum iri posse. Radices sunt fibrosæ, & in mini-  
mas particulas dispersæ circa terræ superficiem, nullius haec tenus usus habitæ. Ita ut  
sola hujus decantatæ fruticis præstantia in frondibus existat, quæ Vere Iaponensi lectæ,  
& in umbra exsiccatae, ad quotidianas decoctiones reservantur. Quas quidem potio-  
nes pretiosissimis culinaribus instrumentis ab ipsis Magnatibus, diversis modis reli-  
giose præparatas, intimis tantum amicis, veluti exquisitum quid noctes atque dies pro-  
pinant: Easque non frigidas, sed calidas tantum, prodeesse, ratum habent, more veterum,  
qui frigidam calidæ postponebant. Si vero quibusdam ob amaritudinem insuavior vi-  
deatur, tantillum sacchari addunt, eamque summa cum voluptate & levamine for-  
bent sani ad arcendum somnum; & imprimis ægri, quibus post largiora convivia caput  
& ventriculus oppletus fuit.

Sed, ne in alieno opere prolixior fiam, omittam ea, quæ de usu & deliciis hujus  
celeberrimæ potionis Autores probatæ fidei scripserunt, ut sunt Petrus Maffæus  
lib. v 1, Ejusd. lib. x 11, Ludovicus Almeida in eodem opere l. 4, sel. epist. Petrus  
Farricius soc. Ies. Tom. 11, Rer. Ind. Matthæus Ricius, de Expeditione Christiana  
apud Sinas. Aloisius Frois, in relatione Iaponica, & alii. Quorum omnium Com-  
pendium D. Tulpus nostræ Reipublicæ Medicæ Coryphæus, in calce observationum  
suarum succincte tradidit. Cum enim hic potus indies celebrior fiat, etiam apud  
Europæ Magnates, omnes fatentur uno ore ipsis bene esse ex ejus usu, unde fit ut ma-  
gna copia & magno pretio ipsa folia exsiccata & in capsulis plumbeis recondita, undi-  
quaque nunc distrahanter: Verum si earum potiones forte non æque feliciter in Eu-  
ropæ Regionibus evincant somnolentias consuetas; nec renum calculos, & catar-  
rhos, aliaque sanitatis incommoda æque efficaciter arceant, sicut illi in natali solo  
expertum habeant; tamen ille defectus non adeo ipsi herbæ, vel Asiaticorum super-  
stitioni, quam nostro præparandi & utendi modo, ut & corporum nostrorum dispo-  
sitioni, aliisque impedimentis, imputari posse, facile est dijudicare. Collatis itaque  
allegatorum autorum scriptis, & noviciorum quorundam vivo relatu, omnes inter se  
convenire videntur potius circa usum, dignitatem, & effectus hujus potionis, quam  
circa vires & qualitates. Nam quantum ad saporem foliorum *The*, præter amaritudi-  
nem, & calorem, aromaticum quid, & tenuitatem partium potius prædominantem,  
quam astrictionem, videntur arguere. Accedit, quod infiniti mecum experti sint,  
ex reiterata hac potione serum sanguinis levesque sudores moveri, urinasque simul  
copiose protrudi. Vnde ego crediderim, illud quod affert impedimentum vaporibus,  
somnum ordinarium inducentibus, non adeo astringendo stomachum, quam discutien-  
do flatus, attenuando spiritus, exsiccando & corroborando cerebrum, præstare; imo  
dolores universales mitigare, ut inter anodyna primatum obtinere possit. Accedit  
quod omnes evidentes operationes, quas in humano corpore exerit, meæ opinioni  
faveant, cum non solum teste nostro Bontio, sed & omni Sinensium, Iaponem siumque  
experientia, summe diuretica, & siccans crassæque pituitæ abstergendæ dicata habeau-  
tur. Imo quidni præter has enarratas manifestas qualitates, etiam antinarcoticæ sive  
antiopiales (si ita loqui liceat) proprietates illi attribui possent; scilicet ut *The* discu-  
tiendo, & separando vapores, atque exacuando spiritus, serenitatem quandam menti  
& corpori conciliet, blande vigilias inducat, vinculumque illud vaporum familiare  
paulatim dissolvat æque commode, quam Opium coagulando, obtundendo, figen-  
do, somnum inducere creditur.

Porro lis hæret inter Autores, an planta tam nobilis ejusque usus fuerit antiquissi-  
mus, quia in vetustis Sinarum voluminibus nullus ad eam significandam hieroglyphicus  
character (quales sunt illorum litteræ) reperitur. Nostratum aliqui Præfeti in Indiis  
probabilitatem indigenatus territorii Chinensis & à multis ævis agrestem & incultam  
fuisse mihi testati sunt: Sed ejus culturam, vires eximias, præparandi modos, dignita-  
tes, quæ quotidie adhuc incrementum sumunt, apud illos minus obsoletas esse.

Quod si ita sit, non male quadrat cum iis, quæ de Tabaco & Cannæ saccharifera per-  
hibentur: quarum illa olim in natali solo Indiæ Occidentalis solummodo herba vul-  
neraria fuit habita: Hæc vero instar Iridis circa ripas vaga fuit & contemta, antequam

dulcedo ejus à Barbaris detecta, tandemque per manus tradita, atque cum labore ex-  
ulta, toti Orbì cuperit esse oblectamento.

## C A P V T I I.

*De Nuce Faufel seu Pynang Malaiis dicto, de Sirii,  
& Sirii-boa, & illorum usu.*

*Quis foliis credat commixta calce tenellis,  
Cum fructu hoc Indos vesci, unde ore cruento,  
Purpureum ejiciunt succum, tum dentibus atris  
Horrendum arringunt, & dentibus ore minantur?*

**R**es istæ, de quibus jam acturi sumus, adeo familiari sunt in usu apud omnes In-  
diæ populos, ut videamus operam velle perdere, si latius de iis agamus, tum  
quia Ianus Linscotanus expertissimus rerum Indicarum scriptor, de iis satis co-  
piose egit, quem Autorem (ut hoc obiter dicam) immerito multi fluxæ fidei incusant,

N V X F A V T E L, & B E F E L E.




cum certe in iis, quæ ipse visu percepit, optima fide egerit. Cæterum de meo hic illud  
addam, quod vel reliqui scriptores omisere, vel non satis luculente descripsere. Folia,  
igitur ista, quæ Malaii Sirii vocant, Iavani Betele, ubi masticantur sine admixta calce,  
amara sunt, & linguam pungentia, inde addito fructu hoc Pynang dicto Iavanis, Arabi-  
bus,

bus, *Faufel*, cum calce è testis ostreorum usta masticant Incolæ. Hoc *Sirii Pynang* formam refert glandis quercinæ, quamvis quadruplo sit major, antequam ad medullam, quæ in medio est, venias, vestitur multis filamentis, iisque tam lentis ut admasticando confringere possis. Hanc nucem quadripartiuntur incolæ, si grandiuscula sit, sin minus, dispartiuntur, & singulas partes, singulis foliis involvunt *Betele*, vel *Sirii* dictis. Folia autem hæc è Convolvulorum sunt genere, nisi quod crassiora sint paulo, tum ista folia pauca calce, ut supra dixi, admixta, ore terunt, & priorem quidem succum exspuunt, ne calx sua acrimonia, gingivas, palatum, & guttur lœdat, reliquum succum deglutiunt, qui sanguinis & minii instar rubicundus fit ab admixta calce, nam sine ea viridis est succus, unde etiam eo colore dentes inficit, & nimium sumptus atro colore imbuit, quo Indi adeo gloriantur, quam nostrates puellæ dentium candore.

**B**etele hoc porro Phaseolorum & Piperas modo appositos bacillos scandit; Et fructum fert Piperi albo, & oblongo similem, seu mavis, caudam Gliris referentem, quem Incolæ *Sirii-boa* vocant, estqie propter raritatem in longe majori existimatione, quam ipsum folium *Betele*. Nunc si quis sententiam me de harum rerum usu roget, dicam libere quod sentio, id est, me masticationem hanclonge præferre sumigio Nicotianæ, seu Tabaci; attamen si quis sine modo (quod sæpe fit) his utatur, corrodunt dentes, inimo eos excidere faciunt; novi ego, hic Iuvenes, qui vigesimum quintum annum nondum excessere, tamen plane edentuli erant, ab usu hujus folii frequentiori. Ideo quoque videre est plerosque Iavanos, ut Malaios, rariores habere dentium ordines, in quorum vacuos loculos, ditiores, aureos rursus includunt, quibus etiam non modice superbiunt. Præterea, si Nux *Pynang* non satis maturuerit, tum masticata vertiginem cerebro subitam inducit, non secus ac si sumpto vino quis ebrietatem contraxerit, quæ alteratio quamvis sumpto paucos sale, & haustu aquæ gelidæ evanescat, tamen non omnino physicarum rerum ignaris suspecta merito esse debet, quid id sit, quod in nobilissimam corporis partem, qualis est cerebrum, & mentem hominis ipsam, tam subitam mutationem inducat. Notumque fiet indaganti causas rerum, masticationem hanc universo nervoso generi non admodum esse amicam, & salubrem. Itaque ego pronuncio; si quis hoc medicamentum ad commendationem halitus oris, & dentifricium moderate sumere velit, me lubente, nec male fecerit. Atque hic cum Horatio concludo, quod,

*Sit modus in rebus, sint certi denique fines,  
Quos ultra, citraque nequit consistere rectum.*

## B E T E L E.




## C A P V T I I I.

*Arbor Spinosæ, unde Cate seu Lycium exprimitur.*

*En Lycii stirpem, cuius jam Plinius olim  
Tam bene laudavit succum, sed notior ille est  
Hisce locis hodie, lacrymæque Papaveris ipsum  
Æquiparant Indi, biliosaque tormina ventris  
Tollit, & austero constringit robore dentes,  
Quos nimis erofit creberrimus usus Areccæ,  
Quam Calci mixtam Iava conterit ore cruento.*

**A**rbor hæc quam describimus, creberrimis, in trunko, & ramis, spinis est obsitus, foliis fere Sabinæ, vel arboris, quam vocant Vitæ; sed non tam pinguibus, & crassis. Cæterum Fabas rotundas fert punicei coloris, in quibus tres, aut ad summum quatuor, nuces clausæ latent, tanta duricie, ut dentibus frangi nequeant, hisce

## A R B O R S P I N O S A.



pueri apud nos loco sphæricarum lateritiarum in lusu suo utuntur. Vsum porro ejus in medicina duplicem vobis monstrabo; primo, ex sapore foliorum astringente, & stiptico, siccum esse contendeo, ideoque ejus succo è foliis expresso, ubi alia medicamenta desint, in ulceribus audacter utinon dubitavi: sed in tanta reliquarum plantarum copia, vilissima seu potius notissima contemnuntur, ut alibi de Graminis hic nascen-  
tis speciebus diximus. Secundo, longe nobilior & antiquior radicum, corticum & foliorum usus, quem mox docebo.

Vt hoc quoque obiter dicam, plurimos etiam præter hanc habemus spinosos frutices

frutices non tantum: sed ingentes, & vastas arbores, quæ spinas in ramis & truncō ferunt dodrantales, inter quas arbor ea est, quæ Fabas rubras fert edules, Turdis jucundum pabulum, ut alibi videbimus. Tum hic Carduus & spinis surgit Paliurus acutis, & si quis in sylvis à via aberraverit, quod sæpe iis accidit, qui cum sclopeticis eo occidentorum Cervorum, Aprorum, & Vaccarum sylvestrium, gratia abeunt, illi sine laceris vestimentis in viam non redibunt, &, quod pejus est, ferocissima sæpe Tigris inter hæc senticeta cum multorum exitio latet.

Sed, missa digressione, revertamur ad arborem, quam vobis ob oculos pono, è cujus radice non solum; sed ex cortice, & foliis, multoties præstantissimum excoxi Lycium. Cujus vires in Medicina si enumerare velim, prius me dies deficiat. Hoc unicum addo, Malaios, & præcipue Chinenses, si quando *Areccam* & *Betele* masticant, parum Lycii ipsi *Cate* dicti admiscentes ad præservationem non solum; sed & corroborationem dentium & gingivarum, quæ alias ab admixta calce infirmiores redduntur, & temporis tractu dentes exesi ante tempus senii decidunt.


Garcias ab Orta l. primo. cap. decimo. *Cate* seu Lycii fecit mentionem: verum in ejus descriptione parcus est. Arbor unde succus Lycii exprimitur, Rhamni species, folia Erucæ fert aut Sabinæ potius. Quod & Plinius confirmat l. 24. c. 14: Alterum genus (de secunda Rhamni specie loquitur) nigrius est, & quadantenus rubens, est & silvestre. Fert veluti folliculos (semen, credo, intelligit). Hujus radice in aqua decocta, fit Lycium vocatum medicamentum. Semen secundas trahit: Alter ille candior astringit magis, collectionibus & vulneribus accommodatior, &c. Et paulo post. Lycium præstantissimum è Spina fieri tradunt, qualis in Indicis arboribus, quoniam longe optimum est Indicum.

## C A P V T I V.

*De Tamarindis, & Carandis.*

**T**AMARINDORUM arbor denso est satis ligno, & in altitudinem Cerasi plerumque assurgit; folia fert minuta instar Ciceris Arietini, egregie viridia, ita ut jucundum prospectum intuentibus præbeant; Cæterum Ciceris, & Viciarum foliis in Zealandia, quibus tam avide armenta vescuntur, perquam sunt similia, gustu Oxalidis acido, unde incolis, & propter astringentem qualitatem, in Cholera & Dysenteria sunt familiaria. Fructus Fabarum species sunt, paulum incurve nascentes, pulpa intus contenta, phœnicio est colore, nam quod atra apud nos visitur, longo tempore tractu contraxit. Hic color iu Castaneis perspicuus est; tum Pisa ipsius faxeæ fere sunt duritie, ac Pisa Lupinorum referunt; sed colore sunt atro. De minoratibus eorum virtibus, quia toti Orbi innotuit, hic volens taceo: Hoc tantum silentio non prætereundum censeo, ut nos potum nostrum quotidianum cum Saccharo & Tamarindis conficiamus hoc modo: Vasculum bene vineulis ferreis vinculum, circiter triginta amphoris aqua fluvialiter repletur, quibus induntur Sacchari nigri Iavanii lb ij. Tamarindorum 3 ij, Limonum recentium incisorum, N°. ij. Hæc bene obturata ponantur in loco umbroso per viginti & quatuor horas. Mirandum est, ut hæc invicem fermententur, & sine igne cum strepitu ebulliant, non secus ac lebetes cerevisiarii isti in Patria, supposito copioso igne, effervescent; ad superiorem vasculi partem sordes & fæces suas amandans: Et hæc Iavanis, & nostratibus cerevisiæ loco est: sapore delicato, nec ullo modo cedente Hollandicæ cerevisiæ, tum salubrior longe in his calidissimis locis potantibus est. Et certe si mihi utriusque optio detur, ego me hoc Iulapio contentum esse profiterer; nam experientia didici, cum naves è Patria Martiam Cerevisiam longe optimam huc advehunt, tum Angli quoque defæcatum suum potum Cercalem, delicioribus ventriculis minus esse commodum, & sæpe nisi quis sibi temperet, insignes cruditates in visceribus progignere. De cæteris potulentis rebus abunde egimus in Diæta Indica nostra, ad quam curiosum remittimus.

Præter hanc Tamarindorum jami descriptam speciem, crescit & alia fructu longe à præcedente diverso, quam Garcias ab Orta cap. 6. lib. 11, sub nomine *Carandas* describit. *Carandje* autem Malaiis vocatur, folia quidem hujus arboris cum Tamarindi arboris foliis plane convenient, sicut ex ramusculo hoc appiæ juxta arborem



borem vulgarium Tamarindorum videre licet. Fructus maturi nucleis tanquam nucēs inclusi, singuli singulis, secus ac Tamarindis, quæ ut Fabæ, plura Semina, & Pisæ profert. Colore hic fructus est aperto, nucleo aureo, quem *Orange* nostrates vocant, & caro ejus exterior gratissimi est saporis, neque dentes tam acidos reddit, quam Tamarindorum pulpa: sed de dulci sapore participat. Certe utramque hanc descriptam Tamarindorum speciem Iavani *Offem Java* vocant, quasi acorem Iavæ dicas. Et similibus quoque facultatibus præditæ sunt, nisi quod *Carandas* non participant de potestate laxativa.

#### C A P V T V.

#### *De Arbore Mangifera.*

*Manga Salutiferis sic crescit prædita succis,  
Atque intus flavas ostendit limpida carnes  
Castaneasque Nuces referunt tostæ igne saporem,  
Quæ fructus media fixæ conduntur in alvo.*

**C**ristophorus à Costa hanc Arborei, pag. 293, bene describit, ad quem nos lectorem remittentes, hoc tantum, quod cæteri omisere, dicemus. Crevit non secus, ac Quercus in nostra Patria, hinc inde incurvis, & ingentibus ramis se extendentibus, flos flavus est, & in fasciculos congestus, qualis ferme est Ligustri,

## ARBOR MANGIFERA.



gustri, sed in multo longius spatium se extendit. Fructus immaturi acidi plane sunt, ut nisi cocti dentibus non sint ferendi, quapropter nucleum excidentes, quem præmagnum in meditullio gerunt, ex ea pultem coquimus, quæ, Saccharo aspersa, omnino saporem refert istius condimenti, quod apud nos coquitur, ex uvis crispis acerbis immaturisque, si ova ei misceantur; & certe gustus acrioris esse deberet, si quis differentiam saporis cognoscere vellet, hoc modo præparati ventriçulo roborando efficaces sunt, & refrigerando sanguinis in Iecore, venis, & arteriis, inserviunt: maturi vero ubi devenerint, non solum viridem suum colorem, in flavum mutant: verum, & qualitatem suam frigidam amittunt: tum & saporem astringentem in dulciorem commutant, & calidi humidique deveniunt, bili gignendæ accommodati, ut eodem fol. apud Christoph. à Costa, paragr. 5. dicitur.

Itaque, si maturis Mangis, se aliquis sine modo ingurgitet, facile in Dysenteriam, & Choleram incidit, qui duo affectus non secus, ac dira pestis in Europa, homines hic jugulat. Sed quoniam de his affectibus, & cura eorum abunde in Method. mea mendendi Indica egi, de iis supersedeo dicere.

**A N N O T A T I O.** Videntur diversæ species Mangarum apud Autorem nostrum fuisse cognitas, figura non solum, sed imprimis gustu & dignitate, inter se discrepantes. Nam alibi mentionem facit deterioris cuiusdam *Mangæ*, quæ saporem refert Pastinacam illam sativam, quam nostrates **Geele-peen** vocant.

Alibi vero commemorat *Mangæ* speciem fortis odoris, Terebinthinam scilicet, & Piceæ arboris lacrymam, redolentes; quas propterea nostri **Stinkers** appellant. Saporem, fateor, non sunt tam grato quam præcedentes *Mangæ*; verum sudorifica & diuretica sunt admodum qualitate; ideoque eos merito inter alimentosa medicamenta recensem. Quin & gummi ipse, fructus, & arbor, Laricis instar, ex se destillat,

lat, quod glutinosum non minus est, & odoratum æque quam Terebinthina prædicta.  
In nulla arbore felicius excrescit Polypodium, quodque præstantius habeatur in me-  
dicina, quam in prædicta Mangifera, dein in Quercu Indica Kiatidicta, de qua ex pro-  
fesso dictum est.


## C A P V T V I.

*Arbor Melonifera, Papayo vulgo dicta.*

*Arboribus quisnam credat crevisse Melones,  
Qui non Hesperias viderit hæc plagas?  
Carne quidem similes intus, similique sapore:  
Sed calor in nigro semine nempe latet.  
Quisquis at è patriis Indas adveneris oras,  
Fructibus his nimium vescier usque carne:  
Ne te præcipitent ad certam tormina mortem.  
Ventrīs, & ex alvo sanguinolenta bilis.*

**A**rboris in justam magnitudinem excrescit sive hæc planta, sive frutex, sive deni-  
que arbor dicenda sit: nam trunco tam molli est, ut unico ictu machæræ, quam-  
vis sæpe femori humano crassitie respondcat, transversim dissecare quis possit.

## A R B O R M E L O N I F E R A.



Fructus non è ramis pendulus est, ve-  
rum è trunco prodit, magnitudine fe-  
re est parvi Melonis, quem externo  
cortice dissectus flava carne, & simili  
ferme sapore refert. Semina vero pla-  
ne sapiunt Nasturtium seu Erucam.  
Iuxta arbores has sæpe latent parvi  
Serpentes *Cobre de Capello* Lusitanis di-  
cti, digitum crassi, cubitum longi, cu-  
te in tergo nigra, sub ventre lurida,  
irati buccam, ut Ranæ coaxantes, in-  
flant, & lethale venenum inferunt.

**A N N O T A T I O.** Arbor, quam  
Autor hic leviter descripsit, Indiis  
Occidentalibus quoque est familiaris;  
ita ut de jure ejus indigenatus adhuc

lis hæreat, quia quantum ex autoribus colligo, plantatur, non sponte provenit. Miror  
Bontium cum Clusii, & Dodonei *Papayo* non contulisse. Ego hujus arboris maris & fœ-  
minæ Icones exhibui & descriptiones in opere meo paulo fusius, quam autor hic no-  
ster, prosequutus sum F. 159. lib. 4. sub nomine *Pino-guaçu*.

C A-

## C A P V T V I I .

*De Arbore Conifera Macandou.*

**A**RBOR hæc profert folia admodum lata, crassa, colore pulchre viridi, quæ non absimilia sunt floribus Ari, quem Pedem Vituli botanici vocant: flores fert albos, oblongos, instar Periclymeni, queis decidentibus ordinatim succedit fructus *Macandou* Iavanis dictus, hic depictus, nucem Pineam plane referens, nisi, quod

## ARBOR CONIFERA MACANDOU.



tam acute in conum non desinat, neque tam lapidea est duritie; sed mollis plane, immaturus viret, matus flavo est colore: porro muccilinosus est fructus, sapore fauto, aut insipido potius. Malaii sub cineribus assatum comedunt, ad Dysenterias, & Choleræ orgasmum sistendum, tum pectoris vitiis, Asthamati, Phthisi, Pleuritidi conducere aiunt, propter vim emplasticam, quæ in ipsius muccagine est: Ego certe eo nomine arborem hanc Consolidam Indicam arboream nominare non dubitem, utpote qui primus eam descripsicerim: & quare mihi non idem jus sit, quod veteribus, qui vegetativa, ab effectu, sapore, colore, & primis qualitatibus saepe nomen indidere? Praesertim cum in Nosocomio vim hujus fructus consolidantem, in Hæmoptysi, seu sputo sanguinis, non semel cum successu expertus sim. Folia quoque sarcotica sunt, & in vulneribus, & ulceribus, carnem egregie generant, & cutem cicatrice obducunt. In quam rem sal ex foliis quoque arte Chymica elicere licet, quod præter consolidativam qualitatem, etiam, quamvis inveterata, & cacoëthia ulcera, munda reddit.

## C A P V T V I I I.

## De Malis Cydoniis in India.

*Credo aliquem è Creta vexisse Cydonia Sylvis  
Mala hæc, Hesperios & conseruisse per agros;  
Carne flava, & multo circumlita semina mucco  
Ostendunt, duro sed prædita cortice cernor.*

**A**rbor, quæ depictum hic fructum fert, alta est, & patulis ramis, foliis arboris Limoniferæ, sed gracilioribus, & friabilibus admodum. Fructus Citreis Malis non sunt absimiles; ubi nondum maturuerint, viridem; maturi corticem flavum ostendunt. Durus est cortex, itaque cum frangere, cultro vero dissecare non licet; carne

intus sunt flava, &, Cydoniorum instar, densa, in medio semina continentur; non secus ac in Cydoniis, glutinosa materia, sed copiosiore circumlita, unde & Cydoniorum nomen iis indidi. Porro hæc muccilago etiam omnibus oris effervescentiis & gutturis inservit, tum Aphthis medetur: cum autem hæc Mala adhuc viridia sunt, nescio quid virosi, & ingratis naribus odoris, expirant; verum matura, Violas istas murales odore referunt, quas *Keiri* Arabes vocant. Substantia seu caro ejus, assata, indubitate est remedium adversus Dysenterias, tum Choleræ immanem orgasmum. In Syl-



vis passim hæc Arbor crescit. Vnde Mauri fructus hos cum summa cura auferunt, & venales in civitatem ferunt, aut sibi ad prædicta mala reservant: Nam, virides fructus durabiles sunt admodum. Cæterum à muccilagine, quam intus gerunt, Nostrates ea apposite *Silm-appelen* vocavere.

## C A P V T I X.

*De Vtraque Nimbo seu Lauro Indica.*


*Nimbo vocor Lavis, sum nobilis Indica Laurus,  
Quæ morbos uteri pellere rite solet:  
Iudice me si prima datur sua palma Ligistro,  
Tunc ego ab hac facile sceptræ secunda fero.*

**C**onstat mihi ferme, Garciam ab Orta hanc arborem, seu potius fruticem, oculis non usurasse, tum quod tribus verbis de ea scripsit, cum non debuisset nobilissima hæc folia ignorasse, quibus nil magis apud Indos in usu est medico: nam, præterquam quod in lotionibus, fomentis, infussionibus, Indæ mulieres, ad morbos gy-

## N I M B O I.



næceos his foliis utantur, nil tam juvare dicunt adversus Colicos dolores, longas Diarrhœas, Hydropeni, & ad perniciosissimam viscerum, præsertim mesenterii, obstructionem. Foliis quoque non est in ambitu serratis, cæterum foliis Lauri non absimilibus: sed crassioribus longe, ut potius ea Rhododendri foliis assimilem. Nervos folia habent instar Plantaginis ferme, sed non tam crebros, colore è nigro purpurascente; totus frutex obscure viridis est.



**C**Rescit & altera *Nimbo* species, quam aversa pagina cum flore hic apposui, primam florere non vidi, cum tamen in horto meo eam curiose alam. Flos subpallidus est, non plane albus, ut Garcias affirmat. Vulneraria quoque ei inest vis, & succus è viridibus foliis expressus, utilissimus est ulceribus antiquis mundificandis.

Qualitate ex amaro subastrigente calidam, sed magis siccantem esse verisimile est: porro Indi veneno, vel intus sumpto, vel telis inflicto, mederit testantur, & apud illos in frequenti est usū, si in bellis vel hastis, vel *Criſſis* (id est Sicarum genus) vulnerati sint: nam Iavani vel succis ex herbis venenosis, vel sanguine Salamandræ Indicæ, quam alibi sub nomine *Gecco* descripsimus, tela sua tingunt, ideoque ea semper atris maculis infecta conspiuntur: nam hæ nationes adversus hostes suos adeo crudeles sunt, ut vel cum vitæ periculo vindictam acerrimam exerceant, quod ipse coram vidi, dum in bello in eruptione aliqua nostrorum miles quidam Iavanum transfixisset gladio, ipse contra nitens arrepto capulo ensis, sica sua hominem trucidavit, & ipse mille vulneribus à reliquis militibus confossus, stridens dentibus, cecidit; vitæ non vindictæ exterratus.

*Vitaque cum gemitu fugit indignata sub umbras.*

C A P V T X.

*Arbor Cassiam ferens.*

**A**RBOR quæ Cassiam solutivam fert, seu mavis fabaceam, magnitudinem æquat Pruni, foliisque est Mali Persicæ foliis, sed tenuioribus paulo, flores, Genistæ floribus adsimilantur, iisque decidentibus succedunt siliquæ, primum viridis coloris,

## ARBOR CASSIAM SOLVTIVAM FERENS.



coloris, dein in magnitudine accrescentes, ad maturitatem pervenientes, nigrum colorem, & majorem duritiem induunt, quales in Europaeis pharmacopoliis visuntur. In silvis Iavæ crescit copiose, quas inde Chinenses Incolæ, Malaii, & Guſaratæ affrunt, sed propter nuperima duo bella cum Iavanis Matara nensibus longo temporis tractu huc in urbem venalis non allata est Cassia: sed jam respirantibus nobis à bellis, & metu Iavanis incusso, rursus in satis magna quantitate adfertur. Flores (quod pene omiseram) aromatici sunt odoris, proxime Caryophyllorum flores referentes. Ut notas qualitates hujus Fabæ prædicem, non est mei instituti, utpote qui aliquid insoliti, & patriis auribus inauditi, latius explicare desiderem: sed ne videar nobilissimam arborem, quam ſæpe viſu usurpavi, præteriſſe, hæc pauca de ea commentatus sum.

Neque hoc silentio præterire possum, ad vitia Renuum, & Vesicæ, ad Gonorrhœas denique Venereas, nullum efficacius in his locis remedium inveniri, quam pulpani ex Faba hac extractam, & cum Therebinthina Veneta mixtam ad 3. ij ſ pondus, vel ejus defectu, Gummi Benjouin, quod nescio an Plautus Resinam Ægyptiam vocaverit, dum conquerenti servo, ſe heri cauſa rupiſſe currendo ramices, ipſe herus respondet, *Resinam Ægyptiam ex melle vorato, & ſalvum feceris.* Hoc faltem ſcio, Gummi Benjouin in Ceromatis utiliſſime miſceri ad omnis generis Hernias. Ut definam, merito hæc Cassia inter laxativa principem locum habet in morbis, qui febre carent; nam eam in Dysenteriis, Choleris, cæterisque affectibus, qui ut fere ſemper Febrem ſympomaticam continuam ſecum ferunt, non facile ausim exhibere, cum periculum ſit ne in bilem convertatur; & ſic cauſam horum affectuum adaugeat.

Porro paragr. 9, f. 119, Garciae ab Orta ridicula refertur quorundam opinio, nempe boves hic assiduo alvi fluxu laborare ex pastu foliorum arboris Cassiae, &c.

Causa autem vera hujus fluoris, mea quidem opinione, est, quod regiones sub vel circa Aequatorem sitae, aërem sortiantur calidum & humidum, ut alias latius explicavimus, qui visceribus, ventriculo, lieni & intestinis putredinem inurit, fluxusque intestinorum & hepatis inducit.

## C A P V T X I.

*De Fructibus Carambolas dictis.*

*Oxalidos gustu gratum præbemus acorem  
Fructibus, atque iisdem ventris profluvia sisto.*

**G**arcias ab Orta hunc fructum descriptum libro 2, cap. 15, sed, me Iudice, valde perfunctorie, cum tamen inter saluberrimos Indiæ fructus merito numerari debeant. Folia Pruni foliis adsimilantur, quæ ut folia in Populo subtus albescunt, flores fert ut flores Genistæ: sed colore è pallido sunt puniceo. Quibus succe-

## F R U C T Y S C A R A M B O L A S.



dunt siliquæ oblongæ, in quatuor partes interstitiis distinctæ, qualia interstitia videre est in Corona imperiali Clusii, quæ semen ejus continent; immaturus hic fructus subacidus est, & astringens; matus vinosus est. Muria quoque conditur & aceto, ut plurimi alii fructus Indici cum Allio, Porro, Cæpis, Zinzibere viridi, & racemis Piperis, & tum ponuntur inter ea fercula, quæ bellariis orexin excitant. Præterea Syrupus è viridi ejus succo confectus, Dysenteriæ, Choleræ, Spasmo, Febribus ardentes, & reliquis morbis biliosis, utilissimus est, Saccharo quoque in cunctem finem à Chinensi-

Chinensis conditur. Ad oris Aphthas præterea mixtus hic Syrupus in collutionibus, cum paucō mellis rosacei adhibetur, tum in gargarismatis adversus incipientem Anginam. Facile propter vim repercussivam sumimum locum obtinet.


C A P V T X I I.

*De Corni cuiusdam scu Sorbi specie.*

• *Sæva Dysenterie que torquent tormenta ventrem,  
Quæis tot lethæas animæ ducuntur ad umbras.  
His simul & Choleræ bene subvenit Indica Cornus:  
At multos ægros è fauibus eripit Orci.*

**C**rescit hic in Java ampla & vasta quædam arbor, in altitudinem Batavicæ Quercus facile assurgens, foliis oblongis, crassis, & egregie virentibus, sapore acido (ut Oxalidis est) & astringenti: flores sunt parvi, fasciculatim crescentes, ferme ut flores Sambucini, quibus fructus succedunt rotundi, & etiam ut uvæ inter se

S O R B I S P E C I E S.



cohærentes, sed rariore intervallo à se distantes. Primum hi fructus virides apparent: mox mænescentes paululum flavi deveniunt, plane maturi ex nigro purpurei sunt, sapore astringenti, quod indubitatum signum est, esse frigidioris naturæ, & qualitatis: lapillos intus habens, quales reperiuntur in Sorbis, & Corni arboris fructibus, & in eorum genere arborem hanc pono, quæ præter dictum in fructibus saporem, etiam truncum nodosum ostendit. Succus ex floribus expressus, colore plane refert Mori succum, ac certe eodem modo tingit purpureo colore: Ex hoc succo nos hinc conficiimus syrupum saluberrimum ad Dysenterias & Choleras refrænandas: Quæ duæ

morborum species præsertim posterior, æque metuuntur, quam Pestis in Europa: & in hisce locis (proh dolor!) nimis familiares sunt. Præterea conductit Syrupus in ardentibus & continuis febribus: has atque alias non minus utiles operationes nos quotidiana experientia in Nosocomio Batavico, ubi vix unquam tales affectus desunt, veras esse deprehendimus. In hepatis potro calidioribus affectibus præstantius remedium reperiri non puto: nam phlogosin, & sanguinis effervescentiam, egregie temperat. Habemus præterea Sorbos & Cornos, nostris omnino similes: sed quæ fructus nostratis majores fert, & colore purpureo plane. Conditi hi fructus solent aceto, & muria, atque in bellariis nobis olcarum vicem implent: Saccharo quoque macerati ad supradictos jam morbos idem juvamenti adferunt.

## C A P V T X I I I.

*De Fraxino Indica, ejusque fructu.*

**F**ructus hic arbor satis patula, & Fraxini similibus foliis, trunco quoque nodoso: fructus fert, quales ferme sunt Nuces Avellanæ, corticibus ablatis, cdules sane, & non mali saporis, sed paulum astringentis, unde frigidæ, & siccæ naturæ esse constat; ut & folia, quæ imposita vulneribus, & ulceribus, ea mundant sa-

## F R A X I N V S I N D I C A.



nan tque, tum cicatricem iis brevissimo temporis spatio superinducunt. Succus ejus Cochlearis mensura exhibitus, Lumbricos, Ascaridas, & Tineas necat, quibus propter Solis, & aëris humidam & calidam intemperiem, putredinis effectricem, homines, præsertim pueri, assiduo affliguntur.

Nec


Nec est quod miretur quis, Indos à compositis medicamentis abhorrire, cum adeo feliciter simplicibus herbis, affectibus contra naturam mederi contingat; ita ut merito imaginer mihi veterem medicinam similem fuisse, & compositiones istas medicamentorum à recentioribus Arabibus inventas esse: quo commodo ego dicere non ausim, ne hæreticus apud modernos audiam. Saltem hoc scio, veterem & antiquam esse regulam, Frustra fieri per plura, quod potest fieri per pauciora.

## C A P V T X I V.

*Arbor Lanigera seu Gossampinus Plinii.*

**D**E Lanigeris seu Gossampinis Plinio dictis, lib. 12, cap. 11, & lib. 12, cap. 10, quoniam plures ante me scripsierunt, ego tantum arboris ejus generis figuram vobis ob oculos pono, quæ nulli, quod sciam, hactenus descripta sit. Arbor hæc pulcro foliorum virore non solum oculos oblectat: sed & caule viridi, & in celsi-

A R E O R L A N I G E R A.



tudinem sæpe Malii Piceæ, rectis suis ramis expansis, transversim æquali ordine, & longitudine è trunco surgentibus erigitur. In quibus post flores rubros, oblongos tubulos fert, qui maturi Lanam, & semen nigrum Piperis instar producunt. Lana hæc propter brevitatem carminari non potest; neque inde linteæ texuntur; sed per totam Indiam expetitur,

petitur , quod fulciendis culcitrīs & pulvinaribus sit aptissima. Cavendum unice est, ne hæc Lanugo flammæ vel minimam scintillam excipiat : nam ignis huic materiæ tam tenaciter hærendo serpit, ut vix aqua restinguat.

## C A P V T X V.

*Planta Spinosæ incognita.*

**C**rescit hic quidam frutex non admodum alte à terra exsurgens, qui primum flores flavos fert instar Solani : quibus fructus succedunt copulati, qui immaturi virides sunt , maturi vero pulcre rubri, forma rotunda, fricati manibus adeo fœtidum odorem à se emittunt, ut Assam fœtidam, Sagapænum, & Castoreum longo in-

## P L A N T A S P I N O S A.



tervallo superent. Quapropter eos quoque Indæ mulieres hysteriarum naribus admovent. Edules porro esse negant, neque, quod sciām, ad alios usūs adhibentur; ita quod non suascrim, ut propter pulcrum colorem, iis aliquis temere vescatur ; nam forte in perniciem sese daret. Cum hic secundum Homerum crescent Pharmaca multa bona, multa mixta , plurima vero venenosa , & deleteriam vim obtinentia.


C A P V T. X V I.

*Quercus Indica Kiat Malaiis dicta.*

*Indica sum Quercus, foliis ego cresco ferculnis,  
Duritie insigni patrum sed Robur adæquo;  
Vndula quin etiam me permeat undique curva.*

**H**AEC arborem merito Quercum Indicam vocavi propter vastitudinem lateque patulos ramos non solum: sed & propter insignem ejus ligni duritiem & undulatam ejus afferum picturam, quæ duo in Quercu nostrati etiam reperiuntur, tum in ædificando maxime hoc lignum probatur, quod durabile sit, nec facile à tere-

Q U E R C U S I N D I C A.



dine secatur, neque tam opportunum Formicis quibusdam albis, quæ ligna exedunt paucissimo temporis spatio, ita ut ingentes trabes, quamvis externa facie integræ videantur, saepè intus ab his insectis exœctæ sint, non sine metu etiam magnarum ædium. Folia patula sunt & attactu aspera, ut nisi sine incisuris in ambitu essent, quis fculnea folia esse putaret: florem fert flavum instar Peponum floris, quibus succedit fructus, Nucem gallam sapore, magnitudine, & forma referens.

*De Sambuco Indica, de Ebuli speciebus, & de Vinea  
Thaminæ Plinii, de Bryonia, aliisque  
herbis purgantibus.*

**S**ambucus hic quidem crescit, sed non ea specie, & forma, qua in Patria, foliis enim non est in ambitum dentatis: sed æqualibus, floribus quidem non admodum differt, neque baccis: sed baccæ grandiores sunt, & rariores: odore porro, & effectibus Sambucus est, tum ramis, pulpam albam continentibus, ei plane respondet.

## S A M B U C V S.



Ebuli quoque speciem reperire est, tum Bryoniam, & Uvam Thaminam, quæ tria cum viribus inter se ferme convenient, ego ea de industria conjunxi. Valent siquidem, in morbis longis, & chronicis, quales sunt Cachexia, Hydrops, obstrunctiones lienis, mesenterii, quæ quidem medicamentis mediocribus, si non cedant, malo modo malus est quærendus cuneus, & sæpe in tali casu præstat tentare anceps remedium, quam nullum: sed id non tentandum, nisi ubi videris imbecillioribus rem nullo modo peragi posse, & viribus etiamnum integris, neque adeo collapsis, ut remediis validioribus resistere non valeant, quod judicio prudentis Medici relinquendum est. Ego hoc sincere affirmo, me extracto ex hisce plantis, & fruticibus, desperatos curasce. Quidni? cum & Esulæ extracto omnibus his longe valentiori, quotidie utamur cum successu, ut alibi dictum est.

Inmensas


Immensas præterea Convolvulorum species passim in silvis crescere vidi, inter quas Scammonea, & Esula, frequentiores. In montibus autem luxuriabat Colocynthis, & Cucumer Asininus, ex quo Elaterium optimum conficitur.

## C A P V T X X I I I.

*De Fructibus Lance, & Rampostm.*

**L**I duo fructus externa tantum facie & nominibus inter se discrepant. Nuclci albi intus conditi cum carne sua eundem saporem acidum & vinosum obtinent. Alter *Rampostan* vocatur, quod fructum crinitum denotat, quia filamentis quasi capillis, externe sit munitus: Alter fructus, *Lance* dictus, lœvis est & corti-

## L A N C E, &amp; R A M P O S T A N.



ce flavo, qui lœsus lacteum humorem emittit & acrem, qualem & in Tithymalis reperire est.

Cæterum arbores magnæ & vastæ sunt, foliis Laurinis, è quibus hi fructus racematum magna quantitate pendent, & pulcherrimo aspectu: facultates utriusque fructus inter se conveniunt, & apud omnes passim incolas celebratæ, quod ardoribus febribus restinguendis eximie conducant.

## C A P V T X X I V.

*De Myrobalanis in Java.*

*Nescio cur Medici vocent me Myrobalanum,  
Cum non sim Plinii Myrobalanus ego;  
Nec mihi tam grato fructus laudatur odore,  
Quam jecori vis inest styptica grata mihi.*

**R**amum, quem vobis ob oculos pono, ipse in sylvis ex arbore discidi. Hi sunt Myrobalani Emblici officinis dicti. Arbor, quæ hos fert, magnitudine est ferme Cerasi, pulchre virentibus foliis, quæ saporem Oxalidis, seu Acetosæ, habent. Fructus primum viridis est, dein matus flavescit, sapore acido, & summe est astrin-

K genti,




genti, qui & exsiccatis adhuc appetat: rugas quas in patria ipsos habere videmus, in arbore pendentes non habent, sed laves sunt, interstitiis tamen apparentibus, tanquam fibris: Non dubito, quin omnes Myrobalanorum species in Java crescant, quas Garcias ab Orta descripsit: sed dum ob metum latronum Bantamensium, & Tigridis ferociam, altius sylvas petere non audemus, vel montes ascendere (libenter enim in locis siccioribus crescunt) mihi eas virides videre haec tenus non contigit, sed præter ibi descriptas species, hic aliam crescere vidi, quæ Nucis Iuglandis facile est magnitudine; rotundus, & plane sphæricus est fructus ejus, lavis adeo, ut tanquam speculum, imaginem hominis reddat. Hos Myrobalanos Mauri saepe naviculis plenis ad mercatum deferunt & vili vendunt, ita ut paucis assibus tantum emere possis, quantum ad conditaram tibi toto anno sufficiat. Conditi autem valent adversus Dysenterias, Choleras, & cæteros è bile natos affectus. Condiuntur quoque muria, & aceto, cum Cucumeribus, Mangis, Pipere, Allio, & Zinziberis radicibus viridibus, ad orexin excitandam, Capparum, & Olearum vice; hoc conditæ genus Achár vocari antea diximus.

*De Langomas seu Paliuro Aegyptio Pr. Alpini.*

**G**arcias ab Orta lib. 2, hist. Plantarum Indicar. cap. 5, hos fructus *Langomas* vocari ait, ut & apud Malaios hic etiamnum vocantur. Quantum autem ad arborem, quæ eos fert, ea Prunis sylvestribus in Hollandia & foliis perquam similis

## I A N G O M A S .



est, unde & nostri *Langomas* *Javaensche Slcen/ en Prupinkens/* vocant. Astrin-  
gentis admodum sunt saporis: sed non injucundi: fructus maturi flavum colorem in-  
duunt: secus quam in patria, ubi *Pruna sylvestria* matura, è purpureo nigro sunt colore.  
Viribus inter se convenient: nam eodem modo, quo apud nos, succus horum mixtus cum  
aq. *Champaccæ*, & Rosarum, ardoribus gutturis, tonsillarum, & aphtharum denique,  
medetur. Ad Dysenterias, Choleras, & fluxus hepaticos, expertum, intro sumptus  
est remedium. Summa, *Acaciæ* succus nobis usum per omnia præbet.


Prosper Alpinus has *Langomas* in sua de plantis Aegyptiis hist. Paliurum vocavit,  
credo, quia rami Spinis sint obsiti.

Si quis porro *Acaciæ* arborem videre velit, adeat Pr. Alpinum, lib. cod. cap. 4, & sic  
nos compilandi aliena, opere levabit. Nam certum est mihi non scribere, nisi cuius  
ipse notitiam è visu, & experimentum ex usu, percepit. Porro arbores hæ passim &  
indiscriminatim per campos hinc inde visuntur; quod mihi fidem facit ejus, quod de  
hac scribit Garcias ab Orta, lib. 11, cap. v, aves quasdam hunc fructum comedent-

tes, excrementa simul alvi, & nucleos ejus omnibus locis dejicere, qui nuclei in fervido avium ventriculo macerati, eo facilius emergunt. Vnde Virgil. in Eclogis ait,

*Carduus, & Spinis surgit Paliurus acutis.*

I A N G O M A S . A L T E R A .



A N N O T A T I O . Alterius *Iangomas* speciei autor promittit descriptionem , sed nihil de ea inveni, nisi solam hanc iconem, quam idcirco posteris ulterius indagandam, hic apponi malui , quam ut tota negligeretur. Multum sane, qua ad externam figuram, hi duo ramusculi , primæ *Iangomas* , paucis exceptis, simillimi sunt, nisi forte pictor nimia licentia , in magnitudine exprimenda , usus fuerit.

C A P V T      X X V I .

*De Frutice odorifero quodam, Incolis Daullontas dicto.*

*Cede Melilotus, Chamæmelon cedito nobis  
Viribus exupero vos, quamvis Barbara planta.*

F Rutex hic in sylvis supra altitudinem humanam assurgit , & ramos suos late à se expandit, ut Salix aquatica , qua corbes in Patria contexunt, hicque frutex tan crescendo luxuriat , ut Hortulanii Chinenses illum flamme & ferro excideri cogantur , folia fert Balsaminæ foliis non absimilia , & similiter in ambitu incisa , florum fasciculos gerit , ut Sambucus, quibus etiam amaræ succedunt baccæ: quod verò odore plane referat Chamæmelum nostrum , & quod eosdem nobis hic usus in fotibus



bus, & balneis præbeat, quem Chamæmelon, & Melilotus; Ideo nomen ipsi indidi Chamæmeli arborei. In Cataplasmati porro, & Ceromatis pro tumoribus resolvendis, foliorum pulvis perutilis est, atque apud has gentes secundum locum, à Ligastro Indico, seu *Lagondi*, obtinet. Florum quoque & baccarum decoctum asthmaticis, & diuturnis pulmo num affectibus, mulierum quoque menstruis movendis, nihil utilius sumi potest: Prædictum porro *Lagondi* seu *Ligustrum Indicum*, vehementer prodest, in jam toties dicta paralyseos Indicæ specie, quæ *Beriberii* dicitur. Porro hunc fructu[m] habentes facile usu Chamæmeli, Meliloti, Anethi, & Fæniculi, caretus.

## C A P V T   X X V I I.

*De Acetosa Indica, aliisque Acetariis, & Oleribus.*

*Oxalis ex acido sic appellata sapore,  
Purpureo flavum florem circumdata limbum.*

**I**N Java, & circumjacentibus Insulis, crescit quædam Acetosæ species mirabilis, nihil quoad formam cum Europæa Oxalide, aut Acetosa, commune gerens. Assurgit porro in altitudinem facile humanam, caule firma, & in modum Cannabis angulata, folia Agrimoniæ, seu Eupatorii foliis, quam sunt similia, cum acutis spinulis, hinc inde extuberantibus: Florem fert instar Malvæ arborecentis, folio simplici, ejusdem quoque magnitudinis, qui in circumferentia quidem colore ex albo luteus est, in

## ACETOSA.



calice vero intus pulcherrime purpuratus. Folia si masticentur, Acetosam plane sa-  
piunt, nisi quod gustui pinguius quiddam, & glutinosius repræsentent: Semen ejus  
plantæ est instar semenis Cardui benedicti spinosum.

Qualitate est è frigida vergente ad sicciam: Malaii quoque Bengalenses & cæteri  
Mauri eam in edilibus pro olere reponunt: Olus autem, vel quicquid hérbarum  
pro alimentis in usu est, hæ Nationes communi vocabulo, *Saïr*, vocant; contra  
quicquid è terra nascent medicam, vel adeo venenosam qualitatem obtinet, *Oubat*  
indigitant. Herba hæc quoque in frequenti usu est pro topico medicamento; conte-  
runt quippe folia super lapidem marmoreum scrobe ligni Santalini, & intinctos pannos  
capiti imponunt, mixto oleo Nucis Indicæ, & aceto, in doloribus capitis biliosis, qui  
plerumque meninges cerebri infestare solent. In febribus ardentibus etiam & phreni-  
tide admodum frequenti in usu est. Certe hæc gens, magis addicta est medica-  
mentis localibus, quam intro sumendis: atque adeo pharmacis, præsertim validiori-  
bus, non, nisi in summa necessitate, utuntur: & profecto, meo quidem judicio, hoc fa-  
ciunt minus absurdo proposito, quam qui inter nos in patria vel levicule affecti, statim  
catapotia, & pharmaca liquida deglutiunt, sine discrimine; tum extemplo lascivia  
magis, quam necessitatis ergo, venam sibi pertundi curant: ast hæc gentes sola inedia, &  
accommodata viætus ratione, non tantum corpus neutrum: sed & insigniter prætei  
Naturam affectum, curant, non ignari, medicamentis pro cùpediis & deliciis non essi  
utendum. Vt autem hoc obiter addam, videtur Natura voluisse ex professo mul-  
tas acidas, & constringentes herbas (ut in progressu videbitur) è terra producere  
contra violentos & Endemios morbos, Dysenteriam nempe, Choleram, & Spa-  
smum

simum, plerumque à bile ortos. Ut quasi digito monstraret, ubi hæc vel similia mala nascuntur, ibi locorum remediorum manifesta & etiam occulta qualitate pugnantium penuriam non fore; haud secus quam in Septentrionalibus regionibus, ad Scorbutum Endemium vel istis locis familiarem morbum, herba Britannica, seu Cochlearia abunde superque è terra nascitur, ut in Indiis quoque Occidentalibus Lignum Guajacum ad morbum Venereum, inde oriundum, terra liberaliter profert.

Trifolii variæ species, imprimis Acetosum, tam in silvis circa fluenta, quam hortis luxuriant. Idem de Portulaca, Cichoreo, Malva, Althæa, Endivia, Lactuca, Soncho, Plantagine, Becabunga, Nasturtio aquatico, Petroselino, Raphano hortensi, utraque Beta, aliisque similibus, partim ex semine à patria allato, partim sponte nascentibus, dictum volo, quarum aliquæ nostratium inferiores, aliquæ dignitate superiores existunt.

Cautio porro adhibenda, quod Flaminulæ quædam species in aquis circa prædicta acetaria crescat, Lactucæ perquam similis, ejusque elegantem viorem æmulans, qua ego deceptus, frigidam herbam ratus, eam gustavi, unde tanta acrimonia & fervor linguam invasit, ut erumpentibus per totum os vesicis, plus quam per tres horas ardoris istius sensus in ore remanserit.

Mandragoræ species illa Italica *Belladona* vocata, apud Indos in frequenti est usu contra febres continuas & ardentes. Aceto vel muria conditam, fructus quoque sub cineribus tostos, pro acetariis sani & ægri apponunt.


## C A P V T X X V I I I.

*De Fructu Mangostan.*

*Cedant Hesperii longe hinc, Mala aurea, fructus;  
Ambrosia pascit Mangostan, & Nectare, divos.*

**H**ic fructus à Garcia ab Orta lib. 2, cap. 12, nimis leviter descriptus est, cum sit inter omnes Indiae fructus longe sapidissimus. Cortice refert plane Malum Granatum seu Medicum, eodemque modo astringit, cum paulo majore amarore. In basi seu inferiore parte vestitur circa caudam tribus vel quatuor quasi

## F R V C T V S M A N G O S T A N.



separatis corticibus, minutioribus, ut in Rosa videre est. In vertice vero coronam gerit, quæ quot radios habet, tot nucleos in aperto *Mangostano*, candidissima carne nivis intar vestitos reperies, ita aliquando sex, aliquando octo, pro radiorum multitudine indubitate intus occluduntur. Folia porro hujus arboris, ut & truncus & rami, nisi

quod spinosi non sint, Malii Citrei arborem emulantur, & nisi odore distinguerentur, qui hujus *Mangostan* foliis nullus est, procul dubio aspectum fallerent.


## C A P V T X X I X.

*Mangam fructus apud Iavanos sacer.*

*Antidotum adversus Iavanum dira venena  
Mangam quintuplici sic spector segmine fructus.*

**F**Abulas lectori narraturus, an veri quipiam ignoro, vos judecate: Lavani hunc fructum majoris aestimant, quam quicquid antidoti sit in mundo, sive id Lapis Bezar sit, seu aliud quipiam, ut Nux de Malediva; plantaturque tantum in regum sepulcris. Magnitudine est Nucis, quam Palma Indica fert, *Coquo* vocant Lusitani, Malaii *Calappa*. Vbi nondum maturuit, continuus videtur, matus autem à se invicem dissilit & disrumpitur, semen intus ostendens lanugine cinctum, seu semen Gossampini arboris Plinio dictæ. quod nisi tempestive colligatur, facile à vento dissipatur. Summitatibus hujus fructus Rex Bantamensis aureum poculum torcularibus infert, atque hoc summi favoris loco Magnatibus vel Legatis peregrinis propinat. Dono porro mihi hæc Nux data est à Chirurgo hujus civitatis, qui ipsum cum non contemnenda argenti copia acceperat, à Regis Bantamensis filio majore, in præmium restitutæ à se valetudinis. Cæterum partes à se invicem supra disruptæ, tam arête basi suæ inhærent, ut ne fortissimus quidem eas dividere queat.

## F R U C T U S S A C E R M A N G A M.



## C A P V T X X X.

*Crocus Indicus, Arabibus Curcum, Officinis nostris Radix  
Curcumæ dicta.*

*Magnis sum foliis, tum flavo Curcuma succo  
Nobilis hic Nymphis frutexque salutifer Indis.  
Cortice rugoso, sed edulia Pisa recondo,  
Quam multis plantis simul hæc natura negavit.*

**H**Æc est nobilis illa Curcuma, de qua Garcias ab Orta mentionem facit Aromaticum lib. 1. cap. 39; sed cum exigua ejus notitia sub finem prædicti cap. ait, putare se, hanc radicem sine noxa edi posse: audacter, quamvis illud non meo periculo dicat: Nam non solum ea Malaii in medicamentis utuntur: sed etiam simul cum piscibus & carnibus coquunt, condimenti & sanitatis gratia. Cæterum excellentissimum est remedium in obstructionibus viscerum, Pulmonis nimirum, Iecoris, & Lienis,

## C V R C V M A.



Lienis, tum in oppilatione venularum mesaraicarum, tum Nephriticis doloribus Calculo Renum & Vesicæ efficaciter opitulatur, tum foeminis menstrua promovet, difficultatem pariendi aufert. Et quod in ea caput rei est, peculiare & specificum remedium est in Ictero, quod multoties feliciter expertus sum. Chinenses quoque eam propter hunc usum præcipue Saccharo condidunt. Folia lata habet hæc planta, non absimilia foliis Hellebori albi, nisi quod non tam striata: sed lævia sint. Radicem habet qualem ferme Gentiana. Flore est pulcherrime purpureo. Radix porro colore flavo tingit, non secus, ac Crocus, unde etiam Garcias ei nomen indidit Croci Indici: Lusitanice vocatur quoque *Saffran da Tierra*, quasi Crocum Subterrestrem dicas: Iavani radicem hanc *Borborii* vocant, unde etiam ejusdem nominis nobile unguentum conficiunt. Hanc cum pulvere Santali & aliis floribus odoratis post dicendis, in marmore subigunt in unguenti consistentiam, quo universum corpus, tam viri quam foeminæ inungunt: Quod quamvis insolitis aspectu fœdum propter flavum colorem sit, tamen adversus calores febriles & Solis ardores, tum molestissimos quoque Culicum morsus, summum est juvamen. Fructus hujus Curcumæ, qui floribus succedunt, Echinati sunt, ut in hac figura videre est, instar Castanearum in Europa. Aperti semen suum ostendunt, Pisorum forma rotundum, quod etiam coctum in juscuso gallinarum vel carnium hœdinarum, alimenti simul, & medicamenti præstantissimi, advertisus supra commemoratos morbos, vicem obtinet. Cæterum, ut finiam, radix hæc merito ob summas & præstantissimas qualitates, inter Medicamenta deobstruentia mihi principem locum obtinere videtur. Nuperime observavi, Chinenses etiam in sternutatoriis hac radice uti, instar radicis Hellebori albi: & certe sapor ejus aliquantum linguam vellicat: unde non mirum

zum est, proceilus mammillares in naribus exasperare, & ita Cerebrum concutere, &  
ternutamentum è Cerebro elicere.


## C A P V T   X X X I.

*De Durionibus, Iaaca, & Champidaca dictis.*

*Dissēctis foliis, latam præbentibus umbram,  
Prædita sum, viridi quæque colore nitent.  
His à Laurinis foliis ego disto Iaaca;  
Nam sapor, & similis fructus, adesse solent.*

**D**uriones fructus dicti à corticis duritie, seu spinis, quamvis primum gustantibus fastidiosi sunt saporis, & odoris Allium putridum referentis, tamen merito inter saluberrimos Indiae fructus numerari debent, sicut ex sequentibus patebit: Si quis iis assueverit, eum non tam cito satietas hujus fructus capiet, quam aliorum. Qualitatis sunt calidæ, & siccæ, quod ex effectis facile conjicere liceat; nam non solum copiose urinas cident, sed & fatus discutiunt, tum sudores egregie eliciunt: nihilominus ego inter fructus eos numerem, qui medicamentosi, & alimentosi simul dici merentur, ideoque parcus iis quoque utendum esse autumo. Nam immodecum sumptu inflammationem hepati, & sanguini inducunt, & exanthemata in facie copiosa excitant. Et, si quis Indica Scabie, seu Prurigine ista, quam *Courap* lavani vocant, laboret, is, hoc fructu comeso, statim tam ingentem in cute pruritum sentit, ut à scalpendo sibi temperare nullo modo queat. Inter Echinatos porro, & Spinosos quoque

## F R U C T V S D V R I O N I S Majoris I A A C A.



referuntur hi fructus Incolis *Iaaca*, & *Champidaca* vocati: qui ejusdem sunt generis, & uterque obsitus protuberantiis spinosis; sed, ut *Iaaca* fructus tota mole & magnitudine superat *Champidaca*, ita & pungentioribus spinis; de quo Garcias ab Orta lib. 2, cap. 11, sed melius multo Christophorus à Costa egit, f. 289.

*Aspera me vestit cutis, hinc ego dicar Echinus  
Non male, me nimium vescier usque cave;  
Ni faciem cupias diro rubore notari,  
Quem, si me comedas, pustula saiva facit.*

*Iaaca* insalubris plane est, & difficillimæ concoctionis, & fere incoctus per alvum rejicitur, ut ore assumptus est: nam caro ejus circa nucleos fixa, tam lenta est, ut vix dentibus lacerari valeat, flavi coloris est, sed ipsi nuclei, à se substantiam albam reddunt, instar tremoris lactis, sed lentam, & viscidam, digitisque adhaerentem. Hæc autem

autem *Iaca* non è ramis dependet, sed miro modo è truncō Arboris prodit. Ingentes nuclei intra spinarum concamerationes contenti carne alba vestiuntur.

## FRUCTVS DURIONIS Minoris CHAMPIDACA.



**E**st rāmen illius aliqua species, quam hic depictam damus, quæ è ramis dependet. Ac Arbor illa in qua crescit, vasta est & præalta, foliis Platani latis, aut Quercinis, sed profunde laciniatis: Fructus autem peculiari voce *Champidaca* vocatur, & melioris est saporis, salubriorisque succi quam *Iaca*. Ex corticibus horum Echinatorum fructuum Indi cineribus combustis Lixivii loco in lavandis linteis, & vestibus, utuntur, & nos iis in Cauteriis potentialibus non semel usi sumus.

## C A P V T    X X X I I.

*De Herba sentiente, & pudica, quam Lusitani Yerva  
Sentida y Vergonhada appellant.*

*Cur tactum refugis, cur nervos contrahis? anne  
Hic Daphne latitas, quæ Lauro forte relicta  
Phœbæos radios fugias veteresque calores?  
Pone metum, nullos Phœbi verearis amores,  
Arcta pudicitiae satis hic custodia posta est:  
Cynthius hic vacua nec solus regnat in aula.*

**G**arcias ab Orta Medicus quondam Proregis Goënsis hanc herbam descriptit lib. 2. Aromatum & Stirpium Indicarum, cap. 27. Sed quod dicat foliis Poly- podii crescere, non ita est; nam foliola habet longe minutiora: Verum acce- dunt



dunt proxime ad Viciarum & Ciceris Arietini formam. Cæterum planta hæc non  
men sortita est, quod contacta, in se contrahatur, tanquam si pudore afficeretur:  
flosculum profert eleganter flavum, similem flosculis Anagallidos; non ultra palmæ  
altitudinem assurgit. Quoad qualitates ejus manifestas, eas ex gustu parum amaro,  
& astringente, siccas & calidas esse constat, proximeque Viciarum naturam redi-  
lent, è quarum genere eam esse affirmare ausim: nam floribus parvulæ siliquæ suc-  
cedunt, nisi quod teretes & oblongiores sunt, quam Cicerum siliquæ. Prima fa-  
cie & superficialiter naturam hujus plantulæ contemplanti, mirum videtur herbam  
resilire à contactu hominis; sed cum videam idem etiam in aliis multis plantis eveni-  
re, mirari desino: Nam inter cæteras videre est semen Trifolii acetosif., si contrecte-  
tur, exsilire & manum hominis fugere. Hoc Trifolium cum summa quantitate cre-  
scit ad Promontorium bonæ Spei, eaque sola herba ferme ægri à Sceletyrbe refi-  
ciuntur; Cum nescio quam ob causam, aut à nostris, hominibus hujus regionis illa-  
tam injuriam, non amplius descendant ad littus, cum vaccis, bobus, & ovibus ve-  
nalibus. Præterea Cucumer Asininus, unde Elaterium confici solet, ubi maturuit,  
linteo excipi debet, ut decerpatur, alioquin cum strepitu dissilit à se invicem, & ma-  
num carpentis eludit. Notum quoque de herbæ istius siliquis, quam Noli me tangere,  
in Patria vocant, quæ etiam tactum, ubi maturuere, effugiant. Itaque non est, quod  
putemus miraculum hoc peculiare huic plantæ esse; ne dum in hac re nimis altum phi-  
losopheimur, idem nobis accidat, quod Christophorus à Costa refert evenisse Philo-  
sopho Malabarense, qui præ nimis accurata hujus herbæ contemplatione amens redi-  
tus sit. Præterea Iavani illud pro philtro habeant: Ego natura non propensus ad  
credendum supernaturales, & superstitiones medicamentorum vires, cum Horatio  
concludo Epist. ad Numicium:

*Nil admirari, prope res est una, Numici,  
Solaque, quæ possit facere & servare beatum.*

## C A P V T    X X X I I I .

*De Planta Iavanis Simbor Mangianam; Malaiis vero Tando Rousa. Quod utrumque nomen Cornu Alcis à similitudine exprimit.*

*Et mare cornigerum est, & cornibus aëra pulsat,  
Multa avis in Iava, Cornua terra gerit:  
Aspicis hanc plantam, similis quam Cornibus Alcis;  
Affixam scopulis, terra nec ulla tegit:  
Atque è fungosa mitto radice fibellas  
Quæs quicquid tango, sic retinere scio.*

**N**atura genitrix & rerum conservatrix, non solum videtur contenta fuisse, in effingendis cornutis animalibus, in terra, & etiam in mari, ut post ostendemus; verum hoc videtur etiam æmulari voluisse in vegetativis, seu plantis, ut in Cicerum, & aliquibus Pisorum speciebus: Sed præcipue in hac planta, quæ circa fluen-

## C O R N V   A L C I S   S I M B O R   D I C T A .



ta in Java, præsertim regno Bantamensi, crescit, adeoque ad vivum foliis suis Cornu Alcis refert, sicut in hac figura videre est, ut ne quidem Pictor vel Plastes illud melius arte efficere posset: Radice enim caret, in cuius vicem succedit massa quædam è materia fungosa, qualis apud Hollandos in paludibus (quas *De Veenen* vernacule vocamus) è fundo aquarium retibus extrahitur, unde isti cespites flammatiles conficiuntur, quos *Turven* indigitant Batavi nostri. Crescit illa præterea, terra non concreta: sed vel simpliciter lapidi imposita, vel arboris cavo trunco, demittens hinc inde sua folia.

Supra hæc, descripta herba merito propter succulentiam suam, & quod perpetuo vireat, inter Seda seu Semper-viva, numeranda venit: nam nunquam arescit; sed per pluvias aliquando putrescentibus foliis, statim primo Sole nova succedunt. Quantum ad foliorum substantiam, & formam attinet, ea est planetalis, qualis in Liliis apud nos albis: florem ferre credo, sed eum non vidi, neque adeo sciscitandi occasio data fuit,

propter Iavanos Bantamenses, si non inimicos, saltem simulate amicos nobis, in quo-  
rum territorio hæc planta præcipue crescit.

Vsus foliorum apud Iavanos idem est, qui apud nos foliorum Lilii albi, in Catapla-  
smatis ad Oedemata ac ad Tophos à frigida causa ortos; At in Erysipelite Malaii minus  
convenire aiunt, unde calidior hujus herbæ Natura facile colligitur: Quod & sapor  
eius amarus & fastidiosus indicat, intus sumpta, alvum satis vehementer movet, ne-  
cat quoque Lumbricos & Tineas puerorum, umbilicis contrita, & imposita.

## C A P V T X X X I V.

*De Phyllide seu lingua Cervina, ubi de Polypedio, & reliquis  
Filicium Speciebus in India crescentibus.*

**C**irca fluente in Java Phyllitis seu Lingua Cervina crescit magna copia, sæpe  
in humanam altitudinem exsurgens, colore pulcre viridi: forma ejus in Pa-  
tria omnibus nota est, ideo ea omissa, tantum usum in re medica ostendam.  
Ad Dysenterias itaque fistendas & orgasmum in Cholera refrenandum, ejus decocto

## P H Y L L I T I D I S S P E C I E S.



feliciter quotidie utimur. Radices ejus saporem dulcem, qualis etiam in Polypo-  
dii radicibus est, præ se ferunt; harum decoctum excellens est remedium in obstru-  
ctionibus Lienis, Quartanis, Scorbuto, & similibus è melancholico succo ortis affe-  
ctibus: efficacius hæc omnia præstabunt, si addas Sarsamparillam & radicem Chinæ.  
Præterea hoc nobis experimento compertum est, folia hujus Plantæ arte Chymica in  
sal redacta, medicamentum topicum esse præstantissimum in ulceribus inveteratis,  
præcipue pedum, & tibiarum exsiccandis. Tum in carie ossium, quæ hæc ulcera fre-  
quenter comitatur, tollenda, efficax est remedium: nam propter aëris humidita-  
tem, ulcera tibiarum difficulter sanantur, tum propter negligentiam & malam viætus  
rationem, in nauticis Sociis præsertim, sæpe in insanabile malum convertuntur: sed de  
hoc alibi fusius diximus. Iavani, & Malaii ipsam quoque herbam in Morsibus venena-  
tarum

tarum bestiarum conducere aiunt. Cæterum ex supradictis effectibus satis constat, herbam hanc esse temperatam, præsertim radice, quæ deobstruens est, præcipue in obstructionibus prædictis lienis, cuius affectibus peculiari, & formali, qualitate medetur.


## C A P V T. X X X V.

*Solani Indici Fructus Edulis, quem Indi Fockii Fockii vocant. Et Hyoscyamus Indica.*

*Fructibus in Patria Solani Narcotica vis est,  
India at è contra Solanum producit edule;  
Destituunt Medicum sic Medica Mala saporem  
Naturamque novam Europæ in finibus illa.  
O quoque sit utinam, vehimur quum per mare ad Indos,  
Longum iter! Infames liceat deponere mores.*

**Q**uantum ex foliis, floribus, fructuque denique hujus Plantæ conjicere licet, certo certius est, hanc speciem Solani esse, nisi quod fructus longe grandiores sint, quam Solani nostri, utpote qui cubiti longitudinem aliquando excedant, corticeque tam lævi, ut speculi modo, humanam effigiem remittere possit. Foliosis

S O L A N I Species F O C K I I F O C K I I dicta.



quoque hirsutioribus & quasi lanam superinductam gerentibus. Crassitudine brachium humanum facile æquent. Pleni intus sunt seminibus minutis, qualia etiam in fructibus

Etibus seu baccis nostri Solani inveniuntur. Fructus porro in his regionibus, non solum sunt edules; verum etiam delicatissimi saporis, si coquantur cum Vino, & Pipere. Eundemque gustum obtinent quem Cinaræ basis, seu Carduus altilis in Patria. Commune est edulium apud Indos & etiam nostrates, qualiter sunt Rapæ in nostra Patria. Boni porro sunt nutrimenti, tum diureticam vim obtinent, eoque calculo vesicæ, & renum affectibus admodum utiles: Malaii, & Iavæ incolæ fructum hunc vocant; *Focqui Focqui* iterato vocabulo, quod etiam in aliis rebus faciunt, quas excellere sciunt; atque in eo convenienter cum cæteris Orientalibus linguis, præsertim Arabica & Hebræa ut ex. gr. Si prophetæ rei alicujus excellentiam cum emphasi exprimere volunt, non solum dictiones; sed integras sententias ingeminant, ut mos in Bibliis loquendi frequens est. Ita loquitur Dominus, Dominus Zebaoth &c. Hoc eo Parergice addidi, quod lingua Malaica, quamvis, ut pleræque Orientales linguæ, vocabulorum indigens, tamen significativa sit valde, & amœna, meo quidem judicio, quæ non solum per totam Indianam familiaris: sed & in Surate, Chormandel & cæteris Asiæ oris, in multo est usu.

Vt ad rem redeamus, unde digressi sumus, hujus *Focqui* species est & alia sylvestris; sed hujus fructus, non, ut jam dicti, oblongus est & teres; sed sphæricus plane, & ubi maturuit, colore flavo, cum domesticus, sit colore vel purpureo, vel grandinis instar albo. Cæterum sylvestris hic fructus amarus est, ideoque non nisi ab Apris & Rhinocerotibus devoratur. Porro hujus plantæ caulis (quod fere omiseram) plane spinosa est, unde imprudenter, non secus, ac Rubus, attingi non debet. Rhinocerotis porro lingua, & palatum tam aspera sunt, ut vepres, & spinas cubitales devoret, ac quo quid pungentius est, eo libentius isto alimento utitur, si in hominem irritata hæc bestia sæviat, solo linguae attactu carnem, & cutem, usque ad ossa ei delingit, ut alibi in animadversionibus Garc. ab Orta, ad viii Caput de Ebore, latius diximus.

Quam plantam Indi Daturam, ego Hyoscyamum Indicum appellavi, non solum quod narcotica & stupefaciens vi ei similis sit: Sed quod odore foliorum & forma floris maxime respondeat. Semen in echinato cortice conclusum gerit, qui maturo semine dissilit cum strepitu, si vel levissime tangatur, fabasque cinereas, nigris gurtis distinctas, intus ostendens.

## C A P V T     X X X V L

*De Sedo arborecente.*

*Rosa vale, & Violæ, quas Arcticus orbis adorat;*  
*Nam melius multo complentur odoribus auræ*  
*Flore hoc Sedifero, quem dives Iava virentem*  
*Ostendit, diris pellit contagia morbis,*  
*Ac gustu Oxalidos gratum diffundit acorem,*  
*Et semper toto viridis spectatur in anno;*  
*Scorpius hanc plantam nec tanget Araneus unquam,*  
*Antidotum hinc Medicis adversus dira venena.*

**R**utex hic non in solo crescit, sed arboribus Mangiferis aut Quercus cuiusdam speciei, quam Indi *Kiati* vocant, affixa non secus, ac viscus apud nos, qui tamen in dictis arboribus non deest. Planta seu frutex hic est foliis Oxalidis saporis, oblongis, qualia sunt Persicariæ; sed crassioribus longe, & succulentioribus, qualia sunt Sempervivi istius folia, quod in tectis apud nos nascitur, & *Hups-loock* vocatur. Radices edit mirabiles, teretes, ex quibus fibras demittit, quæ vel lapideum, vel arborem apprehendunt, & sine limo, vel terra, sic affixa crescunt, magnitudine glandium, forma & figura tali, quali est manubrium hastæ seu lanceæ, quibus Persæ, & Turcæ equites etiamnum utuntur (nam usus illarum apud plerasque Europæ Nationes exolevit): florem profert parvulum, Anagallidis flori similem, sed album, & tam

## SEDUM ARBORESCENS.




tam aromatici odoris, Citri æmuli, ut me in vita nil quicquam odoratius naribus percepisse sciam. Vnde etiam apud Malaios nil ad Cerebri & Nervorum præternaturales affectus æque conducere fertur: Hinc quoque in Spasmo & Cholera, Conserva ex floribus, & foliis hujus Plantæ, singulare est remedium. Comperi quoque egregios ejus effectus in Dysenteriis; habent enim folia qualitatem astringentem, & saporem plane talem, qualis est in Acetosa patria, sed palato longe gratiorem: flores quoque conditi non minus cordiales sunt, quam Buglossæ aut Borraginis. Fructus medium digitum longi, sapore muccilaginoso & fatuo, & per medium transversim dissecti, semen ostendunt paulo majus quam Milii, itidem muccilaginosum, quod decussatim situm est, ut ferme arcem repræsentet, quatuor suis vallis & propugnaculis exornatam. Qualitate quantum manifeste ex sapore elicere possumus, hæc Planta frigida est & sicca: Virtute vero occulta, putredini, & omni corruptioni resistit, unde merito inter violentos jam dictos morbos, pro Alexipharmaco apud incolas in usu est. Dum hæc scribo, retulit mihi senex quidam Malaius, qui medicinam inter suos exercebat non infeliciter, nihil æque conducere ad venenata vulnera à pugionibus, & lanceis Iavanis alicui inficta. Solent etenim Iavani, mortalium longe crudelissimi, tela sua tingere cruento cujusdam Lacertæ venenosissimæ, quam à fono, quem edit, *Gecko* vocamus, ut alibi dicemus. Hinc conjcire licet, eandem herbam etiam ad ictus venenatorum animalium utilem esse.

*De Nobilissimo, & Saluberrimo Aromate Cardamomo,  
Majori & Minori.*

**I**n ter alias herbas, & Aromata, quæ fertilis Insula Iava profert, merito inter excellentissima Cardamomuni est numerandum: Planta hæc caulem habet Arundinis modo internodiis à se invicem distinctam, & certe folia non absimilia Arundinis foliis, & eodem quoque modo catervatim crescit, primumque intuenti, vix dif-

C A R D A M O M U M M I N V S.



ferentia inter duas has stirpes videbitur, nisi quod Cardamomum vix ultra duos aut ad summum tres pedes in altitudinem assurgit; folia quoque contrita suavissimum odorem à se reddunt. Dum florentem eam primum conspexi, animadverti insignem Garciae ab Orta in descriptione errorem, lib. 1, cap. 24, qui ait, Cardamomum, non secus, ac Fabas, & Vicias, seri, & eodem modo crescere, pendentibus siliquis, Piforum instar, in summitatibus Plantæ; quod longe secus se habet.

Ideoque ego, qui plantam hanc millies contemplatus sum, primus eam ad vivum delineatam exhibeo. Circa radices igitur primum emittit spicam, qualis in Spica Naradi conspicitur, verum longe crassiorem, cuius calycibus supernascuntur flores, pallidi potius in peripheria, quam albi; in calyce vero flavum colorem ostendunt, suntque admodum similes floribus Mali aurei. Flosculis his decidentibus siliquæ eorum loco succedunt; semen fragrans Cardamomi continent, quale in officinis nostris conspicitur; sed colore sunt flavo semina intus conclusa, quæ ariditate & tractu temporis ex puniceo atrum, quem in exsiccato Cardamomo colorem videmus, contrahunt, eodem mo-

do,

do, quo lector effigiem, ob oculos sibi ponere potest; Certe si egregias hujus præstantissimi Aromatis qualitates enumerare quis velit, vix horæ spatio istas eloqui poterit; Nam calorem habet blandum, & Naturæ nostræ amicissimum, nullum empyreuma in visceribus nostris relinquens; ideoque etiam solum absque alio cibo mastificari, & comedи potest, secus, ac Piper, Zinziber, Caryophylli, & reliqua calidiora Aromata, quæ summo suo calore, vix nisi admixtis aliis eduliis deglutiri possunt, & nimis large usurpata phlogosin in sanguine, & febres saepe continuas excitant; Vrinas porro comode ciet, mænstrua fœminarum blande movet, anhelitum commendat, tum obstructionibus Hepatis, Lienis, & præfertim Mesenterii, ad miraculum usque, conductit, etiam in jusculis gallinarum, carnis hœdinæ, & vituloruim.

Ex hac Cardamomi descriptione facile deprehenditur Plinii error, qui l. 12, Natur. Hist. cap. 13, Cardamomum ait nomine & frutice similem esse Amomidi, quod falsissimum est, cum Amomis, ut post docebimus, ferulacea sit herba, & radice refert radicem Spicæ Indicæ, pro qua imperitis etiam obtrudi posset. Atque hoc loco est, quod glorier, me primum esse, qui nobilissimam Cardamomi Plantam exacte descripsi: Cum etiam Garcias cap. & lib. suprad. se tantum auribus famam Cardamomi percepisse affirmet. In cibis porro condiendis, præfertim carnibus, & piscibus elixis, apud Malaios in summo usu est, & certe fragrantem gustum iis addit, concoctionique adjuvandæ summe conductit.

## CARDAMOMVM MAJVS.



**C**ardamomum majus copiose crescit in silvis Iavanis, flore, Hyacinthi modo, fasciulato. Differt à minori Cardamomi specie, supra descripta, plurimis modis; primo,

quod ultra humanam altitudinem assurgat; quod folia quoque longe ampliora habent, quod caule non sit geniculato, aut Arundinis instar nodoso, sed qui Cæparum more foliatim à se invicem separetur. Præterea, ut diximus, Cardamomum minus spicas suas circa radices cum floribus emittit; è contra majus, Hyacinthi modo in fastigio gerit. Semen denique ejus vel siliquæ oblongiores sunt, digitali aliquando longitudine: folia tamen odore convenient, ut & flores. Nisi quod folia majoris Cardamomi, præterquam quod sint majora citra comparationem, etiam aversa parte, instar Verbasci sint mollia. Tota Planta pulcherrimo est aspectu, grato virore floribusque albis cum purpureo limbo nitet. Vires ejus plane convenient cum Cardamomo minori.

## C A P V T     X X X V I I .

*Nymphæa Indica flore purpureo, cuius Calyx seu Fructus quasi per nebulam à Clusio describitur.*

*Indica purpureum præfert Nymphæa colorem,  
Atque Nuces gignit maturo calyce eduleis.*

**P**lanta subsequens certe dignissima est, quæ describatur, tum ob qualitates excellentes, tum propter pulcherrimum ejus florem; denique propter admirandum, qui floribus succedit, fructum, cuius mentionem facit Car. Clusius, Exodum,

## N Y M P H Æ A S P E C I E S .



ticorum lib. 4: sed tantum per transennam, ut pote qui descriptionem non instituit ex visu; sed ex relatione navalis cujusdam socii, à quo fructum hunc coemptum esse ait:  
Ego,

Ego, qui plantam millies vidi, eam paulo luculentius vobis ob oculos ponam, ut conatus viri diligentissimi simul, & doctissimi in re herbaria adjuvem: Itaque verum est, quod ominetur plantam aquatricam esse; nam *Nymphæa* est, in omnibus nostrati, tam in latis quam rotundis foliis, caule, & radice plane conveniens: Flore vero à patria *Nymphæa* differt, qui in Hollandia vel albus, vel flavus est, hic autem pulchre purpureus, odore gratissimo nullo modo nostrati cedens. Fructu quoque, & calyce longo à patria *Nymphæa* distat, qui in superficie hic planus conspicitur, tanquam si per medium cultro dissectus esset; verrucas parvas in orbem distinctas super ostendens circiter triginta N°, quæ paulatim grandescentes, calycem sibi unaquæque effingit, donec maturascens Nucem Avellanam dempto putamine, tum forma, tum nucleo valde referunt; saporem quoque ejus non male æmulatur, qui tamen fatuus aliquo modo, & aqueus est, naturam redolens elementi, in quo crescit.

Quantum ad vires attinet, in tertio gradu frigidas, de iis hic conticeo, cum in his patriæ *Nymphææ* similis sit, ideoque decocto hujus plantæ, à Malaiis edocti, utimur in calidis morbis, febribus ardentibus, Phrenitide, Cholera, & in mortifera Dysenteria.

*Nymphææ* porro aliæ species hic etiam circa ripas fluminum, & in stagnis crescunt abunde, usque ad Lentem aquaticum, gratum Anatibus (quos Chinenses in copia alunt) pabulum.

Potamogeiton quoque feliciter provenit, tum *Plantago aquatica*, quam frigidam esse nullus mortalium mihi facile persuaserit: nam dum experiendi gratia (ut Botanicis mos est) hujus plantæ folia paulum masticarem, tantam acrimoniam in ore sensi, quantam ne quidem Ranunculi aquatici ea species dare potest, quam *Flammulam* apud nos, rei herbariæ periti ab ardore vocant. Ita ut meminerim nos, non frustra aliquando in Patria de ejus qualitatibus disputasse: nam & folia hujus *Plantaginis* etiam apud nos masticata aliquam acrimoniam in ore relinquunt, verum transitoriam tantum, & momento durantem; hæc vero Indica palatum & guttis excoriat. Quodsi adhuc incredulus quis rei Botanicæ studiosus, de hoc dubius hæret, huc veniat velim, ei bona fide promitto, hac planta degustata omnem scrupulum ex animo rejiciet.

### C A P V T   X X X I X.

#### *De Veronica Iavana, ubi & quædam parergice tractantur de familiari potu Aracco.*

**C**rescit hæc herba copiose in pratis, & sylvis Iavanensibus, flore albo, Malaii, & Iavæ Incolæ eam *Oubat Matta*, vocant, quod medicamentum pro oculis denotat, quia illi succum expressum ad lippitudinem, & Ophthalmiam oculorum adhibent, non secus ac nostri succò vel aqua destillata *Veronicæ* ad affectus oculorum utuntur. Porro hic succus, & totius herbæ decoctum in affectibus thoracis commendatur, ut sunt Asthma, Phthisis, & reliqui morbi Pulmonum, qui cum tussi homines molestant. Tum propter vim diureticam Incolæ ea utuntur in affectibus renum & vesicæ; tum in Gonorrhœis è concubitu Venereo conceptis. Itaque ut sèpe mirer oscitantiam nostræ gentis, quæ hos populos Barbaros appellare non vereatur; cum non solum in herbis cognoscendis, sed in omni œconomica administratio-ne nostros longo intervallo post se relinquant. Utuntur porro Incolæ foliis hujus contritis ad ulcera pedum & tibiarum; nam qualitas est egregie exsiccans, atque ulcera, ut supra dixi, propter climatis humidam constitutionem, admodum difficilia sunt curatu. Imo propter intemperantiam militum, & nauticorum sociorum in portando *Aracco* seu vino adusto Indico, hæc ulcera cacoëthia, & mali moris, & sèpe infanabilia efficiuntur.

Vt transitorie aliquid de *Aracco*, seu vino adusto Indico, dicamus; sciendum est Chinenses, gentem totius Orbis avarissimam, & subtilissimam, hoc potus genus, ut *Oryzæ* parcant, adulterare Holothuriis, in mari fluctuantibus, admixtis, ut sic ei perniciosum Pulmonibus ardorem concilient; & hinc fit, ut miseri nautici & milites in Phthises, Marasmus, sanguinis sputum incident, & post diurnam emaciationem, miserrime

morian-



moriuntur: Nam hæc Holothuria, ut & cætera recrementa maris, inter quæ est Nautilus piscis, Stellæ marinæ, & alia, tam exurentis sunt caloris, ut solo attactu in cute vesicas excitent, non sine summo dolore. Hujus generis sunt non tantum Lepus marinus, sed Stellæ marinæ, & Asterites, tum Nautilus piscis, cuius descriptionem post dabitur, qui tam ardentis est caloris, ut dum è Patria in Indianam navigarem circa insulas Canarias, mari vehementer tranquillo, in scapham cum aliis descenderem, piscandi gratiâ, & extracto reti, cum inclusus esset unus ex hisce Nautilis, quem dum imprudens & inscius contracto, tam vehemens calor manum meam invasit, ut iis fieri solet, qui à Dracone pisces, quem Pieterman nostrates vocant, puncti sunt, & nisi admoto Allio in aqua marina macerato, mihi subvenissem, certe propter dolorem febrem incurrissem.

C A P V T X L.

*De Ricino Brasiliensi, Lada Chili vocato, quod  
sonat Piper Chilense & de ejus usu hactenus  
nobis incognito.*

**R**Vamvis planta hæc sub nomine Ricini Americani, jam etiam apud Batavos in hortis seri, & coli incepert: tamen quia ejus usus non nisi quam inter caustica medicamenta cognitus est, ego non potui, quin ostenderem familiare Lusitanis, & Indis condimentum, & edulium esse ad cibos assos, vel elixos, hoc modo Sumur

## L A D A C H I L I.



Sunt poma seu fructus illius Mandragoræ, quam Itali *Melansana* vocant, Neoterici Poma Amoris, Lusitani *Tamatás*, & *Poma doro*, à pulcherrimo, & lucido in maturis rubro colore; discidunt fructus hos cum hoc Pipere Chilensi in minutissimas particulas, easque crudas, oleo & aceto perfundunt cum paucō sale, eoque pro cupediis utuntur. Hoc modo frigidissimam, & narcoticam Mandragoræ qualitatem calidissimo alio fructu temperantes, ne frigus prioris solum comesi naturalem calorem suffocet, & extinguit. Constat autem Piper istud Chilense, Capsici speciem esse, ut bene notat doctissimus Clusius in annotationibus supra Nic. Monardem Medicum Siviliensem, fol. 386.

Incolæ præterea (quod & à quibusdam nostratibus fit) istud Chili quoque assiduo ore ferunt masticando: ast ego id conans animi gratia imitari, tam exurens hoc inventi, ut mihi non videretur operæ pretium assuescere ei mori, qui, præterquam quod cum dolore conjunctus sit, etiam nihil emolumenti adferat; tamen asserunt Lusitani jam dicto modo præparatum, utile esse adversus pituitam, & cruditatem stomachi; quæ propter aliquoties jam dictas causas huic regioni admodum familiaris est.

Porro descripta Ricini species est è minutioribus: nam sunt etiam majores, quæ pollicis crassitudinem exæquent, ejusdem tamen usus, & facultatis, quam superiores, qui hic depinguntur.

**A N N O T A T I O.** Impropius admodum nomen Ricini huic plantæ inditum esse mihi videtur; cum neque forma, neque figura externa, ullisve qualitatibus internis cum Ricinis Americanis conveniat; sed vera Piperis sive Capsici Brasiliensis species apparet. Nisi forte, (ut sæpe contingit, circa exotica imprimis,) varia nomina nunc huic, nunc illi plantæ approprientur.

*De Telephio Indico.*

**T**Elephiis seu Sempervivi ea species, quam Belgæ **Hemel Sleutelen** vocant, hic in hortis crescit caule paulo elatiore, quam patrum, foliis etiam aliquantum in figura variantibus. Incolæ Malaii id à forma **Moulit Bebec** vocant, quod Anatis rostrum significat: nam inversum Anatis rostrum admodum bene refert, præsertim

## TELEPHII SPECIES.



istorum, qui incisuras ad latus rostri habent, ut in hac figura videre est. Semper vi-ret hæc planta, quæ ad cæteras qualitates frigida & sicca est, ideo Incolæ utuntur ea contrita ad ipsorum scabiem & cætera biliosa ulcuscula in cute, quæ hic nunquam de-sunt. Tum ad Erysipelata utilis quoque est cum aceto contusa. Malaicæ mulieres ea quoque utuntur pro topico super bregma puerorum, ubi futuræ nondum coaluerint, referentes, id ad robur cerebri facere, & ut id topicum melius applicent, novacula capillos infantium abradunt. Cæterum mirari subit Incolarum horum industriam, qui veterum Arabum, Avicennæ & reliquorum instar, à forma herbis nomina induit externa: tum in herbis dignoscendis, & noxiis ab innoxiis separandis, Gusaratti & qui ab ora Chormandel huc veniunt, adeo excellunt, ut ne quidem optimo Botanico ce-dant. Ratio est, quod hæc gentes sectam Pythagoræ sequuntur ut plurimum, qui nihil, quod anima sentiente præditum fuit, ullo modo comedent; sed vegetativis stirpibus & herbis tantummodo vescuntur; quare etiam à crebra experientia edocti ad unguentherbas edules ab herbis medicinalibus, vel etiam venenosis, distinguent, imo hoc norunt pueri septennes & infra.


## C A P V T X L I I .

*De fructu Billing-bing indigenis vocato.*

*Stypticus è Citreis acor et si dentibus hæsit  
Billing-bing gustum hunc fructus abire facit.  
Non secus, ac magnus dolor arcet saepe minorem,  
Hic acor his acidis fructibus eruitur.*

**C**rescit arbor quædam foliis Ciceris arietini quoad figuram: sed grandioribus, acido sapore præditis. Fructus porro tam pendentes ex ramis, quam ex trunco ipso arboris prodeuentes, magnitudine sunt & forma Cucumerum, primum adolescentum, quos *Agurcas* Lusitani vocant; qui certe propter extremam suam aciditatem, ipse acor vocari merentur, & quod magis in iis miror, si cui dentes, ab acido aliquo fructu gustato obstupescant, his fructibus tantum degustatis, statim acor iste evanescet, credo, eadem ratione, qua in quibusdam affectibus mixtis præter naturam major dolor minorem obscuriore reddit. *Billing-bing* hic fructus Malaiis dicitur, & nos ex ejus succo expresso (nam succulentus admodum est) Syrupum conficiimus, adversus hepatis intemperiem calidam, & Phlogofin in sanguine venis & arteriis contento; tum eo utimur etiam cum Oryzæ non decorticatae decocto, quod *Padii* vocamus, egregio juvamento in febribus ardentibus, & continuis, tum siti sedandæ

B I L L I N G - B I N G .



tatem, ipse acor vocari merentur, & quod magis in iis miror, si cui dentes, ab acido aliquo fructu gustato obstupescant, his fructibus tantum degustatis, statim acor iste evanescet, credo, eadem ratione, qua in quibusdam affectibus mixtis præter naturam major dolor minorem obscuriore reddit. *Billing-bing* hic fructus Malaiis dicitur, & nos ex ejus succo expresso (nam succulentus admodum est) Syrupum conficiimus, adversus hepatis intemperiem calidam, & Phlogofin in sanguine venis & arteriis contento; tum eo utimur etiam cum Oryzæ non decorticatae decocto, quod *Padii* vocamus, egregio juvamento in febribus ardentibus, & continuis, tum siti sedandæ

M

optime

optime confert. Choleræ quoque impetum sistit. Hinc facile quis colligat, qualitate esse è frigida versus siccum, quod astringens ejus gustus etiam indicat.

## C A P V T X L I I I .

*De Cypero Indico.*

**H**Erba hæc in summa quantitate circa fluenta Iavæ crescit, radices ejus bulbosæ sunt, non secus, ac Chamæbalanus, seu glans terrestris, qui in Zealandia in agris foditur è terra: Odoris sunt plane aromatici, & Caryophyllos referentis. Vnde earum decocta per aliquot dies sumpta, nervorum frigidis affectibus summe condu-

## C Y P E R V S I N D I C V S .



cunt, imprimis multum adferunt levaminis in tremoris, seu Paralyseos isto genere, quod Beriberii aliquoties Indis vocari diximus. Indæ Mulieres hanc plantam etiam cينdis menstruis adhibent, nam diuretica admodum est. Ideo hydropicis quoque convenit, & propterea habemus in Nosocomio semper radices Cyperi exsiccatas ad manum, cum ille frequentissimus sit, & decocto Chinæ, atque hoc Cypero feliciter curatur. Ex hac radice porro conficimus arte Chymica sal, apprime utile consumendis exscentiis in ulceribus, præsertim pedum, & tibiarum: nam præterquam quod eas absument, etiam os à carie defendit, & loca inania carne replet, eique cicatricem superinducit. Idem & Cyperus in Patria præstat, in cinerem redactus, & inspersus ulceribus istis calcium, quæ Perniones vocitari solent, quæque hyeme præsertim mortales infestant. Cyperus porro inter Graminis species reponi debet: ideoque, quia de iis alibi latius diximus, hic supervacuo labore supersedeimus.

C A-

## C A P V T X L I V.

*De Fabis, & Leguminibus in arboribus nascentibus, &  
primum de arboris fabiferæ flore, qui Boa Tsinkring  
dictus Iavanis.*

**F**los, quem depictum videtis, in præalta arbore crescit, cuius truncus multis, & acutis spinis obsitus est, folio plane, quali Tilia in nostra Patria. Aperitus tam egregie ruber est, ut è longinquo nihil gratius oculis objici posse putem, cui magna copia siliquæ succedunt, in quibus rubræ Fabæ itidem nascuntur, quibus

ARBOR FABIFERA I, BOA-TSINKRING dicta.




Turdi avide vescuntur, non secus, ac in Patria nostra baccis Orni rubris, laqueo inditis capiuntur.

Plurimæ sunt arbores, quæ varia Pisorum genera, & Legumina ferunt, more plane nostris incognito, ubi miraculum esset, Fabas è ligno nasci. Saporis tam boni sunt ut nostra Legumina, quædam, melioris: attamen sunt Pisa, Legumina, & Lupini, quæ non secus, ac nostratia in farmentis nascuntur, & bacilos appositos scandunt. Fabæ, quas Turcas nos vocamus, plures species hic nascuntur, qui sapore nullo modo aliis cedunt.

Cæterum quoad vires Leguminum, ea constat versus siccum pleraque vergere, ac flatulenta esse, torminaque in ventre & intestinis ciere: diuretica tamen sunt omnia, & hydrotica; unde ea inter medicamenta alimentosa reponamus, & non nisi aliquoties iis vescamur.

Inter eos quoque familiares sunt, Phaseoli seu Fabæ purgantes, Pisorum nostrorum forma, sed folio Trifolii, vel Meliloti, verum crassiori. Harum Fabarum jus hydropicorum aquas potenter per superiora & inferiora educit.

P H A S E O L V S II I N D I C V S R U B E R, qui  
A B R V S Prosp. Alpino dicitur.



A N N O T A T I O. Cum Autor noster solam iconem hujus plantæ sine aliqua descriptione exhibuerit; Cumque eadem æque in Brasilia luxuriet ac in India Orientali, vel Ægypto; paucis defectum hunc supplebo, eaque traditus quæ mihi innotuerunt. Quod vero ejus figuram & descriptionem in opere meo neglexerim, non est quod quisquam miretur; quoniam ea tantum attigi, quæ majoris sunt efficaciam in Medicina; hoc vero, rectius in puellarum cultum, quam corporis alimentum vel medicamentum cedat; Corallorum enim uniones, quas collo gestare solent, ex rubris Pisæ conficiuntur; nec memini unquam in Brasilia hæc sicut cætera Legumina advenis vel indigenis, etiamsi probe elixa, accepta fuisse, quod ea pravi nutrimenti, & difficillimæ concoctionis deprehenderint. Idem quoque de iis testatum reliquit Prosper Alpinus, etiamsi fateatur ab Ægyptiis parari & pro cibis apponi.

Silvestris & volubilis hæc planta semper virens arboribus se involvit, easque enititur tenaci

teaci farmento. Cui, rami alternatim oppositi, uti & folia ad eundem modum æqualia, paria in quolibet ramulo, circiter digitum longa, figura Buxi, vel Sesban Alpini potius foliis similia, splendentia, sine petiolis, ramulis ornate innitentia conspiciuntur: moventurque ut nonnullæ aliæ herbæ ad Solem, fese claudentes ac aperientes ad ejus ortum vel occasum; quasi eo converterentur, quo humor radiante Sole provocatur. Ex parvis floribus siliquæ proveniunt omni anni tempore, quæ mature factæ dehiscunt, unde sex, septem, vel octo semina apparent Pisæ fere magnitudinis, sed paulo ovalis figuræ, dura, splendentia, læto coccineo colore decora, excepta ea parte, qua folliculo annexuntur, ubi macula nigra loco hili egregie splendet.

## P H A S E O L V S III Q Y A D R A N G V L V S.

*En Phacos, & docti quadrata Legumina Plini.*



**M**irum hoc Leguminis genus foliorum magnitudine, & fructuum insueta figura, cæteris præminet, licet crescendi modo & qualitate iisdem Pisæ, simile sit; non enim ingratioris saporis sunt fructus, quam Pisæ illa in Patria apud nos, quæ sine membranaceo illo cortice (nostrates **Peulen sonder Schillen** vocant) appositos bacillos farmentosis suis ramis, scandunt. Ex uno eodemque caule tria folia sibi conjuncta emergunt, atque ex eodem quasi centro pediculus provenit; ex quo Phaseolus quadrangularis dependet, Pisæ rotundis repletus, qui ubi maturuerit, dehiscit, & fit edulis.

De eorum natura & gustu nihil ulterius addam utpote quæ reliqua id genus Legumina æmulantur, ut supra monui.

PHASEOLVS INDICVS, IV qui  
SECAMONE Alpino dictus.



**A N N O T A T I O.** Quam s̄epe inter se convenient; Ägypti & Iavæ Plantæ, ex hoc quoque Phaseolo liquet, qui nihil plane differt, ab eo quem P. Alpinus in Plantis Ägyptiacis tradidit; quamvis ille, ut & Autor noster, nihil fere de ejus qualitatibus specifice egerint; ille enim tanquam novam & adhuc minus usitatam, eam exhibet, & disputat, ad quam speciem redigenda sit, & Apocyno Clusii, angusti folio non male comparat. Noster vero autor qualitate hujus Phaseoli, communes cum cæteris Leguminibus & plantis fabiferis, sub hoc capite comprehensis, statuit: quamobrem eo lectorem remittit.

Planta hæc exotica sponte in silvis nascitur, alteque saliens, arbores vel bacilos scandit, foliis longis, duris, acuminatis. Flores fert albicantes stellares, tres quatuorve simul copulatos, ex quibus nascuntur siliquæ longæ, lanuginosæ, crassæ Rhododendri siliquis similes, sed longiores, seminibus parvis refertæ.

Testatur Pr. Alpinus, ex hac planta manare succum flavum, urentem, quem siccatum Ägypti valenter tenues humores purgare aiunt. Vnde nonnulli Scammonei speciem cſe affirmant, quam Secamone appellant; cuius tamen nullum in medicina uſum ſe novissile dicit.

## L V P I N V S F L O R E F L A V O.



**P**isorum hoc genus, si vel ex sapore fastidioso, & amaro, judicare velis, è Lupinorum est specie. Flores fert flavos, quibus siliquæ succedunt, Pisorum nostrorum siliquis similes. Decoctum eorum alvum movet, & urinas, ideoque magis inter medicamenta, quam alimenta locanda veniunt; agrestes sunt, & in hortis, quod sciam, non coluntur. Ramunculi ex ipso caule satis longi & recta extensi emergunt, qui definunt in quinque vel sex folia oblonga tenuia. Flores autem & siliquæ etiam caule cum tenui pediculo adnascuntur.

## C A P V T X L V.

*De quibusdam Indicis floribus, eorumque grato odore & usu  
apud Incolas.*

**I**Avani, imo omnes Indi, qui Mahumetis sectam sequuntur, florum bonorum odo rum sunt amantissimi, ut hinc proverbium enatum sit, Iudeos rem dispendere in sacrificiis, Christianos in epulis, Mahumetanos in odoribus. Itaque suaferim Hollandis nostris, qui tanti faciunt florum varios colores, & odores, ut saepe integra patrimonia in eos absument, huc veniant, si emolumentum è floribus suis desiderent, nam ingens in Java est bene odoratorum, & coloratorum florum copia, ita ut si particulatim de singulis agere velim, charta & atramentum mihi prius deficiant, quam Na-



turas eorum explicem. Itaque selectiores, & magis odore præstantes enumerabo. Inter odoratos igitur, facile principem locum obtinet Flos ille, quem *Champacca* indigant, qui crescit in arboribus non absimilibus Persicæ Mali, foliis eodem modo oblongis, & in cuspidem pyramidaliter desinentibus. Colore flores sunt duplii, viridiiori & aureo, qualis est in Malis Aureis Hispánicis. Forma sunt, quali apud nos flores Colchici, vel etiam Croci Anglici. Porro odoris jucundi, & Rosam mixtam cum Viola æmulantis. Vnde etiam fœminæ Indicæ iis in nobili suo unguento *Borborii* supradicto utuntur, ut corpus à capite ad calcem eo inungant. Capillos quoque ferme semper intertextos habent hisce & aliis bene olentibus floribus, ut maritis suis, vel potius amantibus, gratiores occurrant.

Nascuntur præterea in arbusculis, nivis instar albentes flosculi, qui *Fula Mogori* à Garcia ab Orta vocantur, tam grati odoris, ut Violæ ipsis cedant longo intervallo. Ex his aquæ destillatitiae cordiales conficiuntur pro Lipothymiis, (quæ frequentes, & periculosæ hic in Choleris eveniunt,) præstantiores certe, quam aqua Rosarum vel Buglossæ possint esse. Ad Epithemata porro in continuis febribus, & doloribus Capitis biliosis accommodatissimæ sunt hæ aquæ; unde natura horum florum, è temperato versus frigus vergens facile conjicitur.

## C A P V T X L V I.

*De Rosa Batavico - Indica inodora seu Malva frutescente.*

**R**utex quidam hortorum sepibus contexendis plantatur, cum sarmentosis, & oblongis ramis, è quibus corbes conficiuntur. Folia habet pyramidalia, in circumferentia dentata, florem fert rubicundum plane, qualis est Rosæ simplici folio apud nos. Sunt & frutices ejusdem speciei, qui carnei coloris flores gerunt, quem Beigæ *Lijfverwigh* nominant; totus porro frutex inodorus est, & suo virore solum, & pulchre florum rubro colore, aspectum delectat amoenissimum. Masticatus Flos nigrum succum à se emittit, quapropter nobis aliquando denigrandis calceis inservit. Ex sapore

## ROSA INODORA RUBRA L.      ROSA INODORA PALLIDA II.



sapore tamen astringenti, constat frigidioris esse naturæ, & in Febribus continuis aqua destillata ex his floribus ad conciliandum somnum usus sum pro frontali. Non incommodè etiam posse sumi in Dysenteria propter astringentem vim contenderim, sed cum notiora, & meliora ad hunc affectum medicamenta nobis suppetant, non est quod ad minus usualia curramus. Ego huic frutici lubens Malvæ frutescentis nomen indidem. Cum Flos ipsi Malvæ arboreæ flori non sit absimilis, præsertim quantum ad pediculum prominentem è Floris calyce, ut hic depictum videre est.

**S**ecunda Rosa Batavico-Indica inodora hic apposita est, quæ quoniam colore tantum differt à priore, quod illa rubro, hæc vero carneo sit colore, peculiariter quod de ipsa amplius scribamus, non habemus.

## C A P V T X L V I I.

Appendix. *Moly, vulgo Lilium Indicum.*

**P**ro miro & vario naturæ lusu flores Asiatici Europæos æmulantur. Belgæ in Indiis pulcherrimum hunc Liliis rubris nostris annumerant, quibus sane figuræ & coloris elegancia haud cedit, & proinde apud indigenas, perpetuos florum & odorum admiratores, in pretio habitus. Si ulli florum Indicorum comparandus, certe Moly



Moly montano latifolio, flore flavo, Clusii similis existit. Caule unico, enodi, firmo, sed tenui, ad altitudinem nostratis Lilii exsurgit. Cui infra tria quatuorve folia oblonga, surrecta, supina parte carinata & contorta adnascuntur. Summo autem fastigio, ex membranaceo folliculo, bifarium diviso, quindecim aut plures flores uncialibus vel longioribus pediculis, senis foliis, stellæ in modum expansis, emergunt, qui simul eleganter juncti coronam imperialem repræsentant. Ideoque non indignam putavi plantam hanc ad vivum in Indiis depictam pro corollario annexere, licet ulterior ejus usus & dignitas à nobis adhuc desideretur.

## C A P V T X L V I I I .

*De Ligastro Indico, & Alcanne frutice.*

**C**hristophorus à Costa, historiarum libro, de aromatis, & plantis Indicis, f. 285, vehementer laudat hanc plantam: Quod adeo verum est, ut nihil præstantius inveniri in terra posset, sovendis membris eorum, qui à molestissima paralyticos specie, *Beriberii* dicta, affecti sunt; de qua cum latius in Method. medendi egerim, non est quod hic repetam. Planta eadem est, quam Prosper Alpinus sua, de Plantis Ægyptiis, historia Ligustrum Indicum nominat: & certe flos, folia, & farmenta omnino Ligustrum referunt; odoratius tamen spirant folia quiddam, quam nostrum Ligustrum: flos quoque, quamvis forma conveniat, colore variat; nam in Ligastro Indico subcyaneus est, cum in Ligastro patro, nive sit candidior; Vaccinia tamen utriusque nigro

## LIGVSTRI SPECIES I.

LIGVSTRI SPECIES II.  
ALCANNA dicta.

nigro sunt colore. Nobilissimus est frutex per omnem Indiam, longe virtutibus excēdens Chamæmelum, & Melilotum, quum in fomentis discussoria sua vi paralysin sanet, folia masticata aliquantum linguam vellicant, sine tamen insigni acrimonia.

Alcannæ frutex, quem simul hic appingi curavi, huic congener est, nisi quod sit foliolis minutioribus, quam Ligustrum Indicum, quod Malaii *Lagondi* vocant, Garcias ab Orta *Neergundo*, & *Negundo* appellat.

Alcannæ porro folia per totam Indiam in usu sunt tingendis dentibus, labris, & unguibus præsertim, rubro colore. pulcrum inter Mauros existimatur, quod hoc modo faciunt; folia in lapide marmoreo pistillo confracta macerant in aqua pura, cum pauca calce, & sic rubrum nascitur hoc pigmentum, quo & caudas equorum suorum Turcæ, & Persæ, eleganter tingunt, non secus, ac si videoas equos istos in Zelandiæ partibus, ubi Rubia tinctorum nascitur, qui quia Molas illas circumactiles trahunt, quibus radices dictæ Rubiæ, in fornacibus exsiccatæ, teruntur in pulverem, toti rubro colore picti conspiciuntur.

Denique ut concludam, hi duo frutices in tanto sunt honore apud mulieres Malacas, ut sacrilegus habeatur, qui malum de iis protulerit verbum, & semper in lotionibus, quibus utuntur in puerperiis, omnibus denique vulvæ morbis, ditiores, hæ plantæ adesse debent. Quin & senectutem arcere dicunt, & (si auderent) mortem ipsam. Certe virtutes ejus egregias ego nunquam satis laudare desinam, cum foliis hujus nobilissimi

lissimi fruticis, secundum Deum, sanitatem meam restitutam debeam à molestissima ista paralyseos supra dicta specie, qua ego per integros quatuor menses, cum prima vice, à Iavanis Mataranensibus obsessi essemus, vexatus sum, fotu, & decocto intus sumpto hujus *Lagondi*, plane ab ea liberatus sum, & in Nosocomio eodem modo plures alios percuravi.

## C A P V T X L I X.

*De Colocassia seu Culcas Prosperi Alpini, quam Ari  
esse speciem proxima descriptio ostendet.*

**P**rosper Alpinus libro suo, quem edidit de plantis Ægypti, hanc *Culcas* ab incolis vocari ait, ipse Colocassiam vertit, qua ratione ego equidein ignoro, cum Colocassia longe quid aliud sit, præterea edulem esse ait, quod quidem verum est, sed cum cautione est intelligendum, ne ignarus quidam vitæ periculum incurrit.

## C O L O C A S S I A.



rat, cum planta hæc natura sua venenata sit. Itaque radices ejus crassas, & in talco los discissas, Iavani per triduum aut quatriduum in profluenti macerant, ut muccilaginosa, quæ in iis est substantia, abluatur, nam in hac muccagine deleteria ejus vis consistit, tunc expressas torculari easdem radices Soli siccandas exponunt, & dein eas in pollinem terentes, placentas ex iis loco panis & oryzæ conficiunt. Et hæc est radix ea, clade Iavanorum Mataranensium nos obsidentium tam nobilis, quæ inter eos perniciosa in castris Dysenteriam excitavit, dum miseri fame oppressi, quod à nostris oryza omnis intercepta, & incensa esset, quæ à *Tengal* civitate in castra advehi debet. Itaque hac sola fera radice se per aliquot septimanas sustentare in summa fame coati sunt. Chinenses, & Malaii eodem modo præparatis ejus radicibus utuntur. Quantum me spectat, ego non libenter fruar deliciis tam caro constantibus. Præterea (quod pene omiseram) dum hanc radicem coquunt, prius decoctum abjiciunt, & addita aqua recenti recoquunt, & tum iis quoque vescuntur, cum aceto, & oleo Nucis Indicæ, & Pipere,

Pipere, ut nos radicibus Betæ rubræ. Cæterum quod Pr. Alp. loco citato dicat, plantam hanc florem non ferre, falsum est, immo ego ejus florem, & fructum, millies vidi, & ex iis conjecti, Ari esse speciem, ut in hac figura videre est: adde quod fructus maturus omnino ruber sit.

## C A P V T L.

*Cynara Indica seu Ananas Indis dicta.*

*Qui legitis Cynaras, atque Indica dulcia Fraga,  
Ne nimis hæc comedas, fugito hinc, latet Anguis in herba,  
Ne tibi lethifero sapor impleat ilia succo.*

**C**Vm Christophorus à Costa hunc fructum egregie describat, nolo ego honorem suum illi invidere, sed lectorum eo remitto: hoc tantum addito, gustu adeo delicato esse, quam Fraga in Patria, vino, & saccharo macerata. Externam cutem hujus fructus aufert, qui eo uti volet, & reliquum discindit in taleolas, quas aqua,

## A N A N A S F R V C T V S.



aut vino, paulum macerare necesse est, ut erodens vis ipsi insita extrahatur, alias calore suo palatum, & linguam exulcerant, bullasque in iis excitant. Quapropter omnibus & singulis suaserim, ut his fructibus moderate utantur, ne decepti a gratissimo sapore incurabilem Dysenteriam incurant. Quamvis fructus hic ex effectu suo procul dubio ca-

lidus judicari debet, tamen folia frigida sunt, quod acidus ejus, & adstringens sapor, satis indicat, qui gustus non nisi in frigidioribus plantis reperitur. Neque hoc alicui videri mirum debet, plantam, aut fructum, una parte calidum, altera saepe frigidum esse, cum exempla in promptu sint; sed unicum hoc tantum adferam huc de Malis Citreis, Limonibus, & Aureis, quorum pulpa egregie refrigerat, exterior vero cortex calidus est, quod sapor ejus amarus facile indicat, praeterquam quod mulieres Indæ, nullum efficacius medicamentum ad obstructions menstruorum esse quotidiana experientia testantur, & nos corticibus horum fructuum conditis, ad frigidos Ventriculi, & Intestinorum affectus commode utamur.

## C A P V T L I.

*De Betonica fruticescente.*

**A**ntequam plantam hanc fruticosam describam, illud lectorem admonitum volo, me inter Naturæ miracula, quæ in hac Insula visuntur, referre, quod herbae, & plantæ, alibi à natura molles, hic caule lignecente multæ conspiciantur, ut inter cæteras videre est Malvam vulgarem, quæ pumilis stolonibus ligneis

## B E T O N I C A F R U T I C E S C E N S.



egregie floret, & caseolos suos profert. Multæ præterea Fabarum, & Lupinorum species hic in arboribus crescunt, quod in Patria nostra plane inauditum est, sed de iis suo loco. Ad nostram hanc Pulmonariam jam deveniamus, quam sic nomino, quia maculas fert in foliis suis, quales in Pulmonaria nostra videmus, quæ ibi inter olera refertur, sed revera flores, seu spicæ ejus, eam de Betonicæ genere esse arguunt: tamen hic pulmonibus ejus decoctum utile fertur, Sputo sanguinis, Phthisi, Asthma denique conductit, quod *Sakit batii* Malaii vocant, seu morbos Cordis, cum Cor, Hepar, Pulmo-

Pulmones, Lienem denique ipsi nomine Cordis insigniant, ac, uno ex supradictis instrumentis laborante, *Sakit batii*, id est, se dolere è Corde conquierentur; & dum locum affectum manu demonstrant, facile Medicus versatus errorem intelliget, alias ludibrio se exponi Tiromedicus putaret. Spica hujus plantæ frutescentis, ut dixi, Betteonicæ flori respondet: colore sunt flosculi, qui mille fere, una spica existunt, ex pallido cyanei, quales sunt flores Roris-marini in Patria. Indæ porro mulieres succum hujus plantæ expressum, ac viridem, excellens antidotum dicunt esse adversus morsus Serpentum, Scorpiorum, Scolopendrarum, & cæteros venenatos iætus. In quo ego illis facile fidem adhibeo, cum sciam, ipsas perfectissimas magistras, & repertrices venenorum esse, quibus illos, quibus male volunt, ad Orcum demittunt, & in hoc genere fraudis nullo modo Italæ cedunt, cum terra hæc, ut optimarum, & præstantissimarum herbarum est ferax, sic venenorum, & medicamentorum deleteriorum copiam gerat.

## FRUTEX INDICVS INCOGNITVS.



**F**RUTEX hic exoticus, anonymous est, cum floribus exiguis copulatis, foliis autem magnis, deorsum pendentibus, ex pediculis solidis, ligneis. Eorum succus ulceribus mallemoratis exsiccandis dicatus est. Cætera, quæ de hujus plantæ viribus dicenda forent, quia mihi incompta, posteris indaganda relinquo.

*De Gramine Cruciatu Prospere Alpini, lib. 1. de Plantis  
Aegypti, cap. 40. & de cæteris Graminibus medi-  
cinalibus, & radicibus eorum in Java.*

*Gramen ego quamvis vociter vilissima Planta,  
Sed tamen in morbis notus me prætulit usus,  
Qui Renes diro vexantque dolore vesicam.*

**G**raminis species hic depicta, abundantissime in Insula Iava crescit, non secus, ac in Ægypto, ubi Prosper Alpinus medicus præfecti mercatorum Venetorum in Cairo Ægypti, eam crescere ait, folia eadem habet cum gramine vulgari: sed in apice Caulis quatuor decussatim aristas profert, formam Crucis plane referentes. Est

GRAMEN CRUCIATU.



præterea Gramen ejusdem generis, quod sex vel octo, tales aristas ferat, quales hic pinguntur, & stellas cælestes non male tum referunt; in his aristis semen continetur parvum, & semini per quam simile. Radices cum tota planta coquuntur, ad Dysuria, Stranguriæ, Renum, & Vesicæ dolores, & ulceræ; excitando dein fluxus mūliebres, Malaii medici iis utuntur.

Graminis omnigeni adhuc plurimæ sunt species, figura diversa, Dodonæus quindecim, vel sexdecim diversas ponit, Lobellus aliquanto plures: sed huc veniant velim, vel centum iis ostendero. In hoc genere etiam (omissis vulgaribus) Iuncum odoratum repono, quem quamvis Garcias ab Orta nullius ferme usus esse dicat, quam equorum substernendis cubilibus, tamen in Iava vix unquam carnes, vel pisces elixantur, quin fasciculus hujus vere aromatici Graminis addatur, cum ad saporem conciliandum, tum ad naturalium membrorum concoctionem adjuvandam. Taceo vim ejus deobstruentem, in Iecoris, Lienis, Mesenterii denique, & Pancreatis infarctionibus, quæ duæ posteriores obstructionum species, hic perquam familiares sunt, & miseros mortales sine ullo fere sensu doloris in marasnum & extremam extabescientiam conjiciunt, ita ut verius Sceleti, ac umbra hominum, quam homines appa-

appareant: sed de his in privatis meis Observationibus, & Methodo medendi Indica.

Crescit & aliud Graminis genus, sola radice à vulgari differens, quæ tres, quatuorve tubercula profert, Ciceris, aut Pisi magnitudine, quæ masticata plane saporem Caryophyllorum reddunt, nisi quod sint moderationi & blandiori calore. Denique quamvis Gramen vulgatissima sit herba, & propterea ab omnibus existimetur vilissima, & abjectissima: tamen inter saluberrima est è terra nascentia medicamenta.

Quapropter, quia multi nihil nisi pretiosa prodesse putent, monitum volo qualem-  
cunque novicium huc adventantem, nil quod vulgo contemptissimum videtur, teme-  
re abjiciat; cum vel exercitatissima ingenia in eo sæpe reperiant, quod omnes universi  
Orbis thesauros supereret, sanitatem dico, sine qua multi hic ardentes frustra delicias  
ex opibus quærant.

Corona quidem nulla graminea nobilior in majestate populi terrarum Principis,  
præmiisque gloriae Gemmatæ, & Aureæ, Vallaresque, Rostratae, Civicæ, Triumpha-  
les &c. Plin. lib. 22. tum quoque lib. 4. cap. 55. Graminea (corona) non nisi in despe-  
ratione suprema contigit nulli, nisi ab exercitu universo, servata & decreta. Cæteras  
Imperatores dedere, hanc solum miles Imperatori.

## C A P V T L I I I.

*De Halicabo seu Alke-kingi Arabibus dicto.*

**H**LANTA hæc nobilis circa fluminum ripas copiose nascitur, cum floribus suis pul-  
cre flavis, quibus minores paulo patriis vesiculæ succedunt, quibus semen conti-  
netur: Indi, & Chinenses hanc plantam cum Mandragoræ pomis, quæ *Pomad'oro*

HALICACABVS.



Lusitani vocant, & Chili seu Ricino Americano comedunt, de quo cum in descrip-  
tione


ne Ricini commemoravimus, non est, quod actum, hic agamus. Succus viridis expressus in usu est ad calidos Renum, & Vesicæ affectus: Tum in Gonorrhœis Venereis, quæ hic eveniunt acerbissimæ, remedium est anodynū summe; & certe hinc videre licet, quam consone, hæc gentes, quamvis Idiotæ, cum nobis medicinam exercant, ut mihi non dubium sit, Græcos potius hanc artem à vetustissimis Ægyptiis, & Arabib⁹ hauiisse, quam ipsis tradidisse; nam quis, quæso, Græcorum huc unquam devenit? præterea Malaica unaquæque mulier medicæ simul & obstetricis munere facile fungatur, ac (ut fatear, quod res est) ego me illarum manibus libentius commiserim, quam scio alicui Medico, vel Chirurgo arroganti, è scholis studia in umbra educata, & inflatam præsumptionem, præ se ferenti, & sine ulla experientia, medici solummodo in charta, tamen (si Dis placet) rationales dici volunt.

## C A P V T   L I V.

*De Verbena Indica, & nugacibus de ea anicularum opinionibus.*

**V**erbena hæc similis est Verbenæ nostræ mari, spicæ tamen hic duriores, & longiores sunt; foliis hujus Plantæ contusis utuntur Incolæ, & nos quoque, ab iis edocti, ad ulcera tibiarum: nam egregie exsiccant, quod requiritur in omnibus ulceribus, quæ hic propter aëris calidam & humidam constitutionem, difficulter

## V E R B E N A   I N D I C A.



admodum curantur. Succo expresso recenter, & cochlearis unius mensuram ægris ad Cholicos dolores, Dysenteriam, Choleram, & reliquos indiscriminatim Intestinorum

storum affectus, cum summo successu hauriunt. In Syncope quoque, & animi deliquis cum aceto contusam pectori applicant.

Cæterum herbam hanc sacram esse dicunt anus Indicæ (quod cum nostris aniculis commune habent) omniaque incantamenta arcere aiunt, & maleficia: sed credat Iudæus Apella, non ego; qui, ut natura non propensus sum credendis superstitionis medicamentorum viribus, hoc saltem ridendi causa huc adduxi, ut ostenderem, insanam, & futilia credendi Cacoëthiam, & malum morem inter totius Orbis deliras aniculas versari.

## C A P V T L V.

*De Myracantho seu Eryngio Indico.*

*Affectos renes & tormina dira vesicae,  
Cortice quæ scabro producit calculus, atque  
Mille minas mortis sanat Myracanthon odora  
Radice, & rauco dicit de pectore phlegma.*

**Q**VANTUM ad folia Eryngium hoc Patrio simile est, quod in collibus arenosis circa mare in Hollandia, & in Zeelandia circa aggeres, copiose crescit. Flore tamen omnino differt, qui spicatum prodit, non secus, ac flos Lavendu-

## ERYNGII INDICI SPECIES.



lx, seu Spica Nardi, nisi quod longe major sit hujus Eryngii flos, coloris est ex cœruleo pallidi, florens per totum annum conspicitur, &, secus quam in Patria, liben-


ter circa paludes crescit: & longa spatia occupat, læto sane ob pulcherrimos flores aspectu. Radicem habet Aromaticam, & blande calidi saporis: Vnde non frustra Myracanthi nomen apud Græcos meruit. Ego radices hic saccharo condirijubeo, & illis cum summo successu exhibeo, qui paralyssi Indica, *Beriberii* Incolis dicta, laborant, quod in me ipso expertus sum, dum molestissimo, & pigro hoc malo, per quatuor continuos menses miserrime decumberem. Copiosas quippe urinas hæc radix elicit, & sudare facit; tum Asthamati, quod plerumque hoc malum comitantur, utilissima est, neque ego inter vegetativa medicamenta ullum præstantius reperiri posse confido, ad expectorationem Pituitæ falsæ, & crassæ, ut taceam notissimas ejus vires adversus Calculum, & Renis affectus. Colicum quoque dolorem temperato suo, & blando calore, confessim sedat, & flatus intestinorum discutit.

## C A P V T L V I.

*Milium Solis seu Lithospermon Indicum.*

**H**oc Milium Solis, quia à Patrio floribus, caule, & foliis, non longe differt, peculiarem de eo descriptionem hic non adjunximus, id solum dico, fructum longe majorem, ac lapidis instar durum, ferre, quæ farinam edulem intus contingat: Portugallice vocatur *herba da Rosarios*, quod Malaicæ mulieres pauperiores, &

M I L I U M S O L I S.



servæ, horulas suas precarias inde confiant, & etiam iisdem catenarum seu torquium loco, ut ditiores ex auro, utantur. Vires hujus semenis notæ sunt adversus Renum, & Vesicæ affectus, &c.

C A.


## C A P V T L V I I.

*De Esula Indica, & de Planta illa, quæ lacrymam illam emitit,  
Gutta Gemou vocata.*

*Scammonii succum quid laudas Græcia mendax?  
Indica nam Lathyris liquorem fert meliorem;  
Aureus est illi color, & virtutibus aurum  
Exsuperat, quod dirius Hydrops testabitur, atque  
Indica Paralysis Beriberii nomine dicta.*

**P**Assim hic in silvis crescit mirabilis, Esulæ, seu mavis, Lathyridos species, quæ in tantam altitudinem assurgit, ut ingentes arbores scandat, crassitudine saepe brachiali, & amplius, plena est spinosis extuberantiis, quæ tamen, utpote molles, puncturas non inferunt: foliolis hinc inde excrescentibus, quæ admodum similia sunt

## E S U L A I N D I C A.



foliis ejus Sedi, seu Sempervivi, quod nos vernacula lingua *Hups-loock* vocamus. Caule est trigono, quo vulnerato succus lacteus, qualis ex Esula, desultim exit, ut, nisi tibi caveas, facile vestem, &c, quod pejus est, faciem, & oculos commaculet, quibus propter vim causticam admodum inimicus est. Ex hoc succo conficimus extractum utile ad Cachexiam, Hydropem, Paralyсин, & reliquos stupidos, & frigidos affectus, qui levi pharmaco non moventur: dosis ejus est à gr. x. ad xx.

Ab hac Planta, neque forma, neque figura, neque crescendi modo differt ea, quæ lachrymam istam flavam à se emittit, quæ officinis nostris Gutta Gemou corrupte dicitur, Indis *Loran Cambodja* vocatur, quod in *Cambodja*, vicina Chinæ regno Provincia, proveniat, ubi etiam copia Aloës hepaticæ exprimitur.

Hujus

Hujus porro flavi succi si virtutes enumerem, deficiat me prius dies, quam loquela, præparatus autem longe tutius, quam crudus sumitur, nam eo modo vomitivam suam, & infestam ventriculo facultatem maxima ex parte deponit. Modus autem præparandi talis est. &c. Gutt. Cambodja lib. j. contundat. grosso modo, contusa inf. in vi-trea phiala capaci in aceto fortissimo distillato, ut materiam superet tres digitos circiter, expone dein solaribus radiis, qui propter fervorem, nobis in multis ignis Chymici usum præstant, post octo, aut decem dies rursus arctissime coletur, & rursus s. a. inspicitur in extracti debitam consistentiam: hujus extracti gr. xii, ad viginti exhibentur in forma catapotiorum solida, vel vino diluta, & sic materiam peccantem per alvum solum modo educimus copiose, & sine molestia. Ego certe hoc Gummi, eo, quo dixi, modo præparatum, longe prætulerim Scammonio in his calidis, & humidis regionibus, quam ob causam jam dictum Scammonium, aëris injuriis non valens resistere, statim corrumpitur, & vires suas amittit, secus quam hic succus, qui densus, & compactus facile aërem ambientem contemnit; Et hæc de nobili illo flavo succo dicta sufficient, de quo, quod sciam, nullus ante me quid exacti edidit.

Sed quia in mentionem Scammonii incidimus, illud hic etiam per quam copiose crescit, ut & innumerabiles Convolvulorum species, inter quas ponimus etiam Piper, ac tantopere decapitatum folium, *Syripyng* dictum, de quo alibi egimus.

## C A P V T L V I I I.

*De Gentianella Indica.*

**G**oniam herba hæc, tam forma, quam floribus cyaneis, Gentianellæ patriæ apprime respondet, merito mihi illi Gentianellæ nomen indidisse video; gaudetu tamen non amaricat, namque Gufaratis, & Indis inter olera ac Seir suum, reponitur; tum alvum modice cit, urinas movet, obstructionibus denique viscerum tollendis inservit, ut merito inter alimenta medicamentosa reponenda sit. Folia in usu sunt adversus tibiarum, & pedum ulcera, hic admodum familiaria, propter exsiccantem, & abstergentem ejus vim. Aquam quoque ex illius foliis elici-mus, quæ conduct Colicis doloribus, diuturnis Diarrhoeis, cæterisque ventriculi, & intestini affectibus à frigore ortis. Folia hujus plantæ, quia nervosa sunt, Plantaginem in mentem mihi revocarunt, quam tamen in locis silvestribus hic crescentem nunquam me vidisse scio: sed in hortis inter lactucarias herbas aliquando eam speciem surgere con-spexi,



G E N T I A N E L L A E S P E C I E S.

spexi, quæ angustifolia vocatur (vulgo Costam caninam appellant) quam tamen inter semina Lactucæ è patria allata, & minus bene purgata, latitasse crediderim. Et certe hæc terra tam fertilis est, ut nostra semina, & quæ è Persia, & Zirate, huc adferuntur, cum foenore reddat. Iam nuper enim Asparagos, primum satos, luxuriose crescere vidi, tum Brassicas nostrates, si opportune terra ipsis aggeratur, hic quoque in se contractas optime provenire certum est: Sed si quis negligentius eas tractet, in folia diffunduntur fruticosa, & lignosa.

Raphanus sativus porro longe melius, & sapidior crescit, quam in patria, è quibus crassior, & brevior quædam species nobis cocta pro Rapis respondet. Chinenses quoque Raphanos & folia aceto & muria, ad orexin excitandam, conduint.

## C A P V T L I X.

*Guanambanus.*

**R**E Botanicæ sagacissimus indagator Carolus Clusius, in animadversionibus suis ad Garciam ab Orta, de plantis Indicis, lib. 2. cap. 10, citat Iulium Scaligerum, hunc fructum utcunque describentem, ex auditu, credo; sed intermixtis non parvis erroribus: nam quod dicat fructum *Guanamban* nasci in altis arboribus, plane er-

## G V A N A M B A N V S.




roneum est: nam vix frutex dici potest, qui fructum hunc profert, & vix ultra medium humanæ staturæ assurgit, Sarmenta potius emittens, quam ramos, quæ egregie flavos flores ferunt, quibus *Guanamban* fructus succedit hac figura, qui quinquangulus est & totidem commissuras habet, prominentiores paulum, quæ apertæ semen ostendunt, instar

instar Ciceris, quod viride primum, mox maturescens, ex cyaneo atrum & splendens colorem contrahit, qualem videre est in Corallo nigro expolito. Fructus hic in superficie lanosus est, & pungens, ut in foliis Cardui Benedicti etiam fit. Folia referrunt plane Pentaphyllum nostrum. Apud Malaios eorum alius usus non est, quam quod inter cætera legumina ab iis coquantur, cum jure gallinarum, aut aliarum carnium, & etiam flatus excitant, ut cætera Pisorum & Cicerum genera; atque nescio quid fastidiosi sapiunt, unde etiam insuetis alvum movent.

Hæc ex visu vera est *Guanambani* descriptio; & nemo mihi scio, hoc vitio vertet, quod credam, oculatum unum testem plus fidei mereri, quam auritos decem.

G V A N A M B A N V S Africanus.



quibus amphiboliis obscuritates infinitæ causantur. Clusius fructum *Boabab* Alpinii, non male mihi visus esset Guanambano comparasse, si etiam non ex arbore pendaret, & non foliis esset admodum à nostro discrepantibus. Oviedus autem sub nomine *Guanambani*, accurate l. 8. c. 17, arborem in America undique familiarem esse testatur. Quæ si rite examinetur, exacte quadrat cum nostro Brasiliensi *Araticuponhe*, fol. 142, descripta. Quæ arbor revera in multis Americæ locis sponte luxuriat, & cuius fructus pulpa, ejusdem est saporis & consistentiæ, sicut descripsit illam.

Hic autem Guineensis Guanambanus planta quoque est fruticescens, foliis magnis Cardui vel Acanthi non dissimilibus, cum profundis pro vario naturæ lusu incisuris, eaque caules farmentosos cingunt. Ex his superius emergunt flores flavi, quibus fructus oblongi, crassi, succedunt, cum multis striis, & eminentibus incisuris, per longitudinem excurrentibus, desinuntque in coronam, ex octo foliolis tenuibus constantem, quæ corona his Guineensis fructibus peculiaris esse videtur. Num qualitatibus & usu cum Bontii lavensi conveniat, vel discrepet, nihil mihi hactenus certi compertum est, & proinde ulteriori descriptioni supersedeo.

**A N N O T A T I O.** Ego cum nostro Bontio, Oviedum, Clusium, Scaligerum aliosque erroris quoque insimulare possem; quod in descriptione hujus plantæ admodum discrepent ab Asiatico & Africano Guanambano; sed ob multas rationes videntur hi excusari posse: præterquam enim quod inter se haud convenient de arboris magnitudine & figura; nullus quoque eorum plantam vel fruticem sicut nos, sed unanimiter Arborem satis proceram esse afferunt. Proinde vel diversa plane species illorum Guanambanus, discrepans ab hoc nostro, etiam ratione diversi saporis, & qualitatis ipsius fructus; vel error ille ascribendus est perpetuæ varietati & perplexitati nominum exoticis plantis impositorum. nam interdum idem nomen à diversis autoribus, diversis rebus impositum est. Ex

## C A P V T L X.

*De Salvia Indica arborescente.*

**S**Alviam pumilam, humi serpentem, in India nondum mihi videre contigit, Anthos seu Roris-marini plantulam unam atque alteram aliquando conspexi, eaque tanta cura à Solis injuriis conservari debet, quam apud nos à fævientis hyemis frigore, & nivibus. Salvia autem, quam tibi depictam damus, frutex est

## S A L V I A A R B O R E S C E N S.



surgens ultra duorum hominum altitudinem; & tanta copia crescit, ut sylveta integra conficiat: nam longe lateque luxurians radices agit non secus ac Glycyrrhiza in Europa, ita ut qui eam in hortis plantant, post aliquod tempus cum summa molestia radicibus effodiant, cum subinde repullulascat. Ad Promontorium quoque Bonæ Spei crescentem in magna copia hanc Salviam vidi, cæterum flores fert ex albo cyaneos, ut reliqua Salvia, foliis admodum longis est, quæ præter gratum odorem, etiam umbram commodam præstant. Si autem bene colatur in hortis, plurimum de feritate sua remittit, quod fiet, si radices, & luxuriantes stolones statim temporibus commode refescuntur; & tum non minus utilis est in cibis, quam mansueta pumila apud nos, tum viro mæcerata, & ex ea quotidie si sumas aliquot liquoris uncias, nullum præstantius medicamentum inventas in familiari hic tremoris seu paralysie specie,

o

quæ

quæ Beriberii Incolis dicitur, quod ut in pluribus aliis, sic in me ipso cum summa utilitate expertus sum.

Malaicæ quoque Mulieres ad eumdem usum ea *Salvia* utuntur, tum ad omnes uteri & nervorum affectus in fomentis suis, & lavacris familiaribus, cum Ligistro Indico seu *Lagondi*, & frutice alibi *Dauillontas* dicto. Flores quoque, à nobis conduntur, & ad omnes frigidos intestinorum & cerebri affectus summe conducunt, tum hydrotici sunt, & urinas bene movent: sed de hoc melius in Methodo mea medendi Indica dicetur; Quia hic tantum nudam Plantarum Historiam proponere est animus. Finio itaque cum scholæ Salernitanæ versibus Leoninis.

*Cur moriturus homo, cui Salvia crescit in horto?*

### C A P V T . L X I .

#### *De Scabiosa Iavana.*

**S**cabiosa in Iava copiosissime crescit, sed macilentior est ratione foliorum, quam nostras, flores minusculos cœruleos habet, qui foliis ut calice conteguntur. De viribus multa dicere, supervacuum judico, quia istæ cum patriis convenient, unum tamen reticere nequeo, esse hanc Scabiosam remedium præstantissimum in

#### S C A B I O S A .



extabescentia seu Marasmi quadam specie, in his locis admodum familiari, quo affecti æ gri ad extremam maciem perducti, tandem tenuem animam exhalant, ita ut pelli, & ossa deveniant, & Sceleti potius videantur, quam homines. Quod morbi genus

ex obstructionibus hepatis, ac lienis ortum trahit: sed saepius ex obstructione mesenterii, ac ejus Scirrho, & Apostemate. In hoc affectu dico, Scabiosa haec cum Gramine cruciato P. Alpini, alibi a me descripto, & cum radicibus Chinæ simul cocta, excellens est medicamentum. Ac polliceri id certe audeam, quod si mesenterium non adeo corruptum sit, ut ad pristinam temperiem reduci nequeat, certissimam adferre salutem. Malaii porro hac Scabiosa inter olera sua utuntur, &, ut nos, pectorale esse medicamentum autumant, vitiisque pulmonum egregie mederi.


Crescit porro etiam Succisa seu Morsus Diaboli vocatus, tum Morsus Ranæ quoque, in fossis, & paludibus: sed quoniam vires cum patriis convenient, non est, quod eas denuo referamus.

## C A P V T L X I I.

*De Lysimachio Indico, & obiter quedam de Indis Pythagoricis.*

**L**escit haec Lysimachii species in Java circa fluminum ripas, colore florum a patro varians, qui ibi purpurei plerumque sunt, hic vero albi conspicuntur, & flores referunt non male Periclimeni flores, quos vulgo Lilia sylvestria appellant. Ut florum color, ita & totius plantæ facies a vulgaribus Lysimachiis multum

## LYSIMACHII SPECIES.




abludit, sicut non raro in Indiis contingit, praeterquam quod alia Lysimachia inter se maxime discrepant, sicut præsertim in Clusii rarioribus plantis apparent. Planta haec est

## I A C O B I B O N T I I

160

Europæo Lyſimachio procerior , caule unico , duro , fimo , in coronam aliquot foliorum noviciorum desinente , quem ambiunt ordinata quadam serie ab imo ad summum folia bina , ex adverso posita , longiora & solito angustiora , unico nervo recto , multis venulis obliquis divisa . Circa horum pediculos ad caulem alii caulinuli emergunt longiusculi , in quorum extremitatibus flores nascuntur . Inter Olera à Mauris recipitur , & non secus , quam apud nos Beta , in Spinachiis coquitur . Qualitates ejus ex gustu pingui , & paulum astringenti ad temperatas referre ausim , & ad Malvæ naturam quam proxime accedere : nam & in clysmatis , ad ventrem , & intestina eluenda , in frequenti est usu ; hoc & experientia à Malaiis edoctus , verum esse comperi non semel in Nosocomio nostro Batavico , neque ego id mihi pudori duco , à barbaris , ac idiotis doceri , nam revera hæc gentes , præfertim Gusaratæ , & qui ex ora Continentis Chormandel huc veniunt , sagacius distinguunt inter herbas Medicinales , edules , ac venenatas , quam expertus quispiam Botanicus in Patria : ratio hæc est , quod plerique solis herbis videntur ; sive id à Pythagora habuerint , sive (quod credibilius est) id per manus à frugalibus majoribus traditum reservent ; quidam namque in eo tam sunt pertinaces , ut quamvis se scirent per tormenta ad mortem esse adigendos , nunquam tamen eo vescuntur , quod vitam sensitivam acceperit : Immo si vel Christianum , vel Maurum alterius sectæ , videant aviculas , vel simile quid vivum habere , ab iis eas pretio rediment , & libertati restituentes avolare sinent ; Hinc mirum ergo non est , cum vegetativis tantum sustinentur , eos præ reliquis mortalibus , gustu , & odoris sensu , in dignoscendis herbis præstare .

F I R I S.



GVIELMI PISONIS  
MANTISSA AROMATICA;  
*sive*  
DE AROMATVM  
Cardinalibus Quatuor,  
ET PLANTIS  
Aliquot Indicis in Medicinam receptis ,  
RELATIO NOVA.



## MANTISSA AROMATICA;

S I V E

## DE AROMATVM

Cardinalibus Quatuor,

## ET PLANTIS

Aliquot Indicis in Medicinam receptis,

RELATIO NOVA.



Editari forsan Iliada post Homerum videbor his, quorum in animo sedet illud longo usu tritissimum: Nihil dici, quod non sit dictum prius. Quid enim toto Orbe notius istis, de quibus promitto, Aromatis? Quorum naturalis Historia utcumque putetur ex pleno tradita, neque quid ad ulteriore notitiam desiderare; spero tamen tales me mei facti redditum rationes, ut constare liquido queat, nihil hic sine causa esse tentatum, & aliquid dictum, quod ignorarunt haetenus, quotquot eamdem materiam conscribere sunt aggressi. Quo ipso videri deboeo, nihil equidem detraxisse de laude tot Clarissimorum Virorum, qui egregiam sane in istis operam posuerunt; quin addidisse potius ad cuiusque merita, & perfecisse quæ varias ipsi ob causas relinquere imperfæta debuerunt. Hæc enim, ut olim, ita & nunc agimus, ut, quæ nescivere majores, proferamus in apricum; quæ scivere quidem, sed incerto, certa faciamus; quæque posteritati tradidere, sed fide dubia, indubia reddamus. Quod dum facio, quia fieri non potest, ut non detegam errores quos errarunt antecessores nostri; invidia litem nemo mihi movere tentet, priusquam paucis perlatis pagellis cognoverit, satin' inveniat justam actionem in his, quæ & publici à me boni causa sunt suscepta, & testimoniis asserta fidelibus. Occasionem quippe non unam nactus de Aromatis istis principalioribus, maximique per universam Europam usus, simul & de aliis quibusdam in Medicinam receptis Plantis, conferendi cum exercitatiissimis & integræ fidei Medicinæ peritis, aliisque Indicarum rerum scrutatoribus sagacissimis, deprehendebam, in non paucis, non magis Æra Lupinis differre, quam eorum relationes & annotationes æstatum superiorum. Quod idcirco monendum volui, ne quis arbitretur, me in rebus Naturalibus minus obviis temere astipulari iis, qui vulgari sunt peritia, nec judicio adeo acri, ut probatissimorum Virorum scriptis, maxime controversis, refragari mereantur. Veritatis itaque amor stimulum addidit promovendi rem Medicam, simul & detegendi fontem errorum, tam circa externam eorum faciem, quam natale solum & cultum, atque causas adulterationum. Veteres enim, quod mare ipsis esset ἀπεργίων, & adiri Solis ultra terminos positæ regiones nisi per longas ambages & mille pericula non possent, non videntur sua aliter quam per varias accepisse traditiones. Quam etiam ob causam factum est, quod unam eamdemque rem & diversis subinde nominibus appellarent, & tractationibus exhiberent: accepta videlicet errandi occasione à mercatoribus, & locis sæpe, per quæ deveherentur. Et enim mercatorum avarioribus, nemo non novit id esse in more positum, ut commendandis mercibus, quantumvis unius generis, semper novum affingant nomen, cum à cæli solique bonitate, tum à varietate odoris, saporis, coloris, corporis, aliorumque id genus.


genus. Quod ut optimis quibusque Aromatis, ita vel imprimis omnium nobilissimæ Cannellæ (quam nomen Cassiæ ferunt olim audivisse) contigit. Hæc enim vel quod trunco fuit arboris vicinior aut remotior; vel intempestive cæsa; itemque rite aut non bene præparata, vel inter transvehendum asservata; vel denique integra aut deteriorum mixtura corrupta, nomine, facie externa, efficacia interna, variare solet. Vnde profectum, quod non solum contenderint inter se Autores vel diversi vel ejusdem generis esse Cimamonum & Cannellam & Cassiam; sed & pro vera Cannella quidam habuerunt certicem quemdam supposititum, & per se non satis cognitum; ducti in eam videlicet opinionem sola quadam odoris saporis similitudine. Quæ causa est, quod plurimi cum Medici tum Pharmacopœi, partim mercatorum technis decepti, partim autoritate Dioscoridis, Galeni, Plinii, aliorum ejus & insequentium seculorum nitentes, & ipsi imposuerunt per imprudentiam suis discipulis, quibus notas, ad delectum hujus alteriusve Aromatis cognitu necessarias, traderent: præsertim illi, qui haud satis circumspecte crediderunt Arabibus; Quorum multi, quod neque rerum ipsarum necessariam, neque Græci sermonis sufficientem, haberent cognitionem, fatali quadam gentis credulitate persuasi, nihil à Dioscoride, aut Galeno (unde fere omnia sua compilarunt) esse prætermissum in describendis Simplicium cum notis tum facultatibus, ne dubitarunt quidem asseverare hoc illud, etiamsi solo dumtaxat auditu haberent cognitionem, medicamentum esse id ipsum, cuius laudatimodo Autores meminerint, quoties putarent illis quadrare notas & facultates assignatas. Quæ si quis consideret, desinet haut dubie mirari, quare pleraque Exoticorum sint tot disputationibus & controversiis obnoxia. Neque enim alitet hæc sacra potuerint constare, quandoquidem nobis tradita sint à Græcis primum, deinde ab Arabibus. Non possum hic non dolere, periisse nobis quæ ea de re parata habuit D. Claudius Salmasius, seculi Phœnix, qui rei medicamentariæ historiam præstare constituerat certiore & ab erroribus repurgatam. Quo in labore olim Garcias ab Horto, Proregis Goæ celeberrimus Medicus, certe laudem meruit, detegendo aliquos errores, probandoque multorum Aromatum nomina esse ab Arabibus pariter ac Græcis depravata prorsus ac corrupta. In iis tamen quæ de Cinamomi, Cannellæ, atque Cassiæ natura prodidit, quod unum idemque essent, non possum ipsi consentire; utpote qui Goæ viixerit, loco ab Insulis Aromata ista ferentibus remotissimo, ubi facile potuit falli Vir optimus à Lusitanis imperitoribus, qui non veritatis eruendæ, sed negotiandi & acquirendi gratia in ea loca inciderunt. Quippe, etiamsi concedi facile potest, Cannellam nostram vulgarem apud veteres Cassiam fuisse appellatam, quod ex ejusdem generis ejusdemque formæ arboribus, sponte in silvis nascentibus, proveniant, eodemque modo præparentur; tamen satis superque constat, ea, quæ nunc Cassiæ nomen audit, licet ejusdem cum Cannella sit saporis Aromatici, multis tamen partibus ab illa abludere; primo, quod viscosa sua humiditate in ore præluceat, colore quoque intus sit nigricantior, dein quod Cassiæ dos primaria in meditullio corticis spongioso consistat; (superficie ejus, ut ex rasura patet, fere insipida existente) cum in Cannella nostra secus appareat, quæ tota perfusa est vi illa Aromatica, licet ob minorem materiæ suæ viscositatem, minoris durationis sit, quam Cassia hodierna. His accedit, quod *Ceylon* nullam ferat enarratam Cassiam, sed ea nascatur omnis in parva & ignobili Insula *Flo-  
ris*, quæ Insulis *Solor* & *Timor* vicinissima & tantum non contigua est, longeque à *Cey-  
lon* Cannellifera remota, quem admodum cognoscere est è Tabulis hydrographicis. Imo supra has enarratas differentias, adde, quod masticata, majorem, quam visciditatem promittit, humiditatem in distillando non præstet, sed oleum, quod exstilla, Cannellæ oleo, si non qualitate, saltē quantitate cedat. Ex quibus omnibus colligi facile potest, Cannellam à Cassia non solum nomine, sed & re differre; imo etiam ex allegatis labefactata putem illorum adversariorum argumenta, qui ex sola languiditate vel vivacitate saporis, differentiam inter Cassiam & Cannellam metiri posse prætendant, sine supra enarratis conditionibus. Nec est etiam quod objiciant, Cassiam hodiernam ideo infrequentiore esse, quod vilioris notæ Aroma existat, sed quod Cannella Ceylonica, tam ob majorem usum, imprimis in re cibaria (in qua Cassia longe postponenda imo inutilis censenda, ob mucosam, & viscidam humiditatem) quam ob uberiorem proventum, natalisque sui soli commoditatem, à mercatoribus per Europam ipsasque Indias distrahi consuetudo obtinuerit.

## C A P V T I.

De Cannella quæ Cuirdo; & Cassia vulgari, *çalihacha* dicta.

**A**RUMatum ergo, quæ Cardinalia vocavi, quod & copia & dignitate cæteris antecellant, primo se nobis loco describendum offert Cannella appellata ab aliquot retro seculis. Nam & recentioribus Græcis, Nicolao Myrepso aliisque *Kannella* dicta ex Latino est. Quod vocabulum diminutum ex *Canna* videtur, à quo Isi-

C A N N E L L A.



dorus l. xix. Orig. cap. v i i i, *Cinamomum dictum* scribit: quod cortex ejus in modum *Canna* sit rotundus & gracilis. Vetus appellatio fuit *Cinamomum*, & *Cinamum*. Plinius in x i i. cap. x ix. diserte: *Cinamomum*, idemque & *Cinamum*, in Æthiopia *Troglodytis con-nubio permixta*. Dalechampius, ut mendacium hoc satis pelluciduni obcruſtet, Chinenses ab Autore Æthiopas vocatos scribit. Sed antequam proprius rem describam, audiamus Scaligerum quoque Exercit. cxlii v. In *Ceylon* nascitur *Cinamomum*, & in *Mutir* una ex *Molucis*. Nullum fert fructum. Æstu cortex finditur, atque absistit. Quod & Commaro accidit. Bis in anno deglubitur. Dulcis primum: mensa postea perficitur. Iccirco ibi *Caunama* vocatur. *Cau* namque lignum significat: *na-ma* dulce. Tam propinquus etiam nunc vocis sonus est vocabulo nostro, & Syri vo-ce affini, *Chamam* dicunt, ut queri jam desinant nostri seculi Medici, *Cinamo-mum* nobis incognitum: cum sit hoc aliud, quam quod describitur à Galeno. Projecto quale prodit ille, nusquam comparet. Mirum sane. Sed mirum magis: in to-to terrarum ambitu atque complexu, qui nunc universus notior, quam illi domus sua fuerit: apud tot Reges Æthiopiarum, Arabiarum, Persiarum, Indiarum omnium, nulla

, nulla in Insula, nullo in Continentis angulo, latere, meditullio reperiri. Nam Othonus ipse, cui lac affluit gallinaceum, suam Theriacam vero Cinamomo perfici curavit. Dioscorides optimo nigrum statuit colorem, vinosum, subcineritum, Mof- silitiae Cassiae simillimum. Acutum vult, mordacem, levi superficie, non sine aliqua sal sedine, lenta fragilitate, non sine pulvere. Quæ omnia nisi in istis fistulaccis corticis cibus invenias, non invenias in mari salem. Cum igitur à locis, in duas species Cannella, nellam partiantur, Ceylanitam & Mutiream: priorem puto esse Cassiam; crassior enim est: hoc quod è virgultis eximitur exilioribus Cinamomum. Quæ omnia ad incudem censuræ nostræ revocare non putamus esse nostrum. Terrent enim me vestigia tot eruditorum neotericorum, qui monumenta veterum triverunt circa Cinamomi investigationem & interpretationem, etiam nunc satis fluctuantem. Si tamen calculum meum addere liceat, non video quomodo decantatus ille surculus Cinamomi nomine insignitus (sive is, cum, vel sine cortice, olim fuerit cognitus) ratione odoris sui caryophyl- lati idem censeri possit cum Cassia vel Cannella nostra. Imo operam ludere videntur Viri alias summi, Cardanus, Scaliger, Garcias, & alii, si consultis naribus & lingua de pertinacia sua nihil remiserint. Quamobrem ego declinans mæandros, ea tantum prosequuturus sum, quæ de natura Cassiae & Cannellæ hodiernæ mihi constant, eaque posteritati trado, ut lector deinde suo utatur judicio circa ea, quæ alibi legit. Andreas Mathiolus varias hac de re Autorum opiniones recensens, omnibus in utramque partem ventilatis, tandem & ipsis & sibi ipse diffidens, de Cassia & Cinamomo erumpit in hæc verba, candoris certe plena: *Hæc autem dicere volui, non quod hac in re certi aliquid exploratiæ habeam, cum tantum conjecturis agam; sed ut aliis ulterius explorandi latius pateat iter.* Quæ dubitatio quoniam de plerisque etiam hodie est eorum, quæ ex Indiis ad nos devehuntur, certe optandum esset, uti in tot millibus Batavorum, Anglorum, Lusitanorum, quise eo conferunt, invenirentur plures, qui privatis lucri (cui nunc uni, velut vultures, cadaveri inhiant) studiis adjungerent publicum commodum; & cum amore sui, amorem sociarent proximi. Quod si fieret, spes esset, brevi nos ex tot titubantibus Plinii aliorumque Autorum (quibus familiare fuit vocum æquivocatione falli) relationibus eluctaturos, & habituros certiorem plenioresque notitiam remediorum. Quod uti magno fieret Medicinæ augmento, sic & reipublicæ emolumento: unde & ipsi immortale sibi pararent nomen. At quoniam ejusmodi raro vota audiuntur, imo integro quidem seculo contingat, doctum & sagacem herbarum & animalium scrutatorem utramque peragrare Indiam, visus sum recte facturus; si ipse manum admovearem stivæ, aliquæ irem præsenti conatu instimulatum ad perficiendum opus, quod inchoo subnixus fide & subsidio erectioris animi aliquot & viridis ingenii Virorum, qui præfecturam in iis Indiæ Orientalis regionibus gesserunt, ubi, quæ de hoc cæteris que Aromatibus sum dicturus, cognoscere oculis auribusque potuerunt.

Cannella igitur, ut & Cassia, sunt cortices ejusdem faciei & generis arboris inculta, Insulis Ceylon & Floris indigenæ. Quamvis enim Malabar & aliæ fortassis utriusque Indiæ Regiones speciem quamdam corticis Cannellæ assimilem, & ignobiliorum proferrant; vera tamen aliam non agnoscit patriam, præter, quam dixi, utramque Insulam: quidquid etiam alii nobis persuadere conentur, induci ad hoc saporis quadam affinitatem cum Cannella genuina. Memini in ea Americæ parte, ubi partem ætatis contrivi, nonnullos ibi censuisse & obtrusisse unum atque alterum genus corticis, qui gustatu olfactuque æmulari quidem videretur Cannellam: sed diligentius examinatus atque vel igne vel contusione exploratus quamplurimum veræ cederet bonitate & dignitate. Fateri interim me, quod res est, oportet: Peruana illa, de qua Francisc. Gomara, Augustus Carate, Petrus cieca, Nic. Monardus aliique Peruani scriptores referunt, admodum & quam proxime accedit ad Ceylonnicæ virtutes; nisi quod primaria illi dos in fructu solo, non in vero arboris cortice consistat; Sicut ex sequenti eorum relatu patet. Provinciæ enim de los Quixos proxima regio est ad Peruviæ Orientem, quam Canelam Hispani vocant ab arborum copia, (atque adeo integris illarum silvis, quæ in multarum leucarum spatia patescunt) quas ob similitudinem quandam cum notissimo Aromate vocant Canelas. Sed quamvis multæ hujus generis silvestres existant, diligenter tamen & magna cura eas in suis prædiis colunt, ut evadant meliores; quas postea in vicinas regiones deferunt, alias merces, ad vitam humanam necessarias, hoc Aromate redempturi. Omnes perpetua coma sunt præditæ, foliis Laurinis, fructu racematis cohæ-

cohærente, sed qui calyce suberino, duplo tamen ampliore & magis cavo, continetur, intus lævi, extus aspero, utrumque ex purpura nigricante. Harum arborum fructui, foliis, cortici & radici (licet Cannellæ saporem & odorem referentibus) longe calyces præferuntur, quorum dumtaxat pulvis in usu est. Si Cannellæ modo cum cibis decoquatur, tantum abest, ut suavitatem eduliis conciliet, quin potius ejus facultas, & saporis gratia decoctione evanescit: horum pulvere in multis morbis utuntur; sed præfertim adversus coli, intestinorum & stomachi dolores in potionibus propinant.

*Ceylon*, quam usualis nostræ Cannellæ genitricem & altricem dixi, Insula est, quam *Tapobranam* I. Barrius multis argumentis probat: utut hoc neget Scaliger vir summius, Exerc. CXLII. 5. Non desunt, inquit, qui obtutbent: ac *Ceylon Tapobranam*, non *Sumatram*, putent. Polum hæc Insula supra se habet elevatum à sexto ad nonum gradum. Figura pene ovali est, leucis in circuitu plusquam ducentis. Ambiuntque ejus mediam vastamque planitem, jucundo admodum spectaculo, montes silvosi, & theatralem in modum circumducti. Fluminibus aliisque perennium aquarum laudatissimis, quibus plurimis omnino locis irrigua, magnam suæ fertilitatis partem debere certum est. Regio non solum populosa, sed & quadrupedum aviumque genus omne feracissima. Præstat & cornu copiæ fructuum delicatissimorum & sola soli benignitate nascentium. Aromata fert plurima, neque ulli aliorum locorum secunda. Primatum tamen obtinent ibi Cannelliferæ arbores, tam densæ, ut integras nec unas constituant silvas, adeoque luxuriantes, ut, nisi flammis eam incolæ luxurie in coercent, universus terrarum orbis corticibus non sufficeret consumendis. Quam vero luxuriose fert Cannellam, tam operose *Caryophylla* aut *Nuces Aromaticas*. Quemadmodum neque Cannelliferæ alienum in solum amant transferri. fuere enim, qui horum pericula fecerunt, translatis quibusdam ex dictis arboribus ad regiones cum vicinas tum dissitas, æque felices, iisdemque & ventis & à Sole caloribus expositas: inibique summo studio cultis. Verum compererunt se operam, quod aiunt, & oleum perdidisse. Quamvis enim tralatitii frutices excrescerent in justas arbores, eæque suos fructus in tempore darent: at-tamen, ubi ad examen ventum fuit, deprehenderunt eorum & longe minorem in virtutibus efficaciam, & hanc ipsam promptæ corruptioni obnoxiam: Contra quam hortulanis saepe evenit transplantantibus silvestres plantas in pinguiore ac lætiore solo, atque ista eas ratione reddentibus longe meliores efficacioresque. Ex quo liquere potest varius ille & admirabilis rerum omnium parentis Naturæ lusus, quo tam facilem aliis transformationem, quam felicem transmigrationem concedit; aliis contra utramlibet adeo difficilem, saepe impossibilem; ut citius è pumice oleum exprimas, quam in translatis invenias vires eas, quas dare Solum natale solet. Mirum, videre id in plantis: sed magis mirum, videre id in hominibus; sicuti nos vidimus, qui palatiorum majestates urbium illecebras aspernati, nullis potuere vel blanditiis vel culturæ humanioris officiis retineri, quo minus ex clementissima servitute se reciperent in solitudines & deserta unde erant oriundi, præferentes in mapaliis suis, interque agrestes & omnis humanitatis exortes vivere homines (si modo sic merentur appellari) quam inter di-vina præditos ratione, eosque moribus insuper & virtutum omni genere excultos. Quos natalis soli & libertatis, imo vilissimæ servitutis, dulcedo retrahat in patriam, an indoles inculta culturæque inepta, non facile dixeris, nisi ejuscemodi humana specie mortales à feris & plantis silvestribus pene concedas non differre, nisi corporis constitutione. Quemadmodum vero, quod retuli, verum est de arboribus aromaticis istis; ita & id ipsum non semel cum magno meo tædio fui expertus in plurimis plantis Americanis, quas transferendas curabam è nemoribus, aliisque locis, in hortos, quos eo in Brasiliae tractu, animi causa, colebam.

Cannellæ arbor, quemadmodum & Cassiæ, ad magnitudinem assurgit Mali media: estque ramis multis, longis, crassis, enodibus, nuspiam curvis, sed ubique rectis, & mirabili inter se ordine dispositis: quemadmodum aposita in figura utcumque vide-re est: Ex istis deinde ramis ramulos exigit alios foliosos: folia magna satis, nec admodum dissimilia sunt foliis Lauro-Cerasi, figuram si spectes. Eorum singula tum alter-natim exeunt tenuibus brevibusque pediculis ex surculis suis, tum è latiore basi desinunt in acumen, tribus quatuorve interim stipata nervis per longitudinem, sicut in planta-gine, excurrentibus. Ex eisdem ramulis etiam Flosculi quidam efflorescunt hinc inde parvi, nivei, odori. His succedunt fructus parvi, Olivæ magnitudine & figura; quique primum

primum vireant, & maturescentes præ nigredine splendeant. Hos Simii decerpunt, rapiuntque aves, priusquam cadere prorsus maturis accidat. Ex his seu Solis vi seu igne exstilla liquor viridis, acris, amarus, oleaginosus; quique, perinde ut qui è floribus arte elicetur, Cannellam quidem odore saporeque referat, sed plurimum virtute cedat; unde & usus haud multi est. Ligni materia saporis & odoris expers existit. Adeo ut omnis hujus arboris vis cæteris quidem omnibus partibus denegata videatur, & unum in corticem collata, quo plus ex eo fœnoris natura reportaret. Duplicem, ut plerisque arboribus, illi tribuerunt Corticem autores veteres & novitii. Superiorem Garcias crassum esse, eumque tanquam inutilem rejici, nescio quo fundamento, pronuntiavit; cum tamen ramorum partes Ceylannicæ Cannellæ ad nos delatae arguant, primum illum corticem, esse pelliculam saporosam, adeoque tenuem, ut non nisi viridis tolli possit: nam postea siccans interiori cortici quasi contiguus fit, ut nec visu nec gustu dignosci, nec manu separari possit: Si aliter eveniat, Cannella vel corrupta, vel Pseudocassia erit censenda. Neque tamen mirum debet videri, odoris illam suavitatem, qua viridis Cortex fere destituitur, post tres menses à delibratione acquirere; quia multa sunt viridia, quæ parum vel nihil olen; siccata odorem spirent optimum: ut ante bis mille annos observavit Theophrastus, quod nimio abundant humore, cum odor in medietate, non in extremo, teste Philosopho, consistat; ac proinde Aromatum odor in medietate, vegetabile, quod odore & gustu suave est. Recens itaque Cortex à pellicula illa cineritia inæquali libratus, lubricus est, imo is qui Cassia venit nomine, si masticetur, glutinosus deprehenditur: delibratus purgatusque & in laminas dissectus exponitur ad Solem: quo illas siccante, in cannas sponte convolvitur, ex cinerio in rufum colorem mutans, absunta videlicet, ardore tandem Solis, omni, quam habebat, nativa humiditate. Cortex ablato per biennium (non ternis quibusque mensibus, ut voluit Fr. Hernandez in opere suo de Aromaticis,) arbor saepè triennium persistit nuda; sed tum denuo induitur Cortex novo & delibraturæ rursus apto. Radicem incolæ ferunt exsudare succum Camphoræ non absimilem.

Cannellæ generationem persecutus, addam de qualitatibus aliquid ut & facultatis. Qualitates si scrutere, deprehendis insigni gradu calefacientem & siccantem. Acrimoniam habet, qualem in nullo repertas Aromate æque gustu jucundam. Odor admirabilis, præsertim ejus, quæ de novis surculis fuit ademta. Quæ & tenuum magis partium est, & incidendo aptior, minusque siccans aut astringens. Sapor ei aromaticus & egregie. Sapor iste, ut omnino debet haberi diversus & aliis ab amaro, dulci, falso, unctuoso; ita proprius censeri rebus odorem spirantibus gratum, quæque subito nostrum spiritum reficiant atque confortent: Sunt interim aromatici saporis diversæ species. Est enim Caryophyllo acutior & pinguior, Piperi ardenter, Cannellæ astringenter, ut & Nuci Aromaticæ. Quemadmodum vero Cannellæ major est, qua odorem, qua saporem, suavitas præ his Aromatis, de quibus sum postea dicturus: ita & utrumque amittit citius, quam aliud ullum. Habet enim utramque prærogativam in substantia prætenui & exhalabiliore; unde nec ætatem fert, præsertim aëri exposita squalido. Communis ei cum aliis Aromatum facultas est vegetandi spiritum, Naturæ omni in actione ministrum. Ast uti Caryophyllum cerebro magis, Nux Aromaticæ & Piper ventriculo potius, convenire deprehenditur: ita Cannella cordi, vitæ fonti. Vnde nobis in animum linquentibus, aliisque nobilissimi viscerum affectibus, esse usui consuevit: Indi præterea pro antidoto habent, & venenis offerunt expellendis. Super hæc, videtur observatu non indignum, in gratiam scilicet τὸ κηρύκειον φίλον, è Cannella & Caryophyllis elicitum distillatione oleum, quod vocant, non ut Nucum cætorumque Aromatum, supernatare suo phlegmati aut spiritui, sed balsami instar petere fundum. Porro quantum Cannella vel per se exhibita, vel in compositionem recepta, seu cruda, seu arte Chymica præparata, calefaciendo, attenuando, digerendo, excitando, vegetandoque vitalem spiritum, præstet, cum ægris auxilium, tum sanis oblectamentum, si velim enarrare, longum erit, & modum excedet instituti. Indi etiam ex viridi cortice & floribus recentibus extrahere ad varios usus solent liquores, non aliter ac nostrates aquas egregie odoratas eliciunt siccata è Cannella. Quin & è fructu oleum exprimitur (testantibus, juxta cum Garcia ab Horto, etiam nostratum non paucis, qui viderunt) quod sponte sua duratum plebs cogunt in panes, & adhibent ad affectus cum externos cum internos. Est autem ut pretii vilioris, ita & virium imbecilliorum.

C A.

## C A P V T   I I.

*De Cassia Caryophyllata.*

**P**oste aquam, quæ de Cannella & Cassia vulgari mihi dicenda putabam, dilusio de & fuse satis sum persecutus, visum fuit tertiam quasi speciem prioribus adjungere, propter novitatem simul & virtutem eximiam. Quemadmodum enim novitas ipsa invitat, ita & rei dignitas prorsus me incitat ad patefaciendum posteritati, quod hactenus fuit ignoratum. Præsertim cum hoc Aroma, non, ut cætera, ferat aut dives Asia, aut felix Arabia, sed priscis incognitus orbis vastaque Americæ deserta & solitudines silvæ: unde & Americanam vocamus. Cassia autem ista America na adeo veræ Asiaticæ qua faciem externam similis est, ut ovo non magis ovum. Quod si gustum deinde adhibeas judicem, fatebitur & ipse Cassiam aliquam languidam esse, quamdiu primoribus dumtaxat labris explorat: at mox ubi masticata fuerit & contrita dentibus, non jam Cassiam sed Caryophyllum dicet, cujus vices explet aveniris Lusitanis pariter atque Indigenis. Quorum commendatione factum, quod cœperit Cassia ista & in ipsam Lusitaniam & ad Amstelodamenses quosdam Iudæos migrare. Nec dubium est, quin se magis magisque commendaturus sit apud posteros Aromatis tam nobilis usus. Si fiat, non poterunt posthac gloriari ceylonitæ & Moluccenses sibi solis id esse de cælo muneric concessum, ut illi quidem Cannelliferas, alteri vero Caryophylliferas possideant arbores, sui que muneric esse quod universus orbis utrarumque fructu gaudeat. Fietque eorum gloria hoc ipso minor, quod Cannellæ, inquam, facies & Caryophyllorum vis Medicinalis in uno exhibeat cortice, adeo que excellens, ut Orientalibus non cogatur cedere. Neque vero est quod quis suscipetur, Aroma hoc, aliudve simile, esse ex veteri orbe in novum translatum; Cum minime id studium teneat homines ab omni pene etiam ingeniorum cultura alienos, & domini natis propriisque divitiis contentos; Imprimis cum constet quamplurima Americæ esse familiaria, alibi in totum ignota. Quod enim Seneca Natural. quæst. lib. vii. cap. xxv. ait, id hodieque verum non una in re experimur. *Veniet tempus, inquit, in quo ista, quæ nunc latent, in lucem dies extrahet & longioris avi diligentia.* Verum à digressu regrediamur ad novi hujus Aromatis ulteriorem expositionem.

Arbor, quæ istam fert Cassiam Caryophyllatam, crescit in districtu Guaianæ & Maranhæ in eadem Brasiliæ continenti. Quæ regiones sitæ sunt inter primum quintumque gradum ab Æquatore versus Septentrionem. Vbi quemadmodum silvestris, ita & neglecta, neque ulli asserta domino, sed promiscui usus, communisque juris.

Arbor cuius Icon ob itineris injurias periit, est mediocriter procera, ramosaque. Flores parvi ut Violæ, cæruleo colore, sed umbilicum albicante, & croceis aureis que lineis variegati. Cortex tenuis, qui que & ipse decorticatus à truncu pariter ac ramis, atque velut in corrigias conscius siccatusque, Orientalis Cannellæ in modum convolvitur, qui mox primis labiis gustatus sapor em videtur reddere immixtum Cannellæ, sed cum Caryophylli prædominio, qui etiam (pereunte primo, utpote languido) vires acquirit cum tempore, tantaque vivacitate, fragrantia & acrimonia se exerit, ut lingua quasi levioris caustici sentiat effectum, imprimis qui ex surculis tenuioribus & vegetoribus provenerit. Vnde est, quod levi maceratione aquæ fontanæ, colorem rubicundum, & odorem caryophyllatum supeditet, ad medicinam, & cosmetica utilem; vina quoque medicata instar hypoocratici gratissima exinde parantur. Aromatis hujus tam nobilis mediocrem penes se quantitatem habet David Nasi doctiss. & humanissimus Iudæus Amstelodamensis. Vt vero de fuco suspectum Aroma vindicaret naturæ & potentiae & benignitati, periculum ejus fecit Carolus Chivry, assessor Collegii apud nos Medici, Pharmacopœus, & rei tam Botanicæ eximius cultor quam Chymicæ scrutator diligens. Qui ex eo oleum præstantissimum more Chymico, sicut ex ipsis Caryophyllis fieri solet, paravit; tum quoque cum spiritu vini extractum reperit prorsus igneum, nec ingratum tamen, sed merum resipiens redolensque Caryophyllum, & spiritibus imprægnatum usque adeo subtilibus, ut in vitro etiam diligenter obturato sese non siverint retineri, quemadmodum & ipse nuper sum expertus. Vt dubitandum non sit, speciem esse non solum egregie Aromaticam, sed & insignium facultatum. Quarum usus suc-

cedanæs Caryophylli cœpit esse, & forte jam dudum fuisse, si non regio diplomate cohibitus fuisse in Moluccensium favorem. Medicina etiam docuit pulverem ejus crassissimum (nam subtilius odit pulverari ob spiritum, quem habere dixi admodum volatilem) drachmæ pondere assumptum ex convenienti liquore spiritum efficaciter revocare labantem, & parturientibus partum accelerare tam tuto quam feliciter. Hoc paucum est, quod de usu ejus atque virtute possum in præsens communicare. Non dubito tamen, quin se brevibus sit inserturum in hominum experientiam & cognitio nem uberiorem.

Cæterum iis è locis Americæ, quæ proposui, reduces, narrant reperiri ibi integras silvas arbutorum, quorum cortex, et si tenuior sit, eadem tamen omnia, qua naturam & odorem saporemque, præ se ferat; imo qui eum, quem descripsimus, corticem saporis acrimonia magis ignea antecedat.

Quæ aliaque infinita naturæ beneficia, dies & hominum sagacia brevi proferent in publicam notitiam. Quo non parva sane affulget Philiatris spes, cum jam novæ expeditiones & Coloniæ in procinctu sint, quas nostri moluntur versus eandem (cujus vicinæ terræ in *Maranhæ* nuper possessores fuere Batavi) Brasiliæ continentem, quæ recepto nomine Guaiana, vel, ut nautæ malunt, Ora barbara dicitur. Eaque sane Regio divisa quidem est à Brasilia per Bullam Pontificis Romani; & illa quæ postea inter Reges Castellæ & Portugalliae convenerant. Cæterum illi contermina, eademque cæli clementia, nec minus felici soligenio gaudens, sicut continens mediterranea edocuit, postquam novissime confirmari cœpit id, quod antehac I. de Laet, aliquie, quos ille fecutus, circa fertilitatem medicaminum & frugum in scriptis suis adumbrarunt; ut ex sequenti digressione facile patebit.

Tempestates anni in hoc climate plurimum variant; nam in orientali Guaianæ parte, quæ vergit versus Flumen Amazonum, æstas inchoatur à mense Augusto, hyems à Februario: in occidentali autem parte & versus *Orenoquen* sumit æstas exordium ab Octobri, hyems ab Aprili: Quæ tempestates, quod & alibi monuimus, tantum pluvias (unde barbari pluvias & hyemem uno nomine denotant) & siccitatibus, itemque gravissimis ventorum flatibus & malaciis distinguuntur: nam quum hæ regiones tam exiguo intervallo absint ab Æquatore, exiguum admodum calor & frigoris patiuntur vicissitudinem. Neque tamen omnibus annis, æqualiter aut æque diu pluit; sed discrepant interdum uno atque altero mense, & pluviarum copia aut mediocritate.

Solum quoque plurimum differt: nam primo ad oram maris fere est humile, & nisi auræ pene perpetim interdiu ab oriente valide perflantes, æstum egregie temperarent, à mortalibus habitari neutiquam possent, nunc vero vel maxime à barbaris habitatur, ob fluminum, quæ passim hic effluunt, opportunitatem, & telluris fœcunditatem, atque adeo cæli (paucis quibusdam locis exceptis quæ incolarum valetudine male audiunt) bonitatem atque salubritatem. Intra continentem plurimi visuntur montes, quorum quidam fœcundo solo culturam facile admittunt; alii penitus sunt asperi, sed variis metallorum venis scatere creduntur: in hisce montibus non nihil algetur, nihilo tamen secius aër saluberrimus judicatur, quo fit, ut plures barbari ibi habitent. Inter hæc extrema, veluti medium est, solum modice editum, præcedentibus longe feracius, atque amoenius, nemoribus atque lucis, campis atque pratæ grata varietate distinctum, adhæc pluribus amniibus & torrentibus riguum; cæloque imprimitis salubri. Cæterum duas pestes hic patiuntur indigenæ; culices, ipsis *Mapiery*, & Niguas, ipsis *Sico*: adversus priores tamen in promptu remedium est, noctu luculentum focum in ædibus alere.

Abundat hæc Regio æque ac Brasilia, radice Mandioca Mayzio Melle silvestri, ac ligno illo rubro tinturis dicato. Sed præter illa, certis radicibus oblongis, Rapis similibus vesci amant, quas *Napi* vocant. Dein arboribus frugiferis, Pinis, Platanis, Mespylis, quarum fructus nostrates superant: Prunis etiam diversorum generum, sed fructus minus commendantur, quia crebrius comestili enteriam in illis regionibus periculosissimam provocant. Nucibus quoque variorum generum, & inusitatæ formæ, non destituitur. Multæ insuper plantæ, resinæ, & ligna, tam mercaturæ quam Medicinæ dicata, luxuriant, quoruim præcipua enumerasse sufficiet.

Inter præstantissimas plantas, quæ sponte hic nascuntur, merito primum locum sibi flagitant *Cannæ Sacchari*, è quarum cultura ingens questus posset fieri, si hic machinæ

ad cannas molendas comparatæ excitarentur, quemadmodum à Portugallis in Brasilia videmus factum, ad quas quidem initio magnis expensis opus est, quæ deinceps maximo quæstu refunduntur.

Proximum locum merentur arbusculæ quæ gossypium ferunt, quæ & frequentissimæ sunt, & facile admodum coluntur & propagantur, & intra annum ex quo satæ sunt, uberes fructus reddunt. Barbari autem noverunt illud in fila ducere & ex illis leñulos suos peniles contexere, magni in hisce partibus usus.

Nascitur hic quoque infinita pene copia cannabis sive lini quædam species, admodum elegans & tenuis, ita ut byssum æmuletur; è cuius filis varii panni texi possunt, uti experientia est comprobatum.

Præterea varii nascuntur fructus, qui tinturas edunt supra modum elegantes, quarum usum & barbari noverunt; qualis est *Annoto*, quam alii vocant *Orellanam*, Brasiliani *Vruci*, ut suo loco probavi, qua lanæ & præsertim byssus, colore inficiuntur aurantio. Habent & alium acinum, qui cyaneum colorem edit. Necnon gummi quodam, quod à certa arbore funditur, quod pannos eleganti & pertinaci colore flavo tingit. Atque frondes quædam arboris, quæ bene præparatæ, colorem obscure rubentem fundunt. Neque etiam desideratur lignum quod elegantem colorem purpureum edit; ut & alterum quod croceum: tertium denique cuius liquor excoctus, ferrens quidem purpureo tingit colore, frigidus autem coccineo. Nec dubium est diligentis inquisitione & alia ejuscemodi ligna hic posse reperiri, quæ magno usui sint futura.

Gummi & resinæ bene olentes & magni in medicina usus reperiuntur plures, inter quas celebrantur ab *Harcourtio*, *Colliman* sive *Carriman*, & *Baratta*.

*Colliman*, ut inquit ille, resina est nigricans & resplendens, instar picis duræ, quæ prunis imposita gratissimum fundit odorem; *Waltherus Caryus Buckingamius*, vir exacti de simplicibus quæ in medicina usurpantur judicii, testatur fumum hujus ter quatuor quotidie naribus haustum egregie mederi gravedini capitum, & cerebro humido frigidoque plurimum prodesse, & rheumata sistere: adhæc efficacissimum esse remedium adversus paralyſin, cuius capitum gravedo & somnolentia prognosticon solet judicari. Medetur quoque doloribus, quos foeminæ quæ crebro pepererunt, patiuntur juxta lumbos, & in inferiore dorsi parte, si liquefactum illinatur pelliculae, & calidum applicetur parti affectæ, instar cerati. Creditur & nervos corroborare; & levamen adferre illis qui arthritidis doloribus torquentur; denique & recentia vulnera egregie consolidare.

*Baratta* itidem prunis imposta egrium fundit odorem; estque balsamum præstantissimum, & adversus recentia vulnera imprimis efficax, uti experientia à multis est comprobatum. Reperiuntur & plures hic resinæ, quæ gratum odorem fundunt; & præsertim una quæ odorem spargit instar *Majorana* nobilis.

Nascitur passim præsertim juxta littora, arbuscula sive frutex, cuius jam ante aliquoties meminimus, ferens fructum (ut inquit *Harcourtius*) instar viridis pomi, & quidem minuti, pollens somnifera qualitate, ita vehementi, ut vel particula quævis exigua imprudenter usurpata lethalem somnum inducat; & vel una gutta illius liquoris hausta tam valide dejiciat alvum, ut observatum sit sexaginta sedes non sine extremo discrimine operatam: Putatur tamen, si maligna illius qualitas à medicis corrigitur, caute in medicina posse usurpari.

*Acinus* qui barbaris dicitur *Kellete* utiliter adhibetur contra dysenteriam. Succus autem herbæ quam vocant *Vppee*, adversus vulnera à venenatis sagittis inflicta. Denique succus foliorum quæ *Icari* nominantur, adversus dolores capitum. Pluraque simplicia, quæ peropportune ad Medicinæ & Chirurgiæ usum possent traduci.

Nascitur præterea hic arbor, quam barbari maximi faciunt, & plerumque juxta domicilia sua colunt, ob insignem in punctione usum: solent enim in recessibus & elicibus, postquam æstus maris implevit, & copiam piscium adduxit, è cymbis suis, ramulos hujus arboris, prius non nihil fractos, manibus terere inter undas, ita ut succus corticis se diffundat; pisces autem illo succo ita soporantur, ut statim superna tent, & manibus capiantur.

Huic accedit arbor quæ materiem fert quantivis pretii, barbari vocant *Pira Timine-re*, nostrates vulgo *Letter-hout*; est enim valde solidum, durum & grave, colore rosso elegantibus notis subnigris grata varietate distinctum, & insignis ad fabrilia opera

usus: Arbor est procera & recta, glabro tortice, frondes tantummodo ferens in fastigio trunci, quæ ad pyri folia quam proxime accedunt.

Gemmarum quoque copiam plurimis locis reperiri volunt, ut Iaspidis, Porphyrii, & illius quam summopere commendant adversus Nephritidem. Nec metallorum etiam præstantiorum effœta creditur tellus, licet haec tenus nullæ auri aut argenti venæ hic apertæ fuerint; quamvis studiose à multis quæsitæ.

Plurimæ reperiuntur feræ, venationi peropportunæ: nimirum Cervi; Apri duorum generum, qui tamen fere mole distinguuntur; majores vocant *Pingo* vel *Panigo*, Europæis haud quaquam inferiores: minores *Pockiero*, qui umbilicum in dorso obtinent. Infinitus numerus Leporum & Cuniculorum, qui à nostratis diversi esse dicuntur. Et Vaccæ silvestres quas vocant *Maypouri* vel *Maipuries*, carne instar bovillæ, & quæ ad eundem modum muria conditi se patitur. Aliud animal quod vocant *Baremo*, carne instar ovillæ: variæ Damarum species & ab Europæis nonnihil diversæ; etiam Aprorum quædam species, quæ lardo caret, & ipsis dicitur *Abihera*: & animalia illa quæ à pigritia nomen meruerunt, quia tardissime progrediviuntur aut ad fastigia arborum subrepunt, ipsis *Waricarii*: infiniti Simii & Cercopitheci: & plures majorum atque minorum quadrupedum species, quæ passim in hac America Meridionali reperiuntur; etiam feroce & hominibus infestæ animantes, Tigres, Leones, Paridi, Lynces.

Avium quoque magna copia atque varietas, nam præter Anseres atque Anates quas hi barbari vocant *Raponne*; Ardeasque quas vocant *Ovakare*; Grues, Ciconias, Phasianas aves, Perdices, Columbas, Merulas, Ficedulas sive Scolopaces, Psittacos variorum generum & Cornices elegantibus plumis; aliasque. reperiuntur hic quoque fere omnes illæ volucres, quas in Brasilia utraque descripsimus: aviculam autem illam monstroso & grandi rostro vocant *Covakan*: Psittacos *Courga*. Nec desunt plures aves quæ raptu vivunt, præsertim Falcones variorum generum.

Piscium quoque maxima est varietas, tam marinorum quam fluviatilium; & quidem præter eos qui nostro quoque mari familiares sunt; pisces habent Salmoni nostrati non absimilem, præterquam quod carnes illius sunt crocei coloris, uti nostratum rubri. Itemque quem superiori libro descripsimus sub nomine *Araovaova*, quem hi barbari vocant *Chipari*. Adhæc speciem *Raiæ* sive *Pastinacæ*, cuius cauda osse semipedem longo armata est, acutis denticulis utrimque aspera, quorum pungitura imprimis noxia est; barbari hi vocant *Pakamen*; alibi sub nomine *Taveboayre*. Quibus nostrates addunt *Cavimo* pisces Asello majori mole pene parem, sine squamis, verum armatum sex acutissimis spinis, valde venenatis; in cerebro illius lapidem reperi tradunt, admirabile remedium contra arenas & lapillos renum. Et *Accaren* Crocodilis haud absimilem, sed magis gracilem, longioremque & rostro breviori atque obtusiore, vietatem piscibus, egreditur tamen nonnunquam in terram: cibis idoneus, sed captu perdifficilis, licet grato odore, quem fundit, se prodat: minor ejusdem species appellatur à barbaris *Ovanna*. *Aymaren* item instar grandis alosæ, qui in flaviis tantum capit. Quos autem alibi vocant *Manatos*, hi barbari vocant *Cojumero*.

*Harcourtius* addit hisce *Cassoorwan* rarum pisciculum, paulo majorem *Apua*, Cobite, vel *Springo*, sed multo meliorem: hic in singulis oculis duas habet acies, ita ut inter tandem alteram infra aquam, alteram supra teneat: dorsum habet planum cum spina, & costis rotundis, pene ad humanum modum. Denique fluviatiles pisces tam multi, & tam præstantes apparent (licet à nostratis multum diversi) ut vix ulla regio in terris magis illis abundare possit. Testaceorum piscium quoque infinitus est numerus, maxime Ostreorum, & Cancerorum & Astacorum.

Sed longius provectus in Occidentem quam constitueram, nunc vela contraho, & me denuo ad Orientalis Indiæ insulas aromatiferas recipio.

## C A P V T I . I . I .

De *Pala*, & *Bongo-Pala*, hoc est, Nuce Aromatica  
cum Maci suo.

**M**Oluccenses Insulæ, ut multæ sunt, atque sub Æquatore aut juxta sitæ: ita & ab amœnitate locorum omnes, omnes à fertilitate præsertim Aromatum, atque à portuum stationeque navium opportunitate, mercibusque evehendis & advehendis mira commoditate magnis celebrantur laudibus ab his, qui sunt experti quæ dixi omnia. Quibus è cælo donis etsi inter se certare videantur, principem tamen locum inter ipsas obtinet, quæ Banda vocatur. Hæc sese à Septentrione ad Austrum incurvans, equinam velut soleam constituere videtur: longa tres leucas, unam lata. Hujus in sinu emporium est nobile, & frequens mercantibus. Incolarum viri quidem

B O N G O - P A L A .



distrahendis mercibus indigenis, fœminæ colendis & cogendis, operam navant. Fœminæ, inquam, agriculturam: viri mercaturam exercent. Quemadmodum autem supra notabamus, uni Insulæ Ceylon concessum esse sponte Cannellam ferre: ita uni Bandæ (quantum hactenus constat) *Pala* & *Bongo-Pala* quæ dicuntur suis. *Pala* est quam doctiores Nucem Myristicam, ego Aromaticam malui appellare: natura sua, non sicut illi, ab usu. Neque enim, ut *Balanus Myreplica*; adhiberi concinnandis unguentis & unctoribus inservire solet. Interim, ut *Nux Moschata* vocetur cum vulgo, non refragor. *Bongo-Pala* est, quam vocant Arabes Macin. Cum quo confundi non debere Macet aut Machir, probat Scaliger Exercit. cxlv. quem vide.

Quisquis autem, quæ Nuces istas profert, arboris iconem, quam apponimus delineatam ad ipsius Naturæ exemplar, considerat, haut dissimilem dicet aut Persicis Malis aut Pyris. Persico folio esse, recte Cardanum scripsisse laudat, quem modo laudabam, vir doctissimus. Nascitur arbor sponte & frequens admodum & sine cultura. Est & annosa & perpetuo virens & florens, perpetuoque Nuces gerens, alias aliis matuiores. Cortice cinereo est, ligno medulloso, medulla ex fusco rufescente. Folia parvis pediculis è ramis, quibus arbor luxuriat alternatim & fere catervatim, raro singula dependent, lète viridia & tenuia, glabra, & nervo unico recto cum plusculis venulis obliquis praedita. Ea non recentia tantum contrita manu fragrant, sed & cum exaruerint, acrimoniam servant, & vim Aromaticam insignem, ut esse etiam usui Indigenis queat. Flores floribus Pyri Cerasive sunt, & magnitudine pares, & colore similes, qui que facile cadant, & parum fragrent. Fructus succedens, circa pediculum nonnihil turbinatus, cætera orbiculatior, non ipsis ramorum fastigiis nascitur, ut Nuces Iuglandes, neque in foliorum alis, quemadmodum Mathiolus depingit; sed in ipsis hinc inde ramulorum articulis. Qua defloruit, sumnum Nucis operimentum virens & rugosum villosumque primo satisque densum est: deinde maturescens interstinguitur multis luteis, purpureis, aureisque maculis, sicut apud nos Bericocca, sive Armenica Persicave Mala. Primum nucamentum, inquit Scaliger, *carnea pulpa, crassa: sed veluti hirsutum per initia. Sub eo non statim testa, qua nucleus continetur, sed cutis coriacea, quam vocant Arabes Macin.* Villus iste mox fissus & hians Nucem ostentat suo Maci, quasi reticulo, amictam. Deinde amplius & ex toto finditur, maturo fructu, haut secus ac Iuglandium apud nos nucamentum, nuce matura. Quo facto reticularis ista tunica sive Macis pulchre initio rubens, mox aureo colore apparet, intra includens putamen, quo nucleus contineat; velut ostendit Icon Nucis per medium divisæ, appositæque ad arboris pedem. Itaque nucleus iste, qui Moschatæ Nucis appellatione passim & Synecdochice venit, tribus est amictus velamentis: extimo viridi densoque: medio tenuiori quidem, sed aureo & pretioso; intimo testaceo denique. Quandoque contingit autem sine Maci reperiri Nucem. Id fit si quando præpropere tumescente nuce reticula disruptur & perit, antequam firmari justa crassitie ac pinguitudine potuit. Hunc fructum variæ quidem aves depascuntur, sed maxime Columbae genus album & parvum. Quæ dehiscente nucamento, ille&tæ suavitate Macis, hunc cum nuce eripiunt & devorant, nec nisi repleta ingluvie capacissima saginam deserunt. Nostrates ibi mercantes ob id Columbis istis **Neut-eeters** sive Nucivoris nomen dederunt. Quas autem vorarunt nuces postea, integras per alvum reddunt. Redditæ citius deinde germinant, utpote præmaceratae fervore ventriculi. Arbores exinde natæ, ceu præcociores, facili sunt corruptioni obnoxiae, fructumque ferunt cæteris multo viliorem, & hac causa neglectum Incolis contemtumque, præter Macin, quem ad adulterandum meliorem adhibent, decerpunt.

Porro semper quidem bis, subinde ter fructum suum ferunt arbores istæ uno in anno. Vindemia prima fit Augusto & Septembri; altera Martio circiter. Tertia alio atque alio mense, prout faverit tempestas cæli. Legi vero Nuces nisi bene maturæ non debent. Fallit interim non raro vindemiatrices color, roseo colore, seu qualis est Malis Persicis, maturitatem justam referens tam exacte, ut satis alias ad carpendum peritas, intempestive invitet. Decerptæ enim minus sunt durabiles ob succi paucitatem & cruditatem, quæ & teredini obnoxias reddit. Hoc genus *Rumpi* vocantur. Quæ autem mature leguntur, exemptæ nucamentis suis siccantur primum ad Solem. Siccatis admittitur Macis sius. Postea nuclei, quas Nuces vocamus, lavantur calce. Hac enim sola contra corruptionem, & omnem etiam externam injuriam, tutæ præstantur, & aptæ per universum terrarum orbem longis navigationibus transferri. Optimæ sunt, quibus color est ex ruso cinereus, sed interpolatus striis quibusdam albidoribus. Probari solent ponderiosores & bene compactæ, oleosæ, & quibus punctura aciculæ confessim è vulnusculo emanet liquor. Cæterum evenit quandoque, ut in magna illa Nucum uberrate per Naturæ lusum quædam magnitudine figuraque & colore discrepent à cæteris, quemadmodum haut infrequenter idem est videre in Iuglandibus atque Avellanis, quas tunc *Pala-lava* appellant, quod Iavanieas, non in condimentum, sed solam Medicinam requirant.

Priusquam vero qualitates, quibusque gaudent, facultates istarum Nucum perfec-  
quar,

quar, spectemus primum quæ sit natura Macis, sive secundi Nucum involucri, ubi ante omnia necesse Indorum Macin decernere à Græcorum Macere, quæ ut confundent recentiores, nullam habebant rationem. Nam si color ipsos, qui pene idem est utriusque, Maci & Maceri, aut vicinitas ista appellationis, adduxerit in eam opinionem, esse rem unam; nimis certe leves secuti sunt conjecturas. Hunc errorem Cardanus quoque admisit, & notat eum Scaliger, sed argumentis refellit momenti minoris. *Vocant Arabes*, inquit, *Macin*. *Non enim Macer aut Machir est*, ut scribis tu. *Cui etiam vel frustra, vel temere*, ut Galeno atque Dioscoride *bistoriam tuam conciliares, ad strictionem attribuisti*, *multam calefactionem quasi cessim subtraxisti*. *Hoc enim de Machire uterque eorum scribit*. *Cum tamen Macis adeo calefaciat*, ut ei pauca ex odoratioribus equiparentur. *Quæ fuit causa*, ut de Maci separato Capite scriberet Aboali, de Talesfar alibi ea omnia, quæ de Macere Dioscorides. Quibus ut aliquid addamus, ipsa res exigit. Et Macis igitur & Macer frequens est apud Indos, & frequentis usus, sed in Medicina tantum. Macer autem cortex est radicis arboris in Malabri nascentis. Is substantia est frigidioris & terrestrioris, & ob id sistens alvi fluxibus destinatus. Macis contra tegumentum Nucis & quidem egregie Aromaticum est, multoque & spirituoso calore plenum; unde & adversus frigidos affectus, itemque venenatos, solet usurpari. Quin Avicenna & Serapion & Arabum alii satis prodidere suis scriptis, bonam se & Macis & Maceris habuisse notitiam. De Græcis non idem constat. Quin videntur illi solius Maceris habuisse cognitionem: uti nunc nos, quid sit Macer, ignoramus. E quibus liquere potest, non solum esse multa hodie nota nobis, quæ veteribus erant ignota; sed & multa nos ignorare, quæ veteres habebant in notissimis. Sic omnia tempus habent; & accedit, quod verbis, etiam rebus, ut, quæ fuere in pretio, cadant, & in lucem neglecta protrahantur.

Macis autem ille, quem reticulæ instar amicire primitus Nucem aromaticam dicebamus, priusquam ex pleno maturuit, & adhuc colore est elegantissime coccineo, condiri apud suos sale & aceto solet, & inferri primæ mensæ ad excitationem appetitus. Posteaquam vero maturuit Macis, adimitur Nuci, & exsiccatus ad Solem collectusque cum cura reponitur servaturque. Odore semper quidem grato est, sed recens mire jucundo. Sapore aromatico & suaviter amaro, & qui quamdam à se siccitatem ori relinquit. Si quid astringentis habet, id in Maci non æque ac Nuce potest gustu deprehendi. Brachmanes aliique Indorum Medicastri nervis refrigeratis opitulari credunt, & ad hoc tam Macin, quam Nucem, exhibere solent, eorumque spiritus atque extracta adhibere foris. Quin habet vulgus in eumdem usum semper paratum oleum, è fructu recenti expressum, ceu præsens & familiare remedium affectibus frigidis. Exprimunt autem & è Maci & è Nuce. Macis oleum vero ut oleo Nucis quantitate cedit, sic qualitate antecedit. Habentque Incolæ Macin tanto Nuce præstantiorem, ut etiam sextuplo pluris æstiment & vendant fere.

Nuces virides & immaturores condiri ab Indorum magnatibus solent, aliæ aceto, aliæ saccharo, & pro bellariis esse in mensa. Eæ ab aliquot retro annis etiam ad nos deferri cœperunt, & non in medicinam solum venire, sed & in mensas epulasque lautiores. Neque vero per Europam tantum distrahuntur, etiam Asiaticis notæ sunt & expeditæ. Delicatores etiam nucamento, seu exteriore cortice viridi, delectantur solo, eumque ipsi Nuci præferunt, dum plane est immaturus, tam propter odoris suavitatem, quam saporis subastringentis, & ob id stomacho amici, jucunditatem. Docuit interea usus, non omnino innoxias esse istas delicias, neque tantum quando sine, sed & quando una cum suis Nucibus sumuntur. Pollent enim, eaque insigni, facultate narcotica, qua frequiore aut largiore usu soporosos invehunt affectus. Idem de pulte quadam, quam ex ipsis nucamentis, eo, quo nos ex Pomis acidis, modo coctam, familiarius usurpant, Iac. Bontius alicubi testatur.

Quantum vero attinet ad Nucum maturarum & siccatorum qualitates manifestas, vix operæ videtur pretium eas hic recensere, cum satis sint omnibus ex usu quotidiano notæ & perspectæ. Vnde in Scholis Medicorum habentur secundum inter & tertium gradum calidæ & siccæ, & substantiæ crassioris, sed permixtis partibus igneis atque aëreis. Habent facultatem cum urinas ciendi, tum alvum sistendi.

De *Pala-Metsiri* sive *Nuce mare* dicta.

**H**actenus de Nuce Aromatica vulgari, & nobili. Nunc & communio naturæ & opinio hominum me vocat, ut aliquid quoque dicam ad satisfaciendum curiositati lectoris, haut dubie id expectantis, de Nucum Moschatarum oblongioribus; quas Incolæ *Pala-Metsiri*, Clusius & cum eo alii Nuces mares appellant, & tantum non præferunt prioribus; nescio qua de causa. Neque enim quia mares dicuntur, idcirco dignitate & facultate antecellunt, quasi si natura majoritatem & longitudinem fecisset notam præcellentia. Quippe secus se res habet. Nam quantum mole cæteras superant, tantum ab his superantur virtute aromaticæ, omnibusque doti-

P A L A - M E T S I R I .



bus Moschatæ Nuci genuinæ & nobiliori concessis. Nomen vero à plebe habet, quæ si bi persuadet non ratione aliqua, sed superstitione mera, oblongam Nucem, in cibo viris datam, potenter eos ciere in Venerem, & facere solito strenuiores. Macis tamen ejus, quamvis elegantissimi quoque coloris sit, adeo est infirmis viribus, ut etiam nullo apud suos, neduni apud naturæ peritos, sit in pretio. Vnde est, quod arbor, ex qua nascitur, inter degeneres & silvestres habeatur negligaturque. Ea enim nulla quoque cultura humana crescit in ejusdem Bandæ confiniis, non tam specie & facie diversa ab altera illa, qua indole & virtute. Quam quia Incolæ inefficacem deprehendunt, idcirco & fructum, ceu viliorem, non dignantur vindemiare. Quin Bandensibus satis justa negligendi causa videtur, quod Macin ejus deprehendunt virium infirmiorum. Arbor ipsa foliis est longioribus, crassioribus, nervosioribus. Nuces non solum oblongæ sunt, sed & quadratae fere. Ex non è ramorum intersticiis, ut priores, excrescunt; sed sum-

summis, &, Iuglandium instar, simul ternæ quaternæve; quemadmodum videre est ex eo iconē, quem exhibeo eum & sine naturalibus experimentis.

## C A P V T   V.

De *Tshinka* sive *Caryophyllo*.

**M**oluccæ vocatæ Insulæ, ut & ante monui, juxta Äquatorem ita sunt sitæ, ut se à Borea in Austrum exporrigant, à se invicem non amplius vicenis leucis dis- sitæ. Earum maxima ultra senas leucas in ambitu non habet. Omnibus solū est adeo aridum & siticulosum, ut non solummodo cælo lapsos imbræ momento

## T S H I N K A.



imbibat, verum etiam è montibus descendentes aquas absorbeat, antequam colligere se in flumen aliquod atque ita in mare delabi queant. Quin aliquot locis è terra sponte ignes & magno strepitu eructantur. Vnde cætera quidem steriles, solis superbire Caryophyllis gestiunt. Certe quæ ad victum sunt necessaria, ea Incolæ coguntur omnia petere à vicinis Insulis. Quæ et si Caryophyllis destituantur, Moluccensibus tamen sunt fertiliores eorum, quæ cedere homini in alimento debent. In quo videre est nobile Divitiae providentiæ specimen; quæ ita sua munera terris, ut hominibus distribuit, quo, dum alias aliarum rerum egenas voluit, omnes in mutuam collegit societatem. Porro ex Insulis, quæ Moluccæ dicuntur, sub unius Reguli imperio sunt *Ternate*, *Manikan*, & *Mutier*. Quarta, quæ *Baciam*, alium sibi Regulum habet. Hæ quatuor olim

abundare Caryophyllis solebant, nunc penitus iis destituta, culpa non novercantis Naturæ, sed largissimæ & benignissimæ matri invidentis fortunæ. Reguli enim à Batavis nostris aliquot millesimis imperialibus excæcati, ex pacto omnes ibi Caryophyllæteras arbores eradicarunt. Nostri vero ut uni lucro satis student, sua interesse putant, ne tam nobile Aroma vilesca copia & fertilitate divina. Ita avaritia lege, modo, ratione carens audet ipsi Naturæ auctori, omnisque boni largitori, tantum non suam exprobrare benignitatem & liberalitatem. Moluccensium interea cæteræ, *Tidor* & *Mari-geron*, quas sui juris Hispanus fecit suo more, Caryophylla satis abundanter ferunt. Quemadmodum & Amboina, quæ nostratum commerciis patet, eorundem arboribus & arte consita est, & naturæ beneficio frequentibus locis dotata.

Aroma ipsum quod attinet, id Incolæ sua lingua vocant *Tshinka*, Græcis recentioribus, & ad quos rerum Indicarum aliqua pervenit notitia, καρυόφυλλον dicitur. Hoc sibi nomen in Latino servat. Arabibus & Persis & Turcis, ut & Indis quibusdam, *Calafur* vocatur. Belgæ à figura nomen imposuerunt, *Krapt-nagel* / quasi dicas clavum Aroma-

Aromaticum : sane apposite adeo , ut nisi apud Botanicos invalueret consuetudo appellandi voce Græca , rectius hoc novo veniret nomine. Græca enim , unde unde sit (nihil attinet inquirere) inepta est , neque ulla tenus rei conveniens. Belgica vero appellatio , & ad ejus imitationem facta Latina , quadrat quam optime. Scaliger exercit. cxlv i. scribit tribus vocari nominibus *Gomode*, *Chiáncha*, *Bugalavam*, proculdubio alio ab aliis Insulanis. Anthophylla vocant Apothecæ.

Arbori magnitudo nostratis Cerasi. Caudici crassitudo quanta pene humano corpori. Cortex oleæ. Folium Pyri nostratis , quandoque singulum , sed saepius uno è loco numerosum. Folio petiolus est longiusculus , in medio nervus , & ex eo plures fibræ in utramque partem. Rami plures & multum fruticantes ; quorum plurimi desinunt in tenues valde surculos. E quibus summis prodeunt tenues petioli , & ex his alabastri & in his flores conferti , deni & viceni , oblongi , lato capite , cristato , atque stellæ in modum coronato radiatove. Alabastri ipsa sunt Caryophylla. Flos intra alabastrum , suum clausus multa ipsa & complicata continet staminula. Efflorescens initio albicans ; postea virescit ; tum rufescit & indurescit. Flori insignis fragrantia , & qualis ipsi fructui. Hæc ipsa major sudo cælo , pluvioso minor ; à quibus & major minorve ubertas pendet. Tempestate siccatim , admirabili luxurie sæpe fructus , quam folia , numerosiores. Neque tamen etiam per annos constante tempestate omnibus par ubertas : Nam altero tertiove aliquando septimo anno minor hæc , quasi vires recolligente arbore , per nimis liberalem fructificationem exhausta. Postremo alabastri in fructum ex crescunt satis lentum , dum crescit ; cum adoleverit , durissimum : rubicundo primum colore ; postea , ut mox dicam , nigro : leguntur semel in anno (non bis , ut voluit Scaliger , ) ab Octobri ad Februarium. Quod ibi tempus maxime & æstivum & tempestivum legendis est. Pars manibus leguntur : pars arundine longa aut è funiculis flagello discutiuntur. Ab his periculum tamen est , ne non satis aut provida aut experita manus surculorum extrema quasset cum certa in sequentem annum vindemiæ etiam speratæ jaætura. Cum vindemiandum est , universum sub arbore solum exherbatur purgaturque ; quo facilius legantur decussa Caryophylla , neque qua fugiant lectorum. Idem in Brasilia fieri ab hortulanis prudentioribus sub *Mangabas* vidimus. Caryophylla sive clavi Aromatici in arbore restantes intumescunt maturando , adeo ut cæteris ingenti mole & magnitudine dispare evadant , & in sequenti anno sponte cadunt , iisque languescente licet vi Aromatica in pretio habentur & loco semenis plantationi dicati sunt , ideoque eos Matrem fructuum appellantur , convenientius sane quam Avicenna l. i i. c. 311. qui illos Mares nominavit. Horum aliqui ab agricolis neglecti , sponteque nocti gremium & fotum & alimentum è terra germinant , atque , octo intra vel novem annos justæ interea arbores factæ , fructum juxta cæteras ferunt. Feliciter tamen , quotquot altero tertiove anno frutices transplantantur. Recens lecti , rufi sunt , & leviter nigricantes. Qui , ut prorsus evadant nigri , & siccantur , & infumantur , atque , ne teredo invadat , marina tepida aliquantum macerantur iterumque siccantur. Ita , & preparati ad durandum & collecti in acervos postea quaqua versuni per orbem distrahuntur. Quo appellunt , ibi plerumque purgari à petiolis suis consuerunt , & hi seorsim vendi. Id purgamentum Lusitani *Baston* , nostrates *Nagelgrups* / solent appellare.

Quamvis autem Caryophylliferæ arbores propter solum fructum suum colantur , & æstimentur , est tamen , & in foliis , & in floribus ramulisque , quin & in gummi quod fundunt , egregia vis Aromatica , & ad medicinam apta. Fructus potenter admodum calefacit & siccatur. Sapor subamarus , & acris , viridi pariter ac maturo , sed imprimis siccato. Quas autem facultates habeat , quibus usibus in culina , in medicina , serviat , satis superque , & proditum est ab autoribus , & notum mulierculis. Nolo itaque tuo abuti , Lector , otio. Vnum addam , licet probatione ulteriori haut indigeat , quantum spirituosis , & igneis scateat partibus. Indi vendituri , aut vendita tradituri , bido ante solent in horreis sive Caryophyllorum conditoris apponere magnum & sati capax vas , atque hoc replere aqua. Quæ omnis brevi exhalans subit in Caryophylla , & ponderosiora reddit certo lucro ; Quin invenitur fere Caryophyllum in tantum pondus auctum , quantum fuerat aquæ appositæ. Cujus experimenti nostratum aliqui haut ignari , adulterium hoc facile & lucrosum non semel imitati sunt.

Floribus & Caryophyllis adhuc viridibus Indæ pariter ac Lusitanæ fœminæ destilando

lando eliciunt aquam, vel spiritum, mira odoris suavitatem fragrantem, & cerebri affectibus singulari potestate convenientem. Imprimis autem paralyseos isti speciei *Beriberii* dictæ, à Bontio nostro accurate descriptæ. Quibus medendis ex iisdem etiam condita parant præstantissima. Magnates insuper acetum ex infusione *Caryophyllorum* viridum parant, durabile valde, & cibis condiendis ac ventriculo roborando atque concoctioni promovendæ aptissimum. *Achar* id appellant. Plura quisquis desiderat ex arboris hujus indole, de fructuum usu atque abusu, adeat Garciam ab Horto, & Ludovicum Romanum, & Maximilianum Transilvanum, potius, quam Arabes, & Græcos. Tanti enim non sunt quæ Serapion autoritate Galeni de iis tradidit, quantumvis asseveranter ea, quæ ignoravit, tanquam si scivisset vel ipse vel Galenus bene, prodiderit.

## C A P V T V I.

De *Tshinka-Popoua* sive *Caryophyllo Spicato*.

**C**aryophylli genus hoc alterum est, vulgo inusitatum, quia, & rarum, & carum valde. Vocatur apud suos *Tshinka-Popoua*, quasi dicas *Caryophyllum dentatum* aut *crispatum*. Ego spiculatum vocavi, à similitudine, quam habet cum spica, & quia spicæ instar è summis ramorum surculis enascitur. Nostrates appellant *Caryo-*

T S H I N K A - P o p o u a .




phyllum regium: quia Moluccensibus Regulis, & Magnatibus, ad superstitionem usque in pretio est, non tam ob gustum, & fragrantiam, et si eam præ cæteris habet excellenter, quam ob singularem formam, imo raritatem summam. Haec tenus enim, præter unam & alteram arborem, negant repartam; & quidem in sola Insula *Makian*, idque ante ullam violentam supra enarratam *Caryophylliferarum* arborum extirpationem obser-

observatum est à plurimis præfeturam ibidem loci tenentibus, nec perfunctorie eas indagantibus. Quæ tam egregii fructus raritas, & arborum infrequentia, merito posset dubitari, an ex instituto Naturæ, an vero ex negligentia eorum qui ibidem loci vixerunt, judicari debeat; eoque magis, cum fructus eorum sive Caryophylla decidua in terram, sponte ibidem germinant. Arborum harum altera altera est major, utraque tamen cæteris supra descriptis similis, excepta proceritate. Quantum vero Caryophylla hæc magnitudine discrepant inter se, ex appositis utriusque speciei fructibus liquere potest, quorum externa facies, ut ex toto diversa à præcedentibus, ita qualitatibus, & facultatibus pollere iisdem, quibus priora, & odor, & sapor, persuadent. Nihil ultra certi definire est, quia vocari in experimentum quotidianum nequeunt ob paucitatem.

## C A P V T V I I.

De *Lada*, aliis *Molanga*, sive *Pipere Aromatico*,  
Mare & Fœmina.


**Q**UAM haetenus ignotum *Caryophyllum spicatum*, vel *Cannella Caryophyllata* tam semper & ubique gentium notum, & familiari in usu *Piper* fuit. Hoc non uno aliquo in loco, ceu de *Cannella*, deque *Nuce Moschata*, atque *Caryophyllis* jam notavimus, nec sua crescit sponte, sed seritur omne, præter quoddam agreste genus,

L A D A aliis M O L A N G A sive *Piper* M A s.

ignobile & amarum. Quibusdam autem regionibus vix tantum redundat ex cultura; quantum ipsis Incolis sufficit: aliis vero locis, præcipue in Malaca, Java & Sumatra adeo luxuriat *Piper* hoc *Aromaticum*, ut inde per totum orbem distrahatur. Licet au-

tem

## L A D A aliis M O L A N G A sive Piper F O E M I N A.



tem civilioris notæ Indigenis rarer solet esse usus Aromatum , nullum tamen inter omnia æque expetitum,nec condimentum illis videtur vel sanum vel gratum, nisi recipiat certam Piperis quantitatem. Adeo ut omnes qui eas terras piperiferas frequentarunt, facile plus in Indiis, quam in Europa consumi testentur. Missis itaque cæteris Piperis generibus quæ India Occidentalis profert(utpote de quibus ex professo egi in mea Historia Naturali), communis potissimum Piperis aromatici marem & fœminam exhibeo hoc capite. Seritur autem in Indiis non procul à mari, & ad radices arborum, præsertim quas *Faufel* appellant, vel appositis perticis, quibus adnititur more *Vitis*. Magnitudo ei par cum ea arbore, aut pedamento, cui advolvitur. Sæpè cum veterascit, & cineribus fumoque stercoratur, excedit altitudinem fulcrorum suorum,ut Lupuli instar se, cum scandere altius non potest, demittat. Planta ipsa est farmentosa, nodosa, lenta, & flexilis adeo ,ut nisi inveniat, cui adnitatur, vel at borem vel aliud pedamentum , humi repat prorsus ut *Lupulus salictarius*, aut *Phaseolus turcicus* nobis dictus. Si fertili solo sata est , intra annum dat fructum, eumque uberem. Si minus bona terra est, serius cum adolescit tum fructificat. Fit & de anno in annum fertilior ,minus , magis , pro soli genio. Terræ se infigit radice fibrosa, fibrisque parvis & lentis, nec adeo Costi similibus, ut *Dioscorides* notat. Qua nodi sunt, folia prodeunt multiplice ordine ac Naturæ lusu : hærent autem petiolis longiusculis è ramis farmentosis quoque. Figura his , qualis hederaceis : alii Cordi malunt comparare ; medio nervum habent, qui plures fibras apicem versus exporrigat bifissas. Color exterius viridior ; interius dilutior est. Fructus racemosus est prorsus ut *Ribes* : sed racemo longiore , & frequentiore, baccis, quæque ipsi scapo sine aliquo petiolo adhærent. Racemi isti modo ex

mediis farmentis, modo ex summis dependent, ut ex hisce appositis iconibus conspicitatur. Vnde est quod diversitatem sexus accuratioribus agricolis attribuere illis placuit, hanc fœmellam, illam marem appellantes.

Baccæ initio virent; ubi maturuerint, nigræ sunt. Maturantur mensibus maxime xstivis, quod est Decembri & Ianuario. Maturæ protinus leguntur & insolantur. Dum siccantur, rugas contrahit cortex niger. Quo, in tempore, & ante insolationem, decorticato, fit Piper album illud, & glabrum: quod ut nigro acrius est, ita carius est, & ori gratius. Vnde & solum Indorum magnatibus in mensa apponitur, proque sale ut plurimum usurpat. Decorticatio illa fit bene maturo Pipere, ex marina macerato. Maceratione enim cortex exterior niger dehiscit tumescendo, atque ita facillimo negotio granum, quod intra illum includitur, album eximitur, & ut prius, resiccatur. Quem laborem laboris impatiens natio nisi adeo fugerent, non tanta esset Piperis albi, si cum nigro compares, apud nos inopia. Cæterum hujus decorticationis & præparationis ignoratione factum, quod Piper album, quamvis maturitate sola & quod cortice nigro rugosoque sit privatum, nihilominus etiam nunc pañim credatur species à nigro diversa, imprimis cum integros racemos aliquando ad nos delatos videant, persuasi scilicet hujus illiusve jejuna relatione, neque adhibita diligentiore inquisitione, statim hoc literis tradiderunt, quod auribus accepissent. Idem Theophrasto, Dioscoridi, eorumque imitatori Plinio iatuisse non miramur. At quomodo etiam major ignoratio condonari possit Arabibus, qui id & bene potuerunt resciscere, non video. Inhærere enim errori, quamvis vetusto, in rebus Naturæ, quemque vel mediocri inquisitione possis detegere, ea demum supinitas in his, qui præsumunt de tali materia scribere, & se sape jactant Cornicum oculos confixisse.

Porro non baccæ solum, quod proprie dicitur Piper, acrimonia præditæ ignea sunt; sed tota etiam Planta. Nam, & folia virentia, farmenta, & radix, si masticantur, prorsus linguam faucesque urunt, & salivam movent, haud secus ac Pyrethri Costive radices. De qualitatibus & facultatibus Piperis, deque ejus usu & abusu, quod addam ad ea, quæ toties ab aliis sunt repetita, nihil habeo.

Præter ante dicta aliud est Piperis genus, sed ignobile Piper, *Canari* appellant lingua Malabarica, à *Canara* loco natali. Id nostrati Fagopyro simile, coloris est cineritii, intus cavum, & repletum granulis aliquot exiguis. Manducatum pari pene acrimonia cum prioribus, sed minus aromaticum deprehenditur. Ejus, nisi apud infimam plebem, nullus est in Indiis usus. Ea vilitas in causa est, quod non solum non deferatur ad exteris gentes; verum etiam nostrum nemo dignatus fuerit ipsius plantæ notitiam sibi comparare. Quæ causa, quod & nos cogamur hic expectationem Lectoris destituere.

Carolus Clusius, vir doctissimus in Exoticis, meminit alicujus Piperis caudati, *Cubebæ* similis quidem, sed minus usitati, quodque aliorum quandoque defectum supplere apud suos soleat. At enimvero, cum neque ille quid plenioris notitiae habuerit, nec alii ex Indiis reduces quicquam de eo mihi communicaverint hæc tenus, cæteræ posteritati ulterius indaganda relinquo.

## C A P V T V I I I.

De *Pimpilim* sive *Pipere longo*.

**B**Engalenses *Pimpilim* nuncupant, quod nos, auctoritate Græcorum, *Piper longum*. Hujus in culina quidem nullus est usus: Frequens in medicamentis, præsertim theriacis aliisque confectionibus antidotis; & merito; virtutes enim non contempnendas obtinet. Vnde forte & pretium ei majus. Nobis hoc potissimum dicendum, cujuscemodi plantæ fructus sit. Nam hoc à quoquam nescimus dictum. Bengalensium in terris frequens admodum est, indeque ad Europam defertur, quod ibidem, & latius crescat, & copiosius fructificet. Qua faciem tota, si fructum excipis, simillima est Piperi rotundo, nisi quod aut humili repat, aut perticis contenta sit non altis adniti. Quo magis mirari subit, quid Garciae ab Horto fuerit in mente, satis alias sedulo Naturæ scrutatori, cum scriberet, longi Piperis plantam cum planta rotunpi haut plus habere similitudinis, quam faba cum ovo. Sed ita est, ex auditu habet, non autopisia. Credidit referenti, & deceptus est. Interea hujus plantæ folia sunt utcunque tene-

## PIMPILLIM.



teneriora, & virore saturato magis, ac breviore petiolo hærentia. Cætera eadem. Fru-  
ctus, nucamentis aut iulis oblongis similes, ad singulos articulos hinc inde ex adverso  
foliorum enascuntur, pendentque à medioéri petiolo. Sunt initio virides; postea  
cum siccantur, cinereum acquirunt colorem. Longitudo non omnibus una: etsi figu-  
ra eadem, & similis toto ductu dispositio granulorum. Intra scapum, cui granula jam  
dicta inseruntur, aliquando plus humidi est. Quo evanido carie exeduntur. Decer-  
puntur autem, & in usum siccantur, antequam maturescant. Siccatum, etsi initio  
minus, postea tamen non minus rotundo urit palatum, si vel leviter degustes. Optimæ  
conditionis habetur id quod ponderosius, solidius, intus granis plenius, ac, si in aqua  
decoctum aut plurimis diebus maceratum, minime diffluat.

Indi linimentis addunt, quibus adversum dolores artuum à frigore utuntur; & ita,  
ut basis hoc Piper sit, corpusque addat Santalum rubrum. Utuntur & contra vene-  
na, vertigines, catarrhos, oculorumque nebulas, & cum successu. Quod & Diosco-  
rides testatur, sic satis alias infelix ipsius plantæ descriptor. Verum de planta ex aliena  
fide haut dubie; de viribus ex multorum observatione testatus est. Indorum plebs ad-  
versus diuturnam stomachi languiditatem bibt aquam, cui infusa est satis bona Piperis  
copia. In eundem usum quoque eliciunt è Pipere recenti spiritum mire igneum. Vtrum-  
que, cum adhuc viret, Piper, longum & que ac rotundum, condiri muria aut aceto solet,  
& condi in penum ad usum familiarem mensæque delicias. Quo loco vel imprimis ha-  
betur, cui quædam alia simul adduntur Aromata, Achar nuncupant. Ejus usus frequen-  
tior mensibus pluviosis, & in phlegmatica corporis constitutione. Sunt, qui malunt  
virentibus integris racemis ore receptis (ut nos ribesii) baccas eo retinere, avulso pe-  
tiolo, & parum mandere, & solum glutire succum, utpote gratum gustu, & suavem,  
ob levem acrimoniam acerbitate quadam mixtam.

*De Aromatum enarratorum abusu Epilogus.*

**H**Aec tenus exsequutus sum, quæ ad historiam pertinent quatuor Aromatum, cum in medicina, tum in culina, maxime usualium. Sunt enim, præter ista, multo plura, quibus vis, eaque non contemnenda, inest Aromaticæ, nullum tamen, cui sit tam acris, aut nobilis, aut durabilis. Quid Pipere acrius? quid Cannella nobilis? quid Caryophyllo, aut Nuce Muscata, ejusve præsertim Maci, durabilius? Non repetam singulorum dotes, utpote decantatissimas, libris omnibus, & commendatas laudibus, quas, non ratio dictasse, sed admiratio videtur effudisse potius: proinde unum atque alterum restat, de quo tacendum non duxi, nec ita tamen loquendum, ut hoc me agere aliter quam in transitu voluisse ostendam. Nam si ex professo de abusu Aromatum velim differere, fateor me dicendi carceres videre, non metam.

Principio esse in confessio arbitror, & audias sæpe eam apud nos querelam, maiores nostros, & firmiore usos sanitatem, & vitam vixisse longiorem. Nempe ita revera est: Ætas parentum debilior avis, tulit nos infirmiores, mox datura progeniem morbosiorem. Cujus esse causas in rebus quærendas, quas Medici non-naturales vocant, uti dubium esse non potest: ita inter eas vel præcipua est viætus mutata ratio. Quæ, ut intelleximus, & partim ipsi vidimus, majoribus erat parca, simplex, dura; nobis vero, prodiga, dubia, mollis. Imo Apiciorum cœnas olim magis fuisse molles quam sint hodiernæ, multis de causis dubitari posset. In cibis ipsis quam stulta, & ad effœminandum etiam optime natorum corpora potens! Quid non indies machinantur cùpedinarii adversus mortalium salutem, infatuando eorum palatum? quid non irritamentorum, ut fatuam rursus linguam sapere cogant? sed inter vitæ illecebras hodiernas Aromata quoque in patrias mensas inveniuntur. India nobis cum cœpit suas merces dare, ut omnia divitiis implevit, sic multorum sanitatem corruptit. Quod ne gratis dixisse videar, consideremus, utrum Aromata adeo humanæ naturæ conducant? quæ accipiuntur scilicet, non è medicina ad necessitatem, sed è culina ad prodigalitatem. Ita loquor: quia nullus dubito, quin æque nos atque majores nostri carere rebus istis exterinis queamus: præsertim cum satis condimentorum dederit natura nostri vicinique soli, quæ licet non admodum numerosa, abunde tamen sufficere possunt. Res dicit, quod Galenus, omne Aroma calidum esse, i. de fac. Alim. xv: & subtilium partium, vii. de simpl. fac. iii. At quæ ejuscemodi sunt, facile subeunt in corpus, spiritumque incendunt, & consumunt. Vnde est, quod Galenus, & bono quidem consilio, vii. de comp. sec. loc. ii. Arteriacis dictis confectionibus jubeat addi Aromata crassa ac integris partibus. nempe ne, quibus illæ compescendis componuntur, concitandis fluxionibus evadant aptiores. Hippocrates maximus Medicorum nuspia in cibuni legitur admisisse Aromata. Usus est nunc hoc nunc illo cum in aliis quibusdam morbis, tum maxime in muliebribus; & plerumque in suffitibus, in fomentis, in externis; in potionibus vero, & raro admodum, & parce. Sed & in istis quam circumspecte. Aph. v. 28. cum ad muliebria educenda valere dixisset suffitum Aromatum: protinus addit, Sæpius vero, & ad alia utilis esset, nisi capitis gravedines induceret. Addit Galenus: *Quod omnia fere Aromata natura apta sunt facere capitum dolorem, & experientia ostendit & ratio docet.* Sed Hippocratem iterum audiamus, hæc nobis mala Aphor. v. 16. recensentem. *Calidum hæc dat nocturna iis, qui sæpe utuntur; carnium effaminationem, nervorum impotentiam, mentis torporem, sanguinis fluxiones, animi defectiones: hæc quibus mors.* Tota autem talis concatenata symptomatum sequela se debet spirituum languori, concoctionum cruditati, pituitæ, & seri indies incrementum multitudini, viscerum atoniæ, & corruptelæ: una vero omnium causa est calidi calefactio, & attenuatio nimia, & nimis crebra. Exemplorum ad fidem Aphorismi abunde potest adferri, attende modo ad eos, qui se negant vivere posse, nedum præesse rebus suis, nisi aut venas mane medicato impleverint vino, aut ejus igne (quem spiritum vocant) multis sæpe Aromatis ignito, suum ignem, hæsternæ cœnæ cruditatibus obrutum, velut è cineribus excitaverint, quasi nocere multum nequeat, cuius parum, prodesse, semel sibi passi sint persuaderi. Cum itaque jam intelleximus ex Galeno, & res sit apud omnes confessa, Aromata, & calida esse, & subtilium partium;


partium; Necesse igitur, ut & facile sumta incalescant & pervadant in sanguinem, eumque incendant, & urant non tantum, sed & spiritum ejus justo plus calefaciant & calefaciendo agitent, agitando attenuent, attenuando dissipent. Habet enim & spiritus suum modum substantiae. Intra quem nisi contineatur, fieri non potest quin excedat, evadat, erumpat, pereat, & post se corpus tam viribus enerve, quam cruditatibus grave relinquat. Atque ita quidem facere Aromata, ne dubitare quidem nos sinit leucophlegmatia, virgineus pallor, & febris alba dicta Medicis: Namque hos affectus saepe aliosque soporosos, cum sensus & motus depravatione, judicio devigescente, & memoria oblivious, multis accidere ex Nucis Muscatæ frequentiore usu, & ipsi vidimus non semel, & alios vidisse, probe scimus. Quamobrem, cum ea sint Aromatum facultates, & calefacient potenter, atque ita & spiritum inflammat ac digerant, & sanguinis nutritum succum siccant, quis non merito sibi metuat ab eorum largiori usu? Imo, quis neget recta à nobis ratione referri inter ea, quæ nos nostris majoribus reddunt magis morbosos? Quasi Aromaticitas illa, quæ non nisi intra Tropicos à Sole potentissimo ex solida & fitienti terra proveniens, nobis advenis, toto fere cælo inde remotis, quadraret potius, quam iis apud quos nascuntur Aromata. Nam aut omnino illis non utuntur in cibo, aut crudis, & ob nimiam humiditatis aquosæ copiam impotentioribus, aut parce admodum, & valetudinis duntaxat causa. Neque enim negandum censeo, illius gratia quandoque recte sumi, sive incidendo, & attenuando phlegmati, sive resistendo putredini, sive nutrientis spiritibus deficientibus, id fiat, sicut in præcedentibus capitibus uniuscujusque Aromatis docuimus. Verum ut recte sumas definire non coquus debet, sed Medicus, seu verus humanæ salutis custos; alias enim tutius foret ea in subsidium vocare, quæ eadem aut vicina fert tellus, quæ non dicam tulit nos, sed nutrit tam benigne, tam liberaliter. Europæi equidem quantum cæteris mundi populis excultiores habentur, si tantum quoque iis temperatores, & abstinentiores essent, non plus inhiarent longe petitis dapibus Indorum, quam illi nostratium. Quin non pauci Indiæ Orientalis & Occidentalis Indigenæ haud sine ratione Europæorum istuc adventantium intemperantiam deridentes, & incontinentiam culpantes, sibi congratulantr, quod suis contenti bonis, tam sanitatis quam deliciarum ergo, se sustentent. Si enim opus est calidis, quibus in corporibus frigidioribus cibi coquantur, quorsum temere ab Indis petimus, cum tot remedia succedanea, aromaticæ vi prædicta, nobis dederit natura, quæ singula sufficiunt? Sicut Campanella inter Italos, Beverovicius inter Batavos, in multorum salutem fieri posse probarunt. Imo prædicta Aromata, ipsis licet medicamentis purgantibus indita, sive palati & stomachi oblectamento, sive alterius qualisunque necessitatis causa, si tamen non exacta proportione respondeant, parvaque indantur quantitate, solventium minuunt facultatem; atque non minus substantia sua terrestria & styptica occludunt densantque, quam tenui & ærea aperiunt. Plura equidem huc possent afferri argumenta, à quotidiana experientia desumpta, quibus supercedeo. Quæ enim hactenus dixi, non eo fine dicta sunt, ut Aromatibus quicquam derogem, hoc enim esset Naturam criminari, & simul supra enarratis contradicere: sed ut nimis promiscuum abusum eradicem ex animis non gulosorum, sed suæ satagentium sanitatis.

## C A P V T X.

Arundines *Mambu* cum suo *Sacar* sive *Tabaxir*.

**I**ntr tot variæ figuræ, & magnitudinis Arundines in incultis Indianum regionibus luxuriantes, duæ dantur species *Mambu*, Lusitanis corrupte *Bambu*. Quarum altera minor intus magis farcta, altera multo major, & minus repleta, ligni proceritate & soliditate cæteras omnes antecellit usque adeo, ut non mirer quosdam veteres & neotericos propter insignem illarum altitudinem hæsitantes, nunc arbores, nunc cannas appellasse; sicut & ipse Garcias ab Horto eas Populo assimilavit. Arborescentes itaque Arundines *Mambu* uodus locis sponte sua recta exsurgunt. Arte subinde torquentur inter crescendum, ut incurvatæ leæticis portatilibus aptiores fiant; pro bacillis quoque ad fulcienda Piperis farmenta in quotidiano sunt usu. Inferius femoris humani plus minus sunt crassitie (cujus ni fallor fragmentum exstat in porticu horti Academicici Lugd. Batavorum) tantæque inter illas reperiuntur amplitudinis & solidi-

M A M B V.



tatis, ut cymbæ exinde parentur, eæque non quidem excavatae, sed relictis solum duobus utrumque internodiis inferioribus per medium sectis. In harum extremitatibus bini Indi confidentes eas tanta dexteritate remis impellunt, ut rapiditatem fluminis facile superent. Ejusdem naturæ arundines Solinus videtur novisse, quas his verbis expressit: *In India palustribus arundo crassa progignitur, ut fissis internodiis lembi vice vectitet navigantes.* Ipsius vero ligni sive materiæ crassities trientem unciam tæpe superat, circumferentia sexdecim, diameter aliquando quinque est unciarum, unde ampla ejus capacitas facile potest dijudicari, ideoque subinde cannarum crassiores partes, vasorum loco mercibus vel aquis in longo itinere replent. Nodis perpetuis constant (qui in adolescentibus cannis hic depictis minus conspicui sunt) singuli ultra palini longitudinem ab invicem dissiti, ex quibus rami emergunt utcunque eræcti, sed arte aliquando incurvati, ut topiarii operis defectum suppleant, ad evitandos diurnos æstus. Folia sunt Oleæ figura, sed multo longiora, aliquando solitarie posita, aliquando sibi opposita. Ipsæ autem Arundines *Mambu* adolescentes medulla levi, spongiosa, & liquida (non adeo farcta ut vulgares cannæ sacchariferae) refertæ sunt, quam vulgus grati saporis grātia avide exsugit. Novissimi autem stolones qui maxime succulti sunt, & saporosi, magni fiunt in Indiis apud advenas æque ac Indigenas, quod bases sint celebris istius compositionis *Achar* dictæ, quæ in Europam inventa inter delicias habetur palatum doctis, & à me quoque non semel cum voluptate gustata. At vero, ubi arundines hæ procedunt, & annosæ factæ fuerint, liquoris contenti substantia, color, sapor & efficacia mutatur (sicut in Nuce *Coco* adulta etiam fieri videmus) atque paulatim protruditur foras, & juxta internodia vi Solis coagulatur, ac instar pumicis albi indurescit; mox nativæ suavitatis expers facta, peculiarem saporem cum parva astrictione, eboris usi æmulum,

lum, acquirit, vocaturque apud Indigenas *Sacar-Mambu*. Qui quo levior, albicantior & glabrior, eo præstantior; quo magis inæqualis atque cinerei coloris evadit, eo vi- lior habetur.

Rarior quidem usus existit tam boni medicamenti in Indiarum maritimis habitatis, ubi Arundines hæ luxuriant, idque duplice ob causam: primo, quod licet omnes li- quore suavi in principio scateant; succus tamen ille lapidescens ad internodia, nec in omni arundine, nec in omni terra apparet, sed pro solis vi & soli genio felicius vel infe- licius producitur, sicut in oris *Malabar* & *Cormandel* fieri constat. Secundo, quia Ara- bes Medici & Brachmanes vehementer appetant hoc medicaminis genus, & care emant à Regulis sib quorum ditione crescent arundines hæ sacarferæ. Præter Gar- ciā ab Horto, & Hugonem Linschotanum plurimi optimates nuper inde reduces, in- integræque fidei viri, testati sunt, quod, licet pretium ejus ex anni fertilitate variet; tamen utcunque in Arabia pari argenti pondere divendi, idque potissimum quia Medicorum tum Indorum, tum Arabum, Maurorum, Persarum, Turcarum unanimi testimonio & experientia constat, externis & internis convenire ardoribus & inflammationibus ut & dysenteriis biliosis, si trochiscorum vel potus forma exhibeantur. Indi ipsi contra Strangurias, Gonorrhœas & Hæmorrhagias utuntur, magnumque putant caritatis of- ficium nostratibus præstare, si in simili renū & genitalium incendiis hoc *Sacar-Mambu* sive *Tabaxir*, aqua dissolutum, largiter suppeditent. Plura Arabes & Persæ huic *Ta- baxir* attribuerunt, quibus supersedeo, ne videar iis inhæreere quæ longe petita, & no- bis incerta sunt: adeoque simul huic capiti finem imponerem: sed cum de nomine, & natura veterum ac recentiorum *Sacar* & *Tabaxir*, non solum sub medicorum filiis, sed & sub præstantissimis totius Europæ eruditis lis una atque altera hæreat, non absconum fore putavi, si rationibus, & probatæ fidei virorum experientia, discrepantes opinio- nes, qua possibile conciliavero. *Tabaxir* itaque, è lingua Persica desumptum, nihil aliud denotat, quam lac lapidescens: cum tamen placuit & quibusdam superstitionis Arabi- bus & Turcis, nihil aliud esse quam cinerem exustum cannarum, vi venti inter se con- fricatarum, & ignem exinde concipientium: adde, quod testimoniis plurium, qui rem ex vero describunt, constet trochiscos ex cineribus ejusmodi confectos, pro suppositio- *Tabaxir* agnoscere. Hunc interim errorem propagarunt Arabum interpretes Latini, *Ta- baxir* Spodium vertentes, utpote aliquam in eo qua ad gustum & visum similitudinem cum ebore, cornu cervi usto, animadvertisse: qui quam crasse impegerint, dilucide sane à Garcia, & Clusio aliisque probatum est. Proinde ut nos tales præternavigemus scopulos, & certum quid statuamus, consultius erit cum eruditio Garcia in posterum Spodio sive Tutia uti in medicamentis externis à Græcis descriptis: nostrum autem hoc *Sacar-Mambu* sive *Tabaxir*, in Arabum compositionibus intus plerumque assumere.

Alter restat dissolvendus nodus circa nomen, qualitatem & usum hujus concreti succi, quod ipsi Indi *Sacar* lingua vernacula indigitant, idque non respectu alicujus dulcedinis, sed quod à multis seculis apud Indigenas humor hic in nodis antiquarum cannarum concretus nomen *Sacar* obtinuit: postea autem cum liquor vel mel cannæ Sacchariferæ hodiernæ vi expressus, & igne coctus, in substantiam duram, siccum, & al- bium migraverit, videtur ad imitationem externæ figuræ, & nominis *Sacar*, nunc no- men Sacchari impositum esse. Nam apud veteres Græcos, & Romanos autores,appa- ret, nomine Sacchari nihil aliud eos voluisse exprimere, quam id quod ex Plinii verbis l. xii. c. viii. colligere est, *Saccharum & Arabia fert, sed laudatus India. Est autem mel in Arundinibus collectum, gummis modo candidum, & fragile, amplissimæ Nucis Avellanae ma- gitudine, ad Medicinæ tantum usum.* Quo etiam Galeni verba spectare videntur, l. 7. simpl. Medic. de Saccharo. *Sacchar quod ex India atque felici Arabia convehitur, in calamis, ut aiunt, concrevit, & ipsum mellis est species, minus certe nostrati dulce, sed assimiles ei vires ob- tinens, quod ad abstergendum, desiccandum, & detergendum attinet.* Ita ut ex hac mea enar- ratione, & interpretatione labefactata putem argumenta summi nostri seculi viri Cl. Salmasii, dicentis *Sacar* sive *Tabaxir* ob defectum melleæ dulcedinis non posse sumi pro Saccharo antiquorum: nam præterquam quod Plinius mellis in arundinibus col- lecti, late sumpti, mentionem fecerit, sicut de lactis, & aquæ fontanæ dulcedine com- muniter loquimur; accedit, quod Arundinum harum *Mambu* primogenitus succus, ut dictum supra, suavis deprehendatur, licet postea evanescat. Multa veterum & neoteri- corum super hac re monumenta Mathiolus in Comm. Dioscorid. docte ponderavit &


dilucidavit, quæ meæ opinioni favent, solum in eo à doctiss. viro dissentiens, quod putarit, ex iisdem Arundinibus Saccharum emanasse, è quibus vulgare nostrum exprimitur, eamque solum esse inter se differentiam, quod à Natura factum, sit nostrata factio longe tenuius.

## C A P V T X I.

*Arundo Rotang dicta.*

**A**D Arundines præstantiores, humanis quoque usibus inservientes referenda est & hæc, lingua vernacula Indorum *Rotang* dicta, quæ licet huc ex Indiis venalis afferatur, ut pro baculo vel scipione inserviat, & corrupte à Nostratisbus *Rotting* appelleatur, tamen in natali loco stolones earum, grato quoque, ut *Mambu*, succo tur-gidi, vel crudi manducantur vel condimento *Ackar* toties enarrato induntur. Hæ minus concavæ sunt quam *Mambu*, sed substantia spongiosa, instar herbæ ferulaceæ farcta. Baculi sive surculi, si postea exsiccati impetuosa manu collidantur, multas igneas fundunt scintillas, instar concussi silicis, cuius defectum supplere solent quibusdam Indis.

Crescit passim in silvis circa fluenta Arundinis hæc species mirabilis, in omnem partem flexilis, eoque ad omnia liganda utilis: nam Incolæ hac Arundine funium loco utuntur, & ædes suas ex magnis Arundinibus constructas, quas *Bambous* Lusitanî vocant, iis loco clavorum ferreorum ligant, & mireris tenacitatem hujus Arundinis, quæ crassitie digiti humani ferme cum sit, ramen in quatuor partes dissecatur, non secus ac *Salix aquatica* apud nos, unde corbes & cunæ Infantium confaciuntur: in quem usum etiam hæ Arundines assumuntur: hinc & anchorarum funes à Iavanis in navibus conficiuntur, & sane longius durant in aqua salsa, quam funes, immo deficiens funibus, nos iis anchoras quantumlibet graves



ligamus. Atque ut verbo absolvam, duo habet India ad vitam & commoda hominum admodum necessaria, nimirum, hanc plantam, & Nucem, seu Palmam Indicam, *Coquo* Lusitanis dictam: sed hæc cum decantata sint ab aliis, ego frusta operam insumferim. Cæterum hoc *Rotang*, fructum talem fert, qualem depictum cernere est, eumque edulem, & saporificum, cum aciditate quadam grata, rotundum, parvæ pilæ magnitudinis, tectum spadicei coloris, putamine duriusculo, fragili, striis perpetuis cancellatis ornatum, sicut fere videre est in calyce glandis

dis quercinæ. Ex singulis arundinis nodis ad summitatem usque sarmenta, funium modo contorta, & tenacia, foliorum quasi loco emergunt, hisque fructus globulares, raro solitarie, sœpe copulatim adnascuntur. Nucleum porro intus ferunt durum, ex quo contuso extrahitur, & exprimitur oleum, non edule solum, sed in medicamentis topicis, præsertim in ungendis nervis, summe utile. Itaque, si quid læsionis accedit servis, ex sarmentis hujus arundinis, quibus flagellari solent, ejusdem fructus oleo possint sanari. Ut liceat iis dicere:

— *Qui mihi vulnera fecit:  
Solus Achilleo tollere more potest.*

## C A P V T X I I.

Zinziber, Indigenis Gingibil. Mas & Fœmina. atque Galanga, *Lanquas* dicta.

**C**Vm Bontius noster Zinziberis, & Galangæ descriptionem, ob inopinatam mortem, vix initiatam, & plane mutilam reliquerit, adeoque pauca tantum de eorum inter se similitudine externa, & interna, cum sola Zinziberis Icone inter adversaria ejus repererim; ego partis meæ esse putavi utrumque studioso Lectori exhibere,

## Z I N Z I B E R M A s.



eaque simul addere quæ ab exercitatissimis viris, & Chirurgis, ex Indiis redcuntibus accepi; simulque differentiam inter Orientale & Occidentale Zinziber ob oculos ponere: ut inde clarius elucescat, quod Zinziber, licet inter ea numerandum sit Aromata,

quæ



quæ utriusque Indiæ solum & solem haud difficile admittat ; tamen , qua ad externam faciem , & internam virtutem , aliqualem discrepantiam pro perpetuo Naturæ lusu præ se ferat . Optimæ notæ , & maxime usualis , est Malavaricum , & Bengalense , cui Molucense succedit . Loca maritima , ut fere omnia Aromata , non mediterranea amat . Licet autem Chinenses , aliique Indi Orientales , inter olera Zinziber plantare consuerint , tamen silvestribus quoque locis sponte , vilioris licet notæ , crescit . Quod vix memini in Indiis Occidentalibus observatum esse ; unde hanc plantam hisce potius Indiis nativam crediderim . Duo genera esse perhibent Incolæ ; maris scilicet , & fœminæ : quarum hæc foliis & radicibus est minoribus , illa vero majoribus conspicitur . Folia admodum similia sunt foliis Arundinum , ut qui nunquam viderit crescentem hanc plantam , Arundinetum vere dixerit , quod primum è terra surgit : in qua comparatione Bontius à Garcia discrepat , qui Iridis non Arundinis similia esse statuit . Sed variant Auctores , etiam ii , qui ex Indiis reduces sunt , circa foliorum figuram , sive ob territorii diversitatem , sive , quod alii marem , alii fœminam Zinziber viderint . Nam maris hujus folia non ultra tres pedes excrescunt in altitudinem . Aspera sunt , unico nervo recto , in longitudinem excurrente , conspicua ; caulis hinc inde sine pediculo , inferius solitarie , superius frequentiori coma adnata . Radices diversi sunt ponderis , & amplitudinis ; omnes tamen imbellis , & tuberosæ , atque in superficie terræ sicut Arundineta , expansæ . Quarum unum atque alterum internodium in scrobe relictum , terraque aggestum , loco seminis stercoratur , & statim à satu aqua dulci plus minus pro terræ siccitate rigatum , proximo anno à satione fructus eruitur , qui est regerminata radix , ipsum scilicet Zinziber . Vindemia illius fit aescientibus foliis , quod est in media æstate , scilicet Decembri , & Ianuario . Radices recentes minus fervent , ob prædominium humiditatis ; paulo siccatae , limo obducuntur , ne , evanescente nativa humiditate , teredine , cui alias maxime obnoxia sunt , afficiantur . Ut condiantur , prius de-  
cortican-

corticantur , moxque in mūria vel aceto conjiciuntur & macerantur per horam unam atque alteram , dein æquali fere temporis momento sub dio probe insolantur , ac deuenio stragulis sub tecto cooperiuntur , donec omnis humiditas exhalaverit. Si aliunde transferendæ sint radices , tunc , thecis inclusæ , & aqua irrigatæ , noctu terra operiuntur , interdiu cælo patent. His omnibus rite institutis ab exercitato agricola , postea sacercharo non solum , sed muria vel aceto conduntur , nulloque tunc insigni calore palatum afficiunt , nec filamenta ulla ingrata in ore relinquunt. Si nimio tamen mangonio nimiisve lotionibus fatigentur , pars quoque aromaticæ ejus acrimoniæ evanescit. Quo ad qualitates , Piperi respondet , sed crassioris est substantiæ , ut docte ex Galeni monumentis , & propria experientia probavit Mathiolus in Dioscoridem , quo Lectorem remitto.

Præterquam quod recens Zinziber sativum Indigenis inter olera usurpatur , remedio illis est quoque præstantissimo ad Colicos dolores , Cœliacam ac Lienteriacam passiones ; Diarrhœas diurturnas ex frigore natas , flatus , ventrisque tormenta , & gravia his similia accidentia , ut multoties in Indiis se feliciter comprobasse testatur ipse Bontius , aliquique Medici exercitati. Ea tamen perpetua adhibita cautela , ut qui sanguine sunt fervidiore sive sani sive ægri parcissime eo utantur , quia Zinziber fere omne , sanguinem accedit , & orificia venarum aperit.

#### D E G A L A N G A.

**Q**uantum attinet ad Galangam , eam hic subjungere conduit , quia foliorum facie , & radicis qualitate , multum sibi similes sunt , licet Zinziberis radix albescat , Galangæ autem subrufa sit , tum internodiis pluribus inter se distinguatur. Duo ejus genera , majus , & minus , ab autoribus describuntur , nos tamen radicem majorem solam exhibemus , utpote Zinziberi foliorum figura , & qualitate radicis , magis vicinam ; licet Neoterici de vera Galanga inter se haud convenient , partim quod Græcis incognita , & Arabibus minus perspecta fuerit , partim quod Batavi & Lusitani reduces ex Iava ( ubi plurimum luxuriat Galanga ) nimis negligenter eam observarint. Seritur radice sua ut Zinziber , eodemque fere modo excolitur , & summiopere se propagat. Caules arundinacei ad Zinziberis fere altitudinem exurgunt. Folia , longa , mucronata , superius fature , inferius dilute viridia. Flores albicantes inodori , semen fatuum. Radix crassa , tuberosa , rufescens , Zinziberis radice major. Illa porro ad omnia utilis , ad quæ Zinziber , atque eodem modo quoque condiri solet ; quod genus condituræ *Achar* vocari aliquoties diximus , ac magnus ejus usus est in bellariis ad orexin excitandam , non secus , ac cappares , & oleæ fructus apud Europæos. Recens vero utriusque dictorum Aromatum radix , in taleolas dissecta , cum carnibus piscibusque coquitur in eundem nem. Sic quoque cruda , sale & aceto & oleo inspersa , cum piscibus , & carnibus assis commode editur ad juvandam concoctionem. Malabarenses & Iavani eam , non solum contra hominum , sed & jumentorum mala frigida , magni faciunt , quoquo modo præparatam. Polentas , ex farina radicis confectas , in frequenti usu habent , quas cum succo Nucum *Cocos* præparant , atque , testibus Bontio , & Acosta , contra uteri & vesicæ mala exhibit. Sed quid diutius hæream in elogiis harum præstantissimarum radicum , quarum usus jam pridem toti mundo innotuit ? Cum hujus instituti potius sit , aliquod exoticum , minus hactenus cognitum , in scenam producere.

#### C A P V T   X I I I.

##### *Iambos.*

**I**n ter nobiles , & familiares arbores fructiferas , à Bontio nostro neglectas , est illa , cui Indigenæ à fructu suo nomen *Iambos* indiderunt. Vnde Lusitani corrupte *Iambiero* , Arabes ac Persæ *Tuphat* , Turcæ *Alma* nominarunt. Ejus indoles à Garcia ab Horto aliisque recentioribus eum sequentibus tradita est ; ac proinde , cum pleraque illa quæ mihi à rerum Indicarum peritis suppeditata sunt , ex parte convenient cum prædictis autoribus , hæc leviori penicillo attingenda , & pauca tantum cum genuina ejus icona ad vivum expressa addenda putavi. Arborum harum duæ reperiuntur species simillimæ , fructibus nonnihil discrepantes , utraque ut forma & figura , ita & magnitudine Malum Europæam æmulatur , nec culturam , nec peculiarem terræ genium postu-

## I A M B O S.



postulat, sed multis Indiarum locis adeo feliciter arte vel sponte provenit, ut saepe ante quintum annum fructificet, & quod raro videtur in Indiis, profunde radices in terram exerat. Ex Malaca Piperifera in dissitas quasque regiones ob florum fragrantiam, & fructus suavitatem, translatam ferunt. Arbor est patula, ramosa & frondosa. cortice cinereo, glabro, ligno fragili. Folia Pruni magnitudinis: in extremitate magis acuminata, exterius sature, interne dilute viridia apparent, nervo unico crasso recto, venulis obliquis in medio praedita. Flores rosacei odoris & coloris, sed magis variegati cum multis staminulis in umbilico pulchre nitentibus, qui vinoso sapore quasi ipsius fructus præludium exhibent. Quippe pulpa illi est succulenta, mollis, optimi odoris, & saporis. Horum fructuum Garcias diversas esse species putavit, alii majores sature rubri, minoris mali Cydonii figuræ & magnitudinis existunt, tenuissima pellicula splendente vestiti, atque vix quicquam lapidei in se continentibus: alii minores ex pallido purpurascentes lapidem tenent compressum, oblongum, albicanter.

Hæ arbores sunt ex numero earum, quæ pulcherrima florum, & fructuum varietate advenas in admirationem rapere solent, non ob gratum solum aspectum, sed imprimis ob perpetuam florum, & fructuum vicissitudinem, quod in altera arboris medietate frondibus & floribus orba, altera pars fructibus maturis, & immaturis tam diu oneretur, & ornetur, donec frondes recuperaverit; ita ut in iis, perpetuo tempore vernali atque simul autumnali frui concessum sit; quod Naturæ beneficium ipse quoque in plurimis Americæ arborum fructibus saepe in solarium ægrotantium expertus sum.

Flores & fructus *Iambos* frigidæ & humidæ sunt qualitatis, insigniter fragrantes, ac proinde inter primas delicias omnibus pariter incolis habiti: plurimi quoque usus passim in Medicina existunt. Fructus enim crudi & flores saccharo conditi, ab æstuantibus

tibus ægris cum successu usurpantur, quod succosa frigiditate sitim in febribus extinguant, spiritusque vitales confortent.

## C A P V T X I V.

Arbor *Acajú*, vulgo *Cajú*.

**S**Vpra monui, quædam vegetabilia, & sensitiva, alicui tantum Indiarum Regioni propria; aliqua vero utrisque Indiis, inter Tropicos sitis, communia esse. Quæ particulatim recensere, nimis operosum foret. Inter ea quæ posterioris ordinis sunt, non infimum locum tenet umbrosa & patula arbor *Acajú*; à veteribus omni-

## A C A I V.



bus, ni fallor, neglecta vel incognita. Malus hæc semel tantum in anno, sed per multos menses, cosque maxime æstivos, fructificat, quæque pro vicinitate, vel remotione ab Æquatore, tardius vel citius deficit. Non autem, ut aliæ plurimæ, bifera aut trifera unquam inventa fuit, sicut in historia mea Americæ Naturali probavi, ubi naturam, usum, & noxa in graphice satis me depinxisse puto; ideoque istuc Lectorem remitto, cum arborem hanc *Acajú* Orientalem, ab Occidentali vix quicquam discrepare animadvertis; ea enim cum facilis sit migrationis, atque ex sola glande fructus (utpote semine destituti) terræ licet sitienti immissa germinet; & cum nomen quoque vernaculum *Acajú* retineat in Indiis Orientalibus, vix dubium est, quin ex Brasilia istuc translata sit; accedit, quod in natali sua terra, & non alibi, silvas integras circa habitata litoralia conficiat, frondibusque suis gratissimam umbram; fructibus vero glandiferis perpetuum penu Indigenis suppeditet. Quantum ad fructus eorumque glandes, hæ tostæ, illi crudi, non in minori pretio Asiaticis quam Americanis habentur. In solo apparatu, quantum resci-

scere potui, inter se discrepant. Scilicet gens hæc magis cicurata fructum horum annatam astrictionem cum austерitate conjunctam, gulæque minus ab blandientem, licet ventriculo proficuam, vino & sale obtundere solent, adeoque, in illo condimento aliquandiu maceratos, cum voluptate comedunt æstuantes, quod sitim egregie restinguant, nauseam tollant, & dejectum appetitum ventriculo restituant. At vero annatæ glandes ( à quibus ipsi fructus incrementum sumunt substantiamque hauriunt, convertendo illud oleum non secus, ac Anacardii oleum urens, in succum edulem,) tostæ & decorticatae, pro bellariis usurpantur : tum quoque ad Venerem excitandam Pistachiorum loco, quibus nec gustu nec dignitate cedunt, Magnatibus in frequenti usu existunt.

## C A P V T X V.

Radix *Ninzin.*

**Q**uemadmodum vix ullibi terrarum, quantum quidem constat, Nuces Aromaticæ, quam in Insula *Banda*; neque *Caryophylli*, nisi in Insulis *Molucensibus*, sponte nascuntur : Ita nullus in orbe locus hactenus innotuit, qui celebrem illam radicem *Ninzin* producit, quam *Coreæ* Regnum, situm ad latitudinem Borealem circa quadraginta tres gradus. Nullus Belgarum eam crescentem vidit, quia in mediterraneis tantum, ultraque ducentas leucas à mari dissitis locis proveniat ; unde fit, ut varient

circa effigiem frondium, quæ tam foliis Pastinacarum sativarum nostratisbus *Geele-peen* / similes sunt : moles autem & magnitudo ipsius radicis, Pastinacis multum cedit ; ita ut in Iaponensi terra ipsa Pastinaca, magnæ silvestris *Ninzin* nomen vulgo obtineat. Radix plantæ, de qua nobis agendum, digitus est longitudinis & crassitiei, in fine filamentosa. Colore ex flavo albescente, sapore subdulci, non ingrato, pingui : cuius genuinam effigiem ope & favore Clarissimi & Amicissimi viri Fr. de Vicq, Lectori offero.

I Hujus decantatæ Panaceæ usus quotidianus est, non solum apud incolas Regni *Coreæ*, sed & *Tankinde*, *China*, & *Iaponia*, adeoque ad illam tanquam ad sacram anchoram confugiunt. Qua tamen non semper sola & simplici utuntur, sed utcunque aliis remedii nativis mixta, manente *Ninzin*, compositionis basi. Illa autem medicamenta quæ adduntur, *Coreæ* incolæ celant & tanquam arcanum sibi reservant. Quando autem animus est oppugnare malignos aliquos Naturæ hostes, ut motus Epilepticos, Vertigines, Spasmos, Hydropses, Lipothymias, Choleras, & quæ ejus farinæ porro existunt, tunc Medici robur addunt huic radici ex valido aliquo additamento pro vehiculo. At vero nulli alteri mixta, omnibus languidioribus & cacheoticis non solum in usu est, sed eam, tanquam præservans contra malignos & venenatos affectus, domi forisque perpetuo ad manus habent, atque bis ter-

## R A D I X N I N Z I N .



gnos aliquos Naturæ hostes, ut motus Epilepticos, Vertigines, Spasmos, Hydropses, Lipothymias, Choleras, & quæ ejus farinæ porro existunt, tunc Medici robur addunt huic radici ex valido aliquo additamento pro vehiculo. At vero nulli alteri mixta, omnibus languidioribus & cacheoticis non solum in usu est, sed eam, tanquam præservans contra malignos & venenatos affectus, domi forisque perpetuo ad manus habent, atque bis ter-

ve de

ve de die exiguam particulam recentis radicis masticant. Vnde mirifice virium restorationem, cordis refectionem omnes se experiri testantur.


Prolixior esse possem in enarrandis dotibus hujus *Ninzen*, si verbotenus schedas medicinales ex lingua Iaponica à Præstantissimo viro D. Caron, ibidem Præfecturam teneente, in vernaculam translatas, hic exhiberem. Sed malui contrahere stylum, partim ne verborum ambagibus vel tautologiis Lectorem detinerem; partim, quod verear (ut subinde animadvertis superstitiosos Indos) nimium huic medicamento, tanquam labascentis Naturæ soli restauratori, tribui; sicut Chymieis saepe & Circulatoribus multis usu venire solet; qui qualecumque fere novum remedium, dum tanquam Panaceam Naturæ, & arcanum mundi venditant, sibi æque ac profano vulgo imponere consueverunt usque adeo, ut, se fallere & falli, vix sentiant.

## C A P V T   X V I.

*Polypodium Indicum.*

**V**ix literatus, & rei Medicæ addictus ex Indiis Orientalibus nuper redux, raram hanc & eleganti aspectu plantam apportavit, cuius neque nomen, neque vires noverat: ideoque ego eam pensiculatius tactu, visu, & gustu examinans, & dein conferens cum Medicinæ peritioribus, vix quicquam ab egregio illo & raro Clusi Polypodio exoticō discreparede prehendi. Quam cum ibidem passim in silvis luxuriare, & ab advenis æque ac Indigenis magni fieri intelligerem, operæ pretium me facturum putavi, si posteritati ulterius indagandam offerrem. Bontius noster, Polypodii Indici quoque mentionem fecit in catalogo herbarum sponte ibidem nascentium; verum morte præventus, descriptionem atque usum pollicitus est, sed non præsttit. Nostrum hoc Polypodium radice est nigricante, obliqua, longa, crassa, hirta, ad modum Europæi Polypodii summa tellure repente. Huic bina folia, aliquando plura, solida, firma supernascuntur, brevissimo pediculo à radice emergentia, etiam aliquando eam tegentia, atque statim ab exortu in latera satis ornatae se spargentia. Folia queruginis foliis amplioribus in novellis præsertim surculis natis; & modice laciniatis, magnitudine & forma simillima sunt. E medio nervo, præter morem crasso & valido, foliorum longitudinem secante, sicut costæ è spina dorsi, inordinate positæ, sursum in latitudinem usque ad extrema laciniarum extensæ, apparent. Inter quas multiplices venulae, reticuli instar contextæ, & se invicem secantes, excurrunt. Radix (in qua sola vis medicinalis hactenus deprehensa fuit) recens evulsa subdulcem vulgaris Polypodii saporem præ se fert, cui admixta est acrimonia quædam levis, quam vel ex regionis calidioris intemperie, vel ex vetustate forte contraxisse autumandum est. Iisdem hoc usibus, quibus nostratum dicatum est Polypodium: quamobrem illius descriptioni non inhærebo.

## P O L Y P O D I V M.



De *Chocolata* Inda.

**C**Vm totus in eo essem, ut Mantissæ meæ Aromaticæ finem imponerem, conve-  
niunt ecce cum Typographo nescio quot Philiatri, summopereque urgent, ut  
ne, priusquam de tabula manum, gravarer Operi adjungere egregios tractatus  
duos: nempe unum de Nuce Maldiviæ, ejusque insigni antidoto; alterum de America-  
na arbore Cacavifera, & celebratissimo ejus potu *Chocolata*. Quod quidem eo diffici-  
lius à me impetrari sum passus, quia non ignorabam exstare jam doctorum virorum  
de utraque illa materia monumenta, non perfunctorie tradita. Adeo ut justa de causa  
omnis mihi ablata videretur ansa gratificandi Artis nostræ Symmystis: eoque magis,  
quod haud multum in duobus his exoticis à me aliisque potuerit observari, quod non  
Cl. D. Augerius Clutius, urbis hujus, dum viveret, Practicus, opera & fama celebris  
circa Nucem Maldivensem, & Hispani Medici circa potionem *Chocolatam*, jam ante  
attigerint. Itaque Clutii quidem tractatum propter exemplarium diu defectum deside-  
ratum, denuo exhibeo; Hispanorum vero aliquot, ut Antonii Herreræ, Iosephi d'A-  
costa, Francisc. Hernandez, Antonii de Ledesme, Antonii de Leon, Ioannis Car-  
denæ, Ioannis Barrii, aliorumque gravissimorum doctorum sparsas, & plerasque in  
nova Hispania conscriptas, animadversiones, in ordinem atque in compendium Latino  
sermone coactas hic promo: eorumque Authorum, quorum laboribus adjutum me  
fuisse lubens agnosco, idcirco nomina subjicio, ut fidem meam liberem, & gratum  
me præstem iis, à quibus ea, quæ hic sequuntur, accepi. Qua novissima mea opella, si  
non reipublicæ literariae, saltem meis amicis, & mihi met ipsi hoc sum gratificatus,  
quod, quæ de effectibus utriusque hujus medicaminis enarro, eorum aliqua ipse peri-  
cula fecerim, & porro facienda atque indaganda nunc aliis proponam, & eum in fi-  
nem, ut quisque per causas perque sedulas ire prius experientias discat, & vera à falsis  
discernere, antequam judicium ferat de rebus hæc tenus minus sibi perspectis. Licet  
autem studiose caverim, ne in eundem lapidem impingerem, tamen vereor, ne ali-  
cubi simile quid acciderit; quare eandem veniam, quam aliis libenter concedo, vicis-  
sim ab æquis Lectoribus flagito.

Cuivis, vel mediocriter in gentium historiis versato, constare satis superque credo,  
quam nulla non earum, sive culta, sive inculta, quæ vinum ignorant, præter potum sim-  
plicem à Natura concessum, etiam alium excogitaverit, non modo ad delicias, sed &  
contra sitim. Americæ certe pars maxima potiones sibi & plures adinvenit, & familiares  
fecit, ex radicum fructuumve succis expressis & aqua dilutis. Præ cæteris autem tractus  
ejus Septentrionalis in potum sibi illum præcipue ascivit, qui in Hispania nova, & Mexi-  
cana vicinisque terris, sermone quidem vernaculo *Chocolatl*, externo autem *Chocolata*,  
solet appellari, & haberi in summis deliciis: adeo ut Incolæ & ipsi illum depereant usque  
ad corruptionem sui, & hospitibus in testimonium grati accessus atque singularis ami-  
citiae offerant: prorsus ut de Chinensium, & Iaponensium *Thé*, sive *Chiá*, supra sum testa-  
tus. Qui quidem in eo potissimum ab aliarum nationum potu factitio discrepat, quod  
nec uno modo, nec ex eisdem rebus componatur: sed modo ex his: modo ex illis seu  
floribus, seu seminibus aliisque plantarum partibus in farinam redactis. *Chocolata* hac  
adeo Hispani magisque Hispanæ inescantur, ut, postquam, præsertim calidæ, aslue-  
rint, se sine illa negent posse vivere, etiamsi initio aspernati fuerint. Vnde mirandum  
non est, si male cœperit audire potus tam deliciosus, præsertim à quo, qui ab indige-  
nis olim minus compositus ex solis humectantibus, & nutrientibus, cum paucis qui-  
busdam correctoriis parabatur, crescente Hispanorum aliorumque Europæorum lu-  
xu, & ipse cœpit excrescere, & ingredientibus Aromaticis usque adeo luxuriare, ut  
laſciviaz potius fovendæ sit, quam restinguendæ siti. Quam ob causam, &, ut mihi  
videtur, non præter rationem exorta est inter cordatores Hispanos controversia non  
jejuna, An salvo Monachi jejunio concedi possit potus ex pasta tam alimentaria, &  
saporata atque aromaticæ confectus? Quam litem componere non est otii mei, neu  
falcem mittere in messem Ecclesiasticam. Itaque eam D. Antonio de Leon, qui prolixæ  
utriusque partis argumenta ventilavit in libro quodam suo Hispanice conscripto, cui  
titulus

titulus est, *Question moral si el Chocolate quebranta el ayuno Ecclesiastico*, decidendam relinquere malo, quam male ob periergam audire. Interea, si libere mihi, & cum pace jejunantium, dicere sententiam licet, dicam hanc: videri omnes, qui ex *Chocolate*, quocunque sub prætextu bibunt, non abstinentiæ operam, sed ejus famæ potius dare, & in jejunio delicias quererere, atque in numero haber i posse eorum, quos Prosper Aquitanicus lib. 11. cap. 23. de vita contemplativa designat. *Quotquot*, inquit, *parciores videri volunt, & gloriam sibi velut de abstinentia districiore conquirunt, sic ab omnibus animalibus judicant temperandum, ut peregrinis pomis ac sorbitiunculis delicatis, ceterisque aliis cibis, immanem sui corporis impleant appetitum.*


Sed missa digressione, ad institutum redeo: basin primo totius *Chocolate*, mox cætera ingredientia examinaturus; quo Compositionis universæ simul temperies atque facultates cum salubres, tum noxiæ, clucescant. Quas omnino expedit scivisse, propterea, quod non solum in Occidentalibus Indiis, quibus suis debet natales; sed & per totam Italiam, & Hispaniam, & utramque Germaniam, & facta sit, & fiat indies magis ac magis familiaris, quin abire jam in varios abusus cœperit, variasque noxas dare, eo que nomine non paucos abstinent ab usu etiam legitimo & commendabili. Idcirco dispi ciendum imprimis, ob eorum quæ miscentur diversitatem, quid ad compositionem requiratur; quibus deinde convenient; & quantum denique cuique sit ex ea pro naturæ viribus bibendum; ad hoc, ut tam sanitati, quam gulæ satisfiat. Quæ ut clarius & explicari & intelligi queant, age, primo vires ingredientium videamus.

## C A P V T X V I I I.

De Arbore *Cacavifera*.

**C**Acaviferas quas appellant arbores, in Hispaniæ Novæ locis irriguis, & præcipue in Guatimalæ ac Nicaraguæ districtu uliginoso sponte luxuriant. Earum Mexicanæ Medici, alii quatuor, alii quinque constituunt species. Omnium interim fructus (quos vel imprimis convenit novisse) ejusdem fere esse facultatis, ejusdemque usus uno omnes ore Autores fatentur, non obstante, quod in ipsarum arborum, quæ figuram, qua magnitudinem, descriptione non admodum inter se convenient. Omnes naturæ sunt adeo delicatæ, ut non modo alium soli genium aspernentur, sed in patrio ipso ferendo non sint, aut frigus nocturnum, aut tempestates ventorum, aut Solis etiam ardores. Vnde est, quod eæ, quæ ex deciduis fructibus sponte germinant, nisi in vallibus umbrosis non appareant. Hinc illis ars, Naturæ imitatrix, in feliciorem proventum docuit incolas, patulam & umbrosam quandam arborem, quam idcirco *Cacaoquananthli*, sive matrem *Cacaviferæ* appellant, apponere; ut à cæli injuriis ejus velut sub umbone tutior sit ipsa *Cacavifera*. Facile se cicurari patitur. Hispani certe integra ex ipsis arborera, & plantant & colunt, non secus ac in Europa vineta atque oliveta. A secundo ætatis anno fructificat, & quolibet anno bis. Vindemiatur enim pri mum, & uberiore fructu, circa Iunium; iterum circa Ianuarium. Ab anno vigesimo devigescit, & sterilescit. Hæc communia. Quod ad species, Prima & omnium maxima est *Cacava Quathuitl* dicta, quam mox dabimus. Huic proxima *Mecacauatl*, proceritate & foliorum ac fructuum magnitudine. Tertia, *Xochicacauatl* vocata, minor est, minoremque profert fructum, & semen foris rubescens; intus vero cæterorum colore. Quarta omnium minima, & ideo *Tlalcacahuatl* seu humilis dicta, fructum fert minimum, ejusdem cum prioribus coloris. Omnium fructus eisdem prædicti sunt facultatibus: postremarum tamen, potionibus magis inserviunt. Cæterarum vero, nummis atque commerciis.

Prima autem, & facile omnium princeps (cujus iconem hic, qua ramos, & fructus atque nucleos, exhibemus) mediocri est altitudine & egregie frondosa, foliis acuminateis, angustioribus & Aurantiæ longioribus (Antonius Herrera Castaneæ foliis comparat) nullo fere pediculo cauli adnatæ, nervoque unico & recto præditæ, & ex quo multæ obliquæ venulæ sursum emergunt. Flos ei magnus, & colore ex flavo albescens instar croci. Quo deciduo remanent tenuia, viridia, oblonga, lanuginosa filamenta. Ex his deinde fructus proveniunt turbinati, quos *Cacavacentli* vocant. Hi, cum maturere, Melonibus magnitudine, crassitie, ponderè non cedunt: colorèque sunt croceo



ex luteo albidi. Pediculus cuique modicus : incisuræ per longum varix : nuclei vicini, saepe triceni; qui, racemi instar, medio stipiti adhaerent, Pistaciis aut Ricini majoris semini similes, paulo tamen grandiores & pellicula fulva vestiti; qua sublata, videntur non absimiles reni vaccino, secundum incisuras, quibus erant divisi. Substantia eorum intus est tenuis, & spadicei ferre coloris, in dispares divisa particulas, sed quæ arcte inter se haereant; adeoque sit pinguis, ut sponte humor, quantumvis lentus, aliquando exstillet: imo oleum ex ea abundantius, quam ex Anagyrdalis exprimi possit. Pulpa hæc subamari, non integrati tamen, saporis, multi

nutrimenti, temperamenti subfrigidi atque humidi, est. Hi sunt decantati illi ab Indigenis *Cacahuatl*, ab Hispanis corrupte *Cacaō* nuncupati, quorum causa arbor tantopere expetita est; utpote *Chocolata* potionis caput. Merx ditissima, & ob id Hispanis æque ac Barbaris æstimata & amata. Qua, mirum, quantopere quondam emporia fribuerint. Ad Solem enim exsiccati fructus isti ætatem ferunt, nec facile corrumpuntur, etiamsi navibus reconditi, usque in Europam deferantur. Ante Hispanorum in ea loca adventum, spreto vinum conficiendi modo, (licet nonnulla vitium silvestrium ac labruscarum genera apud illos suapte natura copiosas & variorum colorum uvas ferant pafsim) potionem simplicem ex solis fere *Cacaciis*, & sine tot rerum mixtura, quibus nunc superbit celebris Confectio, ad sitim duntaxat sedandam hepatisque fervores temperandos, Ptisanæ loco solebant parare. Adde quod iidem *Cacacii* in tanto apud suos habentur pretio, ut non potus tantum delicati, & alimentarii, verum etiam nummorum, nulli adulterio obnoxiorum vices præstent egregie, ob durabilem, lentam tenacemque substantiam, atque iis præcipua vitae præmia, cum opus erant, comparabantur. Quem fructus usum vere πολυχρήστη admiratus Petrus Martyr, merito exclamat: *O felicem monetam! quæ suavem utilemque præbet humano generi potum, & à tartarea peste avaritia suos immunes servat possessores, quod suffodi aut diu servari nequeant.* Huc quoque illud Francisci Hernandez, alludentis ad hoc, quod per arborem hanc Cacaviferam detegantur magna humanæ fortis volumina. In veteri siquidem orbe, perque prisca illa tempora, quæ vitae hominum erant necessaria, atque adeo apud alios, cum deessent, quærenda, non rependebant ære. Nondum aureus argenteusve nummus circumferebatur, aut pecudum, Regumve aut Principum simulacra metallis cernebantur insculpta. Regum vivebatur permutatione, ut olim factum cecinit Homerus, & fructuum, quos recordabant, facta aliis copia, mutuum ferebatur auxilium. Tandem æra percussa atque signata sunt, & mille rerum effigies numismatis impressæ conspiciebantur. At in novum hunc Mundum nunquam avaritiæ signa penetraverant, aut caput exeruerat ambitio, donec nostri velis ventove devecti, impetum fecere, &c.

Sed revertamur in viam, & veniamus ad *Cacacii* qualitates intrinsecas. Has equidem ex effectibus cæterisque indicis constat esse temperatas. Substantia ei ex crassioribus simul & tenuioribus partibus composita est prorsus, ut in infinitis aliis vegetabilibus obser-

observatum est, diversas omnino sib eadem forma substantias contineri. Noster autem *Cacacius* in pulverem redigitur primum, & sola mox, et si frequenti, tuisione pinsitur, & in massam cogitur. Quod cum fiat sine ullius rei admistione, ratio arguit aliquid esse in eo tenacis & bituminosi instar humoris, aëris elemento respondens. Multa insuper eidem quibuscum suapte natura immiseetur, insunt ignea, quæ necessario incidere atque referare debent corporis meatus, non vero præcludere, ut quidam voluerunt; nisi hoc intelligant de crudo, vel tosto, vel Saccharo condito, quo mulieres in Indiis nitrium vesici amant, unde uteri, alvi & hypochondriorum obstruktiones incurruunt difficillimas. Verum totum hoc oritur, quod interior ejus substantia dentium incisione non exakte comminuit nec perfecte commiscetur; requiritur enim artificio molæ versatilis contritio. atque tunc demum, si quid noxiæ supersit frigiditatis, aliorum calidorum commixtione temperatur, communicata singulis partibus hac intimæ ejus substantiæ qualitate: ea tamen adhibita proportione, ut simul omnia Aromata sive Indica sive nostratia aromaticæ, mox recensenda, vix medium partem, cum fructibus *Cacacii* in confectione *Chocolata* obtineant: adeo, ut ex actione illa & reactione partium (quod quoque in contrariis medicamentorum qualitatibus, ad certam quandam temperatamque *Agathœv* redactis, apparet) *Cacacii* frigidorum & calidorum ingredientium *Chocolata* ipsa emergat temperatæ facultatis. Hinc et si *Cacacius* quantitate cætera excedat ingredientia, illius tamen partes frigidiores calidioribus coadunatae retunduntur, atque vim suam pristinam, remissam licet, videntur retinere. Atque hæc de arbore, ejusque nobilissimo fructu, *Chocolata* basi, diæta sufficient. Restat, ut breviter percurramus subordinata ingredientia alimentaria atque aromaticæ, non solum huic confectioni conteranea, sed etiam eorum succedanea exotica.

Primo occurrit Maizium, Mexicanis *Tlaolli*, vulgo frumentum Turcicum, vel potius Indicum, omnibus mundi partibus, si non familiare, saltem notissimum: cuius iconem, & culturæ descriptionem, utpote nemini, credo, incognitam, prætermitto. Hoc autem huic imprimis potionis magnum quid suppeditat, unde & laudes ejus adeo passim extollunt gravissimi, qui in Indiis vixerunt, Medici, ut non patiantur Ptisanam, ex cremore ejus confectionis, Hippocratis Ptisanæ quicquam concedere: præsertim quia Maizium in Indiis negant substantiæ esse adeo terrestris difficiliorisque concoctionis, ut vulgo audit in Europa: tum quod ex illo, aqua dumtaxat subacto, inque ea ad modum puliculæ dissoluto (*Atoli* vocant) potionem cum vel sine *Cacao* conficiunt, quam mille experimentis compertum habent, insigne solatium æstuantibus, & febricitantibus, imprimis autem nephriticis doloribus, & urinæ retentionibus, adferre. Sed in confiendo hoc *Atoli* ea est diversitas, quod alii duas Maizii partes cum una fermenti capiant, cumque *Xoco-atole*, id est, acidum, vocant, idque cæteris facile præferunt: alii Maizium crudum, & tantummodo molitum: alii prius coctum cum calce sumunt, atque in variis usus applicant, tum simplex, tum nostræ *Chocolate* mixtum. Quæ omnia accurate & prolixè descripsit Francisc. Hernandez in Historiæ Medicæ Mexicanæ lib. 7. c. 40. ubi plurima de istius frumentacei generis natura, mixtura & usu quotidiano interpretatus est: quæ etiamsi leætū dignissima, quia brevitati studeo, ex professo hic denuo repetere supervacaneum putavi.

Ordine & dignitate succedit *Achiote* arbor, ab Oviedo & Clusio *Bixa*; à Brasiliensis *Vrucú* diæta. Cujus planta in mea Historia Naturali, fol. 132. & in Fr. Hernandez lib. 3. c. 41. utraque ejusdem faciei, exhibita est, Ea per omnes fere Americae regiones sponte luxurians, à barbaris & que ac Europeis, tam propter usus medicos, quam tincturam rubram expetitur & circa illorum prædia cicuratur: materies ejus, si lignum ligno fricitur, utilis est igni veluti è silice excitando; cortex vero funibus texendis, qui sunt cannabinis firmiores. Fructuum grana rubra, de quibus potissimum agendum, frigida sunt & sicca, cum modica astrictione; ex quibus placentulas efformant, projicientes grana jam matura in aquam calentem, agitantæque continenter, donec totus pene color aquæ adhæreat: hi pastilli non solum medicamentis contra quovis fluxus sanguinis inordinatos, sed & cibariis immiscentur, gratumque simul saporem & colorem iis suppeditant; imprimis autem, omnia hæc beneficia præstant confectioni nostræ *Chocolate*, si ea certa quantitate, ut infra docebitur, addantur; tutius enim tunc bibitur, & citra satietatis & nauseæ incommodum, adde quod sanguinem magis purificet, & viscera corroboret.

Hactenus tria *Chocolate* ingredientia temperatoria, & ad frigidum inclinantia recent-

sui. Quartum, quod *Chilli*, sive Piper Americanum, vulgo Brasilianum, dicitur, qualitate multum discrepat à præcedentibus, & primum locum videtur obtinere inter correctoria aromatica calidiora; proinde caute *Chocolate* solet indi ad orexin tantum excitandam, non vero tanta quantitate, ut sanguis inde possit inflammari, sicut iis contigit, qui ejus usui modum imponere nesciverunt.

Sequitur nova & peculiaris Piperis species, quæ *Mecaxochitl* dicitur Mexicanis, quibus solis, quantum constat, natales suos debet. Volubilis est herba, teste Francisco Hernandez, (qui in Historia sua plantarum Iconem ejus dedit fol. 144.) binos dodrantes longa, per terram repens, foliis magnis, oblongis, pinguibus, fragrantibus, & acris saporis: caulibus teretibus, contortis; radicibus fibratis, & filamentosis. Fructus sunt teretes, longi, longo Piperi similes, bini vel terni junctim, ex unico caule sursum natu: qui quarto gradu calidi, & tertio sicci habentur. Induntur *Chocolate*, non solum quod gratum illi concilient saporem; sed quod obstructa referare, frigora, & ex iis ortos do- lores, mitigare, lertos humores attenuare, ventriculum roborare, oris halitum com mendare, atque venenis adversari, credantur.

Tertia inter calidas vocatur *Xochinacatlis*, seu flos auriculæ. Arbor est longis & angustis foliis, virore exaturato tinctis, & è pediculo veluti marçido, flores grandiusculi ex longo pediculo incurvato deorsum tendunt, eorum foliola interna parte sunt purpurascens, externa herbacea, auricularum pene forma, odore jucundo. Fructus sunt siliquæ, sex unciam longitudine, digitæ crassitie. Semina intus multa, & ex mutua compressione angulosa, suntque coloris sanguinei. Nullæ hujus arboris partes *Chocolate* ingrediuntur, exceptis floribus, qui in magno apud Incolas habentur pretio; nec quicquam frequentius est invenire in Indorum emporiis, quod celeberrimæ potionis gratissimum saporem & odorem, & salubrem prorsus efficaciam concilient. Quia autem ejusdem gradus temperiei cum præcedenti habeatur herba, ejusdem quoque censerur operationis. Icon exstat in opere Fr. Hernandez fol. 30.

Quarta inter calidas est herba Mexicanis *Tlixochitl* dicta, quam Francisc. Hernandez Araco Aromatico comparat. Volubilis herba Hederæ more arbores concordans. Foliis eis unciis undecim longis, sex latis, figura Plantaginis, sed pinguoribus, saturate viridibus, singulis ex utraque parte caulis alternatim exorientibus, floribus nigricantibus. Siliquis sex uncias longis, angustis, & pene teretibus, nigris, olenibus Muscum aut Balsamum indigenam, quas vulgus Hispanorum à vaginalum similitudine *Vaynillas* appellat. Hæ ad tertium ordinem habentur calidæ, addique solitæ potionis *Chocolate*, obliuavem non solum odorem, & saporem; sed quod urinas & menstrua moveant, cere brum confortent, flatus discutiant, humoresque crudos concoquant, & attenuent. Icon exstat in opere Fr. Hernandez fol. 38.

Inter *Chocolate* ingredientia, licet remissori gradu calida, celebratur polychrestus ille liquor resinofus, quem Indi *Hollis*, Hispani *Vlli* nominarunt: destillat ex arbore *Hol quabuyil* dicta, seu arbore *Chilli*, quæ stipite est levi, fulvo, medulla lenta referto; flores habet candentes, late expansos, cum orbiculis stellatis, ex pallido rubescentes, hi ipsis ramis & trunco sine pediculo adnati sunt, dein sphæruleæ emergunt pleni fructibus candidis avellanarum instar, qui cooperiuntur tela fusca, sapore amaro, sicut & cortex arboris, ex quo emanat succus, primo lacteus, mox luteus, ac tandem niger evadens, quem in pilas rotundas cogunt, easque non solum in varios medicos usus, sed etiam ad petauristarum ludos reservant: de quibus videre potes Fr. Hernandez, lib. 3. fol. 50. qui laudes ejus prosequitur. Ego paucis attingam quomodo, & qua quantitate *Chocolate* inserviat; nam hoc gummi minus familiare est ingrediens respectu cæterorum enarratorum, sed tunc potissimum quando Diarrhoeis & Dysenteriis mederi volunt, nucleis que quatuor *Cacacii*, uncia unica hujus resinx *Hollis* miscetur: verum *Cacacii* nuclei ob pinguedinem, & gummi *Hollis* ob tenacissimum gluten, primum debent torreri, ne visceræ obstruant, & cachexias producant. Iconem arboris dedit Fr. Hernandez, lib. 3. cap. 10.

Hæc aliaque vegetabilia, Novæ Hispaniæ patria, non idcirco putavi recensenda, quod omnis potio *Chocolate* simul ea recipere debeat; sed ut ex iis quisque sibi maxime conveniens eligat. Imo vero, quia maxima ingredientium pars, excepto *Cacacio*, in Europam non deferuntur, substitui possunt & solent, vel vulgaria illa Indiæ Orientalis Aromata, vel alia aliqua semina aut flores cuique regioni & individuo convenientia.

Quod

Quod & fieri s<sup>e</sup>pe in Belgio vidi , & ipse cum voluptate viriumque restauratione hic confectionam gustavi. Porro non memini, aliquem nostratum (modo non ferverent illi hypochondria) ex quotidiano us*u* hujus potus male habuisse. Multis contra morbosis medelam potius attulisse scio , præsertim hecticis , catarrhosis , asthmaticis, quibusque præcordia languerent.

Quia autem placuit excellentissimo Medico Romano Paulo Zacchiæ , in tractatu suo de malo hypochondriaco , Italice conscripto , *Chocolate* quoque compositionem & facultates notare, ibique succedaneorum etiam meminisse, non abs re fore putavi, tanti Viri Iudicium hic anne<sup>c</sup>tere.

Mentionem , inquit , nunc faciam medicamenti cujusdam , paucis abhinc annis è Portugallia , quod Indis acceptum refert , ad nos *Chocolate* nomine adferri cœpti. Hoc ingredientium indicio , non obstante eo , quod temperatam ejus naturam plerique asserant, calidum magis est, prætendentibus iis licet *Cacao* frigiditatem, quæ calidorum admistione obtusa, moderatam confectionis efficiat qualitatem. Ego contrarium sentio , semenque ipsum nullatenus frigidæ , sed temperatæ potius constitutionis judicio , judicandumque cuvis id gustanti & examinanti relinquo. Quoniam vero hoc novum aliquod est atque peregrinum medicamenti genus , ejus conponendi modum non abs re fore duxi tradendum. Recipiunt *Cacao* (fructus est, aut, si mavis, semen grandiusculum , Pistaciam magnitudine referens , cortice tenui , sapore Amygdalæ simili) excorticati , bene mundati , seduloque triti, 12. lib. *Cinamomi* subt. pulv. lib. 1. *Anisi* selecti & studiose pulv. lib. semis, *Vanillas* (sunt baculi longi , angusti , subtile , coloris fulvi , odoris balsamici , saporis subacris ) comminutorum , & per subcerniculum transactorum n°. 6, *Mecacuce* (semen Avellanam nucem repræsentans ) manipulos 4. (aut , si libeat , in locum *Vanillas* & *Mecacuce*, *Moschata Nux* , & *Caryophylli aromatici* 12. assumi possunt) *Maiz* (Indicum frumentum est) contusi, cretique per setaceum, floris separati lib. 3. *Ajonzoli* confracti beneque triti lib. 1. (aut vice *Ajonzoli Amygdalarum Ambrosin*. pistarum lib. semis) *Achiotes* (grana sanguinei coloris instar Santali rubri) unciam semis. *Sacchari* , pro libitu , ad lib. 4. Subigunt *Saccharo Achiotes* , omniaque adinvicem bene miscent ; ex massa tabulas conformant soliis Mali aurei impositas. Qui proinde hac uti gaudent confectione , ejus unciam dimidiam cum quinque *Sacchari* drachmis , bullientis aquæ sex unciis injiciunt , beneque contemperant , & , quam possunt calide , bibunt. Id quoque observare solent , ut si parum *Sacchari Chocolate* admistum fuerit , dosin ejus , dum potant , adaugeant. Matutino bibunt tempore , quatuor dein horis aut pluribus à cibo abstinentes. Plurimi magnopere ejus in confortando stomacho , & adjuvanda ciborum digestione virtutem deprædicant , quod eximie nutriti ab seminum & frumenti , *Maiz* præcipue , quæ insigni satis quantitate compositionem ingrediuntur , facultatem atque substantiam : non tamen, ne pro medicamento multum calido habeam , adduci patiar ; hinc ejus usum apud illos , quibus hypochondria calent , prudenter nec absque judicio admittendum censeo.

Sequitur & alia *Chocolate* descriptio ex Ant. de Ledesma, in India & Hispania maxime familiaris. *Centenio* , inquit , quibusque *Cacacii Chiles* duo miscentur , quos majores esse diximus , *Chilpatlaqua* vocatos , vel præ his Indiarum *Chilis* accipi potest Hispanorum *Piper* , omnibus majus atque calidius. Recipe dein tantum *Anisi* , quantum manu capere potes , *Orichelas* , que *Dinatalides* nuncupantur , atque duo *Mecasuchil*. Et nisi alvi angustia premat , *Alexandrinas rosas* in pulverem redactas , item *Vanillam unam* , *Cinamomi* uncias duas , *Amygdalas* duodecim , totidemque *Nuces Avellanas* , medium *Sacchari* libram : *Achiotes* vero , quantum satis est , ad hec omnia conglaienda.

#### *Methodus confiendi.*

*Cacacius* cæteraque ad mixturam hanc pertinentia pinsuntur lapide quodam *Metatis* nomine dicto , ad hujusmodi usum excavato ; animadvertisendum autem est primo , ut omnia , quo melius frangi possint , ante coquantur ingredientia , præter *Ageotem*. Secundo , ut diligentia adhibeatur , ne adurantur , nigrumque contrahant colorem ; aut nimio admota calori insitam suam exhalent virtutem , amarumque acquirant saporem. Præcedunt in comminutione *Cinamomum* & *Chile* , quæ simul cum *Aniso* moluntur ; postremo autem loco *Cacacius* ipse , qui paulatim confringendus restat ; singulis quippe vicibus , quoties quid de eo molæ subjicitur , circumagatur lapis , ut facilius dissiliat , meliusque conteratur : deinde in ahenum post *Cacacii*

*cacii* comminuti ingredientium pulveres injiciuntur, qui lignea quadam spathula eisdem permiscentur. Coacta in unum massa lapidi rurius subdita, cui subjectæ candentes fuerint prunæ, perquam optime diluitur. Cavendum tamen est, ne vehementior supponatur ignis, ut butyrosus nimio calore effervesces humor effundatur. *Achiote* velim *Cacacio* admisceas, ut cum eo molatur, coloremque melius acquirat: cæteri pulveres cribro, antequam confundantur, fecerni debent. sicut & *Cacæcii* cortices removeri longe melius est. Quod si sufficiens facta fuerit contritio (quod videbitur, cum nulla amplius putamina apparuerint) spathula massæ pars eximitur, quæ statim fundetur in orbem, atque in arculas tunc reponitur: cumque congelascit, dura consistit. Notandum autem hic, *Cacacii* massam Papyro, seu latis arborum frondibus, quales sunt Platani, superimponendam esse, in quibus gens India dictos efformat orbiculos; vel saltem, ut dixi, papyrus accipitur, si extenditur massa, duplicata, positaque sub umbra obdurescit: Duplicata deinde papyro iterum exsiccatur: papyrus etenim, quam habet pinguedinem, attrahit. Si vero tabulæ infundatur, integra colligi atque reponi non poterit.

Duplici modo ab Indis assumitur, alio eoque frequentiore, quo igni admota bibitur, *Acalle* immixta. Atque hæc olim potio in usu fuisse traditur. *Acalle* vocant Indi massam ex *Maiz* farina collectam, quam deinde *Chocolata* immiscent. Ut vero salubrior sit potantibus, exterior corticis pars, quæ flatus excitat, bilemque commovet, removetur, eaque saltem, quæ melior sanitatiique conducibilior, remanet. Sed revertamur ex iis diverticulis ad ea, quæ haec tenus à nobis aliis occupatis intermissa fuere. Referam novam, postquam apud Hispanos inclaruit, potionis methodum, quæ dupli ab ipsis fieri ratione consuevit. Primo quidem modo diluitur *Chocolata* cum aqua frigida, spumeisque ejus humor cuidam infunditur pollubro, id vero; quod remanet, igni admovetur una cum Saccharo; Hoc postquam incaluit, cum spumea illa, à qua se juncta fuit, iterum confunditur parte, atque ita ebilitur. Alter autem modus vult calciferi aquam, & in vase repositam *Chocolatam*, quantum satis est, haberi, superque illam parum aquæ fundi, ac versatili dispergi mola; tunc statim, atque bene diluta est, reliquum calidæ cum saccharo in eadem *Chocolata* diffundi & hauriri. Si placuerit frigidam potare *Chocolatam*, quam à præcipuo ingrediente *Cacacium* appellant, quo 2d æstum hepatis attemperandum utuntur, dilues *Chocolatam* in aqua, molæque versatili subsidio spumam elicies, quæ magis augebitur, quo diutius *Cacacius* ipse comminuitur: effusam in aqua spumam paulum sepones; id, quod remansit, miscebis cum Saccharo supraque spumam immites, frigidamque potabis. Verum hoc potionis genus ob nimiam, qua prædicta, frigiditatem omnibus conducere nequit. experientia si quidem constat, stomachi dolorem eodem cieri. Quæ detrimenta mulieribus pariat, afferrem lubens, nisi brevitatis rationem habens longiorem detrectarem relationem. Similem fere frigidam potandi *Chocolatam* habebis modum, qui talis. Addatur *Chocolata* dilutæ *Maiz* tostæ & in pulveres redactæ respondens quantitas, quæ adinvicem bene permista spumeum dabunt liquorem, qui perinde supradictum, frigidus hauritur.

Restat nunc ut pauca de quantitate *Chocolata* assumenta, item de modo, tempore utendi, à quibus usurpari queat, disquirere. Ne itaque immoderatus *Chocolata* potus ob pinguiores, quibus pollet, partes, venas mesaraicas oppilet, quinque vel sex unciae manus tutissime forbentur omni fere anni tempore. Ea tamen perpetua cautela, ut quisque evitet terrestrem illam & crassam *Cacacii* portionem, quæ fundum vasis petit; præterquam enim quod vchementer obstruat, vim quoque ciendi bilem insignem habet, & nauseam excitat: Idem cogita, si quis incaute potionem *Chocolatam* recenter factam potaverit: cum è contra, ut ægris & que ac sanis prosit, ad mensim vel ultra requiescat oportet, ut contrariæ ingredientium qualitates infringantur. Atque tunc omnibus exinde bene fit, & corpora acquirunt lacertosa, & vegeta. Idem quoque probatæ fidei & experientiæ vir Ant. de Ledesma de se ipso testatur; Motus enim iis, inquit, quæ in Indiis fieri solent, cum illuc pervenissem, ægrotantiumque domus aëris calore ferventes percurrerem, aliquando haustum aquæ petere solitus, vitales restinguendi facies gratia, Indorum suasu *Chocolatam* siti compescendæ convenientiorem bibi; sæpiusque id factum, leniebatur exinde ardens bibendi desiderium; etiamsi jejonus assūssem, stomachi tamen vires refectas sentiebam. Ex cuius potionis continuato usu alii mecum impinguefacti sunt: cum tamen pleraque ingredientia excepto *Cacacio* & *Maizio*, quod calida & secca sint ordine tertio, ad extenuationem corporis facere

facere videantur , sed constat ratio , butyrosæ enim *Cacauii* partes pingue reddunt corpus : calidæ vero , quæ confectionem ingrediuntur , pro vehiculo inserviunt , quo pinguis ista substantia ad jecur deferatur , & inde in cæteras dimanet partes , tandemque ad carneas demum derivetur.

## C A P V T X I X .

De *Tavarcaré* seu Nuce Medica Maldivensium.

**C**lutius noster , spectatæ fidei Vir , multa sine dubio Nuci Maldivensi tribuit , quæ hactenus , ut mihi persuadeo , plurimis sunt inexperta : sed multa , quæ nostrum non pauci jam sumus experti. Quod enim attinet ad specificam facultatem promovendi partum difficilem , ac resistendi insultibus epilepticis , ejus non unam experientiam habent spectatissimi aliquot apud nos Medicinæ Coryphæi , & testari de felicissimis successibus queunt.

Præter vero Nucis iconem , quod nihil à Clutio , nihil etiam à nobis exhibeatur eorum , quæ ad cæterorum arboris notitiam pertinent , hæc causa est , quod Insulæ istæ , in quibus olim solis crescebant , à mari absorptæ subsederint altitudine minium sedecim orgyarum. Vnde est quod non nisi singulari fortuna à supernavigantibus & linum demittentibus Nux capiatur . Exorditur supra nominatus Autor , hunc in modum.

**I**ntra immensa beneficia quibus humano generi postremis hisce seculis divinum Nume affulsit , non postremas obtinet tot Pharmacorum ad tuendam hominum valetudinem inventio , cum post animæ salutem humani corporis sanitas primum locum sibi vendicet. Quod enim ad machinarum ænearum inventum attinet , quibus supra antiquitatem nostra ætas gloriatur , eas potius ad hominum perniciem quam ad bonum publicum comparatas dixerim. Typographia vero , quanquam conservandis literarum monumentis imprimis idonea , nihilominus scribentium Kakozeliam & literatorum ineptias plerumque fovet , nec est etiam quod Ærythræi maris spolia , aut exhaustæ Atlantidis pallida viscera tantopere jactemus , cum ex mente cordatissimi Poëtæ fulvum metallum sit chalybe nocentius. Naso Metamorphosios primo:

*Iamque nocens ferrum , ferroque nocentius aurum  
Prodierat ; prodit bellum , quod pugnat utroque.*

Verum enimvero Argonautarum Europæorum gloria nunquam satis extolli potest , quorum solertia patefactus novus orbis tot seculis latitans , aperta maris claustra , & tot insularum chiliades in Indico pelago sparsæ.

Horum enim opera effectum est , ut propemodum  
— *Omnis ferat omnia tellus.*

Et pharmaca exotica eximii & rarissimi usus , nostro Orbi illata sint. Inter quæ , sive rariatem spectemus , sive pretium & æstimationem , sive usum nunquam illaudatum , sive incertitudinem originis , Nux MEDICA MALDIVENSIS jure summo prioritum obtinet. De qua acturus , operæ pretium me facturum existimo , si de Insulis apud quas reperitur , earum situ , latitudine & opibus , pauca præfatus fuero.

**I**nsulæ , de quibus sermo est , inter Insulam Madagascari seu Sancti Laurentii & Promontorium Indiæ Commorri vulgo dictum , sitæ sunt , à Continente centum & quinquaginta leucis distantes. Latitudo se extendit ab octavo gradu cis Äquatorem ad quartum trans eundem ; quod maris spatium complectitur ducentas circiter leucas à Borealiорibus nempe ad Australiores : & potest ejus Regni longitudo dici , petita à Septentrione ad Austrum. Earumdem vero latitudo , si maris superficiem spectemus , ultra triginta aut triginta quinque leucas non extenditur. Censentur numero ab Indigenis duodecies mille , (fides appellat autorem) divisæ in Provincias tredecim , brevibus vadis seu angustis fretis vel Euripis distinctas. Harum singulæ , abruptis scopulis , tanquam naturali muro cinguntur , & in complures alias iterum subdividuntur : quasdam cultas & luxuriantes Naturæ bonis , citra hominum laborem divites , alias culturæ expertes , & solis

& solis volucrum cubilibus relicta. Quæ magis accedunt ad Septentrionem, fœcundiores sunt; quæ ad Austrum vergunt, steriliores, & noxiorum seu damnatorum exilio plerumque destinatae. Tanta est cœli & soli bonitas, ut omnium rerum copia, non solum ad usum humani generis, verum etiam ad luxum & delicias exuberent; quamquam fruges & animalia Europæ nostræ illic rara aut nulla. Verum benigna mater Terra vel Natura bona nostra compensans Indigenis & Advenis affatim suppeditat. In harum Insularum littoribus Nux hæc, de qua agimus, solummodo reperitur, non alibi terrarum conspicua, allabente enim maris æstu non secus ac Ambarum fuscum (Ambara grisea Medicorum filiis dicta) in littus ejicitur, nec cuiquam tollere fas est, nisi statim delaturo ad Regem, vel ministros Regios, cum,

*Quicquid conspicuum pulchrumque ex aquore toto est,*

*Res Fisci est, ubiunque natat.* Iuvenalis Sat. 4.

Quod est argumentum æstimationis admirandæ Nucis, cum conferatur Ambaro, imo præponatur; adeo ut si quis existat repente dives, vulgo existimetur *Tavarcaré* inventissæ (id huic *Nuci* in iis Insulis nomen). Nihil inter Gazam Regiam aliud majore cura conservatur, siquidem in cohonestandis amicis Regibus, Satrapis, vel Thalassiarachis ornandis, non alio pretiosiore dono utitur harum Insularum Rex.

Quemadmodum locus inventionis certus; ita origo anceps & incerta. Vulgus Indigenarum ex arboribus in mari latentibus, vel olim inundatione demersis, vel intra aquas in avito solo radices agentibus, fructum hunc provenire autuant, non secus ac Ambra videtur esse ramus arboris vel stipitis in bitumen induratus. Religiosiores secus existimant; in Insula siquidem *Palloys* dicta, quærentibus abditâ, ignaris obviâ, Nucem hanc gigni arbitrantur, inde caducum fructum post maturitatem pelagi æstu & reciprocatione huc illuc jactatum, in oras Maldivensium Insularum tandem ejici, huic Palloy proximus utpote adjacentium. Insula hæc creditur Maldivensibus esse omnium terrarum beatissima, quam Kakodæmonis vel mali Genii invidia & artibus humano aspectui subtrahi persuasum habent, quanquam nonnunquam ignaris sese offerat vivendam.

Fidem facit, quod sèpius tentata Regis Maldivensis auspiciis, illibata permanferit, & rarissime, imo nunquam, Regiis ministris nauticis, teste *Francisco Pyrard de Laval*, comparuerit. In appulsi quippe gravibus procellis & tempestatibus conflictantur, & quotquot illuc appulisse contigit, à spectris & Kakodæmonibus specie visibili torquentur & cruciantur, ut ut est, ubiunque terrarum hæc Nux nascatur, hoc loci solum reperitur, reliquis orbis partibus ignota, nisi hinc deferatur.

Nusquam conspicitur nisi gemina, cujus utraque pars ovalem & oblongam figuram exhibet. Quæ et si unico obtutu præse fererat gemellos duos Melones lateraliter cohærentes, nihilominus naturali vinculo usque adeo sunt colligatae, ut nullo patto divelli possint. Nucleus seu medulla excrescens in altum tegit interiora utriusque putaminis, assurgens ad figuram rotundam seu fabaceam aut renalem, ex una nucum in alteram permeans, ita ut non injuria tota hæc nux gemina assimilari possit duabus scaphis, vel scaphæ duplice, communi onere gravatæ. Ad nuclei tutelam naturale & ingenitum munimentum Natura largita est tunicas quasdam, specie licet inter se dissimiles, non tamen à tunicis, iisque velamentis discrepantes, quibus Iuglades ante maturitatem extrinsecus teatas cernimus, aut ad majorem convenientiam tunicæ illi similes, qua Castaneam marinam opertam aliquoties vidimus. Cyathus vero expolitus binis alveolis geminam quasi formam exprimens proxime accedit ad Cymbia duo (quorum in sacris olim usus) lateraliter cohærentia, vel ad Sambucas (si scalas exceperis) queis in expugnatione Syracusarum Marcellum olim usum legimus. Ad scyphi autem hujuscemodi pretium & æstimationem augendam totus nucleus seu medulla non excernitur, verum exigua pars relinquitur accreta & adglutinata basi ipsius Nucis, in duritiem ætate, non absimilem ipsi Cocco, versa, interveniente tenui quadam cortice, seu integumento, haut impare medianæ Ilicis, Quercus, aut Fagi exaridæ. Conservatur autem in usum medicum internum, velut è catenula aurea per artem appenditur, ut liquori immergatur, in eam præcipue gratiam, uti etiam suas in usu virtutes coacervet accumuletque. Quod si negetur & casu medulla à basi abscesserit, arte, uti infra dicemus, suppletur.

Dividitur autem hac ratione nux gemina, si per intervallum illud, quo lateraliter altera

altera alteri cohæret, & iterum harum quælibet dissecetur serra secundum priorem aperturam, ex utraque sigillatim fieri possint duo pocula. Quod si utraque simul & semel bifariam dividatur, per latus alterutrius externum principio sectionis sumto, habeantur pocula gemina bina. Cujus poculi gemini, nisi extrema Cymbiorum auro aut alio metallo coniungerentur, exiguis aut nullus in bibendo esset usus ob periculum effusionis: verum pyxidis vices supplere potest. Hoc autem genus scyphorum virtutes & remedia contra morbos habet plurima, quæ suis singula locis docebimus.

Expositæ autem Nucis putamen naturali quadam cælatura, quam ars ægre adsequatur, sculpta & elaborata cernitur colore nigro, saturato. Magnitudo huc adlatarum Nucum, ut & figura, non à majorum Melonum specie & magnitudine recedit. Perpoliri poterunt pulvere lapidis Tripelæ dicti: teritur, Tripela subtilissime in mortario æreo, pistilloque ferreo, affusa frigida; Et ne alterationem subeat Cocciputamen, lanœ panno, sæpiuscule liquori huic intincto, ipsi testæ affricatur: non autem oleo, quod inferret noxam & graveolentiam.

D. R U D O L P H u s II. Roman. Imperator &c. qui dignitate, majestate, ingenuo, variaque rerum omnium cognitione cæteros omnes Principes antecellebat, percepta Nucis præstantia, eam quatuor millibus florenorum in possessionem suam redigere conatus est. Sed quia Familiæ Wolferdianæ traduces alio transferri negarent, in loculamentis solitis stationem servavit. Quo autem modo Nucis copia Wolferdo facta sit, tribus peragam verbis Historiam. Kalendis ipsis Ianuariis anno millesimo sexcentesimo secundo, D. W O L F E R D U S H A R M A N I D E s Archithalassus, viis fortuito naviis Lusitanorum, civitatem Bantam obsidione cingentibus, inter ipsum velificationis tenorem prius anchora naves infrænavit suas, dein laxato velis sinu ad cursum eas præparavit, prora in Lusitanorum classem versa; quos licet numerus frequens animaret, pauculis tamen manipulis Batavorum, quinque nimis navibus, in fugam egit, eversa ad non exiguum numerum subsidiarum classe: Ita Civitati & Regno Bantam libertate restituta, magnifice à Rege exceptus est; qui præter laudes fuse dictas decoravit eum fructu, cuius imago in appendicem venit. Dolore autem non parvo percussus erat, quod ob anni sterilitatem Piperis proventu victoram jam partam huic Wolferdo plene compensare non posset. Decrevit interim ut accessu libero Batavis quævis coëmendi ac collectandi copia foret; quod experientia deinceps fida testatum reddidit.

Verum ut observatu dignum, ita silentio non prætereundum est, à Rege summam faciem fructus, lineamentorum ductu impudice lascivientis, serra ablatam esse, ne, Clariss. Wolferdo offerenda, honesti viri oculis offensam præberet. Refert enim rugarum ambitu muliebre pudendum cum podice & interfeminio, à quibus versus gibbam partem cælaturæ instar subalternant acclivè & declivè in laxitatem sensim accrescentem, uti unda undam trudit, non sine gratia oculis acceptissima, quæ ipsa iterum terminatur in aperturam germini superne annato dicatam, non absimiliter concomitatum duobus spiraculis seu foraminibus, uti in Indica Nuce sive vulgari Cocco tam majore quam minore, pluribusque ejusdem familiæ & congenieribus, videre est. Spiracula porro illa in margine aperturæ posita usum atque emolumentum suum nocta sunt. Obducuntur enim introrsum tenellæ medullæ portiunculis ut spiritibus in germinatione transitus detur, sicut Natura in fœtu elaborando, (quum sint Iovis omnia plena) polypragmos & sollicita est.

Rogatus à me Clarissimus D. R E A L I u s, ut suam sententiam super dubiis quibusdam meis communem facere dignaretur, non invita Minerva (mira enim Viri tractabilitas) præstare aggressus est, in Aphorismos & Theorematâ concisa ex tempore eam digerens, quæ ex ordine à me in contextu deponuntur, in Latium translata.

*Aphorism.* I. Nux Indica vulgaris tantæ utilitatis, tamque fructuosa est, ut omnia quæ jus vitæ conservant, velut escam, potum, condimenta, cultum, amictum, ædificia, & naves, proferat. Nux vero Maldivensis Medica omnia adversæ valetudinis amuletæ in se continet.

*Scholion.* Palma coccigera vulgaris omni, tempore fert nuces, viretque toto anno, fructibus semper aliis subnascentibus, dum alii maturescunt: & quod Pontanus alibi in Hesperidum hortis, de Malis Citriis testatur, de hac Palma dici potest,

*Flore novo semper, semper quoque fructibus aucta.*

Nec injurie pronuntiare licebit, nihil aliud Coccum Medicum esse, quam Coquum Panaceæ, vel Orphea miri ab interitu recessus artificem, Fatisque imperare solitum, cum multi, ad vitæ desperationem ducti, eo mirifice convalescant.

Quæ autem commoda è vulgari Nuce proficiscuntur, ea habentur apud *Cardanum*, *Scaligerum*, *H. Linschotanum*, *Francisc. Pyrard de Laval*, *M. Ignatium*. Videantur observationes eorum, cum non sit hujus loci plura recensere.

*Aphorism.* II. Tenelli Cacci Indici vulgaris compago per fructus adolescentiam cultri acie facile divaricatur, & è vulnere humor clarissimus & potui aptissimus elicitur, qui tractu temporis in vegeto ac illæso fructu post concoctionem, digestionem, & segregationem è crassioribus ac terrenis partibus internos parietes investit. Serum vero omne in centro locatur, & quasi caseatione facta medium locum occupat, sicut rusticum artificium in lacte vaccino demonstrare solet. Pari ratione conjectari fas est, humorem Nucis Medicæ coagulando in solidiore massam redigi, quod tamen nullus autopsia aut oculis suis dimensus est, quoniam in maris profundo accessum humum non tolerat.

*Scholion.* Quæstio à quibusdam inscita movetur, habeatne Coccus Maldivensis ortum homonymum, ut quædam animalia ex limo sine spermate? gemma seu germen negat, quod nucis involucro clausum Palmæ arboris partu originem sumit, & ex principiis arbori insitis velut animalia ex sanguine, semine & calore innato, augmentum caput, & adolescit in eum formæ statum qui naturæ decreto illi præfixus est. De arboris vero ipsius generatione tutius cavillari licet, an ex limo prodeat, postquam in maris profundo radicata est, in quo germinis accessus recipi nequit, mari perpetuum motum explicante, neque natatilis rei in imo sui permanentiam ferente. Hinc Cacci ipsi, ad maturitatem perlati in aquæ superficiem velut eructantur. Neque verisimile est, ubi sublunari aëre inaruerunt, ponderis gravitatem, ut submergi possint, induere. Ex terra ergo, velut plantæ (ut infra dicimus) & marini frutices, generantur; aut potius ex terra in limum maris uligine diluta. Qui limus velut seminis essentiam nactus, arborem sui generis educit. Specie autem perpetuatio fit, nunquam cessante in profundo maris opifice Natura.

In plantis unius animæ vegetantis tria officia sunt; generant, nutriuntur, & crescunt. Non tamen omnia una Naturæ lege progenerantur, quandoquidem è terra, succo, situ & sole variantibus, diversimode pullulant. Marini frutices duabus solum vitæ functionibus pollent; nutriuntur, & crescunt; simile sui non gignunt. De vita & nutriciâ plantarum sentiendum quod de animalium alimonia, trahunt succum sibi familiarem, retinent, concoquunt, segregant, & recrementa expellunt, beneficio caloris & spirituum, quibus perfunduntur. Quod doctissimis Aphorismis Cl. *Petrus Laurembergius* Ph. & Med. D. & Professor in Gym. Hamb. declarat. Cl. *Realius* caseationis exemplum, quod manuum opera præstatur, aptissime applicuit.

*Aphorism.* III. Cacci vulgaris cortex induratus, serræ aut mallei vi ad apertione opus habet. Ferro autem transfixus ac disruptus omnia velut in proscenium edicit, solidiorem nempe medullam, intermedium corticem, & humorem limpiditate abblan-dientem paulo ante, jam vero potui ineptiorem & olei ferme facie indensatum. Medulla vero, nucleo Avellanæ nostratis duritie graphice assimilatur; quare limæ contumaciæ ex facili cedens ad lac & emulsiones temperatur, è quibus omnia coquinæ necessaria, velut oleum, vinum, acetum, mellisque & sacchari æmula colligi solent. Idem de Maldivensi sentire, non esset piaculum; verum quum ea non nisi indurata & in littus, post longam moram, ejecta reperitur, humanæ mentis caligine conjecturæ tantum locus remanet; quod definite in apricum exiret, si sublucata arbore fructum manu carpere liceret.

*Scholion.* Cocco vulgari, Areccæ & consimilibus fructibus involucra multa circumposita sunt; haut secus ac fœtui membranæ ad tutelam. Vulgaris Cacci nucleus variis usibus aptus, sed medico usui inconcinnus; uti Garçias, Sepulvedam Autorem & ipsos Indos increpans, Paralyticos, è vasculis vulgaris Cacci bibentes, nunquam jvari ait. Variam Cacci indolem hucusque enarratam vides, sed non hisce tantum differentiis constringendam, post quam alia quoque Coccorum propago in aliis territoriis invenitur, prout Natura Polydædala unicuique Regioni peculiare suum est clargita.

*Aphorism.*

*Aphorism.* IV. Usus medullæ vulgaris Nucis est multifarius : verum Maldivensis Medicæ apud Indigenas , Reges , Magnates Indos non unus , sed infinitus ferme , & superstitione non vacuus ; cum hic sanitati conservandæ , ille vitæ sustinendæ , privilegio Naturæ , consecratus feratur.

*Scholion.* Medulla utriusque Nucis est potior pars. Vulgaris , culinariæ ; Maldivensis autem , medicamentariæ rei , quod infra docebimus , peculiariter destinata , quare de vulgaris medulla plura dicere supersedeo , cum citra meum sit institutum.

*Aphorism.* V. A nemine , quod quidem scire licuit , scripto hactenus testatum est , germen seu gemmam promi , quæ Pisiformam repræsentat , subinde Fabæ effigiem exprimit , è rotundo longiuscula , aliquantum acuminata , è mediis liquoribus nata , præ dulci sapore linguam afficiens. Hoc germen in speciei conservationem adolescit ; & à fide alienum non est , aliorum quoque fructuum nucleis à natura id datum esse. Ut jure à Plinio majori Trogus taxetur his verbis : Nam folia Palmarum apud Babylonios seri , atque ita arborem provenire Trogum credidisse demiror. Uno tamen insigni nostrum prævalet , quod in gemmam lapillis aut margaritis nitore suo & lævore æmulam subinde transfiguratur. Sed Naturæ seu decreto seu invidiæ tribendum est , è decem milibus fructuum vix unum tam fausti puerperii & fœcunditatis participem esse. Eadem vero in Maldivensi Medica usu venire posse , judicio non aberrante dicere licet. neque à ratione absonum est , quum in fructu Pinang , Arecca , Palma-Pino & consimilibus experientia magistra veritatem adepti sumus.

*Scholion.* Lapillus hic vel gemma ipsissimum & purum putum germen est , quod partibus internis (aperturæ nimirum) quamdiu adhæret , spiritibus atque alimento communi fruitur ; donec ad justam magnitudinem perlatum , naturæ decreto , non casu aliquo , aut aperturæ vitio , extra solitum locum subinde movetur. In cavitatem vero Nucis receptum germen suis se igniculis sustentat , quos Natura formatrix ad fomentum illi indidit , velut fœtus humanus exacto noni mensis spatio ad lucis usuram extra uteri receptaculum amandatur ; scilicet adminicula vitæ , ut adolescat , ad plenum natus. Quæ hic prolixius recensere alieni muneris fore judico. In duritiam vero nativam non frigoris ambitu concrescit , & (quis enim in latebris nuclei occultus esse queat ?) sed seminio interno , quod illi à matris velut utero remansit , ut vi efformatrice in speciem suam , quæ oculis obvia est , & virtutes illi debitas , quæ occultæ sunt , effigietur. Quod rationi consentire , sanguinis extra venas effusio evincit ; qui ex quo assimilacionem aut (ut Medici aiunt) appositionem effugit , destitutus fomentis solitis coagulatur , vel in putredinem degenerat. Nostrum vero germen architectonem internum secum ferens , magis magisque ad perfectionem adolescit ; velut fœtus nuper editus ad status sui complementum perducitur. Quocirca neque germinationi ineptum esse , etiam in aliquo duritiei rigore una hac ratione deduci potest. Neque est ut ab hac sententia recedamus ob duritiae aliqualem habitum , postquam occultis naturæ spiraculis , quicquid humanis sensibus abditum aut impossibile videtur , in actum experientiis suis comitandum deduci solet , non sine miraculo & judicii humani stupore. An vero arboris primitivæ , unde ortum est , speciem edere queat , multæ dubitandi rationes affirmare vetant ; quas hîc superflorum serie comprehensas præterire libet , etsi in Scholio ad Aphorismum secundum bona earum portio inveniatur.

Ad lapillos nostros seu ingemmatas gemmas revertamur , quarum numerum aliquem habeo in loculamentis meis , eas dico præ laxitate aperturæ (quod aliquando fieri consuevit in exsiccatis & neglectis , aut è natali loco translatis Coccis) intro redatas & coactas , atque ita , cum non sit magna germinis diurnitas , esse in lapillos conversas ; quod auctoritate clarorum virorum varie docebo & non absimilibus exemplis. Lapillum habeo singularem , articuli majoris digitæ magnitudine & forma , pondere dragmarum trium (cum vulgarium Coccorum , dragmæ dimidiæ pondus non superrent) lævore & nitore splendentem , & in summa parte acuminatiore , transparentia unionis dotatum , mirum in modum oculos obiectantem. Hic sua quadam gratia foliolorum primitivorum idæam quandam oblique contortorum (sicuti in gemmis pluribus grandium plantarum videre est) promittit ; quare mihi & delicioris sensus viris acceptior est. Illud interim non prætereundum hanc foliolorum divisionem acta radice spargi , & lateraliter asparagis aut turionibus adhærescere , & è terra exsurgere aliquamdiu , tandemque , ut inutilia , decidere alimento destituta. Omne fabaceum & Phæ-

seolorum genus, nec non Indicarum stirpium aut arborum grandiores fructus meo hortulo commissi, vivum exemplum afferunt. Faba ex Wingandacow, Cola alba, rubraque, & ejus generis plura; quarum Thesaurus noster utriusque Indiæ plantarum aliquando fidem faciet.

*Aphorism. VI.* Verum in quibusdam Coccis, coagulatum, quod à caseatione remansit, massulam dixeris, ceu pomulum exiguum leve & spongiosum, & masculæ Palmæ proprium esse dicitur, dulcedine excellens, nivemque albedine adæquans, in mediis liquoribus fluctuans. Vulgo etiam germinis nomine insignitur, esui per quam aptum. Cujus in Maldivensi forte similitudinem nunquam videris.

*Scholion. Fr. Pyrard* arbitratur liquorem tantummodo in germen abire & verti, medullamque germinationi in solum somitem adaptatam esse, quod ex plantationis modo videtur probare: verum rationem suam infirmam facit, cum paulo infra in tractatu peculiari de commodis Nucis Indicæ vulgaris, maturam & sicciam Nucem terræ mandandam dicit; & è massula quadam interna ex succulentia aut liquore concreta nempe figura pomuli, extrorsum sublutea, introrsum candida, tenella atque ore detenta solubili, veram Coccorum propaginem seu gemmam ipsam esse affirmat, cum ipsissimam ignoret: quod autopsia propria & ex relatu clarorum virorum Generalium habui, qui ad plantationem Nucum decem mille in acervos cumularunt, è quibus trium hebdomadarum circiter spatio elapso feligere eas jubebant, quæ germen jam ante numeris suis absolutum, & nunc in promptu ut exeratur & exertum gererent, terræ gremio committerent, & reliquas huic fini ineptas ad alios usus relegarent. Quo verborum sensu facile germinis aperturæ insidentis præsentiam non frustra à Natura fabricatam, docet Castanea marina & nostra ipsamet domestica. Omnis gemma solitaria si in terram deprimatur, radicum fibras tantum non materias creat. Egregie Doctiss. Thobias Roelsius in Epistola ad Clusium his verbis germinis naturam explicat.

Habui hujus Palmæ Nuces aliquot integras (intelligit vulgaris) cum suis villosis corticibus, quæ in itinere vasi inclusæ, germinare cœperunt. Harum tibi binas mitto. Alterius Nucis corticem sustuli, ut germinis exortum & ejusdem radicationem possem videre commodius: tertiam cum germine Nucem penes me servaveram, cuius prædulum & ligneum putamen internum aperiens ex hujus medulla germen traxisse initium observavi. Nucleus five Medulla conclusam in se non habebat aquam (quæ nucibus Indicis recentibus & non germinantibus inest semper); sed aqueum illud in materiam fungosam excreverat, dum forte in germinis alimentum converti cœpit. Germen exit è Nucum harum foramine tertio, & mox extra foramen statim ab exortu per corticem exteriorem crassum ac villosum quinas senasve radicum fibras dimitit in terram, per quas alimentum suæ naturæ conveniens attrahat. Germen quod per foramen emergit unicum, similiter perforat villosum corticem, atque in unius Nucis stolone vestigia foliorum arundinaceorum conspicuntur, quæ bifida vel bina sunt, & vix aliquam videntur habere latitudinem, quod quinque vel sex plicis commissa sint: folia primum in vagina latuisse videntur, è qua prodierunt necdum expansa, sed plicis commissa, utimet ipse hæc omnia in altera hac, quam mitto, Nuce contemplari potes, cuius germen in longum excessisse videbis trium palmarum mensuram. In hoc argumento prolixior sum præter morem: quod autem spectat ad sexum Palmarum, Cl. R E A L I U S asscribit maribus germinationem esse propriam. Palmæ perdite sese amant, quod & rusticis ipsis notum est; & constat, rebus surdis & sensu parentibus odia & amicitias inesse, sicuti etiam errores in animalibus & plantis insunt.

*Aphorism. VII.* Spiracula autem illa duo in vulgari Nuce, inservientia forte exhalationi recrementorum, sede paulo inferiore locata aperturæ germinis astant. Ea habent in Medica Nuce etiam locum; non insimiliter ejus germen, quod vere in gemmam seu pretiosissimum lapillum verti potest, cum diutius ab alvo natali magnæ matris semota, & cælo soleque patre frustrata in lucem fertur.

*Scholion.* Apparet ex facilis in quem usum illa foramina Nuci indita sint, scilicet ut alimentum suum & spiritum Opificis Naturæ vehiculum ex nuclei ubere & substantia in se reciperet. Vbi autem fastigium incrementi sui naæta gemma aut germen à nucleo aliquomodo desertum, vestigia tantum foraminum quæ sensim obturata sunt, prætendit; non jam alieno nutricatu opus habens, sed intra se claudens quo in propria

priæ substantiæ specimen & formam mutari potest. Quod aliorum quoque fructuum exemplis stabilire facile est, qui nucleis inter se clausis, prægnantes sunt, ut hoc velut parente arboris congeneris species aliquando nascatur. Etsi non omnes fructus nuclei necessitate ad propagandum opus habent; quod in Scaligeri Exercitationibus fuisse probatum invenitur.

*Aphor. VIII.* Coronidis loco addam, Lapillos, præcipue hos è germinibus utriusque Nucis ortum ducentes, uti & è *Pinang* &c. fructu, Panacæam, sententia Indorum, in se habere; quocirca præter internum usum, Indi eos annulis etiam aureis & argenteis includunt, foramine relicto, per quod Lapillus carnem humanam contingat, quod pro amuleto adversus incantamenta non absque superstitione seu humanæ mentis ludibrio asservant. Pronum enim natura ad vanitatem genus Barbaricum.

*Scholion.* Opinio, cum in Idiotas cadit, indelebilis est dicente CL. V. C. Bartholino, horum autem gratia non explodenda sunt, quæ à priscis aut neotericis accepta, seu de occultis Naturæ viribus sive inauditis, licet fidem superare videantur, à me in medium afferuntur: sicuti & sententiis adversariorum occurrere, probabilitatemque fulcire, levidensis operis erit. Redeo ad gemmarum quarumlibet & plantarum, imo seminum, præcipue exoticorum, historiam. Senna Alexandrina, Iithospermon, Lacryma Jobi sata, vertuntur in lapillos dentibus examinandos, amicis proposita plures in horto meo, licet pars horum excreverit. Certe mira in visceribus terræ efformantur, quorum causa ignoratur, teste eodem Bartholino, in opusculo de unicornu ejusque affinibus & succedaneis, qui diserte omnia enarrat huc spectantia. Quare in solidissimæ compaginis gemmam Coccum Maldivensis, ut & vulgarium, gerimen verti posse, Naturæ privilegiis ad eam formam concipiendam dotatum, affirmo. Atque hæc de utriusque Nucis germinibus in lapillos versis dicta sunt.

Alterum non vulgare æstimationis exemplum reddetur, quo Clarissimus SPECIUS institutum nostrum decorare dignatus est. Epistola enim, propria manu exarata, in publicum profert non insignia tantum, sed & utilitates rarissimæ Nucis, quæ ægritudines humanum corpus affligere solitas, velut Averuncus, depellere consueverunt. Ita de Medicinæ hac parte optimus & excellens Vir bene mereri voluit; Quadringentis insuper ad splendorem Facultatis attinentibus Thesauris orbem ditaturus, qui nondum usum comperti, aut ab aliis neglecti & male descripti haçenus infuscantur. Quos petitioni illius obsecundans in ordinem digerere aggrediar ubi otium animi mei gaudio allubescere volet. Epistolæ vero tenorem non de verbo ad verbum, sed quantum Latinitas permettit, sensu illæso explanare levitas laboris est, sed ea cura, necubi fides interpretis vacillet, vel legentium studio turbæ fiant. Apographum vero in sequentium serie proferre non piget.

Cl. V. D. Clutri. Instinctum tuum boni & magni zeli expertus sum, post numerum ex India redditum iteratis tecum colloquiis, non tantum humanæ salutis curiosis, sed etiam de honore patriæ solicitis. Quocirca velut aculeo me propulsasti, ut memoriae meæ arculas eventilarem, indagaturus quantum in iis supereffet, quo Coccum de Maldiva, atque aliarum minoris pretii Nucum, genus elcidari posset. Quod etsi ejus monetæ aut valoris non reperio, ut appetitui tuo acriter flagranti satisfieri queat, ne quid tamen officio meo deesset, sermonis breviorio quicquid memoriae meæ velut posthumum remansit, tibi consecrare aggressus sum, in quo te promumcondum esse jubeo, eorum quæ materiæ tuæ & propositi terminos ampliare queant. Et in prima quidem serie, Antesignani partes occupat, legitimum de Maldiva Coccum, qui in aulis Indorum Principum, atque inter Nobilioris gradus viros, ob rara insignia & Medicinæ efficaciam, tanto honoris pretio attolli solet, peculiaris arboris sobolem & fructum esse, longo dissipio à vulgarium Coccorum atque nuciferarum arborum indole remotum. Quemadmodum experientia duce, anno millesimo supra sexentesimum & octavum, in litore & maritimis Indiae locis addidici, occasione navigii ex Insulis Maldivensis adventantis, ut veterum Coccorum proventu ferax Calecuticam terram aut aliam conterminam sublegeret; quod prætoriæ nostræ cursu interceptum, & nautica gens explorata intelligendi ansam præbuerunt scapham eam cum omni armamentorum genere penes mercimoniorum congeriem, atque ipsum cibi & potus penu, totam ex ligno, foliis, cortice, fructibus Coccum arboris constare, pauculo tantum oryzæ adjuncto. Popellus vero hic affirmando ratescere jubebat, negotiationem suam hoc fructu circum-

scribi, atque ejus ve&gturam certis anni temporibus in Continentem se facere, vestium atque aliorum necessariorum versura eam commutantes, quorum penuria Insulanos suos torquet. Quo occasionis ductu ad studium tam appretiati Cacci de Maldiva excitatus sum, quem plebecula illa in paucis Insulis & numero contracto reperiri, & diligenti custodia à territorii proceribus ad possessionem suam rapi asserebat; ut raro, & non nisi, aut titulo munificentiae ad Malabarenses, aliosque Principes, aut furti astuta in peregrinas regiones transferatur. Adeo ut mirari se dicerent, nostros tam solennem Cacci Maldivensis proventum in pauperculo rerum suarum statu inter proletarios & rurestres Coccos indagare, aut antithesin aliquam comparandi instituere velle. Horum omnium persuasu, penes ea quæ experimentis propriis in prænominato & genuino Cocco adhausi, adducor ut credam & sententia à me feratur, sui generis arborum & fructum esse, longe à semitariis Coccis recedentem; eo magis, quod nunquam nisi inter Summates magna pretii aestimatione asservari intellexerim, in quorum fidem memoria mihi suggerit, me anno millesimo sexcentesimo decimo quarto mense Maio à Moluccis ad Bantamenses reversum, jussu Archithalassii *Bothii* P. M. cum jam defuncto *Coenio*, eo tempore Præsidis munus adepto, auctoratum esse, ut quædam Societatis negotia ibidem procurantes senem Pangoranum *Arisam Mangaca*, jam tum Regis sceptro Bantamensibus imperantem, conveniremus. Eum vero in Regiæ secessu, instrumentis ad tornum paratis, & administratorum frequentia, circa magnæ molis Coccum Maldivensem adeo desudantem offendimus, ut longo temporis dispendio curas nostras suspendere coacti simus, atque in vicem de prædicto Cocco colloquii textum ordiri; quem manibus Pangorani versatum, memoria astipulante, magnitudinis raræ, & magis in longitudinem extensæ, quam rotunditatem convolutæ, esse pronuncio; sed subtilis substantiæ testam incisura aut fragmentis atram, cæterum vulgaris Cacci tam externe quam interne, non absimilem colore. Is in frusta varia dispersus erat, ut sciendi apud nos difficultas remanserit, casu inaugurato, an studio humano, in eam formam redactus esset. Ea tamen Principis administratio fuit, ut non minori cura minutas particulas, quam magnas custodiret, postquam eas speciatim ad usum suum proprio digestu dispensaret, ne quid à particulis, imo ipso ramento & bracteolis à torno relicitis, deperiret. Animadvertendo delineabam, minora fragmenta ab eo appropriari caliculis, scyphulis & cochlearium atque ejus generis aliis formis, quibus siccus, humidus, & succosus cibatus depromi posset, maximam ejus portionem, quæ Nucis pene dimidium accomplebat, intactam sinente. Quæ omnia, in arbitrio oculorum & conspectu nostro facta, facile evincunt, neque Principem operis sui circa Coccum Maldivensem puduisse, neque nos veritatem obtorto collo trahere. Ea, tam curiose instituta, administratio, Præsidis *Coenii* linguam diffibulabat, ut Principis nientem modo variegato pertinet, cuius scilicet energiæ nux ea foret, in qua tantæ sublimitatis Pangoranus & Princeps se districtum tenebat, omnia propriæ custodiæ tradens. Ad quæ responsum dedit, eam Nucem legitimi & pretiosissimi Cacci de Maldiva progeniem esse, quam Codici aliquot Mercatores, nempe Mauritani, ante longum temporis spatium parenti suo magni muneric instar advexerant, eamque inter Iavanenses, Malayenses, Malabares, nec non alios Indiei natalis populos præsentissimæ Medicinæ laude censerit, ad omnem toxicum haustum, & morbos divinos, febresque magni discriminis. Ita præfidi *Coenio* mirum videri non debere (postquam sanitati nullus Thesaurus prævalet) si ipse manus propria versaret, & per vigili cura omnia illi inservientia custodiret. Intra hunc responsi tenorem, tornando se occupabat, tam studiose omnia designans, ut Legationis nostræ propositum exequi nulla ratione liceret. Quæ causa Præsideti *Coenium* investigabat, ut dum ille sermonis filo insisteret, frusta quædam Nucis oculari inspectione usurparet, & manibus suis infereret, velut mihi quoque spectaculi commoditas non debeat. Atque in hoc sermonis curriculo *Coenius* petere instituit, num frustulenta quædam, in usum Generalis *Bothii*, corradere illi liceret, quod aulico ritu complete præstabat; quo auditio in habitum ridiculi furoris versus Pangoranus fragmina ea ex manibus *Coenii* eruebat, responsum interim bucca follicante supplens, supercilio nubilo & in rugas caperata fronte, felicitatis & favoris affatim esse, tantam majestate in Cacci, oculis peragrari posse; absonum insuper videri, mendicando inde aliquid extorquere velle. Ad quæ Cl. *Coenius* verbis bene digestis reponebat, non proprii commodi se Oratorem esse, sed petitionis suæ cardinem in eo versari, ut Generali *Bothio* doni gratiam faceret,

ceret, qui, Vir præcellentia celebris, & velut ipse Princeps fama accepit, jam in procin-  
ctu est, ut in patriam revertatur; & proinde doni istius magnum meritum illi fore. Quæ  
omnia Pangoranum adeo non ad liberaliorem habitum perducebant, ut responsi vi-  
cem præberet, in procaciam verbis adaptatis, Coccum Maldivensem ejus pretii, apud  
Reges & Principes, non minorum gentium Generales, diverti debere. Quo responso  
mirifice genio suo litabat, postquam, intra Belgarum & Anglorum apud Bantamenses  
moram, oraculi instar sanciverat, ne quis Generales aut alterius ordinis Rectores, utri-  
usque Nationis, inter Principes & Aulicos administratos numeraret; quod Mercurio vo-  
ta facerent & lucri cupiditate turgerent, eosque viliori respectu & spretu majori sem-  
per dignatus est, quam territorii sui Dynastas & Inquilinos, quorum curæ circa Prin-  
cipum & Regni negotia limitarentur. Quibus ita decursis Pangoranus ritus suos in  
aliam faciem mutare occipit, Cocci Mald. frusta seponens, nosque ad auditorium  
suum expeditionis ergo admittens, nulla ratione se induci passus, ut tantillum Coc-  
ci Mald. Generali *Bothio* admetiretur. Quæ omnia domum reduci *Coenio*, recensem-  
di occasionem præstabant, ut de dignitate Cocci Maldivensis & aviditate Pango-  
rani colloquium texens in cachinnos genas laxaret. Tam raram Cocci Mald. di-  
gnationem ex Pangorano ubi perceperissem, atque oculari inspectione asscutus essem,  
qua sollicitudine eum tantus Princeps versaret & custodiæ suæ traderet, cupiditatem  
in me & curam ingeneravit Coccus ejus notæ aut saltem taleolas aliquot acquirendi,  
velut deinceps post bonam temporis mensuram minutula Nux Maldivensis ad domi-  
nium meum translatæ est, in totum differentia à iam dicta aberrans; postquam ea an-  
serino ovo major non esset, compagine testæ crassior & scabrosior, nec non ratione  
proportionis magis extensa in longitudinem, quam in præcedentibus enarrata. Mul-  
töties lima aliquid abrasi, & subinde in gelidam, subinde in calidam, demersi, exploran-  
di industria, quæ varietas coloris, odoris aut saporis contra ordinarii Cocci indolem  
se propalaret; atque experimento comperi, eam simili quantitate, & dosi liquoris, in  
æquilibrio soliti Cocci, saturatiorem Cocci colorem, fragrantius ferientem odo-  
rem, & acutioris sensus saporem manifestare: quod cum me interni farctus aut medul-  
læ desiderofum efficeret, Nucem meam ad digitæ latitudinem in superficie serra de-  
truncavi, quod ipsum non nisi subtili acie & post multos labores effectum dare potui,  
postquam secundum jam dicta, testa crassa admodum & immensa duritie contuma-  
cia resisteret. In aperta, contra genium & naturam vulgarium Coccorum, medullam  
albam deprehendi, quæ, communi velut lege, testæ coaluit, non dissolvendo pene  
nexu, qua à calyce separata, offendit, solidam velut medullæ massam, ad paleæ latitudi-  
nem à circuitu testæ dissitam, sui quasi juris, ad testæ effigiem conclusam, & excita-  
to motu strepere solitam, tanta ariditate refragantem, ut cultro aut novacula exiguum  
modo ramentum separare liceret, quod ipsum duritie cum osse certabat; nihi-  
lominus aliquales astringentis amaroris vires promebat.

Atque hæc præcipua sunt, quæ tibi V. Cl. de Cocco Maldivensi communicanda  
novi, hac quidem temporis occasione. Cæterum non mihi deest ampliora, de commu-  
ni Coccorum atque aliarum Palmarum genere, participandi, postquam experientia,  
proprio satu parta, talem eorum cognitionem mihi largita est, qualis specierum descri-  
bendarum modulis necessaria est. Quoniam vero præsens operis tui tractatus de solo  
Cocco Maldivensi lapidem versat, quicquid reliquum est, in futuram commoditatem  
differemus. Tuum interim erit ea cordis propensione jam communicata amplecti qua  
tibi oblata sunt. Tuus animo totus I. S P E C X.

*Scholion.* [Tornando se occupabat] Mira naturæ sedulitas in ferinæ propemodum  
nationis Principe, sed quam cultioris seculi exemplis probabilem reddere licet. Quippe  
Imperator quoque Rudolphus II, nostra ætate Toreutices avidissimus fuisse dici-  
tur, manus suas fabrili opere occupare solitus. Ne tamen in mundi senecta eum mo-  
rem invaluisse quis arguat, postquam Iulium quoque Cæsarem in ipso Orbis pene  
natali studium suum tornando detinuisse constat, vel Suetonio teste, qui in ejus vi-  
ta asserit Cæsarem gemmas, toreumata, signa, tabulas operis antiqui semper ani-  
mosissime comparasse. Vtinam pejus collocatæ opera nemo rationes reddere cogat-  
tur! Quippe otio intervallum largiente plurimi voluptati & Fescenninæ licentia  
se dedicare solent, Alea & Fritillo potiorem ætatis partem oblimiantes; unde tan-  
dem res domesticæ franguntur, sanitas labefactatur, honos proscinditur, dum istis

frugiferæ manus gloriæ immortalitatem, familiæ & salutis, imo & seculi temperiem parare solent.


**L**Vcem in tenebris quærere, neque unius, neque plurium simul est negotium, qui quidem vel oculorum caligine laborant, vel mentis acie hebesunt. Quod in Botanices campo exertis indicis documentum præbet, qui licet fertilitate hilari, & extricabili copia abundet, humani tamen stuporis vitio atque intellectus impervio transitu diu neglectus jacuit, imo pedibus varie dispersus est. Antiquorum autem industria coli cœptum Seplesiarii, atque his pejores Monachi, velut irreptione facta, radicibus everterunt. Quippe tenebrarum alumni, atque inscitiæ propagines, divinorum arcanorum incuriam ad Medicinæ lanienam transtulerunt, scilicet in delegato sibi munere inertes, in ascitio atque alieno ingeniosi, si dîs placet. Tanta vero male rem gerentium efficacia fuit, ut Europæ, imprimis Italiæ, non solum literatos, verum & Asiæ, Arabiæ, atque Africæ incolas traductionibus inquis non sine flagitio confundentes, ad quisquilias suas & gerras pertraxerint. Quam fundi Medici calamitatem nitori solito reddere æquanimi & solidi judicio prædicti hominis res est, qui varijs per orbem jactatione, linguarum adminicula, quibus Botanica sustentatur, & herbariorum, rerumque naturalium arcana penetravit. Ego autem licet eruditione & ingenio gregalis, pro viribus tamen effectum dabo, ut aliquam pernicie suæ maculam tam salutaris scientia deponat. De Coccis vero & Palmarum generibus studium meum brevi intendere voveo, postquam ad illustrandum à probis viris faces milii prætentas non diffiteor. Quippe & nostri seculi in communicando liberalitas & superioris non aversanda diligentia, rei Botanicæ locupletiorem me esse volunt. Quos omnes ad inquirendi studium presso vestigio sequi me fateor, ut si non æqualis aliquando, saltem parvo intervalli spatio ab iis avellar. Quod effutitione in audaciam laxata à me dictum qui putabit, candoris nostri patrocinio adductus, boni interpretis habitu excipere debet. Neque enim eruditioni meæ, quæ tenellas dotes habet, palpitum facio, sed diligentia merita apud strenuos quoquaque ad abbacum vocare non erubesco. Hac sola ordinem aliquem tueri me invenient, qui Herbariæ quoque rei notitiam, jam longa temporis serie partam, apud me vigere non ignorant. Neque plura in accessum aut augmentum convasare libet, ne operi nostro brevitas consecrata, verborum abundantia in Pandæctas aut longitudinem immensam evagetur. Rem vero negotii & difficultatis plenam propensa animi alacritate decurrere statui, quæ una multorum laborum exantlatrix esse solet. Si tamen propriis ingenii viribus succumbam, ad eruditorum virorum scripta configiens pedamentum mihi præbebo. His quoque alibi defectum suum quiritantibus, ad Exoticorum thesaurum à me receptus fiet, quem proprio Marte ex scriptis & quandoque colluvie (ut ita dicam) Auctorum corrado, ut mihi & posthumis subsidii loco servire possit. Quippe ex umbris domesticis in claram cæli lucem aliquando exauspicabit, modo pari vitæ & sanitatis beneficio frui nobis dabitur. Quod D. O. M. largiri nobis dignetur, ut quæ verbis hactenus fucata apparent, in veram operis effigiem perduci possint.

Quemadmodum nihil efficacius aut probabilius docet, quam Icones ad res propositas adhibitæ, ita omnino necessarium duxi nostræ huic Medicæ Nuci tabellis fidem & auctoritatem asserre, quod verbis non satis convenienter fieri potuit. Ex libris enim solis neminem aut Anatomicum aut Botanicum insignem devenisse constat. Quia autem oculi ministerium quod ingenii acumine & præcellentia dirigitur, pictorem subinde facit; nunquam rejiciendi videntur, qui in utroque officium præsterunt, scilicet rem verbis dilucidatam figuris exprimentes; postquam, velut mutuum muli scabunt, ita oculus exterior internam mentis aciem illustrare solet. Quippe Scaligero patre Auctore, Exerc. 75. Sect. 2. *Imago rerum nihil agit preter impressionem in sensus vel exteriore vel interiore, ad cognitionem.* Quæ impressio nisi facta est, otiosam figuræ ostentationem dicere licet. Ait enim paulo ante, *Quippe imagines, species, representationes, amot. i specie omnes abeunt: nisi quæ in sensibus recipiuntur. Sunt enim horum pictura illæ.*

**Q**Uandoquidem Nucis Medicæ divisionem in partes, quibus facies diversæ figurantur, præfatus fui, non inconcinnum judicavi, postquam ad vivum delineatas tabellis offerre licuit, paucula notatu necessaria depromere, quo plus lucis afferatur.

A lite-


## T A V A R C A R E' sive Nux M A L D I V E N S I V M .



A.

A litera denotat geminam Nucem. Hæc figura Nucis Maldivensis , non oblique intuenti , sed è directo introspicienti , & manibus contentæ visuique oppositæ, duplicitæ pyxidi comparanda venit.

## T A V A R C A R E' sive Nux M A L D I V E N S I V M .



B.

B. Seffilem & summam partem exhibet , quæ sensim declinat in modum interfeminei, facie oculis pudicis aspicienti horrida &c. Hanc etsi æqualiter per latus alterutrius divisam exhibeo , nihilominus , ne Lectoris animo dubium aliquod offeratur , monendum est , beneficio sectionis, quæ serra facta est in præcedente A, extrema orificia conjungi B. & partibus resectis extimis , nos integrum Nucem oblaturos. Consideratis tantum tribus ; nempe partis summæ acuminatoris præsertim habendam esse rationem , in cuius basi apertura est , paulo ante à me dicta, quæ sedes est germinis seu gemmæ, quam podici non inique accomparavi. Dein Spiracula duo consideranda esse lateraliter in parte hac suprema regione locata , quæ cæteris paribus magnitudine etiam non superant vulgarium Coccorum spiracula. Ea ad scyphum consolidandum obturantur , quod videre est in minore Cymbio Maldivensi honestissimi Mercatoris  
Samuelis

Samuelis de Bendana, qui duo possidet, ab artifice quondam Antwerpiensi, argento affabre investita. Tertium vero non est prætereundum, in integra Maldivensi Nuce, colliculum quasi Veneris, fœminæ pubis faciem dextre æmulari, quæ serræ molimine transadaæta deperditur. —

His ita in præliminari operis dispositis, auctoritates quoque alienas velut in depositum addere non vanum judico. Garciae præsertim ab Horto & aliorum Medicorum sententiæ non præterlegendæ, quæ ejus roboris Clarissimo Clusio visæ sunt, ut eas in Latium ex Lusitana lingua transferre non subterfugerit. Quas ipsissimis C L U S I I verbis repræsentare operæ pretium est, ne interpolando, aut mutando, alienæ diligentiaæ fraus fiat, aut publico usui aliquid derogetur, dum verborum, ut ita dicam, foliis attenta mens insenescit.

*Garcias apud Clusium pagina 190.*

“ Laudatur hic Coccus aut Nux (sed præsertim ejus medulla) adversus venena ab ipsis earum Insularum Incolis. Et à viris fide dignis accepi, ad Coli dolores, Paralysim, Epilepsiam aliosque nervorum affectus se utilem sensisse: à Coli quidem doloribus, quod vomitum excitaret, ab aliis vero ægritudinibus immunes reddi ægros, si aquam in iis Nucibus (adjecto medullæ momento) aliquamdiu conservatam ebiberent. Sed cum non sim id expertus, minus fidei his tribuo. Nullam autem periculum faciendi, occasionem habui, quod uti malim medicamentis, quorum facultates jam mihi perspectæ, & multa experientia comprobatae sunt: qualia Lapis Bezar, Theriaca, Simragdi, Terra sigillata, & alia pleraque medicamenta (de quibus suo loco), quam recentibus, minusque certis. Nam quod nonnulli dicant, se hujus usu commodum sensisse, an id persuasione & imaginatione factum sit, ignoro: hinc fit, ut nihil affirmare possim. Sed si quid certius cum tempore exquisivero, sententiam revocare non pudebit. Niger est autem hujus Cocci cortex, & nitidior vulgari Cocco, figura ovali magna ex parte, nec ita rotunda ut vulgaris. Medulla sive pulpa interior, quæ siccata dura est admodum & candida, non nihil tamen ad pallorem inclinans, in superficiem imosa est & valde porosa, nullo sapore excellens. Dosis vero est hujus medullæ ad grana decem cum vino aut aqua, pro morbi ratione & natura. Inveniuntur autem hi Coccii grandes admodum, interdum etiam exigui, omnes autem in litus ejecti. Vulgaris porro fama accepimus, Insulas Maldivas aliquando Continentem fuisse, sed inundatione maris submersas has Insulas effecisse, in quibus obrutæ Palmæ fuerint, quæ hos Coccos protulissent, qui terra indurati, in hunc modum conspiciuntur. Sintne vero ejusdem generis cum nostris, facile judicari non potest, cum haec tenus nemo folia aut arboris truncum videre potuerit; sed soli Coccii in litus ejiciantur, nunc bini conjunctim, nonnunquam vero singuli separatim. Sed hos nemini colligere licet, nisi cum capitis periculo; quoniam Regis esse afferunt quidquid è mari in litus ejicitur; quæ res majorem auctoritatem huic Nuci conciliavit. Eximitur autem ex his Coccis pulpa sive medulla, deinde exsiccatur eadem ratione qua Copra, atque indurescit eo, quo venditur, modo: diceres esse caseum ovillum. *Ad hæc verba Clusius adnectit:* Vidi mus tum Ulissiponæ, tum aliis in locis vascula ex Cocco de Maldiva confecta, oblongiora plerumque iis, quæ ex vulgari Cocco parantur, magisque nigra & nitida. Quinimo ipsam medullam Nucis siccataam Ulissiponæ venalem reperire licet, cuius facultates mirifice extollunt, atque omnibus fere alexipharmacis præferunt; ob quam causam ingens ejus pretium. Quam vero parum fidei sit adhibendum hujuscemodi fabulosis & commentitiis facultatibus, ex nostro Autore satis liquet.

*Refert porro Clusius historiam vasorum ex Cocco Maldivensi confecti & argento inclusi, quod lacobo Gareto acceptum ferebat. Magnitudine (inquit) illud superabat reliqua vascula ex similis Cocco confecta; repertum erat in prætoria illa navi, M. D. X C II. ab Anglis occupata: longum erat uncias quatuor & decem, latum septem, ovalis inferna parte figuræ, superna paulo planioris, latere dextro magis rotundum & tumens, externa parte calcei pedi inducti pene instar. Color qualis in Cocco vulgari levigato & expolito.*

*Christophorus à Costa apud eundem Clusium, Fol. 270.*

Coccus de Nalediva (ita quibusdam dicere placuit) cognominatus, adeo commendatus ab ipsis Incolis & à Malabarenibus, non modo à plebe, sed à Regibus & Principibus viris, ut in omni fere morborum genere ad eam confugiant, tanquam ad sacram anchoram. Fiunt in eam gratiam ex illo pocula quæ auto vel argento excipiuntur, & in

in navium triremiumque figuram efformantur, ad aquam bibendam, in qua ex categ-  
nula, medullæ ipsius **Cocci** fragmentum pendere sinunt: sibique certo persuadent, il-  
lis qui aquam ex similibus poculis hauriunt, nullum venenum nocere posse, futuros-  
que immunes à multis morbis; in quos sane memini multos incidere qui ex iis pocu-  
lis bibere soliti erant. Et licet omnem diligentiam adhibuerim, nunquam tamen ob-  
servare potui, similia pôcula aliquem ex morbis curare, ad quos utilia esse creduntur:  
potius igitur arbitror tantam laudem obtinuisse à vulgi opinione.

Nonnulli, ex hujusmodi vasculis bibere soliti, mihi affirmarunt sese experientia didi-  
cisse, jecur incendi, renes noxam contrahere, & calcutum generari: nihilominus ta-  
men magnum est eorum pretium, longeque pluris æstimantur iis locis ubi inveniuntur,  
quam aliis procul inde dissitis: nam interdum ejusmodi Nuces nudæ, neque auro aut  
argento exornatae, quinquaginta aut amplius nummis aureis æstimantur. Nigrior au-  
tem, nitidior, longior, majorque est hic **Coccus**, quam aliæ Nuces **Cocci** com-  
munis.


Hactenus **Christophorus à Costa**, qui potiorem commenti sui partem ex **Garcia** aromata-  
ria historia deprompsit; quod facili oculorum transenna animadvertisse, qui Palmæ  
Indicæ descriptiones ab utroque editas conferre dignabuntur. sed neque heterogenea  
scriperunt, quotquot calami opera in hac arbore desudarunt; in quorum choro **Martinus Ignatius**, ordine Franciscanus, non postremas occupat, qui in tertia historiæ Sinen-  
sium seu Itinerarii Novi Orbis parte, capite octavo, hæc non perfunditorie tradit. **Ioannes**  
autem **Hugo Linschotanus**, folio exemplaris nostri 17. 18. cap. 13. eodem mutui privile-  
gio hæc ad se derivavit; ibidem promittens Nucis Medicæ arborem integra historia  
enarrare, in quo tamen velut corvus hiantes nos eludit; vulgarem vero pertractatè de-  
cūtrit, subsidiis in hanc mentem non excussus. Sed neque à more meo alienum est scri-  
ptis mutuatis opellam meam ditare, cum ne ipse quidem **Iulus Cæsar** gregarios mili-  
tes ad rei certitudinem vocare non erubuit, frustra Asinio Polione Imperatoris stu-  
dium criminante. Rivulis enim ex **Francisco Pyrard de Laval** ad me ductis omnia ea di-  
gressi, quæ capitum secundi & tertii confiniis continentur, sed idiomatis Gallici veste in  
Latini sermonis habitum mutata: velut neque oscitando præterlabi passus sum, quibus  
Insularum spatiis, quiove limite, ea Nucis colligendæ messis fieri soleat, non dimissa  
cæli temperie & soli dotibus, magnari in genio describendo laudem sibi arrogare so-  
litis; ubi de earundem Insularum latitudine (quæ poli elevationem adæquat) sermo-  
cinamur, eodemque filo dispositionis efficaciam ad plantas, fructus, flores promanantem,  
detexere libuit. Nucum vero legendarum artificia, aut piscandi modum, negle-  
ctum jacere permisi, in qua serie, anni quoque tempestas ordinem suum non invenit,  
velut extimæ quoque faciei delineatio penicillo nostro caret, si qua integratur, ut vulga-  
ris. Inquisitione vero sua dignatus sum, an Medicæ Nucis gemini semper alvei à cæ-  
sura circumacta, ut in Basilica seu Iuglande. De reliquis in fidei tutelam missitabun-  
dus sedere malui, quam otiosa proferre, quæ ipsis forte indigenis non obvia, aut inve-  
stigationis labori tam in aviis sita terra, difficultatem afflare solent. Hoc mihi liquido  
constare fateor, Nucis Maldivensis exemplo adductus, aliam aliarum esse formam,  
quippe nostra (cujus in præfatione ad Lectorem memini) summis labiis argento re-  
cipiendo sedem præbuit, in circuinaclum crusta ducta, pro vasis figura: Wolferdia-  
na autem serræ spatium cum injurya suis passa; quare duplicatae tantum capsulæ pro-  
nam habilitatem aptavit, quarum custodia **Betel**, **Calx ossium**, **Siri**, **Pinang**, **Aret-**  
**ea** &c. quorum apud Indos usus Masticatorii vicem præbet, ab aëris injurya vindican-  
tur; velut his claustris Ambra Grisea à solidibus libera asservatur. Quanta vero Nucum  
capedo sit, ex Linschotani sedulitate cognoscere licet, qui ad Regem Hispaniarum de-  
ferendas, duarum circiter amphorarum capaces fuisset alt, sed in dimidiatis tantum eam  
mensuræ rationem probabilem videri, postquam integrarum circuitu duplam liquoris  
condi posse asseverat, simili dimenso, imo largius excurrente, nostra celebratur. Eam  
vero Gemmis (quæ ad usus diversos salutiferæ vocari solent) adornatam volui; quarum  
pars mobili aptitudine necessitati urgenti inservire valet, utpote Nephritico & Car-  
neolo lapidibus, pars in cera radicem agens, aut firmiter inserta argento, translatitia  
fieri pernegat. Vt autem varietatis illicio indulgerem, vicenis speciebus, imo pluri-  
bus, copiam eam distinxii, in quibus splendoris gratia non vulgaris & suas delicias oculi  
curiosi invenire gaudent. Cymbium vero ea forma edolatum est, ab Artifice inge-  
niosissimo

niosissimo *Hermann Martens*, argentifabro & cive Amstelædamensi, ut inter avem & pisces medium animal referat. *Glossopetra* etiam linguam exertam animalis mentiens, obfirmat epistomium, quod in effundendo liquore intro recepto aperitur. Rhinocerotis autem affabre elaboratum cornu, oportimenti claudentis vasis aut *Cymbii* insuper & vitri excipuli effundendum & ebibendum liquorem locum dat: Ita Philotesias & Iatrices poculum habes. Hactenus Nucem nostram Medicam enucleavimus, ea in fronte operis congerentes, quæ necessitas & filum rei exigere videbantur, nunc in posticam reliqua trahere libet, sine quibus tractatum mutilari contingeret; quare silendo non decoquentur.

Putaminis rasura & pulvisculus concinnatus nulla saporis idea insignitur, dum linguae vehiculum, deglutienti transitum præbet, neque odoris ullam speciem naſo ad innotus imprimit, sed neque ventriculo exceptus nauseæ occasionem ulla qualitatis repugnantia irritat, nullo vomitus incitabulo infestus, neque alvum astringendo sistens. Quæ omnia non tantum fide ab aliis mutuata affirmantur, sed domestico etiam in me exemplo auctoritatem invenerunt. Quod cum veniæ præfatione *Ch. à Costa* & *Cl. Clasio* dictum volo; qui rem male perpendentes justo rationis æquilibrio non inserunt. Veritas enim hoc solo, velut dictatore, enucleatissima prodit, dum experimenterum indago menti tenebras involvit. Nux vero nostra incertæ fidei testimonium præbet, quod promptuariis alienis rarissimo usu inseratur, apud paucos duntaxat in orbe Europæo reperiiri assueta, ut infrequens effecti exploratio sit, & si maxime ad usum manus transeat, mentis humanæ caligine difficilis ad veritatem accessus detur.

Color autem putaminis Maldivensis natura sua ater est, & non absimilis Ebeno. Vulgaris autem tintura & ætate ater redditur & pulligine tantum levi aspicientium oculos detinet.

*Tabella hac Medullam, atque integumentum, seu corticem intermedium exhibet.*



Liquorem vero putamini committere alieni arbitrii rem facio; velut neque hoc præmanso opus habet, quo temporis intervallo scyphum obturare deceat, quove loci, calore an frigore conservandus veniat, postquam liberam unicuique ex re nata judicii assertionem facio. Neque enim periculosa indago est, postquam præter unam siccitatis notam, nihil sensui objicit, quod saporis ingratitudine Naturam aut gustum offendat, frigiditatis enim temperamento ab excessu immoderato avellitur; etsi suæ quoque caloris particulæ adhærent, ita Elementis inter se commixtis, ut fida substantia permanentia reddatur. Quod exemplo vasculorum & doliorum quorundam, & medicamentosis cornibus levi opera probare licet. Ex Thamarisci præsertim ligno & corticibus fabricata fidem indubitam faciunt, à multis usque seculis veritati nihil detraçtum esse. Quippe ne in continuo quidem usu doliola ea nativam virtutem exuunt, operi suo jugiter studioſa natura. Quod Medicinam factitanti experientiæ adminiculum præbere potest, postquam scyphulus, ex Antimonio arte Chymica factus, neutiquam suæ energiæ dotes deponat, ut ut frequens ejus administratio sit. In Nuce autem nostra clarum documentum erit, quæ non minorem leptomeriæ gustusve gratiam habet, quam Thamariscus, qui roborando, atque referando, aliisque modis strenuus esse solet. In toto autem Naturæ opere multa sensibus obvia, rationi occulta sunt, quæ deinde usu adhibito velut splendescere consueverunt. Quare Medici rationalis munus est, abditas qualitates non rejicere, quas conservandæ vitæ & pellendis morbis utibiles esse multorum salus declarat.

Superest Medullæ quoque effecta & virtutes incomparabiles enarrentur. Quippe non solitaria tantum, sed aliis etiam simplicibus admista, valenter se exercit. Hæc cornea duritie limam respuuit, sed cultro internæ parti adacta & malli percussu fissa, mortario & pistillo ferreo in pollinem redigitur, qui ἀσπρὸς καὶ ἄσπρος. i, inodorus & insipidus est, non secus ac Lapis Bezoar Occidentalis, cui striis, minus tamen visibilis, & colore affinis est. Ovilli autem casei crustæ veteri assimulanda videtur, cujus pars interna


interna rimosâ visitur , externa qua parietibus Cocco interius adhæsit , soliditatis firmitâ , interventu corticis intermedii stabilita , à quo spano aut noctuino afficitur colore extrinsece ; materia albida cum dentium humanorum duritie certans . Pulvis nullum molestiæ comitatum habet , cum assumitur . In actum vero à calore & succis ventriculi velut fermentando dissoluta substantia perducitur , atque ea operis efficacia est , ut fidem requirenti sufficere queat .

Hinc ad integumentum internum , seu corticem intermedium transitus fiat ; Qui oculorum arbitrio in capsis meis tenellum se declarat ; coloris ferruginei aut spani , instar corii hircini in calceorum usu crassus , fibris quibusdam à centro aut umbilico ad convexa superficie exteriora variegatim distinctis præditus , velut à Iocinore venæ & à Corde arteriæ ad omnia humani corporis membra derivantur . Hic autem è crassioribus partibus contextus videtur , sapore (quem Græci ἄπων τὸ γόρθως vocant) ignave subastrigens . Intra mandendum non se colligit & conglobatur , sed per universam linguæ capacitatem se spargit . Quorum omnium consensu & suffragiis facilis deductio est , qua temperie vigoretur , & quam indolis habilitatem sortitus sit .

Gemmæ porro seu germinis Historiam in Aphorismis Cl. Realii & Scholiis nostris digestam reperies ; quæ eo manus libramento à me conscripta fateor , ut publico usui prodessem , non inani verborum ostentatione turgerem , modum servans , ut potius infra rem quam supra , astrictius quam effusius dicere videar . Quid enim me moveret corticosum aut villosum integumentum , uti Nucis vulgaris est , in Maldivensi nostra fingere , cum forte ea destituta reperiatur ? ita non excessisse , sed potius non implesse materiam dici malui , nec aliis scribendi post me ansam præripere ; immo sententiam meliora edoctus revocare non pigebit . Hæc quantum per mediocritatem nostram licuit , Rei Medicæ & Naturæ studiosis strictim delibasse sufficiat .

*Hæc autem Tabella Germen , aut Gemmam in lapillum Gemmeæ nitoris versam , iconे vivâ delineat , quibus Coccî Medicî partibus lapillum è Cocco vulgari Indico adipere non pœnituit ; ut fides & veritas intra tutelam suam exempli allegatione confiterent .*

Quandoquidem opusculum hoc absque Historiis non legendum est , observatio-nes & experientias nostras ad firmandum institutum adscribo ; à Collegis enim meis subinde rogor , ut præter ea , quæ à Garcia recitantur , generatim , alia experimenta peculiaria aliquot , in quibus ægritudinis & curationis series singulatim consistit , explicarem ; quo non modo quanta in hujusmodi præsidio vis & potestas insit , ipsis innovescat , verum etiam utendi modus , tempus & alia id genus . Horum igitur rogatu , auctoritate & consilio paucos ægritudinum casus subjungere haud gravabor . Qui vero infrascriptas perpeſſi sunt affectiones , eorum pars adhuc supersunt & fidei indubitatum testimonium dabunt . Interim ne præter ordinem videar agere , ad νεκτηρία respicio , ut rite judicem ; quæ sunt Experientia , qua Epicurus , atque Empirici eam solam sequentes , nitebantur : præterea Ratio , cui Academicorum princeps Aristoteles tantum tribuebat , ut nunquam ab ea secedere visus sit , sed cum Galeno ut rationem non despiciendam , sic neque experientiam dimittendam dixerit . Quare (ut ad pensum redeam ) exemplis aliquot proferam eas ægrorum Historias , apud quos nulla humorum præparatio , evacuatio , aut venæ sectio &c. locum habere potuit ; utpote veneno manifesto affectis , serius Medicina paratur : nec non ægrorum quorumdam , quibus & venæ sectionem administrare , aut lenientis , aut solventis usu , humorales dictas ægritudines blande per alvum educendo lenire & solvere conatus semper sum , inducias nactus . Neque enim unquam vomitus , à veneni pravitate , aut morbi divini excitus ferocia , impediendus venit , quo Naturæ beneficio forte medicamentum , tamque noble Alexiterium impar resistendo & corrigendo posset esse . Tepidam vero , oleum amygdalinum , lac , vinum , præbium aut dosim Coccî nostri antecedentia , concedo ; & licet semel exhibitum non fungatur suo munere , bona mente ut constantissimo patrono munitus , repeto eadem , subinde paulo mutata ; neque sexus , ætatis aut



virium multam rationem habeo , cum in dosi non peccetur , quæ, exempli gratia, sit à dimidia dragma ad integrum, aut scrupulos quatuor in appropriato liquore.

I. *Lucas à Salingen* esu jocinoris pisces Afelli , quod inter devorandum foctore quodam fauces illius obsfederat , in dubium venit, num patella qua uxor fuisse usi in excoquendo eo , nova esset. Paulo enim ante pulticulam , muribus interficiendis adparari iusserat. Is solo pectore (quod mirum & nunquam mihi ante conspectum) extemplo adeo intumuerat, ut crepatuæ vel displosionis periculum videretur præfens, & intoxiciatus præ difficultate respirationis subinde animo pene deficeret, pulsu varie agitato, sic uti thorax solus systoles & diastoles motibus cum livore faciei & totius pectoris, mortem violentam minaretur. Ab hoc vocatus , etsi invisendi munus non absolvebam , rei tamen certitudinem ex relatu filii cum haberem, confugi ad rasuram quam ex interna parte nostræ Nucis inter poliendum usibus medicis reservaram. Eique 3 ss pondus , ad oculi (quod vocant) dimensionem cum Hispanici vini haustulo , præ festinatione exhibui : moxque domum me contuli, cum viderem ægrum citra nauseam ventriculi aut vomitum paulatim ad se redire. Præscripti enema commune malacticum cum acumine salis gemmæ, statim injiciendum ; quod cum recusaret, se fluidam habere alvum dicens , exhiberi jussi haustulum ex majore dosi corticis seu Cacci & ipsius etiam medullæ momento. Exempli gratia.

ꝝ Rasuræ Cacci 3 ij. Medullæ ejusdem 3 j, quibus in pollinem subtilissimum redactis, adde syrapi ex multiplice Infusione florum Caryophyllæorum seu Tunicæ hortensis (quem tunc forte fortuna præ manibus habebamus) 3 j. aq. Melissæ 3 j. ss. Cinnamomæ 3 iij. F. Haustulus. Eo assumpto convalescere cœpit, statim post bihorii spatum , quo præ fatigatione & corporis agitatione incredibili, quiete & somno supervenientibus, integre restitueretur.

II. Non vereor alta voce , & explanata oratione prædicare historiam secundam , in filia Tibicinis & Musici magistratus Amsteladomensis, Magistri Cornelii, oblatam.

Hæc Arsenici intoxicatione varie se jactans , symptomatibus huic veneno consuetis affici cœpit. Mater ad me cucurrit querula quod citra notitiam filiæ Arsenici aliquantum gliribus interficiendis alicui farinæ portioni commistum, filiæ ad manus venisset; quæ, pro more virginum, pica, symptomate depravatæ ac vitiosæ appetentiæ, laborantium lambendo avida lingua tertiam quasi partem absorpsferat: Illico ad olei amygdalini recenter expressi unciae unius dosim confluxi, cum syrapi violati sesquiuncia & duabus aquæ Melissæ stillatitiæ: Quam potionem ubi vomitu rejecisset post horam assumptionis, & statim alvo turbata laboraret, illico sub manu consilium capiens propinavi.

ꝝ Rasuræ nuclei, & medullæ ejusdem Cacci Maldivensis, an. 3 ss. Syr. ex infusione multiplice Violarum , 3 j. aquæ Buglossæ , q. s. F. Potiuncula. Huic post horam subsequentem denuo exhibui.

ꝝ Medullæ Nucis nostræ Medicæ, 3 ss. Syrupi de Mentha 3 j. olei Amygdalarum rec. expressi 3 ss. aquæ Cinnamomi 3 iij. aq. Rosarum 3 ss. F. brevis Potiuncula. Qua cordi, ventriculo, intestinis & simul alvo satisfactum judicavi, cum nullum grave symptoma sequeretur, fuitque restituta citra foedam macularum eruptionem, juvantem D. O. M.

Exempla autem eorum in quibus est ἀδόκιμος νοῦς . i. mens perversa, quæ non regitur luce & affectu temperato , ceu Satanæ mancipia præterire malui , quod tristis ut plurimum eventus eos sequatur, licet quibusdam ex consternatione animi & culpæ erga Deum immortalem vera recognitione prosper extiterit ; quia cum studium interne candi sese adfuit , nominum eorundem innominatae plebis nullam mentionem facere proposui; licet major pars sanitatem recuperarit, non sine macularum foedarum impressione & reliquiis, quod ab auripigmento. i. Arsenico luteo assumpto ad sex mensium ferme spatium miserios occupavit.

III. *Cujusque Lemovix*, Regis Galliarum & Reginæ Matris nomine in Belgio Legatus anno 1625. ob Colicam passionem à bile gravissimis symptomatibus conflatus , frigidam præ siti ferme inextinguibili ingurgitare avebat; quod cum recusaremus, sese hydropotam naturæ sympathia & usus frequentia declaravit. Præmisso itaque enemate, & quæ ejus generis morbus requirebat; aquam putealem (cum fontana deficeret, cui potus generi à tenera ætate assuetus fuerat) voluit sibi porrigi: Nobis vero , Experientissimo nimirum Medico D. Iosepho Bueno Lusitanæ nationis, & mihi in men-

tem venit, Ægrum jugiter visitantibus, potabilem aquam coctam frigidamque è Nuce nostra Maldivensi propinare, dantes consuetudini & ætati, secundum dogma Hippocraticum, quantum per artem licet. Quo facto sanitatem adeptus est, doloribus atrocissimis fugatis, & à Mordexi, i. e. torminum morsibus, liber factus.

IV. *Idem Eques* capit is pertinacissimo dolore infestatus anno 1626. post provisio nem ab indicatione factam, clystere & sanguinis detractione, usus nostro consilio, ex Medica Nuce manum quasi Dei Pæoniam præstolatus est. Cui insuper syrupum è cochleari deglutiendum præscripsimus:

**X** Syrupi de succo Betonicæ ʒ iiij. pulv. Medullæ & Nuclei Maldivens. ana ʒ j fl. F. Mixtio pro sex dosibus biduo absorbendis. Cephalæa in exilium ablegata, & Ophthalmia, quæ, ut gravissimum symptomæ, lucem diei aut candelæ ferre eum non permettebat, præ gaudio, saltu & cantu, Gallorum juvenum more, animi alacritatem recuperata sanitate manifestavit.

V. Denique anno 1628. veris initio, idem Iuvenis ex multi-jugo & insatiabili esu fragorum, frigida aspersorum cum sacchari pulvere, nihil vini in temperamentum admiscens, ventriculi tonum ad atoniam omnimodam deduxit, & monitis nostris haud obsecundanti, toto habitu mutato cachexia pituitosa subsequuta est, atque ita, temperamento qui fuerat sanguineo præditus, in hydrope in mediante cachexia, curabilem quidem, incidit. Tandem ad sacram anchoram seu scyphum nostrum confugere, ut liberaliter potare posset, voluit; quod veriti, ne bibendo sibi officeret, recusavimus. Æger interim impatiens, nobis vale dicto, æstatem morbi sui curatricem fore existimavit. Interea vini usum & potum dubia adhuc & crepera valetudine supra omnem modum aggressus est, & tremoribus convulsivis, Paralyseosque prodromis imprimis Hemiplegia, affectus est; tandem Epilepticis insultibus, ferme quovis momento percussus in terram prosternebatur. Convocatus denuo, desperatis licet rebus, deveni ad Elleborismum, ex Ellebori nigri veri tota planta chymice apparatus, consentiente ornatissimo Doctissimoque *D. Theodoro Schutio*, Amesfortii Medico Practico; nec non Magistralia ex Maldivensi nostra Nuce propinavi; quæ ante Epilogum, histriis recitatis aliquot, subjungo. His præstitis omnibus, prorsus in integrum restitutus fuit.

VI. Æger quondam meus *Tongerloo* P. M. civis Amstelædamensis, dum decumberet & febre laboraret acuta, obtulit mihi intermedii corticis seu integumenti interni crustacea aliquot frustula, voluitque eorum dragmæ pondus apud Pharmacopœum potionis sudorificæ Theriacali à me præscribendæ immisceri. Id quod ego iniquius ferrens, cum mihi ignotam prorsus rem obtruderet, medicamentum pro rei exigentia exhibenti, respondi, me non induci posse ut admittam hunc medianum & intermedium corticem, quin alicujus in Medica facultate præstantis Practici auctoritatem afferret: retulit, salutarem semper inventum fuisse in febribus acutissimis, quibus laborarat, cum in India Orientali degeret, & imprimis in difficultate partus esse Indis fœminis probatissimum. Interim impulsus seris monitis curavi quod postulavit, & feliciter, miti paroxysmo, febris terminavit, & me majore parte corticis superstite donavit; qua misellis parturientibus (senis ad minus) opem subinde tuli, cum Creatoris summi laudibus. Huc spectant exempla duo ornatissimi ac doctissimi *Ioannis à Grot*, M. D. & Collegæ nostri, quæ reticere non volui; & ita se habent.

VII. *Bernhardi à Lunnickhuyzen* aurifabri honestissima uxor in platea vitulina, cum triduo parturiendi doloribus cruciatetur, & ferme totam viciniam clamoribus impleret, exhibitis exhibendis, nihilque proficientibus, ab assumpta Coccis Maldivensis Medullæ semidragma, ex syrupo & aqua Artemisiæ exhibita, felicissime peperit.

VIII. Ejusdem Nucis rasura eodem modo propinata mirum in modum acceleravit *Anna Gulielmi filiæ, Ioannis Calcearii* uxori exclusionem demortui fœtus: huic ab obstetricie imprimis, dein à nobis post, exhibita varia & admota incassum, perseverantibus gravissimis symptomatibus à febre ortis, tandem ad salutarem hanc Panacæam Maldivensem configimus. Et brevissimo intervallo fœtum in utero materno extinxit Natura excluit, quem magno cum gaudio exceptit obstetrix.

IX. In eadem vicinia uxor *Georgii Naauwingii* acupictoris, viri humanissimi & per quam industria, ipsis Maii Kalendis me vocari jussit, voluitque sibi è Cocco Maldivensi Medicinam apparari, mota felicibus successibus ægre parturientium vicinarum, qui-

bus affuerat, cum Collega meus medicinam Maldivicam administraret. Verum tridui spatio elapso ruptis membranis ichorosus succus excussus erat, atque foeminei fœtus ~~περιηγήσας~~ foras exceptum ad necrosim perductum, non sine maximis angustiis, annosiorum puerperam ad mortis limen vocarat papaverculo jugiter ferme muliebria fœdante. Ego rogavi obstetricem, num aliquid ab illa præstitum aut exhibitum esset: quæ, animo ferme deficiens, aiebat sese spem in anchora salutari Maldivensi locasse, neque aliud apud illam superesse parturitionis votum, cum triduo fœtus certo certius extintus & præter naturam situs videretur. Venimus ad haustulum hunc.

**X.** Putaminis & Medullæ Mald. utriusque 3 fl. Qiascordii Fracaftorii 3 iij. aq. Cinnamomi 3 iij. Boracis & Trochisorum de Myrrha ana 3 j. f. cum aq. foeniculi. Potionem hanc ad duas doses præscriptam ægra moræ fastidio impatiens facta, una dosi assumſit, & forti animo præter expectatum enixa est, demortuum infante, grandem decem ad minus librarum pondere, una cum puerperalibus: & gavisa maximopere cum laudibus Magni Parentis, qui tantarum virium advenam Maldivicum donasset.

**X.** Illustrissimus Princeps de Guimené, Ducis de Monbason filius, Amstelædami anno 1625.. æstate media incidit in Dysenteriam, qua miserrime excruciatatur. Ego primus vocatus præstiti quæ ars & res postulabant; quatuor deinde convocati Medici sunt, quibus ab amicis in tanto morbi furore persona illustris, pro justissimis meritis commendata erat; quod etiam illustris Mauriti Principis cura effectum, cui consanguinitate junctus erat. Ita ut non defuerimus ægro Principi, omnis generis præsidia & auxiliares manus afferendo, & juvante Medicorum summo Medico, restituendo sanitatem. Hic Æger summopere exhilaratus, cum vidisset nostrum monile Maldivicum tam speciosum, jam paulatim convalescens, voluit suam hordeaceam, qua vinum rubellum dilueret, eo contineri & sibi exinde bibendam dari; quod recusare nulla ratione potuimus, postquam novitate rei pellectus & spe reconvalescendi accensus nobis videretur. Itaque cum reliquiis morbi, ventriculum & intestina roborando, adeo strenue pugnatum est, ut brevi sanitatem pristinam recuperarit.

**XI.** Generosus Dominus des Gouttes Eques ordinis Melitensis, in Cardialgia anno 1627. pluries excellentiam pulveris intermedii corticis & rasuræ nuclei est expertus, ex conservis Rosarum rubrarum, aut florum Tunicæ hortensis, Lavendulæ, Pæoniæ, & Melissæ; prout res & occasio requirerent.

**XII.** Nuperrime viri Dordraceni, annorum viginti-septem, intricati morbi negotium, nobis ansam præbuit ad medullam Mald. Cocci configiendi, cum omnia viderentur frustra applicata & exhibita. Vocatus ego & Cl. D. Tulpius Collega noster, repiperimus in ætatis flore & post laudatissimam temperiem ægrum, qui primis binis diebus Spasmo composito, seu tremoribus convulsivis, truculenter afficiebatur; ac dein singulis ferme horis post præludia, modo in articulo pollicis pedis sinistri, modo pollicis dextræ manus prodroma, constante perpetuo mente, membra omnia conquassari ille sensit, & nos vidimus toto fere biduo. Sed quicquid à nobis tentaretur, pro ratione temporis successive, id omne à morbi & symptomatis ferocia superabatur. Tandem cum non esset derelinquendus, ad specifica occultæ proprietatis devenimus, dantes ex simplice cerevisia dragmam unam medullæ suprascriptæ in pollinem redactæ; haustulo vixdum ebibito, continuo sese per quam quiete, & somno superveniente sudoribus copiosis toto corpore maduit; neque, uti ante, morbi tam gravis symptomate oppressus est, verum leviculis, ubi expurgiceretur, præmonitionibus incitatus ab articulis in manu & pede altero; quo interim tempore quietem sibi ipse imperare poterat, & resistere simul huic venienti malo. Quare quater iteravimus haustulum, & usualibus ac specificis pulverem medullæ immiscuimus, & adeptus est sanitatem. D. O. M. sit gloria.

Magistralia, Compositiones nostris Officinis vocantur, quæ ex diversis simplicibus paulo accuratius construuntur; ut plurimum eæ, quæ Antidotariis publicis receptæ non sunt, neque basim ullam expresse agnoscunt, & ex specificis concinnantur pro arbitrio uniuscujusque Medici. Hoc autem loco eas tantum Compositiones proponeamus, quæ ex Maldivensi Nuce concinnantur, solo pulvere medullæ, nuclei, aut intermedii corticis interveniente. Res vero supervacua esset, si horum pulverum alicui, aut omnibus simul, menstruum aliquod Chymicum, quod resolvat, affundatur, ut inde Magiste-

Magisterium formetur, velut in Margaritarum, Coralliorum &c. præparationibus consuetum est fieri.

*Magisterium enim est* (dicente *Theoph. Paracelsus*) *quod ex rebus extractum est, sine separatione & præparatione elementalí, quod fit additione aliarum rerum.* Vide Archidoxa de Magisteriis. Quandoquidem horum pulverum indubitatum ex tota substantia commodum expectatur. Non autem opus est, ut hisce immoremur, exemplo Bezoartici lapidis edocti, qui ventriculum ingressus, à succis acidulis ibidem contentis, & calore nativo, solvit, ut quam primum operationem suam pote sequatur. Noster enim pulvisculus eandem quoque subit alterationem citra magnum moræ dispendium, & ab iisdem succis & calore fermentatus in actum ducitur.

Hac autem serie pro rei exigentia Medicus præsens industrie disponat, habita ratione præcepti nostri, supra à me memorati.

Cocci Maldivensis Medullæ pulveri, ut & putaminis, nec non corticis intermedii,

Dragmæ unius pondus admisceri poterit.

- I. Syr. de Betonica, Violaceus, Capill. Veneris, infus. Fl. Tunicae, Iulepus rosatus, Syr. Limonum, de Alth. Fernelii, Borraginis, è succo Citri, è succo Card. Scabiosæ, Granatorum, Myrtin. de Mentha &c. 3 j. s. pondus.
- II. Aqua Cardui-bened. Menthæ, Melissæ, Portulacæ, Acetosæ, Artemisiæ, Borraginis, Buglossæ, Ruthæ, flor. Tiliae, Roris Solis, Rosarum, Agrimonie, florum Liliorum convallium, Primulæ veris. Vel decoctum ex hisce, 3 ij. aut circiter.

Atque ex hisce simplicissimam medicamenti è Cocco compositionem colligere est.

Immiscetur porro com- positis.	I. Opiatis,	{ Theriacæ, Mithridatio, Diascordio,	{ Paribus dosibus cum aquis & syrupis requisitis.
	II. Pilulis,	{ Cephalicis, Stomachicis, Hepaticis, Pectoralibus, de	{ Dosibus justis.
		{ Cynoglossa, & Ladanis Chymicis,	
		{ Cephalicis, Cardiacis, Pectoralibus, Hepati, Ventriculo, Vesicæ,	{ dicatis.
	III. Conservis,	Solidis,	{ Rotulis cum pulver. El. Cordial. Restaurantib. succis è cochleari.
	IV. Electu.	Liquidis,	{ Conf. Alkermes, Conf. Hiacynthorum, { paribus dosibus.

Ex simplicibus præterea specificis & Alexipharmacis feligere licebit ea, quæ prudenti Medico ad constructionem Bolorum, Electuariorum, Rotularum seu Tabellarum facere videbuntur: quibus Medullæ Cocci Medici, Corticis intermedii, & ipsius Putaminis pulvisculus adjungi possit. Veluti sunt:

Acetosæ semen deglubatum, quod pistillo ligneo in marmoreo mortario præstatutum à rel-

ligiosioribus Pharmacopœis,

Ambræ griseæ grana tria quatuorve,

Antithoræ radicis pulviscul. 3 j. Vide Ant. Guainer. de peste.

Bolus Armenus verus,

Bezoarticus Lapis utriusque Indiæ,

Bistortæ radix,

Cornu cervi, præparatum ut infra docetur.

Cornu Afini Indici, cuius præconia C. Barthol. profert.  
 Cinnamomum eleatum.  
 Caryophyllon Plinii. Quod si veterum dixerim esse Amomum, non multum aberrare: alibi,  
 Cassia lignea.  
 Croci 3 j. non ultra.  
 Cerasorum dulcium nuclei.  
 Drakenæ radicis pulvris 3 j. vocatur Contrayerva.  
 Ebur nativum & fossile. videatur C. Bartholin.  
 Hiacynthus gemma. pondere 3 lb præparatus.  
 Ligni aloës 3 j.  
 Lapilli pretiosi ferme omnes, præparati, pondere 3 lb. quales sunt, Topasius, Rubinus,  
 Granatus, Sapphyrus, &c.  
 Mosci Orientalis grana ij. aut iij. sit dosis.  
 Monocerotis cornu, præparatum ut infra dicetur.  
 Margaritæ præparatæ vulgari modo.  
 Marga selecta seu Bezoar minerale. Vide Bauhin.  
 Pæoniæ maris radix, ejusque semen mundatum, 3 lb pond.  
 Petasitidis radicis pulvisculi 3 j.  
 Persici nuclei.  
 Smaragdus ad 3 j.  
 Santalum citrinum.  
 Scorzoneræ radix.  
 Scordium.  
 Rhinocerotis cornu. Vide Ant. Schnebergerum in Cat. Med.  
 Terra Lemnia.  
 Tormentillæ radix.  
 Tiliæ florum pulvisculus.  
 Viscus quercinus.  
 Vngula Alcis exhibita & applicata.

Adverbia porro tria *Cito*, *Tuto*, *Iucunde*, plus opis & auxilii præstabunt, quam tres instructissimæ officinæ. Ego ingrata omnia illubens immisceo alexipharmacis, cum *tutius* & *jucundius* suavia quam *Bæpūodua* operentur, & cordi robur potentius afflent. Porro venenum assumptum, aut ejus saltem suspicio, dilationem, minus quam venter famelicus, imo nullam, patitur. Quare quod præ manibus est quam *citissime* in usum vocandum. Simplicium autem memoratorum, quibus ponderis signum additum est, habenda ratio, cum dosim unam tantum hoc nomine intellexerim. Cæterorum vero in dosi non peccatur.

Formularum porro magistralium diversitatem adnecto.

*In Capitis vitiis gravioribus, uti & nervorum, Epilepsia, Paralyssi, Convulsionibus, Tremoribus crudelibus &c.*

ꝝ Pulveris Medullæ Coccii Medicæ (utpote potioris partis) 3 j. Confectionis Alkermes & Hiacynthorum ana 3 lb. Visci querri & ungulæ alcis ana 3 j. cum Syr. de Stœchade, Betonica, aut julepo rosato. F. Bolus una vice assumendus, & repetendus ubi visum fuerit.

Aut F. Potiuncula cum aq. melissæ, & Syr. limon. &c. seu Conditum Magistrale cum syrupis & conservis cephalicis & pulveribus.

*In Dysenteria cruenta, & Torminibus: facta ante præparatione debita per Rheum & Clysteres.*

ꝝ Corticis intermedii Nucis Medicæ 3 j. (si defit, Medulla aut Putamen vicem suppleat) Terræ Lemniæ, Lapidis Bezoartici Orientalis & Bistortæ radicis ana 3 j. Syr. de succo Portulacæ parum, ad consistentiam. Bol. F. & insuper adjectis requisitis, Conditum, Potio, & similia.

*In difficiili Partu.*

**¶** Pulveris Medullæ aut Corticis intermedii , aut Putaminis 3 j. Borracis 3 fl. Cas-  
siæ ligneæ aut Cinnamomi selecti 3 j. Croci Orientalis, & Ambræ griseæ, ana grana  
v. Syrupi de Artemisia 3 j. Decocti radicum Tormentillæ, aut Caryophyllum Pli-  
nii , q. s. F. Potio.

*In Peste & Febribus malignis Contagiosis.*

**¶** Cocci Maldivensis 3 j. Seminis Acetosæ mundati 3 j. Syrupi è succo Granato-  
rum acidorum , aut Scabiosæ, aut florum Tunicæ 3 j. Diascordii Fracastorii 3 j. Deco-  
cti radicum Petasitidis , Scordii & Scorzoneræ, aut aquarum Borraginis , Buglossæ,  
q. s. F. Potio.

*In Coli doloribus & aliis Intestinorum vitius.*

**¶** Medicæ Nucis nostræ quantum in præcedentibus dictum est (ea enim dosis est  
concinna) Mithridatii Damocritis 3 j fl. Pulver. Drakenæ radicis & nucleorum Per-  
fici Mali aut Cerasorum ana 3 j. Syr. de Mentha majori 3 j. Decocti aut Aquæ Melif-  
fæ, Ruthæ, aut similis , q. s. F. Potio.

*In Veneni assumptione variae formulæ pro natura veneni.*

**1** **¶** Ol. Amygdalarum dulcium rec. expressi 3 j. aut 3 j. fl. Lactis Ovilli aut Vac-  
cini aut Caprilli 3 v. pulveris Eboris nativi, aut fossilis, aut præparati per vaporem  
Cordialium 3 fl. F. Potio cum 3 j. Cocci.

**2** **¶** Theriacæ & Cocci Maldivici ana 3 j. Pulv. Bezoartici Occidentalis , aut mi-  
neralis, seu margæ selectæ 3 fl. aquæ aut decocti Cardui benedicti q. sufficit. F. Potio.

**3** **¶** Pulveris nostri Cocci cujus-tandem-cunque partis 3 j. pulv. Smaragdorum  
aut è pretiosis quinque 3 j. Emulsionis ex frigidis Seminibus , Amygdalis amaris ,  
s. a. aq. florum Tiliae factæ 3 v. F. Potio cum Syrupi violati 3 j. fl. ad saporis gratiam &  
mitigationem.   
Hactenus.

*Hiacynthorum Confœctio nostra , huc spectans.*

Vere cardiaca , cum primis utilis : cuius dragma una commisceri potest pulvi no-  
stro, Cocci Putaminis, Medullæ, aut Corticis intermedii.

Hujus autem accuratam excerpti ex Mercati, Venetorum & Montispeliensium An-  
tidotariis descriptionem , nostræ patriæ aptatam & à D. D. Collegis meis omnibus ap-  
probata & Antidotario speciali nostro aliquando inserendam ; cuius specimen Do-  
ctiss. N. Fontanus Collega noster anno præcedente exhibuit.

**¶** Hiacynthorum præparatorum. 3 viij.  
Boliveri Armeni, Coralliorum rubrorum præparatorum. Terræ Lemniæ. Bezoartici  
lapidis Orientalis. Smaragdorum. Rubinorum. Granatorum. Sapphyrorum. & To-  
pasii, præparatorum. ana 3 iij.

Coriandri præparati aceto. Cortic. rad. Pentaphylli. Tormentillæ. Coralliorum  
alborum præparatorum. Ligni aloës præstantis. Granorum Kermes. Spodii præpara-  
ti. Rad. Diptami. Sem. citri mundati. Rosarum rubrarum ab unguibus purgatarum.  
Rad. Caryophyllatæ odoratæ. Summitatum Scordii. Caryophyllorum. Seminis Ace-  
tosæ mundatæ. Portulacæ. Florum Buglossæ. Violarum. Rasuræ Eboris. Sem. Endiviæ.  
Margaritarum præparatarum. Cornu cervi citra ustionem præparati. Santali Rub.  
Albi. Citrini. Radicum Scorzoneræ. Carlinæ. Ossis de corde cervi , & Vinceto-  
xici. ana 3 j. f.

Caphuræ. Ambræ griseæ, & Mosci Orientalis ana 3 fl. Bractearum auri. num. xxx.  
Syrupi de succo Citriorum aut Limoniorum , q. s. aut 3 xxiv. F. Confœctio.

Hæc tempore æstatis à fermentatione, quæ mensis spatio peragitur, syrupi præscripti

Vnciarum trium aut circiter augmentum requirit, & vitro vase adservatur, citra situm aut ullam corruptelam.


Atque hæc Officinæ artificiis ad habilitatem idoneam transferuntur; quæ sequuntur, naturæ ipsius industria commoditatem fere acquirunt. Observatu enim non indignum, quod à Ruscia Imperatore quodam, ante annos forte centum, dens Elephanti multis Alcis coriis circumvolutus, & consutus, terræ gremio commissus est; cuius tandem copia (casu ita ferente) huic Imperatori facta dicitur; qui fundamina ædiunii in Regia sua jaciens Thesauro se bearri credebat, cum erueretur: multijugis autem coriis hic solitus Thesaurus, dentem aperuit librarium forte quadraginta; cuius ossa prius & quasi lapidea (qualis dentium est) substantia, tota ferme conversa erat in medullæ compagem faxorum margæ non absimilem, dentibus friabilem, atque manu solubilem; denique in Bezoartici lapidis substantiam Medicinæ aptam. Quibus gavisus Imperator, & posteritati eodem munere prospectum volens, novum ejusdem rei experimentum conditorio facto sumere statuit. Accedit & hoc, quod in Borussia in summis cerevisiarii ædibus cornu cervinum fuit repertum, cuius, ob continuum quinquaginta circiter annis vapidi halitus afflatum, cornea durities in mollem & pulposam versa erat. Ita experiundi & Medicinæ dotes investigandi ansam casus præbuit; et si non semper lubrica sors se interponit, postquam Naturæ potentia limitibus nullis circumscripta, in perficiundis miraculis nunquam ignavescit. Sed hæc Naturæ effecta, multo ad maturandum tempore opus habentia, artis adminiculo velut præcoccia reddi queunt, si legitima administratione opus instituatur. Quod sequenti exemplo documentum inventit, quo ossa, cornua, dentes, trium septimanarum spatio in aliam substantiam verti posse declaratur. Modus autem accelerandæ præparationis, sequentium digestu apparet. Ossa enim, Cornua, Dentes, Cranium, scilicet Humanum, Lrides è piscis Phocæ aut Manati capitibus, & Balenæ instrumentum auditus, lapideæ prorsus duritie, quod à forma Anatomicis Concha apte dicitur; ea, inquam, caput Alembici filis æneis constringere debent, ut firmiter inhærent. In Vesicam vero subiectam induntur Cardiaca, velut Melissa, Mentha, quælibet denique herbæ, & flores aut ligna odorata; quæ justam aquæ multitudinem nausta tâ cautione locari debent, ne Alembici interiori partem ebulliendo contingent. Ignis vero continuo alimento fovendus est, ut in opere hoc nullo moræ interpositu perpetuari possit. Ita totum translationis in aliam substantiam negotium trium hebdomadarum spatio absolvitur; & quæ ob duritiem contumacia reddebantur, in teneram compagem transvecta cernuntur. Cuius secreti tanta haec tenus majestas fuit, ut participes futuri juramento se obstringere coacti sint, nunquam illorum opera mysterii arcana in lucem ventura.

Lectorum diutius detinere non fert animus, cum quæcumque curioso naturalium rerum indagatori non minus ac Medico Theorico & Practico sufficere valent, pro viribus meis obtulerim; & prospere semper quilibet Cacci Maldiv. in morbis exhibitiones aut præbia (ut cum Festo loquar) evenire animadverterim, dotes illius non solum efficaces admodum, sed etiam tutæ, admirabiles incredibileisque celebrantur. Quare vera cum gloria prædicare non dubito, Antistitem Alexipharmacorum Coccum nostrum esse, experimentis indubitatis non fallacem. Quæ stentorea voce ex veritatis suggestu deprompta à me cum dicantur, nemo consternato animo esse debet, velut pueri vocum terriculamenta exhorrescere solent, postquam facilis ad fidem accessus in rem eunti patescit. Iure autem merito, dixerim Cacci, nostri maris accolæ & velut novi coloni, accessu, rei medicamentariæ pomœria immensum dilatata ornatius splendere. Quod ipsum si de Ephemero Insecto affirmem, nulla veritati laniena inferetur: Etsi ob veneni pervicaciam minus tuta illius administratio est, in morbis præsertim & tædiis viscerum internis, in quibus summa cautela, magis ut deseratur, quam ut applicetur, opus habet. Nam in externis ad explorationem non adeo intuta experimenta offeruntur. Sed Ephemerus noster in aliud diarium transferri debet, postquam præsens laboris nostri peculiū est, Cocco nominalia sua & lustricum diem statuere. Quod serotino quidem studio aggredi contendō, sed non contemnenda ratione impulsus. Quippe levicula nominis explicatione operis frontispicium obsidere non volui, dum majoris momenti res se calamo nostro ingererent, in quibus Medicus & Naturæ indagator solers, non grammaticus, aut locutuleius oscitabundus, armos suos experiri posset. Palma Coccifera Indica, non sicut Veteribus nota. Videatur Clarissimus *Salmasius* qui rationes affert, Pag. 1321. excitatione-

citationum Plinianarum. Indi Nucem Indicam vulgarem *Care* & subinde *Cocoibne* & *Coc* vocant ; quod nomen Lusitani syllabæ augmento bearunt. Hispanico enim flexu Cocco eam indigitant. Sed neque rationis expers appellatio est ; quippe ideo huic fructui nomen hoc dederunt , quod tria foraminum vestigia in summitate perpetuo monumento conservat , quibus Cercopitheci aut similis animalis faciem repræsentat , quæ oculorum cavis atque oris rotunditate distingui solet. Quod ipsum Garcia adstruente robatur , qui hac Etymologîæ ratione commentum suum defendit. Minus firmum vero est ideo Nuci vulgari , *Cocco* , nomen datum esse , quod Simia talis soni vocem gutturis applicatione , præcipue irritata , promere solet. Si enim ne ipsa quidem Simia ob hanc vocis articulationem *Coccus* nuncupatur , iniquius in fructum , qui foraminum modo vestigiis Simiæ assimilatur , onomatopœia hæc transferetur : sed quid diutius quam par est , circa hanc levitatem distringimur ? postquam ex Græcorum armario vera nominis ratio derivari potest. Κόκκος enim illis non omne granum , sed rotundum aut ovi forma effigiatum denotare solet. Etsi Ant. Nebricensis in Dictionario suo Latino-Hispanicus affirmat , generali significatu granum ita describi. Qui vir Græcarum literarum cum Latii secretis experientissimus fuit , unico in fidem vocando Iuvanale , cuius Satyras commentariis suis olim illustriores reddidit. Quo verborum complexu definiri potest , Coccii nomen ex Græcorum abundantia ad Latinorum penuriam derivatum esse. Aquitani *Cocco del you, ou escrovello* , ovi putamen aut corticem , & *Cocco in grano* , excrementum illud Ilicis bacciferæ , granum infectorium , κόκκον βαριτόν , vermiculis etiamnum prægnans , vocant. Κόκκαλοι Nuclei Pini indigitantur. Ricini grana χολητικά dicuntur Græcis , quod bilem evacuent. Hebraeorum *Coac* , quasi *Cac* , *Coccum* denotat , referente Guiccardino in Harmonia Etymologica sua. *Care* fructus seu *Coccus insularibus* Mald. est nuncupatus ; quid *Tavar* significet , ignoratur : Si nostra Nux Medica *Tavar caré* in *Tamar caré* mutari posset , Coccorum palmam denotaret per excellentiam , unius literæ mutatione. Coccorum arbor , ut & *Dactylorum* , *Palmæ* denominationem habent , ut Principes inter congeneres : Palma autem quasi Parilema à pariendo nuncupatur , *Varrone* teste , & *Carolo Stephano* , in Vineto suo , pag. 5. Gemma ὁφθαλμὸς Botanicis autoribus oculum & germen significat , translatione à Lapillis pretiosis. Germen interim dupliciter accipitur ; primo ut Gemma quæ solubilis è carne Nucis eximi potest , quam *Pyrard* Gallice l'amande , totam nempe medullam , vocat ; secundo ut apex *Palmæ vulgaris*. Garcias Indos dicit Palmarum germinibus vesci , quorum collectio præcipue fit , cum cæduntur arbores ad ædificia fabricanda , ut esui sint. Expetuntur & *Dactyliferarum* à Formicis , teste *Plinio* , cum jactura arboris , quia non ferunt decacuminationem : gratiora longe sunt palato , quam aut *Castaneæ* molles , aut humiles *Palmæ* , quas vulgo *Palmites* , Itali *Cefaglioni* vocant. Quo etiam vetustior est Palma , eo tenerius & delicatius germen producit ; at eo sublato perit Palma. Hinc fit , ut qui hujusmodi germen edit , non immérito Palmam vorare dicatur. Datur , teste *Pyrardo* , species quædam *Palmæ* seu Nucis Indicæ præter vulgarem ; cuius primitivus fructus , ad instar Pomi nostratis , tota substantia edulis , teneritate & suavitate acceptissimus ; verum inventur rarer & quanto antecellit vulgarem primis incrementi mensibus , tanto , ubi maturitatem consequitur , deterior & ineptior usibus. *Mollusca* , ex sententia *Ruellii* , molliore ac teneriore carne fructus dicitur , aut Malum cum primum fugax , quale Persicum est. *Gesnerus* Nucem Molluscum inter Iuglandes ponit quæ molliore est putamine ; quod Amygdalis quibusdam etiam familiare , cum ex lenissima digitorum compressione frangantur. Et quandoquidem hæc sola *Pyrardi* inter Indicas Nuces putamen ipsum molle & vescum habet , mihi in Lexico Botanico meo bilingui necdum evulgato *Mollusca* cognominatur : è contra *Moracia* , *Moracilla* , vulgaris Indica Nux , propter durum putamen , à frangendi mora. Palmarum quotquot sunt species , exhilarantur flore ; secus ac tristes arbores , quæ sine eodem annorum gaudia non sentiunt. Flos vulgaris luteo fulget colore , magnitudine fructui æqualis. Quid autem de Maldivensis Medicæ flore dicendum sit , adhuc sub Iudice lis est , postquam nulli plantam & florem vidisse contigit. Impellor subinde ab amicis , ut Mald. minorum species aliquot proferam ; quia fama percrebuit , apud plurimos Nostrates , qui in Indiæ diversis locis vixerunt , dari varietatem aliquam Coccorum , eosque Maldivensium titulo , forte ob effecta aut faciem , beati volunt. Ego , ut verum fatear , non agnovi , neque in museo meo coacervavi fructus Palmarum aut Coccorum congeneres , præterquam quinos

aut senos ; quos tamen minus Maldivensi conferre , quam Murem Elephanto compara-  
re licet: quorum descriptiones præsentis laboris non esse volui. Exempli gratia, Fami-  
geratissimi *Mathioli* Cuciophora , nec non alterius Palmæ fructus, vere bacciferæ, huc  
advocandi non sunt; quorum amborum & plurium præconia cum iconibus mecum (ut  
spero) non moritura sunt. Neque inconcinne ad Palmarum classem referendus fructus,  
quem tabella exprimit Clarissimus *I. de Laet*, durissimo & lignoso putamine , quo duæ  
Nuces continentur , mole pugni unius ; nec non alter, *Totocke* dictus , cuius idem ac-  
curatissimam descriptionem profert: Hujus autem fructus integri vicenis nucibus præ-  
gnantis iconem sum exhibitus, si Deus vitam protrahat. *Theophrasti* vero, *Plinii*, *Abi-*  
*nzenna*, *Serapionis*, tam Medicorum, quam Historiographorum, atque etiam Neote-  
ricorum sententiis ad amissim perpensis , & ipsissima rerum indagine servata , ponsum  
meum cum bono Deo absolvere conor. Interim Pæonio Medicamento nostro Maldi-  
vico , maximopere utilissimo , suavissimo , imo manui quasi Dei operantis tutò , citò , ju-  
cundè , satisfactum pro viribus opinor.

## F I N I S.



## I N D E X

I N D E X

R E R V M E T V E R B O R V M

In Historia Nat. Ind. Orientalis Notabilium.

A.			F.	
<b>A</b> Bada.	50	Carambolas fructus.	102	
Abrus Alpini.	136	Carandi fructus.	93	
Acajù arbor.	193	Cardamomum minus.	126	
Acetosa.	114	— Majus.	127	
Achar Condimentum.	183, & 186	Caryophyllum vulgare.	177	
Achiote arbor.	199	Caryophyllum spicatum.	179	
Acole.	202	Cassia & Canella differentie.	166	
Aér matutinus.	4	Cassia Caryophyllata.	169	
Aéris temperies calida & humida.	3	— Natale solum.	171	
Aéris insalubritas.	3	Causa frequens morborum.	5	
Æstatis & hyemis differentia.	4	Cayman.	53	
Æstatis initium pluviosum.	4	Celebes Insula.	85	
Alburnus.	7	Cervi.	6	
Alkanne.	142	Ceylon Insula.	167	
Alkekengi fructus.	149	Chamaleon.	58	
Amphisbena Serpens.	77	Champidaca fructus.	199	
Ananas fructus.	145	Champacca flos.	140	
Anguilla.	76	Chilli.	200	
Anguillarum usus suspectus.	7	Chocolatea.	196	
Anni tempora non nisi duo sunt.	4	Cholera morbus.	21	
Aqua potus qualis esse debeat.	8	Colocassia planta.	144	
Arac potus qualis.	19	Compositio Chocolatea.	201	
Arbor spinosa.	92	Conger.	75	
Argentei styli efficacia mira.	85	Conger monstrofus.	76	
Aromatum usus.	9	Conifera arbor.	97	
— Abusus.	184, & 185	Coquo.	45	
Arundo Mambu.	185	Cornu Alcis planta.	121	
— Rotang.	188	Corvus.	62	
Asellus piscis.	77	Coryus Cornutus.	64	
Assa foetida sive Altith.	41	Coturnix.	65	
Astacus.	83	Courap sive Impetigo.	32	
Atrophia.	20	Cranium Rhinocerotis.	51	
Aura marina salubritas.	4	Crocodilus.	55	
Avis montana salubritas.	5	Croci extracti laus.	20	
Avis amphibia salubritas.	5	Curcuma.	116	
B.		Cynara.	145	
		Cyperus.	134	
		Cyprinus saxatilis.	74	
D.				
<b>D</b> Elphinus.	72	E.		
Dissertatio de morbis Ende-				
miis.	40			
Doulontas frutex.	113			
Dronte avis.	70			
Duriones fructus.	118			
Dysenteria.	19			
<b>E</b>				
<b>E</b> Meu avis.	71	L.		
Empyema.	28	Acerta Gecco dicta.	57	
Errores veterum circa aromata.	163,	— Leguan dicta.	56	
	& 164	— Volans.	59	
Eryngium.	151	— Squamosa.	60	
Esula.	153	Lada Chiliplanta.	130	
Exercitia corporis.	13	Lamia jecur.	30	
Extractum Guttæ gemou.	25	Lance fructus.	101	
		Lanigera arbor.	159	
		Laurus		
<b>C</b>				
Acavifera arbor.	197, & 198			
Cacao fructus.	198			
Cacap piscis.	74			
Cecitas in Indiis.	31			
Calumbac.	43			

## INDEX RERVM ET VERBORVM.

Laurus.	99	O.	Ricinus.	130
Legumina.	135	Observatio De Spasmo.	Rosa.	141
Ligustrum.	142	De Phthisico.	S.	
— Alterum.	143	De Dysenteria.	S.	
Lupinus.	139	De Empyematico.	Sacar.	185, & 186, & 187
Lysimachii species.	159	De Craniisfractura.	Sago placentia.	34
Lycium seu Cate.	92	De Chronicis morbis.	Saguer potus.	34
M.		De Vena Cava adipe repleta.	Salvia arborescens.	157
Macandon.	97	De Apostemate Hepatis.	Sambucus.	108
Macer Veterum.	175	De Vulnere Capitis.	Sanguinis missio qualis.	13
Macis.	175	De Catarrho Suffocante.	Scabiosa.	158
Milium.	199	De Vulnere Pectoris.	Scarabæi.	56
Mala Aurea, Citrea, &c.	12	De Dysenteria Epidemica.	Scarurus pescis.	73
Mala Cydonia.	98	De Febre ardenti.	Scolopendra.	56
Maldivie Nux.	203	Obstructio Hepatis.	Scorpio.	56
— ejus vis antidotalis.	211, & 214	Olera Iavana.	Secamone Alpini.	138
Mandr agora.	10	Onocrotalus.	Sedum arborescens.	124, & 125
Mangam fructus.	116	Oryzae usus suspectus.	Sentiens herba.	119, & 120
Mangifera arbor.	94, & 95	Ostracoderma.	Sepia.	80
Mangostan fructus.	115	Ostrea.	Serpentes in genere.	76
Mecaxochitl.	200	Ourang Outang, homin silvestris.	Simber planta.	121
Melonifera arbor.	96	P.	Sirii pinang.	90
Milium Solis.	152	Palæ.	Solani species.	123
Molanga sive Piper.	180	Palæ Mæfri.	Somnus meridianus.	13
Moluccenses Insulae.	177	Paliurus Aegyptius.	Sorbi species.	103
Moly flos.	142	Papao.	Spasmus popularis.	18
Montes ignipomii.	85	Papula rubentes.	Spinosa planta.	106
Mugil.	7	Paris arbor.	Squilla.	81
Murana.	7	Pastinaca marina.	Sturnus.	67
Myrobalanus.	110	Pavones.	T.	
N.		Phaseolus quadratus.	Abaxir.	185, & 186, & 187
Aphtha.	17	Pimpilin sive Piper longum.	Tamarindi.	93
Naturæ miracula.	85	Phyllitidis species.	Tavarcare.	203
Nautilus pescis.	79	Piper Aromaticum mas.	Telephium.	132
Nidi hirundinum.	66	— Fæmina.	Tenesmus.	21
Nimbo.	99	— Album.	Testudo squamata.	82
— Altera.	100	— Canara.	The five Tchia.	87, & 88, & 89
Ninjin Radix.	194	Pisces marini.	Thsinka.	177
Note in Garciam ab Orto de Assa		— Fluviales.	Thynnus.	72
fætida.	41	— Testacei.	Tigris.	52, & 53
— De Opio.	41	Pisciculus cornutus.	Tinca marina.	78
— De Gummi Benzoin.	42	Plantago Aquatica.	Tlaollis.	199
— De Lacca.	42	Polypodium.	Tlilxochitl.	200
— De Tutia.	43	Potus compositus.	Tophi Endemii.	33
— De Ligno Aloës.	43	Potus simplex ex arboris succo.	Tovat potus.	9
— De Santalo.	43	Proslvium alvi.	V.	
— De Maci.	44	Psittacus parvus.	Aynillas.	200
— De Pipere.	44	Pulmonis vitia.	Veneni mira efficacia.	85
— De Nuce Coquo.	45	— Curatio.	Verbena.	150
— De Nardo.	45	Purgatio humorum.	Veronica.	129
— De Cofta.	46	Pynang nux.	Vespertilio monstrosus.	69
— De Ligno Colubrino.	46	Q.	Vinea Taminea Plini.	108
— De Lapide Bezahar.	47	Vercus.	Vinearum in Iava ubertas.	12
— De Lapide Porcino.	48	Q.	Vini Hispanici prærogativa.	8
— De Arbore tristis.	49	R.	Vlli resina.	200
Nucis Myristica noxa.	10	Raiæ.	X.	
— Laudes.	173	Ramponstan fructus.	Ochinacatlis planta.	100
Nux Myristica m.w.	176	Raphanus.		
Nymphaea.	128	Rhinoceros.		
		Rhomboides pescis.		

F I N I S.

Pisonis e Marcgravi.

Os nossos exemplares são perfeitos, como novos. O da "Historia Naturalis" está encadernado numa magnifica encadernação da epoca em pleno couro, lombo com seis nervos, entre cada um, no meio de um duplo-filete dourado, se vê um monograma. Nos rostos, em um grande oval, estão as armas do primitivo proprietario, sob as quaes se lê a devisa : " non est mortale quod opto".

O exemplar da "Indie ..." está/encadernação primitiva em pleno pergaminho, o titulo no lombo foi gravado á ouro entre ornamentos num tacelo/<sup>de mano</sup> vermelho.

Se a encadernação deste volume é mais modesta, em compensação contém a seguinte dedicatoria do proprio punho de Piso : "Clarissimo doctissimoque viro Francisco Schage M.D. apud Amstelodamenses Practico felicissimo, Collegae et Conterraneo Clarissimo, haec momenta desultoria in amisticæ fesseram offert G.Piso"

Das duas obras a mais procurada é a "Historia Naturalis". Ambas prém não se encontram com muita facilidade.

Exemplares como estes são excepcionaes.



10/18/07

# INDEX RERVM ET VERBORVM.

<i>Laurus.</i>	99	<b>O.</b>	<i>Ricinus.</i>	130
<i>Legumina.</i>	135	<i>Observatio De Spasmo.</i>	35	
<i>Ligustrum.</i>	142	<i>De Phthisico.</i>	35	
— <i>Alterum.</i>	143	<i>De Dysenteria.</i>	36	
<i>Lupinus.</i>	139	<i>De Empyematico.</i>	36	
<i>Lysimachii species.</i>	159	<i>De Craniifractura.</i>	36	
<i>Lycium seu Cate.</i>	92	<i>De Chronicis morbis.</i>	37	
		<i>De Vena Cava adipe repleta.</i>	37	
		<i>De Apostemate Hepatis.</i>	38	
		<i>De Vulnere Capitis.</i>	38	
		<i>De Catarrho Suffocante.</i>	38	
		<i>De Vulnere Pectoris.</i>	39	
		<i>De Dysenteria Epidemica.</i>	39	
		<i>De Febre ardenti.</i>	40	
		<i>Obstructio Hepatis.</i>	22	
		<i>Olera Iavana.</i>	12	
		<i>Onocrotalus.</i>	67, & 68	
		<i>Oryza usus suspectus.</i>	7, & 31	
		<i>Ostracoderma.</i>	84	
		<i>Ostrea.</i>	83	
		<i>Ourang Outang, homō silvestris.</i>	84	
		<b>P.</b>		
		<i>Palau.</i>	175	
		<i>Palau Metfori.</i>	176	
		<i>Paliurus Aegyptius.</i>	111	
		<i>Papain.</i>	97	
		<i>Papula rubentes.</i>	33	
		<i>Paris arbor.</i>	49	
		<i>Pastinaca marina.</i>	6	
		<i>Pavones.</i>	63	
		<i>Phaseolus quadratus.</i>	137	
		<i>Pimpalin sive Piper longum.</i>	182	
		<i>Phyllitidis species.</i>	122	
		<i>Piper Aromaticum mas.</i>	180	
		— <i>Fœmina.</i>	181	
		— <i>Album.</i>	182	
		— <i>Canara.</i>	182	
		<i>Pisces marini.</i>	6	
		— <i>Fluviales.</i>	7	
		— <i>Testacei.</i>	7	
		<i>Pisciculus cornutus.</i>	79	
		<i>Plantago Aquatica.</i>	129	
		<i>Polypodium.</i>	195	
		<i>Potus compositus.</i>	8	
		<i>Potus simplex ex arboris succo.</i>	9	
		<i>Prosluvium alvi.</i>	19	
		<i>Psittacus parvus.</i>	63	
		<i>Pulmonis vitia.</i>	27	
		— <i>Curatio.</i>	28	
		<i>Purgatio humorum.</i>	13	
		<i>Pynang nux.</i>	90	
		<b>Q.</b>		
		<i>Quercus.</i>	107	
		<b>R.</b>		
		<i>Ria.</i>	6	
		<i>Ramponstan fructus.</i>	109	
		<i>Raphanus.</i>	12	
		<i>Rhinoceros.</i>	50, & 51, & 52	
		<i>Rhomboides pescis.</i>	6	
		<b>V.</b>		
		<i>Vaynillas.</i>	200	
		<i>Veneni mira efficacia.</i>	85	
		<i>Verbena.</i>	150	
		<i>Veronica.</i>	129	
		<i>Vespertilio monstrosus.</i>	69	
		<i>Vinea Taminea Plinii.</i>	108	
		<i>Vinearum in Iava ubertas.</i>	12	
		<i>Vini Hispanici prærogativa.</i>	8	
		<i>Vlli resina.</i>	200	
		<b>X.</b>		
		<i>Ochinacatlisplanta.</i>	200	

F I N I S.

Pisonis e Marcgravi.


Os nossos exemplares são perfeitos, como novos. O da "Historia Naturalis" está encadernado numa magnifica encadernação da epoca em pleno couro, lombo com seis nervos, entre cada um, no meio de um duplo-filete dourado, se vê um monograma. Nos ~~Rostos~~, em um grande oval, estão as armas do primitivo proprietario, sob as quaes se lê a devisa : " non est mortale quod opto".

O exemplar da "Indiae ..." está/encadernação primitiva em pleno pergaminho, o titulo no lombo foi gravado á ouro entre ornamentos num tacelo <sup>na</sup> vermelho.

Se a encadernação deste volume é mais modesta, em compensação contém a seguinte dedicatoria do proprio punho de Piso : "Clarissimo doctissimoque Viro Francisco Schage M.D. apud Amstelodamenses Practico felicissimo, Collegae et Conterraneo Clarissimo, haec momenta desultoria in amisticiae fesseram offert G.Piso"

Das duas obras a mais procurada é a "Historia Naturalis". Ambas prém não se encontram com muita facilidade.

Exemplares como estes são excepcionaes.



## BRASILIANA DIGITAL

### ORIENTAÇÕES PARA O USO

Esta é uma cópia digital de um documento (ou parte dele) que pertence a um dos acervos que participam do projeto BRASILIANA USP. Trata-se de uma referência, a mais fiel possível, a um documento original. Neste sentido, procuramos manter a integridade e a autenticidade da fonte, não realizando alterações no ambiente digital - com exceção de ajustes de cor, contraste e definição.

**1. Você apenas deve utilizar esta obra para fins não comerciais.** Os livros, textos e imagens que publicamos na Brasiliiana Digital são todos de domínio público, no entanto, é proibido o uso comercial das nossas imagens.

**2. Atribuição.** Quando utilizar este documento em outro contexto, você deve dar crédito ao autor (ou autores), à Brasiliiana Digital e ao acervo original, da forma como aparece na ficha catalográfica (metadados) do repositório digital. Pedimos que você não republique este conteúdo na rede mundial de computadores (internet) sem a nossa expressa autorização.

**3. Direitos do autor.** No Brasil, os direitos do autor são regulados pela Lei n.º 9.610, de 19 de Fevereiro de 1998. Os direitos do autor estão também respaldados na Convenção de Berna, de 1971. Sabemos das dificuldades existentes para a verificação se um obra realmente encontra-se em domínio público. Neste sentido, se você acreditar que algum documento publicado na Brasiliiana Digital esteja violando direitos autorais de tradução, versão, exibição, reprodução ou quaisquer outros, solicitamos que nos informe imediatamente ([brasiliiana@usp.br](mailto:brasiliiana@usp.br)).